

**VIE ET MIRACLES  
DE ST. FRANÇOIS  
DE PAULE  
INSTITUTEUR DE  
L'ORDRE DES...**

---

Claude Du Vivier, Gillis : van  
Schoor





U  
h. y. y.



*minimorum S. Charis in Monticellis*

CHA  
RI  
TAS

VIE ET MIRACLES  
DE S<sup>t</sup>. FRANÇOIS DE PAVLE  
Instituteur de l'Ordre  
des Peres Minimes.

Recueillie et Compassee par le  
R. P. Claude du Vivier, Religieux  
du mesme Ordre, et Predicateur  
Ordinaire de son Altesse.

Reueue, augmentee et enrichie  
de plusieurs choses notables  
par le mesme aucteur.

Dediee

A SON ALTESSE SERENISSIME  
YSABELLE CLAIRE EUGENIE

A DOVAY

De l'Imprimerie de Baltazar Bellere  
Au compas dor. M. DC. XXII.

Avec Priuilege du Roy.

BIBLIOTHECA  
ROM.  
VITICORIO

CREDESCENTIA

CREDESCENTIA



Handwritten text at the top of the page, possibly a title or header, written in a cursive script. The text is partially obscured by a dark, irregular mark.

A single horizontal line, likely a section separator or a decorative element.

A LA  
SERENISSIME PRINCESSE  
*MADAME*  
**I S A B E L L E**  
CLAIRE EVGENIE  
INFANTE D'ESPAIGNE, &c.



*MADAME,*

BIBLIOTECA NAZ.  
ROMA  
VITTORIO EMANUELE

*Cet ouvrage repoly, enrichy, & enjolivé, se voiant à (son aduis) de meilleure grace que le passé, qu'il a paru aux yeux de la France: a creu raisonnablement estre obligé, de se consacrer à V. A. S.: non seulement, à fin de se rendre plus recommandable, portant sur le front, la gloire & majesté de vostre auguste nom, pour s'abrier comme sous le laurier de Cesar,*

à 2

des

## EPISTRE

des fouldres de la calomnie. Mais bien plus, pour se veoir fondé, sur deux puissants tiltres. Les merites de V. A., & les obligations de l' *Authheur*. Merites á la verité, qui meritoiët bien un style plus releué que celuy cy, pour soustenir iustemët leur recit. Mais puis qu'il n'est ny de vostre modestie, ny de mon humeur, de tirer ceste lettre en Panegyrique: scachant bien, que louer une sage Personne en face, c'est luy toucher la prunelle de l'œil: Je laisse ceste tasche aux aultres, pour admirer neätmoins plustost, que pouuoir specifier par le menu, les vertus heroiques, qu'on veoid reluire en vostre ame royale, parmy tous les embarras d'une souveraine grandeur. Qui va donc publiät, le tendre amour que portez à vos subiects; lesquels vous regardent plustost comme une treschere Mere, qu'une si gran-

# DEDICATOIRE.

grande Princesse. Qui chérit, honore,  
 Et redoute ensemble, ceste majesté, si  
 diuinement bien meslée de vostre  
 clemence, Et humilité: pour contenir  
 aultant les grands en leur debvoir,  
 comme pour s'appriuoiser les petits, Et  
 s'obliger ainsi, les vns Et les au-  
 tres. Ces pauvres, racontent les œu-  
 ures de misericorde, qui comme ruis-  
 seaux descoulent de vos mains tresli-  
 berales; comme si ceste Cour, estoit  
 une corne d'abondance. Ces affligez,  
 louent tout hault la iustice, qui les  
 releue puissamment, des persecutions  
 de leurs parties aduerses: Et iugent  
 vostre Palais, estre comme ces an-  
 ciens Temples, ou Citez de refuge.  
 Les Politiques, Et hommes d'estat,  
 racontent la singuliere prudence, mais  
 qui paroist à tous, en la perilleuse con-  
 duite de ces estats: desquels comme

## EPISTRE

*sage Pilote, tenez seule le gouvernail: ce  
 qui sèble faire reuiure, la sagesse, le cou-  
 rage, & la valeur des Roys, & Empe-  
 reurs, qui vous ont precedé Mais les  
 ames Religieuses, vont s'estonnants si  
 ce palais est une Cour, ou un Cloistre.  
 Car la vertu du mode, qui d'ordinaire  
 hante moins les Cours, c'est la deuotiõ:  
 à raison dequoy és Cantiques de Salo-  
 mō, ceste diuine Pucelle, amoureuse du  
 silēce, & repos: bien cōtraires aux tin-  
 tamarres des Palais, a receu ceste fa-  
 ueur, de son Espoux celeste; que de luy  
 faire cōiurer toutes les creatures, pour  
 ne la troubler en ses exercices, & entre-  
 tiēs familiers avec son Dieu. Et toutes-  
 fois, on veoid vostre Cour, un semi-  
 naire de vertu, une pepiniere de deuo-  
 tion, & un Oratoire de l'oraison: aussi  
 parfaitement pratiquée, cōme és plus  
 reformez Cloistres. Car quelque affai-  
 re d'estat, que V. A. aye sur les bras, soit  
 en paix,*

*en paix, soit en guerre; si dōne elle tous-  
 siours, cōgé à sō cœur, de s'eschapper de  
 la foule des affaires, pour gagner vers  
 le Ciel; Et s'entretenir avec Dieu, en  
 plusieurs Et diuerses heures du iour. Le  
 couure du silēce, les aultres discours sē-  
 blables, biē que veritables, pour cōclure  
 en un mot: que ces rares, Et exquisēs  
 perfectiōs, qui embellissent vostre ame:  
 la soufleuēt, à un degré de gloire si emi-  
 nēt, que tout ce qu'on y peut cōtribuer,  
 est bien loing, au desoubz de vostre me-  
 rite. Car comme on peut dire, Et avec  
 verité, que feu Monseigneur l' Archi-  
 Duc (lequel ie croy bien-heureux) estoit  
 en son tēps, le diamāt entre les Princes:  
 ainsi sera la mesme verité, qui vous re-  
 cognoistra, pour la Perle des Princesses  
 de l'Vniuers. Ceste consideratiō seule,  
 n'estoit que trop persuasible, pour li-  
 brement aduouer: qu'un si religieux  
 subiect, que ie traite en ce liure:  
 à 4                      obligeoit*

## EPISTRE

obligeoit son *Authheur*, le consigner entre les mains Religieuses de *V. A.*: puis-que la loy de nature, me porte à ceste croyance, que toutes choses, s'approchent facilement leurs semblables. *A* qui donc iustement pouvoit appartenir, le traitté de la vie, & miracles d'un si grand *Sainct*: qu'à une ame, dont la vie (aultant que sa condition le permet) est sainte: & la prouidence diuine en son endroit, est comme toute miraculeuse? Je dis plus, *Madame*, ce *S. Patriarche* est tout vostre, sa vie, ses miracles, & l'humble seruice de ses enfans, & religieux: puisque vous estes toute sienne, & en la naissance par l'estoc maternel, originaire de *Frâcois premier*, obtenu du ciel par ses prieres: & en l'accueil favorable, dont *V. A.* cherit, embrasse, & gratifie son *Ordre*, en ses *Pais*. Ce sont bien aussi



# DEDICATOIRE.

*aussi les plus puissantes estraintes, qui le serrent si fort, à toute sorte de reconnaissance, humaine, chrestienne, & religieuse: Et moy sur tous, pour m'avoir rangé (bien qu'indigne) au nombre de ses Predicateurs ordinaires. Raison qui m'oblige en particulier, par la dedicace de ce liure, marquer l'affection singuliere, que ie veux & doibs à V. A. en guise de ces Anciens, qui dedioient à Apollo, pour reconnaissance vers ceste pretendue Divinité: les cheueux de leurs enfans (cheueux symbole des pensees) ainsi j'apporte ce petit labeur de mes conceptions, que l'obligation metire doucement des mains: & grave vostre nom Royal, en teste de ce mien petit ouvrage: pour faire veoir à la posterité, que si ie scay ressentir, les obligations que ie vous ay, ie les scay encores faire ressentir*

## ÉPISTRE

*tentir: Et que si quelques uns, vous  
vantent leur service; pour moy, i'e-  
stalleray tousiours mes obligations: te-  
nant à plus de gloire, vous estre hypo-  
théqué, que si plusieurs m'estoient re-  
deuables: me contentant, de protester  
à tout le monde, que ie n'y ay rien de  
plus pretieux, apres le service de mon  
Dieu, que de me conseruer le tiltre,  
qui me qualifie.*

*MADAME,*

Vostre treshumble & tresaffectionné  
seruiteur selon Dieu

F. CLAUDE DV VIVIER.

*De vostre Couuent de Bruxelles.  
ce 8. Nouembre 1617.*

## AV LECTEUR.

**A** MY LECTEUR: Tu t'estonneras peut estre, du grand loisir que ie me suis donné, depuis la naissance de ce liure, iusques au iour de sa reuene, & augmentation. Ie te diray donc librement, que mon insuffisance, qui iadis m'auoit comme reproché vne espee de presumption, en l'entreprise d'un si religieux subiect (qui meritoit bien les conceptions d'un esprit des plus releués entre les nostres) a par raison gaigné sur moy, vn delay de quelques anneés: pour apprendre, & volontiers de qui que ce fut, les vrais, mais non imaginaires defauls, pour les retrancher de cet ouurage. Ie me suis donc pendât ce temps, en guise d'un aultre Appellez, caché derriere mon tableau: & escouté patiemment, l'aduis des passans. Mais tu aurois peine à croire, combien Momus a d'enfans sur terre, pour censurer, ceux qu'ils ne peuuent imiter: leur estant aussi facile de reprendre, comme il leur est impossible faire mieux. Qui va disant, que ceste hystoire est trop longue en discours; se rendant plus admirable pour sa grandeur, que recommandable pour son utilité. Ie mets à part l'ingratitude, de ceux qui se sont seruis en la pluspart, pour ne dire en tout, de nos labeurs, quelques lectures qu'on pretende: pour dire, que ceste parole est aussi indiscrette, condemnans tout ensemble, le style deuotiement employé par les hystoriens Ecclesiastiques, au long narré de la vie, & miracles de nos Saincts: pour suppléer par vne lecture un peu estendue, à la foiblesse des esprits, moins duits, & exercés à l'oraison mentale. Comme elle ne peut estre sans ignorance, puisque comme les peintres plus indiciens en leur art, estiment d'auantage la peinture qui porte son relief: ainsi l'hystoire des Saincts, escripte, ou pronocée succinctement, sera tousiours iugée,

pour

## AV LECTEUR.

*pour chose trop platte: si elle n'est animée de paroles, lesquelles comme tapisseries de l'ame, au dire de Themistocles, representent naïfvement, les familiers rapports des Saints avec Dieu: lesquels exprimés clairement, emportent doucement le lecteur, en l'amour de son Dieu, par les exemples de nos Saints: qui est bien, ou doit estre, une des fins principales, de l'escripture, ou lecture, de leurs vie, & miracles. Je veux croire, que sont esté les motifs principaux, avec d'autres raisons, que plusieurs Personnes de diuerse condition, mais personnes de qualité & doctrine, m'ont escript, sur le premier ouy dire des precedents; qui au contraire desiroient de moy, une reueue plus ample sur ceste hystoire: ou au moins, n'en rien retrancher: craignant (disoient ils) que ie ne fisse comme cet apprenty d'Appelles, qui pour corriger la desmesurée grandeur (à son foible iugement) d'un Geant, craionné par son maistre, representoit seulement un racourcy marmot. Apprenty certes, qui a beaucoup de semblables au monde. Or puis que S. Paul veut, que nous soïons obligez à toute sorte de personnes, & que la charité a de propre, s'oublier quasi tout soy-mesme, pour bien faire à aultruy: ie me suis estudié, de satisfaire à un chacun, par deux impressiōs, différentes. L'une demeurera en son entier comme la premiere, avec l'addition seulement des nouueaux memoires, touchants la vie, & miracles de nostre bien-heureux Pere S. Francois: qui m'ont esté fournis, par diuerses personnes, de merite & croïāce, depuis la premiere impression. L'autre sera racourcie, & retranchée de plusieurs discours (qui toutesfois seruoient grandement pour embellir, & animer l'hystoire) avec le Traité des lettres de la canonization, & tout ce qui se pourra raisonnablement oster: tant pour satisfaire à ceux, qui se disent courts de loisir: qu'aux esprits, qui vont un peu plus vistes*

## AV LECTEUR.

*ſtes que les aultres. Aucuns m'ont mandé, qu'il ſembloit y auoir des chapitres, qui pourroient ſe diuiſer: pour le-  
 uer tout ſubieſt, à ceux qui pretendent par tout quelque  
 prolixité. Je l'ay fait auffi facilement, comme ie deſire  
 bien faire à tous. Mais tout ce que deſſus, eſtoit peu de  
 choſe, parangonné avec ce qui ſuit. C'eſt la cenſure cri-  
 tique de la premiere impreſſion, faite par quelques vns,  
 & de ceux la meſme, qui par toutes ſortes d'obligatiōs,  
 la deuoient maintenir. Ou ſ'ils auoient des tiltres con-  
 traires à quelque point de l'hystoire: il me falloit faire  
 part des Originaux au parauant, ou bien depuis, pour  
 corriger ce qu'on eut iugé à propos: pluſtoſt que de s'em-  
 porter à des paroles, & deſſeins ( pour ne dire pis ) que  
 la charité chreſtienne courra tousiours: ſ'ils ne don-  
 nent ſubieſt à la patience meſme s'eſchapper, pour les  
 mettre au iour, voir apres ma mort. Les Anciens, aux  
 ſacrifices qui s'offroient pour la paix, & concorde con-  
 iugale, oſtoient le fiel des hoſties: Ainſi aux diſputes,  
 qui s'entreprennent pour eſpouſer vne verité, fault oſter  
 le fiel, & amertume, des contentions bilieuſes. Comme  
 auffi, Dieu ſcait, que mon intention n'a iamais eſté, &  
 ne ſera ( par ſa grace ) d'offenſer perſōne: ains ſeulement  
 en eſclaircir, de la verité de l'hystoire, pour ſatisfaire  
 au lecteur: en ſorte que ſi on me fait veoir des Ori-  
 ginaux, contraires à ce que i'auray premierelement eſcript:  
 ( comme i'en fis ſupplier les parties l'an paſſé, ce qu'ils  
 refuſerent à pluſieurs Peres, qui comme moy, ne recher-  
 choient que les accommoder charitablement avec la ve-  
 rité ) Je ſuis tousiours auffi diſpoſé à le changer, comme  
 i'ay eſté porté ſur les premiers memoires, à le compoſer  
 ( choſe fort commune à tous ceux qui eſcrivent vne hy-  
 ſtoire. ) Ils veulent donc, que S. FRANÇOIS de Paule,  
 ſoit yſſu de parens nobles, & riches. Et qu'il n'a eſté v-  
 nique Enfant à ſes parens, ains aye eu vne ſeur. Si ces  
 hommes,*

hommes, n'auoient les yeux fillés de leurs passions : ils descouuroient tout premièrement, que ce n'est pas contre moy qu'ils le prennent: ains contre les Docteurs, & les Peres, qui ont approuué la premiere impressi<sup>o</sup>. Mais qui plus, ou pis est, contre l'Eglise, laquelle ils condamnent d'erreur. Car la teneur des procès, faicts par les deputés de sa Sainteté, en vertu desquels ; l'Eglise a procedé à la Canonization de S. Francois de Paule: Et les lecons, que l'Eglise a ordonnées, à matines, le iour de sa feste: confirme aultant ce que nous auons escript, pour le premier point: comme l'esprit de verité, ne se trouue qu'en l'Eglise. Pour le second, oultre ce que les procès de la canonization, obligent d'en croire: On a derechef procedé aux informations, tant des Religieux, que des Seculiers du Pais: par l'autorité du Reuerendissime Archeuesque de Cusance, l'an 1612; & du Reuerendissime Pere Arrias, lors General de nostre Ordre, assisté de ses RR. PP. Collegues: & specialemēt du R. P. Ioānes Blancus, la diligence duquel a dresé les procès, avec toutes les formes requises: dont l'original est auiourd' huy reserué, avec les Procez de la Canonization, dans les archives de nostre Conuent de la Tressainte Trinité du Mont à Rome. Et les coppies authentiques, ont esté communiquées à plusieurs Provinces, & Conuents de l'Ordre: comme à Nigcon lez Paris, à Tours, à Bruxelles, & ailleurs. En un mot, si ces esprits eussent esté plus Religieux, ils eussent reconnu, que l'honneur de S. Francois de Paule, estoit d'estre nay de parens pauvres, comme Iesus-Christ: & unique à ses parens, comme le mesme Iesus-Christ, est à son Pere au Ciel, & à sa Mere en terre. Ceste verité s'esclaircira d'auantage, en la lecture de l'histoire: ou comme tousiours, Je ne viseray qu'à te faire seruice, pendant que tu penseras à prier Dieu pour moy. A Dieu.

LICEN-

# LICENTIA R. P. *Generalis.*

**N**Os Frater Franciscus de Maida totius Ordinis Minimorum Generalis Corrector facultatem concedo Patri Claudio du Viuier vt librum vitæ beatiſſimi Patris noſtri S. FRANCISCI de Paula ab ipſo ex probatis authoribus, archiuis noſtris & monimentis collectum, concinnatum atque compoſitum, à Doctorem Theologorum necnon ſodalitatis noſtræ eruditorum ac ſapientum virorum iudicio examinatum ac approbatum in lucem edere ac typis mandare poſſit ac valeat. In quorum fidem ſubſcripſimus & ſigillum officiij noſtri hic appoſuimus die 20. Maij 1617.

*Frater Franciscus de Maida  
Minimorum Generalis.*

Locus ſigilli.

## APPROBATIONES.

**N**Os Fr. Bernardus de Montherot Prouincialis Ordinis Minimorum in Prouincia Flandro-Belgica & Frater Petrus Piiart Collega & Lector in Sacra Theologia fidem faciūſ vidiffe, legiſſe, ac examinaſſe librum de vita & miraculis S. Patris noſtri FRANCISCI de Paula à R. P. Claudio du Viuier eiufdem inſtituti alumino & ſereniſſimorum Archiducum in Belgio Concionatori ordinario ex probatis authoribus, Archiuo, & monimentis Ordinis compactum: ac de nouo ab eodem correctum & ampliaturum dignumque qui iterum ad multorum tum noſtrę profeſſionis, tum aliorum vtilitatem prælo mādetur, iuxta facultatem ſibi factam à Reuerendiſſimo Patre noſtro Generali Franciſco de Maida quam vidimus nihilque in eo eſſe Eccleſiæ Sanctæ Romanæ contrarium teſtamur. In quorum fidem præſentes Officii noſtri ſigillo munitas ſubſcripſimus in Conuentu noſtro Bruxellenſi Nonis Maii 1621.

*Fr. Bernardus de Montherot Prouincialis.  
Fr. Petrus Piiart Coll. & lector in Theol.*

Locus ſigilli

---

## APPROBATION.

**C**omme le bon Dieu trespuissant qui resiste aux superbes, & aux humbles donne sa grace ; a esleué ce grand Personnage S. FRANÇOIS de Paule , Instituteur de l'Ordre des Freres Minimes, iusques à la possession de la beatitude celeste . Partant ce present liure contenant sa sainte vie, & miracles, recueilli & composé, par le R. P. F. Claude du Viuier Religieux dudit Ordre , & Predicateur ordinaire de son Altesse Serenissime, assorti d'une agreable varieté, disposant les cœurs humains à maintes belles affections & intentiōs, merite derechef estre mis sous la presse , tant pour l'vtilité dudit Ordre, que pour tous autres, quis'en voudront servir pour leur advancement spirituel. Fait à Bruxelles le 20. de Iuin. 1622.

*Henr. Smeyers Licentié en la Saintte  
Theologie, Escolastre de Bruxelles,  
& Censeur des liures.*



**C**E present liure, *Vie & Miracles de S. François de Pavle* Instituteur de l'Ordre des Peres Minimes composé par le R. P. Claude du Viuier, & reueu, augmenté &c. par le mesme Autheur, a esté examiné par le soubsigné & trouué qu'il se pouuoit imprimer, comme ne contenant rien contraire à la foy, ou aux bonnes mœurs, ains vn singulier exemplaire des vertus. Pour donc inciter le monde à quitter les vanités & superfluités, & embrasser la Charité, Humilité, Mortification, & Abnegatiō de soy-mesme: ledit liure sera imprimé & leu avec grand profit, fait à Douay le 20. Octobre 1622.

*François Syluius Docteur & Professeur Royal  
de la S. Theologie en l'Vniuersité de Douay  
& en la mesme ville Doyen del'Eglise Col-  
legiale de S. Amé.*

### **EXTRACT DV PRIVILEGE** *de sa Maiesté Catholique.*

**P**Ar grace & Priuilege du Roy, il est permis au R. Pere F. Claude du Viuier, de faire Imprimer, vendre, & distribuer, vn sien liure, intitulé, *La vie & Miracles de S. FRANÇOIS DE PAVLE* Instituteur de l'Ordre des Freres Minimes, &c. Par telle Imprimeur que bō luy semblera, admis & Iuré, residēt pardeça, avec defense, à tous autres d'imprimer ou contrefaire ledit liure, durant le temps & espace de quatre ans, sur peine de confiscatiō, & autres plus à plain contenues és lettres sur ce données à Bruxelles, le dernier de Iuin 1622.

Par le Roy en son Conseil.

**DE GROOTE.**

**L**Edit R. P. F. Claude du Viuier a transporté le contenu en son Priuilege pour l'impresion du liure cy dessus à Baltazar Bellere marchand Libraire & Imprimeur de Douay, pour en iouyr le temps & espace de quatre ans entiers à commencer du iour que la premiere Impresion sera acheuee. Faict à Douayce 22. Octobre 1622.

**F. CLAUDE DV VIVIER.**

AV LIVRE  
DV R. P. DV VIVIER.  
STANCES.

**S**ortés liure sacré, descouvrés les mysteres  
Des beautez, dont le Ciel orna vn S. François  
Dardes dedans nos yeux, ses celestes lumieres  
Et qu'à son los, vers Dieu retēiſſent nos voix.  
Portez d'abbord, portés la flamme penetrante  
De l'amour de ce Saint, qui peut tout consumer.  
Sa pure charité est trop que suffisante.  
Pour tost dedans nos cœurs, son doux feu rallumer  
Courés viste, annoncés au monde la merueille  
Que le Ciel, puissamment a fait veoir en ce lieu  
Marchés ioyeusement, & que chacun s'esueille  
Au son de vostre voix, pour louer nostre Dieu.  
Faittes veoir aux mortels, le Ciel dessus la terre,  
L'Eternité au temps, le diuin en l'humain  
Un miracle, un prodige, un Esprit qui enferme  
Tout ce que peut descrire, vne celeste main.  
P. M. M.

---

Le mesme à l'Auth eur.

**Q**'on prise l'honneur, la puissance:  
Qu'on vante vne belle eloquence  
Qu'on soit rani d'un bel effect  
Qu'on estime vne grand' memoire  
Sirien merite de la gloire  
Cest l'esprit qui cet œuvre a fait.

TABLE




TABLE  
DES CHAPITRES ET  
MATIERES PRINCIPALES.

*Preface.*

*Chap. 1. Du Pays, & des Parens, de S. François de Paule. fol. 1.*

*2. De la Naissance de S. François de Paule. 6.*

*3. Commencement de la vie Religieuse de S. François de Paule, & comme il quitta le mode. 18.*

*4. Les lieux, esquels S. François de Paule a demeuré pendant sa vie; & du commencement de son Ordre. 29.*

*5. Des empeschemens interuenus de la part du Diable, au commencement de l'Ordre, pour empescher son establissement. 34.*

*6. Efforts des hommes, pour trauerfer l'establissement de cest Ordre en son commencement. 41.*

*7. Voyage de S. François de Paule en France, avec ce qui luy arriua passant à Rome, & le long des chemins. 50.*

*8. Empeschemens pour l'establissement de l'Ordre, au Royaume de France. 66.*

*9. Le commencement de cest Ordre en Espagne, & Allemagne, avec les empeschemens interue-*

# TABLE.

<i>teruenus.</i>	81.
10. De la Reigle des Minimes ; & de son excellence, ou perfection.	86.
11. Du nom de l' Ordre des Minimes.	95.
12. Institution du Vœu de la Vie quadragesimale ; par S. François de Paule : & de sa grande Abstinence au boire & manger.	104.
13. Les Empeschemens causés par le Diable, & les hommes ; contre l'institution du Vœu, de la Vie quadragesimale.	111.
14. Grace donnée particulièrement à S. François de Paule, pour faire Miracles.	120.
15. Des Miracles que S. François de Paule faisoit, mais qu'il cachoit par humilité ; avec des onguents, des herbes, & aultres choses, qui n'auoient aucune vertu naturelle en soy, pour produire tels effets.	164.
16. Du pouuoir de S. François de Paule sur les eaux.	213.
17. Du pouuoir que S. François de Paule auoit sur le feu.	227.
18. Effets miraculeux de S. François de Paule és Corps graues, & pesants, lesquels il rendoit comme legeres, & traittables.	255.
19. L'Innocence & simplicité de S. François de Paule, respectée mesme par les creatures irraisonnables & inanimées.	272.
20. Du pouuoir que Dieu auoit donné à S. François de Paule sur les Diables.	295.
	21. Les

## DES CHAPITRES.

21. *Les Miracles faicts, en faueur des prieres de S. François de Paule.* 315.
22. *Effets merueilleux des meditations, & contemplations, de S. François de Paule.* 343.
23. *De la Prouidence particuliere, de laquelle Dieu a usé enuers S. François de Paule, & d'autres Personnes, en sa faueur.* 353.
24. *Effets miraculeux en la Personne de S. François de Paule, tesmoins de sa Saincteté, & merites.* 382.
25. *Du don de Prophetie, pour ce qui concernoit les choses passées.* 398.
26. *De la Prophetie, avec laquelle le S. Homme cognoissoit les choses presentes, mais cachées, spécialement és Cœurs des hommes.* 423.
27. *Propheties des choses futures, faictes par S. François de Paule.* 450.
28. *De la vertu, & pouuoir miraculeux: par l'attouchement du Corps, ou de ce qui auoit touché le Corps, de S. François de Paule. La Saincteté de ses Reliques.* 486.
29. *Des Vœux en general, faicts a S. François de Paule, & spécialement par les Personnes mariées, pour obtenir lignee.* 533.
30. *De la Mort, & sepulture, de S. François de Paule.* 575.

# T A B L E

31. *Tableau, ou sont représentées les Images du corps, & de l'Ame, de S. François de Paule: avec les vertus & perfections, tant naturelles que surnaturelles, dont nostre Dieu l'auoit gratifié & honoré, pour exhorter les Chrétiens à imiter ses vertus.*

500.

Pre-

## PREFACE.



'Est vne parole iugée aussi sage,  
que la bouche qui l'a prononcée:  
*L'homme estre nay pour le labour &  
travail, comme l'oyseau pour voler.*

Car Dieu créât les hommes pour  
parler en general, leur donne entree au Mon-  
de, à fin de les rendre vn iour heureux, avec  
les moyens d'y pouuoir paruenir, lors que  
chacun suiuant la vocation, & vacation, où il  
est assigné, traueille d'vn exercice vertueux,  
& sans l'intermettre: chassant à gauche les si-  
nistres intentions, avec leurs plus meschantes  
œuvres, tirant droit à l'honneur de Dieu, &  
au salut de soy, ou de son prochain: & che-  
minant deuant soy ajambant dessus ses pas: &  
né contant iamais le chemin faict, ains seule-  
ment celuy qui est à faire. On dit, apres l'expe-  
rience, que le cheual lōguement enfermé dās  
l'escuirie à rien faire, deuiant poussif: le fer qui  
n'est mis en œuvre est assailly & rongé de la  
rouille: l'eau qui n'a de mouuement se putre-  
fie: l'air qui n'est battu de vents se corrompt.  
Et les vers gastent l'habit qui n'est porté: la  
vertu aussi qui n'est mise en pratique se perd:  
& comme insensiblement on la void se tour-  
ner en vice. Le iugemēt en a esté faict par Ce-  
luy, qui ne peut errer en ses iugemens: qui  
porte la condemnation cōtre celuy qui a gar-  
dé le talent enueloppé dans son mouchoir: &  
bien qu'il le rende entier, neantmoins, à rai-  
son que c'est sans aucun profit: la sentence le

c 4

declare

## P R E F A C E.

declare compaignon du supplice des voleurs: aduoiant ceux là pour bons, & fidels seruiteurs, à qui il assigne seulement la recompense du gain au double, & au quint qui ont faict proffiter le talent. Cest Euangile qui va ainsi crayonnant les cōditions du commerce trafiqué entre Dieu & les hommes: Le profit, les pertes qui en peuuent reüssir. Dont toute la finesse, n'est autre qu'une perpetuelle vigilance, à procurer l'aduancement du biē, & de la vertu, par son continuel exercice. Comme aussi est il facile à se persuader, que c'est biē là vn des signes plus euidents d'une ame, qui est viuante par la grace, que les desirs courans, & coulans l'un sur l'autre, au progresz infatigable de la vertu. La necessité de nos pertes iournalieres du bien spirituel acquis, nous y obligeant, fort estroittement. N'estât le succez de nos ames beaucoup dissemblable à celuy des corps, qui pour se conseruer en vie, doiuent tousiours croistre, & augmēter, a dit le Pere de la Medecine. Car il est de necessité rapporter tousiours quelque chose de sic, & alimēt corporel, qui repare les ruines faictes, par la chaleur naturelle, qui à tout moment de nostre vie va consommant l'humieur radicale, premier principe naturel de sa conseruation. Qui ne sçait que le peché a allumé vn feu de concupiscence, qui deuore les saincts desirs, les bonnes œures, l'habitude mesme des vertus acquises: qui ne se reparera iamais, ou cōseruera, si ce n'est par nouuelles entreprin-  
ses faictes sur le vice, en faueur de la vertu: mais aussi nouuelles qu'à tout moment? N'y  
ayant



## P R E F A C E.

ayant rien de si d'agereux, ou nuisible à la vertu, que le repos, & contentement sur ce qui est acquis. Car comme la Medecine naturelle assure infalliblement, les corps ne pouuoir demeurer en vn mesme estat, que force leur est approcher tousiours, ou reculer de la santé: ny aussi les ames pour le regard de la perfection ne se doiuent pas promettre vne stabilité en ce monde: où rien n'est si stable que l'instabilité mesme: qui pour ceste raison nous aduertit auoir tousiours le pied en l'air pour aduancer vn nouueau pas à la vertu, qui recule autant du vice son contraire. C'est la naïue intelligence du propos enigmatique d'vn des plus spirituels entre les Religieux, & plus Religieux entre les spirituels: *que de ne point aduancer en la voye de Dieu, c'est reculer.* Il en est ainsi, attendu que l'estat de l'ame comme du corps, & de tout ce qui est au monde, tant que no<sup>y</sup> y viurôs, ne peut demeurer tousiours en mesme estat: C'est en fin la conclusion du conseil & commandement de l'Euangile: *Cheminez,* Disoit le fils de Dieu, *pendant qu'il est iour.* Vous remarquez fort bien qu'il ne dit pas de s'arrester, ains de cheminer pendant le iour de nostre vie, allans tousiours de vertu en vertu. Et son Apostre, qui pour tiltre plus honorable se qualifioit imitateur de son maître, parlant de soy-mesme, & de son exercice quotidian: *Quant à moy,* ce dit-il, *Je ne croy pas auoir comprins: une chose est grauee d'as mon esprit, qu'oubliant ce qui est passé, ie cours à ce qui est deuant moy.* C'est donc en fin ce pourquoy Dieu a cree les hommes, *travailler à l'acquisition*

## P R E F A C E.

tion de la vertu, & la conseruer: par vn progresz quotidian, craignant que leur tepidité ne cause à Dieu les vomir de sa bouche: ou leur somnolence leur monstre la porte de la sale des nopces celestes fermee pour iamais.

*Utilité de la  
lecture des  
bons liures.*

Or entre les moyens qui sont comme en nôbre quasi infiny : lesquels Dieu a enseigné aux hommes, ou pour se fermer à ce dessein: ou pour faciliter la resolution prinse, & entreprinse: ie n'en estime point vn plus necessaire, ou vtile, ou facile mesme, que la lecture des bons liures. La penitence chasse le peché, & rappelle la grace; l'exercice des vertus nous rend aucunement semblables à Dieu: la contemplatiō nous vnit parfaictement à luy: l'oraison faict toutes ces conquestes, & de plusieurs belles choses, dont l'ame est parée & ornée. Mais ne semble il pas tout cela estre deu à la lecture, qui porte les courages, & anime les cœurs pour de si honorables entreprinse? Ouy certainement. Les bons liures sont cōme vn Arsenac, d'où nous tirons les armes, & offensives, & defensives contre nostre ennemy. Ce sont miroüers, ou glaces bien polies, qui nous representent clairement les tares & taches qui souillent la face de nostre Ame. Ils sont, dis-je, en guise de la boutique d'un Apothicaire, où se trouuent diuerses boërtes garnies, d'autant de drogues propres à la guarisō des scrupules, à remedier aux tentations, & à toutes les maladies spirituelles. Ce sont en fin les Porches & Academies, où les bōnes Ames professent la Philosophie Chrestienne; recoiuent plusieurs & bons aduertissemēs: descou-

urent.

## P R E F A C E.

urent, & interpretét les myſteres plus cachez, repaiſſent l'entendement de la pure verité, & la volonté d'un pur amour vers ſon propre object. En vn mot roidit les Eſprits contre le vice, & a vne louable recherche du bié par les exemples plus heroyques de la vertu. C'eſt où fondent les concluſions de l'Eſprit, qui diſtoit les liures des Machabees, qui pour perſuader à ſon lecteur, la verité quaſi comme incroyable: qui va racontant, & quaſi dépeignant les choſes les plus tragiques du monde, que ces vrayſ & fidels ſeruiteurs de Dieu, auoient ſouſtenu pour l'amour de luy; les coups des plus furieux entre les armes: & les euenemens des plus contraires entre ceux de la fortune, à quoy ils auoyent ſpecialement paré avec le bouclier d'une inuincible patience: il ſe ſert d'un argumēt: *C'eſt la lecture des ſaincts liures:* qui ſembloit foible, il le produit neantmoins, avec tant d'energie, qu'il ſemble luy vouloir faire hōmage, apres le ſecours du Ciel: *Nous auons, ce dit-il, pour vne particuliere conſolatiō, au milieu de nos grandes afflictions la lecture de l'Eſcripture ſaincte.* La penitence generale de tout le peuple Iuiſ, vne ſi Religieuſe recognoiſſance qu'ils firent de leurs fautes paſſées, avec vne plus vertueuſe reſolution de mieux viure à l'aduenir: au temps, & pēdant le regne de Ioſias, tout cela n'eut commencement que de la lecture d'un liure ſacré, qui luy fut enuoyé par le grand Preſtre Helchias. Se ſouuiēt-on pas bié encores du Bapteſme de l'Eunuque Æthiopien Sur-intendant des fināces de la Royne d'Æthiopie, qui aſſis en ſon charrolle

## P R E F A C E.

rosse esgayoit son chemin par la lecture de la Prophetie d'Isaye, fondemēt sur lequel Dieu bastit sa conuersion, par l'entremise du Diacre Philippe? Et que musons nous en si beau chemin? Les Theſes contraires forment elles pas des illations cōtraires? Qui ne void, chose plus claire, que le plain midy, les infinies vtilitez & profits qu'apportent les bons liures au monde? Et qui ne ſçait auſſi, les pertes grādes qui arriuent comme tous les iours à l'Eglise, par la lecture des meſchants liures, au ſeul bruit deſquels vn vray Chreſtien deuroit fermer les aureilles plus ſoigneuſement que ne fit Vlyſſes pour n'entendre le chant, ou charmes des Syrenes? Alexandre ne vouloit ſeulement regarder les filles de Darius qui auoient emporté le prix de la beauté, en leur tēps. Craignant, ce diſoit-il, *que la flamme d'un œillade ne m'emporte à faire choses indignes à ma qualité.* Et Dieu deſſend ſi eſtroitement par ſa loy de ne pas eſpouſer des filles eſtrangères, & payennes. *Sans doute, ce leur diſoit-il, elles vous ſeduiront & diuertiront du vray culte diuin.* Et quoy les Chreſtiens ſans apprehenſion quelconque eſcoutent, liſent, & ſe lient à des lectures de liures auſſi meſchants, que la meſchanceté meſme. Et que peut-on en attendre que l'impicté ſemblable à celle qu'il a couuée: les erreurs en la foy, la corruptiō és mœurs, vn Lerne de maux, qui couure toute la terre, vn deluge de vices, ſur lequel ſe porte la petite Arche de l'Eglise, où vne petite poignée de gens ſeulement ſe ſauue. Les mōſtres qui ne vivent que du ſang Chreſtien: la

boitte

## P R E F A C E .

boitte de Pandore ouuerte, qui a lasché toutes fortes de maux, les V<sup>e</sup> reiterez tant de fois en l'Apocalypse; avec les phioles espendues, qui conuertissent les eaux en sang, en colorent, & rougissent la terre, & nous enleuent le plaisir de la vie, la lumiere du Ciel. Plus de malheurs qu'il n'est possible exprimer, où prennent-ils leur origine? Où est leur source? Qu'elle en est la racine? qu'une fucille, ou deux de papier, en guise de liurets, & autres liures plus gros, si plains d'execrations; & blasphemés, que l'Enfer ne pourroit vomir: si qu'une ame confirmée en grace, auroit peine d'affranchir le chemin, sans courir quelque risque ou fortune, n'estoit une grace particulière de la Diuine Prouidence, qui pouruoit aux siens d'antidote, & contrepoison pour se garantir de ce venin si dangereux: c'est par le moyen des b<sup>o</sup>s liures qui rendēt la vie à l'ame, qui en respire la lecture. Et entre iceux des legendes de nos Saincts, spécialement celle-cy qui est le subiect principal de ce liure. Et qui semble comme vn Compendiū de la legende des autres Saincts, tant les particularitez y sont grandes par les effects de la grace.

Et pour autant que le cōtenu du liure m'acquittera de ceste obligation enuers le Lecteur, & luy en esclaircira la verité, pour ne perdre temps: Je diray seulement de saint FRANÇOIS DE PAVLE, comme des autres Saincts: & de la lecture de sa vie, de sa vertu, de ses exemples, ce que j'entends à present parler de celles de ses semblables: Que s'il y a chose en l'Eglise, qui porte le Chrestien à  
vne

# P R E F A C E.

*Energie de  
la Harpe de  
Timothée.*

une sainte resolutiõ de bien faire, c'est vrayement la lecture des liures, qui vont dechiffrans les actions vertueuses, & miraculeuses de nos saints. Aussi ie les compare ordinairement, & à mon aduis assez proprement, à la Harpe de Timothée le Musicien d'Alexandre. Sur lequel ton il le prenoit, ou selon l'air qu'il donnoit à son chant: il dispoit à son plaisir de la volonté de ce Prince. Il le faisoit par fois leuer de table: & prendre les armes pour courir sur ses ennemis. Il chageoit de ton, & tout à coup, il luy arrachoit sans y toucher les armes du poing, & le faisoit reprendre sa place. La science de la vie des Saints, a trop plus de pouuoir sur les mouuemens internes de son Lecteur ou Auditeur. Elle faict prédre les armes contre les ennemis de nostre salut, elle addoucit les passions de l'ame, & appriuoise les sens trop brutaux, pour ne dire endiablez: comme le malheur en voulut jadis à Saül, duquel neãtmoins la rage s'appaisoit souz le son de la Harpe, que touchoit si doucement le petit Dauid. N'y a rien qui face tât l'homme retourner chez soy, pour estre homme, c'est à dire raisonnable, & ployant sous les loix diuines, sinon lors que ce son penetre iusques dans les oreilles de nostre ame. C'est le bien que ie me promets particulieremēt pour ceux qui patienteront la lecture de cest œuvre. Qu'ils y trouueront, moyennant l'ayde de Dieu, & le leur, vn beau subiect, pour faciliter la reformation de leur homme interieur, & exterieur, en la speculation si deuotieuse d'un subiect encore plus saint. C'est vn Religieux dedans,

## P R E F A C E.

dedans, & dehors: en la profession, en l'habit, au corps, en l'ame, en tout Sainct FRANÇOIS DE PAVLE. Duquel, en guise des peintres qui veulent exceller en leur art, nous esperons tirer sur le naturel la peinture de nostre ame, au plus près que l'infirmité pourra, secourue qu'elle sera d'en haut. Il est bien vray que d'une si grande quantité de fleurs, qui semblent esmailler les parterres d'un verger, les vnes n'ont que la bonté, autres y adioustent le suave odeur: mais celles là emportent facilement le prix, qui resioüissent l'odorat, esgayent la veüe, & sont vtils à la vie, ou santé de l'homme: comme pour en distiller les syrops de toute sorte, & les rendre au nombre des ingrediens des viandes ou medecines. C'est ainsi qu'il faut speculer les actions heroïques de nos Saincts, desquels nous admirons les œuvres miraculeuses. Nous aimons leurs priantez ecstatiques qu'ils ont pratiqué avec Dieu: mais nous prenons leurs vertus pour servir de medicament à nos maladies, guarissans vn contraire par vn autre, lors que contemplant attentiuement ce qu'ils ont fait, secondé de la grace de Dieu, & ce que nous pouuons avec la mesme, nous demeurons confus en nous, de ne pas imiter les actions de qui nous admirons, reuerons & honorons la Saincteté.

*L'utilité que promet la lecture de ce present ouvrage.*





S. FRANCISCUS DE PAVLA Sacri ordinis Minorum fundator.  
Natus 1416. ordinē incepit 1435. obiit 1507. aetatis suae 91. a Leone X. Canonizatus 1519.



COMMEMORATION DE  
S. FRANÇOIS DE PAVLE  
A Magnificat.

**M** Vndi contemptor, & carnis domitor, deuictis  
hostibus, triumphat cum Angelis coronatus.  
Vers. Magnificauit cum in conspectu Regum.  
Resp. Et inuasis illi coram populo suo.

Aux Laudes.

**I**N sanctitate, & iustitia Christi sequens vestigia,  
longum tulit martyrium : carnem domuit, mundi  
blandimenta contempsit : hostemque superbum pauper,  
& humilis fortiter dimicando superauit.  
Vers. Iste pauper clamauit.  
Resp. Et Dominus exaudiuit eum.

L'O R A I S O N.

**D** Eus, qui superbis resistis, & humilibus gratiam  
tribuis, exaudi preces nostras : & intercedente  
Beato FRANCISCO DE PAVLA Confessore tuo, Da  
nobis alta non sapere : sed maiestati tue humili semper  
corde seruire. Per Dominum nostrum Iesum Christum  
Filium tuum. Qui tecum uiuit, & regnat in unitate  
Spiritus sancti Deus. Per omnia secula seculorum. A-  
men.

AUTRE O R A I S O N.

**D** Eus humilium celsitudo, qui Beatum FRANCIS-  
M DE PAVLA Confessorem tuum sanctorum  
tuorum gloria sublimasti : tribue quesumus, ut eius  
meritis, & intercessionem promissa humilibus premia,  
feliciter consequamur. Per Dominum nostrum, &c.

V u TABLE




# TABLE DES MATIERES

DE DEVOTES PARTICVLIERMENT

en ce liure, redigees par ordre  
d'Alphabet.

## A.

 Age de S. François de Paule.	page 575
Abregé de la perfection Chrestienne.	577
Choses absentes cognues par S. François.	426.
427. 428. 429. 432.	
Abstinences de S. François en son boire & manger.	104. 105
L'action empesche la contemplation.	31
Petit Agneau resuscité.	132
Amitié parfaite & ses marques.	315
Amour de Dieu envers les iustes.	316
Amour divin tresfort.	643. 644
Le grand amour de S. François envers Dieu.	644. 645. 646.
647.	
Melodie des Anges en la cellule de S. François.	343. 344
Office des Anges.	652
Vn Ange presente vn escusson à S. François.	397
Antiennes de saint François de Paule.	665
Animaux obeissent miraculeusement.	290
Apoplexie guarie.	150. 181
Apostumes guaries.	144. 151. 179. 192. 500. 512. 524. 527.
Vn arbre se transporte au commandement de S. François.	280
Arbres tortus redressez au seul vouloir de S. François.	286
Artillerie arrestée miraculeusement au port d'une Citadelle.	556.
Assauts du diable.	36. 37. 38. 39. 40
Auengles illuminez.	127. 170. 201.
Austeritez.	

# DES MATIERES.

Austeritez de S. François. 633.634.635.636.637.638.  
639.640.641.

## B

Beauté vraie du corps quelle. 600.601  
 Beauté du corps indice souuent d'une belle ame. 599  
 Le P. Bernardin successeur de saint François au gouuernement de l'Ordre. 582  
 Vne Biche qui caresse saint François. 276.277  
 Blessures guaries. 178.200.201.  
 Borgnes guaris. 487.  
 Borne garantie de peste par saint François. 63  
 Boulet d'une artillerie n'offence la teste d'un gentil-homme qui portoit une chandelle beniste de S. François 512  
 Boiteux guaris. 151  
 Bras malades ou rompus guaris. 152.157.174.175.504.

## C.

Les Cardinaux honorent saint François. 52  
 Catharres guaris. 137.142.151.177.178.185.  
 Cause naturelle suspendue de son effect. 255  
 Cellule de S. François environnée de feu & de lumieres. 346  
 Chandelles benistes par S.F. appaisent la furie de la Mer. 517  
 Chancres guaris. 182.187.192.202.523  
 Charité de S. François envers tous les necessiteux. 615.616  
 Charles VIII. bon Prince, & qui suit les aduis de saint François. 75.  
 Secouru par ses prieres. 337.338  
 Chapelet de S. François demeure dans le feu sans bruster. 250  
 Charbons alluméz miraculeusement. 234  
 Chaux cuite miraculeusement. 250  
 Chasteté & Virginité de S. François. 627  
 Cheureuil brûlé est resuscité. 142  
 Chien comme enragé adouci par la presence de S.F. 284  
 Choliques graueleses guaries. 516  
 Cicatrices guaries. 150

# TABLE .

<i>Cierges allumez miraculeusement.</i>	231.
<i>L'arbre Cimbubon &amp; ses proprietéz.</i>	521
<i>Colloque particulier de S. François avec le Pape.</i>	60
<i>Commencement de l'Ordre de saint François en forme de communauté.</i>	31
<i>Compagnie d'hommes ou femmes est à euter à qui veut conseruer la chasteté.</i>	628.629
<i>Conception de S. François honorée de miracle.</i>	5
<i>presageant sa future sainteté</i>	229
<i>Punition estrange cõtre celuy qui auoit negligé la confession.</i>	409.
<i>Conuents premiers bastis en Calabre. 32. en Sicile. 33</i>	
<i>à Salerne. 58. à Naples. 58. en France, 75. où il cherissoit le Conuent de Nigeon en particulier &amp; pourquoy. 76. en Espagne. 81. en Allemagne. 85</i>	
<i>Vn corps peut estre en deux lieux.</i>	388
<i>Description du corps de S. François.</i>	602.603
<i>Corps de S. François fort odoriferāt apres sa mort. 584</i>	
<i>bruslé par les heretiques.</i>	588
<i>Correction des Superieurs mesprisée, &amp; reseruée au iugement de Dieu.</i>	483
<i>Mal de costé guarý miraculeusement.</i>	531

## D.

<i>Demoniaques deliurez par saint François.</i>	297.
<i>298.299.301.303.305.308.309.314.</i>	
<i>Deuotion de saint François de Paule vers S. François d'Afise.</i>	22
<i>Maux de dents guaris.</i>	490
<i>Deuotions ordinairement pratiquées, delaisées &amp; le chastiment ensuiuy.</i>	419
<i>Deuotion de saint François.</i>	619.620.
<i>Le diable consulte &amp; machine contre les commẽs de saint François.</i>	34
<i>Le diable se prẽd cõtre les Religieux de S. François.</i>	40
<i>Le</i>	

# DES MATIERES.

<i>Le diable suscite les hommes du monde contre S. F.</i>	41
<i>Diabie incube chassé d'une fille par S. François.</i>	306
<i>Dissenteries guaries.</i>	140
<i>Douleurs apaisées miraculeusement.</i>	155.

## E.

<i>Eaux croissent à la parole de saint François.</i>	223
<i>Eaux sourdissent miraculeusement.</i>	221.226
<i>Eaux perduës miraculeusement.</i>	289
<i>Eau bouillante où S. François met les bras nus sans se bruster.</i>	242.246
<i>Effetz surnaturelz des eaux.</i>	213.214.215
<i>Empeschement de l'establissement de l'Ordre.</i>	41.42. 43.44.45.46.461.
<i>Enfans nais de parens steriles ordinairement grands personnages. 3. Et souvent ceux qui ont esté uniques.</i>	9.
<i>Raisons qui prouuent que S. François a esté unique enfant à ses parens</i>	10. 11. 12. 13. 14. 15. 16. 17
<i>Enfant né sans yeux &amp; bouche les reçoit miraculeusement.</i>	508
<i>Enfant empoisonné guarý.</i>	341.3 42
<i>Enfans malades pour les pechez des parens.</i>	401.421. 441

<i>Enflures guaries</i>	152.193.201.207.497.503.529
<i>Enragez guaris.</i>	168
<i>Douleurs des entrailles &amp; intestins apaisées.</i>	411
<i>Entree de S. François en Sicile. 35. à Naples. 58 à Rome. 59. en France. 63.</i>	
<i>Escrrouelles guaries.</i>	185.506.512
<i>Escusson présenté par un Ange à S. François.</i>	397
<i>Esperance de saint François.</i>	606
<i>Esquinancie guarie.</i>	138

<i>Mal d'estomach guarý.</i>	161.185.206.523.
<i>Euesque de Grenoble secouru par saint François.</i>	339

# TABLE

<i>Exemples des saints exhortent à bien viure.</i>	6.659.660. 661.662.663.664.
<i>Exercices de saint François en sa ieunesse.</i>	19.
F.	
<i>Fardeaux leuez ou portez miraculeusement.</i>	257.260.261. 262.263.266.267.268.269.270.271.
<i>Febues multiplies miraculeusement.</i>	381. cuittes s'ès feu. 235
<i>Femmes deliurees du travail d'ensans.</i>	489.515.516.574.
<i>Excellences &amp; prerogatiues du feu.</i>	227.228.
<i>Feu estint à la seule voix de S. François de Paule.</i>	283
<i>Feu qui brusle sans consommer.</i>	379.
<i>Feu trouué miraculeusement.</i>	241.
<i>Fieures guaries.</i>	153.190.195.197.198.203.211.212.213. 342.496.517.526.
<i>Vne figue nourrit trois cens hommes.</i>	367.
<i>Vne figue multiplie miraculeusement.</i>	373.
<i>Fistules en la iambe guaries.</i>	156
<i>Fols &amp; Phrenetiques remis en bon sens.</i>	337.507.520.529
<i>La foy de S. François</i>	605
<i>Sa force &amp; magnanimité.</i>	613.614
<i>Faute de foy on ne recoit la grace de Dieu.</i>	460
<i>Fraises trouuees miraculeusement</i>	362
<i>S. François remarquoit les vertus des bons Religieux pour les imiter.</i>	23
<i>S. François assailly, &amp; frappé par le diable.</i>	39
<i>S. François au milieu d'une fournaise ardante &amp; des embrasemens du feu sans brusler.</i>	230.232.238.239.243.248 249.251.252.
<i>S. François rendu inuisible.</i>	46. 47. 383 392
<i>S. François amollit les cœurs de ses ennemis.</i>	48.163.
<i>S. François par humilité refuse les saintes Ordres.</i>	61
<i>S. François visité des Anges en sa Cellule.</i>	343
<i>S. François veu esleué en l'air environné de lumieres.</i>	348.349
<i>S. François retenu de la contemplation refuse de parler au Roy</i>	

# DES MATIERES.

<i>Roy de France.</i>	351.352
<i>S. François est veu anec une triple couronne sus sa teste.</i>	384
<i>S. François chemine sur les eaux.</i>	218
<i>S. François predit sa mort.</i>	579
<i>S. François Patron tutelaire de la France.</i>	653.654.655
<i>François I. grandement amateur des lettres.</i>	548.549
<i>Mal de froid guarý.</i>	144
<i>Plusieurs sortes de fruiçts trouuez miraculeusement.</i>	371
<i>Cognoissance des choses futures propre à Dieu.</i>	450.451
<i>Choses futures reuelees à S. François.</i>	49.452.453.454.
	455.456.457.458.459.460.462.464.465.466.467
	468.469.470.471.472.473.474.475.476.477.478
	479.480.481.482.483.484.485.

## G.

<i>S. François perpetuel General de son Ordre.</i>	87
<i>Vn Gentil-homme apporte de quoy satisfaire à l'extreme necessité.</i>	352.
<i>Effets de la vaine gloire, &amp; des moyens d'y resister.</i>	164
<i>Gouttes guaries miraculeusement.</i>	510
<i>Graces ou priuileges du S. Pere à S.F. &amp; à son Ordre.</i>	62
<i>Grace gratifiante &amp; gratuite en S. François.</i>	650.651
<i>Mal de grauelle guarý miraculeusement.</i>	516

## H.

<i>Harpe de Timothee auoit grande energie.</i>	Preface.
<i>Habit de Religion porté par veu c'est.</i>	20
<i>Vne personne guarýe d'une courte haleine.</i>	205
<i>Cruauté des heretiques contre les Reliques des Saints.</i>	587
<i>Herese de Luther &amp; de tous les libertins condamnée &amp; conuaincue par la vie quadragesimale de saint François.</i>	110

III. par sa predication. 396.

<i>Hermitage premier de S. François.</i>	29
<i>Histoires viuantes au siecle de S. François ont tous escript en son bonneur.</i>	596

*L'Homme contient en soy la perfectiõ de toutes choses.* 592.593

V u 4

Hommes

# T A B L E.

*Hommes particulièrement choisis de Dieu pour conser-  
uer les Monarchies, ou communautéz.* 653.654

*l'Homme né pour le travail.* Preface

*l'Homme créé de Dieu pour viure vertueusement.*

Preface.

*l'Homme est vn animal qui ne se peut bien cognoistre  
pour son inconstance.* 425

*Excellence de l'homme en quoy consiste.* 590.591.592.

593.

*Hospitalité recommandable à S. François.* 615

*Huile bouillante où S. François met les mains nues  
sans brusler.* 245

*Degrez diuers de l'humilité.* 610

*Humilité de S. François.* 61.165.607

*Hydropiques guaris.* 143

## I.

*La B. Ieanne instruite à la vie religieuse par S. Fran-  
çois* 75

*Iambes rompues ou malades guaries.* 188.491.496.505

*Image de Dieu en l'homme, & comme quoy.* 272.590

591.593.594.

*Image de S. François iette de foy des lumieres.* 28  
*donne la santé à plusieurs.* 531

*Immortalité des ames,* 551

*Impotens guaris.* 136.150.153.157.158.199

*Incube chassé par S. François.* 306

*Innocent poursuiny & sauué par S. François* 129

*Innocence des saints respectée par les animaux.* 272

*l'Italie regrette le depart de S. François.* 57

*Iustice de Dieu retenue par les merites de S. F.* 50.303

## L.

*Lampe allumee miraculeusement.* 236

*Larcins passez descouverts par saint François.* 399

400.403.404.410.417.

Licence



# DES MATIERES.

*Lieux doivent estre remarquez en l'Histoire.* 29  
*Le prouffit ou dommage de la lecture des bons ou mes-*  
*chans liures.* Preface

*Utilité de la lecture de ce liure.* Preface

*Loys 11. recherche S. François. 51. le reçoit amia-*  
*blement. 65. l'esprouue diuersement. 69.70*  
*& recognoist sa sincerité & sainteté, 72. Il fait*  
*penitence. 73. mourant il recommande ses enfans à*  
*S. François. 75.*

*Loys 12. congedie S. François retourner en Italie, puis*  
*renouque le congé. 78.79. il tesmoigne sa probité. 80*  
*Lunatique guarý.* 340

## M.

*Main escrazee ou impotente guarie.* 171.195.209  
 511.529

*Maladie causee par le peché.* 411.420.422.

*Maladies guaries.* 167.193.501

*Maladies incurables guaries.* 130.138.154.158  
 162.172.173.207.

*Malades à l'extremité guaris.* 128.135.136.139.141.  
 151.187.188.191.195.197.492.

*Mal caduc guarý.* 175.204.371.

*Mansuetude de S. François.* 612

*C'est martyre mourir contre les infideles pour la def-*  
*fence de la Religion.* 415

*Vn mary ne doit legerement empescher les deuotions*  
*de sa femme.* 419

*Medecin du Roy de France dresse des embusches à S.*  
*François.* 67

*Melancholiques guaris.* 160.523

*Melons de mauuais goust rendu saoureux.* 498.499

*La Mer appaisce par S. François.* 224.226.515

*Meres doivent seruir de nourrice à leurs enfans.* 18

*Mercure ty. emis par S. François en la premiere obser-*  
*uance*

# TABLE.

Manance de l'Eglise.	
Mespris que S. Francois faict des grands & grandeurs.	53
Mesdisance de son prochain chastice.	422
Origine des Minimes. 86. de leur nom.	95.96.
Minimes exempts de la iurisdiction des ordinaires, & immédiatement sujets au Pape.	87.
Iouissent de tous les priuileges des Mendians.	ibid.
Miracles de S. F. quasi sans nombre qui ne sont escripts.	33.64.
Miracles sont tesmoignages de la verité de l'Escripture & sainteté de quelques hommes.	122.123.
Pant de montagne tombant arreſté en l'air par la parole de S. Francois.	288.
Morsures de chiens enragez guaries.	152.169.183.
Mort de saint François.	583.584.
Hommes morts resuscitez par saint François.	146.147.
	148.152.307.323.329.
Animaux morts resuscitez.	132.149.
Mouches guespes manées par saint François sans aucun mal	279.
Muets commencent à parler.	126.155.
Multiplikation miraculeuse des habits de S. François.	525.
Murs suspendus en l'air miraculeusement.	257.
N	
Naissance de S. François accompagnée de miracles.	6.7.
Nauire sauuee du naufrage miraculeusement.	220.
Homme qui se noyoit sauué miraculeusement.	143.
O	
Obedience de S. François.	711.
Obsedés par le diable deliurez par saint François.	312.
	313.
Oraison des iustes pour le public tres-aggreable à Dieu.	469.
Oraison de saint François preserue deux hommes conuerts de terre.	317.
Guarit un vlcere incurable.	318 321.
	Refus-

# DES MATIERES.

Resuscite vn mort.	323 329.
Donne la santé aux malades.	325 336 337.
Prolonge la vie.	326.
Fait perdre vn courant d'eau dans terre.	328.
Attire les hommes pour travailler en l'atelier de son Couuent.	

332.

Donne la parole à vn muet.	333.
Deliure du mal caduc.	334.
Arreste vn flux de sang.	334 336.
Chasse la peste d'une ville.	335.
Obtiennent la victoire à Charles 8.	337 338.
Facilite les affaires desesperees.	339 341.
Oraisons de saint François de Paule.	665.
Neceffité de l'Oraison.	618 619.
Oraison vocale & mentale pratiquee en l'Ordre, & Couuent.	618.619.

Oraison mentale de saint François.	621 622 623.
Oyseaux se iouent avec saint François.	292.

## P

Pain enuoyé miraculeusement.	357 369.373.374.
Pains multipliez.	359.361.365. 368.372.375.378.
Avec vn petit morceau de pain il rauigoure trois hommes à demy morts.	377.
Panthere ennemie de l'homme.	40.
Le Pape commande à saint François venir en France.	53.
Il le recoit avec bien de l'honneur.	59
Paralytiques guaris.	134.139.145.150.152.159.176.202.189.337.513.
Parents de S.François, leur pais. 1. condition. 2. sainteté & continence depuis la naissance de leur fils.	78.
Paroles de saint François efficaces pour la conuersion des pecheurs.	432.
Choses passees & secretes descouuertes par S.François.	402.
403.405.406.407.408.411.415.416.	

Patien:

# TABLE

<i>Patience de S. François</i>	642
<i>Pays de saint François de Paule.</i>	1
<i>Paule ville en Calabre ennoblie par la naissance de S. François.</i>	2
<i>Paupreté aymée &amp; recommandée par S. F. 630. 631. 632</i>	
<i>Vn peintre meurt subitement peignant vn Tableau de saint François, &amp; pourquoy.</i>	597
<i>Phré sie guarie.</i>	529
<i>Pensées du cœur cognues de Dieu seulement, &amp; par grace spéciale reuelees à saint François.</i>	431.
	443. 444. 446. 447. 449. 450.
<i>Perfection de S. François.</i>	604. 649. 650
<i>Perseuerance de saint François en ses exercices vertueux iusques à la mort.</i>	647. 648.
<i>Pere de saint François fait Religieux.</i>	8
<i>Pestes guaries miraculeusement.</i>	63
<i>Pierre fort grosse tombee sur les pieds de saint François sans l'offencer.</i>	274
<i>Pierres roulans s'arrestent tout court à la voix de S. F. 281. 282</i>	
<i>Pierre dure se fend au toucher de S. François.</i>	185
<i>Pierres remuees ou soutenues, ou portees miraculeusement. 258. 259. 264. 265. 266. 267. 268. 269. 270. 271</i>	
<i>Vn Pigeon trouué miraculeusement.</i>	358
<i>Pluyes tombent du Ciel sans mouiller S. François, qui n'estoit à couuert.</i>	222
<i>Poissons morts ressuscités entre les mains de S. François.</i>	216. 275
<i>Poissons rostis ressuscitez par S. François.</i>	293
<i>Poissons trouuez miraculeusement.</i>	364. 376
<i>Pesche de poissons miraculeuse.</i>	495
<i>Poultre tiree miraculeusement apres le toucher du baston de saint François.</i>	287
<i>Choses presentes &amp; cachees recognues par S. François.</i>	
	433. 434. 435. 437. 438. 439. 441. 442. 448.

Oris-

## DES MATIERES.

<i>Origine &amp; nature de la Prophetie.</i>	398.423
<i>S.François prophetise les choses futures.</i>	49.393
<i>Providence de Dieu pour les siens.</i>	354
<i>Prudence &amp; sagesse de S.François.</i>	617

### Q.

<i>Quaresme perpetuel seulement en l'Ordre des Minimes.</i>	101.102.107.
---	--------------

<i>Raisons de l'institution par S.François.</i>	108.109. 110
---	--------------

### R.

<i>Reigle &amp; correctorium des Minimes confirmez par le Pape.</i>	88.89.90.91.
---	--------------

<i>Reigle des Minimes n'oblige à peché mortel, les veux exceptez. 91. Ses prerogatiues.</i>	93.94
---	-------

<i>Les premiers Religieux de cest Ordre receus par saint François.</i>	52
--	----

<i>Punitiõ notable d'un Religieux refractaire de sa Reigle.</i>	481
---	-----

<i>Regrets des Religieux pour la sortie de saint François hors d'Italie.</i>	55
--	----

<i>Religieux chassiez du Conuent Castelmare.</i>	44
--	----

<i>Reliques des Saints venerables.</i>	487
--	-----

<i>Reliques des Saints ont grand pouuoir.</i>	488
---	-----

<i>Punition de ceux qui ont mesprisé les saintes Reliques.</i>	461.530.
--	----------

<i>Remonstrance tres-belle de saint François à ses Religieux auant sa mort.</i>	576.577.578.581.582.
---	----------------------

<i>Resolution de saint François contre les discours contraires à son entree au desert.</i>	24
--	----

<i>Resolution de S.François contre les efforts du diable.</i>	38
---	----

<i>Resolution de S. François contre les assauts du Roy de Naples, &amp; des Princes ses freres.</i>	42.43.45.
---	-----------

<i>Rocher transporté miraculeusement.</i>	
---	--

<i>Rompus &amp; greuez guaris miraculeusement.</i>	531.532
--	---------

<i>Roy de Naples s'oppose à S. François.</i>	42.45
--	-------

<i>Il reçoit honorablement S.François.</i>	58
--	----

# TABLE

S.

Les saints en ceste vie ont quelquefois en les qualitez des corps glorieux.	382
Les Saints honorez des grands de la terre.	51.
Des choses animees & inanimees.	272.
De Dieu qui les fait comme petits Dieux.	120 121.
Saints protecteurs des Royaumes.	478.
Chastiment notable d'un qui ne rechercha le secours d'un saint.	412.
Le salut du prochain tant recommandable & commandé par S. François.	382.
Flux de sang guarý & arresté.	204.336.
Sciastique guarie.	150.168.203.
Sepulture miraculeuse de S. François.	385.
Serpens maniez par S. François sans lesion.	294.295.
Piqueures de serpens guaries.	193.501.502.
Serpens sortis hors des corps.	518.
Silence, vertu recommandable & recommandee de S. François.	309.624.625.
Enforcelez guaris.	203.
Socques de S. François iettees dans la mer appaisent sa furie.	515.
Solitude accompagnee de delices & secours du Ciel, & des autres biens.	25
Solitude aimee par saint François.	625.
Sortie de saint François hors l'Italie.	55.
T.	
Tempestes & orages de la Mer appeisees.	219.224
Tempestes en l'air accoisees.	517
Theologie & sciences infuse en S. François.	386.393.396.
Blessure & mal de teste guarý miraculeusement.	503.511
Le Turc surprend Ottrante.	467
Toux insupportable guarie.	527
Vani-	

# DES MATIERES.

## V.

*Vanité du monde méprisée par saint François encore en saie*  
22.

*La Vertu desirer le progres pour se pouoir conseruer.* Pre-  
face.

*La Vertu a un grand pouuoir tirer les esprits.* 659.660.  
661.662.

*Vertus de S. François attirent les personnes.* 30.

*Vianes mangées & nullement diminuées.* 370.

*Victoire sur les Infidelles en Espagne obtenue par les prieres de*  
*S. François.* 83.

*Vin trouué miraculeusement.* 373.374.

*Vin multiplié.* 359.366.380.

*Virginité chérie de S. François en toute sa vie.* 627.628.  
629.

*Vision à S. François pour accomplir son vœu.* 19.

*Vne autre pour aggrandir son monastere.* 355.

*Vlcères guaris miraculeusement.* 488.501.

*Vœux faits aux Saints de tout temps.* 133.134.135.

*Vœu des parens de S. François pour obtenir lignee.* 5.

*Vœu de la mere de S. François pour la santé de son fils.* 7.

*Vœu des parens de S. François accompli.* 19.

*Vœu de la vie Quadregesimale peculier aux Minimes.* 101.  
102.

*Empeschemens interuenus.* 114. 115. Temps de son approba-  
tion, 117. confirmé par miracles. 114.

*Enfans impetrez par vœux.* 538.542.544.545.546.  
547.548.557.564.565.567.568.569.

*Maladies guaries apres quelque vœu fait à Dieu ou à ses*  
*Saints.* 536.539.540.543.551.552.553.554.555.556.  
562.

*Par vœux un enfant resuscite.* 557.  
Vne


# TABLE DES MATIERES

<i>Vne fille nee au eugle est illuminee.</i>	558
<i>Pluyes obtenues pendant vne grande seicheresse.</i>	559
<i>560.561.</i>	
<i>Teux infirmes guaris.</i>	151.154.166.167.174.180
<i>181.184.186.187.196.205.500.509.524.</i>	
<i>Ze de saint François</i>	613.614

F I N.







LA VIE ET MIRACLES  
DE  
S. FRANCOIS  
DE PAULE,

Instituteur de l'Ordre des  
Freres Mînimes.

---

*Du Pays & des Parens de Saint François  
de Paule.*

CHAPITRE PREMIER.



V Royaume de Naples, entre les *Pays de S.  
François de  
Paule.*  
Lucains & Brutiens (commune-  
ment le pays de Calabre ; par le  
passé la grande Grece, & non pas  
en la Sicile, comme Genebrard  
& Locrius ont escript apres Volaterran ) est  
situee vne petite Ville nommee Paule, distante  
de Cusance (metropolitaine du Duché de Ca-  
labre) à vne journee pres. Ceste ville est assez  
remarquable pour son assiete, abondance de  
A biens,

biens , & richesses que la mer & la terre luy fournissent prodigalement , pour le secours de ceste vie, & autres belles parties & perfectiones ; mais principalement ennoblie par la naissance d'un de ses Citoyens, saint FRANÇOIS de Paule, lequel y a esté nourry, esleué, y a vſé vne grande partie de son aage ; voire en a emprunté le surnom, preferant le commun País à son estoc particulier , & luy partageant ainsi l'honneur que Dieu feroit à son nom . En sorte que par tout où seroit honoré S. FRANÇOIS : la Paule en fust reuerée, honorée , remerciée : & veux croire que c'estoit vn bon augure de sa future profession religieuse : en laquelle le Religieux oublie son particulier pour l'employer plus à propos au bien commun . Raison pourquoy en quelques Religions on ne prend autre surnom que celui du País natal.

*Parents de  
S. François  
de Paule.*

C'est donc en ceste Ville de Paule que print naissance Jacques Martotille ; & là fort proche, & joignant est vn Chasteau, & village nommé Fustaldo ou Fuschauld , duquel a esté extraicte Vienne , tous deux de parens beaucoup plus grands en perfection qu'en qua-

*Parents de  
S. François  
pauvres &  
de bas lieu.*

lité : car ils estoient issus de bas lieu & de parens Chrestiens , mais pauvres & peu estimez au iugement corrompu de ce siecle, qui ne prise la vertu qu'au poids de l'or : mais à l'infalible iugement de Dieu , qui estime les choses par le poids du Sanctuaire, ie dis avec la iustice & la raison , ils estoient grands pour leurs rares, & singulieres perfectiones : comme nourris & esleuez en la foy & autres vertus  
qui

qui doiuent indissolublement accompagner les vrays Chrestiens.

C estoit ce à quoy debuoient viser principalement, ceulx qui soubz pretexte d'honneur contre la verité declarée par l'Eglise és procès de la Canonization, & leçons des Matines, recitées le iour de la feste de saint FRANÇOIS de Paule: l'ont voulu dire extraict de Parentz, nobles & riches selon le Monde. O que l'Esprit des Enfans de ce siecle est different de celuy des Enfants de Dieu.

Les Iuifs ne faisoient Estat de IESVS-CHRIST; à raison de sa pauureté exterieure, & iusques à present, ilz attendent vn Messie reuestu de soye, & de velours; couronné de roses, & parfumé de senteurs: la où saint Paul, & les vrays Enfants du Ciel ne preschent ou recherchent, qu'un IESVS-CHRIST, fustigé, couronné d'Espines, & crucifié. Que les paroles de saint Bernard sont bien icy verifiées, qui emporté dans ses Ecstases, parle ainsi au petit IESVS nouvellement nay. *Vos pauvres drapeaux, O Seigneur IESVS, sont aujourdhuy exposés comme un signe, contre lequel chacun combat, & contredit, le laisse donc à quartier ce mensonge pour suiure la verité, prononcée par la bouche de l'Eglise, & qui en parle en ces termes (Franciscus humili & infimo loco natus, &c.)* que saint FRANÇOIS de Paule estoit issu de Parentz, qui estoient de bas lieu & petits au Monde, mais bien grands deuant Dieu. Estans donc esleus de toute eternité, & preordonnez par la Diuine Prouidence pour estre Parens d'un si saint Enfant,

A 2                      deue-

deuenus nubiles, s'espouferent en face d'Eglise selon la teneur & forme enseignée par l'Eglise Catholique, Apostolique, & Romaine, & vesquirent saintement en mariage, conseruans mutuellement la fidelité, l'honesteté, & amour coniugal.

*Les enfans  
ne de pa-  
rens steril-  
les sont or-  
dinairement  
de grands  
personna-  
ges.*

Mais comme vne spirituelle fertilité des biens de l'Esprit combloit de mille benedictions ce saint mariage: d'ailleurs se sentoient il affligé pour la sterilité de leur chair, ayants demeuré long temps ensemble priuez du plus commun souhait des deux parties, & que nature mesme, ou Dieu n'a desnié aux plus petits animaux, qui est auoir lignee & en icelle grauer leurs noms dans la posterité. Mais ce grand Dieu duquel la Prouidence, non la nature, non le cas fortuit, ou quelque industrie humaine, puis que deuant la creation de toutes choses, il auoit veu & regardé de son œil doux & amoureux S. FRANÇOIS de Paule, & le temps prefix & arresté pour luy faire son entrée au monde ensemble disposé doucement les moyens d'y paruenir, voulut entre iceux le gratifier de ce qui a esté communiqué particulierement à ceux que ceste infinie misericorde à preueni de benedictions de douceur, & qu'il a montré au monde comme ses mignons choysis dans vn grand nombre de tous ses amys & esleuz. Ce sont ceux que l'escriture, ou l'histoire sainte marque estre venus avec l'estonnement de la Terre & du Ciel. Car ce n'est vn fait commun cuëillir hors saison, ou en vn arbre sec & sterile, vn doux fruit & sauoureux. Ce ne sera sans grande merueille, & plus special

ſpecial priuilege que Sara vieille & caducque  
 allaitte vn Iſaac: Que Rachel infirme engen-  
 dre vn Ioseph: Que Anne contre eſperance,  
 donne vn grand Prophete Samuel: Que Za-  
 charie, & Elizabeth en leurs derniers ans, re-  
 çoiuent vn S. Iean Baptiſte: Que Ioachim &  
 Anne ſteriles plantent en terre la verge de la  
 racine de Ieſſe: de laquelle encores avec trop  
 plus de merueille, a ſurgeonné ceſte belle fleur  
 ſur laquelle a repoſé plainement l'Eſprit de  
 Dieu. En ordre & ce me ſemble à propos, ce  
 ne ſera ſans beaucoup d'eſtonnement, voir la  
 naiſſance de S. FRANÇOIS de Paule, puis que  
 comme des precedés les Pere & Mere eſtoient  
 fort loing par de là l'eſperance d'une tant de-  
 ſirée generation. Et tout cela viſe à faire en-  
 tendre combien la choſe eſtoit grande, laquel-  
 le ſe tiroit du Ciel à force de ſi long deſirs &  
 profonds ſouſpirs. Tels ont eſté les premiers  
 fondemens de ceſte heureuſe attente que Dieu  
 iettoit au fond des cœurs des Pere & Mere de  
 S. FRANÇOIS, pour y baſtir vne ferme eſpe-  
 rance d'obtenir de Dieu vne fauorable reſpō-  
 ce à leurs vœux & prieres qu'ils enuoyoient à  
 ces fins, ſouuent au ciel, portez ſur les ailles  
 du ieufne & de l'aumoſne y employans & in-  
 terpoſans les merites d'un autre ſien mignon  
 S. François d'Affiſe, auquel les ſuſdits Parens  
 firent vœu que ſi par ſes dignes prieres, ils ob-  
 tenoient vn Enfant maſle, pour vn commen-  
 cement de recognoiſſance d'un ſi grand bene-  
 fice, ils luy feroient porter ſon nom (FRAN-  
 çois) ce vœu fut receu par la Maieſté diuine,  
 & la iuſte requête de ſainct François d'Affiſe,

*Vœu des  
 parens de  
 S. François  
 pour obte-  
 nir lignee.*

*Miracle  
aduenu au  
temps de la  
conception  
de S. Fran-  
çois presage  
de ses ver-  
tus.*

pour ses humbles suppliants, & orateurs fut enterinee, & aussi tost respondue, comme les effects suyans en donnerent preuue suffisante. Car enuiron la minuit de la conception de S. FRANÇOIS, plusieurs personnes apperceurēt sur le toict de la maison vne fort grande lumiere, comme des flambeaux ardents qui esclairoient les lieux circonuoyfins.

N'estoit ce pas donner ia lieu à cest enfant au rāg des fauoris, & bien aymez de Dieu, nōmez en l'Euangile *la lumiere du monde*: comme rayons plus lumineux, qui esclatent, ou cōme estoilles brillantes qui empruntent leur splendeur du Soleil de Iustice, tous ordonnez pour esclairer ce monde surnaturel: pour luyre à tous ceux qui entrent en la maison de ce grand Pere de famille: pour vn chacū d'eux (qui plus haut, qui moins) au rang de ses merites seruir de branches à ce grand chandelier, que Dieu a attaché au milieu de son Eglise? C'est IESVS-CHRIST qui dit de soy mesme: *Je suis la lumiere du monde*. Te fera il maintenant loysible, mais possible ô homme vicieux, former excuses suffisantes, & pretendre encores ton ignorance qui te retienne de recognoistre, & embrasser le bien & la vertu? Non, non, Dieu, met le Chrestien à son tort, luy presentant tant & tant de flambeaux, qui l'adressent au chemin qu'il doit tenir. S'il se plaint que ce Soleil de Iustice l'ébloiuit plutoſt qu'il ne l'esclaire, puisque l'homme n'a rien qui puisse cheminer de pas esgal avec Dieu: à quoy seruiront ces autres plus petites lumieres proportionnées par la Diuine Prouidence à nostre basses-

se,

*Exhortatiō  
de bien vi-  
ure à l'exē-  
ples des SS.*

se, & infirmité, sinon pour leuer le masque de ces friuoles excuses, & entendre au iugement terrible, mais trop tard, ce que, ia long temps y a, disoit ce grand Docteur & Prelat Milanois. *Pensons que les saintes n'estoient point d'une nature plus excellente que la nostre, si bien d'une vie plus reformee: & qu'ils n'ont point ignoré ce que c'estoit du vice, mais qu'ils l'ont corrigé & surmonté.*

*De la naissance de saint François de Paule.*

## CHAP. II.

**L'**An de grace mil quatre cens seize, seant lors au liege de saint Pierre, Iean vingt-troisiesme, sous l'Empire de Sigismôd: Charles sixiesme, surnommé le Bien-aimé, regnant lors en France, & en Castille Dom Iean second: S. FRANÇOIS de Paule vint au monde, au grand souhait de ses Pere & Mere, qui comme vrayes Chrestiens le firent soudain baptiser, & imposer le nom de FRANÇOIS, en recognoissance de la grace octroyée par les faueurs & merites de S. François d'Assise. Mais comme les joyes de ce monde sont ordinairement destrempees en quelque malheur, au commencement de la naissance de cet enfant si fort désiré, le plaisir n'en fust pas entier: Car Dieu permit pour vn meilleur subject, que l'enfant eust vne carnosité sur vn de ses yeux qu'il eust perdu entierement, si aussi tost on n'eust couru au remede. Ce fust la sage femme qui voyant la mere pleurer, & s'affliger grandement pour l'incommodité

*Naissance de S. François de Paule.*

*Miracle aduenu en la naissance de saint François.*

dité de l'Enfant, elle luy remonstre s'adresser derechef à celuy par les merites duquel elle croyoit auoit obtenu l'Enfant, pour en recevoir la santé parfaicte & entiere. Ce fut lors que la bonne Mere aduoüee de son mary, feist vœu derechef à Dieu & à saint François d'Assise, qu'au cas que par ses prieres son fils receut la santé de son œil, elle le donneroit, par l'espace d'un an entier, pour faire seruice en quelqu'un de ses mouasteres, portât l'habit de son Ordre. Le vœu est faict & aussi tost exaucé: dans peu de iours toute ceste grosse carnosité qui couuroit l'œil de l'enfant se dissould & disparut, comme si rien n'y eust iamais esté.

*Pieté des  
parens de  
S. François  
remarquable.*

Vne chose bien digne de remarque en faueur de la pieté, & sainteté des Parens. Depuis la naissance de S. FRANÇOIS de Paule ses Pere & Mere firent vœu à Dieu de chasteté perpetuelle, en laquelle ils vescuient ensemble l'espace de trente ans, c'est à dire iusques à la mort: pour remerciement enuers Dieu de l'Enfant qu'il leur auoit donné, qui valloit plus que dix autres: partie aussi pour employer plus facilement le reste de leur vie en œuvres saintes & pieuses seulement. A ces fins, ilz assubiectionnoient leur chair à l'Esprit, par ieunes, veilles, & abstinences. Voire mesme ledict Iacques se battoit de disciplines, par les Eglises des desertz circonuoyfins, de la Ville de Paule, lesquelles il visitoit toutes les nuits. Et viuoit en vne si grande crainte de Dieu, que lors qu'on luy donnoit quelque chose pour manger; il ne la vouloit recevoir, si premierement il n'eut sceu d'où elle venoit: disant com-

me



me le iuste Tobie, qu'il n'est licite à personne, de manger, ou recevoir quelque chose d'autrui, prinse par rapine ou larcin. Et qui plus est la Mere de S. FRANÇOIS, à laquelle par vn special priuilege, Dieu auoit reuelé le iour de sa Mort, vingt ans auparauant: passée qu'elle fust de ceste vie à vne plus heureuse, son Pere se donna à l'Ordre, qui estoit estably long-temps auparauant, prenât l'habit & profession d'Oblat, des mains de son fils, entre lesquelles en fin il rendit son ame à Dieu, ayant vescu quelques annees fort religieusemēt en sa profession. Et S. FRANÇOIS cōme vn bon Enfant, luy ferma les yeulx, l'ensepuelit, & enterra en son Couuent de Paule.

I'ay remarqué ces particularitez, tant pour rendre l'honneur deub à la vertu, & aux merites des Parentz de S. FRANÇOIS de Paule, que pour faire recognoistre, que les graces & faueurs plus-grandes, dont le Ciel a gratifié ses Mignons, & plus chers entrē les saincts: ont esté aussi departies à celuy-cy dont est question. Chacun sçait qu'entre les Enfantz, nais de Parentz qui ont esté long-temps steriles, ou qui ont esté impetrés par Vœux & prieres, ou promis de la part de Dieu, lors que moins on esperoit lignée, quelques vns sont demeurez vnicques à leurs Parentz: comme si le Ciel eut voulu dire; que leur Mariage n'auoit esté ordonné de Dieu pour aultre fin, sinon pour donner vn Enfant qui estoit fort vtile au monde. Comme en effect on a veu, que la plupart a faict vn tres-grand fruit en l'Eglise de Dieu: lequel faisoit entendre par là, qu'un de tels Enfans, en valoit plus que dix des aultres.

*Raisons que  
presument  
que S. François  
a esté  
unique Enfant  
à ses  
Parents.*

La preuve de cecy sont les Exemples: le premier desquels sera IESVS-CHRIST, qui est filz vnique à son Pere au Ciel, & à sa bien-heureuse Mere en terre, suiuent par apres S. Iean Baptiste, le plus-grand entre les Enfants des femmes: & plusieurs aultres semblables, qui se remarqueront par ceulx qui liront les histoires Ecclesiastiques. C'est le mesme priuilege, dont a esté honoré S. FRANÇOIS de Paule: & lequel ne luy'est debattu, que par quelques vns de ceux la mesme (comme ia nous auons remarqué) qui estoient des plus obligés luy conseruer inuiolablement: voire autant qu'ils croient, que l'honneur de S. FRANÇOIS soit le leur. Or ceste Verité gaignera facilement vn esprit bien timbré, comme elle est Verité portée sur l'infalibilité de celle del Eglise; laquelle es procédures de la Canonization du S. Homme, a terminé ce different par ces mesmes paroles: (*Franciscus vnicus Parentum filius*) paroles prononcées en la presence de Leon dixième, & du cōsistoire de tous les Cardinaulx, par le Seigneur Simoneta Auditeur de la Roire, & député pour rapporter publiquement, & fidellement, les procès de la Canonization. Et pour plus dessiler les yeulx, de ceulx lesquels ils ont auéglez par certaines Tables en guise de généalogies, qu'ils ont fait imprimer: estant vne grãde partie du monde aussi facile à tromper, comme on croit legerement vne chose, pour dire seulement qu'elle est moulée ou imprimée. Je représenteray icy leurs mesmes Tables, avec les mesmes Colomnes, à fin que le mensonge se demente soy-mesme, luy opposant

fant vn seul Texte de la Canonization. La premiere de ces Tables fut imprimée enuiron l'an 1610. car enuiron ce Temps elle commença à paroistre, sans cotter precisement l'année de son impression. La seconde, est vn petit liuret, lequel en guise d'vn chetif Auorton, n'est reconnu ny de Pere, ny de Mere, ie dis de quelque Autheur, sans approbation de Docteurs, ou licence d'estre imprimé de qui que ce fut: comme si le Pere de mensonge y ayant part & honteux de sa honte mesme, n'eut osé paroistre en presence de l'Asyle de Verité, qui est l'Eglise Romaine, où il fut apporté, & distribué l'an 1617. Ce qu'ayant reconnu l'Illustrissime Cardinal Aracœli, qui par l'ordonnance de Paul cinquiesme, presidoit au Chapitre General de l'Ordre des Minimes: commanda deslors d'informer contre ces imprimeurs de liures, ou liurets, sans les conditions prescriptes par le S. Concile de Trente. Mais on desista de ceste information pour le bien de la Paix, à laquelle on croyoit obliger ainsi des personnes, mais incapables de Paix. La troisieme Table, a esté imprimée l'an 1621. de toutes lesquelles Tables ie traceray seulement les Colomnes, qui seront necessaires au present subject, comme il s'ensuit.

Jacques

Jacques Martotille, natif de Paule en Calabre, marié à Dame Vienne, natifue de Chastel fourfault eut deux Enfants.

*Fault dire.*

*Eurent un Enfant.*

S. FRANÇOIS de Paule Instituteur & fôdateur du sacré Ordre des freres Minimes.

1. Jean d'Alesso marié a & ont eu cinq Enfants.

1. Nicolas d'Alesso.

2. Pierre d'Alesso.

3. André d'Alesso ce-luy qui vint en France, & qui fut marié à Damoiselle Iacquette Baladrin, natifue de Blais, & eurent quatre Enfants.

1. Jean d'Alesso.

2. Marin d'Alesso.

3. François d'Alesso, Religieux Minime, lequel nay muet, & les pieds & les mains torfes, fut miraculeusement à luy rendue la parolle, & les pieds redressez, par les prieres de S. FRANÇOIS de Paule.

4. Anne d'Alesso.

4. Angeli-que d'Alesso.

*Fault dire.*

Dame Brigi-de Martotille, sœur de Iacques Martotille, & Tâte de S. FRANÇOIS de Paule.

2. Paul d'Alesso.

5. Persanne d'Alesso.

Voyla

Voyla ces Tables, lesquelles il faut ainsi corriger, & dire en la premiere Colomne.

Iacques Martotille, natif de Paule en Calabre, marié à Dame Vienne, natifue de Chastel fourfault eurent vn Enfant S. FRANÇOIS de Paule.

En la seconde Colomne.

Dame Brigide Martotille, sœur de Iacques Martotille, & Tante de S. FRANÇOIS de Paule &c.

1. Les raisons de ceste correction à faire, c'est premierement vn Texte de la Canonization, où il est parlé de François d'Alessio, qui est en la cinquiesme colōne, lequel aultrement seroit trouué faulx; il dit donc ainsi. (*Franciscus de Alessio beati viri Consobrini nepos*) François d'Alessio petit filz du Cousin germain ou Cousine germaine du S. Homme. Si Brigide Martotille eut esté sœur de S. FRANÇOIS, & non sa Tante: il eut fallu dire (*Franciscus d'Alessio, nepos nepotis ou neptis beati viri*, & non pas *Consobrina*. François d'Alessio petit filz de la Niepce, & non de la Cousine germaine du S. Homme. Vous verrez cela plus clairement, par la suite des colōnes en ceste maniere.

François d'Alessio (*en la 5. colōne*) est filz d'André d'Alessio (*en la 4. colomne*) & petit filz de Jean d'Alessio (*en la 3. colomne*) lequel Jean d'Alessio, est dict & nommé Cousin germain, par le Texte de la Canonization susallegué; ce qui seroit faulx, si Brigide Martotille sa Mere, estoit sœur de Saint FRANÇOIS, car ainsi il le faudroit dire Nepueu: estant donc seulement Cousin germain, il fuit necessairement qu'elle estoit Tante de S. FRANÇOIS & sœur de Iacques Martotille.

2. Nous auōs ià remarqué, que les Pere & Mere de S. FRANÇOIS, apres sa naissance, firent vœu à Dieu, de Chasteté perpetuelle. Verité qui n'a

pas esté inuentée, pour vn plus grand honneur de S. FRANÇOIS : où seulement estayée, d'une opinion pieuse enuers les Parêts: mais escripte serieusement, & fidellemēt tesmoignée, par vn des Peres, qui accompagna S. FRANÇOIS en son voyage, depuis Paule iusques en France, où il a vescu longuement avec luy; pendant lequel Temps, il a escript les choses, qu'il auoit luy mesme veu, & entendu, & donc nous auons les mesmes escriptz entre les mains. Or quelle raison, dire, que les Pere & Mere de S. FRANÇOIS, après la naissance de leur filz, ayent faict vœu de Chasteté, en action de graces enuers Dieu, pour auoir receu de luy vn tel Enfant: (cōme le susdict tesmoignage avec la cōmune opinion fondée sur les procès de la Canonization, & de la tradition & les Aduersaires de ceste Verité pour la plus part mesme aduoient) si depuis, ils ont encores vacqué aux actes de Mariage engendrans vne fille.

3. Voicy encores vne aultre preuue de ceste Verité, & bien forte pour esclaircir tout le different. Es Archives de nostre Cōuent de Paule, se trouue entre aultres Instrumentz, vne donation de ceste Dame Brigide Martotille: laquelle porte, qu'elle est fille de Vienne de Paule, Mere de Iacques Martotille, & par cōsequent ilz estoient frere & sœur: & S. FRANÇOIS de Paule, Nepueu de laditte Brigide Martotille. L'Equiuoque du nom de *Vienne*, a faict errer plusieurs; qui pour auoir entendu dire que S. FRANÇOIS estoit filz de Vienne, & Brigide Martotille fille de Vienne, ont creu qu'ilz estoient frere & sœur. Mais il falloit distinguer Vienne de Paule, avec Vienne de Fourault: Vienne de Paule, Mere de Iacques Martotille, & de Brigide Martotille: d'entre Vienne de Four-

fault, Mere de S. FRANÇOIS de Paule.

4. Fault adiouster à tout ce que dessus, les informations faictes authentiquemēt, à raison de ce differēt, en la Ville de Paule l'an 1612. par lesquelles on veoid les responce, aux interrogations faictes avec les formes iuridiques, obseruées tant enuers les Religieux, que les Seculiers des plus Anciens de la Ville de Paule. Et à ces fins interuint le pouuoir & Authorité de Mōseigneur le Reuerendissime Archeuesque de Cusance, avec celuy du Reuerendissime Pere General de nostre Ordre. Les depofantz donc apres le serment par eux faict de dire Verité, cōcluent Tous, que telle a esté la tradition, & la croiance de leurs Peres: que S. FRANÇOIS de Paule, auoit esté Enfant vnique: & que c'est chose aussi nouuelle que la nouveauté mesme, de dire qu'il ait eū vne sœur. Entre ces tēmoins, il y en a deux biē remarquables: le plus ancien Religieux, & le plus ancien seculier. Le premier se nōme frater Mathæus de la Machia, qui auoit lors quatrevingtz ans d'aage, & de Religion Cinquāte neuf: à ce cōpte il estoit nay vingt cinq ans seullemēt, apres la mort de S. FRANÇOIS: Et auoit prins l'habit, & vescu avec les Religieux, qui auoient longuemēt cōuersé avec nostre bon Pere. Le second de ces Anciens qui ont depósé, se nōme Ioannes Lucas Catatras, qui estoit Procureur du Conuēt de Paule, & aagé de soixante cinq ans: de maniere qu'il estoit nay, quarāte ans apres la mort de S. FRANÇOIS: Et par consequent son Pere, duquel il diēt auoir apprins que S. FRANÇOIS estoit Enfant vnique, auoit vescu long tēps, avec nostre bon Pere. Ces deux tēmoignages seulz, & l'Authorité venerable de ces deux barbes blanches, seroient suffisants assés, pour fermer la

germain : c'est assavoir filz de Iean d'Alessio, qui estoit filz de Brigide Martotille, Tante de nostre Pere S. FRANÇOIS. Ceux qui serōt plus curieux de tout ce que dessus, qu'ilz lisent toutes les Informations, dont l'original est fidellement cōserué, es Archiues de nostre Cōuent de la Sanctissime Trinité du mont à Rome: & les Copies authentiques, es archiues de nos Cōuētz du Plessis les Tours, de Nigean les Paris de Bruxelles, & de plusieurs aultres Conuentz, qui ont desiré prendre vne parfaite cognoissance de ceste verité. Contre laquelle, i'ay receu aduis depuis quelque Temps, que ses Aduersaires ont faict, ou contrefaict, vne information contraire. Ce que i'ay deub remarquer, pour aduertir le Lecteur, qu'il ne peut y auoir deux Verités d'une mesme chose, contraires a elles mesmes. Neantmoins comme i'ay promis en l'Epistre liminaire au Lecteur, ie m'y oblige derechef embrasser la verité qu'on me fera raisonnablemēt cognoistre si elle est aultre que ce que i'ay escript, puis-que ie ne traueille que pour la trouuer.

Le retourne contēpler cest Enfāt nouuellement nay en la maison de ses Parens, où il fust nourry & esleué. En memoire dequoy son berceau, ses lāges & autres petites infāttilles se cōseruent fidellement, & se monstrent avec reuerence en la mesme maison : laquelle pour le iourd'huy est encore sur pied conseruee, entretenue, & consacree à Dieu par nos Confreres, qui pour perpetuer vne si sainte memoire tous les iours deputent vn d'entreux, pour y celebrer le saint sacrifice de la Messe. Ce fut



nuiët vne vision à l'Enfant, qui reposoit en sô-  
 liët, pour luy faire entendre sa volonté, com-  
 me jadis au petit Samuel. Il luy sembla voir  
 vn Religieux des Freres Cordeliers (on croit  
 avec bien de l'apparence que c'estoit S. Fran-  
 çois d'Assise, qui le cherissoit fort particulie-  
 rement) qui Pesueillant: *Leuez-vous mon fils,*  
 luy dict-il, *allez trouver vostre pere & vostre*  
*mere & leur signifiez de la part de Dieu sacquit-*  
*ter bien tost du vœu qu'ils ont fait pour vous:* Et  
 sans plus differer l'enfant obeyt, se leue prop-  
 tement, & aduise ses parens de la commission  
 qu'il auoit receuë du Ciel: à raison dequoy ils  
 le menerent en la cité de saint Marc, au Mo-  
 nasterie de l'Ordre de S. François d'Assise, pour  
 accomplir le vœu par eux fait, ou il receut  
 l'habit de l'Ordre, qui estoit vn habit d'un  
 gros, & rude drap: & le porta vn an durant,  
 suiuant les cōditions du vœu, sans porter aul-  
 tre chose sur son Corps encores tendre & de-  
 licat, faisant seruice à Dieu & à ses seruiteurs  
 les Religieux de ce Conuent, soit en la sacri-  
 stie, soit en la despence, ou pour aller au bois,  
 & à la queste, & en toute aultre chose, que  
 l'obedience le vouloit employer, autant que  
 les forces de treize ans (c'estoit lors son aage)  
 luy permettoient. Ce fust en ce temps, & en ce  
 lieu mesme ou il commença sa vie quadragesi-  
 male, encores que ce ne fut l'institution du  
 lieu, qu'il n'estoit obligé suiure, qu'autāt que  
 sa deuotion en dispoisoit. Ia les Religieux l'a-  
 uoyēt espié, & trouué passer les nuiëts ou vne  
 grande partie en prieres deuant les Images  
 d'un Crucifix, ou de la Vierge, ou de S. Fran-

où le Superieur reçoit cest habit de vœu avec quelques petites, mais belles ceremonies, qui toutes aboutissent à vne action de graces pour ceste faueur receüe du Ciel, comme de present que i'escris, les enfans de quelques Princes & Seigneurs, mesme en France, portent l'habit de nostre Ordre pour auoir esté obtenus, par les prieres de nostre Pere S. FRANÇOIS de Pavle. L'expose cecy clairement pour faire entendre à nos François ce qu'ils n'ôt si fort en vsage comme les estrangers. C'estoit cest habit là de vœu que porta nostre S. FRANÇOIS entre les freres Mineurs, & le temps pour ce prefix expiré sans faire aucune profession, ses Pere & Mere retournerent pour le recevoir. Ce ieune Enfant donc estant prest de sortir du Conuēt, & prenant congé du Superieur, & des Religieux: Ilz le prioient tous la larme à l'œil. de demeurer: & qu'ils luy permettroient tout le Temps qu'il voudroit, pour vacquer à ses Exercices spirituels, avec tout ce qu'il pourroit religieusement desirer. Mais ce ieune Enfant ia assisté de l'Esprit de Prophetie, les remerciant bien-humblement, leur dit: *scaches mes Peres que ce n'est pas la volonté de Dieu, que Je demeure icy d'auantage.*

S. F. dōcfort avec ses Peres & Mere lesquels il pria tref-instamment satisfaire à vne sienne particuliere deuotiō, qui estoit visiter l'Eglise de S. François à Assise, & celle de sainte Marie des Anges. Le desiré auant ce voiage, vous me a quer vne deuotion grande, que le S. Hōme à tousiours porté à S. François d'Assise. Car bien que la couleur des habits de Religion de

*Deuotion  
particulier  
de S. Fran-  
çois de Pau-  
le enuers S.  
François  
d'Assise.*

ces deux saincts Patriarches, soit fort différente : Neantmoins le S. Hôme a porté toute sa vie, sous l'habit de Minime, vne Tunique grize, comme les habitz des Peres Cordeliers, pour l'honneur de S. François d'Assise : Plusieurs Cōuents de l'Ordre gardent ces precieuses Reliques, comme il se veoid entre celles de nostre Conuent de Nigeon lez Paris, & ailleurs. La mesme deuotion, a faict qu'es lieux les plus sainctz du Conuēt de Paule, le S. Homme faisoit peindre l'image de S. François d'Assise. Ce qui a esté si curieusement, & sainctement conserué, par nos Peres dudiēt Conuent de Paule: que de present, & sur le grand Autel, & en la Chapelle neuue, les deux S. François, d'Assise & de Paule; sont ensemble représentés au naturel, pour seconder l'Affectiō de nostre bon Pere: laquelle Affectiō, & deuotion, le porta a ceste priere qu'il fit a ses Peres & Mere pour visiter Assise, & aultres lieux, que S. François auoit sãctifié par ses vertus & miracles. Or il gaigna cela facilement sur la pieté de ses Parens, qui luy feirent escorte iusques en ces lieux. Puis ils passerent par la ville de Rome, pour visiter les saincts lieux: mais comme par cas fortuit ils rencontrerent vn Prelat de l'Eglise, Cardinal, suiuy d'vn grãd train reuestu magnifiquement: ce ieune enfant qui parloit de l'abondance du cœur, & ressentant avec mespris tout le fast de ceste pompe exterieure, se tournant vers ses parents, *Les Apostres de nostre Seigneur*, ce leur dit-il, *ne tenoient pas vn si grand train.* Le Cardinal entend la parole, & re-

*S. François  
encores en-  
fant mes-  
prise les va-  
nitez du  
monde.*

& regarde aussi tost celuy qui la prononçoit, que le bas aage ne permettoit point dire à dessein, sinon de l'innocence qui exprime les choses aussi simplement qu'elle les pense ; remarquant outre plus que ces propos ne parloient que d'une ame bien née, & qui respiroit desirant la vertu par un si notable mespris des vanitez de ce siecle, il daigna bien s'arrester tout court, pour s'arraisonner à ce ieune enfant.

*Ne te scandalize point, mon fils, ce luy dist-il, c'est la verité que les Apostres n'ont pas cheminé avec ceste grandeur, mais le malheur du siecle vent auourd'huy nous obliger à cela, car sans ceste monastere exterieure, l'estat Apostolique, cōme tout l'ordre Ecclesiastique, seroit par trop negligé & mesprisé.* Cela dict, le Cardinal poursuit son chemin: & S. FRANÇOIS de Paule avec ses Parents (qui obseruoient & cōseruoient exactemēt en leur cœur ces particularitez, és dits & faicts de leur fils) de là tournerent visage vers Paule, pour retourner & rentrer en leur maison.

Je ne doibs oublier une chose fort notable, arriuée pēdāt ce long voiage : Cest que ce ieune Enfant ne passoit par aucun lieu, où il y eut quelque hermitage, ou quelques Monasteres, renommés pour l'obseruāce reguliere : qu'il ny seiourna quelque peu de temps, pour remarquer comme un S. Anthoine, les vertus & perfections des plus S. Religieux, pour les imiter. Et tout le chemin se passa ainsi, iusques à ce qu'il fussent venus au Pais.

Arrivez qu'ils y sont n'attēdez pas veoir ce ieune Enfant courir par les ruēs, rechercher ses semblables pour perdre le tēps aux jeux, & es-

*S. François  
remarque  
les vertus  
des bōs Re-  
ligieux pour  
les imiter.*

*Exercice de  
S. François  
de Paule.  
pendant sa  
ieunesse.*

bats permis à leur aage : son ieu estoit seruir Dieu, ses exercices se reposer en l'oraison, ses plaisirs pleurer les offēses commises contre la diuine Bôté. Aussi estoit-ce vn Samuel donné de Dieu & donné à Dieu pour vn particulier seruice. C'estoit vn ieune Tobie qui sacrifie sō ame, & ses puissances au grand Dieu d'Israël, pendāt que les autres idolatrēt leur chair. Disons, c'estoit vn vieil ieune, & vn ieune vieil, si que cōme on cognoist la sterilité ou abondance du bled lors qu'il est encores en herbe, & le fruiēt à sa fleur, ainsi cognoissoit-on facilement quel deuoit estre cest enfāt à l'aduenir, par les deportemēts de son aage plus tendre. Car cōme parle le propre texte de sa canonizatiō: *En ses plus tēdres années certains petits flābeaux paroissoiēt, qui faisoient croire qu'un iour les grādes flāmes de la vertu en sortiroient*: verifiant en fin à tous le dire du sage: *Que le vray aage de vieillesse consiste en la vie immaculée*. Et de faict vous eussiez recognu vne prudēte vieillesse aux paroles & actiōs de ceste enfance: si que les vertus croissans cōme l'aage, cest esprit meur deuant le temps, ne rouloit autres conceptions dedās soy, que les moiēs de se perfectiōner par le dehors, minuant en secret vne sortie hors du mōde, pour à iamais le cōgedier avec toutes ses dānables dependances. Ceste deuotieuse reproche l'affailloit sans relasche quelconque, qu'ayāt esté dōné miraculeusemēt par le Ciel, il ne pouuoit que malheureusemēt voüer son seruice à la terre. Le S. Esprit faisoit ainsi son ieu dedās le sien, pēdant qu'il alloit ruminant & remaschant combien c'est chose plus douce

*Discours de  
S. François  
sur son en-  
trée au de-  
sert, asses  
communs à  
tous ceux  
qui vneillēt  
quiter le  
monde.*

douce à l'hôme ; reietter & vomir la creature pour goustier & sauouer Dieu, en vn mot des-  
piter ce monde, dont les beautez ou leur sem-  
blance, brauent trop glorieusement nostre  
Chrestienne liberré. Puis ceste grande lumiere  
de la grace croissant luy esclairoit & faisoit  
veoir les tenebres de ce siecle corrompu, es-  
quelles difficillement peut on cheminer, sans  
tomber en quelque piege. Que la solitude en-  
treprise par vn iugement aydé de ce secours  
d'enhaut, pouuoit garantir asseurement & af-  
franchir de toutes ces craintes & fraieurs. Que  
le diable lyon rugissât desesperé pour la perte  
de s<sup>on</sup> Empire depuis ce grâd coup de Croix, le  
voyât eschapper, réforçeroit ses efforts pour  
le retenir: mais aussi que dieu qui est fidelle ne  
permet iamais que les tétations croissent ius-  
ques à nostre ruine, no<sup>us</sup> fortifie par la preséce  
de sa grace, & qu'a mesure qu'il voit l'ennemy  
faire ses charges il enuoye nouueau secours:  
qu'il ne falloir craindre endurer quelques ne-  
cessitez corporelles en seruât le pere de ses es-  
prits, estât celuy qui nourrist les petits corbe-  
aux lors qu'ils s<sup>ont</sup> abâdonnez de leurs pere &  
mere. Qui iadis nourrist Elie par le ministere  
d'un corbeau dans le desert: qui ne mâqua de  
rien aux enfans d'Israël l'espace de quarante  
ans, qu'ils peuplerét lez solitudes: & qu'yant  
créé toutes choses, fournit à toutes indiffe-  
remment les prouisions requises à l'entretene-  
ment de leur estre.

Tels & sêblables pouuoient estre les coups  
donnez d'enhaut: mais aussi sembloit il bien  
d'ailleurs, qu'une armee de raisons vrayes, ou  
apparen-

apparentes deussent renuerfer dessus dessous les celestes desseins de cest enfant, comme si le monde & le Diable determinez à sa ruine, eussent coniuré malignement sa perte. Les tentatiōs mōdaines se presentēt les premieres, car les parēts, sans toutesfois en riē offenser leur pieté, portez naturellement à l'aduancemēt de leurs fils, espient son inclination, attendēt au passage vne meilleure occasiō pour la prendre aux cheueux, veillent à quelque honneste cōdition pour dōner repos (si repos s'est trouuē encores au mōde) à leur enfant, à qui maintenant la loy de Dieu entonnoit haultement l'obligation de croire le conseil, suiure la cōduite, n'abandonner pour rien Pere & Mere, en cela estre les effects plus remarquables de l'hōneur qu'on leur doit. Le peu d'experience attaché à son aage le dissuadoit ne se rien persuader legeremēt, qui lui fist naistre vn eternal repentir. Les compagnies de son aage l'inuitoient aux ieux & esbats communs & permis. Le desir d'estre grand au monde, qui possede mesme le cœur des plus petits, s'offroit passionnément. Les doux plaisirs, les delices succees de sa chair qui croissent avec elle comme ses iours & ses ans, affligeoient cruellement cest esprit Angelique. Le diable n'oublia pas ouvrir sō arsenal, & esprouuer toutes sortes d'armes, pour renuerfer par terte ceste ame celeste, & la ranger s'il eust peu de son party: *Vois* ce disoit-il, *de combien d'espines sont remplis ses commandemens & combien plus ses conseils, auxquels tu te veux obliger sur peine de la mort eternelle,* Le moindre desquels pourtant demande plus

plus de perfection en toy, qu'il ne s'en pourroit trouver en tous les plus parfaicts Chrestiens seculiers ensemble. Oblige toy à les suivre, te voilà obligé à vn prompt supplice, car d'où les moyens, d'où les forces en ceste fragilité humaine pour te faire quitte de tant d'obligations? Pourras tu donc bien porter toutes ces seueres & rebarbatiues austeritez qu'il demande de toy? Oseras tu bien penser seulement de traiter rudement vn corps tant delicat? Le nō seul mais le nōbre des ieunes, des oraisons, des cruelles disciplines ne te fōt ils point herisser le poil de tō corps? Combats admirables esquels le Ciel & l'Enfer sont aux prinſes pour le gain d'une seule ame! La partie toutesfois est trop inegale. La chair, le mōde, le Diable sōt forts & tres forts: Qui le nie, puisque que tant deſois ils emportēt la victoire cōtre ceux qui ne veulēt veiller en sētinnelle, moins s'euertuer au cōbat? Et ie croi que ceux là mesme l'aduouēront qui ont passē par ce fâcheux destroit d'une conuersion seculiere & mondaine à la penitence & Religion. Ce qu'à peine ne se faiēt, sans vn grād ressentimēt de la chair & du monde, qui battent si furieusement & long temps, que le seul secours du Ciel les empesche d'emporter la place. Aussi en ceste consideration se descouure assez leur foiblesse, attendu que nos entreprises sont tousiours secōdees des forces surnaturelles de ce grand Dieu des armees. La preuue de mon dire sera l'exemple non d'un homme encores parfaict, mais d'un ieune Enfant, lequel vous pouuez regarder entrer au champ de bataille

com-



*Resolution  
de S. Fran-  
çois au de-  
sert.*

*Excellence  
& utilité  
de la soli-  
tude.*

comme vn autre Dauid, avec le baston de la Croix, pour ietter par terre Goliath le diable, & toutes les forces partifanes. Considerer & attentifuemēt, vne magnanimité qui en aage encore si tendre & parmy de si rudes secouffes des tētations, luy tiēt tousiours l'esprit droict & inflexible, le conduisant aux combats avec le mesme visage que les S. victorieux en reuenoient. Car lors qu'il sembloit que les raisons alleguees deussent rendre cet esprit immobile, le recolliger tout en soy-mesme esperdu & arresté dans vn carrefour de pensees: l'ont void soudain l'esprit de Dieu souffler & emplir le voile de ceste volōté d'vn sacré enthousiasme, qui le feist heureusement passer toutes ces bourrasques, & aborder facilement au port désiré & assuré de la solitude. Tellement que de ce pas triomphant sur les combats de ses pensees, & prenant resolution pendant qu'il laisseroit ses tentations au conseil, avec vn cœur genereux & magnanime, se desrobe de la maison de son Pere pour se dōner dans les deserts, asyles & lieux de refuge ordonnez de son Dieu: laissant au reste ce bel exēple en l'Eglise pour tous ceux qui voudroyent à l'aduenir sacrifier leur vie dans les solitudes d'vn cloistre: n'ayans rien de plus cher qu'ils puissent offrir pour honorer les merites de nostre Sauueur, dont les perfections peuuent engager tout le monde, d'vn desir insatiable de le seruir, oublians avec raison toutes pretendues austeritez. Car entres les espines dont il semble les deserts le vouloir couvrir, se glissent doucement les  
lys

DE S. FRANÇOIS DE PAULE. 29  
lys de la perfection, & les roses de leurs merites, ce qui les rēd aussi glorieux d'auoir rendu quelque seruice aggreable à Dieu, qu'ambitieux de faire à l'aduenir chose qui luy apporte du contentement.

*Les lieux esquels saint François de Paule a demeuré pendant sa vie: Et du commencement de son Ordre.*

#### CHAPITRE IV.

**V**Ne des conditions, où circōstances plus necessaites à la verification d'une histoire, c'est recognoistre les lieux, esquels les actions admirees par le monde, ont eu vie. Car souuent les lieux ont aidé à faire lieu aux œures surnaturelles: cōme aussi quelquefois ils en sont demeurez sanctifiez, & remarquables aux amoureux des places consacrees, par la presence, & demeure des Saints, au tēps que parmy nous ils trafiquoient les biens, & richesses, desquelles ils se peuuent promettre assurement vne paisible possession, en la vraye terre des viuāts. Je dis donc, que S. FRANÇOIS de Paule ayant passé le temps de sa ieunesse en la maison de son Pere l'espace de douze ans, & le treiziesme employé à l'acquist du vœu (suyuant ce qui est dit cy dessus) en l'an quatorziesme de son âge, il se retire en vne petite vigne, proche de Paule. Ce lieu estoit l'heritage de ses Parents, avec lesquels il deuanca de partage, le bien qui luy debuoit appartenir apres leur mort: non comme vn Prodiges,

*Condition  
requisse à  
l'Histoire*

*Premier  
hermitage  
de S. François  
de Paule.*

*pour*

*S. François  
vecherché  
pour ses ver-  
tus en son  
hermitage.*

pour avec les biens perdre le corps, & l'ame: mais cōme vn vray mesnager, par iceux gaig- & cōseruer l'vn & l'autre. Là il dressa vn hermitage: ou il fit vn Nouiciat, & apprentissage de toutes les vertus: lesquelles depuis il a pratiqué toute sa vie, Mais comme il se void souuēt que le Soleil caché perce les nuages, & ierte quelques rayons par les fentes, & separatiōs qu'il peut mesnager, iusques à ce qu'il se face voye & passage pour clairement se faire veoir de tous. Ainsi c'est Enfāt accompagné de son desert, n'estoit tellemēt caché que ses vertus, & forme de viure extraordinaire ne le fissent aucunemēt cognoistre, iusques à ce qu'il pleust à la Diuine Bōté escarter les espais nuages de la solitude, & retirer ce flābeau caché de sous le muid, pour esleuer sur le hault chandelier de l'Eglise: à ce qu'il seruit de guider & conduire ceux qui cherchoiēt seruir plus parfaictemēt à Dieu. Ce fut au dixneuuesme an auquel la grādeur de ses vertus esleuoit à Dieu & enleuoit au mōde toutes sortes de persōnes, de tout sexe, de tout aāge desquelles comme forcé par leurs importunités, leur faire part des lumieres que le Ciel luy redoubloit dans l'esprit, & des douceurs qu'il luy versoit prodigalement dans la volonté, & autres biens, qu'obscurément ils recognoissoient & vrayement admiroient: La charité, & desir qui portoit passionnément cest Homme en toute sa vie, au bien de son prochain, & sur tout, les commandements d'enhaut d'esquelz la desobeissance luy sembloit ce qui est vn grand sacrilege: Tout cela eut ce pouuoir luy persuader se desrober

rober soy mesme , pour se donner à autrui, & perdre Dieu en soy , pour le retrouver en son prochain. Ce fut lors que Laban, par vne mystique trôperie luy supposa la chassieuse Lia, pour eschâge de la belle Rachel. Et bien qu'en fin les deux sœurs luy feussēt metamorphosées en compagnes, la charge de Lia avec ses enfans, le retardoit d'autant d'ébrasser à plaisir sa bien aymée Rachel : c'est que Dieu luy donnant charge, & gouvernement d'Ordre, & de communauté, le seuroit des menus plaisirs qu'il pratiquoit par ses meditatiōs, dās sa premiere solitude. Vrayemēt si cest Esprit n'eust esté souple, & maniable, danger luy eust esté rompre au lieu de plier. C'est vn des efforts que soustiennēt, en la vie spirituelle, ceux qui affriādez és delices de leurs secretz exercices, sont appelez, & enuoyez de Dieu parmy les troubles de ce siecle, pour prester secours aux publiques necessitez des prochains. C'estoit chose rude au petit Ioseph, faire eschange des caresses domestiques de son pere, avec les seruices, & fascheux traitemenz de l'estranger. Vn esprit alleché des douceurs de la contemplatiō, peine fort pour sortir iusques à l'actiō exterieure, & comme estrāgere de ses exercices ordinaires, si ce n'est par respect des commandemens du Ciel.

*L'actiō empesche la Cōtemplation.*

Ainsi donc, suyuant la volonté de Dieu reigle de la sienne, S. FRANÇOIS, de Paule. l'ā de nostre Seigneur mil quatre centz trente cinq, aagé seulement de dixneuf ans, donne forme, & nō de Conuēt à son hermitage, auquel il estoit demeuré seul, l'espace de cinq

*Hermitage de S. François erigé en monastere. & les premiers Religieux qu'il avect.*

ans, avecen.

*Les' pre-  
miers Reli-  
gieux recens  
par S. Frã  
çois.*

ans, permettât l'étree à ceux qu'il iugeoit dignes d'une si rare vocation : Entre lesquels furent les R. P. Bernardin de Cropulatu Confesseur du S. Homme: R. P. Nicolas de S. Lucide lequel passa le Phare de Messine avec le S. Homme sur son manteau. R. P. Anthoine bon. R. P. Archange de Lombardie. R. P. Jean de la Rocque. R. P. Paul de Paterne lequel Dieu a gratifié de faire Miracles en sa vie & apres sa mort. R. P. Balthazar de Spino docteur in utroque iure. R. P. François Binet premier General de l'Ordre apres le S. Homme, & plusieurs autres ses premiers Disciples & Enfants lesquels il nomma Minimes : leur donnant la regle, & forme de viure, telle qu'elle s'observe ce iourd'huy: qui est, à proprement parler, viure comme il est commandé en Quaresme, avec les vœux essentiels, & ordinaires de Religio Obéissance, Pauvreté, Chasteté, cōme les autres Statuts & observances de la regle, & de l'Ordre: & cōmença à bastir le premier monastere, avec l'Eglise, par le consentement, & adieu de Pyrrhus, pour lors Archeuesque de Cusence. Le bruit de ce nouvel ouvrage vole par les champs, & les hommes courent à la ville, pour offrir, qui leurs seruices, qui leur moyés, & d'autres y employoient tous les deux. L'aymant n'a iamais eu tant de force pour tirer à soy le fer que les miracles, mœurs, & sainteté de vie de nostre ieune Patriache, pour s'approcher les corps, & les cœurs des hommes, & se les venir de volonté, pour les vns bastir, & autres contribuer aux bastimets. Ce leur estoit

estoit à tous vn puissant motif: les labeurs, & fa-  
 veurs, avec la perseuerāce de tous les deux, qu'on  
 remarquoit en cest infatigable adolescent. C'e-  
 stoit luy qui le premier traualloit à foitir les  
 fondements, à porter la chaux, les pierres, & au-  
 tres choses à ce necessaires, sans en rien dispenser  
 ses ieunes ses veilles, ses prieres, & autres plus  
 austeres exercices, qu'en nous la seule admiratiō  
 comprend, non la pratique. Quelque temps ex-  
 piré, la deuotion de la Calabre s'esleuoit enuers  
 Dieu, & se retournoit vers son seruiteur SAINT  
 FRANÇOIS: si que fort ieune encore, il reçeut, &  
 bastit apres Paule les conuents de Paterne, Spe-  
 zane, & Corilian: esquels successiuement il fai-  
 soit sa demeure, mais spécialement au Conuent  
 de Paterne. Pendant qu'il sejournoit là, Dieu  
 luy fait entendre sa volonté, d'estre seruy par  
 ceux de sa profession ailleurs qu'en la Calabre: *Il passe en*  
 que pour le premier coup d'essay de ses voyages, *Sicile où ses*  
 il trauerçast le Phare de Messine, pour arborer sa *perfections*  
 Croix, & ses espines par toute l'isle dela Sicile. Le *le font co-*  
 S. Homme, qui estoit comme perpetuellement *gnoistre.*  
 en sentinelle, pour entēdre la voix de Dieu, obeit  
 promptement: le voyla party, il arriue, & entre  
 en ce pays, mais comme vn soleil qui faisant son  
 entree au monde sans autre bruit, fait aussi tost  
 cognoistre sa presence: par ses rayons, & lumiere  
 il leue toutes choses, les releue de leur plus pro-  
 fond sommeil, & quasi les attire toutes à soy: ain-  
 si l'Homme de Dieu descourrit aussi tost sa sain-  
 teté qu'il fut arriué. Tant, & tant de malades,  
 mais tous les malades du pays venoient à foule,  
 & receuoient santé. Il sembloit, à vray dire, que  
 Dieu voulust rapporter ce premier aage doré, où

il plantoit, & confirmoit sa foy, & Religion à force de miracles. Car le saint Homme en fit lors vn si grand nombre, & de toutes sortes (qui n'ont esté mis par escrit) que ce peuple croyoit voir reure IESVS-CHRIST, ou quelqu'un de ses Apostres. Il y auoit presse à le suivre, à l'approcher, à luy parler, mais à toucher seulement ses habits d'un esprit de deuotion Vne si grande quantité de ieunesse se donna au seruice de Dieu, sous la conduite de sa discipline, & austerité de sa regle, qu'il luy couuint accepter, & bastir plusieurs Monasteres, pour les y receuoir. Où tout estant mis en bon Ordre, le S. Hôme rebrouste chemin, & retourne en Calabre.

*Retourne en Calabre.*

*Monasteres des son tēps dressez en diuerses cōtrées de l'Europe.*

Je ne veux m'arrester pour mettre en compte tous les Monasteres qu'il a receus, ou bastis de son viuant. Car en vne petite espace de temps, il veit son Ordre estendu par l'Italie, France, Espagne, Allemagne, & autres plus belles pieces de l'Europe.

*Des empeschementz interuenus de la part du diable au commencement de l'Ordre pour empescher son establissement.*

## C H A P. V.

COMME i'ay promis faire veoir les lieux plus frequentz deputez à la retraite de ce nouveau Patriarche: ainsi en passant chemin, ie veux remarquer les effortz que le diable donna contre les mandemens du Ciel, que le S. Homme estoit chargé expressément executer sur terre. Car figurez vous que deslors que cest ennemy commun

*Le diable machine cōtre S. François.*

mun de l'honneur que la creature doit à son Dieu, au peril du sien, & de la vie mesme, si besoin est, eut receu aduis des intelligences particulieres que nostre saint Homme auoit avec le Ciel, duquel il se declara partisan, s'emparant d'une cellule au desert, pour là se tenir fort, contre ses efforts: & plus, descourant à la façon de ce nouveau Champion, & aux mouuements de son corps, les resolutions courageuses de son esprit, d'assaillir le premier, ne quitter iamais la partie commencée, craignant de perdre: plustost mourir, voire mille fois, qu'une seule fois reculer: qu'il estoit, à voir, sorty de son Hermitage, c'est à dire de la salle d'escrime, où il auoit faict apprentissage au maniement des armes spirituelles, avec commission de leuer compagnies, gens d'élite, armez tous de la grace de Dieu, & commandement de se tenir tousiours prests au combat. La pratique d'ailleurs auoit enseigné ce vieil routier de guerre, craindre, que comme les autres qui auoient embrassé semblables entreprinses, celui-cy eut assurance du secours d'enhaut, avec lequel vn foible enfant combattoit, mais terrassoit les plus forts geants. Se prendre aux mains avec Dieu, c'estoit se ioïer avec son maître: qu'il le sçauoit, qu'il en faisoit pour iamais experience de la perte de son bien, & honneur. Le voila aux escoutes: prendre aduis avec des volonteés aussi determinees au mal que la sienne; si, & comme quoy il estouffera la naissance de ce bien. S'opposer formellement à ces poursuites pour les arrester au commencement, ou progrez du chemin commencé par le saint Homme: il craint, avec raison, le secours de la grace, qui est



prest, & sur les frontieres d'une feruente volonte, pour le charger, s'il fait seulement mine de remuer: permettre d'ailleurs qu'un ieune homme seul au desert face la loy à tant & tant de legions tartariques, qui ont combattu & atterré quasi tout un monde, & en iceluy une bonne partie de ceux qui faisoient pareilles desmarches de sainteté au commencement de leur conuersion: qu'il n'en seroit pas ainsi. Ce silence importer par trop à la grandeur & estenduë de leurs pretensions; la ruine de toutes les ames: que l'orgueil de ceux qui ont tourné le dos à leur Dieu, & qui va tousiours montant, & passant outre, ne deuoit espargner celuy-cy plus que les autres: leur presomption auoir autrefois attaqué rudement les Antoinnes, les Hilarions, les Machaires suiuis de leurs troupes militaires, le Fils de Dieu mesme, iusques dans leur fort au desert: que cestuy-cy ne leur feroit plus de mal que les autres: que ceste perte au pis aller, seroit mise en ligne de conte avec les autres pour estre payee en une eternelle confusion. Conclusion prinse de trauerser, s'ils ne peuuent, au moins retarder les exploits glorieux de ce nouveau Capitaine, avec sa suite, quoy qu'il en arrive. Mais si le subiect du combat a esté bië assailly, il est encores mieux deffendu. Si vous en demandez des nouuelles à la verité, elle vous dira que cest ennemy commençant par le duel, voulut faire preuue de ses forces particulieres: si seules seroient bastantes à combattre son aduersaire, le partisan de Dieu nostre saint Homme. On ne voyoit rien plus commun que le cartel de deffy: on n'entendoit plus rien autres choses que les rodomontades que l'ennemy

my

my exprimoit par la bouche des miserables corps qu'il possédoit. En ces temps y auoir vn meschant Hermite par le monde, vn r'empiecé, vn mangeur de racines, vilain barbu, qui l'irritoit, & non content luy auoir déclaré la guerre ouuerte, qu'il en suscitoit d'autres, les dresser au combat, leur enseigner les ruses d'une guerre spirituelle, mespriser cest ennemy par vn mespris de foy, grand estime des promesses du secours, qui est tousiours proche à ceux qui ne s'esloignent de ceste croyance. Qu'au reste que ne feroit il contre luy, qu'il n'oubliera rien qu'il pensera pouuoir esuenter ceste mine: qu'il luy donnera, & aux siens, tous les empeschemens, pour arrester les progrez d'une telle entreprinse: & cōme vn Holoferne menace Bethulie, qui seule luy fait resistance, deuoir aussi seule prendre experience des forces aprestees, à ceux qui les presument trop foibles au combat. Le pere de mensonge le dit ainsi: ainsi le pratique le fils aîné du mal. Il entre effronté qu'il est en la cellule du bon Pere (Car rien ne luy est fermé, que ce qui est sous la clef de celuy, qui ferme, & personne n'ouure: ouure, & on ne peut fermer) interrompt ses prieres, diuertit son attention, veut qu'on l'escoute premier que Dieu: mais il trouue ja à qui parler: on luy bouche les sens pour ne le voir, ouyr, ou sentir: son impudence donc passe outre, & va peignant dans l'imagination de ce ieune soldat de IESVS-CHRIST ses vieilles bourdes, & bordaux, se presentans en guise de ieunes filles avec leurs lascifz attraitz où il auoit iadis tenté souiller la pureté des premiers anges (S. Hiérosme nôme ainsi ces premiers Hermites & Religieux)

*Affautz du  
diable.*

qui viuoient dās les grottes en vn corps humain: mais le crayon, ou peinture ne peut prendre sur vn papier gressé, moins ces sales caracteres sur vn esprit couuert de la grace de Dieu.

Mais voyant que ses singeries n'estoient recēues que pour singeries, il change de figure, & de gestes. Il faict le lion: meine vn bruit intolérable en la cellule du saint Homme, pour troubler le repos, & silence de son oraison: menace de tuer, ne pouuant dauantage, il frappe rudement ce corps encores tendre, & delicat, mais fortifié d'un esprit trop robuste. On oyoit vn effroyable tintamarre, approchant seulement de la cellule, mais prestant l'oreille de plus pres, on entendoit vn son plus harmonieux, que rendirent iamais instrumens de musique, mariez avec les voix. C'estoient les saintes resolutions de ce ieune champion de nostre Seigneur vray palme plantee en sa maison, qui se lenoit contre son poids, & chargé de coups releuoit sō courage avec telles protestations dignes de sa valeur. *Le saint nom de Dieu soit beny: & qui me pourra separer de la charité que i'ay vouëe à mon Sauueur?* Quoy? les veilles? les abstinences? les tentations? Seront-ce les ieufnes, les disciplines, les austerez? quoy donc? les appasts delicieux du monde? ou les doux sou-rires de la chair? ou bien les terribles menaces de l'ennemy commun? non certainement: non, toutes les croix, la mort mesme, nō pas l'enfer seroit fort assez pour m'arracher vn point de la vie, que i'aye toute consacree à mon Dieu. Ainsi passoit les iours, & les nuits en combats, & victoires. Ceux qui ont eu l'honneur de sa conuersation, & iouy du bien de sa presence  
dés

*Resolutions  
de S. Fran-  
çois contre le  
diable.*

dés le beau commencement de son institution qu'il donna à Paule, comme ils parloient avec admiration, en ont laissé l'estonnement dans leurs escrits: que le bon Pere estant reclus en sa cellule, on entendoit par nuit spécialement, de grâds bruits, & tintamarres: & cōme si quelque quantité de personnes eussent trainé de grosses chaisnes de fer, ou des chariots parmy le plancher de sa chambre: à raison dequoy les Religieux, qui n'estoient encores bien vſitez au combat spirituel, fuyoient tant qu'il leur estoit permis, de demeurer pres de la chambre du saint Homme. On croyoit fermement que l'ennemy auoit eu licence de venir aux mains pour le frapper, comme iadis il auoit cruellement battu le bon saint Antoine en son desert. Dieu exposant ainsi ses plus fauoris à la mercy de l'ennemy, & à sa confusion tout ensemble, lors qu'il esproueroit, & à ses despens, y auoir quelque chair plus forte que tous les esprits tartariques. Et pour faire voir que ces combats n'estoient imaginaires, souuentefois on l'en a veu sortir, portant les marques, & blessures en son corps, en guise d'un valeureux Capitaine, qui pour se rendre maistre de la place, retourne du champ de bataille couuert de la poussiere & du sang des ennemis meslangé avec le sien: qui tous ensemble, comme liurees de diuerses couleurs, font d'autant plus esclatter la valeur, & les prouesses de celuy qui reste victorieux.

Le diable voyant que ses armes ne portoyent coup contre celuy qui estoit tout armé de Dieu, il veut croire, se prenant à ceux qui professoient combattre sous les liurees, faire d'auantage pour

foy, trauailler d'autant plus le saint Homme, comme il scauoit la grandeur de sa charité enuers tous, particulièrement enuers les siens: que de ce costé trouueroit moins de resistance: la batterie en estre plus facile, le tout deuoir luy succeder conforme à son souhait. Qui ne voit icy vne Panthere que la nature a tant oublié en sa creation, caressant le reste des animaux en faueur du seruice qu'ils deuroient à l'homme, où cest animal luy est si fort ennemy, que ne pouuant se prendre à sa personne, deschire son image en mil, & autant de pieces, que sa malice luy en fournit de force, & pouuoir. C'est donc le diable qui pert ses escrimes contre le saint Homme, & les veut esprouuer contre ses disciples, & enfants. Bien vray est que le chien estoit lié, & fort pres, permis à luy abboyer, clabauder, hurler: mais non de mordre, deschirer ou emporter la proye. Il arriua vne fois iusques aux approches, par permission diuine, qui vouloit faire voir à ces ieunes soldats plus de force en leur chef, que de foiblesse en l'ennemy, pour leur dire rien craindre à l'aduenir que de le craindre, & les rendre d'autant plus hardis au combat, qu'il y alloit tousiours bien pour eux. Il vint donc iusques à ceste rage s'emparer du corps d'un ieune enfant natif de Paris, qui estoit venu expres au Pleffis lés Tours, demander l'habit de Religion au saint Homme (le narré se verra ailleurs) la proye ne luy demeura pas long temps: voicy venir le bon Pere avec son baston, quasi pour frapper vn mastin qui emporte la piece dās sa gueule: luy fait lascher prinse, & bien tost, sans plus gronder, sinon quelque fois en presence: en

*Le diable  
dresse des  
embusches  
contre les  
disciples de  
S. François.*

ce: en absence vser de menaces, qui leur donneroit del'empeschement, de troubler leur establisement: trauerfer leurs affaires, & ne rien oublier du mal qu'il se pourroit souuenir, contribuer à leur ruine. Et tout cela quoy, sinon abboyer contre la Lune, ou contre soy-mesme quand on ne peut rien plus contre autrui? Que sert en guise de Geantz, vouloir de nouveau escheler le Ciel, sinon faire naistre la confusion au milieu del'ouurage? Aquoy, declarer la guerre à Dieu, que pour cruellement guerroyer nous-mesmes? Qu'aduancera le diable contre Dieu, quelles armes tirera-il de son Arsenal, assés fortes pour esbranler celuy qui affermy sur la vraye pierre, est aussi immobile que le mont de Sion?

*Effort des hommes pour trauerfer l'establissement de cest Ordre en son commencement.*

## C A P. VI.

**L**E diable desesperé de ses poursuites particulieres, prend son chemin vers les hommes du monde, pour les pousser de prendre les armes de leurs mauuaises volontés: les consacrer toutes à son seruice contre les Religieuses entreprises du vray seruiteur de Dieu: croyant de faire avec tels seconds, ce qu'il n'auoit peu faire seul. Mais Dieu sçait, & l'experience le nous dit, que les pensees ou proieets des hommes ne sont que vanité: ce sont fumees, & bien fort espaisies, lors qu'elles sortent de la cheminee de leur ceruelle, toutefois plus elles montent & aduancent chemin, plustost descendēt elles à leur neant, s'esuanouissent & se perdent

*Le diable  
pratique les  
hommes pour  
traverser S.  
François.*

perdent de nostre veüe. Il en arrive de mesme du conseil des homes où Dieu n'a esté appelé. Car le succez des affaires du S. Homme luy estoit si fort aduantageux qu'il demeueroit tousiours maistre du monde, comme del'enfer, bien que ses parties aduerses, pour le rang qu'ils tenoiët entre les grâds, eussent la force, & la faueur: le bõ droit neantmoins restant tout entier de son costé. Vn des forts assauts que le S. Hõme eust à soustenir, fut dès le commencement de l'institution de son Ordre. Il auoit en teste le Roy de Naples Ferdinand premier, le Duc de Calabre, & le Cardinal de Hõgrie ses freres qui persuadez par quelques enuieux, la malice desquels gloseroit la plus sainte action du mõde, se declarerët fort contraires à son establissement, pour estre faict dans leurs terres: enuoyent messenger exprez au S. Hõme, luy font sçauoir de quitter la partie: n'aduācer d'aduātage ce qui estoit commencé: qu'aussi bië auoiët ils conclud ne donner permission passer outre, ne frayer plus aux bastimens de ses Monasteres, à peine de tout perdre, avec leurs bonnes graces. Vrayement voila de fascheuses nouuelles, capables, ce semble, arracher la resolution de l'esprit plus resolu, s'il n'a intelligence d'ailleurs de qui il se tienne fort. Il est ainsi. Le S. Homme ne craint en façon du monde telles menaces, ou leurs semblables. Il leur oppose les commandemens du Ciel: il se targue de l'auctorité de celuy qui n'obeyt à personne, & a pouuoir absolu commander absoluëment à tous, va combattant ainsi toutes les raisons humaines. *Qu'il faut plustost obeyr à Dieu qu'aux hommes*: n'estre chose nouuelle au monde voir ou entendre le bien estre contre-poincté

pointé: le diable se porter aussi facilement à cela, que malicieusement il y pousse les autres: Dieu le permettre ainsi quelquefois, fondant la fermeté de nos volontez, pour y ietter le fondement de ses graces: que les Princes irritez contre luy, estoient hommes en la nature, & grands en leur condition: c'est à dire fautifs, & plus que le reste des autres hommes, subiects recevoir le mensonge pour verité: qu'aussi estans bien informez, releuoient la raison aussi haut, que leur qualité esclatte par dessus le reste du commun: n'estre de leur gibbier, ou ressort, la cognoissance d'une nouvelle sorte de Religion: qu'à ces fins il en auoit recherché l'auctorité du Reuerendissime Archeuesque de Cusance lors son Diocesain ordinaire. Qu'au reste il falloit tenir ferme: que les issues des affaires de nostre vie, qui est vne guerre continuelle, succedent diuersement, iusques à tant que Dieu iuste Iuge, aux yeux duquel rien n'est caché, ait donné sentence diffinitive contre les ennemis du bien commun, ou particulier. C'estoient les entretiens interieurs, avec lesquels nostre saint Homme passoit doucement son temps, lors que ces Princes mesnagez à propos par l'esprit de diuision, veulent croire leurs remonstrances estre desdaignees. Ce mespris formel de leur auctorité (ils le nommoient ainsi) importer par trop à leur honneur: qu'il n'estoit à propos permettre à vn homme de neant, vn pauvre Hermite leur faire la loy en leur pays: que dans peu ils luy rendroient tesmoignage de leurs mescontentemens. Les passions s'eschauffans de plus en auant, & de iour à autre, commencent à esclorre telles vengeancees. Le susdit Cardinal

chasse



chasse de force les Religieux, que le bon Pere auoit mis au nouveau Conuent de Castel-mare: s'approprie le lieu, & y faict bastir vn riche palais, vn superbe edifice. Cest homme edifioit, & Dieu demolissoit la iouyssance d'un bien si mal acquis. Car si Dieu n'edifie la maison, ceux qui bastissent travaillent en vain. La vigne du petit Naboth cousta la vie & l'honneur à Achab, c'est à dire possesseur de mauuaise foy. Ce pauvre miserable n'en eust meilleur marché. Car Dieu qui a prins en sa sauuegarde le pauvre abandonné des hommes, permet qu'auant que l'an fust expiré, ou qu'il sentist plaisir du desplaisir des autres, le venin luy seruit d'adiournement personnel pour comparoistre au grád iugement de Dieu, & y rendre raison de ceste sienne action, avec le reste des autres. Ce fut à Rome, & durant le pontificat d'Innocent huitiesme, que ceste mort arriua.

Vous croiriez voir dõresnauant S. FRANÇOIS de Paule viure avec plus de satisfaction que par le passé, Dieu ayant imposé silence à celuy qui troubloit le repos de ses affaires, mais ce n'est sa coustume traiter les siens à si vil prix, ou leur faire si grand marché des richesses du Ciel: si, comme il est, nostre vie se peut nommer vne nauigation, & tres-perilleuse, où la mer estant calme ne peut promettre que boraesque, & tempestes. Comme vous auez veu passer vn flot de contradiction, promettez vous asseurement que voicy en arriuer vn autre contre la naue, & barque du saint Homme: mais qui n'y fera nõ plus de mal que le premier. Elle est ancree en terre ferme: les esperances sont affermies en la Diuine Prouidence. Je le veux, la mer est en furie: mais elle

elle ne luy fera non plus de tort qu'au rocher, où elle est attachée. Le saint Homme conduisoit ses ouvrages, & les auâçoit le plus qu'il pouuoit, comme le Roy de Naples ses passions & coleres. Il portoit passionnément la mort de son frere, qu'il auoit veu finir au commencement des troubles qu'il cauçoit au saint Homme, la mort inopinée de son costé donnoit vie aux passions : le mespris qu'il pretendoit d'ailleurs luy estre fait, portoit son courage aux vengeance : vaincu de sa propre foiblesse, se refould; & en effect, appelle vn maistre de Gallere, luy donne cōpagnie de soldats, avec cōmandement tres-expres tirer vers Paterne, où alors le bon Pere faisoit sa residence, & que d'amitié, que de force, cōme il pourroit, il luy emmenast le saint Homme, vif, ou mort, à quel prix que ce fust. Voicy donc le Maistre de Gallere arriué avec escorte. Le suet de sa commission bruit aux oreilles des vns, puis des autres. C'estoit sous-main, à qui premier donneroit aduis aux Religieux pour se garrer à l'abry de ceste tempeste, & serrer bien estroitement le plus riche ioyau qui fust en leur tresor, & par tous moyens à eux possibles, pour empescher qu'on ne leur enleue leur bon Pere voyla le Conuent tout en esmeute : c'estoit voir vn troupeau d'agneaux aussi effarouchez comme apres auoir descouuert le loup. Mais le bon Pere qui iouïssoit d'une paix en son ame aussi grande, que l'espouuante troubloit l'esprit de ses enfants, appaise leur douleur, & esluye leurs larmes, avec ceste si douce responce: *Par charité, si c'est le vouloir de Dieu, ils me prendront : sinon ne craignez pas qu'aucun homme nous puisse nuire.* Quoy dit, il va de ce pas en l'Eglise

*Effort du  
Roy de  
Naples cō-  
tre S. Frã-  
çois.*

l'Eglise; refuge & asyle des enfans de Dieu, où de nouveau luy faict offrande de sa volonté, de sa personne, de tout soy-mesme, pour en disposer à son bon plaisir, non à celuy des hommes: traite de ses affaires aussi familièrement, comme avec son amy; celle-cy spécialement entre les autres: & comme Ezechias, desploye en presence de sa diuine Majesté, les patentes & commissions d'un autre Sennacherib, pour en faire ce que de raison. Sembloit bien au saint Homme estre assez, faire entendre ses necessitez à son amy. La loy d'amitié obligeant, par reciproque tout secours possible: tirant ses conclusions des sillogismes que la necessité d'un amy met en forme. Le saint Homme cherchoit ainsi Dieu avec autant de ferueur, que les hommes le recherchoient avec fureur. On voyoit ce maistre de Gallere suiuy des siens & de ses passions, entrer au Monastere, se pourmener par le cloistre, regarder en l'Eglise, sortir du dortoir, fureter les cellules des Religieux, descendre au refectoir, aller par toutes les places, qu'il pouuoit s'aduiser, & avec Trasonades courtisanes, disoit, & redisoit, Où est il? où est cest Hermite? il le faut auoir. O que grand est l'aveuglement d'une ame qui ne donne entree chez soy à la lumiere de la grace, & de la raison! Cest homme veut trouuer ce que Dieu luy cache: c'est de retourner, & visiter les mesmes lieux, & en iceux entrer, & ressortir l'Eglise, passer, repasser deuant le saint Homme sans le voir. Le despit luy fournit les menaces, & rodomontades estrangeres, si soudain on ne luy liure celuy qu'il cherchoit. On l'aduertist, qu'il pouuoit bien estre dans vn petit bois, qui estoit proche du

Mona-

*S. François  
rendu inuisi-  
ble.*

Monastere, qu'il souloit pratiquer souuent ceste solitude, pour vacquer au repos de son oraison: on va, on court, on inuestit le petit bocage, on y entre, on en sort de mesme: ces pas sont aussi inutiles, que les premiers, sinon pour d'autant plus allumer les coleres de cest homme qui iettoit feu par les yeux, en ses paroles, en ses démarches. Lors qu'un pauvre manouvrier, qui trauailloit au Conuent, il se nommoit Antoine de Douât, qui estoit fort familier avec le bon Pere, craignât que la passion preuenant la raison persuadast à cest homme efforcené, offenser les Religieux, ou exercer quelque autre vengeance contre la maison, s'approchant luy dit: Et quoy Monsieur, est-ce le bon Homme que vous cherchez: tant de fois vous auez passé deuant luy: comme quoy ne l'avez-vous point veu, ou ne luy auez parlé? où est-il? monstre-le nous, respondoit cest homme, tout transporté hors de soy-mesme. Le manouvrier luy dit de r'entrer d'où il sortoit, & luy monstra le bon Pere prosterné deuant l'Autel en l'Eglise, qui se leuant de son oraison, pour le de-uancer, & recueillir avec son ordinaire charité, suiuant au plus pres la piste de son maistre, & du nostre, qui alloit doucement de pas, & de parole au deuant de ses ennemis qui venoient le surprendre pour en faire à leur volonté: & qui aussi leur tesmoigna bien, qu'il n'en seroit pas ainsi, iusques à tant que l'heure marquée par la Diuine Ordonnâce, luy fust signifiée, comme alors, c'est à dire au temps de sa passion il leur permit: que de present ce leur seroit bien assez recognoistre le pouuoir qu'il auoit sur eux, les renuoyât mains vuides, vers ceux qui les auoyent enuoyez les ar-  
mes

mes au poing. Voicy encores IESVS-CHRIST viuant sur terre en son seruiteur S. FRANCOIS: vous auez veu tout maintenant cest homme non plus vn homme, mais vne beste armee de rage, courir apres sa proye en la recherche du saint Homme: contemplez-le à present, & attentifvement: ce n'est plus luy. Les methamorphoses d'Homere fondent des hommes en bestes: celles d'Ouide, d'hommes font des Dieux. Le reste de la Poësie est fondee autant en vanité, que nos histoires sacrees, & Ecclesiastiques sont basties sur la mesme verité: qui va nous representant les bestes metamorphosees en hommes, & les homes changez en Dieux: en voicy les personnages representez sur le theatre de ceste histoire. Aussi tost que le maistre de Gallere eut apperceu le S. Homme, il sent vne douce violence, qui luy arrache insensiblement le courage du cœur, & les armes de la main: & se recognoissant vaincu, se iette aux pieds de son victorieux Antagoniste, pour luy demander vn entier pardon de ses fougades passees si inconsideremēt: avec licence, luy exposer simplement la volonté de son Prince, résolu neantmoins, n'ensuiure autre que la sienne: Dieu luy faire entendre assez clairement, qu'il ne l'auoit emmené que pour cela, qu'à ces fins il demeureroit à ses pieds iusques à tant qu'il l'eust honoré de ses commandemens. Voila pas vne beste deuenüe homme? voicy vn homme deuenü Dieu. Le bon Pere releue humainement ce maistre de Gallere, remet plus facilemēt la faute, qu'il n'a demandé le pardon, pour & en faueur de son humilité: & comme vne bonne mere, qui pour arrester les larmes de son petit, luy  
fait

*Efficace grā-  
de en saint  
François  
pour amol-  
lir la feroci-  
té des cœurs.*

faict croire que les autres ont biẽ failly; qu'ils s'en repentiroient, & qu'on les battra bien. De mesmes ce bon Pere d'une compassion charitable, comme simulant ignorer les fautes de cest homme penitent, luy representoit seulement celles de son Roy. Croyez, ce disoit il, mon amy, que la foy du Roy est bien petite. Il luy seruiroit peu ou rien de m'auoir près de foy, & sera ce me semble plus à propos que ie reste icy. Vous retournerez donc avec vostre compagnie, à la premiere commodité. Arrivé que serez, vous rendrez de ma part, ce que ie vous donne pour le Roy, la Royne, aux Duc, & Duchesse de Calabre, chacun en particulier, vne de ces chandelles benistes, avec ceste parole: *Que s'ils n'aduissent, & bien tost, appaiser l'ire de Dieu par vne digne penitẽce, qu'ils attendent vn rigoureux chastiment de sa part: que le Roy mesme est bien au danger de ne pas mourir Roy.* Ce que dessus arriua, comme il auoit esté predit. Ce fut en l'an 1487. que Charles huitiesme du nom Roy de France, pretendait le Royaume de Naples luy appartenir, en chassa le susdit Roy: lequel il enuoia prisonnier en France, de maniere qu'il vint mourir à Tours, près de son Prophete le S. Homme: ce que ie laisseray raconter aux historiens du pays, pour dire, que deslors le diable eust ioué son rollet, si la presence du bon Pere ne l'eust retenu, car si le tesmoignage des ennemys en faueur des leurs, vault, & va ordinairement pour deux: la deposition rendue librement par les diables, fera vne demonstration trop forte pour conclure necessairement ceste verité. La sain-

*Prophetie de  
Sainct François  
contre le  
Roy de Na-  
ples ascôpho.*

été de ce bon Pere estoit si grâde, qu'elle lioit les mains sanglantes, si non la volonté plus cruelle de cest ennemy commun. Il y a bien d'atantage, il suspendoit pour vn temps, c'est ce que nous voulons dire, la commission émanee du Ciel addressée au diable pour executer sur le pays d'Italie: qui estoit la ruiner par guerre, & de fond en comble, s'il eust peu, autant qu'il vouloit de mal. La seule presence du saint Homme en empesche l'execution. Le diable ne hurloit autre chose par la bouche de ceux qu'il possédoit en ce temps. C'estoit ce que tacitement le S. Homme mandoit au Roy de Naples, luy voulant persuader, que pendât la suspension de ce iugemēt il arrestast la main vengeresse de nostre Dieu, par vne vraye conuersion & digne penitence.

*Voyage de S. François de Paule en Franco avec  
ce qui luy arriva passant à Rome & le long des  
chemins.*

## CHAPITRE VII.

**L**E doux zephir haleinât par interualles les prairies diaprées de mil & mil belles fleurs, ne seme si tost parmy l'air les odeurs soüefues, & agreables, que la renommée, portee sur les aîles de la verité, faiēt voler les perfections de la vertu par tous les coings de l'univers, & en iceluy de la Chrestienté, qui en fait vne particuliere profession. Ce qui a poussé plusieurs grâds Princes, des Roys mesmes, des Empe-

Empereurs, à la recherche de l'amitié des pauvres personnes au prix du monde, mais riches en vertu aux yeux de Dieu, par lettres & messages, & par hommes exprès enuoyez de leur part, se recômander, leurs enfans, leur estat à leurs graces & prieres. Quelquefois honorer de leurs presences les hermitages, les solitudes, leurs grottes, & cellules: pour voir si la renommée, en la publication de tant de merueilles, les auoit point trompez. C'est ainsi que les iours de nos Saints ont escoulé ceste vie, par vn mespris de soy mesme & le grand estime d'un chacun. La seule veüe de la tresprofonde humilité de nostre saint Homme, avec vn plus grand honneur que toute la terre luy a rendu d'une indicible affection, représentera comme sur vn theatre, ce qui s'est passé en la personne des autres Saints, qui plus, qui moins, autant que la Diuine Prouidence en auoit disposé, pour les abbaïsser, & puis les esleuer au throsne de la gloire, par les degrez du merite. Or entre tous ceux qui oncques laisserent plus aisément entrer & ancrer en leurs ames ce religieux desir d'honorer la vertu, parmy la poussiere de sa pauvreté, le tres-Chrestien Roy de France Loys onzième fut des premiers en la gloire d'une si loüable recherche, pour s'approcher vn thresor spirituel, qui estoit bien fort esloigné de luy, & caché iusques dans le plus profond de la Calabre. Ce Prince donc ayant ouy raconter que S. FRANÇOIS de Pavle tenoit facilement vn des premiers lieux de sainteté entre tous ceux qui auoient iamais

*Les SS. honorez des Grands de la terre.*

*Deuotion du Roy Loys onzième envers S. François de Pavle.*



porré ceste qualité: les miracles luy estre faciles, & les propheties aussi ordinaires que les actions naturelles sont volontaires au reste des hommes: le Prince d'ailleurs se sentant abbattu & cassé de maladies, qui trauailloient sans cesse l'esprit auec le corps, & Dieu qui mesnagoit ainsi son bien par ses pertes, bastissant sur les ruines, & mazures de ses miseres, & maladies, la sâté de son ame, & le bon heur de tout le Royaume: se resolut appeller près de foy le saint Homme pour en prendre vn assésuré témoignage luy mesme par les effects de la santé de son corps, & des plus saints aduis qu'il en esperoit, pour le salut de son ame. Le voila qui en escrit & rescrit par plusieurs, & diuerses fois à Ferdinand I. Roy de Naples: il enuoye les courriers l'vn apres l'autre; supplie le Roy ioindre ses prieres avec les siennes, y interposer mesme son auctorité, si besoin est, pour persuader au saint Homme de venir en France, afin de iouir du bon heur de sa presence, de la sagesse de ses conseils, & des effects de ses prieres. Le Roy de Naples qui vouloit s'obliger celuy de France par ce bien-faict de courtoisie, escrit, & enuoye messagers exprés vers le saint Homme: toutes les lettres vissoient à mesme fin, luy persuader avec les industries possibles, le voyage de France: la deuotion d'un si grand Roy meriter bien ceste peine, cōme les prieres de son Prince naturel, la faueur dont il estoit requis: s'offrir vn beau subiect par ce moyen d'augmenter son Ordre en vn paysestranger, y estât appelé par le Roy mesme: estre chose bien plus fauorable à ce dessein,

dessein, que s'il s'y offroit de son propre mouvement: n'estre à propos laisser passer les occasions qui se presentent, que bien souuent il faut rechercher par apres, avec peine & travail: qu'au pis, ils employeroient vne auctorité absoluë pour le necessiter à faire ce qu'il n'auroit voulu accorder de son plein gré. Tât d'autres semblables raisons representees au saint Homme addoucies de promesses, & de picquantes menaces, n'eurent iamais le pouuoir d'entrer seulement en son ame: tant s'en faut que de l'estonner si peu que ce fut; aussi estoit-il fils legitime de la Dame honorable representee en l'Apocalypse, foulant la lune aux pieds, mysterieux symbole du parfait mespris des mutations, & vicissitudes, fideles cōpagnes de tout ce qui est enfermë dans le pourpris du Ciel de la Lune.

On a dôc recours au saint Pere, c'estoit lors le Pape Sixte quatriesme, qui iugea aussi-tost la deuotion du Roy tres-Chrestien meriter bië estre exauceë, & à ces fins il escrit au saint Hôme, de se transporter en France au plustost qu'il pourroit, pour satisfaire aux pieuses volontez de sa majesté: ne rien craindre pour les commencements de son Ordre encores fort ieune, & delicat: luy mesme, comme Pere commun du Christianisme, s'en vouloit charger particulierement pour asseurer son establissement: que faisant cela il feroit chose plaisante à Dieu, & à l'Eglise, agreable au Prince, & fort aduantageuse à son Ordre. C'estoient en partie les raisons que le Pape madoit par deux diuerfes fois: c'est à dire commâdoit par deux

*Commâde-  
ment du Pa-  
pe à S. Fran-  
çois pour al-  
ler en Frâce.*

diuerſes obediēces, enuoyées au ſainct Homme: puisque les prieres des plus grands, & du plus grand des hommes qui ſont ſur terre, tiennent lieu de cōmandemēt. Qu'eut penſé alors, qu'eut faiēt autre choſe le plus humble fils de l'Eglise qu'humblement obeyr aux volontez du ſainct Pere, mais à la volonté de Dieu, qui parlant par la bouche de ſon Vicaire qui eſtoit ſur terre, commādoit ſeulement au ſainct Hōme; executer ce que enuiron vingt ans auparavant il auoit predict par ſa bouche meſme: faiſant entendre à ſes Religieux, qu'vn iour vïendroit où il faudroit aller en vn pays, duquel ils ne pourroiēt entēdre la lāgue. Ce iour donc venu avec les Obediēces de ſa Saincteté, & les lettres du Roy de Frāce pleines de courtoisies, qui luy furēt rendues par ſon Ambaſſadeur le Sieur Ieā de Baudricourt, enuoyé expreſ pour le luy amener, & faire compagnie le lōg du voyage. Le S. Hōme croit eſtre la volōté de Dieu celle que luy expoſe le S. Pere; eſtre vn ſacrilege luy deſobeyr, & *quasi peccatū ariolādi.*

Les concluſions prinſes de partir & aller à Rome receuoir les commandemēts de ſa Saincteté: il prend congé de ſes Religieux, les exhortant viure & perſeuerer en la charité, en la paix, en l'humilité, & autres vertus, eſquelles il les auoit nourris avec le ſoin & la diligence d'vn pere, & d'vn vray pere: conſeruer inuiolemēt la regle qu'il leur auoit dreſſée, pour modelle, & patron d'vne vie religieuſe: à laquelle ils s'eſtoient ſi eſtroitemēt obligez par vœu, ſoit pour les habitz comme pour la forme de viure, & autres obſeruances qui regardent la manutention de la vie Monaſtique, ſe

monstrer au reste fort zelez , pour aduancer l'honneur de Dieu, & soustenir tousiours pour l'integrité de l'obseruance reguliere, que Dieu preuiendroit, & seconderoit leurs bonnes volontez: qu'à ces fins il leur donnoit à tous sa benediction , & les laissoit à la protection & sauuegarde de Dieu, entre les mains duquel le diable ne peut rien ou offencer, ou raurir. Mais qui pourroit si attentiuelement escouter le triste adieu d'un si bon Pere , sans estre interrompu par les larmes & regrets que iettoient confusement en l'air ses pauvres enfans qui desolez ce qui se pouuoit, de l'absence de leur Pere, c'estoit voir les vns se ietter à ses pieds, pour y recevoir sa sainte benediction: autres aux embrassemens de son habit, pour tesmoignage de leur affection: ceux-cy employez à baiser ses mains, & les luy lauer de leurs larmes, lors que l'extreme tristesse leur noüoit la langue: qui par fois comme respirât laschoit quelques paroles entrecoupees d'autât de souspirs. Vous nous l'auiez bien dit, ô nostre Pere, vous nous l'auiez bien dit vraiment , que le destin du Ciel vous appelloit ailleurs: mais nous n'en eussions rien creu pourtant, si nous ne l'eussions veu de nos propres yeux. L'amour de la chose possedee par nous si cherement, nous leuoit la crainte de sa perte, ne pouuans croire vne chose deuoir aduenir, que nous ne voulions pas estre faicte. Et donc nostre Pere, auriez vous bien oublié ce que nous vous sômes? que nous auons congedié nos amis, nos parés, le monde pour nous ioindre de compagnie avec vous? embrassé vne forme de viure si

*Les regrets  
des Religieux  
& seculiers;  
pour la sortie  
de S. François  
hors d'Italie.*

penible, sur l'esperance d'un prompt secours, par vos aduis, par vos remonstrances, par vos charitables oraisons, resolu de combattre courageusement sous l'estendart de IESVS-CHRIST mais par vostre sage conduite, portans vos liurées, & couleurs, pour ne vous souuenir plus du deuoir auquel tous ces puissants liens vous obligent & attachent? C'est l'autorité de l'Eglise qui vous enleue: nous l'honorons avec vous, mais apres tant de miracles faicts deuant nos yeux, par la vertu de vos prieres, que Dieu ne peut, pource qu'il ne veut pas, les escôduire: Enuoyez en vne encores, nostre Pere, pour vne affaire si importante à vos enfans, qu'elle vous obtienne, & rapporte fidellement vne dispense du Ciel, de n'obeir aux hommes, pour ne laisser de pauures orphelins en proye de l'ennemy commun, qui si long temps y a qu'il espioit vne si fauorable occasion de vostre absence, pour nuire aux vostres. La parole leur manquoit suffoquee par l'effort des sanglotz, lors que le saint Homme demeuroit quasi comme immobile pour se rendre attentif aux tristes doléances de ses freres, & Religieux. Toutes les tentations qu'il auoit esprouuée, iusques icy, auoient esté grandes, mais rien au prix de ceste-cy. Le nô de Pere, celuy d'enfant estoient deux pointes qui luy perçoient le cœur: les obligations reprochées: ces apprehensions cent fois mieux representees par l'action que par paroles esmouuoient la charité d'un si bon Pere, & sa bonté naturelle ramollie à telles plaintes, s'alloit ja fondre en larmes, si la grace plus puissante ne les eust retenues.

Ain

Ainsi donc le saint Homme rassuré, & remis en la première assiette de la constance Chrétienne, & Religieuse, desseiche ses larmes & essuye doucement celles de ses enfans, & se retournât à eux d'un visage resolu & affermy leur repart raison pour raison: sur tout la perfection de l'homme au dire des sages mêmes parmy le monde, estre de s'uyre Dieu, c'est à dire faire sa volonté au prix de toutes les incommoditez, qui se puissent imaginer, si nous auons de l'amour pour luy tât peu que ce soit. Les ayant donc consolés avec toutes les raisons dût il se peut aduiser, le voila partir avec deux de ses Freres Religieux qu'il emmeine à Rome, & de là en France avec soy, en guise d'un second Abraham, & vray pere de plusieurs nations qu'il a engendrées en IESVS-CHRIST, qui à la voix de Dieu exprimée par la bouche de son Ange, ou Vicaire sur terre, luy commande sortir, & quitter pour l'amour de luy son pais, sa cognoissance, la maison de son pere pour s'acheminer au lieu que Dieu luy auoit designé & montré pour aggrandir là, & multiplier sa posterité. Je ne m'arreste point à specifier combien la diligence apportée à ce depart, affligea tout le pays: ce n'estoit que concours de peuples des villes de la Province, pour contribuer seulement à vne continuelle tristesse par soupirs, par larmes, par plaintes qu'on leur ostoit leur bon heur, celui de leurs villes, chacune en particulier, mais celui de toute l'Italie. Pour le dire en general, ils regrettoient tellement ceste separation, que rien en fin ne toucha iamais leur ame,

à l'esgal

à l'esgal du desplaisir qu'ils en supportoient; mais le saint Homme les consolait par vne  
 eternelle souuenance qu'il leur promettoit  
 placer en son ame, tournant iour & nuict ses  
 prieres vers le Ciel pour leur santé, & prospé-  
 rité, & passe ainsi son chemin arriuant iusques  
 à Salerne, où il designa vn lieu propre pour  
 bastir vn Conuent de son Ordre: de là vint à  
 Naples, qui fut l'an de nostre Seigneur 1481.  
 Le Roy de Naples suiuy de ses enfans, & de  
 sa Cour vint au deuant du saint Homme, luy  
 rendant de l'honneur autant qu'il pouuoit  
 aux merites d'un si grand personnage: si que  
 le Chronographe de ce temps là, n'a peu em-  
 prunter vne plus riche comparaisson, sinon de  
 dire qu'il fust visité & honoré du Roy, & de  
 ses enfans, autant qu'un legat Apostolique.  
 C'est la verité mesme, qu'il s'esioit grande-  
 ment à sa venue, & luy tesmoigna bien de  
 l'affection, le suppliant auoir agreable quel-  
 que place en la ville, telle qu'il luy speciferoit  
 pour y edifier vn Monastere de son Ordre:  
 c'est celuy qui se nomme aujourd'huy le Con-  
 uent de saint Louys. Le saint Homme ayant  
 demeuré quelques iours à Naples, pendants les-  
 quels il ne cessa faire choses merueilleuses  
 pour satisfaire les yeux des mesmes choses,  
 dont on auoit repeu leurs oreilles, sur la grâ-  
 deur des merites du saint Homme, que Dieu  
 continuoit incessamment de tesmoigner aux  
 hommes par des tres-grands & insignes mira-  
 cles, ayant receu le congé du Roy, à qui par  
 reciproque il donna, & à ses enfans, puis à toute  
 la Cour, vne adieu suiuy de mille benedictiōs,  
 il entra

*S. François  
 arriué à  
 Naples est  
 receu honno-  
 rablement  
 du Roy Fer-  
 dinand.*

*Il accepte  
 lieu pour  
 bastir vn  
 Conuent à  
 Naples.*

il entra dans le vaisseau, où estoit l'Ambassadeur du Roy de France, qui, par expres commandement de sa Majesté, s'estoit chargé de la personne du saint Homme, pour ne l'abandonner nullement le long des chemins, depuis la Calabre où il l'auoit enleué, iusques à ce qu'il l'eust représenté au Roy. Ils viennent donc ensemble & paruiennét en peu de temps aux fosses de Treue (c'est vne riuiere qui vient trauerser la ville de Rome) & de là à Rome, pour baisser en toute humilité les pieds de sa Sainteté, & y protester fidellement la mesme submission d'un vray & legitime enfant de l'Eglise.

Le Pape enuironné d'une bonne compagnie des illustrissimes Cardinaux receut le saint Homme avec beaucoup de contentement, & l'ayant amyablement embrassé, apres les receptions faictes à luy, & au Sieur Ambassadeur, & les ceremonies obseruees, lesdicts Sieurs illustrissimes voulurent prendre la peine le visiter tous l'un apres l'autre, mais avec tant de caresses, que chacun demeureroit estonné de leurs courtoisies, avec lesquelles ils deferoiét par de là l'ordinaire à vn simple hōme, à vn pauvre hermite, à vn hōme qui en l'exterieur sembloit estre de peu, & quasi de rien. Chacū recognoissāt au vray que la feinte n'accōpaignoit point leurs protestatiōs, & que la dissimulatiō courtisane n'auoit place parmy les assurances de leurs affectiōs au S. Homme: nō plus qu'és visites des autres Seigneurs: en fin de tout le peuple, qui à foule couroit voir la merueille de leur temps, auquel par

vne

*Il est receu,  
accompagné  
de l'Ambas-  
sadeur François,  
par le  
Pape & les  
Cardinaux.*



vne particuliere intelligence de l'escriture ils rapportoient au iour la verification de ceste aussi ancienne, qu'obscure Prophetie, qui promettoit faire voir la sublime, & superbe Cité abbaissée sous les pieds des pauvres, c'est à dire des Apostres, & hommes Apostoliques, qui les suiuroient de pres en merites, en honneur. Certainement on ne pouuoit pèser autre chose, voyant les plus grands de Rome, ie dis de la premiere, & plus fameuse ville de l'Europe, mais de la Chrestienté, ouy bien de tout le monde, abbaïsser leurs grandeurs sous la bassesse & humilité d'un Minime de ce saint Homme. Mais l'estonnement redoubla bien d'auantage, voyant les audiences que le Pape luy donnoit si facilement, par trois diuerses fois, esquelles sa Saincteté luy voulut parler seul à seul: le faisant seoir pres de luy, dans vne chaire, chacun colloque durant l'espace de trois, ou quatre heures. Dieu seul cognoist le plaisir que sentoit le Pape, & l'vtilité qu'il iugeoit de tels deuis, pour y employer vn si long temps, qui luy est aussi cher, que necessaire: puisque les grandes affaires qu'il traite pour la conseruation, & augmentation de l'Eglise vniuerselle, luy desrobent tout son temps, voire tout soy mesme, pour se donner entierement aux autres, & avec mesure & proportion fort petite: à fin que chacun en particulier, partage au bien commun de l'auctorité de sa charge. Mais la saincteté d'un homme si nouveau portoit son priuilege avec soy, pour estre dispensé de la loy commune, & traiter à loy sir avec vne autre Saincteté, qui est premiere sur la terre

*Colloque familier & secret du Pape avec S. François.*

DE S. FRANÇOIS DE PAVLE. 61  
la terre, comme si vn semblable rencontrant  
son semblable, en desiroit, par l'inclination  
naturelle, vne particuliere gratification. Et  
puis Dieu auoit commandé anciennement au  
souuerain Prestre de iuger entre cause & cau-  
se; c'estoient les differents qui concernoient  
specialement l'estat de l'Eglise, tant pour son  
bien en general, que pour le salut de tous en  
particulier. L'ordre nouueau que le S. Hom-  
me instituoit pour remettre en son lieu le mô-  
de, desordonné en ses meurs, & en sa vie, de-  
uoit estre examiné par celuy qui en auoit la  
commission du Ciel, le Vicairé de Dieu sur  
terre. Ce qui fut faict à l'heure mesme que le  
Pape recogneust par ceste veuë, ce qu'il en a-  
uoit seulement entendu, estre vne particulie-  
re vocation, & vacation mandée du Ciel, cō-  
me telle l'a receut, l'approuua, & iugea tref-  
sainte, tref-vtile & tres-necessaire, pour re-  
former bien tost la corruptiō de ce siecle: por-  
ter facilement les hommes à la vertu, & em-  
braiser tout le monde par sa charité, ie dis de  
l'amour de Dieu, & du prochain. Sa Saincteté  
passe outre, car iugeant, ce qu'il admiroit avec  
raison, les graces, & merites d'un si rare, & ex-  
cellent personnage, voulust l'ordonner, & sa-  
crer Prestre, si la profonde humilité du saint  
Homme, n'eust habilleement paré à ce coup, se  
levant legerement de son siege pour se porter  
profondement aux pieds du S. Pere: où il luy  
fut permis donner iugement contre soy-mes-  
me, fondé sur vne procedure faicte apres l'in-  
formation, & examen de sa vie, qu'il protesta  
sans feintise, & avec verité ce luy sembloit, in-  
digne

*Humilité de  
S. François.*

digne de la compagnie des hommes, tant s'en faut que de pouuoir accepter l'honneur, qui n'a mesme esté communiqué aux Anges : que non seulement, avec permission, il n'accepteroit l'Ordre de Prestrie : qu'il se garderoit bien aussi s'approcher de l'autel par aucun ordre sacré, non pas mesme par vn des quatre mineurs, desirant viure & mourir en nom & en effect Minime en tout temps, en tout lieu, en toutes choses. Le S. Pere qui auoit ja pratiqué les perfections du S. Hôme vn long tēps, & par diuerses fois, ne le voulant forcer à son dessein, craignāt s'opposer à celuy de Dieu, & ayant trop suffisamment descouuert, qu'ils auoient cōme tousiours, & à toute heure des intelligēces particulieres par ensēble, le voyant ferme, & fermé à ceste hūble resolution, en laquelle il a demeuré tous les iours de sa vie, de refuser l'offre, & les prieres qu'on luy faisoit, pour receuoir quelque ordre que ce fut en l'Eglise: au moins il luy fist accepter, ce qu'il luy donna, le pouuoir de benir Chapelets, Rosaires, chādelles, pain, & autres choses, qu'il voudroit donner par deuotion à ceux qu'il en iugeroit capables: comme se trouuēt iusques au iourd'huy plusieurs personnes deuotieuses, qui en gardēt plus soigneusement, que ce qu'ils resserrent de plus riche en leurs thresors. Sa Saincteté luy ayāt aussi eslargy plusieurs graces, & beaux priuileges pour l'establissement, augmentation, & honneur de son Ordre puis sa saincte benediction, pour vn dernier adieu: Le S. Homme luy ayant baisé biē humblemēt les pieds se leuē pour sortir de Rome, avec le

sieur

sieur Ambassadeur, s'embarquer dans sa Gallere, faire voile, & singler en pleine mer, iusques à ce qu'après plusieurs perils trauersans leur nauigation (qui se diront chacun en son lieu) ils se trouuerent heureusement poussez au port de Marseille: où estant arriuez, le S. Homme prend terre avec ses Religieux, puis ayant donné vne chandelle beniste à chacun de ceux qui estoient en la Gallere, les congedia & leur dit retourner au pais en la garde de Dieu. C'est vne opinion plus commune, que les gardes du port de Marseille empescherent le Maistre de la Gallere où estoit le S. Homme, de prendre terre, à raison de la peste, qui auoit infecté toutes les villes maritimes, croyans ce malheur leur estre apporté par les vaisseaux qui venoient de loing: à raison dequoy, costoyans seulement les Falaises, ils se retirerent à Borme, où des-jà se formoit vne semblable difficulté qu'à Marseille, lors que le S. Homme leur respondit: *Dieu est avec nous, permettez nous d'entrer:* & aussi tost alla visiter tous les malades pestiferez, & les guarissoit: & ce qui faict beaucoup à ceste verité, & reste plus admirable, c'est que dès ce temps, ils ont eu S. FRANÇOIS de Paul en si grand honneur, qu'ils en celebrent la feste comme du iour de leur Patron: ont dedié vne Eglise à son nom: où toutes ces villes maritimes viennent en procession, pour se garantir de la peste par ses prieres: & ceste ville là depuis ce tēps, na sceu que c'estoit de ceste maladie, bien que les circōuifines comme toutes les villes maritimes, en soient ordinairement assaillies: pēdant lequel temps,

*Abbor de à  
Borme en  
Prouence &  
la preserue  
de la peste.*

temps la ville de Borme, ayant fermé les portes de son Eglise, & de la ville pour se conseruer, ces autres villes ne laissent venir en procession, qu'ils font autour des murailles de la ville, pour implorer le secours de SAINCT FRANÇOIS de Paule.

*Merueille de  
son voyage.*

Il seroit bié difficile, voire côme impossible rapporter fidellement tous les merueillesque Dieu permit estre faicts le lōg du voyage, pour faire cognoistre par tout, & par tous vn hōme si merueilleux: Car le sieur Ambassadeur avec sa compagnie deposingent avec serment, que par tous les chemins, soit par mer, comme par terre, ce n'estoient que nouuelles occurences de nouueaux miracles, & spécialement les soirs & matins de l'entree & sortie de leurs gistes: par les champs mesmes, où le bruit courroit que le saint Homme deuoit venir, tous les passages estoient bordezz de gens malades de diuerfes maladies, & que le bō Pere en guarissoit autant qu'on luy en presentoit: les vns prenans vn filet de ses habits: les autres de ses cheueux: ceux-cy regardoient, & gardoient ce qu'il auoit seulement touché: & ceux-là s'estimoient bien heureux pouuoir le suivre pour cheminer sur ses pas. Chacun par vn interieur mouuement s'y portant, & emportant avec la mesme deuotion, pour admirer, & honorer avec tout leur pouuoir les graces infinies qui luy estoient departies, communiquees, & enuoyees du Ciel. Toutes ces ceremonies furent obseruees par la creance des peuples aux vertus & merites du Saint Homme. Depuis estre fortý de son Couuent de Paule, venu qu'il fut de

de Naples, à Rome, & depuis estant paruenü en France, passant par la Prouence, le Dauphiné, les pays Viennois, Lyonnois, de Bourgogne, & autres pays qu'il luy conuint trauffer pour venir iusques à Tours, où estoit le Roy, qui l'attendoit avec impatience, pour le bien qu'il esperoit en receüoir: Voicy donc arriuer vn Courrier de la part du sieur Ambassadeur, pour l'aduerter des approches du Saint Homme. Ces nouuelles resiouirent le Roy, & la Cour, autant que l'homme est capable receuoit du contentement en la iouissance d'un grandissime bien, & longuement attédu. C'estoit au chasteau du Plessis lez Tours, où pour lors le Roy faisoit sa residence, qui sortant du lieu avec la Roynes, suyuis d'une grande quantité de noblesse, vint au deuant du S. Homme, lequel il receut comme chacun peut penser, avec beaucoup de contentement, & l'ayât amiablement embrassé, le remercia de la peine qu'il auoit prinse pour luy, avec plusieurs autres & semblables complimens. Les ambassades & bien-venues faictes, ils s'acheminèrent dans le chasteau, où le Roy luy fit marquer son logis, attendant que le Conuent qu'il luy donnoit, contigu à son parc, fust acheué de bastir. Il le visitoit aussi souuent que tous les iours, & se desroboit des Princes & de la noblesse, pour traicter avec vn si bon homme, car ainsi le nommoit il: & depuis ce temps le nom en est resté aux Religieux Minimes de la France. Il s'esmerueilloit grandemét de la douce & sainte conuersation de ce bon Pere. Il admiroit sur tout ce que par plusieurs fois il auoit

*Son entrée  
& reception  
du Roy au  
Plessis lez  
Tours.*

E

dict,

dict, ne pouuoir croire y auoir vn hōme parmi le monde, qui se pouuant mieux faire, voulust estre pauvre, vil, abiect, content de peu, & viure avec vn vray mespris de ce que le monde, & tous les hommes estimēt sur toutes choses. C'est comme vne impossible en l'estat de la nature corrompue, & qui tient lieu de loy és œuures des hommes, penser d'autrui ce que nous sommes, & leur raur ce que nous ne sommes, ou ne voulons pas estre. Ce prince, bien que d'ailleurs il fust accomply de plusieurs belles & rares perfections, si est-ce, cōme a remarqué son particulier Annaliste, qu'il estoit homme fautif, subiect à erreur, & qui portoit sur soy, comme chacun des humains, le paquet de ses imperfections.

*Empeschemens pour l'establissement de  
l'Ordre au Royaume de France.*

## CHAPITRE VIII.

**L**E Diable, qui despitait voir le S. Hōme entré & anchré en la Cour de Frāce, où il scauoit qu'à son ordinaire il s'opposeroit à ses dānables destins, l'experience luy ayant leué tāt & tant de fois la creance de luy pouuoir nuire en facō du monde par ses propres armes: l'enue qui le rongeoit ne luy promettant point patienter d'auantage, qu'il nes'opposa à vn si grand bien, qu'il craignoit avec les siens, ou que les gens de biē espereroient par la presence du saint Homme en la Cour. Il tente, en  
guyse

guyse du singe , remuer le feu avec les pattes du leurier , & allumer l'indignation du Roy contre le saint Homme par l'entremise d'un Medecin que le Roy croyoit comme vn Oracle (il se nommoit messire Iaques Potier , qui depuis fut President en la Cour de Parlement à Paris.) Ce Medecin gouuernoit le Roy plus paisiblement que soy-mesme, & ses passions. Car par ie ne scay quel Aphorisme de son art, il auoit conceu vne si grande enuie, & tesmoinoit vne plus mauuaise volonté contre le S. Homme & ses austeritez , qu'il n'en pouuoit bien dire ou penser. Se seruant donc à propos de l'occasion, & mesnageant avec la prudence humaine les humeurs du Prince , qu'il cognoissoit se porter facilement à se deffier de toutes personnes indifferemment, & de leurs deportemens & actions les plus saintes & irreprochables. Il scauoit d'ailleurs le Roy estre porté d'affectiō enuers le saint Homme : n'estre chose facile que luy effacer si tost les impressions qu'il auoit vne fois receues en son esprit pour quelqu'un, en bien, ou en mal. Il n'ose donc pas apertement mesdire de ce bon Pere, ou censurer passionément sa forme de viure, mais avec la patience d'un corrompu Courtisā, il aduāçoit vn mot à demy entēdre, & puis vn autre. Comme il recognoist l'esprit du Prince disposé à escouter sa medisāce, il en parle libremēt, & à pourpoint deboutōné: fait voir le maltalent qu'il portoit dans son cœur contre celuy qui ne luy auoit rendu que respect & honneur: qu'il falloit neantmoins couvrir du pretexte de fidelité qu'il a iuré deuoir

*Le diable  
par l'entre-  
mise du Me-  
decin du Roy  
dresse nou-  
uelles em-  
busches à S.  
Francois.*



& conseruer à son prince pour ne violer les loix fondamentales, non de la Cour, mais des corruptions de la Cour: où bien souuent les seruiteurs font porter la marotte à leurs maistres & seigneurs, l'auctorité desquels ils employent pour venger leurs querelles particulieres; qu'ils colorent d'une botte d'apparentes raisons pour leur prouuer ce qu'après ils aduouent pour la verité mesme, que le blanc est noir, le verd est iaulne, & le doux amer, choses comme cela, aussi esloignées du vray comme le faux en est proche. Ce Medecin d'oc void que les deuis plus commûs du Roy trottent à toute heure, à toutes compagnies, à toute occasion, de la vie, & vertu du saint Homme: qui l'estime, & en fait estat: chacun dire après le Roy comme luy, en faueur de ce bon Pere, qui chercher l'ocasiõ de remarquer vne actiõ particuliere entre les autres, pour auoir subiect de parler à sa Maiesté, & luy dire chose qu'on scauoit luy estre agreable que le Roy luy en demandoit mesme son aduis, ce qu'il y auoit veu, ou recogneu particulièrement: ce fut lors qu'il prit subiect de commencer son jeu, & feignant se conformer au sentiment qu'en auoit le Prince, il en disoit vn peu de bien aduisant neantmoins, la prudence estre bien requise pour iuger en ces commencemens les deportemens si extraordinaires de cest homme, les particularitez entre les hommes, estre fort subiettes à suspicion: l'hypocrisie se glisser facilement parmy les plus grands professeurs de la vertu: sa Majesté y auoit esté quelquefois trompee & deceue,  
par sa

par sa bonté mesme, voulant croire le bien où elle n'auoit descouuert que du mal . Ainsi disoit le medecin , & contrefaisoit l'entendu , avec d'autres considerations pareilles à celle là qu'il fit goustier, & aualer au Roy, comme vne dosse de pillules, l'vne apres l'autre, & qu'il fist operer au mesme instant: Car le Roy est porté à ceste creance ou des fiance, lequel il conclud en son ame d'esclaircir par toutes les voyes possibles : Mais il n'y a point de prudence ou de conseil qui puisse attaquer celuy de Dieu, & de ses seruiteurs, la Sapience Diuine demeure tousiours victorieuse de la malice humaine, ou diabolique. Voicy de quoy.

Vn peu apres l'arriuee du saint Homme, le Roy sous pretexte de le vouloir emmeubler, & accommoder, il luy enuoye vn buffet dor, & d'argent, garny de toutes ses pieces, Le bon Pere qui penetroit iusques dans les cœurs , & sçauoit fort bien , que cela seruoit à le tenter, refusa entierement tout ce que le Roy luy enuoyoit, *Dictes* , ce dit-il , *à sa Majesté que la condition d'Hermitte ne permet pas que ie sois seruy en vaisselle d'argēt: que ie me contenteray trop d'une escuelle & d'une tasse de bois.* Alors le Roy luy enuoya vne grāde quātité de vaisselle d'Estain, qu'il refusa avec les mesmes paroles que les premieres. Parmy ces exercices enuieux, la malice fournit nouuelles inuentions : le Roy propose surprendre la simplicité de ce bon Pere sous vn pretexte de deuotion : il luy faict present d'une image de Nostre Dame de fin or ducat, qui estoit estimee dix-sept mille

*Integrité de  
vie de S.  
François en  
vain tentee  
du Roy.*

escus: & luy manda la faire bien conseruer, pour l'ornement de son Eglise . Le bon Pere apres vn grand remerciement , luy renuoya l'image par ceux mesmes qui l'auoient apportee, les chargeant dire à sa Majesté sa deuotiō n'estre point portee à l'or, ou à l'argent: ains seulement à la tressacree Vierge Mere de Dieu, qui à present regne és Cieux avec son Fils: qu'au reste il en auoit vne image en papier qu'il tenoit aussi chere que celle qu'il luy renuoyoit . Le Roy qui n'auoit esté encores defieuné de si formels mespris de choses de si grande valeur, croit cela ne pouuoir estre si fort fermé en sa resolution, que l'importunité ne l'esbranle. Il renuoye dōc iusques à la troisieme fois, porter l'image au bon Pere, & luy faiēt scauoir qu'au cas qu'il ne la vueille garder pour soy, il aura bien agreable qu'il en distribue la valeur aux pauvres. Le saint Homme repartit que le Roy auoit ses Aumosniers: qu'il pouuoit par leurs ministeres departir les aumosnes qu'il iugeroit mieux à propos de faire: resolu au reste de iamais n'accepter l'offre que le Roy luy faisoit. Ceste belle & riche image fut depuis donnée à l'Eglise des Chanoines de S. Ian du Plessis . Le Roy plus estonné qu' auparauant, ne quitte pour cela la partie, ains laissant escouler quelque peu de temps, quasi pour reprendre haleine à pis faire : il vint vn iour luy seul , portant vn sac plain d'escus sous son manteau , & entrant en la chambre du saint Homme, qui faisoit sa demeure au mesme chasteau, luy dit : Mon bon Pere, ie suis venu vous parler seul à seul, voycy que ie vous donne (ce disoit-il en luy offrant

cest or) prenez le hardiment: car personne n'e  
aura cognoissance que nous deux . Je desire-  
rois fort que vous l'eussiez employé pour fai-  
re bastir vn Conuent de vostre Ordre dans la  
ville de Rome. Le saint Homme recognois-  
sant l'importunité de ce Prince , que la malice  
poussoit plus auant de iour à autre: pour l'em-  
pescher d'offenser Dieu à l'aduenir; & luy per-  
cer à iour les espaisles obscuritez de son ame:  
apres vn refus aussi desdaigneux par la mine  
de son visage, que rude de paroles : *Il vous se-  
roit bien plus seant* (ce luy dit le bon Pere) *ren-  
dre le bien d'autrui que vous auez autrefois pillé  
& desrobé, & charger moins vos pauvres subiects,  
que penser faire aumosne de ce qui ne vous appar-  
tient pas. Ce ne sont pas telles bonnes œuvres qui  
sont les plus necessaires à vostre salut .* Le Roy  
porte patiemment vne si austere reprimende,  
dissimulant sa confusion, pour le desir qu'il a-  
uoit de paruenir à son malicieux dessein . Il  
void que l'auarice n'a peu trouuer place en l'a-  
me de ce saint Homme . Il veut maintenant  
recognoistre si la gourmandise n'en trouue-  
ra point en son corps . A ces fins il le faict  
seruir à table de poissons les plus grands , les  
meilleurs , & plus friand qu'on pouuoit trou-  
uer: Mais le bon Pere renuoyoit tout cela, &  
se contentoit de legumes avec quelque peu  
de saline. Le Roy luy en enuoye d'autresfois  
en sa chambre des paniers tous pleins: luy  
donnant à entendre que c'estoit avec peine  
qu'on en recouuroit, qu'il gardast ceste petite  
prouision, & qu'au cas qu'il n'en voulut pour  
soy, qu'il permit cela estre gardé pour son cō-  
pagnon.

pagnon. En fin le bon Pere respondit d'assez bonne grace au Messager : qu'il estoit extremement marry veoir le Roy se donner peine pour leur viure, & le supplia bien affectueusement avec vn doux soubrire, faire scauoir à sa Majesté que son compagnon se contenteroit comme luy de manger de la morue, ou du haran, avec des herbes, sans apporter plus de facon pour la nourriture de leurs corps.

*La sincerité  
de S. François  
en son recog-  
nue par le  
Roy.*

Ce fut à ce coup que le Roy fut touché au cœur, & rentrant dans soy-mesme, il corrigea ses premieres, & sinistres opinions. Il veut croire, comme il estoit, que c'est vn vray seruiteur de Dieu: qu'il a vn corps aussi obeysant aux fonctions de l'ame, que celle-cy disposée aux volontez de Dieu: que tous les deux par vne secreete intelligence ne jouent qu'après les ressorts & mouuements du Ciel. Comme tel il l'honore, il le respecte, & appuye son repos sur luy; il a telle creance de sa Saincteté, que sa presence sera le bonheur de sa personne, des siens, de son estat, qu'il ne veut dorenavant rien penser, ou entreprendre que premierement il n'ait receu ses aduis. Ce n'estoiét point propositions legeres, ou jeux d'enfans: les effects qui ont suiuy en ont donné tel iugement. Ceux qui ont leu les Annales de France scauent trop mieux ce que ie leur laisse dire des deportements de ce Prince, Estant encores Dauphin, refugié en la maison du Duc de Bourgongne (laquelle il a depuis ruinée, paruenue qu'il fut à la couronne) pour s'estre opposé aux volontez de son propre pere, qui

*De combien  
S. Francois  
proffité en-  
uers le Roy  
Loys II.*

qui fut Charles septiesme. Et depuis qu'il fut couronné Roy que ne fist il à son peuple? à la Noblesse? aux Princes? à ses propres freres? Ceste forme de viure si contraire à la douce humeur Francoise, & qui luy auoit tellement estrangé les cœurs de routs ses subiects, que son gouuernement estoit ynanimement receu pour Tyrânie, avec laquelle il se faisoit seulement craindre, aymer nullement; dura iusques au temps de la venue du saint Hôme, par les aduis duquel, comme par ses saintes prieres, il fut vrayement conuerry, sa cruauté fut metamorphosée en la douceur mesme. La cognoissance des fautes passées que Dieu luy donna avec la contrition qu'il en conceut en son cœur furent si grands, qu'en presence du saint Homme seulement, chose admirable, & qui ne fust sceue que de quelques Peres particulièrement, à qui le saint Homme le declara, il se despouilloit, & la larme à l'œil il se fustigeoit luy mesme avec rudes disciplines, regrettant ses iours, & sa vie si mal employés avec tous les desplaisirs de son ame, pour les offences commises contre la Diuine Bonté, & des graces en nombre presque infiny: dont il auoit abusé. C'est icy où Dieu se faiët voir admirable és iugemens qu'il donne sur les enfans des hommes. Qui eut peu esperer la douceur d'un aigneau, apres l'experience de la rage d'un Lyon? ou si i'ose de nouveau proposer l'emblemme de ce fort & sage Sanson: Qui ne voit sortir la viande de celuy qui mangeoit les autres, & la mansuetude de la force? Mais qui n'aduouera fort librement l'aucu-

l'aveuglement des hommes en leurs desseins, autant que le profit, & vtilité qu'ils retirent par la presence des Saints, & des iustes ? Ce Prince n'auoit autre crainte au monde que de la mort, laquelle est à la verité redoutable à tous les hommes, à ceux là spécialement desquels la vie desesperée, comme le semblable en engendre vne autre, faict naistre vn desespoir à ceste heure, non tant qu'il faut mourir, que force est paroistre deuant le terrible tribunal de Dieu, pour y receuoir vn espouuentable iugement. Pour donc, non pas fuir, & euer, cela est du tout impossible, mais differer autant qu'il pourroit d'en venir là : ce pauvre Prince mesnageoit la venue du saint Homme, duquel il auoit appris les insignes miracles, qu'il guarissoit toutes sortes de maladies, iusque à rendre la vie aux morts, esperant que sa presence luy prolongeroit ses iours pour viure, & regner plus heureusement. Telles considerations de la terre bornoient le dessein de ce Prince : si le Ciel n'en eut autrement disposé, pour le salut de son ame, par vne certaine influence diuine qui contribuoit à sa penitence, à sa iustification, à sa felicité, pour, & en faueur des oraisons, & merites du saint Homme. Le bon Dieu, & qui est la mesme Bonté, verifiant assez, qu'il ne desiroit rien plus du pecheur, sinon qu'il se conuertisse, & viue; ayant disposé ce Prince à la mort, par vne digne penitence, le fit passer d'un Royaume à l'autre : de la terre au Ciel, & du temps à l'eternité. il laissa pour successeur à la couronne monseigneur le  
Dau-

Dauphin son fils , qui depuis fut nommé Charles huitiesme, avec deux filles dont l'une fut Dame de Bourbon, & l'autre Duchesse de Berry. Il recommanda fort soigueusement ses trois enfans au saint Homme , le suppliant avec instance prier Dieu pour eux : veiller leurs actions : remonstrer hardiment leurs défauts : en somme les instruire & maintenir en la crainte de Dieu . La Charité du saint Homme accepta volontiers ceste charge , qui fut aussi agreable aux enfans qu'ils luy tesmoignerent d'affection depuis ce temps. Ils prenoient de bonne part ses instructions, ils honoroient ses aduis, & reueroient sa presence , recherchant bien souuent sa compagnie : sur tous la Duchesse de Berry la B. Jeanne laquelle est fondatrice des sœurs de l'Annūciademenant vne vie Religieuse telle qu'elle l'auoit apprinse par les instructions du S. Homme comme l'on veoit es lettres qu'ils s'escriuoient mutuellement conseruees es Archiues du premier Conuent qu'elle fit bastir en la ville de Bourges. Comme aussi le Roy Charles , qui ordinairement prenoit conseil du bon Pere es plus importantes affaires de son Estat. Il fit paracheuer le Conuent du Plessis lez Tours, que son pere auoit faict commēcer tost apres la venue du S. Homme, avec le Conuent d'Amboise qu'il fit bastir des les fondemēs iusques à sa perfectiō, & dota les deux de rétes annuelles pour le viure & entretenement des Religieux : lesquels il aymoit comme ses freres , & les cherissoit comme ses propres enfans . Ce ieune Prince

*Le Roy Loys  
II. mourant,  
laisse ses en-  
fans en la  
protection de  
S. Francois.*

*Conuents du  
Plessis lez  
Tours & ce-  
luy d'Am-  
boise premier  
en France.*



estant d'un bon naturel, que Dieu alloit tous les iours polissant par l'entremise du saint Homme, se monstroir fort zelé à l'honneur de Dieu, & minutoir desia en son esprit quelque reformation pour l'Eglise. Il auoit vne conuersation douce & humble: liberal à tous, spécialement aux pauvres, & faisoit en fin des actes dignes d'un Prince, d'un Roy, & d'un Roy de France. Tels furent les fruits que le bon Pere produisoit en ce Royaume, portant les plus grands pecheurs au repentir de leurs fautes, & les gens de bien à vne meilleure volonté: vne grande partie des vns & des autres à desirer, ou à porter l'austerité de sa vie: & routes les villes à demander ou sa presence, ou de ses freres. De là aduint qu'en peu de temps, depuis son arriuee, il veit la France peuplee de Monasteres remplis de ses Religieux. Ce fut lors que Anne de Bretagne (de laquelle le saint Homme auoit mesnagé le mariage avec Charles huitiesme) donna un sié vieux chasteau qui se nommoit Nigeon, assis sur la riuere de Seine, proche de la ville de Paris, l'an 1496. pour y bastir un Monastere de cet Ordre, tel qu'il se voit aujourd'huy. Conuent si fort chery du S. Homme qu'escriuant à Maître Iean Quentin Docteur de Sorbone & Penitencier de nostre Dame de Paris qui auoit entrepris de faire bastir le susdit Conuent luy recommande en ces termes: Nous estimons le Conuent de Nigeon estre un des principaux de nos lieux & ou la Religion a plus à fleurir. Au mesme temps à scauoir l'an 1498. le General de Picardie, avec monsieur de Sandricourt & son

*Conuent de  
Nigeon lez  
Paris.*

& son espouse furent occasion du Conuent d'Amiens, qu'ils firent bastir en peu de temps. Deux ans apres monsieur de Rambures en fit edifier vn autre à Abbeuille . Et tous ceux-là furent aucunement deuancez du sieur Iean de Baudricourt gouuerneur de la Bourgongne, qui auoit esté député du Roy Louys onziésme pour emmener le sainct Homme en Frâce depuis la Calabre: Car premier que conduire le sainct Homme vers le Roy, il luy fit prendre le chemiu par ses terres qui sont en Bourgongne, où il luy promit le Conuent que le bon Pere receut depuis, qui se nôme Bracancourt, proche du chasteau de Blaise, où ledit sieur de Baudricourt faisoit ordinairement sa demeure. Enuiron le mesme temps Messire Laurens l'Allemand, qui estoit de la maison de La-val en Dauphiné, Euesque de Grenoble, fit bastir dās la mesme ville vn Monastere dudit Ordre, où le Diable n'y oublia rien pour empeschier son aduancement. Il se seruit premierement des parens dudit sieur Euesque, qui y employerēt & perdirent ensemble toute leur Rhetorique tendans à ces fins, le dissuader de ceste entreprinse. L'ennemy commun ayant tenté ceste voye, & en vain, il s'aduise de se seruir d'autres ruses & malices, que Dieu alloit tousiours confondant par sa Bôté. Cet ennemy donc fit enfoncer le premier batteau chargé de pierres pour commencer la maconnerie du Conuent. Mais le bō Euesque prenoit toutes ces trauerses pour bon augure d'une issue d'autant plus heureuse: iusques à ce que sur la fin de l'ouurage, le Diable recommencant ses despit, ou

*Conuent d'Amiens.*  
*Conuent d'Abbeuille.*

*Conuent de Bracancourt.*

*Conuent de Grenoble.*

bien

bien ioüant son reste, il mit le feu au clocher de l'Eglise, & le brusta entierement: Ceste dernière colere ne seruit de rié, que pour eschauffer de nouveau la pieté & deuotion dudit sieur Euesque, pour aussi tost en refaire vn autre à la place du premier: & au plutost que faire ce peut, porter le bastiment à sa dernière perfection. l'Eglise donc estant paracheuée, ledit sieur Euesque la consacra l'an 1499. & y donna vn fort beau Reliquaire du glorieux martyr saint Blaise, és presences de Messieurs du Chapitre de l'Eglise Cathedrale de Grenoble, qui s'estoient trouuez là en corps pour assister leur Prelat en la solemnité de ceste Dedication: avec la plus-part de la ville qui se portoit là par deuotion. Apres ce Conuent ainsi basti, le mesme Euesque en fit edifier vn autre

*Conuent proche de Tholose.*

proche la ville de Tholose, nommé ordinairement par le vulgaire *Saint Roch*, à raison que ce Saint est Patron de l'Eglise du lieu. Et depuis la deuotion des Princes & Seigneurs des Villes ou Republiques croissant de iour à autre, a peuplé les Prouinces de ce Royaume de diuers Conuents: où Dieu est honorablement seruy, & le prochain grâdement edifié.

*S. Francois demande sçögé à Louys 12. qui legerement accordé, & au mesme temps retranché.*

Apres le trespas du Roy Charles, le S. Homme proposa retourner en son pays en Calabre. A ces fins il enuoye deux de ses Religieux à Blois pour demander son sçögé au Roy Louys douziesme, qui pour lors comméçoit à regner: ce qu'ils obtindrent facilement de luy, commandant à vn Secretaire leur en donner lettres signées & sceellées conformément à leur requeste. Car pour lors le Roy n'auoit pas grâde deuotion

uotion au sainct Homme. Les Religieux donc ayans receu leur expedition, se mettēt en chemin pour retourner vers leur bõ Pere. Le bruit sonne aux oreilles des vns & des autres. On murmure à la Cour, & à bon escient, du peu de deuotion de sa Maiesté enuers vn si rare & si sainct personnage. Les Princes & Seigneurs en sont aduertis. Aucuns d'iceux, & des plus notables, s'inuitent pour estre de compagnie à le remonstrer sur l'heure au Prince pour y aduiser, & donner ordre au plustost. Les voicy donc entrer à la chambre du Roy, qui font tourner leurs pensees en paroles, & à propos: estre vne perte insupportable à ce Royaume que l'absence d'un homme si sainct & parfait estre vne pierre precieuse que ses predecesseurs auoient recherché avec tant de peine & trauail: sa presence estre la benediction & le bon-heur de ce Royaume, qu'il falloit garder aussi chèrement que la conqueste en auoit esté difficile, & autres sēblables discours, qu'une sainte affection fournissoit à la bouche de ces Princes Chrestiens. Le Roy bien estonné, pour n'auoir assez meurément aduisé à ces consequences, depesche sur l'heure vn Courrier pour deuancer les Religieux, qui estoient partis, qui leur commanda retourner pour luy parler. Le Roy reprenant ses lettres: *Je n'entends pas*, ce leur dit-il, *que le bon Pere sorte hors mon Royaume: dites-luy que dans peu de iours nous le verrons, & l'asseurez de ma part, que si les Roys mes predecesseurs ont aymé & chery son Ordre, qu'il ne me trouuera pas moins affectionné en son endroit.* Les Religieux retournēt vers le bon

*Attestation  
de la probité  
de S. Fran-  
cois par  
Louys 12.*

bon Pere, avec ce message suyui de pres par le Roy, & la Cour qui arriua au Plessis, & de là au Conuent visiter le Sainct Homme: avec lequel il conféra familièremēt l'espace au moins de quatre heures seul à seul. Au sortir le Roy fut remarqué auoir toute la poictrine mouillée de larmes; & s'adressant aux Seigneurs qui le suyuoient: *Je n'eusse, ce leur dit-il, iamais creu que la terre eust porté un homme si saint. Je vous iure qu'il m'a descouuert des secrets de ma conscience qui n'estoient sceuz que de Dieu seul.* Depuis ce iour là le Roy print le saint Homme en si grande affection, qu'il ne pouuoit sortir de son chasteau du Plessis, pour auoir la commodité de le visiter plus souuent. Et pour luy tesmoigner d'auantage son affection, il luy enuoya par vn Secretaire des lettres en forme de chartres, par lesquelles il cōcedoit à tout l'Ordre des Minimes, d'vser pleinement par tout son Royaume, de tous les priuileges à eux concedez par le saint Siege Apostolique, les affranchissant de tous subside, ports, passages, & peages quelconques. Priuilege dont tous les Roys de France ont iusques à ce iour gratifié l'Ordre des Minimes. Ce bon prince donc ayant prins de bōne part les salutaires exhortations du saint Homme, & secōdé de ses prieres, gouerna son Royaume fort sagement, & traitta ses subiects avec tant de bonté, & douceur qu'il gaigna ce beau nom qui luy est demeuré: *Roy debonnaire, Pere de son peuple.*

*Le Commencement de cet Ordre en Espagne & Allemagne avec les empeschemens intervenus.*

# CHAPITRE IX.

Pendant le doux seiour que la France pre-  
stoit à son François S. FRANÇOIS, il s'ad-  
uifa faire part à l'Espagne des graces que le  
Ciel luy auoit commis, pour les distribuer fi-  
dellement, & la visiter par Vicaire, puis qu'il  
ne pouuoit l'honorer de sa presence. Il auoit  
lors proche de luy vn Pere Bernard Buyllon,  
vray Religieux, qui estoit recogneu pour vn  
des plus sçauâts hommes de son Ordre, & qui  
auoit le plus de iugement, & de prud'homme,  
au maniement des bons liures, & de pitié en  
toutes ses actions. Il depute cet homme ainsi  
qualifié pour sô Vicaire general par toute l'Es-  
pagne, & luy assigna pour compagnon Frere  
Ferdinád Panduro, Espagnol, avec plein pou-  
voir de receuoir, & bastir des Cōuents: admet-  
tre Religieux pour porter l'habit de l'Ordre:  
en faire profession, avec d'autres facultés, &  
puissâces requises à l'exercice de son Vicariat.  
Ces deux Peres donc, ayant reçu la benedi-  
ction du S. Homme, sortent de Tours, & tirēt  
droit vers l'Espagne, l'an 1491. où ayant en  
toutte humilité religieuse salué le Roy, & la  
Reyne (c'estoient lors Ferdinand cinquième  
Roy d'Espagne, qui auoit espousé Isabeau  
Royne de Castille) & exposé simplement leur  
mission, & commission. Comme les plus grâ-  
des & sainctes entreprinſes, sont ordinaire-

*L'Ordre des  
Minimes in-  
troduit en  
Espagne.*

ment enueloppées, & suiuiies de grandes difficultés : ainsi la responce du Roy, & de son Cōseil, ne feut beaucoup fauorable, aux poursuittes de ces Peres. Dieu mesnageant ainsi, le plus grand bien de cet Ordre, avec l'honneur, & reputation du S. Homme, par ce qui apres suiuit. Car le Roy s'excusant, de pouuoir interiner ceste Requête, à raison des troubles, que luy causoient les Infidelles: & que les puissantes armées des Maures, & Mahumetans, ennemis de nostre Foy & Religion Chrestienne: estoient en la Campagne, à quoy son deuoir l'obligeoit veiller, & pourueoir plustost, qu'à bastir des Monasteres: que neantmoins, il ne les refusoit point absolument: Mais bien qu'ils retournassent en France, porter ceste parole a leur bō Pere: qu'au cas que par ses prieres, il obtint de Dieu, & de sa bien-heureuse Mere, vne parfaite Victoire contre ses ennemis, qu'en action de grâces, & recognoissance de ceste faueur, il leur feroit bastir vn Conuent, & Eglise, laquelle il consacreroit à la sacrée Vierge nostre Dame, & la nommeroit nostre Dame de la Victoire. Ces deux Peres donc, apres auoir prins congé du Roy, & de la Royne, retournent en France vers le S. Homme, luy rendre compte de leur Commission: avec les promesses & bonne esperance, que le Roy leur auoit donné. Mais le S. Homme, qui auoit ia cognu par reuelation, ce qui s'estoit passé en Espagne: & qui auoit bonne part, en la Cour du grand Roy Seigneur des armées, & qui scauoit particuliere-

DE S. FRANÇOIS DE PAVLE. 83  
culièrement les conclusions du Ciel : renuoie  
aussi tost ces deux Peres vers le Roy, lequel  
bien estonné de leur retour, si subit, & ino-  
piné: & comme l'attribuant à quelque espe-  
ce d'impatience, & importunité, à peine leur  
vouloit il donner Audience: iusques à tant  
que la Royne, ayant remonstré au Roy, que  
peut estre ces Peres luy apportoit quelques  
bonnes nouvelles, de la part de ce S.  
Homme leur Instituteur: qui auoit si gran-  
de reputation de sainteté, par tout le mon-  
de: qu'en tout cas ce seroit vn peu de  
temps, & de paroles perdues. Le Roy  
gagné par les prieres de la Royne, faict  
entrer ces deux Peres, enuiron huit iours  
auant celuy de la bataille donnée: lesquels  
ayants religieusement salué leurs Maiestés,  
donnerent entendre au Roy, de la part  
du S. Homme: que Dieu luy mandoit, at-  
taquer hardiment ces Armées infidelles: ne  
rien craindre, ou apprehender d'autant que  
Dieu luy donneroit la Victoire, tout ainsi  
qu'il la pourroit desirer. Le Roy fort ioy-  
eux de ces heureuses nouvelles, & animé  
de ces promesses, comme venans du Ciel,  
par l'entremise du Saint Homme: se re-  
sould & prend iour de choquer l'ennemy,  
dont il emporta vne Victoire tressigna-  
lée: de laquelle ie laisseray aux Histo-  
riens, en specifier les particularitez. Ce  
feut le premier iour de Ianuier, de l'an-  
née 1592. en vn lieu champestre, qui n'est  
pas bien fort esloigné de Malaga, Ville

*S. François  
predit au  
Roy d'Espa-  
gne la victoi-  
re contre les  
Maures.*



*Le Couuent  
de S. Marie  
de la Victoi-  
re le premier  
en Espagne.*

maritime de la Prouince de l'Andalouzie: la ou apres ceste si notable victoire, le Roy pour s'acquiter de son vœu, & promesses faictes a Dieu, & a son seruiteur S. FRANÇOIS de Paul fit edifier l'Eglise, & premier Couuent de cet Ordre dans l'Espagne: & les nomma le Couuent de nostre Dame de la Victoire, ou encores se veoid vne Image de nostre Dame, qu'il y fit poser, deuant laquelle ont esté faicts, & se font encores comme tous les iours infinis miracles. C'est a ceste occasion, que par tout l'Espagne, les Peres Minimes sont nommés, les Religieux de nostre Dame de la Victoire: lesquels ce bon Roy a gratifié de plusieurs beaux priuileges, qui demeurent iusques auourd'huy en leur entier. Mais le bon Pere S. FRANÇOIS recognoissant que telle estoit la volonté de Dieu d'estre seruy en ces pays par les siens, il y enuoya de rechef le Pere Abundantius estimé beaucoup pour sa pieté & deuotion, & le pere Martial de Vicinis, qui depuis a esté esleu General de l'Ordre. Tellement que ce saint Pere demeurant en vn lieu, se rendoit present par les siens pour honorer Dieu en diuerses places.

L'Allemagne qui en ce tēps ne vouloit ceder à persōne en deuotion, se seruit de la puissance souueraine de l'Empereur ou Roy des Romains, qui fit escrire au S. Hōme, luy enuoyer des Religieux de son Ordre: Le bon Pere accepta son offre si accompagnée de pieté, & luy enuoye vn Pere venerable, qui se nommoit le Pere Denys Barbier, qu'il accōpagna d'au-  
tres

tres Religieux, que l'Empereur receut avec bien de l'amitié, & leur fist bastir vn Conuent proche de la ville de Salpruch en Autriche, qui fut dedié, & appellé *Le Conuent de la treffainte Trinité*. Ceste Royale deuotion fut suyvie de celle des Seigneurs, & communautéz, qui dans peu de temps firent edifier deux autres Monasteres, près la ville de Brephe, l'vn nommé le Conuent de sainte Anne & l'autre le Conuent saint André. Et ainsi de iour à autre le saint Homme se voyoit appeller par la deuotion des Royaumes, & Prouinces de la Chrestienté à bastir nouuelles Eglises, & Monasteres, pour chanter les loüanges de Dieu, & pour receuoir le grand nombre de ses confreres Religieux, que Dieu luy enuoyoit, & augmentoit tous les iours: ce n'estoit sans vn merueilleux estonnement de ceux qui entendoient le bruit de ces nouuelles: qu'un pauvre Hermite qui ne possedoit rien au monde, eust quantité de maisons en tous les pays Chrestiens du monde: qu'un homme pauurement vestu, qui cheminoit pieds nuds, dormoit sur vn ais, ne mangeoit avec ses freres horsmis certains iours solennels, se nourrissant seulement d'herbes & legumes: qu'un homme encore plus pauvre qu'il ne paroïssoit, peust fournir suffisamment à la despence de tant de bastimens entrepris. Mais l'austerité & sainteté de sa vie, accompagnée des miracles iournaliers, où Dieu par ces choses inuitoit les hommes, les vns à se cottiser vne somme de deniers: autres, prester leur peine &

*Conuent en  
Allemagne,  
proche de  
Salpurch.  
Autres Con-  
uents proches  
de Brephe.*

travail: & tous gratifier ce saint Homme à la mesure de leur pouuoir.

*De la Reigle des Minimes, & de son excellence ou perfection.*

## CHAPITRE X.

*Origine des Minimes.*

*Fauueurs de l'Archeuesque de Cusance enuers les Minimes.*

**C**Est Ordre a pris son origine sous le nō, & forme de viure des *Hermites*. La premiere maison estoit appelée *Hermitage*: & commença l'an de nostre Seigneur 1435. Car l'Instituteur qui est S. FRANCOIS DE PAVLE, nasquit l'an 1416. en vne Ville de la Calabre; proche laquelle il mesnagea la solitude d'un petit desert où il entra agé de treize à quatorze ans, & y demeura iusques à son année dix-neufiesme, qu'il fut contrainct sortir pour recevoir plusieurs personnes en vn Conuent, & commencer ceste Religieuse congregatiō qui dure iusques à ce iour: il commença lors bastir son Eglise, & le Monastere avec la licence de son Diocesain Reuerend Pere en Dieu Pirrhus, Archeuesque de Cusance à qui le Pape Paul second enuoya son Chambrier pour le rendre certain de cest Hōme nouueau qui paroissoit au monde avec nouueaux miracles, & plus nouuelle maniere de viure. Ce bō Archeuesque print la peine venir en personne benir & puis dedier l'Eglise, où il dōna plusieurs Indulgences, & fauorisa tellement le Monastere en faueur du saint Hōme (qu'il honoroit autāt que personne du monde) qu'il luy octroya plusieurs graces & priuileges: iusques là que se demettre

demettre de la iurisdiction qui luy appartenoit, remettant le bon Pere, avec tous les confreres Hermites presens & aduenir, sous la protection du saint siege Apostolique, & ce par lettres bien authentiques, signees de sa main, & scelees de son seau l'an 1471. Lesquelles lettres furent presentées au Pape Sixte quatriesme l'an 1473. qui attendant de les faire voir, permit pendant au saint Homme, & à tous les confreres Hermites iouir de toutes les graces, & priuileges que les Hermites tenoient pour lors. L'annee suiuiante, qui fut de 1474. sur la relation faicte par l'Euesque de saint Marc, auquel le Pape auoit donné Commissiō d'examiner les lettres, & concessions de Pyrrhus Archeuesque, qu'elles ne contenoient que choses iustes, & conformes aux saints Canons. Le Pape Sixte approuue, par vne autre bulle, celle du susdit Archeuesque de Cusance: & outre ce, il exempta tous les Monasteres avec le saint Homme, & les confreres Hermites presens & aduenir, de la iurisdiction de tous les Ordinaires, les receuant immediatement sous la protectiō du saint Siege Apostolique, & leur permettant deslors, & à iamais d'yser des priuileges, & graces des Ordres Mendians: Commandant de plus au bon Pere, demeurer Chef, & superieur general de son Ordre, pour porter les difficultes de ceste nouuelle institution à laquelle il auoit donné vn si heureux commencement: & deslors plus particulièrement les Religieux reconnurent le saint Homme pour General de son Ordre: qui de iour à autre se

*Les Minimes immediatement subiects au Pape. Les Minimes iouissent de tous les priuileges des Mendians*

*S. François general perpetuel de son Ordre.*

dilatant par toute la Chrestienté sur le bruit de la saincteté de vie, & des miracles si communs que faisoit ce bon Pere, auoit certes besoin d'un chef qui en print la conduite, pour le regir, & gouverner. De là vint que le saint Homme en guise d'un bon Pasteur veillant, & voulant le bien de son troupeau, apportoit tout ce que la grace & la raison luy dictoient pour son establissement. A raison dequoy il renuoya à Rome (apres la creation au saint Siege de Innocét huitiesme l'ã 1485.) pour représenter au saint Pere les graces, & faueurs de son predecesseur enuers cest Ordre nouveau. Le Pape conformément à sa requeste, cōfirma de rechef tous ses priuileges, avec de belles promesses d'une assistāce particuliere, autāt que Dieu luy prolōgeroit la vie. Depuis en l'an 1492. Alexandre sixiesme estant esleu, & le S. Homme faisant residēce en France, il enuoya presenter à sa Saincteté la Reigle qu'il auoit dressée, cōtenant treize chapitres. Car ce que les Papes auoient confirmé par le passé n'estoit rien autre chose qu'un compilé confus, de plusieurs articles & statuts, qui faisoient pour leur manutention en l'obseruāce Religieuse: mais de Reigle il n'y en auoit point encores de dressée. La premiere fut celle-cy, que le S. Pere ayant faict examiner, approuua, faisant neantmoins aduertir le S. Homme qu'au cas qu'il recognut à l'aduenir quelque chose digne d'estre adioustée ou bien leuée, qu'il le pouuoit faire. Le temps donc, les lieux, les personnes apporterent aduis diuers au saint Homme: si que force luy fut chāger ceste

*Diuerſes Regles dressées par ſainct François.*

ceste premiere regle vne seconde fois, & pour la troisieme fois, & toutes ces trois regles furent receües successiuemēt, & approuuees par le saint Siege: Iusques à ce que l'ā 1506. sous le Pontificat de Iules second (à qui le saint Homme auoit predict long temps auparauant qu'il seroit Pape, & confirmeroit sa regle) le saint Homme estant importuné d'apporter dauantage de lumiere à certains articles de la regle, en modifier & adoucir quelques vns, en augmenter d'autres, il assembla lors les Peres de l'Ordre qu'il iugeoit les plus suffisans, avec lesquels il retourna voir les trois premieres regles, & de toutes avec leurs aduis, & cōsentemēs, il en composa vne quatriesme qu'il enuoya presenter au Pape Iules second pour estre confirmee, avec lettres adressantes à sa Sainteté & à quelques vns des illustriſſimes Cardinaux pour cet effect: qu'il fit composer, & escrire par le Pere Iacques Lespriuier, & enuoya pour les porter, & solliciter ceste affaire les Peres Frere François Binet, & Frere Louys Lustan. Le saint Pere ordonna à Mōseigneur Bernardin Cardinal, que le saint Homme auoit de son viuant choisi pour Protecteur de son Ordre, & au Seigneur Octauian Protonotaire & Referendaire de sa Sainteté, veoir diligēment & bien examiner ceste quatrieme regle. Ce qu'ayans fait, & faisans leur rapport, es presēces des Cardinaux qu'elle ne cōtenoit rien de contraire aux saints Canons, le saint Pere alors l'approuua, & confirma, qui fut l'an 1506. le 28. Iuillet: annullant les trois autres regles precedentes. Ceste derniere

regle

*Regle des  
Minimes  
maintenant  
en usage ap-  
prouuee par  
le Pape.*

regle confirmée est celle la mesme que l'Ordre obserue iusques aujourd'huy, comprise en dix Chapitres. Au mesme temps le saint Homme auoit aussi dressé la regle des Sœurs de nostre Ordre, qui contieut dix Chapitres, & celle des Tertiaires de l'un & l'autre sexe, qui ne recoiuent que le cordon : laquelle n'a que sept Chapitres. Les Peres surnommez les presenterent ensemble à sa Sainteté, qui apres l'examen fait, les receut, & approuua comme la nostre, sous vne mesme bulle. Ce que ie remarque particulièrement pour faire veoir ces esprits particuliers, qui blasonnent parmy le monde la deuotion de ceux, & de celles qui s'obligent aux religieux exercices, qu'ils nomment par mocquerie le Cordon, que nous disons communement estre du tiers Ordre ou de la troisieme regle: afin qu'ils aduouent ce que les gens de bien croient, ou l'ignorance, ou la malice auoir seulement porté leurs langues à telles mesdisances, indignes de la bouche d'un Chrestien. Et ce d'autant plus, comme ils se prennent à ceux là, à qui ils deuoiuent, & doiuent rendre tout le respect. Ce sont trop fortes parties: le chef de l'Eglise qui a confirmé ces petites regles: les saints Patriarches des ordres qui les ont composees : mais Dieu mesme qui les leur a dicté par son saint Esprit. Il retourne en Cour de Rome, pour y veoir ces Peres enuoyez par le saint Homme, apporter toutes les diligences pour s'acquiter de leur Commission, en laquelle vn des articles estoit presenter les statuts de l'Ordre esquels il s'agissoit de la iustice reguliere, qui s'obser-

qui s'obseruoit en cest Ordre, que le S. Homme demandoit estre semblablement cōfirmez sous le nom de *Correctorium*, lequel obligeast ceux là qui professeroient seulement la premiere & seconde regle, c'est à dire les Religieux, & les Religieuses de cet Ordre, & non point les Tertiaires. Les mesmes qui auoient esté deputez pour veoir la regle, firent leur rapport aussi du *Correctorium*, suiuant le commandement qu'ils en auoient receu de sa Sainteté, laquelle le receut, & approuua, & cōfirma, comme il se voit par la teneur, & forme de la mesme bulle, émanee pour l'acceptation de la regle. Tout cela expedie conformemēt au desir du S. Homme, on luy fit tenir fidellement à Tours, enuirō demy an deuant sa mort: où assemblans ses Religieux là presens, & aduertifans les absens par lettres de la mesme chose, qu'il fit escrire à tous les Couuens de son Ordre: leur declara sa derniere volonté estre la derniere Regle avec le *Correctorium*, nouuellement receus & cōfirmez par le Pape: qu'il entendoit estre exactement obseruez à l'aduenir: qu'il les supplyoit y entēdre, & apporter leur cōsentement: leur declarant au reste qu'il n'entendoit point: *que les statuts qu'il auoit reglez obligeassēt à peché mortel les Religieux de son Ordre, presēs & aduenir: hormis ceux là qui se trouuerroient refractaires des quatres vœux esētiaux: ou biē qui violeroient lesdits statuts par mespris & contemnement.* Clausule qui consola fort particulièrement les Religieux de l'Ordre, aduertis qu'elle auoit esté prononcee publiquement par la bouchē du S. Homme. La raison pour-

*La Règle des Minimes n'oblige à peché les 4. vœux exceptez.*



pourquoy le S. Homme les exhortoit à accepter ceste derniere Regle, avec leurs statuts, fut que leur profession les obligeoit à l'obseruance des autres trois Regles, desquelles il a esté cy dessus parlé, que le S. Homme auoit demandé à sa Saincteté d'annuller, confirmant ceste derniere. Et pour autant que les loix humaines n'ont coustume d'obliger en consciéce les subiects & inferieurs s'ils ne les ont receuës & recognuës pour telles: voila pourquoy le S. Homme les exhortoit, & tout son Ordre, à recevoir ceste derniere Regle, de laquelle les dernieres paroles sont telles: *Celle-cy, freres bien-aymez, est la loy & Regle douce & saincte, que nous vous exhortõs recevoir humblement, & garder fidellement, a ce que par son obseruance enfin vous receuiez heureusement de la main de nostre Seigneur la grace & la gloire pour la benediction eternelle.* Le desir du S. Homme fut accompli l'annee suiuiante, enuiron neuf mois apres sa mort, que le premier Chapitre general de l'Ordre fut celebré à Rome, où tous les Peres & freres qui estoient arriuez, deputez de tous les Conuerts de l'Ordre, stipuläs pour les absens voüerent & promirent garder ceste quatriesme & derniere Regle, deslors & pour iamais, en la mesme forme que nous voyons pour le iourd'huy s'observer: qui est à la verité entretoutes les autres Regles des Ordres bien fort recommandable, pour plusieurs & belles raisons.

1. Premieremēt pour l'honneur de l'exēplaire sur lequel elle a esté prise, & moulee, spécialement le vœu de ne mäger de la chair, ou ce qui

qui prouiét, de la chair, *dist. 4. cap. Denique, cū* Le vœu  
*dist. 3. de consecrat. cap. Rogationes. 2. Seconde-* Quadrage-  
 mēt pour le respect de l'Auteur & Instituteur: simal tiré  
 lequel cōme l'Eglise chante à sa loüange: *En-* du droit Ca-  
*cores qu'il n'eust estudié es lettres humaines, neāt-* non.  
*moins assisté de l'esprit de Dieu, a donné une Re-*  
*gle, qui cōprend la perfection de toute Religion. 3.*

En troisieme lieu, on admire ceste Regle pour estre si estroite & austere, voire plus que toutes les autres: soit pour le peu ou pauvre nourriture qu'elle permet, comme pour les plus longues abstinences & ieusnes qu'elle cōmāde & recommande obseruer. 4. Vne quatriesme raison sera, la grande discretion qui y a esté apportee, pour moderer, apres cognoissance de cause, sa trop grande austerité, eu esgard aux temps, aux lieux, & aux personnes, se rapportant en quelques cas à la conscience du Medecin: qu'elle exhorte sur tout le rechercher, & prendre entre ceux qui ont reputation de gés de bien. Elle en remet d'autres à la prudence du Superieur, pour dispenser charitablement, mais tousiours apres la necessité recognüe. 5. La cinquiesme est sa clarré & facilité grande pour l'entendre: là où les autres Regles ont eu besoin d'estre esclaircies, interpretees, ou modifiez par le S. Siege: pour estre leurs statuts, ou trop difficiles, ou trop dangereux, ou bié subiets à plusieurs doutes & obscuritez. S. FRANÇOIS de Paule a si bien tenu le milieu en sa Regle, qu'elle n'a panché aucunement aux extremitez vicieuses de la paucité ou quātité: de l'obscurité ou austerité de ses commandemens. 6. La sixiesme sera l'excellence de sa matiere.

tiere principale, qui consiste ez actions spirituelles: comme l'amour de Dieu, celui de son prochain, l'union des cœurs & volentez religieuses, la conformité des mœurs au viure & vestir du corps, la communauté en toutes choses, l'exercice de l'oraison, la pratique du silence, l'estroicte obseruance des ieusnes, la correctiō des vices & imperfections, l'obeyssance aux Prelats & Superieurs; & choses sēblables qui réplissent la Regle. 7. La septiesme se cōsiderera au bel ordre avec lequel les personnes recognoissent & sont recognuës en leur cōdition. Et puis les temps & les lieux assignez aux diuers exercices qui s'y pratiquent pour auancer l'honneur de Dieu, & procurer la necessité des corps. 8. La huietieme c'est l'equite, & iustice, qui la maintiēt par le moyē du *Correctorium*, lequel ordonne les peines diuerses aux vices ou imperfections differentes, sans se peiner à courir ou fucilleter le droit Canon, ou autres loix qui taxent penitence aux trāsgresseurs des loix diuines ou humaines. 9. Ce sera dōc la neufiesme que son approbatiō du saint Siege, qui a commencé sous Jules second, & a continué iusques à ce iour: si qu'à mesme qu'un Pape succede à l'autre, les Peres de l'Ordre qui demeurent au Conuent de la tres-sainte Trinité du Mont à Rome, apportent tousiours ceste diligence, que luy presenter la Regle, avec les priuileges de l'Ordre, pour estre de nouveau confirmez; & par ceste submission faire vne recognoissance au nō de tout l'Ordre au Chef de l'Eglise; nouvellement esleu & crée. 10. Et puis la dixiesme raison qui fait

DE S. FRANÇOIS DE PAVLE. 95  
 fait estimer ceste Regle, c'est qu'elle est receuë  
 & acceptee de tous les Peres & Freres de l'Or-  
 dre, sans contredit: si que les Religieux Mi-  
 nimes François, Italiës & Espagnols, desquels  
 la parole maternelle & vulgaire est si fort dif-  
 ferente, n'ont qu'une seule langue Religieuse,  
 pour professer à Dieu, & parler aux hommes,  
 les vs & coustumes de leur estat & condition,  
 comme aussi tous ne portent qu'un mesme nō  
 de Minimes: qui est ce qui reste maintenant à  
 declarer pour la derniere prerogative de la  
 Regle & de l'Ordre.

*Du nom de l'Ordre des Minimes.*

## CHAPITRE XI.

**I**L cōvient sçavoir que le premier nō en cest *Hermites nō*  
 Ordre a esté celuy d'*Hermites*, suyvant la *premier des*  
 premiere institutiō faicte par le saint Hōme, *Minimes.*  
 qui a demeuré tousiours iusques à ce qu'il fust  
 venu en France, où ayant dressé sa premiere  
 Regle, qu'il enuoya à Rome pour estre confir-  
 mee par le S. Pere Alexādre sixiesme l'ā 1492.  
 Sa Sainteté la receut avec ceste clausule: *qu'il*  
*vouloit que ceste societé, qui par le passé portoit ce*  
*nom: LA COMPAGNIE DES HERMITES*  
*DE FRERE FRANÇOIS DE PAVLE, à*  
*l'aduenir fut appelée, L'ORDRE DES FRE-*  
*RES MINIMES. Et non pas l'Ordre des Fre-*  
*res Minimes des Mineurs, comme a escript*  
 Moryse en son hystoire de l'origine des Reli-  
 gions. Il y a eu d'autres nōs iettez à la trauersé  
 par la seule inuētion des hommes, qui depuis a  
 tourné en coustume: Comme en France on les  
 nomme

*Quand le nō*  
*de Minimes*  
*leur fut im-*  
*posé.*

Pourquoy en  
France ap-  
pellez Bons-  
hommes.

nomme ordinairement *Bons-hommes*, à raison que le bon Pere entrant en France estoit desia vieil & fort aagé : & lors que le Roy Louys XI. parloit de luy comme on parle ainsi des personnes qui ont beaucoup d'aage, qu'il le nommoit le *bon-homme*, ou ce *bon-homme*. Depuis ce temps on ne le nomma en la Cour du Roy que le *bon-homme*, & ses freres *bons-hommes*. Il est ainsi du Conuent de Tholose : l'Eglise duquel est dediee à l'honneur de saint Roch : à raisõ dequoy par tout ce pays les Religieux minimes sõt nômmez *Rocherz*. De mesme en Espagne (cõme ja nous auõs remarqué) le premier Conuēt a esté basti, avec l'Eglise dediee à l'honneur de la Vierge Marie dictée de *Victoria*: ainsi par tout le Royaume on nomme les minimes, *les freres de la victoria*. Mais ie n'é- tens point parler de tous ces noms, ou de leurs séblables: ains seulement des noms que Dieu a imposé à ceste société, par la bouche du saint Homme, ou de son Vicaire sur terre Alexandre sixiesme : qui, comme j'ay dit cy dessus, changea le nom d'*Hermite* en celui de *Minime* : lequel nom fut si agreable à Iules second, lors qu'il confirma la dernière Regle, qui est celle qu'observe tout l'Ordre, qu'il repeta la mesme clause, & obligation que son predecesseur : qu'il vouloit & entendoit que cest Ordre fut nommé en l'Eglise : l'*Ordre des freres Minimes*, & non plus des *Hermites*.

Cela doit suffire, pour desabuser ceux qui s'aduācent nōmer cest Ordre, l'*Ordre des Minimes de Iesus Maria*. Car les noms des Ordres Religieux en l'Eglise, ont esté imposés  
ou par

ou par les Papes, ou bien par les Patriarches desdits Ordres, mais acceptés par le S. Siege. Or est il qu'Alexandre sixiesme, & Iules second, qui ont confirmé la Regle; ont conformément ordonné par leurs Bulles, que cest Ordre, se nommeroit *l'Ordre des freres Minimes*, & rien plus. Ce qu'en a escript le docte Genebrard, apres Volaterran, a esté fondé sur ce que le S. Homme dedioit toutes ses Eglise, en l'honneur de IESVS MARIA : Or c'est chose fort commune partoute la Chrestienté, que les Conuents, & Religieux, portent le nom du Patron principal de leurs Eglises : de maniere que bien souuent, les Religieux d'un mesme Ordres, sont nomme diuersement, suiuant la diuersité des Patrons de leurs Eglises. Comme à Paris, on dit les Religieux de S. Geneuiefue, & les Religieux de S. Victor : lesquels sont neantmoins tous deux d'un mesme Ordre, des Chanoines reguliers de S. Augustin, & ainsi de plusieurs aultres. Et pour trouuer ceste verité, dans l'Ordre mesme: Ceux qui ont esté à Rome, sçauent que de deux Conuents, des Minimes, les vns, sont nommés *les Minimes dela S. Trinité du Mont*: & les aultres *les Minimes de S. Andre*: à raison des Eglises de ces deux Conuents; dont l'une est dediée à la tres-sainte Trinité, & l'autre à S. André. Mais pour le nom general de l'Ordre, c'est celuy comme dit est, qui a esté prononcé par le S. Homme, & déclaré par le saint Siege pour la confirmation de la Regle, assçauoir *l'Ordre des freres Minimes*. On ne sçauroit mieux esclaircir ceste verité que par le tesmoignage mesme

du S. Homme Instituteur de l'Ordre: C'est au contract passé entre luy, & le Sieur Jean de Baudricourt (celuy qui l'emmena d'Italie en France) pour la fondation de son Couuent de Braquancourt. Voicy les propres termes. *Nous auons donné, & donnons par ces presentes, par donation irrenuable entre vifz, au Venerable Pere Frere François de Paule P. General Correcteur & Instituteur de l'Ordre, du moindre Ordre de tous les Ordres, dictz & appellez les Freres Minimes, par le Pape Sixte quatrième (Viuë vocis oraculo seullement, car les Bulles qu'il a donnés en faueur de cest Ordre, n'en font aucune mention) Fondateur dudit Ordre approuué, & par les successeurs confirmé, present, stipulant, prenant, & acceptant, pour luy, lesdictz Religieux & ses Freres successeurs, present, & aduenir: ledict lieu & Couuent dudit Braquancourt, autremēt nommé & appellé le Couuent de IESVS MARIA, pour en iceluy mettre &c. En tout ce que dessus, on doit remarquer les noms differentz dont l'Ordre, & les Couuentz en particulier sont nommés. Celuy de Braquancourt, est qualifié le Couuent de IESVS MARIA, à raisõ que l'Eglise est dedié à l'hõneur de IESVS MARIA. Mais pour l'Ordre en general, il le nomme seullement l'Ordre des Freres Minimes. Nom qui honore autant cest Ordre, comme il se voit imposé, non par cas fortuit, ou quelque libre volonté des hommes, ainsi que les autres noms donnez à toutes choses, & aux hommes mesmes: mais il est prononcé & déclaré par la bouche de Dieu, ou de son Oracle sur terre, c'est le souuerain Põtife de l'Eglise vniuerselle.*

le. Dieu a autrefois imposé, ou changé le nom à certains hommes par soy mesme, par ses Anges, à quelques-vns de ces anciés Patriarches, & autres du nouveau Testament. Abram est nommé *Abrahā*: & Saray, *Sara*: Iacob, *Israel*, L'Ange dict à Elizabeth le nō de son fils: & à la bien-heureuse Mere de Dieu, que le sien se nōmera *IESVS*. Luy mesme a nōmé *Simō*: *Pierre*: & les enfās de Zebedec *Boanerges*. Et les enfans Religieux de S. FRANÇOIS de Paulē. iadis appelez *Hermites*, sont à present nōmez *Minimes* par la bouche de l'Ange, du souuerain Prestre, qui est vn Ange sur terre, s'il faut croire la parole du Prophete, qui dit: *Que les leures du Prestre conseruent la sciēce, & qu'oū recherchera la loy de sa bouche, car il est l'Ange de Dieu*. Nō qui autrefois a honoré les premiers de l'Eglise Iuifue, & de celle du fils de Dieu. L'escriture receuāt en ses annales sacrées le regne de Dauid, elle remarque qu'au tēps de son sacre il estoit *Minime* entre ses freres, c'est à dire tres-petit. *IESVS-CHRIST* en a consacré le nō par sa propre bouche: *Ce que vous ferez*, ce dit-il, à vn de ces miēs *Minimes* & tres-petits, vous me l'auez fait. Il y a plus, car il a voulu prédre naissance de la minime Tribu de Iuda, & se professer le *Minime* de tous les hommes, cōme estāt venu pour seruir les autres, & non pour estre seruy. Et son vaisseau d'electiō l'Apostre des Gētils, le nostre, ou celui de nos Peres: *Ie suis*, ce dit il, *Minime*, le tres-petit des Apostres. Cela dit aussi à propos, que cet Apostre entre les autres ait particulieremēt porté le nō de *Minime*, cōme Paul, & Paule ne sont pas beaucoup esloignez l'vn



de l'autre. Or toutes ces impositions ou changemēs de nōs se remarquēt estre tousiours accōpagnez de grands mysteres & insignes prerogatiues du Ciel. Le diuin Philosophe en sō Cratyle rumināt à part soy sur la quātité & diuersitē des choses creēes, de leurs noms , & de leurs propres significations , conclud auec la mesme veritē , celuy-là auoir esté vn grand Philosophe & tres-sçauant Docteur en la nature, qui auoit imposé le nom à toutes choses; à raison que le nom n'ayant esté inuenté que pour représenter & signifier la chose , il suiuoit necessairement qu'il eust vne parfaicte cognoissance de la nature, & propriété de tout ce qui est , pour luy imposer vn nom propre, pour le signifier. Il n'y a rien de plus sçauāt que Dieu, il est la mesme science, qui illumine les Anges, & enseigne les hōmes : & lors qu'il a, ou par soy, ou ses Ministres imposé vn nom à quelque chose que ce fust , c'estoit vn nom si propre qu'il n'en restoit plus de propre pour la mieux signifier. C'est l'honneur dont iouyt cest Ordre , porter vn nom que Dieu luy a imposé par la bouche de son Vicaire sur terre , & qui semble ne pouuoir cheminer sans son priuilege , à veoir fort mystereux, & mystere fondé en raison : laquelle ie n'entends pas deuoir combattre les siecles futurs, n'appartenant qu'aux Prophetes de les penetrer: ains autāt que la lumiere d'vn esprit peut guider les pas d'vne plume resoluē de ceder au premier vent de l'Escripture , ou de l'Eglise. Je dis donc que ce nom de *Minimes* imposé à vn Ordre, semble vouloir dire, outre mil autres

DE S. FRANÇOIS DE PAVLE. 101  
 tres belles significations que ie tais à present,  
 celle cy en particulier : que c estoit l'Ordre  
 Minime tres-petit, & comme dernier receu, &  
 à receuoir en l'Eglise, pour estre le plus ab-  
 iect & humilié des Ordres Religieux instituez  
 pour se former parfaictement, & conformer  
 de plus près à la Croix, aux espines, & à  
 toutes les plus grandes austeritez de la pas-  
 sion de I E S V S- C H R I S T, nostre Sauueur.  
 Ce qui soit dict sàs ternir si peu que ce soit le  
 lustre des autres professions Religieuses, qui  
 ont esté deuant, ou sont depuis ce dernier Or-  
 dre, receuës en l'Eglise de Dieu: Lesquelles ie  
 recognois luy rendre vn agreable seruice par  
 leurs penitences, chacune en particulier. Mais  
 ce que ie pense est, que ces Ordres n'vsent  
 point d'abstinences, ou d'autres austeritez,  
 que de celles qui ont ia esté en vsage au  
 temps des Anciens qui ont précédé en l'Egli-  
 se, ou par l'institution des Apostres, ou de  
 ces premiers Patriarches de Religion, & In-  
 stituteurs d'Ordres, hommes vraiment  
 Apostoliques. Mais l'austerité de la vie  
 Quadragesimale receuë en la façõ que l'ob-  
 serue l'Ordre de saint FRANÇOIS DE PAV-  
 LE, n'auoit iamais esté, ou instituee ou obser-  
 uee en l'Eglise par aucun Patriache des Or-  
 dres auant la naissance de ce saint Homme.  
 L'Eglise l'a ainfi aduoüé receuant sa Regle:  
 laquelle au deuxiesme Chapitre mention-  
 nant ceste particuliere austerité parle en ces  
 termes: *Ceux qui desireront entrer en cét Or-  
 dre des Minimes, ayans pour obiect vne plus  
 grande penitence, par le Zele qui les emporte à*  
*l'obser-*

*l'observance de la vie Quadragesimale &c.*  
 Je porteray ce discours d'une autre opinion semblable à la mienne : mais sous une jolie comparaisō que j'emprunte du sieur Comte d'Arena, en la lettre qu'il escriuit à Leon dixiesme, pour le supplier d'avancer la canonization de ce saint Homme. Pour faciliter ceste similitude, il cōvient sçavoir qu'entre les autres priuileges desquels le saint Siege a gratifié cest Ordre des Minimes : Le Pape Pie quint l'an mil cinq cens soixante sept par vne bulle expresse declara cest Ordre estre vn des Ordres Mendians en l'Eglise, pour iouyr deslors comme pour tousiours de tous les priuileges emanēz du saint Siege en faueur des Ordres Mendians. De maniere que l'Ordre des Minimes seroit, à ce conte, *le cinquiesme Ordre des Mendians*, comme il est en effect. Or chacun sçait que comme les figures de la Loy Mosaique, speciallement es sacrifices, representoiēt pour la plus-part ce qui se passeroit à l'aduenir au corps naturel du Messie de IESVS-CHRIST. Ainsi ce qui se faisoit au corps naturel signifioit proprement ce qui arriueroit vn iour à sō corps mystique, qui est l'Eglise. De la sort ceste conclusion si commune, que comme le corps du fils de Dieu a enduré vne sanglante passion premier que d'estre heureux & glorieux : de mesme croyons-nous à l'Ecriture, qui ne promet la beatitude qu'à ceux qui partagēt aux miseres, aux espines, aux Croix de nostre Sauueur : conformēmēt au dire de l'Apostre, qui en a prononcé à l'Eglise vn arrest irreuocable, *Que quicōque veut viure pie-*  
*use-*

*eusement en IESVS-CHRIST enduroit des persecutions: Et qu'en fin nous serōs glorifiéz avec luy: à condition toutesfois de compatir avec luy.* Mais bien que tous les Chrestiens endurent, si y en a il de plus chargez les vns que les autres, cōme au corps du fils de Dieu les playes n'estoiēt pas toutes esgales. Car entre icelles les cicatrices des clouds és pieds, és mains, & au costé, que nous nommons ordinairement, *les cinq playes de nostre Seigneur*, ont esté trop plus grandes que les autres. Il semble donc que l'Eglise en ses persecutions, & tentations se conforme generalemēt aux playes qui couvrēt le corps de nostre Seigneur. Mais que les quatre, a sçauoir des deux mains, & des deux pieds, representēt naïfuemēt bien les quatre premiers ordres des Mendians; desquels la profession est vne attache fort serree à la Croix: comme ce cinquiesme, & dernier Ordre, par la dernière playe, & ouuerture du costé du fils de Dieu. Et ce d'autant mieux que l'Euangeliste a remarqué particulièrement, que le sang, & l'eau en sortirēt: vrayz simboles des deux principales vertus que le sainct Hōme a laissé par testament à son Ordre: la Charité & l'Humilité signifiees par les qualitez de ces deux humeurs. Car le sang par sa chaleur, dir l'*Amour*: & l'eau la plus basse des liqueurs, l'*humilité*: de laquelle l'Ordre est qualifié par le nom de *Minime*: comme de la *Charité* qui est le blason de ses armes, ainsi qu'il se verra en sō lieu. Quoy que c'en soit il est tresp certain qu'après cest Ordre, qui est nōmé des *Minimes* cest à dire tref-bas, tres-petits, & en vn mot, les der-

niers: Aussi seroit il bien difficile, & cōme impossible, descendre plus bas, pour cōposer vne Regle plus austere que d'vne perpetuelle vie Quadragesimale, ioincte aux autres obseruāces regulieres: laquelle personne ne peut assez bien iuger que par la mesme experience, qui est passée de la seule science de Dieu: qui seul aussi en fera vn iour, s'il luy plaist, la recompense: comme de toutes les autres bonnes œuvres des gens de bien.

*Institution Quadragesimale, par S. François de Paule, & de sa grande abstinence au boire & manger.*

*Abstinences de S. François de Paule.*

## CHAPITRE XII.

**N**Ous publierons icy seulement ce que la Diuine Prouidence, pour son hōneur, celui du Sainct, & pour nostre exemple a voulu & ordōné qui fut veu, ou entendu, de ses Abstinences extraordinaires au boire, & manger: reseruant de parler de toutes ses autres austerité, au traite particulier de ses vertus.

C'est que depuis l'aage de quatorze ans qu'il peupla la solitude, iamais n'a esté recogneu vne seule fois faire vn repas de bonne chere, Ses viandes ordinaires estoient le pain, & l'eau. Il se dispensoit quelquefois manger des fruiets, & herbages ou du potage, quand il se sentoient par trop debilité, mais de vin iamais. C'est bien plus ce que rapportoit le R. P. Balthazar de Spino vn des premiers Enfants spirituels du S. Hōme, qui estoit Docteur au droit Ecclesiastique, & ciuil & estant encore au Mōde auoit

de, auoit esté Confesseur du Pape Innocent huitième) Ce Pere donc assuroit, que l'espace de quatre ans, le S. Homme n'auoit m'agé que des herbes crues qu'il cueilloit aux champs. L'heure de s'õ repas estoit le soir: esquelles abstinences( ô merueille) il a perseueré iusques à quatre vingts, & onze ans, c'est à dire iusques à la mort, tellement qu'on dira sans errer, que toute sa vie a esté vn ieufne continuel, & qui plus est, quand ses enthousiasmes le gaignoient, c'estoit iusques à ceste extremité, qu'il oublioit entierement donner les necessitez à son corps, & passoit deux, trois, quatre iours, plus ou moins sans boire, ny manger. Ses freres le recognoissoient par les viâdes qu'on luy portoit en sa cellule, lesquelles, apres tout ce temps, se retrouuoient sans qu'on y eut aucunement touché. Ce n'a point esté dix, vingt, trente, ou tant de fois, mais si souuent que l'ordinaire, & spécialement és solemnitez de l'Eglise, il s'enfermoit huit, dix, quelquefois douze iours sans parler à personne, ny prendre aucune refection corporelle. Celuy qui le seruoit, lors qu'il estoit enfermé, assure que commençant bastir son premier Conuent à Paule, il demeura enfermé tout le long du Carefme sans veoir, ou estre veu de personne, & sans boire ou manger, p'dant lequel temps les habitans, de la ville le croyans mort, vindrent plusieurs fois pour rompre la porte de sa chambre si les Religieux ne les eussent retenus, & empeschez: pour lesquels assurer le saint Homme faisoit quelques fois mine de toussir.

ſir. Cela n'eſt plus vne ame viure avec le corps, mais vn corps viure avec l'ame, avec l'Ange, avec Dieu, lors diſ-ie qu'un eſprit nourry, & raffaſié de ſes viandes plus delicieuſes peut tant qu'en faire part au corps, & luy laiſſer vn degouſt des ſiennes ordinaires, & naturelles.

Ie n'ay point dit qu'il nauoit iamais mangé chair, & de tout ce qui prouient de la chair, puisqu'il ſe priuoit meſme de l'vſage du poiſſon. le premier ouy dire de ſes auſteritez le faiſt trop facilement entendre. On diſt bien qu'eſtant extremement malade, reſuſant manger la chair qu'on luy preſentoit par l'ordonnance du medecin, comme porte la permiſſiõ de ſa reigle, quelques Peres la preſens luy dirent, que ſon exemple deuoit leuer le ſcrupule des puſilles: que peut eſtre à ſon imitation quelques freres s'opiniaſtreroient indiſcrettement, & ne voudroient manger de la chair, iugee par les Medecins abſoluëment neceſſaire pour rappeller leur ſanté. Alors ſa charité trop viuë pour vn corps à demy mort, quitta en apparence ces conſolations particulières de viure, & mourir en ſes delicieuſes auſteritez: & pour monſtrer que ſon intention eſtoit premier ſubir la loy, qu'il donnoit aux autres, il print de la chair, & en toucha ſeulement ſa bouche, pour aſſeurer les cõſciences timorées par trop. Pour leur monſtrer neantmoins que ſes ſaiſts iouiſſoient du ſpecial priuilege des Saints, nous eſtant permis les admirer tous, non pas les imiter, il rendiſt la chair qu'il auoit prinſe ſans en manger ou aualler aucunement: Ainſi  
que

que le Pere Frere François Binet declara haut & clair au premier Chapitre general tenu à Rome & en l'Ordre, en presence du Sieur illustissime Cardinal Marc Vigere de Sauone, que sa Saincteté enuoya presider au Chapitre, & de tous les Peres & Freres d'Italie, de France, d'Espagne, & d'Allemagne qui estoient là conuenus. C'est en ce vœu de la vie Quadragesimale qu'il a donné lustre à son Ordre par dessus les autres, & le fait paroistre dessus comme l'huyle nage sur les autres liqueurs. Car outre les trois vœux essentiels de Religion, Pauvreté, Chasteté, & Obedience, son Ordre fait vœu d'un quatriesme de la vie Quadragesimale, qui dict ne manger iamais chair, œuf, beurre, fromage, laitages, & tout ce qui prouiet de la chair. C'est en exceptant les malades, lesquels peuuent estre dispensés par l'ordonnance du medecin reconnu homme de bonne conscience, & instruit premierement par les superieurs des lieux, de n'engager facilement le salut de leur ame, dispensant trop facilement pour la santé des corps. Je ne l'ay pas leu, mais iay entendu de deux anciens de nos Peres hommes rares en pieté, & doctrine, qui ont depose en presence de plusieurs Religieux, auoir leu par plusieurs, & diuerses fois dans saint Antonin en sa Somme historique de la premiere impression de Venise: que saint François d'Assise eut volonté instituer ce vœu de la vie Quadragesimale par sa Reigle, & qu'il en fut empesché par les oppositions formelles de ses Religieux,

*Vœu de la  
vie Qua-  
dragesima-  
le entre les  
Minimes.*



eux, contendant vne impossibilité de persueuer en vne si grande austerité de vie. Le bõ Pere assisté de l'Esprit prophetique, leur predict à lors qu'il viendroît vn autre FRANÇOIS apres luy, qui l'institueroit, & establiroit. C'est chose assés commune, & qui se lit es Chroniques des freres Mineurs; que frere Elie lors Superieur en l'Ordre, voulut introduire ceste maniere de viure, cõme en Carefme. Mais vn Ange le taxa d'indiscretiõ, puis qu'il auoit cogneu par la Regle de S. François Patriache de só Ordre, que telle n'estoit la vo-

*Raisons de  
l'institutio  
de la vie  
quadrage  
simale par  
S François.*

lonté de Dieu. Vrayement le Ciel auoit pour beaucoup de raisons reserué ceste faueur a nostre S. Hõme: d'instituer la vie quadragesimale, & la mettre en sa Regle, pour vn 4<sup>e</sup>. Vœu.

C'estoit premierement pour seruir Dieu, en vne plus grande mortification que le passé. Car bien que plusieurs Ordres, soient d'un institut fort austere: si toutefois ny en a il aucun, qui n'vse en son manger (si non de la chair) au moins de ce qui en prouit: cõme des œufz, ou les laiçtages: mais en cest Ordre tout cela est defendu, non par statut de Regle seulement, mais par vn quatriesme Vœu, dont on s'oblige solemnellement, comme es trois aultres Vœux essentiaulx, de Pauvreté, Chasteté, & Obedience. 2. Secondement, Dieu a voulu remettre vn bien spirituel, qui estoit descheu de son Eglise, par la trop grande delicatessè des Chrestiens: cest la maniere ancienne de viure, pendant les Ieufnes de Carefme: esquels l'Abstinence estoit bien aultrement grande, pour le regard des viandes qu'elle n'est

n'est de present. Car on n'vsoit point mesme de laiçtages, comme remarquent les histoires Ecclesiastiques. En memoire dequoy, plusieurs Eglises paient le denier du beurre, au commencement de Carefme: pour se souuenir de la dispence qu'ils ont eü, pour mangere & dont les Anciens s'abstenoier. Aultres diocesses n'en dispensent nullement, les quatre premiers & les quatres derniers iours de Carefme, esquels il n est permis sinon vser de l huy-le, pour la mesme raison. Or comme nostre Dieu, pour remettre sus la pieté, deuotion, & ferueur des premiers Chrestiens a suscité des Ordres reguliers, esquels la vertu, & perfection, s'est releuée, pour approcher celles de ce premier siecle doré: ainsi a il voulu de nouveau eriger cest Ordre des Minimes, en son Eglise, pour faire reuiure l austerité, des ieunes del Eglise ancienne. Et comme par iceluy, satisfaire à tout ce que deburoient faire les aultres Chrestiens, s ils n'estoient dispensés par l'Eglise. Il en est ainsi du Mercredy, lequel au commencement estoit ieusné avec abstinence de Chair (can. 68. Apostol. Ignat. epist. ad Philipp.) laquelle abstinence, pour bonnes raisons l'Eglise l'a transferée au samedi. Or Dieu a voulu encores remettre ce bié en son Eglise, par le ministere du S. Homme: lequel a ainsi sagement departi ceste charge: c'est qu aux freres, & sœurs profez en cest Ordre, il a ordonné ieusner les Mercredis de l'année: Et à ceux du tiers Ordre (aultremét du Cordon) il a deffendu manger de la chair en ce iour la. 3. La troisieme raison, del'Institution de ce,

de ce vœu si nouueau entre les Ordres de Religion , a esté pour s'opposer à l'heresie presente. Ou il fault noter, que comme depuis le commencement iusques à ce iour , l'Eglise a esté cruellemēt persecutee par les heretiques: Ainsi ceste Roine , parée de sa robbe chamarrée de diuerses couleurs & broderies de perfection , demeure tousiours stable & ferme, à la dextre de Dieu, soubz sa protection & sauuegarde : comme l'experience l'a faict recognoistre en ces derniers temps , esquelz l'enfer a vomy vne des plus sales , execrables, & pernicieuses heresies , qui fut oncques. Car bien que les precedentes, aient toutes esté portées sur la liberté de la chair ( fondement certain de l'Artheisme ) Neantmoins celle de Luther ( cause des heresies en ce dernier siecle ) les surpasse toutes. Raison entre les autres, pourquoy les disputes entreprinſes maintenant contre eux par les Docteurs Catholiques , profitent peu ou point : & moins qu'es siecles premiers , esquelz sembloit que l'heresie possedoit seulement l'entendement, & non la volonté, pour lors donc les disputes estoient de saison , pour esclaircir ces espritz, esblouis derreur: Mais auiourdhuy, l'heresie siege presque seulement en la volonté, & liberté de la chair ; laquelle si elle pouuoit , & debuoit estre permise, il n'y auroit plus de disputes , ou controuerses quelconques. Dieu donc , lequel n'abandonne iamais son Eglise, preuoiant la persecution grande que luy feroit vn meschant Moine Luther , suiuy de ses semblables Apostatz , & heretiques Carnassiers.

fiers: a leué vne autre armée de vrays Religieux, donc le Colonel a esté S. FRANÇOIS de Paule, qui par penitences, ieufnes, & abstinence de chair, voire mesme de ce qui prouiendroit de la chair, comme par vn contraire ruinant son contraire, feroient teste à ces ennemis de toute sainteté, & perfection: concluantz en bonne forme, par ce vœu de la vie quadragesimale, la verité prononcée par la bouche de l'Apostre, *que le Royaume de Dieu n'est point viande, & breuage, mais ioye, & paix & Iustice au S. Esprit.* En suite dequoy il conuient bien remarquer, qu'en l'année mesme 1519, que ce grand Docteur Ekius, disputa si heureusement bien contre Luther, & Carolstade, en la sale de George duc de Saxe, ou il fut particulièrement disputé des ieufnes, & abstinence des viandes: c'estoit l'année mesme, que Leon dixieme canoniza S. FRANÇOIS de Paule, Dieu voulant dire qu'il confirmoit au Ciel, la verité prononcée en terre par le docte Ekius, & pratiquée par l'Institution du vœu de la vie quadragesimale; en ce saint Ordre des Minimes de S. FRANÇOIS de Paule.

*Les empeschementz causés par le diable & les hommes contre l'Institution du vœu de la vie quadragesimale.*

## CHAP. XIII.

C'ESTOIT donc l'honneur que le Ciel reseruoit à nostre S. FRANÇOIS DE PAVLE, qui par

qui par vne celeste prudence à donné l'inuention de miner, & ruiner ceste chair, ceste tour de Babel, qui n'a autres desseins que s'opposer au Ciel, & liuer guerre à l'Esprit. Il est vray : Autant de bonnes, & saintes œuvres prises de bõ cœur pour l'amour de Dieu, sont autant d'entreprises pour despiter Sathan, & son party : Cestuy cy neantmoins entre les autres le picqua sur tout, le dis le dessein du saint Homme pour instituer, par la teneur de sa Reigle, vne perpetuité de la vie Quadragesimale : il sçauoit trop mieux que la chair nourrit la chair, mais aussi debilité bien fort l'Esprit, l'abstinence des viandes spécialement de la chair par vne certaine antiperistase, rendre les forces à l'ame d'autât plus qu'elles affoiblissent le corps, si celuy estoit impatience permettre puis qu'il ne le pouuoit empescher, vn Carefme de sept semaines ordonné par l'Eglise, seroit lors vne rage, en voir obseruer vn l'espace de toute la vie : par l'institution d'un pauvre, & simple hermite, puisant assez le persuader à tout vn monde avec son ignorance, & luy cependant demeurer court, pour en pouuoir diuertir quelques vns, avec tout son sçauoir. Que c'estoient au reste des plus fortes armes avec lesquelles il auoit iadis terrassé les premiers seruiteurs de Dieu, les friandises, gourmandise, & delices de la chair, tesmoin le murmure general des enfans d'Israel au desert, sans specifier d'autres occurréces où il s'estoit rendu maître des hommes, par vn des-honneste seruice qu'ils rendoient trop curieusement à leurs corps.

corps. Permettre deormais introduire vne telle nouveauté de vie, luy importer par trop & arrester à coup les effects de ses tentations qui pour la plus part se forgent dans l'ardente fournaise d'une chair allumée de plaisir. Tels, & plus furieux pouuoient estre les despits de l'ennemy du bien commun à la premiere veüe des inuentiōs, & intention du saint Homme pour instituer à iamais la vie Quadragesimale par tout son Ordre. Ce qu'il feist recognoistre depuis par vne Chiliade de trauerfes, desquelles il alloit troublant vne si sainte resolution. Si que comme lors que deux armées se regardent & font les approches petit à petit pour se choquer & combattre, pendant qu'on recognoist les places propres pour se ranger au champ de bataille le iour donné, il se faict par des saillies particulieres sur l'ennemy de part & d'autre, quasi comme par maniere d'essay. De mesme le diable se promet-  
 toit bien faire preuue de sa valeur au temps qu'il feroit question recenoir par l'Eglise, & les Peres de l'Ordre ceste nouvelle institution d'un vœu  
 nouveau de la vie Quadragesimale, comme il ne manqua pas s'y trouuer à point nommé. Mais attendant ceste meilleure occasion pour frapper coup, il ne laissoit pas escouler vne seule occurrence de poinctiller, rire, & mocquer, ou cōtrepointer ce religieux dessein : qu'il n'en fist chaste pour marquer son mescontentement. Pendant qu'on aduançoit les bastiments du Conuent de Paterne, les maçons, maneuures, & autres artisans necessaires auoient esté trop suffisamment aduertis den eporter chair, ou ce qui prouenoit de chair parmy les viandes qu'ils apportoi-  
 ent

*Embusches  
 du diable  
 cōtre la vie  
 Quadrage-  
 simale.*

H

pour

pour faire leur repas : personne de leur compaignien n'ignoroit que non seulement telles sortes de viandes estoient interdites aux Religieux Minimes, qu'aussi les seculiers n'auoient la permission en vser dans leurs Couuents. Nonobstant toutes ces defenses le diable qui espioit tous les moyens d'estouffer ceste Religieuse institution dès son berceau, suscite certains maneures, qui, par risée de la ceremonie ; qui emportez du seul desir de satisfaire à leurs appetits, porterent vne piece de vache cuicte, pour la manger sur les tables du reſectoir des Religieux : Mais Dieu ſçait comme le ſainct Homme veilloit pour parer ſubtilement aux coups de ſon ennemy, qui ne ſortoit iamais du combat ſinon autant chargé de conſuſion que le ſainct Homme de gloire : voicy donc l'heure du repas qui ſonne, chacun quitte la beſongne, & l'attelier pour viſiter la beſace, & prendre ſes prouiſions, pour reſectionner honneſtement le corps, & luy rendre les forces diminuees par le labeur. Ceux qui estoient de l'entrepriſe pour manger de la chair font bande à part, & prennent vne table du reſectoir ſeparement d'avec les autres. Vn d'eux met la main dans la beſace, & tire la chair cuicte pour la preſenter à ſes compaignons, mais ils la ſentirent pluſtoſt au nez qu'à la bouche, elle eſtoit deuenüe ſi puante & corrompue, que les vers en ſortoient de tous coſtez, & ne leur fut poſſible d'en gouſter ſeulement, Dieu ne permettant que le diable euſt ceſt aduantage ſur le ſainct Homme d'auoir faiſt enſraindre ſes ordonnances iuſques dans ſon Couuent. Le faiſt fut decelé quelque temps apres, & ſeruit d'inſtruction aux autres

ouuriers

ouuriers pour l'aduenir, n'vser de semblables temeritez, craignans quelques plus espouuantables iugemens du Ciel.

Mais ce fut bien pis, lors que l'ennemy sentit le saint Homme auoir resolu enuoyer à Rome vers le Pape Innocent, pour au moins confirmer ce poinct cy particulier de la vie Quadragesimale, qu'il demandoit estre receuë pour le quatriesme vœu de sa Regle. Premier que de ce faire, le saint Homme, comme il souloit en toutes nouvelles entreprises, s'enferma vn long tēps dans sa cellule pour prendre aduis du Ciel, s'y disposant par ieusnes & prieres continuës. Voicy incontinent le diable aux champs pour iouer de son reste: mais comme il voit le saint Homme au milieu de son fort, l'affaillir, il se persuade facilement avec l'experience du passé, que c'estoit en vain: le laisser ainsi faire, & bien faire, sa malice ne luy permet pas. Sa resolution est tenter le moyen de luy nuire icy tant que son pouuoir s'estendrait, & luy faire guerre en renard, ayant souuentefois recognu qu'il n'y gaignoit rien s'il y procedoit en lyon, & les forces de cest homme estre trop plus grandes que celles de son esprit. Les armes donc du combat choisies par l'ennemy mesme, c'est sa ruse, ses fineses & trôperies: le voicy paroistre beau & blanc, en guise d'Ange de lumiere, entrer dans la cellule du S. Homme, qui est à deux genoux, les mains iointes deuant son Oratoire: quasi comme luy rapportant certaines nouvelles de la part de Dieu, sur le fait dont il agissoit presentemēt, & importunoit le Ciel par ses prieres: luy donne à entendre Dieu auoir bien agreable sa bonne volonté,

H 2

qu'il



qu'il falloit toutesfois conformer à la sienne, laquelle pouruoyant generally à toutes ses creatures, preuoyoit spécialement à la foiblesse de la plus part de ceux qui se presenteroient à cest Ordre, & en seroient bien tost diuertis en consideration d'une si grande austerité : estre le vouloir de Dieu, que sa Regle fust suyuant le conseil Euangelique que IESVS-CHRIST nous a donné en saint Luc, *Que ses freres mangeassent indifferemment tout ce qui leur seroit présenté* selon les temps, les lieux, & les compagnies, qu'ils rencontreroient. Cela dit, le diable masqué de lumiere disparut. Dieu ne voulut pas si tost ouurir les yeux du saint Homme pour recognoistre ceste tentation, voulant monstrier au monde la prudence & fidelité de son bon seruiteur & amy, & nous instruire à son exemple ce qui est de faire, si tant est que l'ennemy commun nous trouble en vn religieux dessein, entrepris pour l'amour de Dieu & aduancement de nostre bien spirituel. Que fera maintenant le S. Homme: poursuiura-il sa poincte? L'escriture alleguee par ce maistre Mithou qui contrefait le Docteur, l'arreste court. Quittera-il aussi la partie, ayant sceu par la mesme escriture que nous pouuons tout estans appuyez de Dieu? Le mouuement de son ame luy dicte interieurement son entreprise estre sainte, & ceste vision exterieure avec la reuelation, chose feinte. Se croyra-il? Ne se croira-il pas? Que doit il preferer, ou vne plausible deuotion conforme à son sentiment, ou le contraire aduis qu'on luy persuade estre d'en haut? Des'opposer à la volonté de Dieu, point de nouuelles : se croire soy mesme, encore moins;

moins : ny l'un ny l'autre n'entrèrent iamais en vne ame qui professe la perfection. Si bien la resolution du S. Homme (qui est celle de tous les Saints qui oncques furent en l'Eglise, & s'y retrouueront à l'aduenir) qui fut en ce different cōclure à vne entiere deffiance de soy-mesme, & des reuelations ou visions vrayes & pretendues : attendre & entendre volontiers la resolution des Superieurs, que Dieu a ordonné en son Eglise pour guider les ames qu'ils ont receu en leur charge : qu'il en passeroit icy comme en toutes les autres difficultez qui s'offriroient en sa Regle par tout ce que le saint Siege en auroit desiny & iugé. Ceste conclusiō prise le saint Homme sort de sa cellule, appelle deux Religieux des plus capables, leur dit, de se disposer pour partir le lendemain, & aller à Rome consulter sa Sainteté : la suppliant bien humblement de confirmer ou inualider ce vœu de la vie Quadragesimale, comme elle iugeroit estre la plus grande gloire de Dieu, & le bien de l'Eglise. Le lendemain matin ces deux Peres prests à sortir, le baston à la main, vont pour demander la benediction du saint Homme, ausquels il commanda de rester, Dieu luy auoit reuelé ce vœu estre chose tressainte, & qui luy estoit infinimēt agreable : qu'il les enuoyeroit vne autre fois pour en demander absolument la confirmation. Ce qui fut fait sous le Pape Alexandre sixiesme, l'an 1492. Le vœu fut approuué en la forme qu'il est iusques auourd'huy obserué. dieu reuela ain- *Temps de l'approbatiō du vœu de la vie Quadragesimale.*  
 si les astuces de l'ennemy, ne luy permettant pas prendre sujet, si petit fust-il, triompher du saint Homme, de l'amy des Anges, & fauory de Dieu.

De maniere que depuis ce Tēps, il n'escriuoit lettre à m<sup>e</sup> Jean Quétin Docteur de Sorbōne, & lequel il auoit declaré Protecteur de ses freres Religieux qui estoient au Couuent de Nigeon, qu'il ne luy recōmandast de veiller, pour faire obseruer les quatre Vœux de sa Reigle: c'est à dire autāt celuy de la vie Quadragesimale, cōme les trois autres.

Le dernier effort qu'essaya le diable pour perdre vne si louable institution de la vie Quadragesimale, fut apres la mort du saint Homme (qui aduint l'an 1507. le deuxiesme d'Auril) au premier Chapitre general tenu à Rome la mesme annee, le vingt-huictiesme Decēbre: où cest ennemy croyant n'auoir plus personne en teste pour luy faire resistāce, se mit à remuer mesnage, & les ceruelles aussi differentes que les nations là assemblees: qui disant ne vouloir s'obliger à ceste austerité: qui voulant bien l'observer, mais non par obligation de vœu. Cestuy-cy soustient n'auoir faict sa profession que de la garder cōme vn des autres statuts de l'Ordre: & celuy-là dit en auoir fait vœu. Aucuns veulent que le S. Hōme de son viuant n'ait iamais entendu comprendre ceste institution entre les vœux, & les autres prouuent le contraire, & qu'ils ont esté enuoyez exprés à Rome par le bō Pere pour prier sa Sainteté recevoir & declarer la vie Quadragesimale en sa Reigle pour le quatriesme vœu. Le chef de ce dernier party estoit le Pere F. François Binet, suivy de tous les François, qui pour plus grande preuue, monstrant avec signe le Reuerend Pere F. Bernardin de Cropulatu (que le S. Hōme mourant auoit nommé pour Vicaire general de l'Ordre, iusques au premier Chapitre general) vous

sçauiez

sçauz bien ( ce luy dit-il en presence du Sieur Cardinal & de tous les Peres du Chapitre) vous sçauz, dis-je, que nostre bon Pere premier que mourir, vous a tellement chargé de faire ratifier ce vœu, que mesme il a déclaré qu'encores qu'on le trouuaît mort sans en parler d'auantage, qu'il n'entend point que receuiez personne à l'Ordre, que sous condition de voïer, & garder le vœu de la vie Quadragesimale. Le sieur Cardinal qui presidoit, recognoissant la ruse & malice du diable se glisser parmy de si differentes opinions, il remet ceste conclusion au lendemain, ordonne iusques à ce temps vacquer à prieres & oraisons: & luy mesme fit commencer, ce qu'il commanda souuent repeter, le Psalme, *Sape expugnauerunt me à iuuentute mea*. Si iamais on veit vn voleur courir, & bien habilement lors qu'il entend crier au secours, c'estoit de voir le diable fuyr à la fumee de ces nouuelles enuoyees du Ciel, pour responce aux requestes presentees en terre, & qui luy firent croire, & aux autres cognoistre sensiblement que S. FRANÇOIS de Paule viuoit és Cieux, où il auoit autant & plus de pouuoir que iamais conseruer inuiolablement la Regle qu'il auoit establie: si que le lendemain le Chapitre estant ouuert, & les voix recueillies, on n'en trouua pas vne qui ne conclud à l'observance de la vie Quadragesimale, qu'ils tenoient & receuoient pour vn quatriesme vœu essentiel, comme les trois autres, de Chasteté, Pauvreté, & Obedience, supplians bien hūblement le saint Pere ratifier la Regle avec ceste condition. Ce qui fut fait pour le bien de l'Ordre, l'honneur de la Regle de S. FRANÇOIS de Paule, & à la

confusion du diable, que le saint Homme a en soy & ez siens combatu avec les armes de l'abstinence, & autres merueilleuses Austeritez qui se verront & liront au narré de ses vertus.

*Grace particulièrement donnée à S. François de Paule pour faire miracles.*

## C H A P. XIV.

*Description  
de l'indivisi-  
bilité.*

*Cognoissance  
des choses  
futurées pro-  
pres à Dieu  
& commu-  
nicable aux  
saints.*

**C'**EST vn grand chef-d'œuvre de Dieu que la nature séparément, & nuëment considérée, despouillée de la qualité despece, tirée du corps de son genre: c'en est vn autre trop plus excellent lors que la mesme (estant capable) se peut veoir reuestuë des graces du Ciel. Au premier crayon on recognoist à la verité vne image de Diuinité, en ce second trait de pinceau on y adore, ce nous semble, la Diuinité mesme. Et qui ne le iugeroit ainsi lors que les sens le dictēt à la raison? A qui appartient prendre cognoissance des choses passées ou futures, sinon à celuy qui assemble le futur & le passé dans l'enclos instantanee de l'eternité presente à tout? Qui pourra dispenser vniuersellement sur les loix de la nature en general (où gist la formalité du miracle) sinon celuy qui a donné à toutes les creatures en General, & particulier l'estre naturel qu'il conserue incessamment? Mais qui pourra faire tout, que celuy qui est tout, par tout, & en toutes choses vn seul Dieu? Quand donc ie vois vn petit homme sur terre chamarré de ces diuerses perfections du Ciel, porter comme ce vestement Royal ou diuin (car tel est le bon plaisir

plaisir du grand Roy des Roys , honorer ainsi quelques vns de ses petits seruiteurs ) porter en son doigt l'anneau , ou cachet de ce souuerain Monarque, tesmoignage du pouuoir absolu qu'il luy donne sur ses subiects. Les creatures comme herauts & trompettes le crier hautement: en effect obeyr alaigrement , faisans hōmage par telles sortes de submissiōs: ne diray- ie pas cela vne Diuinité , ou quelque chose qui en approche de fort pres. Ouy tels sont nos Saincts. Ils voyoient les choses passees , futures , & les presentes cachees: vous les dictes Prophetes. Ils dispensent sur les loix de la nature: vous dites qu'ils font miracles. Ils parlent en toutes langues , & font en toutes choses ce qu'ils veulent : vous les appelés vrais amis de Dieu. Non vous direz mieux, nommez les Dieux, & petits Dieu , puis qu'ils partagent avec la toute- puissance de Dieu. Entendez bien, leur nature n'est pas toute- puissante (l'impossible a empesché ceste infinie communication en la nature creée ) elle est accompagnée d'une grace qui au moins produict les effects de ceste toute- puissance. Pharaο recognoissant les bons seruices de Ioseph le fist vn autre Roy en Ægypte , à la reserue d'un degré duquel il luy seroit superieur. La Toute- puissance est nature en Dieu, qui vse, des Saincts pour exercer ses effects surnaturels , sortant d'une mesme cause absoluë en Dieu, deleguée aux Saincts , & autres desquels il plaist à la Diuine Majesté se servir. Car rien n'empesche que les meschants, si Dieu le veut, fassent miracles, comme vne chose viue pour operer & agir , peut employer vn instrument mort. L'homme se sert d'un baston , d'un

*Operation de miracles e-  
largie aux  
bons & mes-  
chants: mais  
à diuerse fin.*

marteau

marteau & autres instruments qui n'ont vie, ainsi Dieu a permis à Balaam, & Caiphe prophetizer: & nous à fort bien donné à entendre que tous ceux qui au iugement effroiable se reclaimeront de leurs faicts miraculeux, n'en seront pourtant mieux venus. Il est vray que ceste grace gratuite, qui ne fait que pour l'vtilité du general & non du particulier, peut bien se retrouver encores en vn meschant homme, qui comme vne chandelle s'ysera esclairant les autres: Mais il est vray aussi que pour faire miracles, Dieu s'est particulièrement seruy, & y a employé plus souuent ceux que les œuures, & pieté ioinctes par ensemble indissolublement, ont tesmoigné par l'exterieur aux hommes, en l'interieur à Dieu, & aux Anges la fidelité de leurs obligations en vne vie sainte & irreprehensible, de laquelle les miracles ont esté comme seaux, & cachets irrefragables. Car Dieu faisant miracles par luy, ou par le ministere des hommes, c'est premierement pour confirmer, & establir asseurement la doctrine, foy, & Religion qui est preschée, si avec verité: En ce cas le meschant peut faire miracles, quand la Diuine Prouidence en a ainsi ordonné. Mais pour verifier vne doctrine fausse, Dieu estât vne verité premiere, il ne peut tesmoigner par miracle en faueur du mensonge: afin que l'heretique ne s'y attende. L'heresie a prins naissance sans ce support, & pourra bien mourir à faute de ce secours; Dieu ne voulant & ne pouuant autrement faire: Si bien pour r'enforcer la vraye doctrine. Comme Dieu assista ses Apostres, commenceants leurs predications au dire de saint Marc, confirmant leur parole par les signes qui suiuoient:

suiuoient:& toute son Eglise en la succession qui  
 atteint iusques à nous. Semblant bien que la Sa-  
 pience diuine par vne douce disposition aille  
 conduisant la grace aux pas de la nature, laquel-  
 le cognoist intellectuellement les veritez des  
 choses par les effects sensibles. Pourtant comme  
 l'homme guidé de la raison naturelle peut bien  
 paruenir à quelque cognoissance de Dieu par  
 les effects de la nature: Ainsi par d'autres effects  
 surnaturels, nommez miracles, l'homme peut  
 estre amené, & confirmé en vne cognoissance  
 surnaturelle de ce qu'il est obligé croire pour  
 son salut. I'ay ja touché l'autre raison que Dieu  
 faict miracles quelquesfois pour prouuer, avec  
 demonstration euidente, la sainteté cachée en  
 ses Saints. Lesquels ayant représenté au beau  
 milieu de son Eglise comme viues Images de  
 perfection, & parfaicts exemplaires de vertu, sur  
 lesquels tous ayans à viser pour reformer, & ni-  
 ueler leurs actions, il estoit trop plus que neces-  
 saire que leur perfectiō fut approuuée, & tesmoi-  
 gnee de la part de Dieu, pour estre receüe, & biē-  
 uenue des hommes, qui n'ayans pouuoir prédre  
 cognoissance que de l'exterieur, eussent iugé la  
 vertu hypocrisie, si Dieu, auquel tous les re-  
 plis du cœur sont entierement desployez, n'eut  
 leué cest erreur, & donné en faueur des Saints,  
 Arrest contraire, signifié par les bonnes œu-  
 res, qui paroissent & parlent exterieurement,  
 scellé du grand seau de la Toute-puissance Di-  
 uine, figurée es œuures extraordinaires, & faits  
 miraculeux. Accordez cest Antecedent, puis  
 qu'il ne peut se nier, nous le tirerons à vne con-  
 sequence merueilleusement grande des gran-  
 deurs



deurs merueilleuses, & grandes merueilles du bien-heureux Pere S. FRANÇOIS de Paule. Son droit sera vn preiugé pour celuy des autres Saints. Si Dieu par les miracles visibles a voulu descouurir les perfections cachées de ses Saints, les hōmes tireront vne consequence & peut estre plus necessaire, que la saincteté de ce Saint sera plus euidente, qui aura le plus fait de miracles. Iuge maintenant qui voudra, ce sera sans erreur, qu'entre ceux qui aydez de la grace ont approché de plus pres le but & blanc de la vertu, nostre bon Pere a eu, & aura pour iamais bonne part au prix. Où lisez vous estre de miracles qu'au discours de sa vie, desquels Dieu alloit preschant la saincteté de ce bien-aymé seruiteur? sa conception se fait avec miracles, sa naissance est vn miracle, sa vie est miracle, ses paroles sont miracles, ses actions estoient miracles, sa mort n'est sans miracle, depuis sa mort sont tousiours miracles, tout luy (ie dis vray) estoit vn miracle, & vn miraculeux merueille, ou merueilleux miracle. Nous dirons donc bien que sa conception, sa natiuité, sa vie, ses paroles, ses œuures, sa mort, apres sa mort, tout luy n'estoit que saincteté tesmoignée par tant, & si grands miracles: desquels entre tous autres i'ay fait chois en ce chapitre, & trayé ceux que le saint Homme faisoit par vne auctorité (ce sembloit) absolüe, comme mieux representans le pouuoir du Maistre, qu'il seruoit, ioinct aux priuileges d'vne grace particuliere. C'estoit lors que (non plus par prieres, application d'herbes, & autres inuentions de son humilité: de laquelle il pensoit bien couvrir ses grandeurs, à mesme que

Dieu

*S. François,  
de Paule excellent en  
Miracles.*

Dieu les faisoit plus clairement veoir) commandant absolument, il confessoit en silence le pouuoir qu'il auoit receu du Ciel : Car les choses (prenez y garde) passoient ainsi.

En la cité de Cusance estoit vn Marcel de Cardilla infecté de lepre, si fort qu'il estoit estropiat, & perclus des pieds & des mains, auoit perdu entierement la parole, deuenu noir, & hideux, en tel estat qu'il eust tenu pour bõ-heur la mort plustost que la vie, & inuitoit tous ceux, qui le regardoient à vne grandissime compassion. Ses amis & ceux auxquels il appartenoit, conclurent le mener au bon Pere S. FRANÇOIS de Paule, iugeants fort bien que si Dieu d'une Prouidence particuliere ne l'assistoit, & bien tost, c'estoit fait de luy. Ils le font porter à Paule sur vn brācar, presentent ce pauvre lepreux au saint Homme, qui de prime abord comme vn bon & expérimenté medecin, console son patient avec paroles douces, & bien charitables, l'exhorte auoir ferme foy en IESVS-CHRIST, qui luy guariroit non seulement le corps (c'estoit peu) mais l'ame, qui estoit chose de grande importance, & qui estoit plus que toute autre à desirer. S'estant retiré vn fort peu de temps, il retourne au malade, le prend par la main, le leue. Le patiēt se leue soudain se tient ferme sur ses pieds, & se trouua en vn instant parfaitement guarý. Qu'eussent dict ceux qui lors voyoient, & nous entendans maintenant ce miracle que pouuons nous penser, sinon veoir vn vif pourtraict de IESVS-CHRIST qui releue si miraculeusement vn paralytique perclus de tous ses membres en la Piscine probatique?

*Guarison  
d'un le-  
preux.*

Deux

*Miracle sur  
mesme sub-  
iect.*

Deux autres infectez de mezellerie, l'un estoit natif de Paule frere d'un certain Jean Varrechelle, au fils duquel S. FRANÇOIS de Paule auoit rendu la veuë : le second estoit estranger : tous deux faisoient ensemble vn piteux spectacle, tant ils estoient difformes, n'ayans peu trouuer remede ailleurs, s'adressent au saint Homme, qui estoit pour lors au Conuent de Paule. Le bon Pere les recueillit fort charitablement, & les fit tenir secretement quinze iours durant, dans le Monastere, puis sans autre ceremonie, les renuoya à leurs maisons sains, & dispos: la chair aussi nette que celle d'un enfant.

Le Monastere de Paule s'aduançoit par les labours, & industrie du saint Homme, secouru charitablement de ses voisins : entre iceux travailloit des plus vn maistre Antoine que le bon Pere employoit familièrement, & en tiroit les aduis, és occurrences incertaines, pour ce qui concernoit les bastimens. Pourquoy voyant la chaux manquer aux ouuriers, il appelle cest homme pour enséble chercher vn lieu propre à dreser vne fournaize, où ils pourroient cuire ceste chaux. Empeschez assez de leurs affaires, d'autres se presentent, & les arrestent. C'est qu'on presente au bon Pere vn homme muet dès sa naissance. Le saint Homme tousiours prest à exercer la charité, rebrousse chemin, quitte les siennes propres, preferant les affaires d'autrui: va à l'Eglise avec le muet suyui de la compagnie, qui attendoit infalliblement nouveau subiect de louer Dieu, és œuvres de son bien-aymé seruiteur. Entré donc qu'il fut à l'Eglise, il cōmande au muet d'inuoquer à haute voix par trois diuerses fois le

tres-

*Il donne la  
parole à un  
muet.*

tres-sainct nom de IESVS-CHRIST ; auquel les Anges , & les hommes gagnent d'amour , & les diables emportez de la force s'inclinent , & font tous la reuerence: ô combien grãd est le pouuoir des seruiteurs de Dieu ! à peine le commandement est donné & receu , qu'il dénoüe la langue du muet, le fait inuoker le tressainct Nom avec la forme prescrite par le saint Hôme, & luy laisse de là en auant la parole libre & facile : rompt le silence de l'assistance , leur fait ietter hors les conceptions spirituelles de leur meditation , & les mains ioinctes, les yeux contemplant le Ciel, dire avec tres-grande admiration, que vrayemēt Dieu se rendoit admirable en ses Saincts.

Mais voicy toute vne autre merueille. Il rendit la veüe à vne aueugle qui auoit esté sept ans durant sans rien voir. Ce pauvre homme estoit venu le trouuer party de Maratea, ville assise en la prouince de la Calabre. Nostre bon Pere luy fit le signe de la Croix sur ses yeux , le fait attendre en l'Eglise, & entendre la Messe. Le Prestre estant venu en ceste partie, où leuāt l'Hostie l'offrant à Dieu le Pere pour sacrifice , & aux hommes pour l'adorer: L'aueugle ouure les yeux , & se met à crier haultement, MISERICORDE, tant il se trouuoit estonné, ioyeux tout ensemble, voir & experimenter sur soy-mesme vn si grand miracle.

*Aueugle illuminé.*

La ioye, ou les ioyes , & estonnemens de Nicolas Bernard avec sa cōpagnie ne fut pas moindre. Il estoit citoyen en la ville de Paule, vn sien fils est malade, & pour en mourir. Ainsi le iugerent les Medecins, & comme tell'abandonnerent, laissant faire, ainsi parlent-ils, Dieu & la nature

*Enfant extrêmement  
malade gué-  
ry en un in-  
stant.*

nature, lors que le Pere s'aduisant du saint Homme, qui souloit ordinairement pouruoir aux choses les plus desesperées, commāde à vn de ses domestiques se charger du malade, aller de ce pas mendier le secours de Dieu par la faueur du saint Homme, que de là seulement il l'attendoit, s'il en restoit au monde. Ses esperances ne furent vaines. Car le bon Pere luy remplist l'ame de consolations, & assurance en la Diuine Bonté, luy donnant son fils, qu'il marqua du signe salutaire de la Croix, guarý au mesme instant, & si bien guarý comme si iamais il n'eut esté malade. Personne ne vouldra douter des effects trop miraculeux du signe de nostre redemption, trop bien si seul aura rendu à l'enfant la santé perdue. Disons donc, & avec verité, que comme tous les Chrestiens se seruent indifferemment de ce signe sans produire quelque miracle; ainsi nostre Dieu l'a reserué à ses amis pour ioincts par ensemble y faire voir vne particuliere presēce de la Diuinité. Car il est vray semblable que plusieurs ont touché la verge de Moýse, à luy seul neantmoins est reserué d'en tirer les effects merueilleux.

*Il preuoit la  
venue d'un  
pauvre ho-  
me, pour sui-  
uy des ser-  
gens.*

Le saint homme sortant vn iour de l'Eglise de son Conuent à Paule, il s'arreste court deuant la porte qu'il laissa ouuerte: voicy soudain arriuer vn pauvre malheureux courant à grand pas, & fuyants les sergens, desquels il auoit eschappé les mains, estant fort eschauffé de sa course, & comme hors d'haleine à peine pouuoit-il prononcer ce qu'il demandoit au saint Homme, le receuoit chez luy, & le cacher pour estre innocent de ce dont on l'accusoit. Le bon Pere esmeu  
de

de compassion, & qui brusloit de charité, par vne volonté eschauffee de bié faire à son prochain pour l'amour de Dieu, il permet à ce pauvre homme entrer dans son Eglise pour là se tenir à couuert. A peine est-il entré, que voyla arriuer les sergents, qui interrogent le saint Homme, quel chemin auoit tenu celuy qui fuyoit deuant eux. Ceste question presentee promptement au bon Pere, luy fit peine à respondre, il sçauoit bien qu'il ne deuoit, & ne pouuoit, comme il ne vouloit mentir, cela est absolument prohibé à vn Chrestien. Il luy sembloit d'ailleurs estre chose trop cruelle, liurer vn innocent entre les mains des bourreaux, qui à force de gehennes pourroient extorquer la confession d'une chose qu'il n'auroit commise. Cest esprit donc qui estoit tousiours assisté de celuy de Dieu avec vne response aussi sage, que subtile, inuente sur l'heure ferrer les mains contre les manches de sa tunique, & leur dire: Celuy que vous cherchez n'est point passé par icy. Les sergents qui n'entendoient pas ceste verité mystericuse, croyent que leur prisonnier ait pris vn autre route, le poursuyuent, où il n'estoit pas, par les campagnes, & le saint Homme licentie & sauue par ce moyen aussi miraculeusement que prudemment celuy qu'il tenoit pour innocent.

Francois de Rogate, natif & bourgeois de Paule est visité d'une dangereuse maladie, la gorge luy enfle, & s'élame; l'apostume se forme parfaictement, menace le patiét rester incurable & s'obstiner contre tous les remedes

appliquez. Le patient auoit comme conuenu avec vn medecin de Paterne: qui à ces fins faisoit seruir ce que son inuention luy pouuoit fournir, licite, illicite, & defendu: car il vsoit de magie, & enchantement: & tous ces ingrediens operoient autant les vns, que les autres, c'est à dire rien. La nature qui ne manque aux choses necessaires, & extrêmes, luy persuade rechercher l'auteur de la nature, c'est Dieu que l'homme mondain inuoque, quand il ne peut autrement. Il s'adresse à son fidele seruiteur SAINT FRANÇOIS de Paule, qui comme vn bien experimenté medecin, auant que le patient luy discoure le commencement, & progres de sa maladie, luy mesme faict entendre ce que l'autre ne cognoissoit pas, le plus important mal de son ame: *O mon amy qu'auex vous faict? procurer la santé de vostre corps, & la mort de vostre ame, donnant vostre foy aux sorcelleries laquelle vous deuiez à Dieu seul.*

*Guarison de  
maladie na-  
turellement  
incurable.*

Ceste charitable remonstrance ayant seruy comme d'apozume, pour preparer les mœurs, & humeurs corrompues du malade à vne prochaine guarison; il l'enuoye à vn medecin de Cusance bien fort estimé en son art pour parfaire le tout aussi heureusement qu'il estoit commencé: son intention estoit couvrir le futur miracle des drogues, & ordonnances de la medecine, si Dieu ne l'eut preueni, qui ietta vne crainte en l'ame du medecin, pour parler au malade ce qu'il en sentoit, son mal estre en tel estat que l'entreprenant il iugeoit le voir demeurer, & mourir bien tost entre ses mains. C'est de recourir à Paule

trouuer

DE S. FRANÇOIS DE PAVLE. 131  
trouuer le saint Homme , dire le medecin  
n'oser entreprendre ceste cure: qu'il ne le des-  
espere des esperances qu'il a conceues de ses  
merites, qu'à luy seul ce coup de Maistre est  
reserué. Quelles nouuelles inuentions forge-  
ra de nouueau l'humilité du saint Homme?  
Enuoyera il son patient courir apres vn au-  
tre medecin? Il le fait & n'aduançe en riens ses  
humbles pretensions. Le second dict ce que le  
premier: il s'accorde seulement de plus, faire  
ce qui sera de son art , moyennant que le  
saint Homme y mette premier la main, s'es-  
timant trop honoré tenir rang de seruiteur  
en la cure de ce mal, qu'il iugeoit surnaturel.  
La charité qui brusloit nostre saint Hom-  
me ne luy permet reculer d'auantage le se-  
cours, il approche donc son malade, marque  
auec le salutaire signe de la Croix , le lieu  
où il commanda porter la lancette du Chi-  
rurgien, & donne à son patient vne parfaicte  
santé.

Quand l'homme neglige se seruit de la rai-  
son accompagnée de la grace , ses plus pro-  
pres , & necessaires outils pour produire des  
actions humaines, & Chrestiennes: le sens le  
priue quelquesfois du sens, & luy fait repre-  
senter en ses œuvres vne formelle brutalité.  
Comme tel Dieu luy enuoie souuent vn pre-  
cepteur de mesme predicament, si que pour ne  
confondre l'Ordre reiglé ou desreiglé par  
l'homme brutal, il permet qu'un animal luy  
face leçon, afin qu'une beste enseigne vne au-  
tre. Balaam le meschant Prophete fut ainsi  
traicté de Dieu, son asnesse luy fit entendre la  
volonté



volonté de Dieu. En voicy vn autre duquel les folles pensees , qu'il se fantasioit contre l'honneur de S. FRANÇOIS de Paule, sont desmenties par vn petit agneau. C'estoit vn pay-  
 fant de saint Lucide, qui se nommoit Ican de Franc. Ses affaires l'auoient amené à vn petit bourg nommé Flumefroid, où il luy fut faict presét d'un petit Agneau qui estoit mort. Pro-  
 che qu'il fut de partir, il lie l'agneau à larcon de sa selle, monte à cheual, & prend le chemin pour retourner au pays. Seul qu'il se trouue, il  
 passe son temps à entretenir ses pensees, mais pēsees aussi spirituelles, & deliees que sō corps: estre bié à propos qu'un pauvre Hermite, (son  
 imaginatiō luy peignoit la presence du saint Homme,) puisse faire miracles, cōme on dict, c'est à faire à Dieu à faire des miracles, vn  
 autre en pouuoir faire autāt que luy, s'il auoit la mesme cognoissance des herbes desquelles il se sert ordinairement. Qu'il n'y a bien sou-  
 uent que chance, & adresse en ce qui estonne tant les hommes: mais qui scauroit point s'il est forcier . Aussi bien n'ay-je du temps que  
 trop pour gagner aujourd'huy ma maison, il vaut mieux que i'en aye le plaisir comme les  
 autres, ie m'en vay à Paule, & ie verray si cest Hermite là pourra resusciter cest agneau  
 mort. Le pauvre homme faict comme il le pē-  
 se, il tourne bride à son cheual en intentiō ve-  
 nir , comme seul meritoit effectuer tel des-  
 feing, digne certainement de ses semblables. Il auoit ja bien aduancé demie lieue, que Dieu  
 l'arreste soudain comme vn autre Balaam par le ministere d'un autre beste . Il voit le petit  
 agneau

*Homme pre-  
 somptueux  
 corrigé de sa  
 temerité par  
 le miracle  
 d'un petit  
 agneau re-  
 suscité.*

agneau cōme esueillé d'un profond sommeil, se mouuoir au mieux qu'il pouuoit . Car il estoit lié, puis l'entend bester , & par plusieurs fois. Le paysan espouuanté ce qui se peut , se garde bien d'aduancer chemin iusques à Paule, craignant la reprimende du saint Homme, qu'il creut lors tout autre qu'auparauant: il retourne vers son pays, où il fit entendre à ses compagnons ce, & l'ordre comme estoit passé . L'agneau fut gardé vif vn long temps, & recogneu pour tel par ceux qui luy auoient donné ja mort, Dieu permettant tout cecy pour faire entendre à ce paysant , & tout le monde, le pouuoir & auctorité qu'il auoit donné à son vray amy SAINCT FRANÇOIS de Paule.

Le bruit des miracles du saint Hōme passa la mer, montoit vers l'Orient: La Grece parloit tout clairement de celuy qui luy estoit caché. Elle fait vn coup d'essay au voyage entrepris par vn ieune homme fils d'un Prestre Grec, qui estoit lepreux, venu expres à Paule voir le saint Homme pour luy demander la santé , fondé sur le recit des charitez qu'il exerceoit si volontiers enuers tous ceux qui le vouloient employer, le bon Pere le recueillit fort humainement , & l'assura qu'il n'auoit besoin d'autre chose que prendre l'air du conuent, y demeurant & conuersant avec ses Religieux pour quelque temps . Il en aduint ainsi, sa chair en peu de iours estoit si nette, qu'il n'y resta vne seule tache de sa premiere maladie . Il retourna aussi tost en son pays confirmer la bonne opinion qu'ils auoient

*leune hōme  
Grec purgé  
de lepre.*

conceue du seruiteur de Dieu , avec autant plus d'energie qu'il emportoit avec soy vne puissante demonstration, pour conclure necessairement ce que dessus.

*Paralytique  
guarye.*

Ceux qui recherchent ce qu'ils croyent leur estre necessaire , prennent les temps & les lieux indifferemment , comme il s'offrent plus commodes à leurs pretensions. Le saint Homme estoit en l'Eglise , & pres de l'Autel pour y offrir à l'ordinaire vne ame toute brulante de l'amour de Dieu, & de celuy du prochain; lors qu'on luy donne sujet en faire la pratique, sur l'occasion d'une femme paralytique couchee en vn petit liest, ou coffre, qui se trainoit en guise de brouette , où elle gisoit derendue de maladie en tout son corps. Elle estoit de la ville de Crotonc, situee en la superieure Calabre . On luy presente donc ceste femme malade , & si fort incommodée, deuant luy, sans autre discours que la presence d'une misere si grande prouuoit sa misericorde s'estendre iusques à elle. Aussi le bon Pere la regardant d'un œil de compassion , luy mit la main sur l'espaule disant , *Confiez vous du tout à nostre Pere celeste, & vous leuez promptement pour porter des pierres aux maçons qui travaillent en ce Conuent.* La bonne femme se tenoit tousiours en son liest , croyant plustost ceste parole estre consolatiue, que miraculeuse , iusques à tant que le saint Homme la voyant demeurer en mesme estat, luy reorque: *Leuez vous, & faites ce que ie vous dis .* Ceste pauvre femme croit ceste fois estre à bon escient: elle obeyt, se leue,

se leue, porte des pierres, & autres materiaux necessaires aux macons , & voulut demeurer ainsi vn long temps seruant de maneuure en l'attelier. Dieu en disposant comme de son paralytique, auquel pour marque certaine de sa guarison, on charge le grabat à porter, & à ceste autre paralytique, les pierres, le ciment & toute autre chose seruant à l'edifice: mais bien plus à honorer les œuvres de Dieu en son Sainct , à qui il deferoir tant que luy permettre cheminer sur les pas de ses verus, & miracles . Ceste femme pour action de graces d'un si grand benefice obtint du saint Homme porter toute sa vie le saint habit de son Ordre, avec lequel elle perseuera en vne vie sainte, & religieuse , iusques à la mort.

Le bon Pere apperceut en vn lieu eminent vn homme priué de son bon sens, qui se mettoit en estat pour se precipiter de hault en bas: sans d'auantage deliberer, quitte la poursuite de ses desseins, & court pour le retenir ou ayder . La cheute preuint la course, & offensa grandement ce pauvre malheureux. Le saint Homme l'embrasse autant de charité, que des bras, luy essuye la bouche, le nez, les oreilles , nettoye le sang qui couloit, & bande la playe d'un linge blanc, & net. Il l'approche de l'Autel, le fait tenir quelque temps debout, puis luy permet sortir l'Eglise, mais aussi sain comme si iamais il n'eut esté offensé.

*Il guarit vn incensé d'une dangereuse cheute.*

Voicy vn autre fait: C'est vne femme de Malade qualité, qu'il y a ja vingt ans passez qu'elle guary.

ne se peut ayder des pieds , ny des mains en facon quelconque. Elle commande qu'on la lie sur vne jument , & qu'on l'ameine à Paterne , où lors demouroit le saint Homme: arriuee qu'elle est ; on la presente deuant le bon Pere, auquel demandant la santé , elle la recoit, ayant encores les paroles en la bouche, tant le saint Homme s'estudioit approcher les actions à la perfection de son prototype, la Bonté de nostre Dieu, qui promet par la bouche de son Prophete nous donner ce que luy demandons, & bien souuent premier que luy en auoir présenté la requeste. Ceste femme donc parfaictement guarie retournée en son pays, faict entédre par les lieux où elle passe la vertu du S. Homme estre si grande, que tout à coup quelle fut regardée des yeux de sa misericorde, elle en sentit les effects de la santé, mais santé telle que iamais elle eut eu en sa vie.

Aulieu mesme de Paterne demouroit Paul de la Porte, si fort abbatu de maladies & langueurs, qu'il n'eust peu se soustenir debout sur ses pieds , sans estre estayé de ses potences. Il vient toutesfois au mieux qu'il peut, mais avec grande difficulté, trouuer le saint Homme en son Couuent , en bonne deuotion , luy demander quelque remede à son mal, de loing que le bon Pere l'aduise venir, il va au deuât de pas & de paroles: *Et biẽ Paul ne voulons nous pas aller à la montagne pour apporter du bois necessaire à nostre charpẽterie? Helas, mon Pere, repartit le malade, pleust à Dieu que i'eusse les forces d'y aller autant que de volõté, i'irois*

*i'yrois vraiment, & en amenerois tant que vous en voudriez. C'est assez, dict le saint Hôme, venez donc presentemēt avec moy:* Parole merueilleuse, qui penetre tellement toutes les parties du corps attenué, que tout à coup le rend aussi fort & vigoureux qu'autresfois il se fust trouvé. Il iette là ses potences, va, fuit le saint Hôme, trauaille & se charge de bois, retourne au Conuent, & fait preuue de la verité du miracle par la continue de son trauail, & de la bonté de son ame, qui ne vouloit rester ingrat du benefice qu'il auoit receu.

*Subite guari-  
son d'un  
impotent.*

Le saint Homme estoit sorty de son Conuent pour affaire qui le meritoit, passoit par la ville de Paterne, son chemin estoit pardeuant la maison d'un ciroyen qui auoit sa fille en piteux estat, à raison d'un cathare qui luy auoit si fort tourné la bouche, qu'elle ne pouuoit aucunement manger, moins encores aualler. Le Pere de la fille, sortant la porte, aduise le S. Homme venir, il le salue, le prie s'arrester vn peu, & luy donner vn peu de temps pour luy faire vn narré du mal de sa fille, afin que s'il recognoist quelque remede propre, qu'il luy plaist l'en aduiser, qu'il l'obligeast d'autant. Le S. Homme luy ordonna prendre des raisins de Corinte, avec autāt d'absinthe, en composer vn emplastre, puis en couvrir la teste de sa fille, sur tout qu'il esperast en la Bonté de Dieu, qu'inailliblement il en sentiroit les effects. Il estoit biē vray que ce dernier article estoit le plus fort, & salubre ingredient. Car le pere de la fille se dōna toutes les peines. pour recouurer de l'absinthe, & ne luy fut ia-

*Vne fille  
guarie d'un  
catharre, &  
puis d'une  
esquinancie,  
ou esquinan-  
tie.*

mais possible, à raison dequoy il conclud laif-  
fer là l'emplastre, & attendre la miséricorde  
de Dieu par les merites de SAINT FRANÇOIS  
de Paule, qu'il experimēta aussi tost, que le lē-  
demain trouuant sa fille parfaictemēt guarie,  
& Dieu voulut cacher expressement l'absin-  
the pour faire voir plus clairement le miracle.

Vn temps apres la mesme fille fut saisie  
d'un autre mal à la gorge, que les medecins  
nomment esquinance. C'est vne maladie que  
chacun aduoue pour mortelle, au moins grā-  
dement perilleuse. Elle s'estoit bien trouuee  
de la premiere cure entreprinse par le S. Hom-  
me, elle se trouue aussi bien de la seconde  
qu'elle luy commet seulement, sans y appeller  
autres ou medecins, ou chirurgiens: elle luy  
monstrant son mal s'en sentit tout à coup de-  
liurée, il n'y applicqua autres remedes que la  
puissance dōt Dieu l'auoit grādēmēt honoré.

*Playe incu-  
rable guarie  
estāt descon-  
uerte à S.  
Francois.*

Il en arriua de mesme à vn homme de la  
Motte, c'est vne terre qui est en la prouince de  
Calabre. Cest homme auoit receu vn coup à  
la teste: la playe augmentoit & empiroit tous  
les iours, qui s'opiniastroit contre l'art de la  
Medecine & Chirurgie. Desesperant de sa san-  
té, la commet es mains de ce grand amy de no-  
stre Dieu, vient voir le S. Homme, & luy fait  
vn discours de son mal. Chose inaudite en la  
nature, se descourant au Medecin, il se sent  
guary au mesme instant, retourne au pays en  
bonne santé, mais non sans porter vne gran-  
de admiration à ceux qui l'auoient veu aupā-  
rauant si fort interessé.

Vn des ouuriers du conuent de Paterne, il  
se

se nommoit Alexandre Capute , trauaillant pour la maison , ayant faict quelque excez en son ouurage, ou autrement que ce fust, il est si viuement atteint de maladie, qu'après vn iour & vne nuit seulement, on en attendoit seulement la mort. Le S. Homme le vient trouuer, & dire estre bien la raison qu'il le serue en sa maladie, luy s'estant employé au seruice de son Conuent viuant en santé . Le bon Pere pour commencer où il scauoit deuoir finir, fait prendre de la viande à son malade, & le met reposer au pied d'un arbre , luy donne pour oreiller sous sa teste vn fagot de Nepita, où ayant quelque peu sommeillé , il s'esueille, se leue dispos & gaillard , retourne de ce pas trauailler à l'attelier, après auoir rendu graces à Dieu & au S. Homme.

*En traittāt  
vn ouurier  
malade il le  
guarit.*

En ce mesme réps, & au mesme lieu on apporte au Conuent vn homme perclus de tous ses membres. Ceux qui s'en estoient chargez le portoient sur deux bastons, & le presentent en cest estat au bon Pere, qui commence à l'entretenir de bons propos , pendant lesquels ce malade s'apperçoit & sent quelque vigueur extraordinaire en ses membres. Il remue vne main, il remue l'autre: tire vn pied , allongit l'autre: il donne bransle à tout son corps, & sans pouuoir d'auantage dissimuler ce qu'il croit, le contentement luy fait oublier se rendre plus attentif aux discours que luy tenoit le S. Homme, pour respondre à ses pensées: *Je suis*, ce dit-il, *guary*, & tout à coup s'eschappāt des mains de ceux qui le soustenoïent,

*Paralytique  
guary.*

faict preuue du miracle par le facile mouuement



uement de tout son corps . Il rend graces à Dieu & au bon Pere , & s'en retourna chez luy sans estre aydé d'ailleurs que de ses propres forces :

*Guarison de  
dysenterie.*

La Marquise de Polissene estant venue exprés pour visiter le saint Homme en son Cōuent à Paterne, sa deuotion la retint en ce lieu pour y seiourner l'espace de trois iours . Le bruit, partie de sa venue, partie aussi des faicts miraculeux du S. Homme inuite tous les pays circonuoisins à donner iusques là. L'assemblee fut plus de mille personnes estrangeres , où il fit plus de cent miracles qui n'ont esté mis par escrit. Entre iceux fut celuy de la dame Marquise, qui estoit trauailliee d'un flux de sang long temps y auoit. Le bon Pere luy auoit donné quelques pommes, & certaines herbes, mais sur tout il l'aduertit , comme nostre Seigneur auoit enseigné ceste femme de l'Euan-gile , qui auoit porté la mesme maladie par l'espace de 12. ans, d'auoir ferme foy en Dieu, & qu'elle causeroit son salut ? puis luy donnant plusieurs paroles de consolation sur la mort de son mary, la licentia retourner chez elle.

Le fils de Dieu cōuerfant avec les hommes, comme vn precepteur au milieu de ses escho-liers, pour leur enseigner le train de la vertu, les exhortoit à *estre parfaits comme leur Pere celeste est parfait*, & leur drellant vn abregé de ceste perfectiō, donnoit la comparaison du Soleil, vne des plus belles images de la Diuinité, que cōme indifferemment il tourne nostre terre pour communiquer ses lumieres & influen-

influences aux bons & meschans. Ainsi nostre bon Dieu fait bien aux vns & aux autres, telle doit estre la perfection où est inuité le Chrestien. Telle estoit celle qui reluit en nostre S. Homme, qui fait cognoistre en l'exemple qui suit, qu'il n'auoit ressentiment en l'ame sinon de Dieu. Vn citoyen de Paterne dict Guillaume Turc, vient au Conuent, se plaint au saint Homme de son malheur, que sa femme estoit detenue au liect, & si fort malade, qu'il l'auoit laissée ja desesperee de plus viure, qu'il luy pleust luy ayder. Le S. Homme luy dit de ne se point trauailler de cela, & qu'il s'en allast ayder à porter des pierres pour la fabrique du Conuent. Cest homme grossier, mal instruit, & moins aduisé, *Comment*, respondit-il au bõ Pere, *voulez vous que ie m'amuse a vous seruir, & porter des pierres, & ma femme se meurt?* Auec semblables paroles il se retire bien fort indigné de la responce du S. Homme. Il va aux medecins où il peut pour trouuer quelque prõpt remede: ce sont pas & peines perdues. Il entre en sa maison, il trouue sa femme en l'agonie de la mort: Ce pauvre homme troublé, comme desesperé de ses poursuittes, il oublie les inciuilitez desquelles il auoit vsé à l'édroit du S. Homme, & sa perte presente luy desrobât la memoire de sa faute passée, retourne prõptement se presenter au S. Homme, se prosterne à deux genoux, luy demande quelque grace pour sa fême. Le bõ Pere luy respõd, *Mõ amy, si vous eussiez porté des pierres cõme ie vous auois dict, vostre femme fust ja guerrie: neantmoins Dieu ne laissera auoir pitié de vous: Allez vous en chez*

*Vne femme  
à l'agonie de  
mort, redui-  
te en bonne  
santé.*

*vous,*

*vous trouuerez vostre femme en bonne santé, rendez en graces à nostre Seigneur tous deux ensemble.* Cét homme retourne en son logis, & trouue sa femme en l'estat que le S. Homme auoit predict, imitant à la verité nostre Seigneur, lequel comme il verse sa roussee sur la terre des plus meschans, ainsi nostre S. Homme faisoit bien à cest homme ingrat, c'est à dire indigne receuoir aucun bien.

Les vertus du sainct Homme tiroiét les personnes de toutes parts pour auoir ce contentement de le voir au moins vne fois en la vie. Ce fut le sujet du voyage de Cicco Taccone iusques à Paterne pour visiter le S. Homme. Son desir accompli, il estoit question retourner. Le congé prins, la porte ouuerte pour sortir, voila leuer vne furieuse tempeste avec vne pluye violente qui le fait rentrer plus habilement. Ce que voyant le bon Pere, il le prend par la main, le conduit en l'Eglise, puis luy ayāt ietté vn peu d'eau beniste: *Allez maintenant ce luy dict-il, & ne craignez aucunemēt, vous estes trop bien accompagné.* Cest hōme préd congé de rechef, monte à cheual, & sort du Couuent. En son chemin il rencontre vne petite riuiera, mais lors bien fort grosse & enflée, & le pis l'eau estoit troublee par les pluies, si qu'il n'eust sceu recognoistre le gué. Le cheual reculoit & rôloit donnāt entēdre à sa façon qu'il feignoit mouiller le fer. De necessité il la falloir trauerser pour prendre son droit chemin. Il craignoit, & iustemēt le danger: il se souuenoit d'ailleurs des paroles du S. Homme, sur lesquelles il fondeit ses assurances.

rances. Ainsi donc nageant entre la crainte & l'esperance, il picque son cheual, & commence à entrer en l'eau, & aduance iusques au milieu, où paruenant, voicy comme vn torrent descendre, qui empesche le cheual couper le fil de l'eau, luy fait fausser le pied, & aussi tost tomber avec son cheualier, qui dessus tantost dessous rouloient avec les ondes, iusques à faire perdre le sens & iugement à cest homme qui, comme depuis a tesmoigné, conclud sa derniere pensee sur la mort, comme chose tres-certaine, iusques à ce qu'en peu de temps apres, son esprit & ses sens rappelez, ils'appercoit couché de son long à l'autre bord de la riuere, son cheual près de luy, sans auoir cognoissance du monde, qui & comment il auroit esté là posé, sinon que se souuenant des paroles du saint Homme, il en donnoit la cause à ses merites.

En quelque lieu que se retrouua le S. Homme, la necessité des personnes affligees par affaires ou maladies le faisoient soigneusement rechercher, & se seruir de l'occasion de sa presence, sans auoir autre esgard des temps, & des lieux. Le bon Pere trauailloit hors son Conuent de Paule en vne carriere pour tirer de la pierre, là mesme on luy amene Gregoire Bisace, c'estoit vn pauvre ieune homme qui estoit hydropique, il y auoit ja vn long temps. On ne luy tint pas de grâds discours pour faire entendre ce que la necessité presente faisoit assez comprendre d'elle mesme. Le bon Pere luy dist, d'esperer tousiours en Dieu qui estoit si bon, qu'il ne le laisseroit plus longuement languir,

*Vn homme à  
cheual sub-  
mergé &  
miraculense-  
ment porté  
sur la riuie.*

*Hydropique  
guary se red  
Minime.*

languir, & croupir en son mal: pendant ces belles paroles, la santé venoit peu à peu, si que cest homme ne partit de la place qu'elle ne fust toute arriuee, & aussi tost vne sainte resolution où il n'auoit iamais pensé, avec laquelle ce ieune homme, se sentant bien dispos, declare au saint Homme son intention estre consacrer sa vie au seruice de celuy qui luy auoit prolongee, que ce fust son bon plaisir le receuoir au nôbre de ses enfans, & religieux, adiouster miracle sur miracle comme vn bien faict sur vn autre. Le bon Pere l'adopte sur l'heure pour son fils, luy donne l'habit de son Ordre, où il a perseueré aussi religieusement que miraculeusement il viuoit.

*Malade recu-  
perer sa sa-  
nté si tost  
qu'il eut pris  
l'outil pour  
travailler.*

Au mesme temps vn de ses ouuriers, qui se nommoit Gilles Stanelle, fut saisi d'une maladie assez commune en ces pays, ils la nomment ordinairement le *froid*. Le bon Pere luy dist seulement se confier en Dieu, & qu'il s'employast à bon escient à travailler en son Eglise pour l'amour de Dieu: Aussi tost que ce pauvre homme eut prins ses outils pour commencer son ouurage, il receut entiere-ment la santé.

*Prestre gua-  
rie d'un a-  
cetsume.*

Vn certain prestre de ce lieu mesme, estoit extremement incommodé à raison d'une apostume qu'il auoit au nez, qui couloit sans cesse, & estoit à craindre qu'il ne s'y engédraist vn châtre, il vient au Couent, & prie le S. Homme luy donner quelque chose pour remedier à ce mal. Le medecin vraymêt spirituel plustost que corporel, il luy ordône demeurer certains iours au Couent viure avec les Religieux, pratiquer

praticquer leurs exercices quelque temps. Le prestre obeit, & son mal guaray en peu de iours, il retourne chez luy, emportant avec soy la santé de l'ame, & du corps.

Si la nature s'est reseruée des effectz si particuliers en quelques creatures (comme lors que nous sommes descouuers premierement par l'aspect du Basilic quelque mauuaise influence cause la mort) il n'est de merueille que la grace, qui est trop plus excellente, produise des effectz plus propres à bien faire, que ceux là ne sont pour nuire. Ce fut vne des faueurs desquels le Ciel auoit enrichy les yeux du sainct Homme, que d'enuoyer avec sa veüe quelque benefice à l'obiet par luy contéplé. On luy auoit amené vn pauvre homme perclus des pieds & des mains, lié sur vn che-  
 ual comme vn tronc d'arbre inutile à tout, si non à faire peine, & donner de l'empeschement à ceux qui estoient chargez de luy. On le presente ainsi. Le S. Homme commence à l'arraisonner avec paroles douces, aux fins de le consoler, & luy parlant le regardoit avec si grande compassion, qu'il touchoit les cœurs de la compagnie : mais la premiere responce du patient fut qu'il estoit guaray; & qu'on le desliat pour rendre graces à Dieu, & au S. Homme. Ce qu'ayant fait il retourne bien disposé à sa maison.

*Guarit de son  
regard vn  
paralitique.*

Bien que tout miracle par son etymologie mesme soit vne action merueilleuse en soy, & donne subiect d'admiration aux autres, si est-ce toutes-fois qu'il y en a particulieremēt qui touchent plus viuement le cœur, & les sens, &

se font voir & admirer avec plus d'estonnement, sont ceux qui font suivre l'estre à la priuation, rendant ce qui estoit absolument perdu, cōme l'ouïe à vn sourd, la veüe à vn aueugle, & le sentiment à vn ladre. Es autres maladies où quelque membre du corps est indisposé, le miracle qui s'y faiēt est rendre son vsage qui luy estoit desnié pour vn temps: c'est chose grande à la verité, mais nō comme lors qu'il est rendu habile, & propre à ce dont il estoit priué du tout. Car toute la nature se ferme en ceste maxime, qu'on ne peut retourner de la priuation à l'habitude. Or le plus admiré de tous ces miracles est de rēdre la vie aux morts, & avec bien de la raison. Car si on iuge estre chose grande, comme elle est à la verité, rēdre vn estre pour vne priuatiō, ce qui arriue donnant (pour exemple) la veüe à vn aueugle: cōbiē peut estre estimee la vie réduē à vn mort, où sont remises autāt d'habitudes qu'il y auoit de priuatiōs, & où il y auoit autāt de priuatiōs qu'il y a de facultez & mouuemēts au corps de l'hōme; ce sont des œuures qui n'appartiēnent qu'à Dieu, & ceux ausquels il en a conseré la grace ont esté iugez par les hōmes celestes & diuins: tel que S. FRANCOIS de Paule, qui rappelloit les hommes de la mort aussi facilement, qu'il en eust esueillé vn biē endormy. Cestuy-cy duquel nous voulons parler fut ressuscté en son Conuent de Paterne, proche duquel il y a vne montaigne, où quelques chasseurs, poursuiuans leur proye, trouuent vn homme mort dās les neiges, ayāt esté trāsī de froid. Ils s'arrestent pour exercer l'humanité & charité

rité que nous nous deuons redre mutuellemēt  
 entant qu'hommes & Chrestiens, donnēt or-  
 dre le faire porter pour l'éseuelir & mettre en  
 terre au Conuent du S. Homme, lequel appro-  
 chant de ce corps mort, en presence de la com-  
 pagnie luy parle: *Par charité ressuscite, car Dieu*  
*t'a fait grace*: Ceste parole de vie auue aussi  
 tost le corps mort, qui est à present viuant, qui  
 se leue, qui parle, & rend tesmoignage d'vne  
 vraye resurrection par les effects d'vn homme  
 viuant, où depuis il perseuera en bonne santé  
 par plusieurs annees.

*Vn homme  
 mort de  
 froid, ressus-  
 cité.*

Voicy vn second & semblable miracle fait  
 au mesme lieu. On auançoit tant que l'on pou-  
 uoit l'Eglise de l'Annunciade au Conuent de  
 Paterne; pour lors on trauailloit à la voute.  
 Entre vn si grand nombre d'ouuriers, que ma-  
 çons, charpentiers, & couureurs; vn nommé  
 Leonard Philippe n'aduifant bien à soy, il tō-  
 be du haut de la voute en bas tout roide mort;  
 rompu, brisé, & fraçassé par tous les membres.  
 Tous les ouuriers s'escrier piteusemēt, descen-  
 dre legerement pour y apporter du secours  
 inutile. Car arriuez qu'ils sont, ils le iugent  
 tous estre bien mort. Le bon Pere qui ne cou-  
 roit si habilement que les autres, le voila aussi  
 venir, qui prenant la main de celuy qui estoit  
 ainsi tombé, luy dit: *En charité leuez vous, puis*  
*que vous n'avez point de mal*. Les asistās croy-  
 oient ja entendre vne parolle de mocquerie;  
 lors qu'ils virent, doutans si c'estoit songe ou  
 verité, ce pauvre homme se leuer & retourner  
 sur les voutes trauailler comme au precedent,  
 auquel le bon Pere dit d'assez bonne grace:

*Vn ouurier  
 mort & bri-  
 sé d'une  
 haute cheu-  
 te, est ressus-  
 cité.*



*Mon amy, gardez vous bien de plus faire de semblables faults.*

*Miracle de  
pareil effect.*

Thomas de la Tour habitant de Paterne, auoit esté employé par le S. Homme pour luy abbatre vn chastaigner, lequel commençant à tomber, cest homme ne s'estant sauué assez habilement, il l'enferme & presse en sorte cōtre vn autre arbre qu'il tombe par terre, & est tenu pour mort par les ouuriers, qui estoient arriuez trop tard pour luy ayder. Le S. Homme qui s'estoit trouué là avec les autres, leur dit à tous de se retirer & le laisser là seul avec ce corps mort. Enuiron vne ou deux heures apres, les ouuriers curieux de cognoistre ce qui estoit arriué de cest homme, ils le trouuent qui estoit retourné à la tasche aussi sain & dispos, comme si iamais il n'eust senty aucun mal.

*Autre & semblable en la  
mesme personne.*

Comme si le mal-heur de cest homme eust esté necessaire au bien & honneur du bon Pere, il luy arriua de rechef vn autre non moindre inconuenient. Il trauailloit au clocher, où voulant monter pour suiure sa besongne, il tombe à bas de la hauteur enuiron de cinquante pieds: il meurt derechef, au moins il est iugé pour tel par ceux qui estoient presens, qui le firent porter en presence du S. Homme sans aucune marque de vie. Le bon Pere voyāt ceste assemblée vn peu estōnée, les assure: *Croyez*, ce leur dit-il, *qu'il n'est pas mort puis qu'il trauailloit pour l'honneur de la maison de Dieu.* En suite de ces paroles, il parle à cest hōme couché, qui n'auoit ny sens ny mouuement, mais comme si seulement il eust parlé pour esueilleir vn hōme endormy: *Or sus mon amy*, ce luy dit le bon

le bon Pere, leuez vous, & vous en allez, par charité à vostre besongne. Et qui ne se fut estonné, comme la compagnie en demeura rauie: Ils auoient veu, & vn long temps, cest homme mort, à la simple parole du S. Homme se leuer de terre, non pas faire vne seule mine d'auoir senty aucū mal, cheminer, & trauailler aussi sain & dispos qu'auant sa cheute. Ce sont vraiment effects de Dieu, & de son sainct.

Côme celuy qui suit, lequel ( si la memoire ne m'eschappe ) ie n'ay peu trouuer ailleurs, que dans vn sermon composé par le R. P. Valderama, en l'honneur de S. FRANÇOIS de Pavle, à raison de quoy ie repeteray ses mesmes termes. Ce S. Patriarche, dit il, allant visiter les bastiments d'un sien Monastere, les maçons luy desroberent vn Cheureuil, lequel estoit si priué avec ce Sainct, que le nommant par son nom, soudainement il venoit à la main, & se nommoit, *Martinet*; Ils le desroberent donc & le mangerent, & afin qu'on n'en vit les pieds & les os; ils les ietterent dans vn four à chaux, qui estoit dedās le bastiment. Le Sainct estoit soigneux & soucieux de son Cheureuil, & ne le trouuant point, vn vint à luy qui luy rapporta ce qui s'estoit passé. Ce que voyant le Sainct ( cas grandement estrange ) se mit à l'entrée du four à chaux, & se print à crier, *Martinet, sors icy dehors*. Et ayant dit cela ( ce qui ne se lit d'aucū autre sainct ) le Cheureuil sortit vif & sain de la fournaise.

*Il fait remi-  
ure vn Che-  
ureuil bruslé.*

Vn habitant de Corillan estoit si fort incō- modé d'un catharre qui luy tomboit sur les yeux, qu'à peine voyoit-il que fort peu: il

*Guarison d'un  
catharre.*

prend occasion de la présence du S. Homme, qui luy dit seulement que ce ne seroit rien, & le guarit.

*De demy  
paralyse.*

Le mesme auoit vne siene sœur percluse de la moitié de son corps, qu'elle ne pouuoit aucunemēt en mouuoir les membres: il met peine la faire porter & presenter au S. Homme, qui luy commanda se leuer. Elle se leue, & retourne en sa maison sur les pieds, sans ayde de personne.

*D'une femme  
impotente.*

Vne autre femme impotente des deux pieds luy fut presentee en son Conuent de Paterne, elle luy demande au nom de Dieu quelque remede: *Leuez vous*, dil-il, & *allez porter un panier de sablon au Conuent*. Ceste femme se leue, sort du Conuent, puis retourne chargé de son panier plein de sablon, sans sentir aucun mal de là en auant.

*D'une sci-  
atique.*

Auec la seule parole le S. Homme rendit la sātē à vn homme, qui se plaignoit à luy d'estre fort trauaillé d'une sciastique.

*D'apoplexie.*

Il feit de mesme à vne femme qui auoit ja eu quelque accès d'une Apoplexie, de laquelle elle ne sentit plus aucune incommodité, depuis qu'elle eust parlé au sainct Homme.

*D'un impo-  
tent.*

Vn pauvre homme qui ne se pouuoit ayder des bras, d'où dependoit son labour, & le gain qu'il en receuoit pour luy entretenir avec sa petite famille, ayant representé sa necessité, le bō Pere luy ordōne, pour medecine, prēdre vn pic, & rōpre des pierres pour la maçonnerie de son Conuent, il sent aussi tost ses forces, prend l'outil propre, & trauaille à bō escient, la santé luy demeura pour payement de son labour.

Voicy

Voicy quasi vn pareil miracle en vn autre homme qui auoit vn bras inutile, à raison d'vne apostume: venant visiter le S. Homme, & luy ayant parlé seulement: il retourna en sa maison sans aucun mal.

*D'un apostume.*

Vne femme boyteuse des deux costez commanda aux siens la cōduire sur vn cheual, pour se presenter au saint Homme. Arriuee qu'elle est, se mit à genoux deuât luy. Mais il ordonna à ceux qui la soustenoient, la faire seoir, puis la faisant leuer, luy dist qu'il la licentioit au nom de Dieu de s'en retourner chez elle, & que Dieu luy auoit fait grâce, & de fait elle retourna à pied en sa maison bien guarie.

*D'une boyteuse.*

Ceste mesme femme estoit trauaillée d'vn catharre vne autresfois, le saint Homme la guarit encores miraculeusement.

*D'un catharre en la mesme personne.*

François Gratian ayant sa femme bien fort malade, il vint habilement à Spezane trouuer le bon Pere, & le prie en auoir compassion. Il le renuoya de mesme apres luy auoir donné quelques petits remedes pour elle. Mais il ne sceut faire si bonne diligence que Dieu ne le deuança, pour honorer son fidele seruiteur, autant comme il desiroit par humilité cacher son miracle. C'est qu'entrant en la maison, il trouua sa femme saine & en bonne dispositiō, tellement que l'ordonnance du saint Homme ne seruit à rien que pour cognoistre son humilité.

*D'une femme malade.*

Vne femme nōmee Adriane Macerte, ayant vn grand mal en l'œil, venoit exprès à Paterne pour se recommander au saint Homme, laquelle estant encores à my-chemin, se

*D'un mal en l'œil.*

trouua parfaitement guarie pour la seule foy qu'elle auoit en luy.

*D'une extrême enflure.*

La mesme se sentant secouruë miraculeusement, elle voulut faire le chemin entier, & venir au Conuent du S. Homme rendre graces à Dieu, ou estant arriuee, elle vit faire vn autre miracle par le S. Homme, qui guarit vne fême si fort enflée, qu'il y auoit ia quatre iours qu'elle auoit perdu la parole. Il la renuoie en bonne santé en sa maison.

Au mesme temps il rēdit les forces naturelles à Paul Cerisure, qui l'estoit venu trouuer & prier pour ceste fin.

Et vne femme qui ne se pouuoit ayder d'vn bras, pour seulement se recōmander à luy par deuotion se trouua bien guarie.

*Guariso d'une morsure de chien enragé.*

Vn homme auoit esté mordu d'vn chien enragé: on le presente au bon Pere, qui luy donna assurance qu'il n'en auroit aucun mal, cōme dès lors il luy guarit les cicatrices que le chien auoit faiēt avec les dents.

*Mort ressuscité.*

Au mesme temps il ressuscita vn homme mort, luy faisant le signe de la Croix.

Vne femme qui auoit les mammelles pleines de trous & cicatrices: demandoit misericorde, le S. Homme la renuoie avec sa parole en bonne santé.

*Paralytiques guaris.*

Il guarit aussi vn homme paralytique.

Et puis apres vne femme qui estoit de mesme paralytique, & ne leur dit autre chose, sinon: *Par charité ayez vne vraye confiance en la bonté de Dieu.*

*Bras cōtrefoiēt, & torturé redressé.*

La femme d'Antoine de Nicaistre auoit vn bras tortu duquel elle ne se pouuoit ayder, le  
S. Hom-

S. Hommeluy redressa par sa seule parole.

En la mesme façon il redressa les deux pieds d'un ieune enfant qui n'eust sceu cheminer, tant il les auoit contrefaiçts. Ses parens le presenterent au S. Homme, qui leur dit: *Laissez l'enfant cheminer tout seul.* Ce qu'ils firent, & auoit les pieds & les iambes aussi droiçts qu'o eust peu voir ou desirer.

*Miracle semblable es  
pieds d'un  
enfant.*

Antoine Durant bourgeois de Nicaistre fut saisi d'une ardente fieure qui luy continua quelques iours, iusques à ce que venât au Cōuent visiter le S. Homme en intention luy commander la santé, ayant quelque peu de temps deuisé avec luy, donnant entendre que les maladies venoient de la main de Dieu, afin de réduire la santé de l'ame. La patience en telles occurrences estre aussi nécessaire qu'elle agréé à Dieu; & autres bons propos semblables que le sainct Hōme luy donna, avec la santé, pour la cōclusion du discours. Les medecins du monde ne pourroient pas diminuer si peu que ce fust vne douleur, quand bien ils se mettroient sur le trot de biē dire, par tous les aphorismes de leur medecine, il n'y a que la parole de Dieu, & de ses seruiteurs qui effectue ce qu'elle signifie.

*Guarison de  
fieures.*

Saluateur de la Mortte auoit vn sien fils detenu de maladie, il y auoit ja cinq ans, & autāt de temps l'enfant auoit demeuré sans manger pain, si peu que ce fust, tant il estoit degousté. Le pere oyant comme tous les iours en routes compagnies les deuis ordinaires, qui n'estoient pour lors autres que les faicçts miraculeux du sainct Homme, prend resolution  
venir

*D'une ma-  
ladie de cinq  
ans.*

venir à Paule & y faire porter son fils, le présenter luy-mesme au S. Homme, & le recommander à ses prieres, pour mettre fin à vne maladie qui tiroit à vne si grande longueur. Le bon pere l'ayant escouté fort paisiblement: *Allez-mon amy*, ce luy dit-il, *remenez vostre fils en vostre maison, Dieu a eu pitié de vous & de luy, & vous a accordé ce que luy avez demandé.* Cest homme asseuré sur les paroles du bon Pere, retourne avec son fils: arriuez qu'ils sont au logis, l'enfant demande du pain, & deslors continua en manger avec si bon appetit, qu'il ne falloit point chercher plus forts argumens de sa santé.

*Oeil sorty de  
la teste remis  
avec santé.*

En la mesme ville de la Motte, vn tōnelier trauaillant de son estat, voulant de force mettre vn cerceau à vn tōneau, qu'il relloit, le cerceau rōpit, & frappa le Tōnelier droit à l'œil, mais d'une telle violēce qu'il luy fit sortir de la teste. Ce pauvre homme crie, se tourmēte iusques à ce que les voisins accourants pour luy ayder, & voyans ce fait tragicque, demeurerēt vn peu effrayez, ne pouuās cōme quoy ce leur sembloit, toucher à vne partie si delicate, & douloureuse. En la cōpagnie se trouua ce Saluateur, duquel il est parlé cy-dessus, qui plus resolu que les autres, prend doucemēt cest œil, le remet en sa place, & le bande pour le tenir en estat, iusques à ce que le saint Homme eust ordonné ce qui seroit necessaire, y appliquer pour le guarir. A ces fins il luy conseille & persuade venir à Paule le trouuer; arriué dōc qu'il est, il se presente à ce souuerain Medecin, qui ne luy commanda autre chose sinon demeurer  
trois

trois iours, pour bien & religieusement viure avec luy en son Conuent : apres le troisieme iour le Tonnelier s'en retourna aussi sain, cōme si iamais il n'eust senty mal à l'œil.

Le saint Homme estant de retour en son Conuent à Paule, on luy presente vne ieune fille aagée de douze ans, mais qui estoit muette dès sa naissance. Les parens le supplient avec toute affection auoir pitié de ce bas aage, & de l'incommodité que cela luy causeroit, & aux siens avec le temps. Le bon Pere prend ceste ieune fille, & la seignant au front avec la Croix, luy diēt : *Criez hautement apres moy, IESVS*, L'enfant obeit & prononce IESVS, & depuis elle parla tousiours fort bien sans difficulté quelconque.

*La parole redite à une ieune fille muette dès sa naissance.*

La ferueur & deuotion du peuple enuers le seruiteur de Dieu, estoit si grande, mais augmentoit tellement de iour à autre, que par vne simple cōfiance à ses merites, les malades receuoient souuent la santé. Cecy arriua à Antoine de Nicaistre, qui portant vne peine intolérable, & extremement douloureuse au bras, se propose voir & prier le saint Homme de luy ayder, croyant fermement qu'il le pouuoit faire, & facilement. Ceste grande foy fut bien tost recompensee, car il n'auoit encores faict la moitié du chemin, qu'il sentit son bras sain, & sans aucun mal.

*Grande douleur appaisée par la cōfiance en S. François.*

Bernardin de Melle natif de Chastillon, c'estoit vn ieune homme qui auoit d'assez bonnes parties, mais incommodé ce qui se pouuoit, d'une fistule en la cuisse, mal qui est iugé incurable en ces pays là. Il y auoit ja deux  
ans



*Fistule en la  
iâbe guarie.*

ans passez qu'il patientoit, voir ce qui en arri-  
ueroit par les reinedes qu'on y pouuoit appli-  
quer : voyant qu'il perdoit le temps, & ses  
peines, il vient trouuer le saint Homme à Pa-  
terne, le supplie regarder son mal, & prendre  
compassion de luy. Le bon Pere en peu de tēps  
luy rendit la santé aussi bonne que iamais il  
eust eu. Ce ieune homme ayant receu vn si  
grand benefice, pour n'estre veu ingrat en-  
uers Dieu, & les hommes, fait entendre au  
saint Homme qu'il eust desiré demeurer en  
son Conuent, & viure auēc ceste religieuse  
compagnie toute sa vie, pour y rendre tout  
le seruice duquel on le iugeroit capable. Il re-  
çoit encores aussi facilement ce second bene-  
fice que le premier. Il est admis au Conuent:  
on luy donne chambre au dortoir, & demeu-  
re avec les Religieux l'espace de vingt ans. Au  
bout desquels le diable fit tant par ses menées,  
qu'il le desbauche, & luy persuade retourner  
au monde prendre vne vie vn peu plus douce.  
Le voila donc sorty du Conuent & de sa vie  
heureuse, ce que l'experience luy fit recognoi-  
stre. Car viuant parmy le monde, c'estoit avec  
tant de combats, & mescontentements inte-  
rieurs, que force luy fut regretter sa premie-  
re solitude, & penser aux moyens d'y r'entrer.  
Retourner au Conuent du saint Homme, il  
luy sembloit estre du tout hors de raison, cō-  
me sans raison, il l'auoit quitté : il ferme là ses  
conclusions de prendre l'habit de religion en-  
tre les freres conuentuels de saint François  
d'Assise. Comme il le pense, il l'execute, mais  
Dieu qui nous sçait trouuer en quelque part  
que

que nous foyons, permet que le mal de fistule que le saint Homme auoit guarý, il y auoit plus de vingt ans passez, retourne l'incommoder, pour le chastier en ce monde de l'ingratitude commise contre le saint Homme. C'estoient les propos ordinaires qu'en renoient ceux qui auoient cogneu le fait en son commencement, c'estoit sa mesme confession.

Vn certain homme nommé Nicolas auoit perdu l'usage d'un bras par l'espace de vingt & cinq ans, à raison dequoy force luy estoit le tenir en escharpe, pour plus facilement en supporter l'incommodité: il vient au Conuent, & parle au S. Homme, luy fait entendre par maniere de deuis cest inconuenient qu'il auoit receu. Aussi tost le bon Pere luy commada plier son escharpe, & se seruir de son bras. Cest homme bien estonné commence à se remuer & recognoistre le bien qu'il auoit receu, pour lequel il rendit graces à Dieu & à son fidelle seruiteur, par la faueur duquel il tenoit ce grand benefice.

Vne femme de Briatico qui estoit percluse des pieds & des mains, fut amenee au Conuēt: on prie le S. Homme luy parler, & au moins luy donner quelque consolation. Il vient & s'approche d'elle, chose merueilleuse! elle receut vne parfaite santé par la venuë seulement du S. Homme, sans autre façon.

La charité du Chrestien, pour s'acquiter de son exercice digne vrayement du Christianisme, n'est pas de secourir son prochain, lors seulement qu'elle en est requise: ains va au deuant,

*Bras prué  
de son usage  
par vingt  
cinq ans re-  
stitué en bon  
estat.*

*Guerisio d'v.  
ne femme  
percluse de  
pieds &  
mains.*

*Malade  
guary.*

uant, & pouruoit aux necessitez des hommes à mesme qu'elle les recognoist. Le saint Homme faisoit bien à ceux qui le venoient rechercher, mais il ne laissoit d'aider ceux-là ; aussi qu'il sçauoit estre en peine, bien qu'ils ne luy eussent rien demandé : comme à ce Dominique qu'il guarit. C'estoit vn Citoyen de Paterne, qui auoit esté malade par l'espace d'un an entier. Le bon Pere l'euoya appeller chez luy, le suppliant venir iusques au Conuét ; comme par forme de vouloir traicter d'affaires avec luy. Le voyla donc venu, le saint Homme le met seoir sous vn arbre, & le laisse reposer l'espace de demie heure, puis retournant le voir, il luy met vn outil de maçon entre les mains ; *Sus*, ce luy dit le Bon Pere, *il y a ja trop long temps que vous ne faictes rien, allez avec les autres trauailler aux bastiments de ceans*. Cest homme oyant ces paroles, sentit tout à coup les forces du corps luy venir, il se leue donc sain, & gaillard, comme si iamais il n'eust esté malade.

L'Ambassadeur enuoyé par le Roy de France, pour emmener le S. Homme, entre ses feruiteurs, en auoit vn qui estoit dans Ottrante, lors qu'elle fut surprise par le Turc, où il auoit esté blessé en la main, si qu'il auoit deux doigts qu'il ne pouuoit estendre nullement à raisõ du nerf qui s'estoit retiré. Arriuez qu'ils furent à Naples pour passer chemin, ledit sieur Ambassadeur pria le S. Homme soulager ce ieune homme de ceste incommodité, afin qu'il peust aussi facilement s'aider d'une main que de l'autre. Le bon Pere luy respondit que s'ils auoient

*Quelques  
doigts de la  
main retre-  
cis, sõt remis  
en leur en-  
tier.*

auoient vne ferme foy en Dieu, il leur feroit la grace d'obtenir ce qu'ils desiroient. Le lendemain ledit sieur Ambassadeur fuiuy de son train, particulièrement de ce seruiteur, oyoit la Messe avec le S. Homme, voicy venir vne grande sueur qui coule par tout le corps du seruiteur, lequel prenant vn linge pour s'essuyer, estend la main & les deux doigts ensēble ( qui estoient retirez auparauant ) sans difficulté quelconque, depuis lequel temps, il en demeura libre, & s'en aidoit tout ainsi comme des autres doigts de ses mains.

En ce mesme temps & au mesme lieu maître Vespero vn des seruiteurs domestiques du Prince de Salerne, estoit paralytique. Venant visiter le saint Homme, luy parloit du mal qu'il sentoit & des causes de sa maladie, ce qu'il y auoit faict pour y remedier, le desir qu'il auoit se voir en bonne santé, en somme des entretiens ordinaires d'un malade. Pendāt ce discours le bon Pere le guarit si parfaicte-ment bien, que cest homme, esmerueillé de la disposition qu'il sentoit en son corps, eut volontiers demandé s'il estoit luy mesme, tant il se voyoit changé. Ce fut lors apres auoir réduit graces à Dieu, & remercié bien humblement le saint Homme, publier par tout le miracle d'autant mieux auéré, comme la maladie avec le malade estoient cogneus par les plus grāds, ceux là specialement qui estoient de la compagnie du Prince de Salerne.

*Paralytique  
rēdu en pleine  
santé.*

Le saint Homme demeurant en son Conuent du Pleffis lez Tours, fut visité d'une hōneste Dame de la mesme ville qui s'estoit là transportée

transportée en intèrion receuoir quelque cōsolation, à raison de certaines affaires si importantes à la perte de son bien, & honneur, que les fascheries passées luy auoient fait naitre vne grandissime melancholie, suiuite d'un trouble d'esprit, qui s'esgaroit aussi souuent qu'il retournoit à soy mesme. Elle recherchoit les remedes plus propres à son mal, les prieres des Religieux, spécialement celle du S. Homme, à ceste fin d'estre deliurée si c'estoit la plus grande gloire de Dieu, & le salut de son ame. Le bon Pere est aduertý de cecy; sa charité ne luy permet pas perdre vn si beau sujet pour l'employer dignement. Il vient à l'Eglise, entre en propòs avec ceste femme; Elle luy narrè clairement son fait, donne entendre ses griefs, & desploye les plus secretes pensées de son ame. Le saint Homme rendoit raison pour demande, avec tant de vertu & d'energie que ses paròles embrasées de l'amour de Dieu, & de sa creature pour l'amour de luy, penetroient insensiblement dans l'ame de ceste pauvre affligee & luy arrachioient doucement les meschantes impressions que le diable, avec l'humeur melancholique, auoient brouillé dans l'imagination de cest esprit alteré, iusques à la rendre aussi calme & tranquille au cœur; que modeste, & bien composee en la forme extérieure du corps. Et puis en guise d'un bon, & bien experimenté medecin, apres auoir chassé le mal, il ordonne vn bon regime pour se conseruer de ne plus tóber en pareille extrèmité. Il promet donc heureuse issue du reste de ses affaires; qu'elle

*S. François  
pacifie l'es-  
prit d'une  
femme trou-  
uée de melā-  
cholie du  
diable.*

qu'elle de sa part donnast ordre à l'aduenir de mener vne vie aussi chrestienement parfaicte, ou parfaictement Chrestienne, que Dieu eust tousiours sujet se contenter de ses deportemēs, & de ne la plus visiter en la sorte que le passé. Certainement si l'esprit merite monter vn estage plus haut que le corps, ses maladies seront plus deplorables que de cestuy-cy. Et la santé rendue à vn esprit trauersé de melancholie, si extraordinairement, sera preferee à toute autre que le saint Homme, ou Dieu en sa faueur, aura donnee pour le bien du corps.

Il est aussi raisonnable que l'Apostre l'enseigne prendre le soing de tous, embrasser neantmoins les siens d'un lien plus estroict de Charité, cōme l'obligation s'y retrouve plus grāde. Le S. Homme auoit vn de ses Religieux fort pressé d'un mal d'estomach, qui sembloit le vouloir estouffer : il luy permettoit vser de tous les remedes que la nature a produicts pour nostre secours. Mais comme le mal s'augmētoit de iour à autre, & s'embloit s'aigrir d'autant plus contre les remedes qu'on y apportoit, alors le S. Homme asseura son patient d'esperer la santé en brief, qui ne pouuoit estre moins à la verité. Car au mesme instant le Religieux se sentit deliuré de toutes les peines, & douleurs qu'il auoit senties auparavant.

Vn ieune Nouice enfant de la ville de Tours estant enuoyé par le saint Homme demeurer au Couuent d'Amboise fut saisi d'une grande maladie. Les Medecins le visiterent, le resultat de leur consultation fut que ce ieune homme estoit gaste dans le corps, qu'il ne pouuoit encores

*Guerison de  
mal d'esto-  
mach dese-  
speré des me-  
decins.*

*Nouice con-  
damné par  
les Medecins  
de mourir,  
guary par S.  
François.*

viure plus d'un mois . Le patient entend cela ; & demande aussi tost estre porté à Tours, qu'il desiroit mourir en son pays : arriué qu'il est au Conuent , il saluë le bon Pere: luy faict entendre clairement la conclusion des Medecins, & s'ourdement la sienne, qui estoit retourner au monde, comme si la vie Religieuse luy eust causé sa maladie . Mais le saint Homme qui l'entendoit à demy-mort, l'aduertit de ne pas commettre vne si lourde faute, que pour rien il ne quitast la Religion . Dieu estre Tout-puissant pour luy faciliter les impossibilités mesmes ; le souuerain Medecin pour guarir ceux qui de bon cœur se voient à son seruice, & reposent sur sa prouidence, telles ames pleines de confiance ne pouuoir perir : que se reposant sur sa parole il allast demeurer au Conuent de Chastelleraut. Ce ieune Nouice reprend ses forces & son courage, croit le saint Homme, & dans peu de iours il receut parfaitement la santé.

Vn des Bouchers du Roy , ayant vn sien fils qui entré en l'Ordre des Minimes auoit receu l'habit des mains du saint Homme, contre sa volonté, alleguant pour ses raisons qu'il honnoiroit bien fort cest Ordre, mais qu'il le trouuoit si austere, qu'il ne croioit pas que son fils peust y durer vn long temps, qu'estant de petite complexion il contracteroit quelque maladie pour le reste de sa vie ; tels autres fatras que les parents de chair ont coustume produire pour couvrir d'autres passions naturelles, qu'ils ne veulent exprimer. Ce Pere dont est question auoit tellement prins l'affaire à cœur, qu'il en perdit le sens,

& la

& la santé. Ses amis le visitent, le consolent: rien. C'est tousiours luy mesme, vn pere de chair, duquel l'ame ne produict plus que passios de chair. Le voicy venir au Couuent en intention de se bien vanger par paroles, & en dire deux mots au saint Homme. Metamorphose admirable, & vraye mutation de la main d'enhaut! au mesme instant qu'il voit le bon Pere, il n'a plus rien à dire, & semble n'estre venu que pour escouter les remonstrances du saint Homme, & confesser librement qu'il auoit failly par tant de propos, & murmures tenus indiscrettement pour cause de la vocation de son fils: qu'il en reste fort obligé à l'Ordre, particulièrement au saint Homme: qu'il le remercioit, & supplioit bien humblement prier Dieu pour luy à ce qu'il luy pleust pardonner ses fautes. Qu'est-ce que cela? quelle sorte de miracle toucher dans les cœurs, & les ames pour au mesme instant y faire penser, & croire choses contraires suyues de la bouche par vne humble confession de sa faute, où on se persuadoit auparauant auoir toutes les raisons du monde?

*Notable mutation d'un cœur irrité, & mal affectonné.*



*Des miracles que saint François de Paule faisoit  
mais qu'il cachoit par humilité avec des un-  
guens, des herbes & autres choses qui n'auoient  
aucune vertu naturelle en soy pour produire  
telseffects.*

## C H A P. XV.

*De la co-  
gnoissance de  
foy-mesme  
& des effets  
de l'amour  
propre.*

**V**N des premiers estudes, où s'exercent les  
ames qui ont professé la perfection Chre-  
stienne, c'est vne claire cognoissance de soy-mes-  
me, par le moyen de laquelle, ils vont fueilletant  
leurs actions, leurs paroles, leurs pensees avec  
vne desfiance perpetuelle de leur mauuaise na-  
ture, qui veut souuent s'en faire croire, & parta-  
ger en vne chose, où elle n'a aucun droit acquis,  
lors qu'elle admet insensiblement l'honneur de  
la vertu entrer chez soy, luy permettant faire les  
doux yeux à son ame, & donner la iouyssance d'un  
plaisir, qui luy est si estroitement prohibé, & des-  
fendu. Il semble lors qu'on voit le iuste en cest  
exercice, entendre encores lire la lettre de Ioab  
Colonel de l'armee, qui mandoit au Roy Da-  
uid se haster de venir prendre l'honneur de la  
victoire, qu'il auoit assiégué la ville de Rabath  
des enfans d'Amnon: que l'ennemy estoit forcé  
se rendre à leur mercy. Capitaine à la verité digne  
d'honneur, plus pour sa fidelité enuers son mai-  
stre, que pour la valeur des armes: bien que pour  
ce point mesme, il ne voulut ceder à personne  
de son temps. Il inuestit la ville, il met le siege,  
il bat les courtines, & les murs furieusement:  
l'ennemy forcé qu'il est, demande composition:  
il ne

il ne reste qu'à recevoir l'honneur de ses travaux: il ne veut toucher à cest article, & croit devoir cela tout entier à son Prince, qui luy a donné la conduite de l'armée, & qui en fraye la despen-  
 ce. Rapportez maintenant les faicts belliqueux de nos Saints, leurs actions les plus honorables, vous remarquerez qu'ils departissent tout l'honneur à Dieu, se reseruant seulement les peines, & fatigues de la vertu: de laquelle ils sçauent trop mieux qu'ils n'en sont que les instrumens inutiles, sans le secours du Ciel: autrement disoit l'Apostre: *Que pensez vous auoir que vous ne l'aiez receu? Si vous l'auez receu: come quoy en ferez vous gloire, puis qu'il n'est vostre, mais à autruy.* à Dieu auteur de tous biës? Tout ce qui est dit, & qui se pourroit dire d'auantage ce ne seroit qu'une claire exposition de la vertu la plus commune à S. FRANÇOIS de Paule, son humilité. Il sembloit à veoir que ce S. Homme n'eust autre estude qu'aduiser aux moyës de ressentir fort peu de soy, & couvrir ses actions les plus vertueuses du plus bas estime que faire se pouuoit. Dieu en la Loy ancienne recommandât l'obseruance de sa loy affin d'en rafraichir souuent la memoire, il leur auoit ordonné porter vn frontal de parchemin, sur lequel elle seroit descrite: & pendant ainsi deuant les yeux du corps, l'ame peut veoir l'obligation qu'elle auoit à son obseruance. Qui sçait point si le S. Hōme à dessein eut prins le nom de Minime, pour se souuenir de l'humilité, & peu de ressentiment qu'il deuoit rendre apres des œures si heroïques, & vertueuses où il sçauoit Dieu l'appeller? Ce qui plus se fait veoir en la perspective de ceste vertu, c'est

*Humilité de  
S. François  
de Paule.*

*Guarison  
d'une for-  
cée.*

Il arriva vn estrange accident à vne femme, Elle beuvoit dans vn certain vase, s'il estoit empoisonné ou non, cela s'ignore, vne chose scait on bien, qu'a peine eut elle beu, qu'elle tourne les yeux dans la teste: son Esprit se trouble: crie comme vne enragée: escume par la bouche: & se demenoit si furieusement, que quatre hommes ne la pouuoient presque tenir. Les parens s'aduisent la faire conduire vers le S. Homme, lequel print seulement de l'eau beniste, l'arrouse, & la rend en son pristin estat, & premiere santé, La vertu, & efficace de l'eau beniste est assez reconnüe, elle ne produit neantmoins tels effects d'ordinaire, si bien avec les merites du Saint Homme, qui l'appliquoit, & s'en seruoit de propos deliberé, pour d'une chose sainte cacher aux hommes sa sainteté: non à Dieu qui peu à peu la descouuroit, & faisoit cognoistre de plus en plus aux hommes.

Vn citoyen de Paule nommé Lucas Percy auoit esté detenu au lict l'espace de trois mois tourmenté d'une sciastique, à laquelle on ne peut jamais donner secours, pour tous les remedes qui fussent esprouuez. Sa mere s'aduisa le faire amener à S. FRANÇOIS de Paule, lequel ils rencontrerent occupé à tailler vn roc, pour y pouuoir commodement planter vne Croix. Aussi tost que le saint Homme les eust descouverts, il les prie attendre vn peu qu'il eut mis fin à sa besongne. Il descend & les conduit au Conuent; où arriué, met sur le feu vn pot de terre, plein d'eau, la faict bouillir avec vn peu de cendres, & laue la chair du patient au lieu que tenoit la sciastique, avec ceste eau bouillante, laquelle (ô

*Sciastique  
guarrie.*

miracle

mirale nouveau) fut sentie du malade non pas seulement tiede, mais comme froide. Le lendemain, sans plus de temps, ou de remedes, le ieune homme se trouua entierement guarý. Que les Chirugiens iugent de cest appareil appliqué: les Apotiquaires de ces ingrediens, & le Medecin de cest ordonnance. La premiere cognoissance qu'il en prendront sera leur ignorance, és autres faiçts semblables: comme en ce qui va suivant.

Vn ieune enfant nommé Iacques Bombin de la cité de Cusance, auoit esté autres-fois guarý miraculeusement par les prieres du sainct Homme, d'vne playe iugée incurable par les Chirugiens. Deux ans apres ce coup, & la santé receüe, le mesme enfant fut mordu par vn chien qui luy fit cinq playes en la iambe, en danger de la grengrene. Le pere du garçonnet craignant que ceste fortune n'apportast la mort à son fils, l'enuoye vers le sainct Homme, son premier Medecin, & Chirurgien: lequel prit de la mouëlle de suzeau: l'applique sur les playes, avec de l'eau beniste, fait le signe de la Croix, & luy dit, *AlleX mon fils, alleX en bonne heure demain vous sereX guarý.* Cela arriua infalliblement au temps prefix par le sainct Homme.

*Propteguarison d'une morsure de chien.*

Iean Varrachelo citoyen de Paule, auoit vn fils, qui par maladie estoit deuenü auëngle, & demeuré tel ja l'espace de deux mois. Le pere curieux de la santé de son fils l'ameine à Paterne, où pour lors le sainct Homme faisoit sa demeure. Le plus du tēps il habitoit à Paterne & à Paule à cause qu'ils estoient les premiers Conuents par luy dresséz. Il prend cest enfant, luy appliqua certai-

*Vn enfant  
auueugle.  
couure la  
vue.*

certaines herbes sur le front: le banda avec vn linge & le renuoye. Le Pere avec l'enfant retournant au pays, à peine estoient ils eslongnez de Paterne d'un iect d'arbaletre, que Dieu qui vouloit honorer son seruiteur & faire recognoistre le miracle qu'il pensoit couvrir d'un bandeau, permit que le linge se deslia soy-mesme, tomba par terre, & fit veoir sans plus attendre que l'enfant auoit autant bõne veüe qu'onques il eust eu, honorant ainsi le merite de son Sainct, & non la vertu & proprieté des herbes qui auoient esté appliquees.

A Cusance demouroit vn quidam nommé Robert de Borgo, qui pour gagner sa vie, & de sa maison, s'exerçoit à copier des liures d'Eglise (de ce temps l'impression n'estoit encores inuentee) il luy suruint vn accident en la main droicte, qui la retint de ses fonctions, en telle sorte, qu'il ne s'en pouuoit plus ayder pour escrire. Il y auoit ia deux ans que ce mal le travailloit, quand sa femme considerant avec douleur, les douleurs que son mary sentoit, les pertes que sa famille ressentoit: dit à son mary, n'estre hors de propos rechercher le sainct Homme: auoir apprins qu'il faisoit, & souuēt de tres-beaux miracles, y auoir esperance de santé, s'il vouloit employer son credit enuers Dieu. Le mary comme desesperé, respondit luy sembler impossible guarir vn mal, où le temps l'espace de deux ans, avec les moyens humains auoient esté employez, & perdus. La femme aydee de la foy, ou forcee de la necessité ne cesse l'exhorter à ce faire: perseuerer, emporte cest homme gaigné d'importunitez, pour se transporter tous deux ensemble à

Paterne

Paterne, où ils trouuerent le saint Homme au iardin, reposant à l'ombre d'un cheſne. Luy font entendre le ſubiect de leur voyage, deſcouurent la main malade, luy font veoir, & luy la maniant leur dit: *Ce ſeroit dommage de perdre ceſte main qui peut encores eſcrire quelques liures Eccleſiaſtiques.* La femme trauerſee d'impatience, & de deſirs veoir produire quelque eſſect admirable en faueur de ſon mary, redouble, & triple ſa priere, afin de luy obtenir promptement quelque remede. Le S. Hōme ordonna faire certaines fomentations ſur la main, qui luy rendroient la ſanté ſans faillir. Le mary & la femme prennent ceſte reſponſe comme ordonnance de medecin tres-experimenté, retournent ce meſme iour, & arriuerent fort ioyeux à Cuſance. Arriuez qu'ils ſont ſe ſentans laſſez du chemin s'en vont repoſer, remettent au l'endemain la pratique de leur medecine. Dieu le vouloit ainſi pour rendre au ſaint Homme l'honneur deu à ſon humilité, qui pour ne faire cognoiſtre ſes merites prenoit le pretexte d'une fomentation, laquelle il euſt volontiers faiet recognoiſtre pour cauſe ſeconde à l'eſſect de ce miracle. Mais tout alla autrement, car la gloire le talonna d'auffi pres que de loing il la fuyoit: ſi que la nuit apres le premier ſommeil noſtre malade s'eſueillant, ſent ſa main guarie. Et comme la grandeur de nos ſouhais diuiſent ſouuent la croyance de la verité, iuſques à ce que toute ſorte d'eſpreuue ait ſatisfaiet à un eſprit trauerſé de ces craintes, n'obtenir ce que ia il tient & poſſede, ſe jette hors du liēt, ſe leue, prend la lumiere d'une main, & la plume de l'autre,

*Guariſon  
d'une main  
entrepriſe.*

tre, qui auoit demeuré si longuement inutile, & malade. Escrit fort bien, & facilement: croit parfaictement sa main estre guarie du tout: employe le reste de la nuit à louer & remercier Dieu: & le commencement du iour à s'acheminer vers Patérne pour rendre graces au saint Homme, qui luy remonstra de bien nettoier sa maison (il entendoit parler de sa conscience,) & recognoistre Dieu, pour tant de benefices qu'il auoit receu de sa main tres-liberale.

*D'une bouche torse.*

Il aduint vn estrange accident à vne femme nommee Marguerite. Elle iettoit par la fenestre l'eau qui estoit dans vn chaudron. Qu'elles'offençast à la muraille, ou autrement, sa bouche deuint torse, & approchoit de l'oreille, & tant qu'il n'y auoit rien de si difforme, Apres les experiences de toutes sortes de remedes, sans aucun effect, elle va trouuer le saint Homme, pour vn dernier recours, lequel enuoya querir de l'herbe appellee Circiuita, qui croissoit à la porte du monastere. La faict piler, & du suc, ou ius luy baigne la teste. Applique deux ou trois fueilles de la mesme herbe, & la bande, le iour suiuant elle estoit parfaictement guarie par la vertu, & merites du saint Homme, & non de l'herbe, qui ne seruoit rien plus que de pretexte pour courir le miracle, mais qui descouuroit son humilité.

*D'un genouil blessé.*

Vn paysan dit Iean de Simon estoit allé couper vne sienne vigne trauaillant il se blesse fortuitement en vn genouil. Le mal deuiant tel, qu'il le retient plusieurs iours de pouuoir marcher. Ce paysan auoit grande deuotion enuers le saint Homme. Il fait tant qu'il se traine du mieux qu'il peut



peut en clochant, & se portant en partie sur vn baston, & le va visiter. Le bon Pere prend vn simple vnguent: l'applique sur la partie offensee, & luy ordonne se mettre vis à vis du Soleil, & presenter sa playe. A peine cet homme eut commencé pratiquer l'ordonnance de son Chirurgien, qu'il se trouua aussi sain, & dispos comme s'il n'eut oncques eu aucun mal: Dieu ne voulut permettre, ou attendre vn plus long temps, requis neantmoins pour l'operation de l'vnguent: Puisque nature n'opere point en vn instant, à fin que le miracle du S. Homme ne fut caché.

Iean Scola autrement appelé Brogno portoit vn chauderon plein de poix boüillante, pour enduire vn sien basteau. En la portant & n'aduisant pas bien à soy, il s'adheurte si lourdement contre vne pierre, que la poix rejallissant luy couvre, eschaude, & brulle la face, & la poitrine: tellement qu'on iugeoit qu'il en deuit mourir, au moins qu'il en resteroit bien des-figuré. On prend ce pauvre homme, on le porte de ce pas droit au bon Pere, que l'on trouua fort à propos, qui apprestoit le suc de certaines herbes duquel il se seruoit ordinairement, pour guarir indifferemment toutes sortes d'vlcères, ou maladies: comme il fit aussi tost qu'il eut receu, & veu ce patient: duquel oignant le visage, & la poitrine le fait rester avec soy & demeurer quelque tēps au Monastere, & le guarit si parfaitement qu'il ne resta en tout son corps aucune marque du mal passé.

Vn peu de temps apres la femme du susdit Scola tomba du haut d'une fenestre en terre, & se rompit vn bras. Elle fit appeller huiet que medecins,



decins, & Chirurgiens pour se faire penser: ils y trauaillerent huit mois entiers, mais en vain. Car ils ne peurent iamais tirer hors la playe, l'esclat d'un os brizé, qui restoit dedans, & entretenoit voire augmentoit le mal. Elle se souuint du bien-heureux S. FRANÇOIS: qui auoit tant heureusement parfait la cure de son mary: appelle vn quidam, nommé Ange, l'enuoye à Paterne trouuer le S. Homme, & le prie de sa part luy vouloit ayder en ce cas, comme desespérée. Le bon Pere prend vn emplastre, & l'enuoye par le messager à ceste femme pour l'appliquer sur son mal. Aussi tost arriué aussi tost l'ordonnance executée, & le lendemain sans plus differer, la femme trouua son bras & sa main disposée pour trauailler comme au parauant.

*Oeil d'un  
boeuf guaruy.*

Le S. Homme brusloit continuellement de zele, & ne desiroit rien plus, que trouuer sujet nouveau d'ayder son prochain en toutes occurrences, les plus viles mesmes. Comme lors qu'il se vint presenter à luy vn paysan, lequel auoit vn boeuf retenu de trauailler, c'est à dire gagner sa vie, & celle de son maistre. Et ce à cause d'un incident qui luy arriua à l'œil, & l'auoit laissé borgne, & entierement perdu, il y auoit ia vn mois passé. Le pauvre homme demandoit s'il n'y auoit point de remede, qu'on luy enseignast. Le saint Homme ayant quelque peu de temps recueilly tout son esprit en soy-mesme, il parle, & luy dict qu'il cueillit l'herbe qui estoit deuant ses pieds: qu'il la pressast: qu'il mit le ius sur l'œil infirme de cet animal, & que soudain il guariroit. Cela passa ainsi, non sans admiration de la charité excellentie du S. Homme, qui en communicquoit le

per

par dessus iusques aux animaux: & de son humilité tres-profonde qui cachoit son pouuoir d'une herbe, laquelle indifferemment cueillie faisoit assez cognoistre qu'elle ne contenoit en soy aucune propriété, pour effectuer vn tel remede.

Antoine d'Alessio citoyen de Paule auoit vn *D'un bras* bras bien fort incommodé iusques en fin à en *perclus.* perdre l'usage, à raison d'une defluxion, & inflammation grande qui luy causoient de cruelles douleurs. Tous les remedes humains n'ayans peu donner allegement quelconque, il delibera tenter le dernier. Il vient trouuer ce bien-heureux medecin, qui estoit lors à Paterne. Lequel il trouua trouuillant avec d'autres, pour dresser le chemin, & les aduenues du Conuent. Le saint Homme le deuance de propos: *Vous auez bien demeuré,* dit-il, *à nous visiter: Je vous prie nous veoir plus souvent afin de nous ayder en quelque chose.* Ce dit: il luy presente vn outil, & le prie se mettre en besongne. Mais voyant qu'il ne trouuilloit, & ne s'aydoit que d'une main. Il l'enuoye au Conuent: *Allez,* dit-il, *en charité, & dites à frere François Masorano qu'il chauffe un peu d'eau, & puis me l'apporte icy.* Cét Antoine fait tout ce qui luy est enjoint, va, reuient, rapporte l'eau eschauffee: de laquelle le S. Homme luy ayât lauë le bras, incontinent se retrouua guarý. Qui oseroit attribuer cet effect à la nature de l'eau chaude, & non plustost au miracle causé par l'humilité eschauffee de l'amour & Charité du saint Homme, comme ce qui va suiure.

Vne femme tourmentee du mal caducque (autre-  
ment appellé le haut mal, ou *mal de S. Iean*) se *Du mal ca-*  
vient presenter au S. Homme, luy demande ayde *ducque.*

& mi.

& misericorde. Luy gagné de compassion grande qu'il conçeut, voyant ceste pauvre creature si agitée en ses accès, luy donne seulement deux figue seiches pour manger avec vn peu de pain, & de vin. Ce qu'ayant fait elle demeura à iamais preseruee de ce mal : il ne faut point douter que beaucoup d'autres, & diuerfes fois elle n'eut vſé de telles viandes : desquelles ne dependoit pas sa santé ains seulement de la vertu Diuine compagne des actions du S. Homme.

*D'une per-  
clusion de  
pieds, & de  
mains.*

En la mesme ville de Paule yauoit vne petite fille appelée Calidonia percluse des pieds, & mains, en sorte que depuis vn an, elle n'auoit cheminé, ny peu porter rien à sa bouche, que par les mains d'autrui. Les paréns n'auoient rien obmis des remedes ordinaires à telles infirmitéz, mais qui furent appliquez, & reçeus en vain: Lors que se souuenans du S. Homme, se complaignēt mutuellement de leur oubliance, ou negligence à l'employer : qu'vn monde & nombre presque infiny d'estrangers, plus souuēt que tous les iours, recourir à luy pour toutes leurs maladies & necessitez: qu'ils l'auoient en leur ville, à leur porte, deuant leurs yeux. Commandent à vn seruiteur porter la fillette sur ses bras : vont trouuer le S. Homme au Conuent : le prient bien humblement auoir compassion de leur incommodité, & de l'enfant : s'en souuenir en ses prieres, qu'il y pouuoit tout avec Dieu. Le bon Pere exhorte les parens d'auoir tousiours ferme foy en nostre Seigneur: iette de l'eau beniste sur l'enfant: fait cueillir des orties : ordonne les mettre dans les mains de la malade, puis les renuoye au nom de Dieu. Sur le chemin elle demanda estre  
mise

DE S. FRANÇOIS DE PAVLE. 177  
mise à terre, & se tenant sur ses pieds, ce qu'elle n'auoit fait d'un an durant, cognut aussi tost l'effect vertueux du saint Pere, & non la vertu des orties. Qui de là en auant se fortifioit de bien en mieux iusques à ce qu'en bref elle fut totalement guarie.

Vne grande defluxion (les bonnes gens appellent cela mal d'auenture) estoit tombee sur le col d'une ieune fille: le mal estoit si violent qu'il retenoit le mouuement de la teste, & ne luy permettoit en façon quelcōque la hausser, elle auoit perdu la parole deux mois entiers. Les medicamens de route sorte necessaires à vn mal semblable n'auoient de rien profité ou aduacé, ses freres pour vn dernier remede, l'amenent, & presentent au S. Homme: Le suppliēt secourir à la necessité de leur petite sœur. Luy accompagné de sa charité ordinaire les recoit, & leur donne ainsi ce qu'ils demandoient. Il fait cueillir vne herbe appelée Cétaurea, la pille avec vne pierre, puis l'approchant du nez de la malade, luy dit qu'elle la fleurast bien fort. Ce qu'ayant fait la malade s'endort, & s'euillant au bout d'une heure cōme en sursaut & à l'estourdy haussela teste, commence à parler, & depuis cēt temps ne sentit plus rien de mal: ô belles inuentions d'humilité.

*D'une fluxion qui em-  
peschoit le  
mouuement  
de la teste.*

Iean Caratello demeurant en la ville de Paule auoit porté vne defluxion sur vne iambe bien l'espace de quinze ans. Ce ne fut pas sans prendre l'experience des remedes iugez pour les meilleurs, & en vain: ou mieux à dessein. Le Ciel reseruāt ceste cure au celeste Me-

*D'une fluxion de  
quinze ans  
sur vne iambe.*

M

decin

decin SAINT FRANÇOIS: auquel le mal eſtât deſcouuert, il le recouure du ſigne ſalutaire de la Croix, avec del'herbe nommee Nepite, & de la Mente ſauuage : auſſi peu neceſſaire à l'eſſet pretendu de la ſanté du patient, au meſme inſtant arriuee, que chacun cognoit la nature ne produire ſes eſſects qu'avec ſucceſſion de temps.

En la meſme ville le Prieur d'un Conuent, c'eſt de l'Ordre de S. Auguſtin, enuoya un ſié Religieux bien fort ieune couper du bois ſur la montagne, proche du lieu. Ce Religieux obeyt, s'en va, porte vne cognee: trauaille, & ſe coupe le pied avec le bois. Ayant fait perte d'une grâde quantité de ſang & de ſes forces, bleſſé ainſi, & de là en auant plus affoibly demandoit ſecours à Dieu, qui ſeul n'abandonne iamais celuy qui ſe retrouve ſeul. Car auſſi toſt il luy deputa ſon ordinaire Medecin noſtre S. Homme, qui en apparence portant vne hache venoit pour meſme fin que les autres tirer la commodité du bois de la montagne, en eſſect pouſſé des ordonnances du haut alloit viſiter le pauvre patient. Auſſi ſa veue ſeule ietta vne ferme eſperance de guerison dans ſon ame. Et comme il ſert beaucoup à un malade ſe voir un peu plaindre, & recueillir humainement par la bouche de ſon medecin, ce que l'art apprend aux hommes, la grace en auoit faiſt tout docte ce Saint Homme, ce fut à deuan- cer ainſi doucement ſon malade: O frere Francois (c'eſtoit le nom du ieune Religieux Auguſtin) & qu'eſt-ce cela? vous auez eſpâdu beaucoup de ſang, ce n'eſt point ſans mal ſentir. Mon Pere,

*S. Francois  
guarit promptement un  
Religieux  
qui s'eſtoit  
couppé le  
pied.*

*Pere, respond-il, ie voulois tailler du bois, ie me suis couppe le pied .* Nostre saint Homme luy prend doucement le pied blessé, & luy donna tout premierement ceste emplastre propre pour guarir vne ame Religieuse, la plus tra-uersee de fascherie, & douleur, si tant est que leurs obediencies ne succedent tousiours à souhait: *Voyez vous maintenant combien vaut l'obedience, ce disoit il, vous vous estes grandement offencé, & il n'y a rien au dāger ou des nerfs ou des veynes ou des muscles. Cela estoit impossible à la nature mais non au merite de vostre obediencie qui a soustenu la violence du coup.* Ce fut aussi tost recourir à l'ordinaire, cacher son miracle, si fort euident, appliquant sur la playe la premiere herbe, qui luy vint és mains, qu'il cueillit au mesme lieu . Mais le ieune Religieux guaray parfaictement, & au mesme instant, payoit son medecin de monnoye de bon alloy, chantant par les chemins les effects de la bonté de Dieu par l'entremise du S. Homme, & retourna ainsi en son Monastere chargé de bois, & de santé.

Ce premier benefice receu par le Religieux Augustin luy seruit de memoire, ou Recipé pour secourir vne seconde maladie, qui luy aduint quelques iours apres. Car ayant vne apostume au bras, qui luy apportant de douleur qu'elle luy leua le dormir par l'espace de cinq iours, avec autant de nuits: il vient trouuer son medecin. Luy descouure son mal. Qui luy applique vn peu de pouldre, qui rafraischit la partie malade, & enflammee, ce dit le patient, & sentoit comme les roses:

*Il guarit le mesme d'une apostume.*

aussi tost le ieune Religieux se sentit guarý. le  
 veux croire & avec raison que ladicte pouldre  
 sentoít plus fort & meilleur que les roses au  
 fleurir de Dieu & de ses Anges, puis qu'elle  
 estoít l'instrument d'humilité au saint Hom-  
 me.

*Il guarit vn  
 autre offencé  
 à l'œil.*

Vn pauvre homme citoyen de la ville de  
 Paules'offenca l'œil d'vn espi de bled qui e-  
 stoít entré si auant qu'il croíoit deuoír perdre  
 la veue. Alors le saint Homme demeuroid en  
 son Conuent à Paterne, là vient expres ce pa-  
 tiét chercher remede propre à son mal: il l'im-  
 portune iusqu'à tât qu'il eut cômádé à vn Re-  
 ligieux, cueillir vne herbe nommee Absinthe,  
 la donner au malade pour la seicher au feu, &  
 puis la pulueriser & en appliquer à l'œil offē-  
 cé. Le payfant aussi peu ciuil de paroles, que de  
 condition respōd n'estre necessaire de se char-  
 ger de ceste herbe, que la ville de Paule luy en  
 founiroít prou de semblable. Le saint Hō-  
 me voulut neantmoins qu'il se garnist de celle  
 qui luy estoít offerte, l'exhortant aussi ietter  
 son appuy & confiance en Dieu. Ce payfant  
 n'ose plus repartir, se rend souple au commā-  
 dement, emportant avec soy l'herbe, & la san-  
 té, retourne à Paule se trouuant parfaítemēt  
 guarý par les chemins, sans appliquer le reme-  
 de ordonné. Qui s'arrestera icy à contempler  
 la charité du S. Pere, qui s'employe tant qu'il  
 peut bien faire à tous? Qui admirera son ordi-  
 naire vertu l'humilité lors qu'il va couurant  
 les doux fructs de ses miracles, sous les fueil-  
 les ameres d'absinthe? Rien ne m'estonne tant  
 que la fidelité des diuines paroles, qui exaltēt  
 d'autant

d'autant plus celuy qui s'est humilié, preuenât avec vne santé parfaicte les ingrediens qui n'auoient autre vsage que couvrir le miracle tel qu'il est arriué:

Vn pauvre berger nommé Berthelemy demeurant à Paule, par deux fois seruit au suiet, & pratican de la charité, & humilité du S. Homme. Le faict va ainsi. Ce Berthelemy, ou pour son seruice ou pour autrui, fendant du bois, il eschappe vn perit esclat, ou escharde, qui le frappe, & blesse l'œil grandement: le sang distilloit en quantité, si que l'on iugeoit probablement & quasi asseurément qu'il le perdrait. Il est amené en ceste équipage au Sainct Homme, qui luy applique vn certain médicament: luy rend en bref la veue aussi bonne côme si iamais elle n'eust esté offencée.

A ce mesme Berthelemy suruint vn autre bien plus grand accident, il assistoit à la Messe, qui se celebroit en l'Eglise de nostre S. FRANÇOIS à Paule, il est entrepris d'une appoplexie, perd la parole, le sentiment: comme il arriue en telles maladies. Il ne sentit pas mesmes le feu qu'on luy approcha aux pieds, c'estoit le commun penser & dire, on ne le tenoit pas moins que mort. Le Sainct Homme à lors demouroit en son Couuent à Paterne. Vn des amis du malade court habilleement le trouuer, expose le faict, comme il s'est passé, requiert du secours, & promptement. SAINT FRANÇOIS le console, & promet qu'il n'aura que le mal: sa vie n'estre aucunement en danger: qu'il prenne quelques médicaments qu'il luy donnoit, pour appliquer au patient, qu'il



l'assure de la part de Dieu & de la sienne, que Dieu luy feroit grace, & luy rendroit sa premiere santé. Voicy le messager arriuer ; fait l'ordonnance de ce celeste Medecin: qui rend aussi tost la parole au malade, & peu apres la santé, non sans admirer beaucoup l'effect de ses promesses, la parfaite guarison . Et qui n'eust iugé le voir cheminer sur les pas du commun Sauueur de tous, qui requis de sa presence, pour guarir le fils du petit Roy absent, predict la santé, & l'heure qu'elle auoit commencé, recogneue par le pere l'aduertit honorer de sa foy le fils de Dieu: comme les parens de nostre malade, reuerer d'autant plus à l'aduenir les merites du S. Homme.

*Chancre  
guary.*

En voicy vn autre qui va en personne trouuer son medecin. C'est l'Archiprestre de Lartago, petite ville au Diocese de Besignan: cest honneste homme fut visité d'une estrange maladie, qui l'auoit diffonné entierement, c'estoit vn chancre qui luy auoit rongé la plus grande partie du nez, & des leures, & de ses moyens aussi qu'il auoit employez à salarier les Medecins, & Chirurgiens, pour y auoir fait tout ce qu'ils pouuoient, qui est à dire rien. Le bruit des œuvres miraculeuses du saint Homme estoit venu iusques aux oreilles de ses amis, qui luy rapportent aux siennes, avec aduis de ne pas negliger la grace que Dieu faisoit aux hommes en ce siecle : cela mériter bien vn voyage iusques à Paule: ceux qui l'auoient entrepris pour semblable sujet s'en estre bien trouuez: qu'au pis il ne pouuoit que perdre ses peines. Le voila donc tout persuadé  
venir

DE S. FRANÇOIS DE PAVLE, 183  
 venir à Paule, où aufsi tost qu'il est arriué &  
 que le saint Homme l'eust apperceu si hideux  
 & gasté, qu'il faisoit peine seulement à le re-  
 garder, touché de compassion au cœur, sans  
 attendre, ou entendre autre requeste que la  
 veue du mal, qui de soy-mesme pressoit pour  
 obtenir secours: il prend du cotton, le mouille  
 dans l'eau toute pure, & claire, & en touche le  
 nez, & les leures malades, & dit à l'Archipre-  
 stre; *Allez en charité & ayez confiance en nostre*  
*Seigneur, qu'il vous fera sa grace, & ne manquez*  
*venir demain ceās, pour celebrer la sainte Mes-*  
*se.* Il arriue ainsi en la minuiet suyuant: l'Ar-  
 chiprestre touche hardiment, & plus que de  
 coustume son nez, & ses leures: ne sent aucun  
 mal: & recognoist qu'il est parfaictemēt guar-  
 ry. Le matin venu il entre au Monastere, cele-  
 bre le S. sacrifice de la Messe en l'Eglise, pour  
 rendre action de graces à Dieu, puis au bon  
 Pere pour le benefice receu, prenant ainsi cō-  
 gé. Mais d'autant plus que le S. Homme auoit  
 mis peine couvrir son miracle de cottō mouil-  
 lé, l'Archiprestre passant chemin descouuroit  
 par tout vn si euident miracle appattenir non  
 à l'inutilité de la drogue employée, ains à la  
 seule vertu du celeste Medecin.

Au lieu mesme demeueroit vn ieune hōme, *Morsure de*  
 François Scentaner qui est récontré d'vn chiē *chien enragé*  
 enragé, & mordu au bras, où furent imprimez *guarie.*  
 plusieurs coups de dents, le bras s'enfle, & si  
 fort qu'il ne s'en peut plus ayder. Il vient au  
 Conuent raconte l'accident interueñu, & prie  
 bien humblement les Religieux luy donner  
 accez au S. Homme, & luy, remede à son mal.

Le bon Pere arriue: le patient luy descouure ses playes, & desirieux de quelque secours. Il ne prit autre chose que de la glu, ou gomme de cerisier, dequoy il couurit les playes, & sur le vespere luy fit prendre du vin, où il auoit meslé de la mesme gomme puluérisee, le lendemain il n'y auoit plus ny playe ny cicatrice au bras du malade. Qui par tout où il se retrouuoit, scauoit fort bien dire que les medicaments appliquez par le S. Homme, ne faisoient ny bien ny mal, sinon seruir de pretexte pour couvrir le miracle.

*Debilité de  
vne guarie.*

La charité du S. Homme estoit vn bien vniuersel, qui se deuoit communiquer à tous indifferemment, tellement que selon les occurrences, il secouroit toutes sortes de personnes, de tout aage, de tout sexe. Vous l'avez veu tout presentement donner la santé à vn ieune garçon: le voicy maintenant qui esclarcit les yeux d'vne petite fille, elle se nommoit Perne de Signorelle, & estoit natifue de Paule. Il luy estoit tombée vne defluxion si grâde sur les yeux, qu'elle en voyoit fort peu, & de iour à autre sa veu luy diminuoit: sa mere l'ameine au saint Homme, & le prie affectionnément prendre compassion de ce bas aage: que si l'affliction continuoit ce seroit la rendre miserable vn long temps, si Dieu luy permettoit viure autant. Le S. Homme cueillit du tressé, & ordonne à la mere le piler, & du jus en frotter & lauer les yeux de sa fille. Aussi tost que cela est fait la petite receut sa premier santé.

*Fluxion  
guarie,*

Voicy maintenant en la mesme ville vne autre mere avec sa fille, qui donnent sujet à deux

DE S. FRANÇOIS DE PAVLE. 185  
deux miracles. La mere se nommoit Marguerite Tedesque: il y estoit tombé vne defluxion sur la main, qu'elle portoit si enflée, & douloureuse qu'elle ne s'en pouuoit aucunement aider. Apres auoir practiqué tous les remedes ordonnez par les Chirurgiens, & en vain: elle vient au dernier & prie le saint Homme la secourir en sa necessité. Il luy donne vne certaine herbe pour apposer dessus, qui la guarit aussi tost.

Il aduint de mesme à sa fille, qui n'auoit encore que trois mois , & neantmoins estoit si fort trauaillée d'escrouelles , que outre la douleur , l'enfant estoit tellement difforme, qu'elle ne pouuoit aucunement leuer la teste. Les Medecins ne pouuoient l'aider. Ce bas aage ne permettoit des remedes si rudes qu'il couuenoit peut estre appliquer. La mere conclud jeter ces difficultez entre les bras du saint Homme, & reposer sur sa charité, comme bien luy en print. Le bon Pere ordonna seulement quelques herbes pour couvrir le mal de l'enfant, & la nuit suiuite il ne resta pas vn seul vestige de son mal passé.

*Escrouelles  
guariss.*

Le saint Homme seiournoit en son Conuent de Paterne, lors qu'Antoine Courte habitant de ce lieu le vient trouuer, pour luy faire entendre que depuis quinze iours il estoit cruellement trauaillé d'un mal d'estomach, que les Medecins ne le pouuoient soulager d'auantage: qu'il estoit demeuré à la misericorde de son baston pour pouoir cheminer, qu'il n'esperoit pas longuement trainer son mal, ensemble avec la vie: si n'estoit par son  
ayde

*Guarison  
d'un mal  
d'estomach.*

ayde particulier qu'à ces fins il s'estoit peiné le venir trouuer . Mais le saint Homme d'abord couppa chemin à routes ces doleances: car approchant le malade, qu'il voyoit venir vers luy print la parole: *Ceste douleur mō amy, est grande: il le faut croire, vous voyant si tost & tant abbatu.* Le malade: *Mon pere elle m'a quasi ja causé la mort; ie vous prie aydez moy .* Le S. Homme. *Ce ne sera rien : allez par charité & beuvez de l'eau, qui est dans ce pot.* Le malade obeyt: il boit l'eau, & au mesme instant aualla la santé. Ce n'est pas és aphorismes d'Hippocrate, de Galien, ou de quelque esclau de son ventre, qu'on apprend boire de l'eau creue, & froide pour guarir le mal d'estomach . Si bien és conseils de IESVS-CHRIST, & de ceux qui professent la Croix, on cognoist que l'abstinence de plusieurs choses, & specialement du vin cause la santé du corps, & de l'ame.

*Defluxion  
sur l'œil,*

Es enuiron de Paterne demouroit Ica Calendin homme de mediocre condition, qui eut deux diuerfes maladies, assez facheuses & toutes deux guaries par le S. Homme. Il eut premierement vne defluxion sur l'œil, & si grande qu'il n'attendoit, avec le iugement de plusieurs Chirurgiens experts, sinon estre priué à iamais d'en voir. Il vient & met ceste cure desesperée des hommes, és mains du seruiteur de Dieu SAINT FRANÇOIS, qui n'y aporta point autre diligence, qu'un peu de cire, avec quoy il le couurit, & le guarit entierement sans qu'il sentit iamais plus de douleur.

*D'un chan-  
cre,*

Le mesme fut arrêté par le pied quelque espace de temps apres, où il se forma vn châtre, qui

qui l'auoit rongé iufqu'aux os . Il retourne voir fon Medecin, qui luy auoit autrefois fi heureufement rendu la fanté de fa veue: afin qu'il luy donnast auffi bon pied, que bon œil. Le fainct Homme mit feulement vn peu d'alun deffus le mal, le deffeiche , & en peu de tēps l'os fut couuert de la chair & de fa peau: & ce pied auffi fain, & dispos que l'autre.

Voicy vne fille avec fon pere qui font allez avec bien de la facilité: la ieune fille auoit *De la veue perdue.* perdu vn œil par vn accident de maladie, elle n'oublia pas y apporter ce qui luy eftoit poffible, pour fon remede. Son pere voyoit que c'eftoit en vain, & que le mal s'opiniaftroit tousiours de plus en plus. Il conclut la mener au fainct Homme, & luy prier rendre la veue à cet œil, qui rendoit la fille trop difforme, & l'incommodoit d'auantage . Le bon Pere luy donna vne certaine herbe, & ordonna la mettre deffus. Il fait ainfi , & luy laiffe l'œil couuert de ceste herbe, & puis bandé l'efpace de deux ou trois iours. Apres quoy la fille en voyoit auffi clairement que iamais elle auoit fait.

Vn fort peu de temps apres le pere de la fille tombe luy-mefme malade, iufques au danger de la mort: il fe fouuiet du remede donné, & ordonné à fa fille par le fainct Homme: il en vfe, s'en trouue fi bien, qu'il guarit parfaitement . Vne mefme medecine ne rencontre pas fi heureufement , qui guarit diuerfes maladies en la nature, fi l'auteur de la mefme nature n'en difpofe, & difpence autrement.

Non

*D'une ma-  
ladie non  
moindre que  
la precedere.*

Non seulement le peu de vertus ingrediés que ce celeste Medecin faisoit entrer en la cõposition de ses drogues, & medecines , mais aussi la forme de les appliquer , & d'en vser persuadoient trop facilement leur inutilité naturelle, aux fins de leurs ordonnances, si elles n'eussent esté secodées d'ailleurs. On vous presente icy vn Fabricio , Bombin detenu de maladie, si importuné qu'il ne peut, ou se mouvoir , moins se tenir en place . Des inquietudes perpetuelles. Les causes du mal y cachees, les remedes appliquez à veue de pays faisoient de mesme, c'est à dire rien. Le pauvre homme enuoye vers le bon Pere, le supplier tres-humblement luy faire part en ses oraisõs, qu'il croit deuoir estre le plus souuerain remede à sõ mal. Le saint Homme ne respond poinct directement à sa requeste, ains luy faiët dire qu'il face piler de la poyrée, & qu'il l'odorast, & qu'il esperast que Dieu luy donneroit la santé. Cestuy-cy obeit, il luy en arriue tout ainsi que le bon Pere luy auoit predit.

*L'ambeyom-  
pue remise à  
sõ integré.*

Entre les maneures qui trauailloient au Conuent de Paterne vn d'eux , nommé Paul de la Porte, s'estoit chargé d'une fort grosse piece de bois qu'il portoit au bastiment de l'Eglise, par lourdesse ou autrement il la laisse tomber sur sa iambe & se la rompt. Voila ce pauvre homme couché de son long par terre , qui crie au secours, chacun quitte la besongne. On vien, on accourt. Qui est d'auis le porter chez le Chirurgien: l'autre croit estre plus expediët le faire venir sur les lieux. Les plus deuotieux enuoient au S. Hõme, duquel ils esperët trop plus

plus que d'ailleurs, aufsi leur eſperāce fut ſuy-  
uie des effets: car arriué qu'il eſt, il ſe faiſt ap-  
porter de l'huile commune, il oinſt la iambe  
offenſée, le lendemain il ne reſtoit pas vn ſeul  
veſtige du mal , ou douleur ſi que l'on le vid  
trauailler aufsi bien qu'au precedent.

*Membres  
perclus gué-  
ris.*

Vn citoyen de Paterne c'eſtoit Roccio de  
Parifio , auoit eu vn grandiffime inconue-  
nient aux bras, & aux iambes , les nerfs s'e-  
ſtoient retirez , qui retenoient le mouuement  
libre de ſes membres : ſi qu'il n'eult peu ſi peu  
que ſoit hauffer les mains. Il vient trouuer  
SAINCT FRANÇOIS de Paule. Luy faiſt vn lōg  
narré de ſa maladie, & ce qu'il deſiroit de luy.  
Le ſainct Hōme l'ameine en l'Egliſe , luy faiſt  
entendre la Meſſe pres de luy. La Meſſe finie il  
luy donne d'vne herbe, avec ordōnance la fai-  
re bouillir: puis de ceſte eau en lauer les mé-  
bres malades. Ce pauvre patient ſe met en de-  
uoir d'obeir à ſon Medecin. Neantmoins pre-  
mier que l'eau eut bouilly, n'eſtāt encores que  
riede, ſon impatience luy porte les mains dans  
ceſte eau: ſe laue, ſe baigne les bras, & les iam-  
bes: & ſe trouue tout enſemble parfaictement  
guery. Dieu le permettant ainſi, pour luy di-  
re, que la cauſe de ſa ſanté n'eſtoit ou l'eau, ou  
les herbes, ou la chaleur, ains la grace de Dieu,  
& la charité du ſainct Homme.

Vn autre citoyen de Paterne nommé Belin  
de Fleur, fut atteint d'vne grande fieure, & cō-  
rinue. C'eſtoit encores vn ieune homme , qui  
ayant vn corps bien compoſé: reſiſtoit d'autāt  
mieux au mal , qui neantmoins emportoit le  
deſſus par ſa violēce aux deſpēs du pauvre pa-  
tient,



rient, qui en sentoit les douleurs plus poignantes. Les plaintes qu'il rendoit le tesmoignans que trop, esmeurent de compassion vne sienne belle sœur & luy donnent l'inuention aller au Couuent, avec resolution parler au S. Homme, comme elle faict, & luy demande quelque remede pour ce pauvre patient. Le bon Pere disposé tousiours à exercer la charité, luy ordonne prendre des herbes qu'il luy nomma, les faire bouillir dans vne certaine quantité d'eau: puis qu'elle en fit boire au malade, & qu'il s'en trouueroit bien. Comme il aduint apres qu'elle eut obserué de point en point ce que le S. Homme auoit ordonné. A peine le malade eust commencé gouter ceste eau, que la fièvre le quitta entierement, auant que le remede eust eu loisir d'operer naturellement: c'est à dire avec le temps, supposé mesme que ceste eau eust eu quelque vertu curatiue: en effect le S. Homme par vne si iolie inuention d'humilité vouloit cacher aux hommes la grandeur du pouuoir qu'il auoit receu de Dieu. Maistousiours cela se descouuroit comme encores ce qui va suiure.

*Fièvre guérie.*

*Maladie à la mort guérie.*

C'estoit le mesme personnage qui fut derechef visité de Dieu par vne maladie qui l'auoit disposé à la mort. Les medecins l'auoient abandonné. Il estoit ja priué de ses sens & iugement. L'Eglise y auoyt apporté la derniere ceremonie de l'extreme Onction: les domestiques dispoisoient desia ce qui estoit necessaire pour ses obseques. Le voila venu iusques à l'agonie. Les parens qui ne vouloient estre tesmoins d'un si triste obiect, & ne pouuoient plus

plus qu'inuenter pour lesecourir , tout semblant desespéré, se departent de la maison fort affligez, se persuadent luy pouuoir rendre du seruice d'auantage par leurs prieres , vont à ces fins en l'Eglise du Conuent , & demandēt le sainct Homme, plustost pour luy recommander le repos de l'ame, que la santé du corps de leur parent. Il leur demande en quel estat il en estoit. En l'agonie, dirēt-ils, si ia il n'est mort. Le sainct Homme: *Il y a encores remede , allez prendre vne anguille de la riuiera: faictes la bouillir, & luy donnez boire de ceste eau, & ne craignez plus qu'il meure ceste fois .* Les parens de nostre malade à demy esiouis pour l'esperance de la santé qu'ils auoient conceue , quittent leurs oraisons à faire au sainct Homme, courent habilement à la riuiera : apres toutes les diligences faictes, on ne peut auoit d'anguille, à quel prix que ce fust. Ils acheptent donc vne truitte, viennent pour le faire entendre au S. Homme. Dieu veut qu'ils le trouuent en leur chemin: luy font scauoir ce quis'estoit passé, qu'ils n'auoient peu trouuer autre poisson. *Et bien,* dit le bon Pere, *celuy cy sera aussi bon que l'anguille: faictes le bouillir, & luy en donnez à boire de l'eau.* Ce qu'ils firent, & au mesme instant le patient retourne à soy avec cognoissance & iugement; & peu de iours apres recut toute sa santé. L'indifference qui faisoit prendre au sainct Homme vne truitte pour vne anguille , tesmoignoit assez l'inutilité de l'un comme de l'autre, comme tout l'effect ne dependre que de luy seul.

Il aduint vn grand inconuenient à vn ieune  
enfant

*Chancre  
guary.*

enfant du pays és enuiron de Paterne. Vne playe en forme de chancres s'estoit formee sur son ventre, qui luy auoit mangé tellement la peau & la chair, que l'on voyoit presque toutes les entrailles, mais non sans grande horreur & compassion. On aduise la mere de ne point negliger l'occasion de bien faire à son fils, le remede estre à sa porte. Le S. Homme comme il est requis, ainsi fait-il bien à tous, que le mal est desesperé de la Chirurgie, avec ce qu'elle n'auoit les moyés dy pouruoir autrement. la mere est persuadée : elle se charge de son fils, vient trouuer le saint Homme, le luy presente avec son humble requeste, qu'il luy pleust auoir pitié de ceste ieunesse si cruellement trauaillée. Le bon Pere voyant la pauureté de la mere & de l'enfant, fut dauantage touché au cœur, & prenant des herbes, les vient appliquer sur la playe, avec quelques paroles de consolation, pour bien & en brief esperer de la bonté de Dieu en leur endroit, comme il aduint. Car ce ieune garçon fort peu de temps apres se vit exempt de playe & de douleur.

*Guariso d'une  
apostume  
incurable.*

En la ville mesme de Paterue naist vne fille avec vn apostume à la gorge, qu'elle apporte du ventre de sa mere. L'enfant croissant, croist ausi le mal, & si fort, qu'il luy presse les conduits par où passe la viande, si qu'elle n'eust pen aualler de coulis, & les choses plus liquides. N'vsant donc plus de viandes, pource qu'elle ne pouuoit, on n'en attendoit plus que la mort. Rien n'y auoit esté espargné pour luy sauuer la vie, & guerir son mal. On apporte donc

donc l'enfant au saint Homme. On luy presente, pour auoir compassion de ceste enfance. Il print vn petit de sel menu, le met sur l'apostume del'enfant, & guerit miraculeusement, ce que la nature & medecine auoient iugez incurable.

Voicy à present vn petit garçon qui reçoit à son tour l'aumône spirituelle du S. Homme. C'estoit le fils de Salerne de Bunace demeurât à Paterne: il auoit la face, & les yeux spécialement si fort enfléz qu'il en restoit en tout défiguré. Le Pere qui souloit trauailler au Conuent, & voir souuent le saint Homme faire semblables cures, & plus grâdes, il luy apporte son fils, & luy demande quelque remede pour le guerir. Le bon Pere luy donna la medecine des petits enfans, vne belle pomme, que l'enfant receut avec la santé aussi tost qu'il l'eust mangée.

*D'une enflure d'yeux.*

Le seruiteur d'un marinier trauailloit avec son maistre en la forest, où il couppoit du bois pour faire des batteaux, & gagner quelques moyens pour soy viure, avec sa famille. Le seruiteur couppant vn arbre, & approchant par trop vne couleuvre, le serpent tire la langue, & le picque au pied: luy bien aduisé cognoissant le danger de tel venin, vien droit au Conuent, où il faict entendre son malheur au bon Pere, lequel print vn baston de genest, tire l'escorce, & en bande le lieu de la morsure, & le guerit tost apres.

*D'une morsure de serpent.*

Louys de la Porte bourgeois de la ville de Paterne ayant esté detenu de maladie par l'es-

*D'une maladie commune.*

pace d'un mois couché en sō liēt; le corps s'affoiblissoit de iour à autre, cōme le mal se fortifioit, visité qu'il est de ses amis, ils luy cōseillent aller iusques au Conuēt trouuer le saint Homme: ceux qui le recherchoient s'en bien trouuer: s'il estoit plus esloigné qu'on yroit apres: qu'estant à sa porte la raison l'obliger de ne pas laisser passer ceste belle occasion. Et pour autant qu'il pretédoit sa grande foiblesse, & quelques douleurs qui ne luy permettoient pas seulement se remuer, ils s'offrent l'y faire conduire eux mesmes: s'y employer: & qu'il les croye, il croira ses amis. Le voyla dōc persuadé, il se leue par leur ministration, & chemine porté sur leurs bras. Ils arriuent au Conuent. Ceux là mesme qui auoient donné l'aduis portent la parole: Le saint Homme dit au patient qu'il n'estoit besoin d'autre chose sinon luy faire frotter les reins avec de l'huile commune le soir premier que dormir. Le patient reçoit ceste ordonnance, & retourne comme il est venu de chez luy, par l'ayde de ses amis: obserue fidellement ce qui luy est commandé, & vne seule fois. Car le matin suiuant, il se trouua parfaitement guery, & iugeant fort à propos le fait estre miraculeux, se leue bien dispos, & va droit au Conuent pour rendre graces à Dieu, & au bon Pere: qui prenant les paroles de la bouche de nostre Seigneur: *Mon fils*, ce luy dit-il, *ta foy t'a guery, va en paix.*

D'une lan-  
gueur.

Cest homme mesme auoit vn sien frere qui mouroit plustost qu'il ne viuoit, accompagné sans cesse d'une langueur, qui suiuoit  
vne

vne fieure lente, qui alloit rongean<sup>t</sup> la vie de ce ieune homme. Celuy là qui auoit autrefois experimenté le pouuoir de S. FRANÇOIS en sa propre personne; retourne le solliciter pour la santé de son frere: le celeste Medecin luy ordonna prendre vne fueille de Nepita. Le malade la prend avec nouuelles forces, & santé, telle que la fieure n'osa oncques l'approcher.

En la mesme ville demeura malade vn des citoyens. La maladie gaigne tant petit à petit, qu'o n'é attédoit plus que la mort. Entre les amis qui se retrouuerét chez luy, pour le visiter, estoit vn des cousins du malade, Alexandre Carusio, qui auoit autrefois esté guari par le saint Homme, d'vne grande infirmité. Il aduise la compagnie, que tout estant desespéré, qu'il s'en alloit chercher du secours, par le moyen du saint Homme. Il sort aussi tost, & fait comme il dit. Le bon Pere luy dit de consoler de sa part les parens; & amis du patient; & à luy mesme persuader auoir ferme foy en Dieu, & croire que pour ceste fois il ne mourroit point, & luy porter les confitures qu'il luy enuoyoit. Cestui-cy retourne chargé de bonnes nouuelles, desquellès il resiouyt le patient avec la compagnie. Il monstre les confitures que le bon Pere enuoyoit: le malade en vse, & tost apres il fut guery.

*D'une ma-  
ladie à la  
mort.*

Comme on trauailloit au Conuent de Paterne, vn des tailleurs de pierre leá de la Porte s'estoit ioint de compagnie avec vn autre pour remuer vne grosse pierre. Son compa- gnõ tenoit vne pince de fer, sous laquelle ce

*Guarison  
d'une main  
écrasée.*

Iean de la Porte auoit la main, au desceu de l'autre, qui pensant faire vn effort de sa pince rompt la main, & luy brise tous les os. La douleur est si grandement sensible, que voyla Iean de la Porte ietté par terre, qu'on croit à demi mort. Celuy qui sans y penser à fait le coup, pense soudain du remede, & iuge estre le plus prompt de crier, & appeller le bon Pere qui n'estoit pas bien esloigné de la : aduerti qu'il est sa charité le fait venir habilement, & courir à la lampe qui brusloit deuant le S. Sacrement, d'ou apportant vn peu d'huile, il frotte & oingt la main qui estoit toute escrasée, & tout à coup luy remet en sa premiere perfection & santé : de sorte qu'à l'instant mesme il reprend sa besongne avec son compagnon, mais avec vn peu plus de discretion que le passé.

*D'une taye  
sur l'œil.*

Si les remedes desquels se seruoit le S. Homme estoient faciles à trouuer ou à appliquer, sa charité estoit encores plus facile pour les distribuer. Voicy vn pauvre homme qui se presenté à luy, & luy fait voir vne taye qui luy couuroit vne partie de l'œil, & le priuoit d'une bonne partie de sa veüe. Le bon Pere print seulement vn peu d'cati beniste, la met dessus, & le guarit.

*D'une maladie à l'extrémité.*

Adrian Massacio citoyen de Paterne venoit à Paule expres pour dōner à entēdre au saint Homme l'infirmité d'une sienne niepce, qui estoit malade iusques à l'extrémité, & en rapporter avec soy quelque aduis, pour la secourir promptement comme la necessité pressoit : le bon Pere sort de son Monastere, & vient au deuant

DE S. FRANÇOIS DE PAULE. 197  
deuant ce cet oncle desolé : l'escoute paisiblement, puis luy adoucit ses douleurs: qu'il n'eut crainte que sa niepce mourut pour ce coup; qu'il luy portast ces trois concombres sauua- ges: & luy dire de les receuoir avec deuotion. Cet homme retourne à la maison, fait manger ces concombres à sa niepce : l'exhorte de ce faire avec foy & creance en Dieu, & à son seruiteur S. FRANÇOIS DE PAULE. La fille fait comme on luy enseigne, & reçoit la santé.

Vn fort honorable bourgeois de Paule, nommé maistre François, se sentant trauaillé de la fieure quarte, maladie qui est coustumiere charger long temps son hoste, ils'adresse au bon Pere, & le supplie le faire quitte de ce mal. Le S. Homme luy ordonne faire cuire des poix chiches, avec de la feuchere: en vsfer, & que ce luy seroit vn singulier remede. Cet homme va chez luy, fait prouision des ingrediens ordonnez en sa medecine par le S. Homme, & s'en trouua fort bien. Car la fieure le quitta entierement, & luy alla rendre graces à Dieu & au S. Homme pour le benefice qu'il auoit receu.

Les petites boulettes que la nature a attachées à la teste de l'homme, esquelles elle a commis la faculté visuelle, c'est bien vn si grád chef-d'œuvre de l'ouurier infini en puissance & sagesse, que les Anatomistes leur rendent cest honneur, les recognoistre capables de prouuer suffisamment vne Diuinité. Ce fut l'argument mis en bonne forme par l'auueuglé, pour prouuer aux Princes de la Synago-



que que celuy qui luy auoit rendu la veüe de-  
uoit estre Dieu. Les mesmes conclusions de-  
meuroient en leur vigueur és ames de ceux qui  
voyoient le S. Homme produire des effectz  
aussi miraculeux, & avec moins de ceremonie:  
Car nostre Sauueur mit de la fange sur les  
yeux de cest aueugle ( pour taire les autres cir-  
constances) puis l'enuoya se lauer en la fontai-  
ne de Siloë. Mais le S. Homme comme on luy  
eust amené vn aueugle en son Conuent à Pa-  
terne, il ne luy fit autre chose que le marquer  
du signe de la Croix, & luy rendit aussi tost la  
veüe. La compagnie eut elle pas bonne raison  
l'estimer sinon vn Dieu, puis qu'il ne le pou-  
uoit estre, au moins vn homme diuin & cele-  
ste en sa vie, en sa conuersation, & en ses œu-  
res?

*Aueugle  
guari.*

*Mal de teste,  
& fièvre ar-  
dente.*

Au mesme Conuent le S. Homme fut visité  
par vne femme qui se plaignoit grandement  
d'vn mal de teste qui la trauailloit sãs luy lais-  
ser aucun repos, & le supplioit bien humble-  
ment luy ayder. Le S. Homme préd vne gros-  
se pierre, luy charge sur la teste: *Allez, ce luy*  
*dit-il, portez cela aux maçons qui trauaillent*  
*au Conuent.* Ceste femme obeit, & reçoit le  
fruiet de son obeissance: la douleur luy cessa à  
l'heure mesme, avec vne fièvre ardente qui la  
consommoit.

*D'une ex-  
trême debili-  
té de pieds.*

Le S. Homme ordonna la mesme medecine  
à vne fille Religieuse, qui auoit esté l'espace de  
dix ans sans pouuoir se soustenir dessus ses  
pieds. Elle auoit entëdu les miracles qu'il fai-  
soit tous les iours en faueur des malades. Elle  
pria qu'on la conduise sur vn cheual, pour luy  
estre

estre presentee. Le saint Homme ayant enté-  
du sa requeste: *Leuez-vous*, ce luy dit-il, & *me*  
*suivez pour porter des pierres aux maçons qui tra-*  
*vaillent en nostre Conuent.* Le lieu où lors il luy  
parloit pouuoit estre distant de l'attelier enui-  
ron cinquâte pas. La Religieuse luy dit qu'el-  
le ne pouuoit se leuer, moins se soustenir sur  
ses pieds. Le saint Homme dict à ceux qui l'a-  
uoient amenee la leuer de terre, & la faire te-  
nir droite, puis prenant vne grosse pierre luy  
met sur la teste: *Par charité*, ce luy dit-il, *portes*  
*cela.* Ceste fille qui nauoit cheminé depuis dix  
ans, marche ioyeusement auct sa charge ius-  
ques à ce que approchant du Monastere, se sé-  
tant aussi ferme que iamais elle eust esté en sa  
vie, elle s'escria de ioye: *Misericorde, Miseri-*  
*corde: Je suis parfaitement guerrie de mon mal.*  
Après donc auoir remercié le S. Homme, elle  
retourna en son Conuent racôter les merueil-  
les de Dieu & de son fidel seruiteur. Mais qui  
voudroit croire que porter vne pierre sur son  
chef, fut de quelque vertu naturelle pour pou-  
voir guerir le mal de teste à vne femme, & ce-  
luy des pieds à vne fille? Autant certes que les  
herbes pour guerir la playe de celuy que vous  
allez voir.

Pendant que l'on trauailloit au Conuent de  
Paterne vn maistre Charpentier escarrant v-  
ne piece de bois, son outil se lasche sur son  
pied, & luy en coupe vn bon morceau, qui ne  
renoit plus au reste que par vne petite peau.  
Cest homme se plaint à bon escient. La violé-  
ce de la douleur le iettoit dâs des impatiences  
qui luy faisoiet dire ce qu'il eut voulu taire. Le

*Vne playe  
promptement  
guarrie.*

S. Homme est aduerty par les doleances que cest homme exprimoit avec souspirs entre-coupés des pointes de sa douleur : sa charité le pousse, il vient habilement au secours d'abord il le console: *Ne vous troublez point*, ce luy dit-il, *ce ne sera rien* : & cueillant les premieres herbes qu'il trouua à ses pieds, les couure du signe de la Croix, puis les posant sur la playe, au mesme instant les veines, les nerfs, la chair, la peau, tout se reprend, en sorte qu'il ne paroïssoit pas qu'il y eust eu iamais playe sur son pied. Ce qui fournit plus grand sujet d'admiration aux assistans.

*Teste enfon-  
cée & remise  
en son entier.*

Vn vigneron se laissant emporter à la cholere contre vn sien fils, il le frappe avec vn trident de fer, avec tant de violence, qu'il luy rōpit le tridēt sur la teste, & luy en entra vn morceau dedans: la playe est si grande qu'elle iette le sang en quantité, & le fils par terre. Ce coup indiscret frappe sagement le pere au cœur : si que sa passion retournant vers l'amour naturel, luy persuade, d'acte de bourreau faire à present office de chirurgien. Il prend la teste de son fils, le plus doucement qu'il peut entre ses mains, il essuye le sang, mais en vain : c'estoit pour dōner plus libre passage à celuy qui couloit. Apres il apperçoit ce morceau de trident dans la teste: il le veut rirer, il tiroit tout ensemble la ceruelle. L'espouuātē le saisit, que son fils ne mourut bien tost. Il luy dit de s'ayder vn peu: le Pere le supporte & vont de ce pas se jetter aux pieds du S. Homme. Le pere qui demande misericorde pour son fils, c'est à dire, la vie, qui estoit en extreme danger. Mais  
le S.

le S. Homme ayant apperceu le pauvre enfant si mal traité par son pere, esmeu de compassion commence à soupirer & dire. O combien le diable est meschant, faisant assez bien entendre au pere, que le diable auoit eu plus de pouuoir sur son ame, qu'il n'en auoit exercé sur son fils: & qu'il auoit esté vray instrumēt de la malice du diable: puis apertement l'ayant repris fort aigrement, & luy disant d'estre vne autrefois mieux aduisé; il luy enseigne vn chirurgien de la ville, nommé maistre Antoine, auquel il l'enuoya pour panser son fils, luy donnant assurance qu'il le guariroit, ou pour mieux dire que le S. Homme feroit ceste cure desesperée de la nature, par le ministère de cest homme, duquel il se seruoit pour couvrir son miracle.

Vne femme de Palianne nommée Aurifica *Veuë rendue.* Turca, ayant perdu la veüe, elle prie son mary visiter le S. Homme, & luy prier remedier à son mal, & qu'il le pouuoit. Le S. Homme ordonna quelques petites choses qu'il donna à cest homme pour porter à sa femme, laquelle en ayant vſé miraculeusement recourrit la veüe.

Vne autre femme au mesme pays nommée *Tumens* Sola Turca, auoit vne maladie qui luy enle- *guaries.* uoit la peau par toutes les parties du corps, comme si elle eust esté morduë de punaises: elle en estoit mesme défigurée au visage: elle enuoye se recommander au S. Homme qu'il luy pleust auoir compassiō de son infirmité. Il luy enuoye vne pomme avec vn morceau de biscuit, elle en mangea, & aussi tost fut guarie.

Voicy

*Moyelle  
guarrie.*

Voicy encores vne femme, mais pressée d'un autre mal, c'est celuy qu'on dit de S. Lazare, elle se prosterne deuant le S. Homme, & luy prie auoir compassion de sa misere. Le bon Pere plein de charité la console: *Αγεζ*, ce luy dit-il, *bonne confiance en Dieu, & il vous aydera.* Disant ces paroles il luy donnoit un simple medicament, duquel s'estant seruie, bien tost apres elle guarit, & vint en l'Eglise du Conuent rendre graces à Dieu & au S. Homme pour le benefice qu'elle auoit receu.

*Chancre  
guary.*

Le mary de ceste femme ayant ainsi bié reconnu la vertu & le pouuoir que Dieu auoit mis au bon Pere, pour secourir charitablemēt son prochain, en ayant veu l'experience par la maladie de sa femme qui auoit esté guarie, il y va pour foy mesme, à raison d'un chancre qui luy rongeoit le pied, & l'auoit porté desia par l'espace de dix-sept ans. Le bon Pere l'exhorte d'auoir ferme foy en Dieu: puis signant son mal du signe de la Croix, à l'instant mesme il le guarit.

*Guarison  
d'une paralytique.*

Il vint aux oreilles du S. Homme qu'une femme paralytique eust désiré grandement le visiter pour luy demander une aumosne spirituelle, si elle n'eust esté retenue de sa maladie, qui l'incōmodoit par trop. Le S. Homme supplée par sa charité à la bonne volonté de ceste femme, & luy enuoye un biscuit, lequel aussi tost qu'elle en eut mangé elle receut ensemble la santé.

*D'une sci-  
atique.*

Saluateur Bon de Palianne estoit si fort trouuillé d'une sciatique qu'il n'eust sceu se mouuoir, & moins demeurer en place. Il se faict porter

porter iufques au Conuent du S. Hôme, pour luy demander quelque remede à fon mal. Le fainct Homme luy dit de trauailler avec fes ouuriers. Cest homme croyant qu'on fe mocquoit de luy, il ne faiçt conte de la parole du bon Pere: auffi demeure il toufiours en fon infirmité, qui le preffe fi viuement, que force luy eft retourner voir fon celefte medecin, qui luy dit: *Vous demandez la fanté que vous auẽz refufee recevoir: neantmoins on ne laiffera encore de vous bien faire: prenez vn outil propre, & coupez ce cerifier par le pied.* A ceste fois cest homme croit, obeit, & recouure fa fanté.

Nicolas Rouffe habitant de Nicaftre, demeura vn fort long temps malade. Les Medecins apres quelques experiences de leur art, avec le bruit commun des amys, luy perfuadent qu'il eftoit enforcelé, & qu'il cherchaft remede d'ailleurs que par leur moyen. Cet homme vn peu eftonné de fi piteufes nouuelles, il fe va fouuenir de la renommee du fainct Homme, qui couroit par le pays des faiçts merueilleux que Dieu monftroit par fes merites, conclud & ordonne aux fiens de le conduire iufques à Paterne, où arriué qu'il eft il demande à ce bõ Pere au nom de Dieu luy ayder promptemēt. Le S. Homme le marque du figne de la Croix: le guarit auffi toft, & le renuoye fain & dispos en fa maifon.

*D'un enfor-  
celement.*

Vne certaine femme auoit eſté detenuë par l'efpace de pluſieurs mois d'une fièvre eſti- que, qui luy auoit mangé la chair, & rongé tout, hors-mis la peau qui luy couuroit les os, demeurant au reſte ſi hideuſe qu'elle ſembloit eſtre

*D'une fièvre  
eſtique.*

estre vn simulacre de la mort. Elles s'aduise d'euoyer vn sienne sœur à Paterne prier le saint Homme de sa part luy vouloir par charité euoyer quelque remede contre sa fieure. Le bon Pere donna à ceste femme certaines herbes qu'il cueillit promptemēt, & luy dit, qu'estant arriuee à la maison de sa sœur elle les fit bouïllir, puis les presser, & tirant le ius le donner à sa sœur pour boire. Ce qu'estant fait, comme le bon Pere l'auoit ordonné, la malade receut sa santé.

*Du mal caduc.*

Vn citoyen de Nicaistre qui se nommoit Hierosme Scote, estoit subiet au mal caduc auquel il tomboit fort souuent. Il vient trouuer le saint Homme, luy fait entendre son affliction, & encores plus le desir qu'il auoit d'en estre deliuré. Le bō Pere qui veilloit tout premierement à guarir les ames, luy remonstre de procurer vne contrition de sa vie passée en folies & offenses contre la Diuine Bōté, s'il vouloit estre guarý. Puis aduisant à la santé du corps, il luy ordonne cueillir de l'herbe nommee Nepitelle, & en vser. Cet homme obseruant les preceptes de ce celeste Medecin, le mal le quitte & abandonne.

*Du Flux de sang.*

Vne femme de Catanzare estoit fort subietre à vn flux de sang, qui luy cauſoit de grandes debilitez. Elle s'approche du saint Homme, le saluē fort humblement, puis le supplie par charité luy ordonner quelque remede pour arrester son mal. Ce celeste Medecin luy cōmanda prendre du persil broyé, en vser par fois, & qu'elle se confiast en nostre Seigneur, qu'il luy rendroit sa santé. Ceste femme l'ayant remercié,

DE S. FRANÇOIS DE PAVLE. 205  
cié, retourne chez elle, obserue son ordonnā-  
ce de poinct en poinct depuis lequel temps el-  
le ne fut aucunement trauaillee de ceste mala-  
die.

Vn homme habitant de Rouite auoit vne *D'une taye*  
taye blanche à l'œil, qui luy empeschoit l'vsa- *à l'œil.*  
ge de la faculté visive. Venant à Paterne, il va  
visiter le saint Homme, & luy fait entendre  
l'incommodité de sa veüe: qu'il eust fort desi-  
ré sçauoir quelque moyē de tirer cela dehors.  
Le bō Pere estoit pour lors à l'Eglise, ou trou-  
uant vn peu de cotton, il le mouille dans l'eau  
beniste, & dans la chaux viue, puis il en frotta  
l'œil de cēt homme, & luy rendit aussi clair  
voyant, que l'autre, avec vn grand estonnement  
de celuy qui fut guari: qui s'attendoit plustost  
perdre le reste de la veüe par vn remede, qui  
luy sembloit du tout contraire, mais toutes  
choses sont aussi vtils; & propres à tel vſage  
qu'il plaist à Dieu, & à ses bons seruiteurs.

Au temps que le saint Homme passoit par  
Naples pour venir à Rome, vne femme, elle *Courte ha-*  
se nommoit Marguerite, se portoit fort mal *leine guarie.*  
d'vne courte haleine, si que lors que cela la  
prenoit elle sembloit estouffer, & demouroit  
par l'espace de deux & trois iours sans pou-  
voir si peu que ce fust parler. Ayant appris  
les bonnes nouuelles de la venue du saint  
Homme à Naples, elle le va trouuer, & luy  
represente la peine qu'elle souffroit qu'il luy  
pleut l'assister par les moyens qu'il iugeroit  
meilleurs pour sa guerison. Le saint Homme  
luy dit de cueillir des petites herbes, en com-  
poser vne salade, & puis la manger. Elle luy  
respond,



respond, qu'elle le tenoit des plus experts Medecins, les salades luy deuoit plustost nuire, que profiter: mais le saint Homme la pria de le croire, qu'elle s'en porteroit fort bien, & que Dieu auroit pitié d'elle, puis il luy donna encores deux pommes, & vn morceau de biscuit, pour manger avec la salade ordonnée par le celeste Medecin. La femme obeyt, & reçoit si parfaictement le secours, que de là en auant, elle ne sentit aucune molestie de son mal ordinaire, viuant depuis plusieurs années en bonne santé.

*Anne de Bretagne guérie.*

La Royne de France Anne de Bretagne, fut reduitte à telle extremité de maladie, que les Medecins y demeuroient courts en leur art: pour ne sçauoir plus qu'aporter à son secours. Elle reconnut fort bien cela, & enuoya aussi tost vers le S. Homme, pour le supplier redoubler ses prieres à son intention. Le bon Pere donna trois pommes au Gentil homme, qui estoit venu de la part de la Royne: *Portez, ce luy dit-il, ce fruit à vostre maistresse & luy dites de les manger, que Dieu se souuiendra de luy bien faire.* Les Medecins se trouuerent presens au retour de ce message, qui oyans ce que disoit le Gentilhomme, & voyans que la Royne receuoit bien ioyeusement les pommes, en intention de faire ce que luy mandoit le saint Homme, ils luy remonstrent qu'il importoit beaucoup à sa santé de manger de ce fruit, si peu que ce fut. Son premier mal, & la seule cause de son mal, estre vne debilité de son estomach, que sans faute ce fruit luy donneroit la mort si elle en mangeoit. Mais la Royne entendant tous

tous ces beaux arguments de la nature, remplie de foy, comme soubz riant du peu de foy de ses Medecins: *I'en mangeray, ce leur dit elle, puis que le bon Pere me les a enuoyez: & siie vous assure qu'elles ne me feront point de mal.* Les effects suiuent aussi tost la foy de la Royne. Car comme elle eut commencé à manger de ce fruit, les douleurs de l'estomach cessent aussi tost en presence des Medecins, qui sans autres ordonnances virent la Royne dans peu de iours en parfaicte santé.

Suruint vn accident fort estrange à vn hō-  
 neste marchant de la ville de Tours, vne grā-  
 de defluxion luy tombe sur la gorge, & luy  
 cause vne enfleure interne & externe si mali-  
 gne, qu'elle luy empeschoit les conduits du  
 boire & du manger, ne pouuant plus rien a-  
 ualler, sinon avec grandissime peine. Les  
 Medecins en iugeoient diuerfement pour luy  
 donner vn nom, & ne s'accordoient sinon  
 en la conclusion d'une mauuaise issue qu'ils  
 en attendoient. Les plus fameux luy veulent  
 persuader estre les escroüelles. Les Roys de  
 France auoir receu du Ciel puissance particu-  
 liere de guarir miraculeusement telles mala-  
 dies: sa Majesté donc venant à Tours, qu'il se  
 seruit de l'occasion pour se faire toucher a-  
 uec les autres malades, qu'au pis aller cela  
 ne luy feroit point de mal, s'il n'en receuoit  
 autre bien: qu'ils ne vouloient ou osoient y  
 toucher & mettre la main, que premierement  
 ils n'eussent parfaictement recognu ceste ma-  
 ladie. Le patient n'obmet rien du conseil  
 qu'il a receu. Il se presente à la compagnie  
 des autres:

des autres: il est touché du Roy avec eux: mais il ne guarit pas comme eux, au contraire le mal s'aigrit & augmente de iour à autre. L'impatience luy faist le cœur, & le iette dans vn desespoir de sa santé. La melancholie le trauaille, voire plus que la maladie mesme: iusques à tant qu'une sienne tante le visitant, luy dit de ne pas tant s'affliger, craignant d'irriter nostre Dieu: qu'il feroit mieux luy demander sa grace, & particulièrement de visiter le saint Homme, & luy demander part à ses prieres, que toute la France auoit resenti les effects miraculeux de sa sainteté depuis son entree au Royaume: qu'il feroit quelque chose d'auantage pour ses bons voisins, & amis, s'il en estoit requis. Le patient se laisse gagner à ces raisons, ou semblables. Il vient au mieux qu'il peut iusques au Conuent du Plessis lez Tours, où lors le bon Pere seiournoit. Il le salue, fait entendre la cause principale de son voyage, ne se promettre plus de santé, & de vie, sinon par l'entremise de ses prieres, & bon conseil: qu'il coniuroit sa charité au nom de Dieu luy donner du secours en telle extremité. Le saint Homme, l'ayant escouté patiemment, & faisant l'office de Medecin, luy ordonne une diette Ecclesiastique de ieusner tous les Vendredis, par l'espace d'un an entier, avec d'autres conseils tres-salutaires pour le bien de son ame. Le patient prend cōgé de son Medecin spirituel, & corporel, commence à pratiquer ses ordonnances, mais si pleines de vertu qu'à peine vn mois estoit passé, que le malade se trouua guery parfaictement de la maladie

*Maladie desesperée guérie par une notable maniere.*

DE S. FRANÇOIS DE PAVLE. 209  
maladie qui fut tousiours cachee & incogneue  
aux Medecins.

Vn ieune homme natif de Paris , aagé de  
vingt trois à vingt quatre ans , & de fort bon  
lieu, touché de Dieu pour viure en penitence  
le reste de sa vie, sa deuotion luy fit choix de  
l'Ordre des Minimes, & crainte d'estre diuer-  
ty par ses parens ou amis : il propose donner  
iusques à Tours, & là se vouer au seruice de  
Dieu entre les mains du saint Homme . Le  
voyla donc party en la compagnie de deux  
Religieux de Nigeon lez Paris. Au premier  
iour du voyage, ou que le diable enuieux de  
son bien , luy voulust donner tous les em-  
peschemens possibles: ou que nostre bõ Dieu  
voulust faire preuue de sa deuotion & perse-  
uerance, aduint comme il s'accoustroit, qu'il  
se picqua d'une espingle dans la palme de la  
main: dequoy il ne fit autrement d'estat, à rai-  
son qu'il n'e sortit pas mesme du sang: iusques  
à ce que le soir venant, la picqueure commen-  
ca les douleurs, & si grandes qui luy fut im-  
possible reposer, nõ pas mesme vn demy quart  
d'heure de toute la nuit: le matin l'enfleure  
donna par le dessus de la main , & l'humeur  
peccante s'achemina pour percer de ce costé.  
Les chirurgiens y trauailloient soir & matin:  
mais il ne leur fut possible d'empescher que le  
feu ne s'y mist premier que d'arriuer à Tours.  
La chaleur estoit si forte, qu'elle desseichoit à  
moins de rien les linges bien mouillez , des-  
quels la playe estoit enuelopee. Arriuez dõc  
qu'ils sont au Conuent du Plessis lez Tours, le  
Roy estoit pour lors à son Chasteau, qui n'est  
O  
separé

separé du Conuent que par les murailles du parc . Le bon Pere trouua bon presenter ce ieune homme aux Medecins & Chirurgiens du Roy, pour ensuiure leur aduis en ce qui seroit de faire la consultation faicte, le premier d'entr'eux faict le rapport, n'y auoir autre remede pour sauuer la vie mesme à ce ieune homme, que luy couper bien tost la main, craignant que le feu ne gaignast le reste du corps. Les Religieux retournent au Conuent avec le malade fort affligez, & s'adressans au saint Homme, luy recitoient avec la larme à l'œil la conclusion des Medecins & Chirurgiens estre de couper la main, & que le plustost seroit le meilleur. Le bon Pere esmeu de compassion enuoya querir le pauvre malade, fait descourir la playe, qui faisoit horreur & pitié tout ensemble à ceux qui estoient-là presens: il met dedans vn morceau d'esponge, & par dessus deux ou trois fueilles qu'il auoit cueillies en son iardin, puis l'enveloppe d'vn lingo blanc, exhortant le patient esperer fermement en Dieu. Le lendemain matin il fut trouué parfaitement guarý, estonnant grandement les Medecins & Chirurgiens de sa Majesté, qui en semerent le bruit par la Cour : d'où chacun abbordoit au Conuent pour voir celuy auquel auoit esté faict vn si euident miracle, que la nature & la medecine publioient d'autant plus que la grace & l'humilité du Saint Homme le desiroient cacher . Le ieune homme qui auoit esté guarý recoit l'habit de Religion en action de graces, & pour rendre à Dieu par son bien humble seruice les for-

*S. Francois  
guarit vn  
ieune hom-  
me d'une  
strange in-  
flammation  
de la main.*

DE S. FRANÇOIS DE PAVLE. 211  
ces & la santé qu'il luy auoit miraculeusement  
rendues.

Vne honneste bourgeoise en la ville de  
Tours estoit fort trauaillée de fieur. Les Me-  
decins auoient ordonné par plusieurs fois les  
medecines & saignées qui n'auoient de rié ser-  
uy. Elle va se souuenir des miracles que le S.  
Homme faisoit ordinairement, entre en l'E-  
glise de son Couuent, scait pour vray qu'il y  
estoit: & ne pouuant ou le voir, ou l'appro-  
cher, crioit à haute voix, & reperoit fort sou-  
uent, *Saint homme guarissez moy*. Vne si pro-  
fonde humilité, & qui auoit pris si longues ra-  
cines dans le cœur du saint Homme, ne peut  
porter ses paroles d'auantage, qu'une sainte,  
& louable impatience ne l'emportast hors  
l'Eglise. Les Religieux recogneurent aussi-  
tost les humbles mouuemens en l'interieur  
du saint Homme causer sa sortie: parlent à  
cette femme: veulent luy remonstrier sa faute,  
s'escrier de la sorte: entendent ses raisons,  
son affection, sa deuotion, sa nécessité: esmeus  
en fin de pitié, & pieté, vont trouuer le bon  
Pere: le supplient consoler ceste pauvre crea-  
ture: ausquels il respōdit d'une parole qui ex-  
primoit une ame affligée. *Qui est-ce*, ce leur dit  
il, *qui est saint que Dieu?* est-ce aux creatures à  
faire miracles? qu'elle se recommande à Dieu  
il luy aydera. Ceste pauvre fême ne se tiét pas  
contête de ceste respōse, elle importune, & dit  
vouloir luy parler. Le S. Homme gagné de sa  
charité vient la trouuer. De si loing que ceste  
femme l'apperçoit, elle recommence se pro-  
sternant par terre: *Monsieur*, ce disoit elle,

*Guarit des  
fieurs une  
femme.*

*aydez moy, saint homme guarissez moy.* Le bon Pere luy dit de se leuer: la tance rudemét des paroles qu'elle tenoit: pardonne neantmoins à sa simplicité, & qu'elle eust esperance en la Bonté de Dieu. Ceste femme perseuere luy demander la santé. Le saint Homme voyant vne si grande affection, lors, ce luy dist il, *que la sieure vous voudra prendre, beuvez vne fois de bon vin, & du plus fort.* Ceste fême voit les medecins ordinaires, & leur fait entendre l'ordonnance du S. Homme. Si vous faites, respondirent les Medecins, ce que ce bon homme vous a dict, vous iouez à vous faire mourir. Elle leur dit que nonobstant toutes leurs belles raisons, elle obserueroit exactement ce qui luy estoit ordonné. Aussi tost quelle l'eust practiqué, vne seule fois, la fieure cessa, & fut entierement guarie. A raison dequoy elle retourna au Couuent rendre graces à Dieu, & à son bien-aymé seruiteur SAINT FRANCOIS de Paule.

*Fieures guaries.*

Proche la ville de Tours demeueroit vn Escossois, qui se nommoit Robinet Scorzele. Cet homme agité d'une fieure violente & chaude, on luy persuade se recommander aux prieres du saint Homme, le patient prend bien ce conseil: mais il prie tout ensemble le conseiller prendre la peine y aller en personne, qu'en recognoissance il le seruira d'ailleurs, lors que Dieu luy aura rendu la santé. Cestuy-cy donc vient au Plessis lez Tours. Le saint Homme luy donna vn pain, avec vne petite botte d'herbes: *Allez* ce luy dit il, *portez cela à vostre amy qui est malade, & l'asseurez que Dieu*

que Dieu luy rendra bien tost la santé. Le patient recoit cela de bon cœur, il en use, & recoit la guarison.

Peu de temps auparavant le bon Pere auoit fait vn pareil miracle en la personne du gendre de cet Escossois, & par l'entremise du mesme messager qui ayant receu des mains du saint Homme, & rapporté au malade vn peu d'herbes, les ayant mangées, il fut aussi guarý.

*Du pouuoir de S. Francois de Paule  
sur les Eaux,*

## CHAPITRE XVI.

**I**L est certain que Dieu se sert de toutes ses creatures, & entre icelles specialement de l'eau, pour produire des actions surnaturelles, où nous voyons se verifier ce que l'Eglise chante benissant l'eau es iours des Dimanches : *O Dieu, ce dit-elle, qui auez caché vos plus grands sacremens en la substance des eaux ?* Ouy; Il en est ainsi: car le seul baptesme seroit suffisant faire cesser l'estime que les Philosophes employoient pour la dignité de l'eau, comme estant principe de l'estre naturel de toutes choses, puis qu'il donne l'estre surnaturel de nos ames pour viure à iamais avec Dieu. Toute la nature ensemble n'a rien pour parangonner à cela. Je le laisse donc comme en vn estage plus haut que le reste proposé par la mesme Escriture, bien que par tout Dieu y ait graué ses merueilles. Oyez, & en iugez. Le monde a  
O 3 corrompu



corrompu son chemin, & quitté le sentier de la vertu. Dieu le veut iusticier, & il se sert des eaux: en fait comme vne lessive generale pour le nettoyer. Abraham par le commandement de Dieu chasse Agar, & son fils Ismael hors sa maison. L'enfant est proche de mourir au desert à faute d'eau: voicy venir vn Ange qui enseigne vne fontaine à la mere, où il rend la vie, & promet merueilles à l'aduenir pour son fils. C'est proche d'une fontaine que Dieu contracte marier ces grands Patriarches Isaac & Iacob. C'est encore en vne fontaine où Dieu instruit Iacob du moyen retirer les salaires que Laban son beau-pere luy retenoit iniustement. De tous les enfans des Hebreux que Pharaon commande submerger, Dieu en prend vn en la mer mesme: & veut que la fille de Pharaon adopte ce petit Moyse pour son fils, qui fera cruellement la guerre au Roy successeur de son pere. Ce Moyse se veut auctoriser de la part de Dieu en la presence de Pharaon. Il est chargé, comme il s'en acquitte, changer les eaux en sang. Le mesme avec la verge qu'il auoit receue de Dieu, frappe l'eau du fleuve d'Ægypte, il esleue les vapeurs, qui depuis tombent formees en gresle, & gastent tous les biens du Royaume, rebelle à la volonté de Dieu. Il veut donner passage aux enfans d'Israel, pour passer de l'Ægypte à la Palestine: deux fois il fait diuiser les eaux, en la mer rouge & au Iourdain. Au desert les eaux sont ameres, & tant que le peuple n'en peut vser. Moyse les addoucit avec vn morceau de bois. Le mesme se retrouvant en vne

contre

contree du desert plus fraische , & aride, il touche vn rocher, & luy faict rejallir les fontaines d'eau. Samson ayant terrassé ses ennemis, est luy mesme vaincu de la soif , sans le secours que Dieu luy enuoye par l'eau qui sort d'une des dents de la machoire d'un asne . Elie avec l'attouchement de son manteau diuise les eaux du Iordain . Elisee son disciple en faict autant comme luy: le mesme, faict nager le fer sur l'eau: il addoucit l'amertume des fontaines de Hierico: en vn lieu champestre & sterile, il faict sourdir les eaux. Et sur tout est admirable la cure de Naaman Prince Syrien, qu'il enuoya se lauer sept fois au Iordain. Mais les eaux n'auoient rien encore de semblable à la sanctification qu'elles ont receu par l'attouchement du corps immaculé du fils de Dieu, lors de son Baptisme fait par saint Iean, auctorizé d'en haut par la presence du Pere eternal & du saint Esprit . Et depuis leur honneur alloit tousiours croissant . Le premier miracle de nostre Sauueur se fait en l'eau, la conuertissant en vin . Il presche, & pesche sur les eaux ces belles colonnes de l'Eglise saints Pierre, André , Iean & Iacques; & la miserable Samaritaine, qui se noyoit dās vne mer de vices, s'il ne luy eut rendu la main. Il rend la veue à vn aueugle nay à la fontaine de Siloe. Il tesmoigne vn pouuoir absolu de Diuinité commandant aux eaux de la mer, & aux tempestes s'accoiser : resuscité qu'il est, il se faict voir à ses Apostres sur les eaux: il a cheminé sur les eaux comme sur vne terre ferme . Il a donné le mesme priuilege à

S. Pierre, & à plusieurs de ses fauoris, & mignons. Et entre iceux plus spécialement à S. FRANÇOIS de Paule, qui pour les merueilles qu'il a marquéés eaux, & par les eaux, a comme renouuellé les passées au vieil & nouveau testament: voicy dequoy.

*Poissôs morts  
iettez par S.  
Francois d'as  
vne fontaine  
y recoissent  
vie.*

Vn certain homme dit maistre Pierre Geneuois, pour le pays, venoit à Paule du lieu de Renda, distant l'vn del'autre enuiron douze milles. Il portoit quelques poissons morts, & enfilez avec vne esguille, desquels il fit presët au S. Homme, qui pour lors se trouuoit en ce lieu. Les ayant receus & maniez, saisy de compassion vers ces petits animaux. Pourquoy, dit il, auez vous prins ces pauures poissons, qui ne font mal à personne; disât cela les jettâ dans vne fontaine qui se voit encores au Monastere: aussitost les poissons receuants la vie commécerent à s'esgayer dans l'eau. Ce miracle veu de plusieurs là presens, leur tira des yeux les larmes de ioye, ayants ceste simplicité, & bonté qu'ils iugeoient fort à propos, se deuoir employer diuinemët pour les hommes, quand ils le consideroient si humainemët traiter avec les bestes: Ce miracle & contentement qu'il laisse à ceux qui assignent leur plaisir sur la contemplation des œuures de Dieu, recogneus par le ministere agreable de ses Saincts, dura l'espace de deux ou trois mois, que les poissons furent veus vifs dans ceste fontaine, sans qu'aucun les osât toucher, ou offenser pour le respect du miracle.

*Lepreux  
guary.*

Les poissons ayans receu le premier benefice en l'eau, comme cest element leur est aussi plus

plus particulier: suit l'homme pour le service duquel les deux sont ordonnez par la Diuine Prouidence. Vint donc vn ieune homme du pays de Torane à Paule, si fort chargé de lepre, de pourriture, & de mauuais odeur qu'on ne le pouuoit approcher. Il se jette à deux genoux deuant le S. Hōme, luy dresse vne mesme harangue que celle du lepreux mentionné en l'Euangile; *Monsieur, cedit il, vous pouuez me guerir si vous voulez.* Allez par charité, luy respondit le S. Homme, lauez vous dans ceste eau qui coule deuant le Couuent: & vous renez là quelque temps, avec les enfans, & vous ferez guarir. Ceux qui estoient là presens repartirent n'estre à propos qu'un lepreux se laue avec ceux qui se portent bien: y pouoir aduenir du danger, contracter sa maladie. *N'ayez peur de cela,* respondit le bon Pere, *il ne fera mal à personne.* Le lepreux va avec son congé, se laue, & demeure vn certain temps dans l'eau, puis sort de là, sa chair aussi nette que celle d'un enfant. On croiroit facilement entendant ceste histoire voir encore Elisee avec Naaman Syrus, ou le maistre d'Elisee & du saint Homme: mais de tous les Saints IESVS-CHRIST, guarir les lepreux avec tant de facilité, & dans vn seul miracle visible y enclore autant d'inuisibles qu'il preserua d'enfans qui se lauoient avec ce lepreux si infecté de sa lepre.

A la reserue de IESVS-CHRIST, & de S. Pierre, il y en a fort peu entre les hommes, que Dieu ait gratifié des faueurs semblables à celle que ie vous vay faire voir. Le S. Homme est  
poussé

*S. Francois  
& son com-  
pagnon pas-  
sent le golfe  
du Far Mes-  
sia, seulemēt  
sur son mā-  
teau.*

poussé de Dieu pour estendre son Ordre plus loing que la Calabre: à ces fins il prend iour pour passer de là en l'Isle de Sicile, par le Phar de Messine entre Scylla & Charybde. Arriué qu'il est à Crotone derniere ville de Calabre avec son compagnon: il voit vne barque qui se dispoisoit faire voile pour bien tost sortir le port. Il prie le maistre nautonnier le recevoir par charité avec son compagnon dans le vaisseau. Le nautonnier luy demande de l'argent, autant qu'on souloit payer pour homme. *Je suis pauvre*, respondit le bon Pere, *ie n'ay or, ou argent ou chose du monde, que ie vous peusse donner.* Et moy, repartit le nautonnier, ie n'ay point de barque pour vous passer. Le S. Homme se voyant chassé par cest avaricieux avec telles discourtoisies, qui appartiennent, au moins sont assez communes, à gens de bois, & d'eau, se retire vn peu à quartier, pour exposer sa necessité à Dieu, qui se charge volontiers pouruoir aux affaires de ses fideles seruiteurs. Et lors specialement que tout autre moyen leur manque. Retourné qu'il est de l'oraison. Il benist la mer, estend son manteau sur l'eau, dit à son compagnon le suiure. Les voila tous deux sur le manteau: & le manteau sur l'eau, qui en guise de barque singe en pleine mer, fend les vagues & arriue heureusement au port de Sicile premier que la barque de l'avaricieux nautonnier, lequel avec toute sa compagnie voyant vn si euident miracle, recogneut tout haut sa faute, tournant son ingratitude en actions de graces enuers Dieu, pour les graces si admirables qu'il auoit

recog-

reconnues au saint Homme , & arriuez au port seruoient tous comme de trompettes, pour annoncer la venue de l'homme de Dieu en leur pays : où iusques à ce iour le miracle demeure commun à tous ceux qui ont ce passage à trauerfer. Car chacun scait , au moins ceux qui ont si peu que ce soit ouy parler de l'histoire, que dans toute la mer Mediterranee il n'y a peut-estre lieu si dangereux que celui-cy qui a donné cours au proverbe: *Entre Scylla & Charybdis*: pour dire, vn peril bié grand & comme certain. Et de faict lors que ceux du pays auoient à faire ceste trauerse de Calabre en Sicile, ils souloient disposer de leurs affaires , & de leur maison , comme personnes qui se voioient vn pied sur la barque pour courir à la mort : la où auourd'huy tous les matelots , & nautonniers de ces lieux là asseurent que depuis l'heure seulement que le bon Pere SAINT FRANÇOIS de Paule y passa sur son manteau la mer est venue si douce & bonnasse, qu'il est possible à vn enfant de douze à quatorze ans avec vne flette, & ses deux rames passer d'vn costé à autre.

Proche la ville de Paule, y auoit vne nauire sur la mer en la Rade, mais qui ne pouuoit aborder ou venir au port nonobstant toutes les peines, & diligéces qu'y apportassent les nautonniers, & matelots. Le pis fut qu'apres auoir longuemét trauaillé, le vét redouble les furies de la mer, si que, & ceux qui estoient au nauire, & ceux qui estoiet sur terre desesperét de leur vie, & croyent de les voir bien tost perir avec leur barque , n'y ayant aucun moyen les secourir:

*Nef en peril  
de naufrage,  
arriuee par  
ses prieres à  
bon port.*

courir: & personne n'osant se hazarder, pendant vne si grande tempeste. Quelques vns de ceux qui regardoient ces pauvres nautonniers avec compassion, s'aduissent qu'il seroit bon en aduertir le S. Homme, afin de prier Dieu pour eux en vne si grande necessité: ils courent d'oc habilement au Conuent, montent iusques à la chambre du bon Pere, & le supplient bien humblement ouurir sa fenestre, & regarder sur la mer vn grand nombre de Chrestiens qui alloient perir avec le vaisseau, s'il ne les assistoit de ses prieres. Le bon Pere plein de charité va voir vne chose si pitoyable, & la mer encore plus irritée, laquelle il couvre du signe de la Croix s'escriant à haute voix, & prononcant par deux fois IESVS, IESVS. Chose vrayement admirable, les creatures inanimees entendent la voix du seruiteur de Dieu, la recognoissent, & luy obeysent, le vent cesse, la tempeste s'adoucit, la mer deuient calme, le Ciel s'esclaircit, le Soleil tire hors ses rayons pour signe de bien-vueillâce. Et tout cela au mesme instant que le S. Homme eut parlé à qui toutes les creatures obeyssent aussi prôptement que de bonne volonté leur maistre & le nostre faisoit ce, & comme il luy plaisoit. Voicy d'oc arriuer heureusement au port la nauire pleine d'hommes, & eux de louanges & d'admiration qui exprimoient vn mesme langage pour l'honneur du S. Homme, que celuy des mariniens pour nostre Sauueur, à qui ils auoient veu commander à la mer & appaiser ses furies avec la simple parole: *Qui est celuy-cy* disoient-ils, *à qui les vents & la mer obeyssent.*

Le



Le bon Pere faisoit bastir vne fournaise à cuire la chaux necessaire à la maconnerie de son Conuent, les ouuriers ayans trauaillé longuement estans vn peu eschauffez, desiroient auoir seulement de l'eau pour boire, & se rafraischir. Ils estoient vn peu esloignez des fontaines, & le lieu où ils se trouuoient fort sec, & aride. Le S. Homme esmeu de compassiō, fait sortir de la terre vne source d'eau, qui est demeuree iusqu'auiourd'huy pour la commodité du Conuent, & des voisins, apres auoir seruy tout premierement à la necessité des ouuriers. *Fait sourdir vne fontaine en plain champ pour abreuer ses ouuriers.*

Que faisoit Moyse dauantage que le S. Homme, lors qu'és deserts il tiroit les eaux du rocher pour satisfaire aux necessitez des enfans d'Israel, sinon qu'il les faisoit venir à coups de baguette, & de sa verge quasi comme à coups de baston & par force: où le bon Pere avec sa seule parole, ancien outil de Dieu, appelloit les choses qui n'estoient point, comme si elles eussent esté.

Vn certain honneste homme, qu'on nommoit Nicolas Pisane grand amy de S. FRANÇOIS, venant à Paterne, à ceste fin seulement de le visiter & se consoler spirituellement avec luy. Dieu luy fit la grace d'estre tesmoin oculaire de plusieurs, & insignes miracles. Entrant donc au Conuent on luy donne aduis que le bon Pere trauailloit à la carriere avec les ouuriers, & tiroit de la pierre pour bastir son Conuent. Il y va de ce pas: or commençoit on encores à decouurir le ban de la carriere, si que n'ayans rien profondé, les ouuriers estoient à decouuert. Cest hōme dōc arriué

*S. François demeure à sec entre les pluyes.*



riué qu'il est, il aduise le bon Pere qui trauail-  
loit avec les autres. Ce pendant voicy venir v-  
ne pluye si impetueuse, qu'il s'ébloit qu'ô ver-  
sast l'eau à sceaux: chacû de quitter ses outils,  
& la besogne pour se guarer sous quelque ar-  
bre, ou se tapir en vne petite grotte, en sôme  
mendier le couuert en quelque façon que ce  
fut: Le bõ Pere demeura seul à l'attelier, & au  
labeur sans desister ou chercher autre garan-  
tie de l'eau que par la couuerture de la Diuine  
Prouidence, qui assista fidelement son serui-  
teur, comme il insistoit continuellement à son  
ouurage: car pour tant d'eau qui tomba, on  
n'en vid pas vne seule goutte tomber sur luy,  
ou le mouiller. Les eaux couloient par ruis-  
seaux autour de luy, & le laissoient à sec. Cest  
element, comme les autres, se monstrois cour-  
tois, & fauorable à celuy qu'il scauoit estre  
fauory de nostre Dieu. Et vuide de raison, de  
sentiment mesme, il sentoit neantmoins rai-  
sonnablement qu'il ne failloit adiouster af-  
fliction sur affliction, que le Sainct Homme  
se condamnoit de luy-mesme trop facilement  
aux peines & fatigues, sans luy en adiouster  
d'ailleurs.

Le sainct Homme passant par la ville de  
Rome pour venir en France, après auoir bien  
humblement baissé les pieds de sa Saincteté, &  
receu ses commandemens avec la mesme sub-  
missiõ, il retourne avec l'Ambassadeur du Roy  
de France, pour entrer dans son vaisseau qu'il  
auoit fait anchrer aux fosses de Terues ( c'est  
vne grosse riuere qui entre dans la mer pro-  
che du port d'Ostia) arrivé qu'il est il trouue  
le

le maistre de la Galere avec le reste des marini-  
 ers empeschez ce qui se pouuoit pour la fai-  
 re voguer, ils fondoient le fonds de l'eau &  
 trouuoient tousiours qu'ils en auoient trop  
 peu pour seulement mouuoir le vaisseau de sa  
 place. Le bon Pere plein de compassion, &  
 comme suant de veoir trauailler les autres,  
 appelle le maistre de la Galere: *Par charité, ce* *Fait enfler*  
 luy dit-il, *sondez derechef le fonds de l'eau, vous l'eau de la*  
*trouuerez autre chose que vous ne pensez pas. mer.* Cet  
 homme accoustumé aux miracles du bon Pere  
 qu'il auoit veu faire par les chemins, portant  
 respect à ses paroles, obeyt aussi tost, il sonde  
 & void en vn instant l'eau creue enuiron la  
 hauteur de six pieds, comme si cest element ia-  
 loux de la gloire que la terre receuoit rendant  
 honneur, & seruice au S. Homme, n'eust vou-  
 lu se monstrier inferieur à aucune creature en  
 ce deuoir, & bon office enuers luy, s'assembla  
 en quantité insques à porter aysement le vais-  
 seau en pleine mer. Ils nauigerent donc heu-  
 reusement iusques au goulfe de Lion, où arri-  
 uez qu'ils sont, les creatures qui partisoient  
 avec leur sort pour l'honneur du saint Hom-  
 me en donnerent telle experience.

Le Ciel permist que les vents sortàs de leur  
 antre emeussent la mer, la pluye, & l'orage  
 suiuirent de pres cette emotion, avec tel obs-  
 curité qu'il estoit presque impossible que les  
 vaisseaux qui estoient proches se peussent veoir  
 l'un l'autre; la mer apres s'estre iouee longue-  
 ment de leur vaisseau, l'esleuant ores dans les  
 cieux, puis l'enseuelissant au centre de l'abyss-  
 me, le poussa finablement proche de terre à  
 l'abry

l'abry d'une falaise, où ils furent d'aduis mouiller l'ancre, & s'arrester là quelque tēps, pour laisser passer la tourmente . Mais lors qu'il plaist à Dieu esprouuer les siens , ou qui que ce soit, il n'y a lieu où ils puissent esquiver sa presence. Ces mariniers fuyoient la tempeste que Dieu enuoyoit expres pour sujet de recognoistre non plus la desobeissance d'un Ionas, si bien la tres-humble obeissance de son fidel seruiteur, pour qui il auoit commandé à la mer, comme au reste des creatures faire escorte promptement en toutes occurrences ou necessitez. La chose donc se passe ainsi: un vaisseau de guerre fourny d'hommes & d'armes de Corsaires voyant ceux cy arrestez, & fermés pour demeurer, tournent vers eux, & venoient avec haste, & furie se ietter sur eux, lors-que les mariniers de ce vaisseau où estoit le S. Homme, ayant descouuert ce malheur, espouuantez merueilleusement crient à tous ceux qui estoient dans la Galere , se recommander à Dieu, estant comme chose impossible euirer la mort, ou par les mains des voleurs, s'ils les attendoient encores un peu de temps, ou par les flots de la mer qu'infaliblement les deuoient enseuelir, s'ils leuoient l'ancre pour voguer en plaine mer . Ce pauvre vaisseau ayant le Ciel , la mer , les vents & les hommes à combattre, n'eut peu se mettre en defense si Dieu ne l'eut entrepris pour luy en faueur de la presence du S. Homme , comme jadis il auoit donné la vie à S. Paul, & à tous ceux qui se trouuerent dans son Nauire , lors de son voyage à Rome . Ainsi donc le bon

Pere

Pere assure d'en haut, releue le courage des marins, & de tous ceux qui estoient dans le vaisseau ; *Sus, sus faisons voile & allons au nom de Dieu en charité, nous n'aurons point de mal.* A rage, peine la parole est acheuee de prononcer que les creatures inanimees recognoissans la volonté de Dieu par la bouche de son seruiteur, se mettent toutes en deuoir pour obeir promptement : car la mer, & les vents qui sembloient auparauant auoir conspiré par ensemble à leur ruine, se ioignent de compagnie pour offrir leurs seruices, & faueurs. Les vents ne sonnent plus mot. Et la mer deuiet calme, & tranquile tout à coup, avec le mesme respect que les enfans cachent leurs insolences, oyans la seule voix de leur maistre. La galere maintenant fend les ondes, & vogue, mais vole tant elle se hastoit, pour fuir les Corsaires qui les poursuioient, & saluoient à coups de canon. Et tous ses efforts comme des premieres tempestes en vain. Car les iustes estoient en la main de Dieu, où la mort mesme n'est pas hardie assez pour les venir trouuer, ou attaquer, les creatures mesmes inferieures & dernieres combattent fidelement contre les insensez en faueur des iustes, le Ciel en vn instant se monstra serein, augure certain d'un proche bon heur, la mer plus douce, les vents tres-fauorables. Et tant qu'ils ne se departirent de leur ministere qu'ils n'eussent conduit le saint Homme avec sa compagnie iusque au havre de salut au port de Marseille où ils prindrent terre.

En ce voyage d'Italie en France le saint Homme passant par le Dauphiné en vn lieu champêtre, où les payfans proches de celieu se plai-

P

gnoient

*Eau miraculeusement  
faillit de terre,  
Et guarit des fie-  
ures.*

gnoient de ne pouuoir trouuer de l'eau és enui-  
rons, le saint Homme leur promist en deman-  
der à Dieu pour eux: voila qu'aussi tost le desir  
du iuste est exaucé: à la place mesme, en vn in-  
stant, en vne terre la plus seiche, & aride, on  
void l'eau sourdir de la terre, & boüillonner: le  
bon Père leur dit, de foüiller vn-peu pour faire  
vne petite fosse en guise de bassin, où les eaux  
s'amasserent en grande quantité, & demeure  
iusques au iourd'huy pour le seruice de tout le  
pays. Et qui estoit bien d'auantage, ceux qui en  
ce commencement auoient les fieures, & beu-  
uoient de ceste eau s'en trouuoient guaris: qui  
est vn grand nombre de miracles qui ne se peu-  
uent nombrer.

*Chandelle  
beniste du S.  
Homme, iet-  
tee en la  
mer, Et fait  
cesser l'ora-  
ge.*

Le Maistre Pilote d'une Nauire, il se nom-  
moit Jean Biscain, arriuant proche du port qui  
donne chemin vers la ville de Rome, vne si ef-  
froyable tempeste va se leuer en vn instât, qu'el-  
le le reculoit d'autant plus, qu'il apportoit tous  
les efforts pour approcher, le pis estoit que la  
mer sembloit le menacer de perdre la vie & les  
biens, tant elle estoit en furie, lors qu'il se sou-  
uint auoir sur soy vne chandelle beniste que le S.  
Homme luy auoit donnée l'ayant esté visiter par  
vne curieuse deuotion, iusques à Tours. Il prend  
la chandelle, & inuoquant tout haut le secours  
de Dieu par les merites de son bien-aymé S.  
FRANÇOIS de Paule la iette dans la mer. Cest éle-  
ment qui auoit tant de fois reçu les comman-  
demens du saint Homme, reconnut celuy cy  
estre du nombre, tellement qu'au mesme instant  
la mer se rend aussi douce & calme qu'on l'eut  
peu desirer, & iette son trouble dans les esprits  
de

de ceux qui estoient dans la nauire, voyans de leurs yeux les creatures insensibles recognoistre par leur submission & obeyssance la sainteté pour espargner ce mot de Diuinité d'un homme encore mortel, & viuant sur terre.

*Du pouuoir que S. François de Paule auoit sur le feu.*

## CHAP. XVII.

**L**A vraye Religion a bien moyen de s'eschauffer en la contemplation des hauts mysteres que Dieu a faict passer par le symbole de l'element du feu. L'escriture dit tout premierement que *Dieu est vn feu consommant*. Au commencement du monde son Ambassadeur qu'il depute pour chasser nos parens hors le Paradis terrestre porte le coutelas en feu. Sa iustice s'exerce sur Pentapolis (ou les cinq citez) par le ministere du feu : comme aussi par plusieurs fois dans le desert pendant le pelerinage de son peuple l'espace de quarante ans. Il apparut à Moyse sous la figure d'un buisson ardent. Il donna sa loy au mesme Moyse au milieu d'une montagne qui estoit toute en feu : il auoit donné vn feu sacré à son tabernacle, & ordonné aux Prestres de l'entretenir. Il consumma les sacrifices d'Abel, d'Abraham, de Manué, de Geodeon, & d'Elie par vn feu qu'il fist descendre miraculeusement du Ciel. Il transporta le mesme Elie au Paradis terrestre dans vn chariot de feu. Il deffendit son seruiteur Elisee contre l'armee du Roy de Syrie par des armées qui sem-

bloient estre en feu. Il vengea l'iniure faicte à son Prophete Elie par le feu qu'il enuoya du Ciel, pour brusler à la place, ceux qui s'estoient mocquez de luy. Il sauua la vie aux ieunes hommes, qui auoient esté iettez pour son nom dans la fournaise ardante: où le feu brusta seulement les boureaux qui estoient dehors. Et pour laisser la recherche de ces particularitez, à ceux qui se delectent fueiller la Bible, ie dis que le feu a esté le symbole de la venue du saint Esprit en ce monde. C'est à dire de tous les biens que l'homme eust peu desirer pendant ceste vie. Mais apres cest office, ie veux croire que le feu ne s'est point monstré si admirable, comme lors qu'il s'est rendu souple à l'obeyssance des commandemens des Saints, des seruiteurs de Dieu qu'il n'a osé toucher ou offencer, si peu que ce soit, lors que l'occasion s'en offroit. Sa grande activité avec quoy il agist a esté forte assez, pour persuader en ces premiers siecles qu'il auoit quelque chose de diuin, puis qu'il n'auoit rien pour retenir son action. Quoy donc, qu'eussent ils pensé, s'ils eussent veu és derniers temps des hommes viure au milieu du feu, toucher le feu, manier le feu, cheminer sur le feu sans lesion: esteindre le feu en vn instant avec la parole, avec la mesme sans autre chose, le faire viure & brusler, en fin se iouer du feu, & en faire à sō plaisir? ne leurs eussent-ils pas donné vne Diuinité plus grande qu'au feu, ou au moins estimez hōmes diuins?

Or cest element, non vne mais plusieurs fois a crié au monde, & entonné aux oreilles des hōmes que S. FRANÇOIS de Paule estoit son maistre, & le fauory seruiteur du maistre des dieux:

puis

puis qu'il luy estoit permis donner des commandemens, par puissance subalterne: qui n'appartient qu'au maistre de tous donner d'auctorité souveraine.

Le premier fust recogneu la nuit de la conception par ce moyen. Vn certain homme manouvrier fort familier de Jacques Martotille, Pere du saint Homme, venant pour l'appeller à vn ouurage, ou affaire par eux entreprise, approchant la maison, il apperceust sur le toit vn grand feu allumé, & qui iettoit des lumieres comme flambeaux ardents, & esclairsans les lieux circonuoisins. Cet homme assez aduisé appelle plusieurs personnes pour auctentiquer d'auantage & auctoriser la verité de ce merueille si lumineux, ou lumiere si merueilleuse: par laquelle Dieu vouloit faire veoir au monde, que cet enfant qu'il y enuoyoit seruiroit à plusieurs de Phare, & lumiere pour adresser les hommes, & dresser leurs pas pendant la nuit des vices, & pechez de ce siecle perdu.

*Feu & lumieres venues sur la maison la nuit de la Conception de S. François.*

Le saint Homme commençât edifier son premier Conuent à Paule, force luy estoit auoir de la chaux, & autres materiaux, pour continuer la fabrique de son Monastere. Assez pres de là il fist dresser vne fournaise, où elle se faisoit, & cuisoit, & qui luy fournissoit ce qui estoit de necessité. Vn iour estant trop eschauffée, & trouuant matiere propre, elles'allume, & embrase de sorte, que de toutes parts elle creuoit, & se fendoit, menaçant vne proche ruine de soy, des despences à la bastir, & des labeurs, & iournees des ouuriers: lesquels estans tout desperdus, & troublez, pour n'y pouuoir donner aucun ordre,



*S. François.  
au milieu  
d'une four-  
naise arden-  
te, sans le-  
sion.*

leur dernier refuge fut le faire sçauoir au glorieux S. FRANÇOIS. Luy sans s'alterer, commē si on luy eust offert vne affaire de peu, leur dist qu'ils s'en reposassent sur luy, & retournassent à leur besongne, & va de ce pas à la fournaise, où s'estant marqué du signe de la Croix au front, & à la poitrine, entre dedans bien que toute ardente, la raccommode de ses propres mains, & sortist sans aucune lesion, ou apparence de feu, soit en ses vestemens comme en son corps. Cest element voulant tesmoigner la sainteté de ce saint Homme aux ouuriers qui s'estoient retirez à quartier pour descourir secrettement l'issüē de ceste temeraire (leur sembloit) entreprise. Aussi leur fist elle changer de ton, & admirer avec action de graces les merueilles de Dieu en son saint lequel de là en auant ils reuererent, & recogneurent pour estre assisté particulièrement de Dieu.

*Il se iette au  
milieu d'un  
embrasement  
le chasse, &  
l'esteint.*

Au temps que S. FRANÇOIS de Paule commençoit faire sa demeure à Paterne, vn payfan nommé Migliatisco, brusloit quelques hayes, comme espines, & autres mauuaises herbes en vne sienne possession. L'embrasement va tellement s'augmentant, pour cause du vent qui souffloit lors avec impetuosité, que danger estoit qu'il n'endommageast les lieux circonuoisins, & que le feu prinst aux maisons prochaines. Ce qu'apperceuant le saint Homme, qui estoit proche delà, esmeu de compassion en la ruine de ses prochains, accourt subitement: entre pieds nuds dans le feu, & le chasse deuant luy, iusques à ce qu'il fust parfaitement estaint. C'estoient commandemens bien recommandez de la part de Dieu,

Dieu, à cest element inexorable, fieschir si souplement aux volonteiz du S. Homme, se retirer promptement quand il le chassoit, s'approcher aussi tost qu'il l'appelloit, ainsi qu'allez voir tout presentement.

On alloit commencer le tres-sainct & tres-auguste sacrifice de la Messe. Le Sacristain pour l'acquies de sa charge auoitourny les chandeliers de cierges, restoit seulement les allumer. Le Prestre patientoit à l'Autel de commencer, à cela pres. Le peule forcé d'attendre eust quitté la volontiers ses deuotions: quand le saint Homme qui estoit prosterné à deux genoux deuant l'Autel tenant en la main vne chandelle allumee, la monstra aux chandelles susdictes, sans en approcher autrement. Chose merueilleuse à la verité, puis que la distance des lieux ne le pouuoit naturellement permettre, voir toutes ces chandelles s'allumer les vnes apres les autres, à mesme, bien que de fort loing il leur monstroit la sienne, qui estoit allumee.

*Cierges miraculeusement allumés.*

Vn Prestre de de-ça les monts passoit par la ville de Paule. Ou que ses affaires l'emportassent plus loing: ou qu'une sainte curiosité l'eust poussé entreprendre vn si long voyage, pour voir de ses yeux la sainteté du bon Pere, qui esclattoit par tout le monde: il le rencontre deuant le portail de son Eglise. Le saint Homme recognoissant cest estranger assez affable, & d'une douce conuersation, d'ailleurs tout rompu, & moullu des fatigues du chemin, il le prie entrer au Monastere, y reposer, & prendre la collation. Ils entrent ensemble au Conuent, & en discours diuersifiez du subiect: vn desquels,

& le principal s'arreste en la vertu d'une herbe, que le saint Homme haussait de loüanges sur toutes autres. Le Prestre estrange qui ne receuoit pas ses raisons, & ne croyoit aux paroles du bon Pere, demande comme il le pouuoit scauoir: il respond: celui qui sert deuotement nostre Seigneur, & chemine selon ses commandements, les herbes mesmes luy enseignent leurs vertus & proprieté. L'estranger ne voulust se satisfaire de ces raisons, bien qu'il aduoüast librement que cela pouuoit estre, par vne speciale grace de Dieu: aduançants ainsi les pas, & les propos ils arriuent à la cuisine: approchez du feu, le S. Homme recogneust que son hôte tenoit ses discours suspects, & que ia les deffis, & scrupules de l'auoir approché luy croissoient dans l'ame: pour les luy attracher insensiblement, & persuader par demonstration necessaire, que la Puissance Diuine opere choses admirables par le ministère de ses bons seruiteurs, il prend des charbons ardents entre ses mains, les serre, & estrainct aussi fort qu'estoit sa Charité, & d'une parole eschauffee d'amour dit au Prestre: *Pourquoy pensez vous que cet element soit creé de Dieu, sinon pour rendre obeysance à l'homme?* Ce feu actif de sa nature, plus que tout autre element agit miraculeusement sur cest estrange: soudain consume toutes les sinistres opinions qu'il auoit conceües legerement contre le saint Homme: produit vn iugement contraire, & croit veritablement qu'il est SAINCT: luy demeure vn estonnement si grand dans l'esprit que le corps se iette à deux genoux par terre: demande bien humblement l'habit de Religion. Il proteste  
vouloir

*Il estraint  
entre ses  
mains des  
charbons  
ardans sans  
s'offenser.*

vouloir vivre, vouloir mourir en l'obseruance estroite de sa Reigle. Le bon Pere comme prudent, & bien aduisé ne voulust si tost entendre à sa resolution. C'estoit nous instruire, en celuy qui se portoit au bien plustost par l'estourdissement de ce miracle que d'une volonté conforme à celle de Dieu, recogne ordinairement avec le temps par les exercices & aduis des Peres spirituels, & experimentez au fait de la Religion Monastique : qu'il ne faut iuger si tost les vocations particulieres, pour bonnes & diuines. Ainsi le saint Homme luy remonstre, arrester premierement, & sagement ses desseins, pour, à faute prendre temps d'aduis, paroistre vn iour irresolu en ses resolutions : estre plus à propos, ne faire ouuerture à vn si saint exercice, que la grace, & la nature ne promettent pouuoir clorre, & fermer d'une finale perseuerance : qu'ainsi l'Euangile le vouloit, ne pas ietter des fondemens, desquels ne pouuant faire la poursuite, on laissast aux autres sujet de bastir seulement vne mocquerie, à la ruine de nostre honneur, & reputation. Que pour mettre ordre conuenable à ces inconueniens, il se retirast à Cusance : là faire sa demeure, & preuue de sa vocation vn an durant, & que le temps expiré, il aduiferoit satisfaire à la volonté de Dieu, & à la sienne. Ainsi le Prestre estranger suit le conseil du saint Homme, & le chemin de Cusance : où apres l'an reuolu, il print l'habit de l'Ordre, & y perseuera tout le cours de sa vie, qu'il estudioit serieusement conformer à la perfection de son maistre, & Pere de Religion.

L'Eglise de son Conuent à Paule estant paracheuee,

cheuee, vn Prestre de ceste ville là, nommé maître Iean Anthonachi, vint par deuotion pour y celebrer le saint sacrifice de la Messe, demanda au saint Homme du feu pour allumer les chandelles. C'est la coustume tres-loüable par toute la Chrestienté accompagner de lumieres ce tres-auguste mystere de lumieres esclairantes nos ames. Le bon Pere luy enseigna certains tizons, qu'il trouueroit en vn coing de l'Eglise. Le Prestre va, les trouue, les prent, les vire, & tourne de toutes parts, il ne trouue point de feu, retourne aussi tost en redemander : le saint Homme replique y en auoir aux tizons, qu'il auoit manié. Il va luy-mesme, en prent vn du tout esteint, souffle fort doucement, l'allume, fait voir le feu avec vn grandissime estonnement qui saisit le Prestre, considerant ce qui se passoit, & se croyant soy-mesme, tesmoignoit aux autres auoir manié le mesme tizon, cherché diligemment, & n'y auoir trouué du feu aucunement. Les chandelles furent allumees, la sainte Messe celebree, & le saint Homme de plus en plus recogneu & estimé.

*Il allume  
miraculeu-  
sement des  
charbons  
esteintz.*

Pendant que les bastiments du Conuent de Paule s'acheuoient, les ouuriers aduertirent S. FRANÇOIS de Paule, la chaux leur manquer, à faute dequoy l'ouurage demeureroit. Le saint Homme prend avec luy vn des premiers d'entre-eux, nommé maître Antoine, vont ensemble chercher lieu commode pour cuire la chaux. La où ils proiectoient dresser vne fournaise, à cest effect ils trouuent vne fosse si proprement accommodée, que sans autre façon, & labour ils iugent leur pouuoir seruir, bien qu'au-  
parauant

parauant il n'y eust eu forme de fournaise. Ils se mettent en deuoir d'y trauailler, & disposer le tout promptement, pour cuire leur chaux: & reuoyant le frere Religieux qui l'accompagnoit, luy commande aller au Conuent mettre cuire des febues pour leur disner, & des ouuriers. Le Religieux va, & faict vne partie de ce qui luy estoit commandé, met les febues dans le pot, le pot sur les cendres froides, & oublie faire du feu. L'heure du disner approche, les ouuriers arriuent avec leur appetit prest à bien faire. Le saint Homme enuoya vn Prestre, nommé Iean, le prie apporter les febues, qñi estoient dans le pot en la cuisine. Il va, il reuient, rapporte que tant s'en faut que les febues fussent cuittes, qu'il n'y auoit pas seulement du feu sous le pot, & de la iournee n'y en auoit eu. La compagnie au lieu de manger se met à rire, & pour l'euuenement suruenu inopinément qu'ils ne trouuent rien, s'attendants bien disner: & pour le peu de memoire au Religieux, qui mettoit cuire les febues sans feu. Mais le ris ne dura pas beaucoup, qu'il ne fut metamorphosé en admiration, sur ce que Dieu de l'oubliance du Religieux en faisoit vn memorial pour le saint Homme. Car entendant parler le Prestre, il va à la cuisine, est suiuy des ouuriers: il touche seulement le pot, leue le couuercle & leur faict voir des merueilles: l'eau enflée, & les febues cuire à gros bouillons, comme s'il y eust eu tousiours vn grand feu: les cendres toutesfois demeurans froides, disoient que de la matinee il n'y auoit eu feu, & le frere tesmoignoit franchement, qu'il s'estoit oublié l'allumer. La verité parlant

*Faict bouillir un pot & cuire des febues sans feu.*

& enuoye vn sien Chambrier, homme sensé, & digne de telle commission, trouuer le reuerend Archeuesque de Cusance. Que par ensemble, ou par son moyen, ils informent de la verité du fait, avec toutes les prudences, & diligences requises en semblable affaire, & de si grande importance. Le susdit Archeuesque pour obeyr à sa Saincteté donne de compagnie au Chambrier, vn sien Prestre nommé *Dom Charles de Pirro de saint Lucide*, qui estoit de son conseil, homme versé au manient des affaires Ecclesiastiques, leur persuade qu'ils estoient eux deux les plus capables pour conduire le tout plus dextrement, que l'vn portoit avec soy l'autorité du saint Pere, & le second auoit l'usage des hommes & du pays. La resolution prinse, les voilà partis & arriuez à Paule : vont droit au Conuent, rencontrent le saint Homme parmy les ouuriers, qui donne ordre à son travail, pour aduancer le bastiment du Monastere. Et comme en quelque lieu où le Soleil se voye, c'est tousiours avec sa lumiere, qui le fait recognoistre pour tel : ce saint Homme au milieu des maçons, & de ses ouurages mechaniques, demeueroit tousiours avec vn entretien si fort interieur, que son exterior maintien en restant d'autant plus venerable, commença esblouyr les yeux du Chambrier, les abaisser humblement avec le reste du corps, pour se porter en toute reuerence au baise-main du saint Homme. Mais son ordinaire humilité para ce coup, & avec vn refus modeste, repartist : estre plus à propos, qu'il luy soit permis baiser les hennies, desquelles Dieu s'estoit seruy avec tant d'honneur,

d'honneur, y ayant ja trente & trois ans passez qu'il estoit marqué du caractere & tiltre de Prestre. Le Chambrier n'aduisant assez pres ceste parolle ou Prophetie, qui luy disoit en silence que le saint Homme luy desployeroit aussi facilement ses desseins, que les actions compagnes des siecles passez, bien que premiers à sa naissance: ou qu'il le fist à propos pour fauoriser le sujet de son voyage, c'est d'aduancer ses raisons: ceste forme de vie estre trop austere, qu'elle seroit mal-aysee, peut estre impossible à supporter, sinon à des corps bien composez: au reste la discretion estre extremement necessaire où il y va d'une reigle qui doit estre commune à tous: que la force des vns ne deuoit donner loy à l'infirmité des autres. Parmy semblables raisons la compagnie aduance les pas, & les paroles, que les voycy entrer en vne chambre. C'estoit lors la saison de l'hyuer: s'approchent du feu pour sous sa faueur, continuer le discours: eschauffer s'il vient à point les passions du saint Homme, & de là verifier ses actions, si fausses, ou miraculeuses. Mais en vain, l'aigreur des reproches ne peut allumer son esprit, non plus que les charbons ardents brusler le corps, les passions de l'un & l'autre estoient deificées, & comme impassibles, ils furent seulement tesmoins d'une responce verifiee par miracle. Le saint Homme s'incline, emplist ses deux mains de charbons ardents, les tient vn long-temps: puis d'un esprit depouillé de tout ressentiment, & aussi froid que l'eau mesme en sa qualité naturelle: *Scachez monsieur, ce dist-il, que rien n'est difficile, moins impossible, & toutes choses creées obeyssent aussi proprement,*

*ment,*



*ment, que ce que vous voyez à ceux qui seruent Dieu d'un cœur entier & parfait. Ceste parole animee de zele, auctorisee d'un si euident miracle, penetra si auant les cœurs de la compagnie, particulièrement celuy du Chambrier, que le voila ietté aux pieds du saint Homme, indigne ce luy semble, baiser des mains si miraculeuses: & retenu qu'il est par le saint Homme, qui se tenoit si fort sur la deffensue, en vn si vertueux combat de leur mutuelle humilité, il se prend à ses habits, les baise & rebaise: proteste d'œuvres & de paroles les honorables conceptions, qu'il rouloit dans son ame, en faueur des merites du saint Homme: luy demande congé, apres vn bien humble pardon, des propos mis en auant, s'il les iugeoit vn peu plus licentieux, que le respect deu luy auroit prescript. Il retourne avec Dom Charles, premierement au sieur Archeuesque, & de là trouuer sa Sainteté, leur fait entendre ce que dessus, qu'ils auoient veu de leurs yeux, ouy de leurs oreilles, & touché palpablement: Les saintetez, & miracles du saint Homme, estre toute autre chose, que le bruit qui remplist l'air de ses faits merueilleux. Le Pape louë, & remercie la Diuine Bonté qu'il voyoit en son regne, fortifier l'Eglise par vn nouveau secours de ce grand Capitaine, qui leueroit vn si bon nombre de soldats, & luy feroit escorte, contre l'armee ennemye, le diable, avec le monde peruert, & corrompu. Le sieur Archeuesque pour n'estre veu ingrat deuant Dieu, & ses Anges qui auoit donné commencement à vn si grand bien és lieux de son Diocese, & iurisdiction, cōtribue ses faueurs:*

desque-

desquelles il portoit de tout son pouuoir, les grands desseins du S. Homme: va en personne à Paule le trouuer, & voir le Miracle de son siecle: & pour luy marquer d'auantage sa deuotion, voulut luy mesme mettre la premiere pierre au fondement de l'Eglise de son Monastere, luy promettant comme les effects ont fuiuy, autant de priuileges qu'il en desiroit pour son establisement.

Au temps qu'õ edifioit ce Monastere, Dieu qui comme principal Architecte, entreprenoit la conduite de l'ouurage, touche les cœurs des manans és lieux circonuoisins, pour y contribuer leurs peines, & quelques iournees: vn iour donc entre les autres, vne quantité de manouuriers se presentent à trauailler, pour l'amour de Dieu: desquels vn nommé Sauueur de Scana en aduise le bõ Pere, qui luy enioint aussi tost aller en la cuisine, & faire cuire des feues pour leur disner. Le manouurier va, espluche les feues, les met au pot: mais il viét dire au bon Pere, n'auoit rié trouué de plus froid que les cendres, qu'il ne sçait où trouuer du feu: le S. Homme luy dit: *Ne vous souciez pas de cela, mettez seulement le pot sur les cendres telles que les trouuerez.* Il obeyt, & voit aussi tost le Miracle, le feu naist au milieu des cendres froides & au mesme instant, fait bouillir, & cuire les feues à temps pour la refection des manouuriers. Vrayement la parole de l'homme de Dieu, est vne torche ardente allumant ce qui est esteint, voire mesme eschaufferoit des cœurs prins, ou peschez à la mer glaciale.

*Miracle du  
feu produit  
entre les cē-  
dres.*

Q

Au

Au Conuent de Paule demouroit vn ieune homme seculier, que l'on auoit prins au seruice de la maison, particulierement à raison des bastiments où il s'employoit avec le reste des ouuriers. C'estoit au temps des nouuelles figues, qui est vn fruit assez exquis par tout ce pays là. Ce seruiteur gaigné de friandise, cueille, & mange celles qui à son aduis, estoient les plus meures, sans en faire part à persõne: les ouuriers, ou qu'ils fussent mescõtents, de n'auoir ensemble butiné les premieres despoüilles de l'arbre: ou bien si mieux aymez, pour garder la fidelité, que doit vn seruiteur à la maison de son maistre, accusent le friand au S. Homme: il est appelé pour respondre à ceste accusation: il se deffend, & aussi hardiment, que pour auoir plustost fait, il nie le tout. Le S. Homme voyant autant de resolution, aux dits des vns, comme aux redits de l'autre, & en consequence le mensonge de qui que ce fust: luy aussi peu soucieux des fruits auallez, qu'outré de douleur, pour voir Dieu offensé, côclud tirer le tesmoignage des creatures inanimées, que les raisonnables desnioient. Il les appelle tous à la cuisine où pour lors se trouua sur le feu vne chaudiere pleine de lexiue bouillante, & retroussant ses manches, met les bras nuds iusques au fond de la chaudiere, où les ayans tenus quelque espace de temps à la veüe de tous, les retire sains, & sauues, puis se tournant vers la compagnie: *Regarde mon fils,* ce dit-il lors au seruiteur, *fais ce, & comme i'ay fait, & ie te promets de la part de Dieu, que si tu nas mangé les figues; tu retireras les bras*

*Enfonce son  
bras dās vne  
chaudiere  
bouillante,  
sans aucune  
lesion.*

*les bras de la dedans, sans aucune lesion, pour signe de ton innocence.* Ce pauvre garçon demeurant vuide de responce, & plein de confusion, pour la couvrir, tourne dos, aduciant, par vne fuyte honteuse, ce qu'il auoit tousiours desnié, avec vne constance mensongere.

Ce seroit peu voir les créatures inanimées, toutes estans deputés au seruice de l'homme, s'employer pour faire voir la malice d'un meschant valet, si elles ne faisoient quelque chose d'auantage, pour descouurir la saincteté du fidel seruiteur de Dieu. Le feu donc qui a fait l'un, va faire l'autre. Ce fut au commencement que l'on trauailloit au Monastere de Paule: vn mareschal promit au bon Pere luy donner pour l'amour de Dieu, son temps, & ses peines, tant qu'il l'emploieroit pour ouurer quelque chose, qui despendoit de son mestier: au cas toutesfois qu'il le fournit de charbon, qu'il auoit peine de trouuer. Le bon Pere accepte l'offre de bon cœur, & se met aussi tost en deuoir faire du charbon: il appelle vn de ses Religieux, frere Florentin, pour luy ayder, creusent ensemble vne fosse, ou ils accommodent le bois, & le font brusler, iusques à tant, que l'ayant veu suffisamment tourné & reduit en charbon: pour l'estouffer, & empescher de se consumer d'auantage, ils couurent la fosse de terre: & comme le feu qui est subtil, & actif, & le plus des Elements, trouuoit passage par diuerses fentes, vomissoit ses flammes: le S. Homme mettoit ses

*Ses pieds  
nuds seruens  
d'obstacle*

pieds nuds au deuant, avec lesquels il estoit  
poit les trous, iusques à tant que frere Florentin

*pour empê-  
cher au feu  
de passer.*

eust apporté de la terre, pour les bien boucher les vns apres les autres : & que le feu demeurast entierement estaint. Ce qui reste admirable en cecy est que les pieds du S. Homme demurerent aussi dispos apres auoir touché le feu si longuement, comme s'il n'eust esté rien de tout cela.

Les Conuents, & Religieux multiplioient de iour à autre, qui faisoient naistre nouuelles affaires au sainct Homme. On luy escriuoit de ce lieu cy, de ce lieu là: d'une chose, puis d'une autre, selon les occurrences des lieux, des tēps, des personnes, avec qui il conuient à vn supérieur de traicter: & plus encores és commēcemens, pour établir vn Ordre. Ces considerations dispensoient le bon Pere se seruit quelquesfois de l'esprit, & de la main des autres ses confreres, pour aduancer son meſnage exterieur, & ne rien reculer de son interieur. Cōme avec telle vigilance il se remarque en ceste particuliere action. Le bon Pere auoit receu des lettres, il appelle frere Balthasar, vn Religieux bien fort capable: il les luy baille pour les lire, & apres la lecture luy en referer le cōtenu en substance: ce Religieux lit les lettres, & cherche le bon Pere, pour luy en donner entendre le sujet cōme il luy estoit enchargé. Il vient, & le trouue à la cuisine, qui frizoit du poisson dans vne poelle pleine d'huile, qu'il tenoit sur le feu: *Et mon Pere*, ce luy dist-il, *que faites vous là? ie fais cuire du poisson pour vous*, respondit le S. Homme: & quoy dist le Religieux, *il est tout bruslé: ostez le, s'il vous plaist de là, autrement ce n'est que bien perdu*, le bō Pere tenoit

tenoit à la verité vne poëlle sur le feu, & s'ô es-  
prit arresté dās le Ciel, pour ne viser de si près  
aux actions de la terre. Car aussi simplement  
qu'il laissoit brusler son poisson, il exposa par  
apres ses mains au mesme danger. Il suit le cō-  
seil de ce Religieux pour oster le poisson de la  
poëlle, & icelle du feu, mais son innocēce pas-  
sa encore plus outre: avec les mains nūes il  
prend les poissons du milieu de l'huile boüil-  
lante, sans estre en façon du monde offensé.  
Dieu veilloit ainsi à la conseruation de celuy  
qui ne ruminoit autre chose que luy rendre vn  
bien humble seruice.

*Il tire avec  
les mains du  
poisson, du  
milieu de  
l'huile boüil-  
lante.*

Il n'y auoit œuure de charité où le saint  
Homme ne s'exerçast à mesure de son pou-  
voir, & cela estoit tellement reconnu, que  
quiconque se sentoit pressé de quelque extra-  
ordinaire, il prenoit son secours vers le saint  
Homme, comme en vn fort asile. Vn habi-  
tant de Paule se voit en vser ainsi libre-  
ment: Ses ennemis le poursuiuent, il se  
sauue droit au Conuent du saint Homme,  
qui le reçoit & tient là caché quelques  
iours, pendant lesquels il tombe malade.  
Le bon Pere commanda à ses Religieux de le  
soliciter bien particulierement: Et pour autāt  
que l'aduis du Medecin auoit esté luy faire vn  
lait d'amandes, celuy qui seruoit le malade a-  
noit mit des amandes avec l'eau dans vn chau-  
deron, & iceluy sur le feu pour tiedir l'eau &  
les peler facilement. Ce seruiteur emporté  
d'autres affaires, oublie celle cy, & laisse boüil-  
lir l'eau à gros boüillons, lors que quelqu'un  
de la compagnie aduisant cela, s'escrie, Helas



*Plonge son  
bras dās leau  
bouillante.*

voila les amandes gastees . Le saint Homme qui estoit là present. *Et bien, ce dit-il, il ne faut que les tirer hors de l'eau: & disant cela il leue sa manche, & plongeoit sa main avec vne partie du bras dans ceste eau extremement chaude, iusques à tant qu'il eust tiré la derniere des amandes, qu'il cherchoit aussi patiemment, comme s'il eust eu la main dans l'eau tiede ou froide, d'ou il la retira sans aucune lesion, & en presence de la compagnie.*

Comme la vertu est vn blanc exposé à la veuë de tous, ainsi a elle de coustume subir la censure des esprits poussez de leur passion, bōne ou mauuaise, & receuoir le iugement de mesme nature. Les bonnes ames qui voyoient ou entendoient les dicts & les faitts du saint Homme, receuoient cela comme nouuelle inuention de benir Dieu . Celles qui ne se donnoient assez sur leurs gardes s'exposioient es mains de l'ennemy commun de nostre salut, comme flesches & armes offensiuës pour blesser par autruy la vertu, duquel il ne pouuoit & n'osoit attaquer luy mesme . Et les vns comme les autres n'emportoient par leurs efforts qu'une confusion aussi notabl'e pour la gloire du Saint, que pour la penitence de l'agresseur . Voicy dequoy . On edifioit le Couuent de Paterne avec toutes les diligences que le bon Pere y pouuoit apporter : pendant que l'enuie ramassoit les moyens propres à sa ruine : Ce fut par l'entremise de frere Antoine Scuzzette, Prestre, Religieux profez en l'Ordre de saint François d'Assise: qui venant

venant prescher à Paterne, voyant la deuotion que le peuple tesmoignoit vnaniment enuers le S. Homme, pour l'aduancement de son Ordre: la ferme croyance qu'il auoit de sa sainte vie, gaigné peut-estre d'une sinistre opinion, que l'aduancement de l'un pourroit seruir de retardement à l'autre, s'aveuglant pour ne voir que Dieu manie les cœurs, & employe les affections des hommes à la mesure des vertus & merites qu'ils admirent és autres: que pour estre estimé du monde ( si le desir en est permis ) il est requis receuoir ce premier aduantage du Ciel: oubliant la premiere regle des actions humaines, *Regarder Dieu se iuger soy-mesme laisser le iugement d'autrui à celuy ou ceux qu'il est commis:* continuoit ses predications & mesdisances qu'il prononçoit publiquement & en particulier contre les actions vertueuses du saint Homme, contre sa forme de viure, contre la facilité des miracles, contretout le bien que son esprit alteré luy dictoit estre mal: iusques à ce que son impatience l'ayant emmené au Monastere, en intention affronter le bon Pere chez luy: vient, & le trouue qui estoit proche du feu: le blasonne plus que iamais, qu'il croyoit pouuoir faire plus que les autres: sa vie estre trop austere, c'estoit à dire indiscrete: aucū des Peres anciens n'auoir iamais espousé vne forme de viure si estroite: le choix particulier qu'il en auoit faict demeurer d'autant plus suspect: qu'au reste on auoit peine recognoistre la cause des cures qu'il rendoit, comme tous les iours: les miracles n'estre necessiteux du



secours de certaines herbes, desquelles neantmoins il se seruoit à tout propos. Tout cela ensemble & plusieurs autres choses qu'il vouloit taire, n'estre sans quelque suspicion de tromperie: plus aduisez queluy y auoir esté surprins, qu'il se donnast de garde. Et mille autres fadaïses qu'une langue mesdisante est capable d'exprimer. C'estoit lors au bon Pere faire voir la prouision grande de ses vertus, sur tout de sa patience, autant & plus que celuy-cy de sa passion. Et comme ia il auoit pratiqué à l'endroit du Cubiculaire enuoyé de la part du Pape, & vn autre Prestre de deçà les Monts, qui luy auoient tenus quasi semblable iargon, bien que non auec tant de chaleur: il fit sentir la raison à cet exacte censeur de sa vie, par le tesmoignage d'une creature insensible, & moins raisonnable: il approche le feu, & prenant les charbons ardents à pleines mains, les tint vn long temps, & les presente au Pere Cordelier: *Tenez*, ce luy dit-il, *eschauuffez vous, & ie vous en prie, car vous en avez de besoin*: luy faisant entendre tacitement que le feu de charité estoit esteint en son ame, & comme si la parole du saint Homme eust esté vn autre feu présenté deuant vne dure glace, elle penetre & agist si viuement en l'ame du Pere Cordelier, que le voila fondu en larmes, & ietté aux pieds du saint Homme, recognoist ses fautes auoir indiscretement parlé, & plus rémerairement iugé ses plus que louables actions, qu'il luy en requiert vn bien humble pardon, comme deslors il s'obligeoit satisfaire aux scandales  
passez.

*Il empoigne  
des charbons  
ardents, pour  
verifier à vn  
Pere Corde-  
lier son inno-  
cence.*

passiez. L'experience faiçt cognoistre que pour donner forme à vn fer, c'est le ietter au feu. L'enuie estoit vn fer bien fort picquant que ce Religieux portoit dans son cœur: mais mis au feu de la charité du saint Homme, il prend toute vne autre forme, si qu'au lieu de le plus offenser, c'estoit desormais chanter hautement ses louanges, ses merites, sa vertu digne d'estre chérie de Dieu & des hommes.

Au mesme Conuent de Paterne le feu rendit vn autre respect aux merites du bon Pere: C'estoit le soir apres Complices qu'il vint à la Cuisine prendre du feu, & le porter à sa chambre, qui estoit bien distante du Conuent environ le long d'un traict d'arbalestre, tout au bout du iardin de la maison. Il vient donc heurter à la porte: Le Cuisinier nommé frère Pierre, luy ouure: qui voyant ce qu'il desiroit, luy donne deux bastons de Pin, sur lesquels il auoit agencé plusieurs & gros charbons ardents. Le bon Pere remist les bastons, & prend entre ses mains les charbons tous en feu, les porte droit à sa chambre: le Religieux le suiuiot des pas de son corps, & estonnemens de son esprit, iusques à sa cellule: où il vid ses mains aussi fraisches, comme s'il eust touché quelque autre chose, qui n'eust sçeu faire aucun mal.

*Il porte des  
charbons ar-  
dens entre ses  
mains.*

André Spane, citoyen de Catanzare, estoit venu visiter le saint Homme à Paterne, qui luy monstrant les lieux & iardinages de son Conuent, & puis sortans dehors pour voir les matériaux que l'on apportoit pour les  
bâtimens

bastiments du Conuent, il le conduit iusques à vn certain lieu, où l'on auoit fait deux fournaïses, vne pour cuire des tuiles, & l'autre les pierres de chaux. Le bon Pere, pour ne perdre téps, met le feu en la fournaïse des tuiles seulement, & s'en va: le lendemain, il cōduit des ouuriers, pour retirer les tuiles du fourneau: cela faiët, il dict: *retirez aussi les pierres à chaux.*

*Chaux cuite  
miraculeusement.*

Les ouuriers luy remonstrent qu'elles n'estoient point cuittes, & qu'on n'y auoit allumé du feu nullement. *C'est tout vn,* dict le bon Pere, *regardez de les tirer presentement*: ils ouurent la fournaïse: ils voyent tout cuit, & sans autre feu que la parole du saint Homme, qui estoit vn feu fort assez, pour eschauffer les cœurs des hommes, à l'amour de Dieu, & le reste des creatures, à luy rendre vn prompt seruice, conuenable à leur nature.

Le sieur Iean de Baudricourt, Marechal de France, & gouuerneur de la Bourgogne, (c'est celuy la qui feut enuoié du Roy Loys onzieme pour amener le S. Hôme en France) auoit vn chappelet de bois, qu'il gardoit, avec bié de la deuotiō, à raison que le S. Hôme luy auoit donné. Aduint que son valet de chambre le deshabillant, par inaduertence le laisse tomber dans le feu, sans s'en apperceuoir: le matin venu, ce Seigneur estant habillé, demande ses patenostres. On cherche, on remüe, on regarde deçà, dela: on ne les trouue point. Pendant ce trouble, vn des seruiteurs allant pour allumer le feu, il remüe les cendres, & les charbons ardents, parmi lesquels il apperçoit

*Chappelet de  
S. François  
donné au  
Seigneur de  
Baudricourt  
demeure vne*

çoit le chappelet & s'escrie aussi tost : *Mon* nuit dans le  
*Dieu*, ce dit-il, *le voila bruslé*. Ce Seigneur feu sans  
 s'approche avec ses domestiques qui estoient brusler.  
 pour lors presens, & recueillent le chappelet  
 aussi sain & entier, comme s'il n'eust appro-  
 ché du feu : où il auoit demouré l'espace de la  
 nuit. Priuilege des mesmes faueurs que cer  
 Element rendoit au corps, & autres choses  
 qui auoyent seulement attouché le saint  
 Homme.

*Familier à  
 saint Fran-  
 çois de porter  
 le feu: en ses  
 mains ou  
 dans son ha-  
 bit.*

Cen'est plus vn miracle mais plusieurs ce  
 que ie vay raconter pour vn, apres la deposi-  
 tion de tous les Religieux des Conuents du  
 Plessis lez Tours, d'Amboise, & autres lieux,  
 que le saint Homme a honorez de sa presen-  
 ce: que ce n'estoit qu'un ordinaire, & comme  
 tous les iours, & en chacun autant de fois que  
 la necessité le vouloit, prendre le feu avec les  
 mains nuës: quelque fois dās son habit le por-  
 ter vn fort loing sās aucune lesiō de l'un ou de  
 l'autre: comme s'il eust manié seulement, &  
 empoigné les fleurs bien fraische d'un iardin.  
 Ce fust vn coup de la Diuine, & infinie Sa-  
 pience qui ne faict rien qu'à dessein, conclure  
 les œuures merueilleux du saint Homme par  
 vn miracle fait au feu, comme il les auoit cō-  
 mencées par vn autre de feu. En la nuit de sa  
 conception on void vn feu miraculeux, au  
 iour proche de sa mort, en voicy vn autre. Peu  
 de temps auparauiant sa mort, qu'il sçauoir  
 fort bien, le saint Homme assemble tous ses  
 Religieux en l'arriere Sacristie de son Con-  
 uent de Tours, pour traiter avec eux familie-  
 rement de sa Regle, des statuts & obseruances  
 qui

qui seroient à garder, apres estre separé de leur compagnie : sur tout du quatriesme vœu de la la vie Quadragesimale qu'il les exhortoit accepter. Les discours tiroient vn peu à l'ogueur, & trop ce sembloit, à raison du grand froid que la cōpagnie sentoit : qui luy fit recognoistre avec signes d'impatience qu'ils n'en desiroient que la fin: spécialement vn frere Iean Geneuois, homme docte & vertueux, mais qui ne pouuoit en façon du monde gouster ceste forme de vie Quadragesimale avec obligation faicte par vœu: non plus que plusieurs autres que l'estime de cestui-cy auoit trainé à son opinion, parmy la cōmunauté des Religieux. Le bon Pere desirant se seruir de l'occasion, il dist au Despensier d'apporter du feu au milieu pour eschauffer la place. On apporte aussi tost vn grand reschaud de cuiure plein de charbons ardents, on l'approche du bon Pere: *Non non*, ce dit-il au Despensier, *ie n'en ay pas besoin: mais portez-le deuant frere Iean Geneuois, car il a merueilleusement froid*: voulant dire qu'il manquoit d'amour, pour faire ce à quoy il les exhortoit: & l'autre qui entendoit bien ce langage, qui a bien dire respondoit à ses pensées, dissimulant sagement pour l'heure, laisse asseoir le reschaud sur le plâcher, qui s'eschauffe tellement à raison du vaisseau, que le voyla tout en feu, & comméce à brusler le bois dont ceste petite Sacristie estoit planchée. Cet incident cause vn nouveau trouble, ils veulent remedier à ce feu, ils ne peuuent comme quoy toucher le reschaud qui est allumé comme vn autre feu. Le saint Homme leur



leur dit d'apporter des tuilles, & ce pendant il prend le reschaud ardent avec les mains nuës, & le tient en l'air plus despace de temps qu'on ne seroit à dire trois *Pater noster*, iusques à ce que ceux qui estoient allez chercher des tuilles, les apportant, le saint Homme posa le reschaud dessus sans s'estre offensé nullement. Les Religieux restans si estonnez à la veüe d'un si euident miracle, que rien plus: auxquels le bon Pere commandant reprendre leurs places, continue son discours, estayé de ce merueille: d'où en guise d'un brave Orateur, il tira promptement sujet pour leur persuader ce qu'il desiroit d'eux, d'aimer Dieu sur toutes choses, & leur estat: repetant souuent ces paroles: *Sçachez, mes enfans, que rien n'est difficile à celuy qui ayme Dieu vraiment: & que les creatures telles qu'elles soient obeissent sans cōtredit à celuy qui luy obeit filialement: avec autres semblables paroles, accompagnées de Propheties, & suiuiues de miracles que le saint Homme prononça avec la mesme energie qu'elle eust le pouuoir gagner ce qu'il desiroit d'eux tous: dont le premier fut ce frere Iean Geneuois, qui demandant pardon au saint Homme des oppositions qu'il auoit formées le passé, gagné d'une iuste crainte ce luy sembloit, pour ne pas sobliger à ce dont les forces luy faisoient naistre la deffiance: qu'à l'aduenir, comme par forme de satisfaction, il porteroit par son exemple le courage des autres, avec le lien, aux plus belles & iustes occasions de faire paroistre à la fois du zele enuers Dieu, & de la resolution*

*Il confirme le  
veu de la vie  
Quadragesi-  
male par un  
miracle au  
feu.*

solutiō pour vne entiere obseruāce de l'Ordre.

Le feu couuert des cendres, n'est pas moins feu que celuy qui brusle à descouuert. Le grād amour du S. Homme, tant & tant de fois symbolizé miraculeusement par le feu, à faict veoir apres sa mort, comme pendant sa vie, par des effects miraculeux, le feu d'amour qui embraze dans le Ciel, ceste ame bien-heureuse; d'autant plus qu'elle est proche de Dieu, que Moyse qualifie *vn feu consumant*. Ce feut donc l'annee 1618. Dieu permettrāt pour quelques causes ou naturelles, ou secretes, qu'il s'esleua vn vent, & vne tempeste si orageuse sur la Mer, qu'il sembloit que cest Elemēt furieux, voulut engloutir la Ville de Paule. C'est aussi tost de de s'encourir, & sauuer au Conuent du S. Hōme: ou les habitants trouuerent nos Peres, & Religieux, assemblés dans l'Eglise: avec vn chacun le Cierge ardent en la main, & qui alloient sortir en Procession pour appaiser lire de Dieu, qui s'exerceoit en l'air & sur la Mer. Ils sortent donc tous en Procession suiuis presque de tous les Cytoiens de la Ville: lesquels feurent tesmoins, comme ils veirent de leurs yeux que les Cierges portés par les Religieux, s'estants tous estaints au sortir de l'Eglise, à raison des vents si fort impetueux & extraordinaires: au retour de la Procession, les Religieux rentrāt dans l'Eglise, les Cierges feurent veus en vn instant, & ensemble rallumes: d'ou vn chacun commēce à s'asseurer, que le S. Hōme viuoit pour eux dans le Ciel, ou il fairoit en brief respondre fauorablement à leurs requestes, comme l'effect aussi tost s'ensuiuit.

*Effects*

*Effets miraculeux de S. François de Paule és  
corps graues & pesants, lesquels il rendoit  
comme legers & traittables.*

# CHAPITRE XVIII.

**L**Es plus communs, & non moins admirez *La cause na-  
tuelle suspen-  
due de son  
propre effect.*  
miracles, semblent estre ceux esquels nous  
voyõs les causes qui naturellemēt & tousiours  
produisent leurs effets, s'en despoüiller, & se-  
parer par vne disposition surnaturelle & ex-  
traordinaire: possible toutesfois quand telle  
est le bon plaisir de celuy qui les gouuerne &  
toutes choses, ie dis Dieu seul. Car comme la  
cause est premiere que son effect, elle ne tient  
rien de luy, & peut estre ou demeurer sans luy.  
Les histoires sacrees verifient mon dire. Elles  
vous persuadent premierement qu'une cou-  
leur peut estre obiectee à la veuë bonne, &  
disposée comme le milieu, & toutesfois elle ne  
se verra point: que Dieu peut s'il veut, faire  
qu'un corps lumineux soit veu tel, ou aultre-  
ment, comme s'il estoit sans lumiere: que le  
feu qui est treschauld, ne puisse brusler nõ pas  
mesme eschauffer: & infinies choses sembla-  
bles & merueilleuses, que la briefueté m'obli-  
ge passer: pour contempler, & avec beaucoup  
de sujet admirer les corps graues & pesans ar-  
restez & suspēdue en l'air. Autres maniez & re-  
muez comme quelque chose legere: ou que  
l'eau & l'air pouuoient facillemēt porter. Moy-  
se en la mer rouge, & Iosué au Iordain ont  
faict



fait dresser les eaux , & leur ont donné autre cours que le naturel de cest element eut voulu . Elisee faict nager sur les eaux le fer pesant d'une coignée . I E S V S - C H R I S T avec son corps & sa pesanteur a cheminé sur cest element liquide . Il a faict part de ce priuilege à son premier Apostre S. Pierre . Et ceste histoire nous en fera voir autant en la personne de S. FRANÇOIS de Paule .

Lors qu'il faisoit edifier l'Eglise de son Couuent de Paule , il alla vn certain iour trouuer vn manant de la ville , qui luy estoit fort affectionné , il se nommoit Martin Cissiac , le suppliant charger , & emmener avec ses bœufs , vne piece de bois necessaire , pour la charpenterie du clocher . Le paystant luy dit , que volontiers il le feroit , n'estoit que la nuit estoit proche , & ne luy permettroit retourner assez tost au Monastere . Le S. Homme luy donnant assurance , qu'ils auroient assez de temps . Le paystant pour le respect , & reuerence qu'il luy portoit , bien que son iugement luy dictast qu'il ne seroit de retour à minuit : le miracle de la fournaise ardente de laquelle estoit sorty sain , & sauue , comme y estoit entre le S. Homme , luy ayant ja acquis beaucoup de creance , reposé sur sa parole , mit le joug à ses bœufs , & cheminent ensemble iusques pres d'une riuiera , où estoit la piece de bois . Le chemin semblant difficile d'abord , & allans pour recognoistre quelques aduenues plus faciles , pour approcher les bœufs , il se presenta vn autre plus grand empeschement , c'estoit le bois trop pesant  
pour

pour le peu qu'ils estoient à charger. Ce voyant le payfan, dist au saint Homme: *Nous serons icy venus en vain, à peine pourrions nous leuer ce bois de terre, & puis les cailloux empescheront mes bœufs de passer. Allez seulement accommoder vos bœufs,* dist le saint Homme, *& ne vous souciez de rien plus.* Le payfan obeyt, & à son retour trouua la piece de bois passée de là le chemin pierreux. Ils la chargent, & attachent: arriuét de bonne heure au Monastere, laissant matiere de meditation à ceux qui receurent la connoissance de ce fait miraculeux, iugeas tous qu'à peine dix hommes eussent leué de terre ce que deux seulement avec grande facilité, & en peu de temps auoient fait.

Comme les bastimens du Couuent de Pa-  
terne s'aduançoient de iour à autre, fut veu qu'un pan de mur assez haut, se creuoit, & menaçoit d'une ruine prochaine. La curiosité assembloit plusieurs personnes pour le voir. La nécessité leur demandoit secours. Mais la chose impossible sembloit demeurer assistee seulement, & estayee de leurs bonnes volontés, sans rien plus. En ceste compagnie arriue S. FRANÇOIS de Paule, qui ayant fait le signe de la Croix contre la muraille, & pronocé le saint nom de IESVS, les ruines s'arrestent si fermement, que iusques au iourd'huy le miracle se fait voir en un mur demourant sur pied, en tel estat neantmoins come si tousiours il estoit proche tomber, soustenu de la seule, mais parole efficace du saint Homme.

Vne autre presque semblable histoire. Comme ainsi soit qu'ès bastimets de ses Monasteres,

R

res, ce.

*Fardeau d'une pesanteur excessive facile-ment leué de deux hommes.*

*Mur ruineux & prest à tomber, arresté par S. François.*

*Autre miracle de semblable espere.*

res, il fut veu ordinairement entre les manouvriers, & le premier é besogne, trauaillât avec eux, en vn autre de ses Conuens, il apperceut vne pierre grosse & grande merueilleusement, proche de tomber droit sur l'attelier, qui ne pouuoit autrement que tuer, ou blesser plusieurs des manœuvres : & luy mesme qui couroit pareille fortune avec eux, les voyla tous arrestez de besongne, l'œil fixe en haut, pour en faison, & à point se retirer & dōner garde du peril imminent. Le S. Homme inuoquant le Tout puissant & le salutaire nō de IESVS fit le signe de la Croix vers la pierre, qui soudain la soustint immobile, comme si elle eust esté portee de quelque fort estanson, deliurant la compagnie de frayeur, & danger.

En la poursuite de ses bastimēs, il fut retenu à raison d'vn roc ou pierre si grosse, que trente hommes n'eussent peu aucunement l'esbranler. Elle occupoit le lieu premier des fondemens, & empeschoit jetter le lignement, ou niueau requis és reigles de l'architecture. L'aduis commun fut la rompre, & retirer en morceaux. pour commencer vn des manouvriers s'approche avec vn marteau, ou mail de fer, mais ou que par son indiscretion ou par l'aigreur, & resistance trop forte de l'ouurage: ou bien quelque autre inopiné aduenement il arriue au premier coup qu'il s'offensa outrageusement à la main. Gagné de ceste douleur extreme, & emporté de choleres se lasche facilement aux effects bilieux, execrant, & blasphemāt le Cordō de S. FRANÇOIS. Ce que voyāt le S. Homme non sans compassion, du malheur arriué

*Masse de  
roc enleuee  
de son lieu  
qu'elle in-  
commodoit  
et iettée dās  
la riuierre  
par l'effica.*

arriué, & patience grâde aux blasphemes trop *ce des me-*  
 passionnemét vomis cõtre son innocéce, dilli- *rites de S,*  
 mule charitablemét ces premiers mouuemẽs. *François.*

Enuoye doucement les ouuriers au disner, & demeure seul à l'attelier. La refectiõ prise hõ- nestemét, les manouuriers retournans à la be- songne, trouuerét que la pierre auoit esté trãs- portee de son lieu, le fossé que premierement elle réplissoit rester vuide, & qu'elle estoit de- stournee de sa place ordinaire, & iettee dás la riuiere. Le tout passé ainsi miraculeusemét les raut en admiratiõ: leur fait croistre en la bou- che les loüanges de Dieu, & de sõ seruiteur S. FRANÇOIS, tire à penitéce le blasphemateur: lui persuade se ietter aux pieds du S. Hõme, & luy demander humblement pardon de son peché: verifie à tous assistãs pour lors, & qu'à l'adue- nir s'arresteroiét pour contépler ceste œure furnaturelle, la promesse à laquelle Dieu s'est obligé par son Euangile. *C'est que quiconque de ses seruiteurs aura la foy ferme commandant à vne montagne se retirer & ietter dans la mer, se- ra obey promptement;* comme s'est veu claire- ment en ce fait miraculeux.

Dieu tesmoignoit souuent, & par forts argu- mens combié la besogne, que le S. Hõme em- ployoit, à l'aduancement de ses Monasteres, luy estoit agreable, puisque luy-mesme y met- toir la main, quand les hommes iugeoient les *Fardeau de*  
 fardeaux n'estre maniables. Comme lors que *dix hõmes.*  
 le bon Pere partit de Paule avec dix hommes *chargé dás*  
 dans vne nasselle pour emmener d'un lieu nõ- *vne bar-*  
 mé la Guardia certaines pieces de bois, cõme *que, par la*  
 poutres & soliues neceessaires aux bastiments *seul saint*  
*François.*

huiët iours, reſtoit ſeul en la maiſon: les autres eſtoient allez à la montagne couper le bois propre pour la charpenterie. Le bon Pere luy dit: ie vous prie que puisſque nous aduançons peu, ou rien icy, allons trouuer, & ayder les autres au bois. Les voyla donc enſemble partis, & arreſtez vers le milieu du chemin, par la rencontre de deux ſommiers que le bon Pere aduife, & diët à ceſt homme que les bœufs és iours paffeſſez, les auoient là laiſſez, ne pouuant les tirer dehors: qu'ils les miſſent maintenant au chemin pour leur charger lors qu'ils paſſeroient. Ce pauvre homme guidé ſeulement du ſens & de la nature, voyoit le lieu ruineux, plein de groſſes pierres au chemin. Le fardeau paſſer les forces de deux, voire de dix hommes. Commence à rire, *Et mon pere,* ce dit-il, *ſi les bœufs n'ôt peu tirer vn ſi lourd fardeau, comme quoy entendez vous que le puisſions porter? Mon amy vous auéz peu de foy,* dit le bõ Pere. Ceſt homme auſſi groſſier encores d'eſprit que de paroles repartit en mocquant. *Et bien i'ay la foy, chargez vne de ces pieces de bois ſur mes eſpaules ie la porteray:* il croyoit la choſe impoſſible, les paroles de gaufferie ſont ſuiuies d'effets ſerieux. Le ſainët Homme leue vn des ſommiers, & luy met ſur l'eſpaule. Il prend celle qui reſte, & la porte ſous ſon bras iuſqu'au chemin: le tout avec aſſez de facilité. C'eſtoit lors de voir le manouurier bien eſtôné, non pas ſonner vn ſeul mot, iuſqu'à tant qu'arriué en la compagnie des autres de l'abondance de ſon cœur diſoit, & rediſoit ſans fin qu'il auoit en ce iour veu des merueilles, &

*Semblable  
miracle.*

depuis c'estoient les plus communs deuis, en toutes les compagnies où il se trouuoit,

*Autre miracle pareil.*

Les bastimens du Conuent susdicts s'aduançoient fort, lors qu'aduint le faict suiuant. Le S. Homme s'adressant à Iean de Franc, c'estoit vn des principaux ouuriers : Iean, ce luy dit-il, pour le peu qui reste à parfaire l'Eglise, ie desire que chacun y trauaille pour auoir plustost expédié. *Venez suyuez moy: nous porterons des pierres, qui seront telles que le maître architecte les nous demande.* Ils vont ensemble, où passant proche d'une petite riuere, ils voyent vne pierre fort grosse: elle pesoit bien trois quintaux, & vn quintal plus de trois cës liures, à peine six homes l'eussët peu mouuoir de sa place. Le S. Homme luy dit : *En charité voyla vostre charge trouuee, portez la maintenãt. Ce manouurier: Et quoy mon pere, le moyen de ce faire? ne considereZ vous pas qu'elle passe mes forces, voir plus de quatre, & de six avec moy? Le S. homme, non non : ne croyez pas que ie vous commande chose impossible : vous la porterez facilement & disant cela il la marque du signe de la Croix, la leue luy seul, & la charge sur les espauls du manouurier qui cheminãt ainsi iusques à l'attelier, iettoit vn estonnement dans les cœurs de tous ceux qui voyoient si sensiblement ce grand miracle, & encores d'auantage lors qu'il tesmoignoit à ses compagnons, qu'il la sentoit fort legere, chose d'autãt plus facile à croire comme la façon de la porter en cheminant se iugeoit aysee, & sans peine. Cependãt le S. Homme enseignoit par là tacitement au monde qu'il n'y a rien si facile à porter, que*

ter que le joug de nostre Dieu, en l'obseruance de ses conseils, & commandemens.

Les materiaux propres à l'edifice de s<sup>o</sup> Eglise, & Monastere se prenoient pour la plus part sur vne montaigne contiguë de Paule, spécialement le bois de la charpenterie. Il aduint vne fois entre les autres qu'un des charpentiers couppoit vn arbre de telle grosseur, qu'à peine quinze hommes l'eussent peu leuer. Il adresse si mal pour le ietter par terre, qu'il le fait tourner vers le precipice de la montagne, de la part qui estoit inaccessible aux charriots, pour le charger & amener : les autres charpentiers regrettoient couper cest arbre en pieces plus menuës : qu'entier il leur deuoit bien seruir d'auantage : le retirer d'ailleurs à force d'hommes estre chose sinon du tout impossible, au moins grandement difficile. Que feront ils ? Que ne feront-ils pas ? vous les voyez arrestez, suspens d'esprit, de conseil, & de labeur sans rien aduancer la besogne, que de paroles. Le S. Homme leur commada d'aller faire collation, & qu'apres on aduiferoit ce qui seroit de faire, & ce pèdant qu'il les attendoit là. Les charpentiers s'en vont prendre leur repas : mais avec tel si, qu'ils ne perdoient de veuë le saint Homme, pour espier ce qu'il feroit en leur absence : se doutas de ce qui arriua. Ils virent donc le bon Pere prendre l'arbre par vn bout à deux mains, & le tirer apres soy iusques au chemin aussi facilement comme il eusse trainé vn baston de fagot. Dix, quinze hommes n'eussent sceu faire ce qu'un seul faisoit. Aussi sa vertu excelloit

*Autre de  
condition  
pareille.*

Le saint Homme auoit autant congedié ses commoditez particulieres, & corporelles, qu'il se peinoit les trouuer pour la facilité des autres: afin que ses Religieux se sentissent eschauffez d'auantage à seruir & de bon cœur, celuy qui leur faisoit rendre tout le seruice nécessaire par ses creatures. Ce fut donc entre les autres vn article de la prouidence du S. Homme; chercher le moyen d'accommoder son Conuent de Paterne, d'vn petit ruisseau, qu'il vouloit partager d'vn courant d'eau, qui descendoit de la môtagne plus haut exaucee, mais contigue à son Conuent. Il voyoit vn rocher s'opposer formellement à son dessein, & croyoit que les hommes par l'industrie de leur art luy rendroient facile, ce qu'il ne pouuoit naturellement comprendre: ou en le rompant (mais il doute ce qui est assez dur pour rompre ceste dureté) ou bien le destournant. (Encores plus ce qui sera assez fort pour seulement le mouuoir.) Il appelle à soy les maneuures, qui traualloient au Conuent, pour vider le different de cet aduis particulier. Leur expose son desir, les difficultez qu'il rencontre pour l'effectuer, qu'il veut neantmoins que tous ensemble s'efforcent esbranler le rocher, & peu à peu le retirer à quartier, pour donner libre le conduit d'eau. Les plus experts de la troupe luy disent la difficulté de mouuoir vn si pesant fardeau, estre grande à la verité; le danger au reste est beaucoup plus grand. Veu que le lieu estoit en pente, s'ils destournoient, si peu ce fust le rocher, que l'eau ne des-



ne descédit avec roideur, & en quantité pour noyer, & gaster les terres voisines: qui adiou-  
stoit vne autre raison, l'autre la renuerçoit  
pour establiir la sienne: & riē ne s'aduāçoit de  
la besogne que force paroles fagotées de tel-  
les quelles raisons. Ce qu'aperceuant le S.  
Homme: *Allez*, ce dit-il, *ne vous donnez plus*  
*de peine de tout cela, Dieu nous aydera.* Parole  
merueilleusement efficace à la veuë de tous,  
fixe sur le rocher: aduisant ce qui seroit de  
faire, comme si les paroles prononcees par la  
bouche du seruiteur de Dieu eussent seruy de  
leuiers, & de pinfes pour mouuoir vn tel far-  
deau: ou que les creatures qui n'ont iamais of-  
fencé Dieu s'entrecognoissent, pour ne s'of-  
fencer les vnes les autres: ou s'entr'ayder mu-  
tuellement. Le voyla que sans qu'aucun le  
touche, tout seul s'esbranle, se remue, se re-  
tire autant qu'il estoit necessaire pour auoir le  
courant d'eau tant desiré par le S. Homme:  
sans qu'il en arriuaist iamais aucun inconue-  
nient, ou dōmage aux prochaines possessions.  
Les eaux donc couloient par leur conduit,  
mais non si doucement, que les loüanges sor-  
toient de la bouche de tous ceux qui y auoient  
assisté, & retournoient faire sçauoir par tout  
le miracle si euidēt qu'il ne coustoit qu'à for-  
tir de sa maison pour le voir. Comme celuy  
qui va suiuant, & demeure encores en estre  
pour vn eternal monument de la presence, &  
vertu, desquels le S. Homme a daigné hono-  
rer ce lieu mesme de Paterne.

C'estoit chose indifferente au S. Hōme dis-  
poser de la pesâteur, ou legereté des fardeaux.

*Notable mi-  
racle d'un  
rocher qui  
de soy mes-  
me se ment  
& change  
de place  
aux paro-  
les de S.  
François.*

*Il pose en  
sa place vn  
sommier: à  
quoy cent  
hommes ne  
pouuoient  
suffire.*

Il trouuoit, ou rédoit le plomb, & autres choses comme cela, aussi leger que la plume. Il manioit les poultries, & foliues aussi facilement que la paille. Il voyoit vn iour en son Conuēt de Paterne vn grand nombre d'hommes, cēt, ou enuiron, bien fort empeschez pour mettre vn sommier sur la porte de l'Eglise traualier en vain & ne le pouuoir bien proprement accommoder. Il s'approche, les fait retirer, & se chargeāt du fardeau d'vne main seule, il dresse le sommier en sa place, ce qu'ils n'auoient peu faire avec toutes les leurs. Ils le virēt tous, & demurerent si estonnez que l'admiration leur attachā leurs yeux, les vns sur les autres vn long temps, sans rien faire autre chose que louer Dieu en leur cœur.

*Miracle  
qui approche  
aucunement  
du  
precedent.*

C'estoit pour le mesme edifice & de la mesme Eglise que cest autre merueille arriua. Le S. Hōme auoit mené avec soy la pluspart des manouuriers, pour ayder à cōduire, à charger, à descharger le bois necessaire à la charpenterie. Tout au milieu du grand chemin par où de necessité il falloit passer, ils trouuent vne fort grosse, & grāde pierre, qui leur bouchoit le passage. Le saint Hōme l'aduissant dit à ces hōmes qu'auant de rien faire, il estoit besoin la mouuoir de sa place, & destourner vn peu. Ces maneures luy disent, repetent, se ferment en ceste opinion, qu'il estoit impossible la remuer seulemēt. Le saint Homme leur dit que c'est chose qui se peut faire, moyennant qu'ils luy vueillent ayder: tout au pis ce seroient leurs peines perduës: qu'au moins en sa faueur ils en fissent l'essay. Le respect aux prieres du saint

sainct Homme les approche, prennét la pierre, quasi par maniere d'acquit, resolut tousiours en leur esprit, là chose estre impossible en effect; toutesfois si facile, qu'ils la remue-  
rent aussi habilement qu'une fucille, & la iet-  
tent si lourdement sur le pied d'un de la cõ-  
pagnie qu'ils luy fracassent un doigt. Tous  
commencent à crier d'une voix confuse, ceux  
là protestoient le miracle estre trop evident:  
cestuy-cy exprimoit la douleur qu'il sentoit.  
Mais le S. Hõme accorda biẽ tost ce discordat.  
Il banda l'orteil offensé, le couurant d'une  
feuille de chastagnier, & au mesme instant le  
patient deliuré du mal, & de sa douleur marie  
sa voix avec celles des autres, pour enton-  
ner les loüanges de Dieu, & de son fidel ser-  
uiteur.

Salerne de Bunacce habitant du pays es en-  
uirons de Paterne, trauailloit au Couuent  
pendant qu'on le bastissoit. Le bon Pere l'ap-  
pelle avec ceux qui estoient avec luy à la be-  
songne, & les meine à la forest pour ayder à  
faire venir le bois de la charpenterie. Il fut  
question charger deux poutres: la premiere  
passe, bien qu'avec beaucoup de peine. A la  
seconde les ouuriers se mettent en deuoir:  
font tous les efforts possibles. Elle est si gros-  
se, & pesante que force est la laisser là pource  
qu'ils ne la peuuent leuer seulement de terre.  
Le sainct Homme s'approche, luy seul, prend  
cette piece de bois, la leue, & charge sur le  
chariot, & conduisent le tout au Couuẽt avec  
autant d'admiration, que rien plus, pour le  
miracle qu'ils auoient veu.

*Miracle sã-  
blable.*

Le sainct

Le saint Homme auoit mené plusieurs ou-  
 riers en la forest couper du bois pour ses ba-  
 stimés: entre iceux se trouua Dominique Sci-  
 pio de la terre de Regina, qui voulant mettre  
 à bas vn gros arbre, c'estoit vn pin: n'aduifant  
 pas assez bien du costé qu'il deuoit tomber,  
 pour se retirer de l'autre, le voila tout à coup  
 se rompre, ietté par terre, & Scipion engagé  
 dessous: Les ouuriers qui le voyent accablé,  
 le croient écrasé, & mort. C'est de courir,  
 crier, & s'estourdir avec toutes ces voix con-  
 fusés. Le saint Homme y vient. Mais d'un pas  
 graue, la face calme, & avec vne voix posée, &  
 reposée: *Par charité*, ce leur dit-il, *pourquoy*  
*vous troublez vous? Il n'a peu se faire mal*, & di-  
 sant cela, il baille la main, & releue celuy qui  
 estoit couché sous le pesant fardeau de l'ar-  
 bre, aussi frais, & dispos comme s'il l'eut reti-  
 ré de dessous quelque legere couuerture de  
 son liét. Bien vraye est la parole du saint Ho-  
 me: que l'on ne se peut faire mal trauaillant  
 au seruice de Dieu: puisque la verité en a pro-  
 noncé le iugement, que son ioug est doux, &  
 suaue.

*Vn maneu-  
 re accablé  
 sous le faix  
 d'un arbre,  
 est tiré de  
 là sain &  
 sauf, par S.  
 François.*

*Fardeau de  
 quatre ho-  
 mes soubz  
 leuë du seul  
 S. François.*

Non seulement par autrui, mais par son  
 propre exemple le S. Homme donnoit à entē-  
 dre combien coustent peu, pour le seruice di-  
 uin, les choses que nous iugerions bien fort  
 difficiles, & quelques-fois impossibles. On  
 veut croire que c'estoit à ceste fin, lors que le  
 saint Homme aydant à paracheuer le clocher  
 de son Eglise à Paule, se chargea, & porta ius-  
 qu'à là vne pierre si grosse, qu'à peine quatre  
 des plus forts hommes l'eussent peu seulemēt  
 leuer

leuer de terre. L'estonnement en estoit si fort dans l'esprit des ouuriers, qui leur attacha les yeux sur cest obiect, sans qu'il leur fust possible les retirer : iusques à tant qu'ils l'eussent veu en fin se descharger au haut du clocher.

Neuf hommes manouuriers, entre ceux qui seruoient les maçons, qui edifioient le Conuēt de Paterne, furent enuoyez par les maistres, pour apporter vne fort grosse pierre, qu'il vouloient poser en vn lieu propre à la taille qu'ils luy auoient donnee : ces maneures se mettēt en deuoir de charger ceste pierre. Mais il ne leur fut pas seulement possible la mouuoir, si peu que ce fust, tant elle estoit pesante. Le bon Pere les voyant en si grande peine, & trauailler en vain, s'approchant y met la main & touche ceste pierre avec les maneures : cōme par forme de vouloir leur ayder. Que diroit-on à present ? Que les choses inanimees viuent avec raison, & recognoissent par l'atouchement de la main du saint Homme le commandement qui leur venoit de Dieu ? Ceste creature qui avec sa pesanteur brauoit les forces de neuf hommes bien forts, apres le signal receu par l'approche des mains du serui-teur de Dieu, se rend facile, & maniable pour rouler, porter, & faire ce qu'on voudra : tesmoignant aux hommes leur durerē inexcusable, s'ils s'opposent avec opiniastrētē contre les aduerissemens, qui leur viennent d'en-haut, pour suire en tout, & par tout la volō-tē de Dieu.

Pour trauailler à la maçonnerie du Conuēt, on amassoit tous les materiaux qu'on iugeoit

*Miracle de  
parcille  
qualité.*

*Rocher me-  
naçant de  
chente ar-  
resté par S.  
François.*

iugeoit nécessaires. Mais le principal māquoir qui estoit la chaux. Le bon Pere prend vne partie des maneuures, & les menāt en vn lieu propre, leur fait cōmēcer vne fournaise pour en cuire, autant qu'on voudroit, iusques à ce que les bastimens fussent acheuez. Durāt cest ouurage le S. Homme aduise en haut vne fort grosse pierre, pesante plus de mil quintaux, qui alloit tomber dessus, & ruiner du tout ce qui estoit commencé, mais qui estoit le pis acabler autant d'ouuriers qu'il y en auoit en cest atelier. Aussi tost le saint Homme inuquant le tout puissant nom de IESVS, faisant le signe de la croix contre la pierre, il l'arreste & soustient si bien, que depuis elle ne branla pas seulement, & demeura aussi ferme en sa place que si on l'y eut maconnee.

*Luy seul por-  
te plus que  
trois plus  
forts que  
luy.*

Le saint Homme non seulement se trouuoit à la besongne avec les maneuures, pour seruir les maçons, mais s'il y auoit quelque entreprisedifficile, quelquefois impossible, c'estoit ce luy sembloit la tasche que Dieu luy reseruoit. Estant donc à l'atelier en son Couuent de Paterne, il dit à trois ieunes hommes, des plus forts & dispos qu'il y en eut à la cōpagnie, porter en vn seul voyage certaines grosses pierres qu'il leur specifioit. Il luy dirent que c'estoit chose impossible, ou qu'il falloit appeller quantité d'autres maneuures pour leur ayder, ou bien partager ce fardeau, & le porter à plusieurs fois. *Non, non, dit le bon Pere, chargez les seulement sur la ciniere, ie vous ayderay.* Ces ieunes hommes rioient de l'entreprisedifficile, qu'ils croioyēt estre du tout hors le pos-

possible des forces humaines : & commençoient la besongne par maniere d'acquit : lors que le saint Homme leur donna bien sujet non plus de rire , ains admirer vne chose bien plus merueilleuse : c'est qu'il leur commanda se ranger tous trois d'un costé , pour s'entr-ayder . & le laisser luy seul à l'autre bout , pour porter . Et les trois dispos qu'ils estoient à peine pouuoient ils cheminer tant ils se sentoient chargez . Où le saint Homme estoit veu cheminer sans effort , non plus que s'il eust esté chargé d'un monceau de plumes .

Il ne faut bouger de la place pour veoir quelque chose de semblable à ce que dessus . Trois maneuures faisoient bien les empeschez , pour mouuoir seulement vne pierre , que les maçons leur demandoient d'apporter pour la mettre en œuvre : lors que le bon Pere s'approchant , la prend , & porte luy seul iusques au lieu , qu'on leur auoit commandé la descharger . Toutes ces creatures insensibles sembloient auoir un particulier sentiment , pour sentir la presence du saint Homme , & luy rendre le respect qu'il leur estoit commandé du Ciel .

*Miracle  
semblable.*

Ambroise d'Andrecotte citoyen de Paule retournoit du bois , en amenoit avec ses bœufs , par le costé de la montagne , vne grande quantité : approchant de Paule , son bois tombé dans vne fosse tres-profonde . Cest homme se veoid seul , considere qu'avec l'ayde de quatre hommes à peine eut il peu releuer ce qui estoit tombé . Il conclud retourner  
de

de nouveau sur la montagne, entrer en la forêt, & en charger d'autre : estant près rentrer dans la ville, il trouue le saint Homme, qui seul auoit retiré son bois hors du fossé, l'auoit mis en vne place plaine, & commode & proche du chemin, & dit à cest homme: *Voilà vostre bois que j'ay en charité tiré hors du fossé où il estoit tombé avec danger faire perdre voz bœufs.* Ambroise prend son bois, va tout ioyeux ayant recouuert sa perte, & le saint Homme, demeure avec les merites de sa charité, qui sans estre implorée s'employoit si courageusement mesme en des choses de si peu d'importance. Que peut on admirer icy premièrement ou la charité du saint Homme, ou bien le pouuoir qu'il exerce sur les creatures, ou bien plustost la Bonté de Dieu qui va ainsi gratifiant son bien-aimé seruiteur par vn humble seruiteur, & si souple obeissance des grossieres creatures pour faciliter leur fardeau entre ses mains.

*L'innocence, & simplicité de saint François de Paule, respectée mesme par les creatures irraisonnables, & inanimees.*

## CHAPITRE XIX.

COMME Ioseph le Patriarche parmy les Égyptiens, & le Iuif Mardochee entres les Perses furent grandement honorez du peuple estranger, à raison des vestemens Royaux, qui les couuroient : cela mesme font les creatures à l'homme qu'ils regardent en sa sem-



semblance représenter comme vn Dieu en ef-  
 fect. Lors particulièrement qu'il porte la robe  
 Royale ; ie dis l'innocence, en laquelle  
 l'homme auoit esté créé, pendant laquelle non  
 seulement le pouuoir sur les animaux, mais  
 l'usage d'iceluy ( qui depuis le peché commis  
 a esté beaucoup retranché) luy estoit ordina-  
 re, & commun. Apres le peché ceste subiectiō  
 facile, est extraordinaire, & miraculeuse cō-  
 me en effect il s'est pratiqué par les Saints re-  
 tournez en cest estat d'innocence, qui com-  
 mandoient imperieusement, & promptement  
 estoient obeis non seulement par les animaux,  
 mais aussi des creatures irraisonnables. Elisée  
 enuoya les Ours pour venger la mocquerie  
 des enfans de Hiericho, & commanda au fer-  
 nager sur l'eau: il fut escouré; & seruy atten-  
 tiuement des deux. Daniel conuersoit fami-  
 lierement avec des Lyons affamez; & ses com-  
 pagnons se pourmenoiēt au milieu d'un feu  
 cōme dans les prairies soufflées, & rafraischies  
 d'un doux Zephir. Les Saints de nostre loy  
 Euangelique ont traité humainement avec  
 les bestes : donné leur commandement aux  
 creatures insensibles, & parlé avec celles, qui  
 ne pouuoient auoir d'oreilles, qui toutes neāt-  
 moins ont receu, & faict leurs volonte. Je  
 ne daignerois emprunter les exemples d'un S.  
 Francois d'Assise, S. Antoine l'Hermite, celuy  
 de Pade, & d'une milliaise de tant d'autres.  
 Nostre SAINT FRANÇOIS de Paule nous  
 fournira ample subject d'en discourir quand  
 on vous le représentera honoré en ses com-  
 mandemens, des Animaux, du Ciel, de la ter-  
 re, de

*L'innocence  
 rend les ani-  
 maux d'eux  
 mesmes, sub-  
 iets à l'homme.*

re, de l'eau, & des creatures mesmes qui pour toute vie n'ont que leur estre.

*Grosse pierre  
tombée im-  
petueusemēt  
sur les pieds  
de S. François  
sans l'offenser.*

Du temps que l'on bastissoit le Conuent de Paterne, auquel s'employoit fidellement le S. Homme trauaillant à bon escient: vn des maneuures vouloit pousser vne fort grosse pierre, qui deuoit rouler droict deuers la part où estoit le S. Homme, qui aduertty par plusieurs fois se retirer crainte que ceste pierre ne l'offencast: il respondit au maneuure qu'il eut seulement l'œil à sa besongne, sans se donner autrement peine de luy. Ce qu'il fit. Car il poussa ceste pierre, laquelle tombant impetueusement sur le pied du S. Homme le maneuurier iugea aussi tost quelle luy auoit brisé le pied: il descend promptement, accourt pour le secourir, appelle les autres à l'aide. Mais ceste compagnie d'abord si estonnée, & qui de compassion crioit, voyant le pied du saint Homme sain, & entier sans aucune blessure soudain change de ton, & se recognoist estre appelée non pour secourir le saint Homme, ains admirer Dieu en luy, lequel estoit admiré par les prieres, qui n'osoient offencer l'innocent. Car Dieu auoit donné expres commandement à ses Anges le prendre en leur charge, & veiller, si que il ne se blessast aucunement à la pierre. Voila vne creature inanimée qui le respecte: voicy vne irraisonnable qui luy obeyt, & promptement.

Le reuerend Archeuesque de Cusance poussé de deuotion vient visiter le saint Homme, & desire disner, ou mieux ieusner avec luy: qui se trouue bien empesché c'est le bon Pere, qui

qui n'ayant lors, & comme tous les iours, plus grande prouision que son ordinaire pauureté, s'estudioit neantmoins trouuer quelque traitement extraordinaire pour honorer la reuerence de ce Prelat: lors que le bon Dieu general pouruoyeur de tous, particulièrement des pauvres, & inuestis de necessité. Car ie les cōiure tous se ioinde de tesmoignage avec moy, pour ceste infallible verité: enuoye son aumosne au Monastere, c'estoient des petits poissons morts enuélomez d'herbes dans vn panier, qu'un homme luy presentoit: Le bon Pere bien resiouy, *Vous soiez le bien venu,* Poisson mort luy dit-il, *allons les lauer, & faire cuire pour en* auiné entra *servir monseigneur.* On porte le panier pro- ses mains. che la fontaine, qui est dans le Conuent; on l'ouure, descouure les poissons, ils sont reconnus pour morts, par ceux qui assistoient l'humble seruice de ce bon Pere qui les alloit lauer. Le premier que le saint Homme prend en ses mains, chose admirable, comme si ce petit animal y eut senty la source d'une vertu viuifiante, commence à mouuoir, & sauter: quasi demandant la vie au bon Pere; comme aussi tost il luy donna, & avec vne charitable simplicité ordonna tout ensemble laisser ce petit poisson viure dans la fontaine: se contenter pour le présent de la mort des autres. Et de là en auant s'il entroit vn esprit alteré, ou curieux pour mener au Conuent, c'estoit le conduire reposer ptes la fontaine, le rassasier à la veue de ce miracle qui perseuera par vn long espace d'années.

Les animaux de la tette faisoient hommages

au bon Pere, aussi bien que les poissons pris en l'eau. Ils sembloient poussez de raison pour rechercher viure sous les loix de son innocence, avec la mesme industrie qu'ils fuyoient la malice des autres hommes. Et de faict le bõ Pere allant vn iour par les bois avec compaignie, pour prendre ce qu'il trouuerroit plus propre à la Charpenterie de son bastiment: voicy venir droict à luy vne petite biche aussi priuement comme si elle eut esté domestique, & nourrie de sa main. Ces hommes qui l'accompagnoient mieus fournis d'appetit que de prouision, croient cest animal estre venu à propos pour y satsfaire. Mais le bon Pere qui l'auoit pris en sa sauuegarde repartir, que par charité il n'en iroit pas ainsi, Dieu leur donnant pour viure d'ailleurs: puis s'estât vn peu recrée en l'innocence de ce petit animal, il luy taille vn peu de l'oreille, pour vne autresfois la recognoistre, & la renuoye ainsi avec la vie, & liberté. Vn temps apres aduint que les chasteurs cherchant quelque proye, ils font leuer ceste biche, la courent, & suiuent à la piste. Se voyant pressée de se rendre, elle retourne vers son premier protecteur: saute jolimét les murailles du iardin du Conuent: de là passe au dortoir, & vient sans faillir à la porte de la Chambre du S. Homme: où avec bruit demandoit entree: Pour se donner à cognoistre elle portoit l'entretaille de son oreille en guise de passe port. O amour excessif, il quitte ses exercices pour bien faire à ceste biche: luy donne entree, & la recoit au nombre de ses pensionnaires, & pour demeurer mesme avec luy.

Elle

*Vne biche  
chassée des  
veneurs se  
lance dans  
le Conuent,  
iusques à la  
Chambre de  
S. Francois.*

Elle pour recognoissance naturelle de ce benefice ne perdoit iamais de veue son bõ Pere. Elle le suiuoit à l'Eglise, & ailleurs, où les affaires l'appelloient. S'il demouroit en place elle se couchoit sur son habit: s'il se leuoit elle alloit apres: s'il s'arrestoit pour traicter d'affaires, avec qui que ce fust, elle se gouuernoit en tout & par tout à la cadence de ses mouuemens & actions, sans luy donner, ny à personne aucune incõmodité elle luy leschoit quelquefois les mains, les pieds. ou l'habit de sa lãgue, puisque la nature ne luy permettoit point de la desploier pour ses louages, avec autre mil petites caresses qu'elle luy rendoit & autant qu'il luy en permettoit: cela demoura ainsi iusques à tant que le bon Pere qui auoit plusieurs ouuriers trauaillans en son Conuent pour l'honneur de Dieu, & n'ayant plus que leur donner pour viure, il leur permit, bien qu'avec grande difficulté, & apres mille importunittez prendre ce pauvre animal pour le manger: iugeant le saint Homme estre plus que de raison (puisque la fin des animaux, & autres creatures regarde l'vsage des hommes) satisfaisant à la presente necessité de ces maneuures, qu'à tout autre menu plaisir, qu'il en eut peu esperer pour son particulier. Il fit toutesfois reseruer la peau de la biche, quasi pour memoire ou image de ceste innocence, de laquelle il estoit esperduement amoureux.

Le Ciel auoit faict crier le ban, & arriereban pour obliger toutes les creatures à rendre foy, & hommage à son Mignon. Les inanimées, les animaux de l'eau, de la terre auoient ia re-

cogno fidelement la souueraineté du grand maistre de tous, és mains du saint Homme. Ceux donc qui se pourmenoiéent parmy l'air venoiéent en rang apres les autres, pour s'acquiter de leur obligation. Ce fut pédant qu'ô maconnoit les chambres du Conuent de Paulle, le bon Pere auoit ordonné à ses freres porter des pierres, pour auancer tousiours l'ouurage. Au lieu où ils pensoient commencer leur charge, ils trouuent & troublent le repos d'un ject de Guespes. C'est vne espee de mouches fort dangereuses qui portent vn aiguillon enuenimé. Ces petits animaux voyans que les hommes demolissoient leur demeure, pour edifier la leur, se leuent en l'air, quasi comme en champ de bataille, bourdonnent au lieu de trompette: tirent hors l'aiguillon en guise de coutelas, & se mettent si brauement en defense, qu'ils se rendent maistres de la place, metrans en fuite ces pauures Religieux, & les poursuivant iusques dans leur fort au Conuent. Tout leur secours fut representer leur desarroy au bon Pere, qui maconnoit luy mesme aux Chambres: qu'il luy pleust aduiser quelque expedient pour rendre les approches faciles. Il leur commande se retirer, à eux d'obeir aussi tost. Neantmoins vn de la bande, qui fut depuis au nombre de ceux qu'il emmena de compagnie en France, cognoissant par experience que le commandement faict de se retirer émanoit seulement de son humilité, n'estant à autre fin, que pour cacher le futur miracle: nullement à les obliger: il suit vn peu de loing, & ne pouuant d'auantage s'auancer,

sans

sans estre veu, il se garre derriere vne porte, & à la faueur d'une petite fente, il contemple attentivement vne chose digne d'attention. Le *Il prend avec les mains* sainct Homme trouble ses manches, & avec *nues un es-* les mains toutes nues prend les mouches ius- *sein de gues-* ques à la dernière, sans qu'aucune osast bruir, *pes irritées,* ou mouvoir. Il les porte paisiblement au bois, *& les porte* qui estoit proche de là: & depuis n'en fut veu *aux bois.* vne seule au lieu, d'où il les auoit leuees. Ces pauvres animaux sentoient és mains du sainct Homme la vertu de celuy qui porte tout és siennes, à qui ils rendent vne plus souple obeyssance, que l'homme reuestu de raison n'en rend à Dieu.

Vous auez veu presentement le bon Pere traualler pour mettre ses enfans à leur ayse: au moins les faire quittes des plus grâds troubles assez communs és actions de la vie humaine. A ces fins il destourne vn escadron de mouches qui retenoient les Religieux de traualler à la Maconnerie de son Conuent, & ce par la puissance de sa simplicité, & innocence. Avec la mesme il reculera desormais vn arbre, qui bouche le passage aux hommes pour venir droict à son Conuent. Le bon Pere pour seconder la deuotion du peuple, & donner facilaccez à son Eglise il prend quantité de maneuures, & dresse avec eux vn chemin à la ligne, depuis l'Eglise de son Conuent: iusques au grand chemin qui donne entrée en la ville de Paterne. Les paux sont fichez droict en suite l'un de l'autre: c'est lors prendre le pic, la serpe, le hoyau, la pelle. On applanit les collines, les plus grosses mortes se iettent de-ça de-là:



de-là: on coupe les espines, les bruyeres: on en faict des fagots. Les petits arbrisseaux sont arrachez, & ausi tost transplantez de lieu en vn autre plus commode; la place est nettooyee comme le saint Homme l'a designé, à la reserve d'un gros arbre qui demeroit tout au beau milieu du chemin. C'estoit vn meurier blanc, mais si gros, si touffu, & fourchu au pied, qu'il sembloit y auoir plusieurs arbres plantez ensemble, plustost qu'un. Voila des ouuriers assemblez au tour de l'arbre, tenir conseil ce qui estoit de faire. Le porter ailleurs estre du tout impossible tant il estoit gros: le couper par le pied, arracher sa racine, c'est se condamner à vne perte trop grande de la beauté, de ses branchages, commodité de son ombre, & bonté de son fruit: & d'ailleurs le laisser là c'est n'auoir encores rien faict, puis qu'il empesche sur le chemin, plus que tout ce qu'on auoit encores arraché. La resolution est prise, qu'il seroit couppe: qu'on trouueroit assez, & trop d'autres arbres semblables au pais: estre le moindre inconuenient à craindre, eu esgard au premier dessein. Lors que le S. Homme, comme esmeu de compasison pour la perte d'un si bel arbre, fit le hola aux ouuriers, qui ia vouloient mettre la coignee au pied, & couurant l'arbre du signe tout merueilleux de la Croix, luy parle ausi simplement que son innocent luy dictoit: *Par charité fais nous vn peu de place.* ô la grande obeissance des creatures à la simple parole du seruiteur de Dieu. L'arbre se fend en deux, & à la veue de toute la compagnie se portent les deux pieces de costé

*Vn gros arbre à saparole se fend en deux, & s'estransplacent les pieces en diuerses places.*

&



& d'autre du chemin en distâce de dix ou douze pas, qui iusques au iourd'huy seruent d'alignement pour le chemin au milieu desquels passent ceux qui vont au Couuent.

Proche la ville de Paterne coule vn ruisseau qui descend des montagnes, au dessoubs d'un rocher qui va penchant en precipice, le saint Homme pour affaire qui l'eust conduict en ce lieu, estoit avec vne bonne compagnie d'hommes. Vn d'eux s'apperceut, en aduise les autres pour voir tout ensemble vne grande partie du rocher qui menacoit tomber bien tost par le precipice dans le ruisseau. Les voila tous estonnez les yeux attachez par crainte sur l'obiet, concluants avec beaucoup de regret la perte certaine, si ce malheur arriuoit : qu'il empescheroit entierement le cours de l'eau, la ville estre priuee d'une si belle commodité . Tels discours sortoient de leurs bouches: ceste partie du rocher de la place au mesme instâr roule de grande vitesse & tire droict au ruisseau, comme ils auoient bien iugé, si elle n'eust esté arrestee par le S. Homme, qui visant au bien public, y apporte aussi tost le remede, adressant sa parole à ceste pierre: *He ma sœur ou vas tu?*

O miracle: ce rocher entendant le Saint Homme qui luy faisoit cognoissance, l'accoufinoit: le voila arresté tout à coup au milieu de ce precipice, sans passer outre, rendant le respect deu au parentage contracté en la maison de nostre Pere commun, qui est es Cieux, avec celui qui par ses louables deporttemens auoit toujours demeuré en la maison paternelle comme vn bon fils, & bien obeissant; à qui le

*Arreste cour  
vn pan de  
rocher qui  
rouloit en  
precipice.*

reste

reste des creatures rendoit vne prompte obeissance en ceste qualité.

Miracle pa-  
reil.

Pour fournir de materiaux suffisamment requis au bastiment du Monastere, le S. Homme auoit enuoyé quantité d'ouuriers à la carriere, où il se trouua premier avec les autres: chacun de son costé frappant avec le marteau, & leuant avec la pinse ce qu'il pouuoit. Il arriue qu'un des coings d'un ban de pierre s'esbranle si fort, qu'il se demet d'avec le reste, & commence à tomber, qui parueni iusques à son centre, eut sans faute estouffé & enseuely tout ensemble, ceux qui se retrouuoient là: l'espouuante ne manque les serrer aussi tost & faire crier *misericorde*. Mais le S. Homme plein d'une foy viue parle asseurement, & commande absolument à la pierre s'arrester. Merueille à la verité: Ceste pierre oublie sa naturelle pesanteur, & inclination de tédre vers le bas, pour se rendre souple au commandement du seruiteur de Dieu, si que la voila suspendue en l'air, arrestee à demy chemin, soustenue de la seule parole d'un homme. On admire, & avec raison, Iosué qui arreste le cours ordinaire du Soleil, qu'on admire S. FRANÇOIS de Paule, qui arreste le cours naturel de la pierre, & par dessus tout cela Dieu demeure d'autant plus admirable qu'il obeit à la voix des hommes qui ne luy ont iamais desobey.

Vn bon homme de village voulant amender vne sienne terre qui estoit en friche, il y met le feu pour consommer les ronces, espines & bruyeres avec sēblables ordures qu'une terre sterile a de coustume produire. Le feu donc

donc brusloit, & gaignoit si auant par la violence du vent qui le souffloit, qu'il commenca à approcher le bois; que le saint Homme auoit fait tailler pour l'edifice de son Couuēt.

Ceux qui se trouuoient là presens mirent toutes les diligences, pour esteindre le feu, ou destourner le bois. Mais vne si soudaine actiuité de cét element ne leur donnoit loisir, Ce que recognoissant le saint Homme, il se tourne vers le feu: *Par charité, ce luy dit-il, brulez ce qui est vostre, & n'offencez personne.* Ceste parole qui sortoit d'une fournaise d'amour, & estoit comme vn autre feu, aussi son actiuité fut plus forte que celle du feu materiel. Elle repoussa ceste flamme & la fait rebrousser contre le vent, voire la poursuit tellement qu'en fin elle l'esteignit entierement.

*Il repousse.  
& assoupit  
vn embrasement.*

Les animaux demeurans au cours ordinaire de leur naturel prestoient vne prompte obeissance au saint Homme. Mais non seulement: car au pire estat, qu'il en feit la rencontre. Comme lors que la bile est eschauffee, & qu'ils sont poussez en furie pour nuire aux autres, en ce temps mesme ils luy rendoient vn grand respect. Il aduint que le saint Homme estoit sorty de son Couuent de Paule pour entrer dans vne petite grotte, ou cauerne qui n'estoit pas biē fort esloignee de-là, où il souloit se retirer pour fuyr le bruit des hommes, & iouyr de la paix, que trouuent en Dieu ceux qui à son exemple se donnent à l'oraison solitaire, de lieu, & encores plus d'esprit. Car les amours de Dieu sont ialoux, & ne veulent admettre de second. Es enuiron de ce lieu quel-



quelques veneurs cherchans la proye, pour chasser avec les chiens, descouurent vn pauvre garçon qui gardoit les cheures. Que ce fust folie d'age, ou malice de condition, ils concluent indiscretement se donner du plaisir du pauvre cheurier. Laschent à cest effect leurs chiens, les hallent apres luy. Le garçon court au mieux qu'il peut: les chiens de mesme. Il crie au secours, les chiens abboient, & eschauffent leur course, avec la rage, d'autant plus qu'ils le voyoient courir: quasi comme craignant perdre leur proye. Le garçon qui auoit l'auantage, deuance, & se sauue dans la cauerne; où trouuant le saint Homme il perd vne bonne partie de sa crainte: se iettant aussi tost à ses pieds, & luy demandant secours. Les chiens qui suiuoient de pres se presentēt pour entrer & saisir leur proye avec les dens: lors que le saint Homme, bien estonné d'vne si grande cruauté, se monstre le premier à l'entree de la grotte: où ces animaux plus raisonnables que leurs maistres, par vne ie ne scay qu'elle secreete vertu qui esclattoit es yeux de l'Hōme de Dieu, s'arrestent court, rabaisissent leur poil herissé, ne sonnent bruit du monde, chassent la furie de leurs yeux, & du cœur, & puis comme ayans leur congé expres, retournent vers leurs maistres, telmoignans par leur maintien si rafraischy, avec vne humeur plus douce, qu'ils auoient bien compris leur faute, que le saint Homme leur auoit remonstree par vn certain langage du Ciel, que toutes les creatures peuuent facilement entendre,

*Assesment-  
sement il  
empesche des  
chiens nuire  
à un garçon  
qu'ils pour-  
suivoient.*

Il n'est pas si fort à admirer lors que les creatures sensibles bien qu'irraisonnables entendent la parole du seruiteur de Dieu pour faire sa volonté, puis que les plus dures pierres, & insensibles empruntent ce semble le sentinier pour en venir iusques à cest effect. Le saint Homme se trouuant avec les carriers qui rompoient les bans de pierres pour les faire charger, & emporter plus facilement de la carrière en son Couuent: il les apperceut tous s'obstiner sur vne pierre plus dure que leurs volontez, que leurs courages, que leurs marreaux mesmes. Ils perdoient temps, & donnoient là toutes leurs forces, & en vain: le S. Homme pour mettre fin à ces pertes, les vient ayder. Mais avec vne grande facilité. Il s'approche de la pierre, à laquelle comme à vne creature plus grossiere, il traite avec le sens plus grossier, qui est le toucher avec le bout du doigt. Il la touche en vne certaine place, quasi comme luy donnât le signal de la volonté de Dieu, & vn aduertissement de l'obeissance, qu'elle deuoit, puis s'adressant à vn des ouuriers: Vous ne scauez pas bien prendre le fil de la pierre pour la rompre, touchez là où ie vous monstre, ce sera bien tost fait. Au premier coup la pierre cede, & se fent en deux. Ces carriers qui n'estoient pas ignorans en leur art, & qui auoient frappé tant de fois au mesme lieu que le S. Homme leur enseignoit, disoient asseurément, qu'il faillloit pour faire cela que le S. Homme eust quelque intelligence avec ceste pierre, aussi ne pouuoient ils se tromper. Car celuy là pour vray a vne secrette

intelli

*Il fait fendre  
vne pierre a.  
pres l'auoir  
touchée.*

intelligence avec toutes les creatures qui s'entend bien manifestement avec Dieu.

Le miracle qui va suivre en faict les preuves trop apertes. Le saint Homme estoit en la forest, qui faisoit coupper le bois de la charpenterie de son Couuent. Bernardin Longo de Regina vn maistre charpentier qu'il auoit emmené pour iuger, & marquer le bois qui luy seroit propre: apres auoir longuement regardé certains arbres, qu'il eut fort desiré prendre, s'il n'eust esté retenu d'une autre imperfection; c'est qu'il les voyoit trop tortus pour en faire l'ouurage proiecté dans son esprit: il passé pour veoir s'il n'en trouueroit point ailleurs de propres à son dessein. Le saint Homme le rappelant; *Et pourquoy, ce luy dit-il, laissez vous là ces arbres sans les couper?* Mon Pere; respond le charpentier c'est qu'ils ne sont assez droicts & ne pourroient à raison de cela nous seruir. *Non non,* repartit le bon Pere, *ne craignez pas les abbatre, ils s'accommoderont facilement à ce que l'on voudra s'en seruir.* Le charpentier veut contrépoincter ses raisons, pour obeir à la parole du saint Homme, il iette l'arbre par terre; & recueillit aussi tost le fruit de son obeysance. Il trouue les arbres aussi droicts que sa ligne; qui comme auoit parlé le S. Homme vraiment s'accommodoient à sa volonté; perdans leur premiere difformité pour se rendre propres à tous ces ouurages. Le charpentier aussi estonné qu'il fut onques en sa vie; rouloit dans son esprit les belles pensees, que iadis ce grand Roy exprimoit par le son de la bouche,

*Arbres tortus, subitement serodressent.*

bouche, & avec sa harpe: *Vous avez mis toutes choses sous ses pieds : Vous l'avez fait vn peu moindre que les Anges ; & l'avez constitué sur les œuvres de vos mains.*

Lapieté & deuotion du bon Pere estoit si grande , que ses pensees plus communes estoient aduancer l'honneur de Dieu par tous moyens. Il se donnoit spécialement vn soing de bastir, & orner les Eglises de son Ordre. Trauaillant donc pour son Eglise de Paterne, il faisoit conduire vne poultre si grosse, qu'ils estoient dix paires de bœufs dessus pour la tirer, & si la pesanteur du fardeau les arrestoit quasi à tous pas, iusques à ce qu'arriuaient proche du lieu , où il les falloit descharger, les voyla tout à fait demeurez . Les chartiers crient, picquent, frappent pour les faire cheminer: ils n'aduancent rien. Le saint Homme voyant cela, commande en dételer neuf paires, & en laisser vne seulement , puis touchant la poultre trois fois avec le baston qu'il tenoit en la main, commande aux bœus de tirer . Ces pauvres bestes entendent le commandement du seruiteur de Dieu. Mais de Dieu par la bouche de son seruiteur : cheminent facilement & trainent la poultre iusques au Couuent. Que pourroit on bien admirer icy le premier? Deux bœufs tirent ce que ne peuuent vingt accouplez ensemble. Le fardeau estoit il deuenu plus leger, ou s'il estoit resté en sa premiere qualité graue, & pesant? Seroit ce point le baston du saint Homme , qui comme vn pretieux reliquaire mérite des effets sur la nature ? Ou bien le commandement pronon-

*Avec vne  
paire de bœufs  
il fait tirer  
vne poultre;  
que dix paires  
ne pou-  
uoient traî-  
ner.*



cé par la bouche du saint Homme image de la toute puissante parole de Dieu, reconnue assez par les Creatures mesmes qui n'ont ou cognoissance ou sentiment? Prenez vne de ces raisons, ou deux, ou toutes? quoy que vous fassiez vous penserez voir encores Moÿse viure sous la loy Euangelique, qui avec le signe, ou de la verge, ou de la main, ou de ses paroles faict entendre sa volonté, ou celle de Dieu, aux creatures raisonnables, aux sensibles, aux inanimées: lesquelles toutes luy obeissent également.

Pendant que le saint Homme faisoit travailler en son Conuent de Paterne, vn grand nombre d'ouuriers auoient pris leurs tasches sous vne montagne, ou que ce fut pour y tirer la pierre: ou bien pour le tenir plus fraichement à la faueur de s<sup>on</sup> ombre, & se garer contre l'ardeur du Soleil. Quoy que ce soit, ils appercoient vne bonne partie de la montagne, qui se demendoit d'auec le reste, & qui ne leur donnoit à voir, plus grand loisir, que s'écrier ensemble d'vne voix lamentable: *Nous sommes morts.* Le saint Homme aduertÿ par

*Il arreste vne partie de montagne qui se demendoit.*

ceste confusion de voix, leue les yeux en hault, & recognoissant la ruine proche, & certaine, parle au pan de montagne qui cōmençoit à tōber: *En charité*, ce luy dit-il, *affermiss toy: & ou vas-tu?* Merueilles à la verité: Ceste creature insensible, cōprend biē que ce cōmandemēt émanoit d'ailleurs, que de la bouche d'vn homme simple, & commun, qu'en effect c'estoit vne voix qui exprimoit la volonté de Dieu. A raison dequoy elle demeura en cest estat; c'est



c'est à dire au beau milieu de sa cheute & ruyne, sans oser aduancer le pas, & le poids de sa nature, pour rendre ce respect à la parole de celuy qui est en grace : mais plutoist à l'heureur de la nature, & de la grace.

L'homme de Dieu qui veilloit perpetuellement pour bien faire à tous, & ne nuire, ou se rendre onereux à personne, il recogneut que ces voisins auoient conceu vn mescontentement, qu'ils n'osoient esclorre sinon entre leurs dents, ou bien lors seulement qu'ils se trouuoient par ensemble, à raison d'un esgoust des eaux de son Couuent, qui s'espan-  
doit sur les terres proches, & rendoit les chemins fangeux avec les aduenues difficiles. Le bon Pere appelle vn des ouuriers nommé Estienne Calendin, luy dict de fouyr vne fosse pour receuoir ces eaux, qui couloient en si grande quantité : afin qu'elles ne gastent le chemin à l'aduenir, ou donnent sujet à personne de s'offencer. Cest homme commence à trauailler, & faire vne fosse si petite qu'à peine la pouuoit on voir à trois pas de là. Le saint Homme se contente, & dict qu'elle seroit assez suffisante pour ce qu'il desiroit. L'eau donc préd son cours dans vn petit trou, sans iamais regorger ou sçauoir ce qu'elle pou-  
uoit deuenir; n'y ayant apparence au iugement des yeux qui se portèrent voir vn tel merueille, que naturellement elle eust peu se perdre dans la fosse, qui à peine estoit decouuerte à fleur de terre. Mais Dieu auoit ré-  
du toutes les creatures si soupplés au commandement du saint Homme, que l'eau &  
T la terre

*Egouff  
d'eaux  
absorbé  
miracu-  
leuxsemēt.*

la terre s'y accommodoient facilement avec les autres, pour n'incommoder personnes à son occasion.

Deux Religieux du Cōuent de Paternes estoient acheminez en vne forest distante de leur Conuent, enuiron de huiët lieuës, pour donner ordre à faire conduire les arbres que l'on y auoit coupez pour la charpenterie de la maison, suyuant la charge qu'ils en auoient receüe de la part du S. Homme. Arriuez qu'ils font, ils rencontrent en ce lieu là mesme, vn habitant de Nicaistre, nommé Iacques Montore, qui gardoit ses bœufs, qu'il faisoit paistre. Ces Religieux le priēt leur vouloir faire vne charité, charger quelques vns des arbres abbatus sur son char, y accoupler ses bœufs, pour les conduire iusques au Conuēt des freres Minimes à Paterne. Cest homme leur refuse absoluëment: ses bœufs estre encores trop ieunes, & par consequent indomptables: qu'ils n'auoient iamais porté le joug; difficilement les y pouuoir si tost accoustumer: & puis le chemin si long leur pouuoir nuire s'ils le faisoient tout d'une traite. Les Religieux luy remonstrent doucement de se confier aux merites de leur bon Pere, qu'ils auoit enuoyez, auquel pour l'hōneur de Dieu, il rédoit ce seruice, qu'il prieroit Dieu pour luy, & qu'il iugeroit ses peines bien employees. Ces remonstrances touchent le payсан au cœur, la deuotion luy eschauffe la volonté, desirieux s'obliger par vn si bon office, le saint Homme, duquel il auoit entendu choses, & autres de ses merueilles. Il prend deux de ces ieunes

*Bœufs indomptables  
apprivoisés.*

ieunes bœufs, les met sous le ioug avec la mesme facilité, que s'ils n'eussent oncques fait autre chose; charge du bois coupé à la mesure des forces de ces animaux: il les picque, & conduit aysemēt iusques au Conuent sans resistance aucune des bœufs contre sa croyance. Comme aussi arriuant à Paterne il confessa hautement que c'estoit chose impossible: si Dieu pour, & en faueur de son bon seruiteur, ne les eut addoucis pour les faciliter à vn ouurage qui leur estoit du tout inusité: Mais cōme quoy ces animaux n'eussent ils facilement obey pour le seruice du S. Homme qui cheminoit par dessus toutes difficultez portant le ioug de nostre Dieu.

Il y a bien du suiet de s'estonner, voir les hōmes si possédez du plaisir, que leur donnēt les oyseaux; ou par la chasse, ou par le chant ou par vne douce familiarité de leur petit ieu. Combiē de temps est mal employé à vne aussi curieuse, que peu vtile recherche de la compagnie des animaux, qui deueroiēt plustost souhaitter celle de l'homme, si sō peché ne les eut estrangez. Et vrayement on recognoist que l'homme deueni beste, ou bestial par le peché, se plaist à rechercher les bestes, & leur plaisir bestial. Là où les hommes viuans en leur premiere simplicité, & innocence, les animaux d'eux mesmes se presentent à eux, & s'en approchent quasi comme si l'inclination naturelle leur faisoit entendre y trouuer la perfection & repos de leur creation, pour obeyr à l'homme, qui se trouueroit simple, & innocēt. Quels seruices à ce propos

les animaux ne rendoient-ils au saint Homme? Mais quelles faueurs ne luy resmoignent-ils? Deux hommes de Scilian estoient venus à Paterne pour demander quelque chose au bon Pere. Arriuez qu'il sont au Couuent, & s'approchans pour luy parler, ils aduisent vn oiseau qui tire sō vol droit à luy, & se perche sur son espaule. Le bon Pere le prend avec la main joüant simplement avec l'innocence de cest animal, qui de sa part luy becquetoit par forme de mignardise les mains, & l'habit luy resmoignant toutes les caresses possibles, avec vn plausible & paisible mouuement de la queue, & des ailes: puis ils virent le S. Homme faire trefue avec luy & le serrer doucement dans sa manche, pour donner audiēce à ceux qui luy demandoient parler. C'estoit se regarder les vns, les autres, & admirer ce premier estat d'innocēce, qu'ils voyoient reuiure en saint FRANÇOIS.

Les poissons, & les oyseaux formez en vn mesme elemēt, portent avec soy beaucoup de ressemblāce en leur nature, & lors qu'il plaist au Createur des deux, on les voit aussi se rapporter en beaucoup de choses, és effects de la grace departie aux hommes, recognuë, & honorée mesme par les plus petits animaux, Comme donc on a veu presentement les passereaux se joüer avec l'innocence du S. Homme: voicy dequoy admirer és poissons qui font feste à ceste grande simplicité. Au temps que le S. Homme seiournoit à Naples, passant chemin pour venir en France, le Roy de Naples luy enuoya quelques poissons rostis pour son

*Les oyseaux  
aux apri-  
nois ex a-  
uec saint  
François.*

son repas. Le bon Pere les reçoit avec bien du remerciement. Mais les reprenant & mettant separement dans deux plats, en presence de ceux qui luy auoient apporté & de plusieurs autres personnes, qui les accompagnoient, se seruant de l'occasion pour auoir sujet de contempler à loisir vn si grand homme ils eurent ce bié voir de leurs yeux, plus qu'il ne se promettoient vn si euidant miracle. Car voilà les poissons qui reprennent vie, & commencēt à remuer, fretiler & se debatre avec les mesmes forces, que lors qu'on les retire de l'eau, enuoloppez dans les filets, donnant bien à entendre, qu'il ne seroient des derniers pour applaudir, & gratifier la bien venue du saint Homme par l'attouchemēt duquel Dieu leur auoit rendu la vie, pour l'employer au seruice, & tesmoignage de celuy, la sainteté duquel estoit mieux reuerree des animaux, que recognuē des hommes. Les nouuelles du nouveau miracle sont rapportees au Roy courent aussi tost par la Cour, & de là trottent par toute la ville: chacun voüant sa deuotion enuers le S. Homme, qui leur faisoit si heureusement voir, ce qu'ils n'auoient iamais entendu.

*Poissons  
reanimiez.*

C'est vne marque d'un esprit guidé de celuy de Dieu, separer le pretieux du vil, & abiect, où l'occasion s'offre de traiter avec les creatures toutes nobles, & excellentes en leur nature sans vne excepter, sous ceste consideration des ouurages de la main de Dieu Tout-puissant: il n'y a estre tel qu'il soit qui ne rende foy & hommage au principe de l'estre, &

qui seul est par nature sans rien emprunter ailleurs, comme toutes ses creatures qui luy ont mendié ce qu'elles possèdent en tel degré que ce soit, voire mesme les choses que nous iugeons beaucoup nuisibles ne le sont qu'autant que nostre ignorance couurant les proprieté de leur estre pourquoy elles ont esté créées, nous les apparions comme avec leurs dissemblables, par vn vsage contraire. De là vient le venin és herbes & animaux, à quoy Dieu a donné estre pour seruir en l'ordre de la nature d'antidote, & contre-poison, si le peché venimeux n'auoit perdu la veuë de nostre ame pour y recognoistre le bien, d'ou il tire & reçoit vn grand mal: Il ne faudra donc s'esmerveiller si les Saints viuans encores en la compagnie des hommes mortels, mais avec les perfections & vertus d'une vie immortelle ont veu le bien de l'estre, és creatures, qu'ils ont honoré comme vn vestige de la Diuinité, se donnant garde de s'offencer au mal qu'ils en descouuroient, par vne lumiere infuse, & surnaturelle. Cecy soit pour rendre raison à ceux qui auront herité l'estonnement des premiers Religieux, qui accompagnoient le saint Homme lors de son entree en France: & que l'on commença à nettoyer la place, pour ietter les premiers fondemens du Conuent du Plessis lez Tours, ou se trouuant vne grande quantité de Couleures & autres serpens, les ouuriers s'assemblent, & aduisent du moyen se garentir d'une si grande incommodité. Qui commence à ruer des pierres pour les écraser & puis fuyt aussi tost la poursuite

suite des autres serpens qui sembloient vouloir venger la mort de leurs compagnôs. Qui veut enuironner la place avec vn feu pour les consommer, tous au reste aussi esperdus, & empeschez les vns que les autres, iusques à ce que voicy venir le S. Homme qui leur persuade de n'oster la vie à ces pauvres animaux: que Dieu leur auoit donnee se reposer pour ceste journée, que pour certain ils ne trouueroient plus aucun empeschement le iour suyuant. Le bon Pere donc pardonnant aux bestes, il pouruoit tout ensemble à l'assurâce des hommes: & se promenant le long de la nuit par toute la place, autant de serpens qu'il trouuoit, il les prenoit avec les mains nuës, s'en chargeoit les deux bras, & les portoit le plus loing qu'il pouuoit, sans qu'il en receut aucun desplaisir, & nettoya si proprement la place que dès le lendemain sans empeschement quelconque, les ouuriers commencerent à travailler, & continuerent depuis ce temps iusques à la fin sans empeschement quelconque, suyuant les promesses, & paroles de l'homme de Dieu.

*Maxie les  
couleures  
sans pre-  
seruatifs.*

## CHAPITRE XX.

*Du pouuoir que Dieu auoit donné à S. François de Paule, sur les Diables.*

NE des choses voire des plus admirables qui soient en l'Eglise militate, c'est veoir des hommes mortelz combattre, & triôpher des Diables. Ces hommes qui semblent

de la paille pour leur foiblesse, vser le fer & l'acier. Je dis les forces de ces esprits Tartariques, que ces puissances des tenebres, ce prince du monde (ainsi a esté qualifiée la tyrannie du Diable par IESVS-CHRIST ) soit terrassée par ces pretendus subiets, & plus petits subiets: lugement droicturier de ce grand Dieu, que le Diable superbe, qui luy tiuroit le duel, fust enfermé és armes de l'homme le plus humble & abiect. Cela faisoit, & fait encores ce dragon creuer de despit, se voyant commandé par nos Saints, & forcé lascher prise, sortir, & respecter leur simple parole. Ce sera la tragedie qui se representera à la suite de ce discours, qui vous fera voir au champ de bataille non plus le duel d'Hector & Achilles: d'Æneas & Turnus: ou de Dauid & Goliath: mais celuy qui est crayonné en ce dernier: d'un seruiteur de Dieu contre son ennemy iuré Sathan: d'un Minime tres-petit, prince & colonnel des humbles, contre vn tres-superbe, tres-orgueilleux Roy & chef de tous les orgueilleux. C'est saint FRANÇOIS de Paule contre Lucifer. Voicy les premieres desmarches faictes en leurs meslees.

Les escrits bien authentiques, & recueillis fidellement de ceux qui ont mis peine remarquer les faicts principaux de S. FRANÇOIS de Paule, disent premierement que luy fut amenee vne femme (elle estoit des terres de la Roynie) qui l'espace d'un an entier auroit esté cruellement tourmentee des esprits malins. On luy presenta ceste creature miserable liee es pieds & mains, pour retenir ces violences diabo-



diaboliques qui faisoient trembler les plus asseurez: mais le saint Homme ne peina pas beaucoup . Il la fait seulement entrer dans l'Eglise, où l'ayant exorcisée, les Diables sans gronder ou oser respondre vn seul mot, espouuantez des saintes resolutions du nouveau soldat de IESVS-CHRIST, tournent dos, fuyent honteusement, & laissent à ce valeureux champion le champ de bataille, avec la victoire. Ces premieres preuues de la force & vertu diuine, armes de nostre saint Homme, laisserent vn espouuantement si grand à son ennemy, que depuis tant qu'à luy estoit il fuyoit le combat, & ne craignoit rié plus que les approches de nostre bien-heureux saint FRANÇOIS, qui à toute heure luy faisoit mettre les armes bas, comme à ce qui fuit.

*S. François  
chasse le  
diable du  
corps d'une  
femme*

On emmena de la terre & pays d'Arena, qui est en Calabre, vn certain homme, qu'on nommoit Dominique, qui estoit possédé, & tellement tourmenté du malin esprit, qu'après auoir esté lié & enchaîné, pour en tirer toutes les asseurances possibles, il commandoit encores & gourmandoit les forces de dix hommes . Ce fut donc avec toutes les peines du monde le conduire & presenter au saint Homme: en presence duquel, ô merueilles! celuy que voyez maintenant vn lyô, il se metamorphose en agneau, la rage & cruauté est à present douceur & modestie? si que comme vn estourdy soldat qui fourage & renuerse tout dessus dessous dans la maison du bon homme, son Capitaine arriuant, il prend mine d'hoste & de cōcitoyen : ny plus ny moins le

Diable

*Il le chasse  
se du corps  
d'un Calabrois.*

Diable faisoit entendre en la bigarrure de ses deportemens , qu'en presence du saint Homme il auoit trouué maistre, & chaussure propre à son pied. Car d'arriuee le saint Homme commanda deslier le Demoniaque , pour faire voir à tous la captiuité de son ennemy au milieu de sa liberté. Ceux-cy qui s'é estoient chargez, plus que de foy enuers le saint Homme & ses paroles , disent n'oser l'entreprendre , que sans faute il en arriueroit du mal. Dieu en dispoisoit ainsi , reseruant l'honneur de la victoire à ce valeureux champion de IESVS-CHRIST: & comme tel monstrant le par-dessus qu'il auoit sur son ennemy, le deslie luy mesme: luy faict prédre de sa main trois figues seiches, & le conduit iusques à vne petite riuere proche de là . Les voicy retourner tous deux ensemble chargez de bois pour le seruice du Conuent: mais le S. Homme comme vn braue capitaine qui sort avec l'honneur du champ de bataille chargé des despoüilles de son ennemy, auquel il fit la loy, pour n'oser de là en auant recourir sur ses pertes , ny en façon du monde trauailler celuy que le saint Homme auoit mis en repos.

Si vn des signes promis en l'Euangile, desquels Dieu marque la fidelité des siens , est prendre pouuoir absolu sur l'infidelité de Sathan, avec son party, pour luy commander à baguette, & le maistriser facilement ! Saint FRANÇOIS de Paule ne pouuoit qu'estre reconnu partisan de IESVS-CHRIST, & plus fidele à son seruice: faisant à toute heure essay de sa valeur sur les furieuses rencontres de l'ennemy

my commun. A ceste fois vn pauvre payfan possédé du meschant esprit, trauaillé par tous les membres de son corps de mouuemens extraordinaires, comme espee de conuulsions, & choses effroyables, à quoy il le forçoit, trauailloit les autres qui prenoient soin de luy, & n'osoient le laisser seul, moins aller en quelque lieu sans bonne conduite. Ses parens lassez de ce continuel exercice, le trainent plustost qu'ils ne le meinent au sainct Homme. Il le reçoit charitablement, l'oblige par commandement le suiure par tout, avec expresse deffense de ne le quitter ou s'en retourner. Ceste iussion prononcee par la bouche d'un homme, d'un Minime, fut le premier coup de baston que receut pour ceste fois cet esprit altier. Force donc luy est obeyr, suiure le S. Homme à l'atelier, & trauailler à bon escient aux bastimens du Monastere. Ce beau mesnage ne peut pas continuer, le Diable qui n'auoit iamais appris d'obeir, c'est à dire s'humilier sous autrui que par la violéce laquelle par les loix de sa nature, ne promet pas vn long téps: aussi on l'étend gronder, on le voit qu'il cômence ses ruades, estriuer cõtre sõ maistre, r'entrer en ses premieres fougues, iusques à tât que le S. Homme, comme luy montrant les verges, entre aux menaces: *Je veux*, celuy dit-il, *que tu sortes anionrd' huy hors ce corps que tu afflige*: enuirõ donc l'heure de midy il préd ce pauvre hõme, le meine en l'Eglise. Cõmãde avec auctorité à tous ces esprits malings, qui estoient dans ce miserable corps, sortir presẽtement. Ils disent tous estre contets pour son respect

*Delivre  
vn payfan  
de l'op-  
pression &  
possession  
du Diable*

respect particulier, qu'aussi bien il les trauailloit par trop. Le saint Homme : Et comment sortirez vous, car ie ne veux pas que vous endommagiez en rien cest homme : les Diables: nous voulons sortir en forme de vêt. Le S. Homme: ie le vous permets: & deffends tout ensemble, ne rien gaster : chose espouuanteable! comme si le corps de ce pauvre homme eust esté vn nuage renfermé, qui par ses ruptures soufle, esclaire, tonne, & espouuante les yeux, & aureilles des viuans: voicy vne tempeste qui semble menacer toute l'Eglise de sa ruine: les vittres debattent avec violence : les portes, quis'ouurir, qui autres se fermer impetueusement: le pauvre demoniaque ietté là demy mort : & tout cela neantmoins sans qu'il se trouuast iamais rien gasté ou offensé, le pauvre homme mesme se leue fort paisiblement, avec mil, & mil actions de graces, qu'il rédoit à Dieu & au S. Homme pour le bien de sa deliurance.

*Expulse le  
diable du  
corps d'une  
femme  
d'Ausito-  
lie.*

Vne femme du pays d'Ausitolie, est conduicte par force iusques à Paterne pour estre présentée au saint Homme, elle estoit possédée du diable, & extremement tourmentee, on la faiçt entrer en l'Eglise du saint Homme, enuironnée d'un grand nombre de personnes, qui pour satisfaire à leur curiosité: autres pour la tenir & garder : si que naturellement elle ne pouuoit veoir plus loing que la ceinture de ceste grande assemblee. Neantmoins elle commence à crier, *voyla mon ennemy*. Chacun ce pendant tourne son visage, pour recognoistre ce qu'elle veut dire. On void

voit le bon Pere qui entroit en la Sacristie de son Eglise pour ceste fois, & ce iour on ne luy diët, ou faiët rien, Le iour suiuant ceux qui en estoient chargez, la raportent en l'Eglise, où quelques Peres se vouloient mettre en deuoir de l'exorciser: ce meschant esprit leur respondit desdaigneusement, ie ne crains ny vous ny tant que vous estes, sinon vostre Pere *Frāçois*. Le saint Homme recognoissant l'obstination de cest ennemy, il faiët venir ceste pauvre possedee dans la Sacristie, avec vn bõ nombre de personnes notables en leur presence. Il la coniuere, le diable estriue contre ses commandemens: qu'il n'en fera rien, qu'il n'en sortiras pas: le bon Pere, luy dit que si: il replique, & par plusieurs fois, que non: la veuë & l'ouïe d'vn si cruel combat espouuentoit la compagnie: lors que le diable s'aduise d'vne ruse pour sortir des mains de son Antagoniste qui le pressoit: Tu te trompes dit il au saint Homme, tu me coniuers comme si i'estois vn diable, & ie suis l'ame de ceste fême, qui a tant faiët parler de soy, qui mourut au temps de la guerre faiëte par le Duc Iean: il y auoit enuiron vingt cinq ans, que la fême dõt il parloit estoit morte, qui estoit vne infame putain. Le S. Hõme desconurit aussi tost que c'estoit vn plat de sõ mestier: routes fois pour luy faire sentir la peine du mensonge, quasi respondãt à son propos, luy reprocha: Et si tu es vne telle, qui t'a faiët obstiner en ta malice: que ne t'es-tu confessee auãt que mourir: tu ne fusses aujourd'huy comme tu seras à iamais, vne miserable damnee. Le diable croyant auoir gentiment

timent esquivé pour ce coup, commençoit à enfilier vn discours apres l'autre: si le bon Pere ne luy eust aussi-tost coupé chemin, & pour luy faire entendre qu'il n'y auoit point de prudence contre celle de Dieu, & de ses Saints, il luy represente sa premiere these, & le force en despit qu'il en eust, aduoüer qu'il estoit vn diable, vn trompeur, vn menteur, & comme tel, sans plus differer, il luy commande absolument sortir, & quitter le corps de ceste femme, sans l'offenser: il ne fut iamais possible au diable parer à ce coup, il fort honteusement: la femme demeure libre & saine, puis retourne en son pays, chantant les loüanges de Dieu, avec les rares vertuz de son bien-aymé seruiteur, S. FRANÇOIS de Paule.

La presence & residence d'un homme de bien c'est la force, le répart & la deffense d'un pays: tout son bon-heur. Le bien de la paix demeura en Italie aussi long temps que le S. Homme y fit son sejour. Les guerres avec les restes des malheurs qui suivirent tost apres son departement, n'osoient seulement la fleurir de loing, & les Diables mesme enragez de plier sous les loix d'un homme, n'auoient point vn plus commun iargon que de menacer perdre l'Italie en s<sup>a</sup> absence: vn specialement entre les autres, qui possedoit le corps d'une fille, qui fut amenee au S. Hôme: Que ne disoit-il point? le despit luy permettant ouurir à demy la bouche, la forçoit grincer des dets, dilater les paupieres des yeux, refroigner le front, & ratatiner la face hurloit entrelassant

relaissant des paroles à demy formées. Ce vilain, ce barbu, ce rempiecé, ce mangeur de racines nous empesche. Le saint Hôme voyant que le pacquet s'adressoit à luy, s'approche, luy demande : Et qui estes-vous, pour vous plaindre que ie vous donne de l'empeschement? *Le Diable.* Nous sommes icy certaines legions d'esprits. *Le saint Homme.* Où sont tes compagnôs? *Le Diable.* Ils sont en ce bois prochain, où on voit souuent vne grâde quantité de corbeaux. *Le bon Pere.* Où vont-ils? *Le Diable.* Ils sont enuoyez exprés de Dieu pour destruire & ruiner toute l'Italie. *Le bon Pere.* Et qui les retient ou empesche d'executer leur commission? *Le Diable.* Tant & si longuemét que tu demeureras icy, il leur est impossible rien faire ou auâcer si peu que ce soit. Ta trop grande humilité bride nos volontez, & met à neât tous nos desseins. Nous reseruôs la partie à vne saîsô plus cômode. Lors que tu quitteras le païs, on experimentera ce que nous y voulôs faire, qui est autant de mal que nous pourrôs : mais patience iusques à ce tēps. Le S. Hôme à l'instât mesme fit preuue de ceste humilité que le Diable luy reprochoit, car voyant que le discours commençoit le regarder avec faueur, il le ferme, & en ouure vn autre sur le sujet presentement à luy offert. Quit'a faict si temeraire, cōmença le S. Hôme à l'ennemy, de t'emparer si hardimét de la creature de Dieu. *Le Diable:* Moy ie ne l'ay pas cherchée : elle a cheminé en vn lieu où i'estois, & marché sur moy. Je me suis mis en deffense, m'emparant de son corps : où ie me trouue si doucement que

que ie ne suis pas d'aduis pour rien l'abandonner. *Le saint Homme*, Va t'en par charité, & laisse ceste pauvre fille en paix. *Le Diable*. Où veux-tu que ie m'en aille ? *Le saint Homme*. Va t'en au lieu que tu t'es acquis par ta superbe rebellion peu de temps apres auoir esté créé. *Le Diable*. Ne me trauaille donc point dauantage, & ie m'en iray d'icy à trois iours. *Le saint Homme*. Va t'en dès maintenant au nom de Dieu, & ne nous fais point perdre plus de temps. *Le Diable*. Puis qu'il faut quitter la place, permets au moins que ie sorte par les yeux, & que i'en emporte vn. *Le saint Homme*. Je te deffends bien faire aucun mal à la creature de Dieu. *Le Diable*. Donne moy d'oc quelque chose pour m'en aller content. Le S. Homme se soufriañt dit à vn des Religieux qui l'accompagnoient, de luy donner des petits morceaux de verre cassé. Le Diable cependant se fermoit là, qu'il ne sortiroit point, croyant tousiours gagner le temps avec semblables singeries, desquelles il pensoit amuser le saint Homme avec la compagnie. Lors que le bon Pere armé d'un grand zele à l'honneur de Dieu, & au salut du prochain, comme se prenant aux mains avec son ennemy, empoigne la fille par les cheueux, & d'une parole genereuse: Je te commande, celuy dist-il, sortir tout maintenant de ce corps. Iamais esclat de tonnerre n'espouanta autant le plus timide, que la parole du saint Homme prononcee avec chaleur effraya son ennemy: car au mesme instant le voila en fuitte, & si loing qu'il ne resta pas vne seule marque de sa presence:

*Delivrance  
d'une fille  
possedee du  
Diable.*



sence: si bien de son absence. Ayant laissé vn pauvre corps si trauaillé qu'il sembloit à demy mort. A quoy le saint Homme remedia ausi tost: il fait apporter de la viande, la fait manger & boire: puis la renuoya en son pays avec vne parfaite santé, luy laissant, & à la presente compagnie, vn ample sujet recognoistre de combien de graces, faueurs, & priuileges l'Italie estoit honoree par la presence d'vn si vertueux personnage, & plus grand amy de Dieu.

En la ville mesme de Paterne, vne femme nommee Marine Cape, fut saisie de l'ennemi qui la trauailloit à l'ordinaire, & luy faisoit faire des choses enormes, en dire de plus execrables: c'estoit en somme vn enfer, ou son image; que la voir, ou entendre. Les parens mettent peine la faire conduire au Couuent du S. Homme: où estant arriuee le bon Pere avec vn simple commandement chasse l'esprit ennemy, & la met en repos.

Le fait qui va suiure semble vn peu plus notable, pour recognoistre l'auctorité du S. Homme & le pouuoir qu'il auoit commander absolument aux diables, comme à eux l'obligation de luy obeyr. Vne ieune fille, & qui appartenoit à gens d'honneur, fut grandement trauaillee d'vne certaine espeece de diables, qui se nomment Incubes. Ils la poursuiuoient iour & nuict, sans luy donner loisir se recognoistre. Les parens se trouuoient bien empeschez y pouuoir donner quelque remede: la laisser ainsi, c'estoit desesperer vne pauvre ame: demander aduis à quelqu'vn, ils craignent qu'ils ne le tiennent assez secret. Cela aduenant la reputation de la fille est engagée.

*Il deliure  
une femme  
de Paterne.*

*Il deliure vne  
ieune fille  
inquietee  
par un Incu-  
be.*

gee . Il n'y aura Homme à l'aduenir qui ose ou vueille la rechercher . Voila vne fille qui vieillit en leur maison , & leur demeure sur les bras . D'ailleurs il n'y a point de repos au logis : à toute heure elle leur donne l'alarme : il faut courir au secours . Et puis vne maison ne peut estre si bien fermee, qu'en fin son plus grand secret ne trouue si petite fente que ce soit pour son issuë . Qu'il estoit plus à propos aller vers le bon Pere , sans plus différer , craignant que pis ne leur arriue, qu'ils le cognoissent pour Hōme sage, discret, & charitable , & qui ne voudroit pour rien dire chose qui leur importast . Ils deputēt donc quelques vns des leurs , qui supplient bien humblemēt le S. Hōme les ayder en ceste necessitē Aussi tost le bon Pere appelle deux de ses Religieux : *Allez*, ce leur dit-il, *avec ces bonnes gens, & faites ce dont ie vous ay chargé.* La compagnie sort du Conuēt : va droit à la maison : on presente la fille à ces Religieux, qui luy dirēt, s'adressant aux diables qui la trauailloient : *Nostre Perc nous a enuoyé icy expres pour vous dire de sa part, de vous retirer, & qu'il ne vous arriue plus à l'aduenir molester ceste fille.* Il en arriua ainsi , la fille demeura toute sa vie sans aucun trouble ou importunité . Mais ce ne fut sans vne grāde confusion, & iuste vengeance contre le diable, se voir cōmandé par les sujets mesmes du seruiteur de Dieu, pour auoir secoüé le ioug delectable de son obeissance.

L'aduertissement charitable que le Prince des Apostres donne à toute l'Eglise se tenir sur ses gardes , que le diable en guise d'un lyon rugissant tournoye , cherchant quelqu'un pour le deuorer, vient à present fort à propos pour descou-  
urir

urir sa mauuaise volonté, s'il auoit le pouuoit plus grand pour faire pis. C'est qu'une femme de Paternelle sortant sa maison pour affaires qui la licentioient assez iustement, elle auoit laissé vne sienne petite fille couchee dans son berceau : retournant pour luy donner la mammelle, elle la trouue morte, & croit assez raisonnablement que c'estoit le diable qui l'auoit estouffée : fondée sur ce que les malins esprits se rendoient fort importuns dans ceste maison, paroissans souuentefois, & en diuerles formes, avec cris horribles, espouuantans d'ordinaire tous ceux qui y auoient fait leur demeure. Le meilleur aduis fut porter l'enfant en l'Eglise du saint Homme: luy présenter pour en retirer quelque consolation. C'estoit bien rendre le change au diable, que faire voir ses ouurages au saint Homme, qui comme tel *Resuscite un* reconnut aussi tost celui-là: & de fait le bon Pe- *enfant estouffé* re voyant cet enfant, s'adressé soudain au diable, *fé par le diable.* & luy parle ainsi: *Va dehors meschante chose.* A peine le saint Homme auoit fini sa dernière parole, que l'enfant commença crier, pour rendre tesmoignage de sa vie.

Il est bien vray que le diable se declare ouuertement ennemy de tous ceux qui professent vn particulier seruice à Dieu. Il semble neantmoins apporter des efforts plus violents contre ceux qui commencent le train de la vertu, & souffler plus impetueusement ces petits arbrisseaux nouvellement plantez au verger de nostre Dieu: pour arracher s'il pouuoit les fondemens de l'edifice spirituel commencé par ces bonnes ames. Cecy fut veu au Plessis les Tours, en la personne d'un ieune homme enfant de Paris, à

qui le saint Homme auoit donné le saint habit de Religion. Le maistre des Nouices l'auoit aduertie se preparer à vne confession generale, suyuant vne louable coustume qui se pratique en l'Ordre. Ce ieune hōme prend l'espace de huit iours pour rechercher exactement sa conscience. Le soir precedent du iour qu'il s'en deuoit acquitter, il va au Refectoir avec les Religieux pour la collation, pendant laquelle il ne cessa de pleurer. Les Peres qui le voyoient, specialement son maistre, interpretoit le tout à la meilleure part. A peine le signe est donné par le Superieur, que sans attendre les graces, le voila fuyr droit dans sa chambre. Le maistre qui l'auoit attentiuement contemplé à la table, croit qu'il soit allé à l'Eglise, & croit tout ensemble vne ferueur & deuotion indiscrete en ce ieune enfant: comme le diable bien souuent trompe ceux qui commencent au seruice de Dieu. Il le cherche donc dās l'Eglise: il va de ce pas au iardin, il ne le trouue non plus en vn lieu qu'en vn autre. Il tourne visage vers le Dortoir, frappe doucement à la porte, personne ne respond, & neantmoins il entend comme des plaintes effroyables: il se resout d'ouurir la chambre: aussi tost voila sortir vne vapeur aussi chaude que de la gueule d'une fournaise. Le bon Pere trouue son Nouice en fort piteux estat, ietté sur sa couche, la face chargée, les yeux estincelans qui sortoient de la teste plus de deux doigts, grinçant les dents, la bouche ouuerte quasi iusques aux oreilles, poussant la langue dehors, avec des fumees si chaudes & puantes, qu'on ne pouuoit qu'avec grandissime peine demeurer proche de luy. Le maistre à la

veue

*Estrange confession d'un Nouice de l'Ordre, en fin deliuré par saint François.*

veue d'un si horrible spectacle, saisi de frayeur, s'escrie. Les autres Religieux ja retirez en leurs chambres, sortent: les premiers venus secon-  
dent les espouuantemens & cris du maistre, & eux secondez par ceux qui arriuoient. Si qu'en peu de temps ces voix lamentables assemblent tout le Conuent pour venir au secours de ce pauvre Nouice possédé par l'ennemy, & si fort agité, que six des plus forts Religieux ne pou-  
uoient s'en rendre maistres. Ce trouble dura depuis cinq heures du soir iusques à huiſt, pendant que les Peres là presens vsoient d'exorcismes, & des autres moyens ordonnez par l'Eglise, se ser-  
uir en pareille necessité: n'osans pas employer le plus fort, qui estoit d'appeller le saint Homme reclus en sa cellule, & ce temps là particuliere-  
ment, auquel le silence s'observe estroitement: ne se promettans aucun accez vers luy, pource qu'il n'ouuroit iamais sa porte apres les Com-  
plies finies. Pendant que chacun des Religieux en disoit par où il pouuoit, vn de la compagnie, plein de zele, leur remonstre la necessité n'auoir point de loy: qu'il falloit aller vers le bon Pere, qu'il ne pouuoit que trouuer tres-bon ce qui se feroit avec charité: tous les temps estre indiffe-  
rents pour bien faire, si l'on ne peut differer: luy mesme estre prest porter la parole, si on le vou-  
loit accompagner de commission, avec deux ou trois Religieux. La resolution est donc prise, les voila à la porte de la cellule du saint Homme, ils frappent doucement, il leur ouure aussi tost: celui-cy s'auance avec sa harangue, auxquels le saint Homme prenant son baston: *Allons*, ce leur dit-il, *par charité*: Sur le chemin le bon Pere

*Silence e-  
stroittemēt  
gardé par S.  
François.*

exprimât le desplaisir qu'il portoit au cœur pour les insolences du diable contre les vrais seruiteurs de Dieu, repetoit souuent avec vn mouuement plus fort de la main, & du balton: *O ennemy*, ce disoit-il, *que tu donne d'empeschement à ceux qui veulent faire penitence, & approcher de Dieu.* Arriué qu'il est à la porte de la chambre, il s'arresta tout court, & ne voulut entrer, qu'au prealable on eust leu la passio de nostre Seigneur: il entre apres que tout est fini, met hors tous les Religieux, à la reserue d'un, à qui il commanda demeurer avec luy, & le possédé: mesmes ceux qui tenoient le patiét: au lieu desquels il luy met seulement son cordon au col, qui empeschoit tellement le diable, qu'il n'eust osé fretiller. La porte fermee sur eux trois, le saint Homme cōmença tancer rudement le diable, pour troubler ceux qui vouloient rendre seruice à I E S V S-CHRIST, & luy commande, par sa vertu, de sortir. C'estoit lors voir vn reste du combat du Ciel entre S. Michel & le dragon, qui estriuoit tant qu'il pouuoit, reculant, & refusant sortir: mais comme il recognoist la partie estre inegale, & la place n'estre point tenable, il seruë vers les menaces, qu'il ne cessera iamais de le trauailler, qu'il n'en pardonnera rien à ceux de son Ordre: avec d'autres & semblables fariboles, & rodomontades, qu'il exprimoit en quatre ou cinq sortes de langues, & idiomes differents. Mais il n'y a force ou science qui égale celle de Dieu. Le seul nom de *saint Michel* luy auoit deu faire entendre. Voicy vn de ses partisans, le saint Homme, qui a laissé le choix des armes à son ennemy, pour dire qu'il ne le craint pas. Il respond, & pare aux coups,

coups, avec le mesme langage que luy tient son eunemy. *Si Dieu*, celuy dit-il, *est pour nous, il n'est pas à tout le pouuoir des furies infernales nuire si peu que ce soit au moindre des miens. Et pour te faire voir l'eschantillō de la piece, c'est que presentlyment tu sortiras cōtre ta volōté, & chargé de confusion, pour toutes despoilles, de la surprise où tu t'estois & à tes cōplais promis un meilleur butin.* Cela dit, le S. Hōme plein de zele pour l'honneur de Dieu, & vne iuste vengeance contre ses ennemis, s'escrie à haute voix: *O bon Dieu ie vous supplie bien humblement regarder en pitié vostre pauvre creature.* Ceste voix fut si effroyable aux oreilles du diable, que bien estonné abandōne subitemēt le Nouice, sans faire aucun bruit, layant laissé cōme à demy mort. Le S. Homme alors dit à celuy qui l'accompagnoit d'ouurir la porte. Les Religieux entrent, il prend la main du Nouice, qui sembloit n'auoir plus de mouuement & sentiment, & luy dit: *Leuez vous par charité.* Ce ieune Hōme ouure les yeux, se leue, puis se prosterne à deux genoux aux pieds du S. Hōme, & les luy baissant: *O bon Pere*, ce disoit-il, *vraye guide pour le salut des ames penitentes, c'est par vos merites que ie suis deliuré de la puissance du diable.* Alors le S. Homme cōme sortant tout fraichement du combat, ioignant la pratique avec la theorie, d'une halene encores eschauffee, & doublement, de zele pour Dieu, & en faueur du prochain, fit vne docte & religieuse predication: leur faisant voir le astuces du diable, ses ruses ordinaires & extraordinaires: de la maniere de luy resister: de pouuoir cognoistre & discerner les bons Anges avec les esprits malins. La cōpagnie ainsi consolee spirituellement, il ordō-

ne recreer le patiēt en vne chambre, où il y auoit du feu. Là toute l'assemblée s'y receut. Le saint Homme dit à deux Religieux de le suiure iusques en sa cellule, où il leur donna vn pain, & cinq ou six quosses d'aux : *Allez*, ce leur-dit-il, *faites tous collation ensemble, & consolez charitablemēt ce pauvre Nouice*. Le lendemain ce ieune homme trouua aussi dispos, comme s'il n'eust iamais senty aucun mal, & a perseueré en l'ordre viuant religieusement iusques à la mort.

*Obsession  
d'un Noui-  
ce, & sa de-  
liurance.*

L'ennemy de nostre salut a tellement conjuré nostre ruine, que bien qu'avec la grace de Dieu il soit affoibly, chassé & mis en confusion pour quelque temps, il ne laisse toutesfois de venir espier, & tenter les moyens de nuire à quelqu'un, se vanger de ses pertes, & emporter sa proye s'il peut. Le S. Homme l'auoit despoüillé de ses pretentions sur vn Nouice, enfant de Paris, le voicy retourner sus vn autre, qui est de la ville mesme de Tours. Il se nommoit frere Estienne. Pendant l'annee de sa probation, le Diable luy donne bien de l'exercice sans possession, avec la seule obsession, luy presentant deuant les yeux quelques demy-figures espouuantables, ombres de mort, & autres choses tristes. Il luy réplissoit les oreilles de sons & bruits confus : & ce qui estoit plus à plaindre, il luy souüilloit le cœur & l'imagination de vilaines & meschantes pensees, en telle quantité, & si importunément, que ce pauvre Nouice, vrayement Nouice & apprentif au cōbat spirituel, estoit resolu quitter la partie, mettre les armes bas, & retourner parmy le monde : lors que le S. Homme estāt aduertý du mauuais traitemēt que le diable retournoit faire aux

siens :



siens: il appelle à soy le Nouice, luy fait vne belle leçon du peu de pouuoir des diables contre ceux qui auoient de l'amour & de la volõté pour Dieu: qu'il en ressentiroit en brief les effects: qui se gardast bien de perdre courage. Le bon Pere ayant ainsi consolé son enfant, l'enuoye à sa chambre, & luy se charge du combat contre cet ennemy: se met en prieres, & ne cesse de parler avec Dieu iusques à ce que deffense bien estroitte fust faicte au diable de ne plus trauailler ce ieune Nouice, & le laisser viure en repos: comme il y persẽuera le reste de sa vie, confessant à tous les Religieux, que depuis ce temps-là il n'auoit senty comme nulle peine au seruice de Dieu.

Deux Peres Cordeliers en la ville de Tours viennent visiter le S. Homme en son Conuẽt, & luy presentent vne ieune Nouice de leur Ordre, tourmenté ce qui se pouuoit par l'ennemy, qui l'ẽpeschoit vacquer à ses exercices religieux, le faisoit vagabonder & courir par le Cloistre nuit & iour, & ne desiroit rien plus que retourner au monde. Ces bons Peres, non pour necessité qu'ils en eussent, ains esmeus d'vne charitable cõpassion enuers son ame, le retenoient, pour ne permettre à l'ennemy chanter victoire. Implorent à cẽt effect le secours du S. Homme, qui leur dit n'ẽstre besoin faire autre chose, que le recommander à Dieu, & à leur Pere S. François d'Assise. Ces Peres ne se contentans pas, ils importunent le S. Homme passer outre par exorcismes. Ils le gagnent par prieres pour le faire descendre iusques à l'Eglise: où ayant conjuré le diable, au mesme instant le Nouice fut deliuré, puis luy donnant quelques petites herbes pour luy fortifier

*Obsession  
d'un Nouice  
Cordelier, & sa  
deliurance  
par S. François de Pavle.*

tifier l'estomach & le cerueau: *Allez, ce luy dit-il, mon fils, seruez bien Dieu, & gardez exactement les statuts de vostre Regle, & Dieu vous aydera & assistera à l'aduenir.*

Le S. Homme auoit enuoyé à Rome deux Peres de son Ordre, F. Antoine Ponte, & F. Pierre Gilbert pour quelques affaires de la Religion. Arriuez qu'ils sont là, ils se trouuent en vn exorcisme d'une femme demoniaque que l'on auoit menee de la Picardie. Les parens s'estans promis qu'elle en seroit plustost deliuree en ce lieu. Le diable faisoit du moqueur, promettant depuis trois mois qu'il l'exorcisoit, de sortir: & demeurait tousiours là. La compagnie supplioit les bōs Peres, escriuans en France, la recommander aux prieres du S. Homme. Vn d'eux, c'estoit F. Pierre, il s'aduise qu'il auoit sur soy vn des Cordons du bon Pere, qu'il luy auoit donné partāt de France. Il le met au col de ceste possedee, & recommençant les exorcismes, il interroge le diable, s'il cognoissoit celuy de qui venoit ce Cordon: Ie le puis, ce dit-il, bien cognoistre, & à ma confusion: car il y a ja long temps que nous sommes aux prises l'un contre l'autre: & ien'ay sceu encores rien emporter de luy. Le Religieux luy repartit. Puis que cela est, afin de te faire dire vray contre ta coustume: *Ie te commande au nom de Dieu, de la glorieuse vierge Marie, & par les merites de nostre Pere S. François de Paule, que tu sortes tout maintenant, & laisse ceste pauvre femme en repos.* Quoy, dit le diable, & tu demande si ie cognoist ton François? Le voicy absent qu'il est, qui m'a encores vaincu, & me contraint de fuyr d'icy: Mais qu'il sache, & tousiāt que vo' estes, que

*Femme demoniaque deliuree par le seul attouchement du Cordon de S. François.*

que puis que vous le prenez ainsi contre moy, ie vous feray cruellement la guerre. Le bon Religieux luy dit: *Sors seulement comme il t'est commandé : la bonté de Dieu pouruoir a au reste contre tes malices .* A l'instant mesme ceste femme demeura parfaictement deliuree.

*Les miracles faicts en faueur des prieres de  
S. François de Paule.*

## C H A P. XXI.

**L**E pouuoir d'un amy sur vn autre amy est *Excellence de la parfaicte amitié.*  
grand merueilleusemēt, si l'amitié est vraye, & n'est couuerte du masque de perfidie, & trahison. Je la compare en ses forces avec l'vnité, laquelle maintient toutes choses en leur estre, comme la diuision les iette en leur ruïne ou neant. Aussi les vrayz aymants sont deux corps en vn' ame: deux ames en vne volonté: deux volontez en vn pouuoir : & deux pouuoirs en vn effet. De là naist cest ancien, & tres-vray Proverbe: *tout est commun entre amis .* Cela fait parler l'autre, & dire tant sagement: *Mon amy est vn autre moy-mesme.* Est-il pas vray que la pauvreté est riche, à qui possède vn amy riche, & les richesses pauvres si l'amy est trouué tel? Nattédés pas que i'enrichisse ce discours des histoires sacrees, ou prophanes, & que ie parle de l'amitié de Dauid & Ionathas: de Damon & Pithias: amitez tant celebrées par l'antiquité. I'ay bien quelque autre chose dequoy vous entretenir plus serieusement & amoureuxment: C'est l'amour que Dieu a voüé particulièrement à ceux  
qui

*Amour de  
Dieu en-  
uers les  
creatures.*

qui pendant ceste viel'ayment, & cheiffent fidelemènt, & qui d'un courage inuincible arrachans leur amour des creatures, pour ne rester leurs esclaves, l'employent entierement au ser-vice de leur Createur. Qui pourroit exprimer: C'est trop: ains seulement cognoistre les fa-ueurs, courtoisies, & mil & mil petites parti-cularitez, par lesquelles Dieu va tesmoignant en secret, & à l'ouuert, combien il ayme ceux qui luy conseruent leur amitié? Ce seroit bien à propos d'entendre ces esprits celestes, ces enflambez Seraphins bruslants, & reciproque-ment bruslez d'amour, entonner icy clairement: *Sainct, Sainct, Sainct*, discours perdus en la re-cherche des causes raisonnables d'un si grand amour d'un plus grand Dieu, vers des creatures si petites, & approchantes du rien: retrouvé dans vne admiration amoureuse, conceuë dans la contemplation des effects. Mais puis que le Ciel nous est encores fermé, & qu'il n'est per-mis voler si haut pour prendre langue de ces cõ-pagnies tres-heureuses: au moins nous sera-il permis voyager sur la terre, & rechercher ceux qui le plus ont traffiqué ceste amitié avec Dieu pour en eux loïer, par eux entendre, & avec eux aymer celuy qui esperduement semble aymer les hommes. Le subiet que traictons nous en fournit d'un qui semble vn autre Seraphin en nostre Paradis terrestre, en l'Eglise militante: C'est S. FRANÇOIS de Paule qui brusloit d'a-mour: & charitéenuers Dieu effect du premier amour, amour de Dieu, qui auoit preuenü & donné estre au sien: representez vous mainte-nant ces deux aimants, & n'oubliez les priuileges de la

*Amour en-  
tre Dieu, &  
S. François.*

de la vraye amitié. Vous verrez S. FRANÇOIS de Paule ( s'il estoit permis le dire ainsi ) comme vn second Dieu, puis que Dieu veut ce qu'il veut. Dieu a dit & toutes choses ont esté faites. Ce saint Homme dit, incontinent il est fait. A peine a il deserré les dents, pour commencer sa priere, qu'il est exaucé. Et souuent Dieu qui cognoist les plus secretes pensées du cœur, preuenoit la priere, & effectuoit les desirs qu'il voyoit, & cognoissoit se fermer dans la volonté de ce saint Homme son amy. Voicy bien de quoy maintenant le recognoistre par tant d'effects miraculeux.

Lors que le saint Homme commença de bastir à Paterne, & que l'on creusoit, & fossoioit pour ietter les fondemens du Cōuent, deux manouvriers qui là trauailloient furēt surpris, & accablez d'une grande quātité de pierres, & de terre qui s'esboula & les couurit subitement. Que pouuoit on autre chose attendre, & entendre d'eux qu'une mort cruelle, & qu'un si lourd fardeau les eust accrauantez? Le saint Homme estoit là present, qui sans se troubler autrement, cōmanda retirer les terres, sous lesquelles furent trouuez les deux manouvriers saufs & sains, sans aucune apparence de mal. Ceux qui estoient là presens admirerent ce fait, non la constance avec laquelle ils auoient veu ce S. Homme s'y cōporter. Car ils creurent fermement l'assurance que Dieu luy auoit donné interieurement, pour satisfaire aux prieres qu'il luy auoit présentées, pour la conseruation de ses œuvres.

*Deux manœuvres accablez d'un écoulement de pierres preseruez par les prieres de saint François.*

L'histoire qui va suiure, parlant d'un malade abandonné de tous secours humains à la reser-

*Vn Cusant  
sin guarý  
d'une ulce-  
re humaine-  
ment incur-  
rable.*

ue des prieres du saint Homme, laissera vn plus fort tesmoignage de la vertu, & pouuoir qu'il auoit par l'entremise de ses oraisons. Le patient duquel nous voulons patiemment parler, senõmoit Jacques de Terlia, Cusentin, noble personnage, Baron de Beaumont: lequel de long temps estoit malade, ayant en la cuisse vne apostume, qui auoit tellement accreu, & corrompu la chair, qu'elle luy causoit des douleurs extremes, & luy desespéroit sa santé. Desirant y apporter tels remedes qui seroient iugez propres, & necessaires pour ce faire, luy semble, plus commodement, se faict transporter à Cusance, où il assemble, & consulte tous les medecins du lieu. Leur expose son mal, les suppliant deployer toute l'industrie de leur art, & n'espargner les moyens pour parfaire ceste cure. Les medecins, & Chirurgiens commencent, & perseuerent à trauailler quatre mois entiers. Qui par leur conseil, qui par leurs appareils, comme de toutes autres choses dependans de la medecine, qu'ils iugeoient expedient pour la santé de leur malade. Et tout en vain. Car au lieu d'y apporter remede, la playe de iour à autre alloit de mal en pis: iusques à ce qu'en la derniere consultation les Medecins, & Chirurgiens la iugerent du tout incurable. Ainsi le Baron retourna en sa maison des champs. Qui apres vne grande despence, plus grandes douleurs, & vne grandissime fascherie, n'emporta avec soy que vn desespoir de la santé. A peine est il arriué en sa maison que la renommée de S. FRANÇOIS de Paule luy retentit aux oreilles. Prend resolution l'aller trouuer à Paule, où de faict il se fit

fit conduire, avec grande peine & travail, pour la distance de quinze milles qu'il y a depuis Beaumont. Va droit au Conuent des Minimes, demande le saint Homme, s'entresaluënt tous deux humainement. Le Baron luy expose le sujet de son voyage, le suppliant tres-affectueusement auoir pitié de luy. Le saint Homme commande aux seruiteurs du Baron, desbander la cuisse, & descouvrir le mal; qui voyant vne playe si profonde, & hideuse avec les assistans, qui de prime face la iugeoient incurable, dit neantmoins au Baron, que s'il desiroit estre guarý, il eust vne ferme foy en IESVS-CHRIST. Puis enuoyant vn de ses Religieux cueillir vne certaine herbe, nommee *vnglecheualine*, (ainsi dite pour représenter en soy la figure de ceste vngle, mais iugée de nulle ou petite valeur) pour apporter aussi vn peu de la poudre de si Cellule, ou chambrette. Qui cependant se retire derriere la porte del'Eglise, où se prosternant par terre deuant l'Image du Crucifix, enuoye au Ciel son oraison cōme vn courtier fort leger porté d'vn amour vehement vers le bien du prochain: En sommaire il prioit Dieu qu'il luy pleust regarder en pitié ce pauvre Baron, & estendre sur luy sa misericorde, puis qu'il n'arrestoit l'anchre de son esperance sinon en luy. Ce medecin surnaturel s'approche de son patient, fait le signe de la Croix sur la playe, iette dessus vn peu de la poudre, & couure le tout de trois fueilles qu'il auoit enuoyé chercher, bande la playe, puis renuoye le Baron, l'aduertissant vser de ce remede deux ou trois fois estant de retour chez soy, & sur tout, tenir ferme la confiance qu'il auoit mise

en

en Dieu. Le Baron qui n'auoit peu retenir les larmes de ioye, pendant tous ces discours, remarquant vne charité tres-humble, ou humilité tres-charitable en ce bon Pere, prend la benediction, & rentre en sa litiere: retourne avec ce contentement interieur de son ame plein d'esperance: & giste pour ce iour à my-chemin de sa maison. Le lendemain matin se mettent en deuoir paracheuer leur voyage. Paruenus qu'ils sont à la cime d'une montagne, se tourne vers sa femme (laquelle comme fidele, & loyale espouse luy auoit tenu tousiours bonne cōpagnie) & luy dit: M'amie, certainement il me semble que ie suis guaruy, car ie ne sens plus les grandes douleurs & puanteurs que ie soulois sentir de ma cuisse. Il conclud ietter son doubte hors par l'espreuue des effects sains, & dispos. Descend de sa litiere, chemine à pied, il frappe, & reffrappe la terre du pied premierement debile, ayant tousiours neantmoins la main alendroit du mal. Sa ioye augmentoit avec celle des gens qui l'assistoient. Il se hazarda donner vn coup de poing sur la playe, laquelle ne luy rendant autre douleur, que celle qu'eust senti vne partie saine du corps, s'écrie de ioye, qu'il estoit parfaictement guaruy. Ce fut lors sans plus attendre, rendre graces à Dieu, tesmoigner les vertus de S. FRANÇOIS, & prescher les merites de ses oraisons. La force desquelles auoit emporté de Dieu ce qui estoit hors le possible de l'homme, rendre vne santé desesperée. C'estoit le langage qui se tenoit en la cité de Cusance, où le Baron alla publier le miracle, & laissa vn chacun estonné sur ce faict, speciallement les medecins, & chirurgiens, qui auoient



auoient iugé la playe incurable. Bien vray est que le diable enuieux de l'honneur de Dieu, & de son saint, suscita le premier de ces medecins, pour dire que l'herbe, de laquelle le saint Homme s'estoit seruy auoit quelque propriété cachee pour les cures semblables, Dieu permettant ce doubte pour plus esclaircir la verité: car le mesme fit preuue de ladite herbe sur d'autres playes. Mais voyant qu'elle n'auoit aucune vertu à ses pretentiōs, confessa hautement que les herbes appliquées sur la playe du Baron n'auoient à rien seruy, qu'à vouloir cacher par humilité les graces, que le saint Homme auoit receües de Dieu: qu'en effect ses prieres, & oraisons auoient rendu la santé, que toute l'industrie de la medecine, & chirurgie ensemble n'eust peu seulement penser.

En la cité de Cusance, vn ieune enfant nommé Iacques Bombin auoit receu au front vn coup de pied d'un Mulet; la playe estoit si grāde & le test si fort nauré, que les Chirugiēs le tenoient pour mort, à raison dequoy pas vn n'y vouloit mettre la main: Les parēs pour ne laisser cest enfāt sans secours, le font porter au bien-heureux S. FRANÇOIS de Paule. Lequel ayant veu, & consideré attentiuemēt ce coup si dāgereux, abbattu de compassiō, se prosterne par terre, leue sa priere au Ciel, qui bien tost luy fut renuoyee avec toutes les assurances fauorables à ses desirs. Aussi tost se leue: commande qu'en son nom on escriue vne lettre à vn Chirurgien nommé Paule de la Cauetenu pour tres-experimenté en son art: il le prioit

*Autre miracle d'une playe desesperée.*

en sommaire d'entreprendre la cure de ce ieune enfant : que le tout succederoit heureusement, autrement que luy avec ses compagnons en auoit premierement iugé, qu'aysement avec la grace de Dieu l'enfant guariroit. Le Chirugien qui du commencement n'auoit osé seulement y penser, luy semblant impossible que l'enfant deust eschapper, duquel il auoit tenu la ceruelle dans sa main, ayant leu la lettre du S. Hôme, asseuré de l'assistance particuliere de Dieu par ses merites, obeît aussi-tost, commence à medicamenter l'enfant & le ramene à vne parfaite santé, avec protestation neantmoins & au commencement, & à la fin que ses vnguens, & toute son industrie n'auoient de rien aduancé ceste cure: ains les seules prieres du bien-heureux S. FRANÇOIS de Paule.

Au temps que le S. Hôme commēçoit bastir plusieurs Eglises, & Monasteres en diuers lieux ceste nouvelle deuotion fit de nouveaux seruiteurs de Dieu en grande quantité, & de differentes qualitez. Les tiroit hors de leurs maisōs & attiroit és siennes, pour y cōtribuer & leur traual, & leurs moyēs. Tout cela nuëment pour l'honneur de Dieu, sans d'ailleurs en esperer autre chose, que les prieres du S. Homme, suyues tousiours des bonnes graces du Ciel: ils croyoient & avec raison, qu'ils ne pouuoient departir de leurs temps à meilleur exercice, que celuy là. C'estoit donc voir tous les matins diuerses bandes, & esquadrons d'ouuriers petits, grands, ieunes, vieux, pauvres, riches, avec outils propres, arriuer aux  
Mona-

Monasteres, venir à l'attelier & trauailler à bō  
 esciét: on eust iugé facilement que c'estoit vn  
 second Temple de Salomō, à la quantité des  
 ouuriers, ou bien vn autre Tabernacle iadis  
 dressé au desert où chacū y aumosnoit ses de-  
 niers à la mesure de son pouuoir. Entre toutes  
 ces compagnies, il en arriue vne, où estoit vn  
 ieune homme de bon lieu, & de parens fort ri-  
 ches, qui luy donnās permissiō venir trauail-  
 ler avec les autres ouuriers au Conuēt de Pau-  
 le, leur auoient soigneusement recommandé  
 veiller sur luy, qu'il ne print trop sur soy, s'es-  
 chauffant indiscrettemēt à la besogne, dont il  
 en peult tirer quelque maladie, ou luy arriuer  
 quelque autre grād incōuenient: voicy neant-  
 moins venir ce que plus on pouuoit craindre.  
 Ce ieune hōme trauaillāt estoit sous vne pou-  
 tre, qui estoit mal asseuree, & de faict elle s'es-  
 branle, tōbe sur luy & le red tout roide mort:  
 ou que Dieu permist cela pour faire naistre  
 vn nouveau sujet d'honorer la saincteté du bō  
 Pere par le miracle qui a suiuy: ou biē pour af-  
 fermir nostre croyāce, qu'il n'y a point de per-  
 te au seruice de Dieu, & de ses seruiteurs, ou  
 pour quelque autre secrette raisō de laquelle  
 la Diuine Prouidēce se reserue la cognoissāce  
 pour sō hōneur & nostre plus grād biē: Sōme  
 que ce ieune homme est mort, & les ouuriers  
 qui s'en estoient chargez, & respondu de luy à  
 à ses parés, à demy morts d'un si inopiné acci-  
 dēt, cōme de la craincte d'estre recherchez par  
 les parens du deffunct. C'est à tous ces regretz  
 & perte chercher vn dernier remede, qui ne  
 pouuoit estre autre que de la part de Dieu

par l'entremise du S. Hôme: ils viennent donc le trouuer tristes, & la larme à l'œil luy donnent entendre le defastre aduenu au fils: qu'ils regrettent autant qu'ils craignent celuy à aduenir par les poursuites des parens qui auoient la force, & pouuoir leur nuire. La charité du bon Pere qui se chargeoit volontiers des fardeaux d'autrui, entrepréd celuy cy, renuoyât les ouuriers avec consolation, & esperance de mieux qu'ils ne se foucient d'auantage, que le laisser seulauec le corps mort. Ils luy obeisēt mais nō du tout: car vne saincte curiositté de voir l'issuē de ceste affaire, qu'ils croient probablement deuoir estre accompagnée de miracle, les retire à quartier, en sorte qu'ils peussēt estans cachez, descourir ce qui se passeroit: il voyent le S. Homme laisser le corps mort, & s'en separer aussi loing qu'enuirō trois traicts d'arbalestre. Mais emporté sur la mōtagne qui estoit proche de là aussi viste qu'un tourbillō de vent passe deuant nous: si qu'en vn instant se rēd inuisible à ceux cy qui l'espioient: on ne peut douter ou il va. Dieu ne parle à ses amis, ny eux à Dieu en presēce des hōmes, que fort raremēt. Les oraisōs des vns, & la familiarité de l'autre se pratique communemēt es solitudes, ou Dieu cōduit les siens, & là leur parle au cœur en amy. Le voicy doncques venir de l'oraison, qui iette sur le corps mort des herbes, qu'il rapportoit avec soy, puis cōme vn autre Elisee se couche sur le ieune homme, ioignāt ses membres à ceux du deffunct, vne assez bōne espace de temps, quasi s'acquitant de sa cōmission, & luy rapportant lettres de vie, eschauffoit

*il resuscite  
un mort.*

chauffoit petit à petit, & animoit les mēbres, iufques à tant, que ce ieune homme fut veu fe-  
coüer le fommeil de la mort, aufsi doucement  
que fi on l'eust efueillé dans fon liēt. Le bō Pe-  
re triōphant ainfi de la mort, en apportoit les  
despoüilles representant le ieune homme ref-  
fuscitē à la compagnie des autres, & le rendāt  
à ceux qui en estoient chargez. Vous eussiez  
veu lors l'attelier cōuert en Eglise, & les ou-  
uriers en chantres pour entōner les loüanges  
de Dieu, & de son seruiteur S. FRANÇOIS, aufsi  
esprins de crainte que de joye à la veüe d'un  
tel miracle, comme la cité de Nain apres la  
fufcitation du fils de la vefue.

Vn docteur en loix bien fameux, & plus re-  
cherché es occurēces des affaires en ces quar-  
tiers là: il se nommoit Rogier de Parfio, & de-  
meuroit à Cufance, extrêmement affligé de la  
maladie de son fils, duquel il n'attēdoit que la  
mort. Apres y auoir employé tous les moyens  
humains il prend son dernier rēcours à Dieu,  
enuoye vn messager expres à S. F. de Paule,  
qu'il luy pleust employer ses prieres pour ob-  
tenir de Dieu la guarifon de son fils: ceste seu-  
le esperāce luy refter: qu'elle ne sera vaine s'il  
veut. Le bon Pere qui cache tant qu'il peut la  
valeur de ses oraisons, les veut couvrir d'une  
herbe, & la premiere qu'il trouua à ses pieds, il  
la cueille, la dōne au messager, & luy dit *Malade*  
*guari.*  
*lez, portez cela au malade & luy dites de ma part*  
*que Dieu luy a fait grace.* Cest hōme retourne  
vers sō maistre à Cusāce, & la priere du bō Pe-  
re va au Ciel, reuient & arriue premier que le  
messager à la maison du malade: ou s'acquitāt

de ce dōt elle estoit chargee guerit entierement le malade: Dieu ialoux de l'hōneur de sō seruiteur voulut ainsi descouurir ce qu'il pretendoit cacher sous la fueille d'une herbe, sa grande humilité avec le peu d'estime de soy, & de ses oraisons: le tout tant, & tant estimé de Dieu.

Paul de la Porte manouurier demeurant en la ville de Paterne auoit autresfois experimētē en sa personne mesme le pouuoir que le S. Hōme auoit pres de Dieu: cela luy donne sujet à vne nouuelle occurrence, reprendre là son secours pour vne sienne fille, si fort malade qu'on n'en attendoit que la mort. Il vient donc trouuer le S. Homme, & luy demande quelque grace pour elle: le bō Pere luy dit aussi tost que Dieu la vouloit auoir pres de soy, qu'il s'armast de patience & apprint cōformer sa volonté à celle de Dieu: au moins respōd ce pauvre Hōme, moyenez avec Dieu qu'il me la laisse encores vn an. Et bien dit le S. Hōme ie suis cōtēt demāder cela encores pour vous. Cest homme retourne en sa maison, entrant trouue sa fille du tout guerie: mais l'an expiré au mesme iour que le S. Hōme l'auoit prononcé l'arrest de mort fut executé. Aucuns admirerōt ceste prophetie, quant à moy i'admire d'auantage les diligences d'une bonne priere, portee sur les bras des vertus, & merites de son orateur, pour aller aussi habilement au Ciel, que retourner en terre faire les volonteiz d'un vray seruiteur de Dieu.

Siles prieres offerres à la diuine Maieité pour obtenir quelque bien en ses graces sont les biē-venuees: celles qui se iettēt à la trauersē pour

*Il impetue  
prolongatiō  
de vie pour  
vn an à  
vne ieune  
fille.*

se pour empêcher vn mal, ou offence cōtre la Diuine Bôté ne peuuēt estre chassées dehors. Par le premier nous recognoissons l'amour que Dieu porte aux hommes: l'autre exprime l'amour que l'homme rēd à son Dieu: & riē ne nous vnit mieux avec Dieu que l'amour: aussi les oraisons du S. Hōme portees sur ses aisles donnoient dans le Ciel, & retournoient en terre avec les expedions en main passees à son plaisir. Le miracle qui va suyuant en dit des nouvelles. Le S. Homme edifiant son Conuent à Paterne y auoit miraculeusement fait ruisseler vn petit canal d'eau par les iardins, qui descendoit d'une montagne proche au pan de laquelle le Conuent estoit situé. Ceste eau couloit des iardins, descendoit iusques au pied de la montagne; dont les voisins, & ceux qui auoient iardins, ou autres possessions proches, en retiroient de grandes commoditez pour les arrouser, le pays estant extremement chaud, & sec. Mais comme l'auarice de peu commande beaucoup aux hommes, chacun vouloit s'approprier ceste eau. Qui, la tiroit en ses terres: qui, la retiroit ez siennes. Ceux à qui appartenoit le lieu, où elle auoit commencé son esgoust, se disoient en estre les legitimes possesseurs: l'un la querelle sur vn tiltre, l'autre par vn autre: des paroles l'on vient aux paroles, & de celles-cy aux iniures. Vn peu d'eau auoit esteint la charité entre eux. C'estoit tous les iours à recommencer, ce qui ne prenoit point de fin iusques à tant que le sainct Homme estant bien informé de ce qui se passoit, sort de son Conuent en

intention semer la paix en ces terres de diuision. Leur remonstre l'offense qu'ils commettoient contre Dieu. Le tort qu'ils faisoient à leur ame. Que pour de l'eau, mais pour rien, il ne faut perdre la grace de Dieu : & tout ce qu'il peut s'aduifer pouuoir seruir à leur reconciliation. Et rien. Chacun se ferme dans son droict pretendu, où ils n'auoient aucun droict. Le saint Homme voyant qu'ils n'auoit moyen y donner ordre avec les hommes, sans faire autre bruit, se retire en son Conuent, s'enferme en sa Cellule, & en ordonne avec Dieu, qui comme tousiours exauçant sa voix, à ce coup aduint que l'eau qui couloit par le Conuent arriuee qu'elle estoit à l'emboucheure pour sortir, se perdoit d'elle mesme dans terre, sans qu'il fut possible cognoistre à l'aduenir ce quelle deuenoit.

*Eau miraculeuse  
perdue.*

*Indiscretion  
de mere.*

Le bon Pere auoit vne parente à Paule, & celle-cy vn fils d'un bon naturel, & bien nay. Il visitoit quelquefois le saint Homme, pour apprédre à craindre Dieu, & à bien viure, cela agreoit si fort au bon Pere, qu'il l'eust desiré voir Religieux. L'enfant y estoit assez porté, mais la mere trauersoit ses desseins, tât qu'elle pouuoit. Le saint Homme luy en faisoit parfois ouuerture, elle se iettoit aussi-tost sur vn autre discours, & faisoit assez entendre qu'elle n'y prenoit pas plaisir, & par occasion dire, l'enfant estre toute sa consolation, son esperance, qu'il seroit son baston de vieillesse, que resolument elle n'en vouloit plus entendre parler. Entre ces demandes & refus au milieu de ce combat d'amours, mais bien dissemblables,



bles, vn spirituel, l'autre charnel, la mort se-  
 iette à la trauerse, dit, que ce n'est ny pour l'un  
 ny pour l'autre: elle emporte la proye. Ce ieune  
 enfant tombe malade, & dans fort peu de  
 temps meurt. La pauvre mere à demy morte,  
 court soudain au Conuent, pour y trouuer  
 quelque cōsolation, les ayant toutes perduës  
 en sa maison. Elle parle au bō Pere, recognoist  
 sa faute: que Dieu est tres-iuste, luy auoir osté  
 l'enfant, qu'il luy auoit demandé pour son  
 seruice, que son bon plaisir fust prier à son in-  
 tentiō. Qu'au reste la chose estant ainsi ad-  
 uenue par la volonté diuine, qu'il donnast  
 entree à son fils dans son Eglise apres la mort,  
 auquel pendant la vie elle auoit empesché l'é-  
 tree du Conuent. Le saint Homme la conso-  
 lant luy dit d'oublier tout le passé, si ce n'e-  
 stoit pour demander pardon à Dieu, où il y  
 auroit de la faute. Esperer au reste en la mise-  
 ricorde de Dieu, qui ne l'abandonnera iamais,  
 luy rendant le deuoir d'une bonne Chrestie-  
 ne, & qui luy vaudroit plus, & mieux que dix  
 enfans. D'autres bonnes paroles comme cela:  
 qu'elle le verroit, qu'elle en feroit les expe-  
 riences. Pour le regard de la sepulture de son  
 fils qu'il luy permettoit faire ouurir la terre  
 de son Eglise pour l'enterrer à sa commodité.  
 Ceste mere desolee retourne en sa maisō pour  
 donner ordre aux obseques de son fils. Le tout  
 disposé selon la louable coustume des Chre-  
 stiens. La compagnie se rend à l'Eglise du S.  
 Homme, avec le corps du deffunct. C'estoit ja  
 le troisieme iour depuis sa mort. Les Vigiles  
 chantées; les officiars s'approchent du corps  
 en

*Il reuoque  
l'ame au  
corps d'un  
ieune hōme  
decedé &  
depuis sien  
Religieux.*

en intention le porter en terre, mais le saint Homme les empescha, commandant le laisser là au milieu du Chœur de l'Eglise les parens & amis sortant conduire la mere iusques à sa maison : & le bon Pere enuoya les Religieux en leurs Cellules : où estans tous retirez à raison qu'il estoit nuit, il print le deffunct entre ses bras, le porte en sa chābre, le couche sur son liēt, c'est à dire sur des planches de bois à terre, & luy se iette à deux genoux deuant la Maiesté de Dieu, où il passa la nuit en oraison, demandant à Dieu le ieune enfant, qu'il n'auoit peu obtenir de sa mere, pour luy rendre vn fidel seruice sous l'habit de sa Religion, & d'autres propos secrets, & particuliers à Dieu, & à son seruiteur qui furent tenus. La fin desquels fut vne pleine ratificatiō de sa requeste. La mort perd ses droits pour ce coup: l'ame est r'enuoyee au corps: le mort ressuscite, & se leue le matin avec le iour pour commencer les loüanges de Dieu, avec le saint Homme dans sa Cellule, pendāt que la pauvre mere trauaillee extrememēt de l'absence de son fils, se promet quelque espee de consolatiō, si elle se rend au lieu de sa presence, où elle le croit mort, & enterré, en l'Eglise du saint Hōme. Elle y vient donc avec oraisons interrompues de larmes, & souspirs continuz. Le saint Homme en est aduertý. Il descēd seul en l'Eglise: saluē ceste femme: luy laisse desbonder vn torrent de larmes, qui emportoit avec soy mil regrets, & autant de paroles entrecoupees de sanglots tirez du profond du cœur. Le tout signifiant vne seule chose

chose, la mort de son fils, & sur tout que ce regret ne mourroit iamais que avec elle: luy auoir empesché receuoir l'habit de Religion, comme il l'importunoit, que Dieu l'en auoit iustement chastiee. Et quoy donc respondit le S. Homme, si vous voyez maintenant vostre fils plein de vie, auriez vous bien ceste resolution que vouloir luy permettre estre Religieux? helas mon Pere, repartit ceste fême, ces discours sont faits en l'air, puisque Dieu en a disposé autrement, si est-ce que ie dis verité: que pleust à Dieu, que i'eusse à present le bonheur, le voir en si honorable cõdition. L'epeschemēt seul que ie luy en ay dõné me sert au iourd'huy de bourreau dans le cœur pour venger ma faute. Le S. Homme luy dit de patieter vn peu iusques à son retour. Il va de ce pas en sa chābre, donne l'habit de religion à ce ieune hõme ressuscité, & l'amene en l'Eglise, le presente en cest esquipage deuant la mere & les amis quil'accõpagnoient. Vn estõnemēt ietté dans leurs ames pour pēser si eux mesmes sont morts, pour se voir en la presence de celuy qu'ils ònt cogneu vrayemeot mort, ou si la chose ne seroit point vn songe, au cas qu'ils fussent, cõme ils le croyoiēt, viuās. Ils ne peuvent dire leurs pensees, pource qu'ils ne peuuent pēser ce qu'ils doiuent dire, vn obiet si grādement parfait, & si parfaitement grād diminueoit les forces de l'esprit que restāt pour admirer ce qu'il ne pouuoit entieremēt cognoistre, se dõnoit aux loüāges de Dieu, & vne particuliere veneration enuers les merites du S. Hõme, pour imiter par telles recognoissances la vertu

La vertu de la bonne dame de Sarepta: apres que le Prophete Elic eut ressuscité son fils par ses prieres, pendant qu'il l'auoit mis reposé sur son liét, vraye image de la vertu, saincteté & perfection du bon Pere avec les effects qui l'ont suiuy.

La benediction donnee au bien aymé Iacob, fut exprimee par *la rosee du Ciel* ; & par *la graisse de la terre*. C'estoit quelle monde inuisible & visible contribueroient tous à son bon-heur. C'a esté la benediction versée sur le chef de nostre saint Patriarche saint FRANÇOIS de Paule, le Ciel & la terre, Dieu & les hommes rioyent à son dessein, pour luy donner bons gages de l'establissement de s<sup>on</sup> Ordre, qui ne manqueroit d'hommes, pour l'entretenir en la suite. ou suite des siecles. Il luy en enuoye mesme de l'autre mode, pour porter son habit qu'il ressuscite, & rappelle luy-mesme avec vne simple oraison. Comme pour luy faire croire & à tous ses enfans, que la mesme prouidence aduiferoit aux moyès suffisamment requis pour la perfection des bastimens de son Ordre. Il accorde aux mesmes prieres enuoyees au Ciel par le saint Hôme, des ouuriers en si grand nombre, & sans aucune despence iusques à ce que ses Monastères fussent parfaits & accomplis, tellement que les morts & les viuants venoient luy prester leur seruice. Pendant les bastimens du Conuent de Paule, le matin qu'on commence entrer à la besogne, le bon Pere venu à l'atelier & n'y trouuant qu'un seul homme, qu'il nommoit maistre Antoine Iourdin, qui luy dict

dict que pour ce iour il n'y auoit plus, ou guerres d'esperance voir d'auantage d'ouuriers, qu'au reste ce n'estoit pas pour aduâcer beaucoup. Patientez vn peu respondit le S. Homme, Dieu y pouruoyra, & en amenera bientôt. Le voylà entré en sa chambre, se donne à l'oraison environ l'espace d'une heure, mais oraison qui sembloit vn absolu commandement, pour chasser les hommes à son atelier, ils arriuent de compagnie six, dix, vingt, plus ou moins : de sorte qu'ils sont iusques au nombre de cent. Si qu'il estoit aisé iuger que le S. Homme n'auoit qu'à dire, Dieu estre sans cesse aux escoutes pour faire seconder les desirs de son bon seruiteur,

*Il fait par  
ses prieres  
venir les  
hommes tra-  
uailer à son  
atelier.*

Le S. Homme demourant en son Conuent de Paterne, donna la parole à vn enfant qui estoit nay muet, les parens l'auoient amené & prié le bon Pere remedier à ceste incômodité: il leur dit à tous venir à la Sacristie de s<sup>on</sup> Eglise, puis allumant trois chandelles, il les attache contre la muraille, & les exhorte se mettre en oraison avec luy, & attēdre de Dieu le secours qu'ils desiroient. Pendant leurs prieres, c'est mieux dict la priere du S. Homme, car c'estoit la sienne seule qui pouuoit produire vn si grand effect, qui fut qu'une des chandelles allumees tomba à terre, l'enfant qui n'auoit iamais parlé commence à crier: *La chandelle est tombee:* & depuis ce temps là, iamais il ne sentit empeschement à la langue ou és autres instrumens de la parole.

*L'usage de  
la parole  
conferée à  
un muet.*

Le tres-illustre Prince de Besignan, dit au-  
rement le Comte de Clermont, Cheualier de  
l'Or-

*Enfant de-  
liuré du  
mal caduc.*

l'Ordre du très-Chrestien Roy de France, auoit vn sien fils, qui estoit tourmenté d'un mal caduc, que le vulgaire nomme, le *mal* *sainct Iean*. Lors que cela luy arriuoit, c'estoit faire des grimaces, entrer aux conuulsions, & représenter des mines aussi terribles qu'ôt de coustume faire ceux qui sont saisis de ce mal, que si le fils en estoit fort trauaillé, le Pere n'estoit pas moins affligé, pour l'amour & compassion naturelle de son fils, à raison dequoy il enuoye vn courrier vers le S. Homme, & le supplie d'auoir souuenance de son fils en ses prieres. La charité du saint Homme ne pouuoit esconduire vn si honorable seigneur, moins nostre Dieu pouuoit-il dénier quelque chose à son amy, lors qu'il luy demandoit, tellement que la responce à ses prieres fut la sainté rendue à l'enfant.

*Flux de sang  
par l'oreille  
estâché par  
les prieres  
de S. Fran-  
çois.*

Les mesmes prieres du S. Homme assisterēt vne pauvre femme de Nicaistre en sa necessité, qui estoit à la verité bien fort grande. Le sang auoit pris son cours par l'oreille de ceste femme, & couloit cōme par vne petite gouttiere. Les Chirurgiens n'y pouuans donner ordre, ou apporter remede qui y profitast, on a recours au saint Homme, qui se mettant en oraison, arreste le sang, & deliure la femme de son mal.

Pendant le voyage du saint Homme de l'Italie en Frâce, il passa par Frejus qui est vne ville de la Prouëce, où il ne trouua quasi personne, toute la ville estoit comme déserte & delaissee par les habitans, qui s'estoient retirez à raison de la peste. Le bon Pere de-  
mande

mande à quelques vns qu'il rencontra que vouloit dire cela qu'il y auoit si peu de gens en la ville : on luy dist que l'air du pays estoit assez mal sain , & que bien souuent la peste s'engendroir en ce lieu là, specialement qu'à present l'air de la ville en estoit si fort infecté , que plusieurs en estoient morts , qu'à raison de cela chascun s'estoit retiré en leurs maisons aux champs . Le bon Pere leur dist de prier Dieu avec luy , & d'asseurer leurs amis retourner en la ville, & que la peste ne feroit plus de mal à personne: cela aduint ainsi . car le lendemain, c'est à dire, apres les prieres du saint Hôme enuoyees au Ciel pour cest effect, les malades qui estoient restez dans la ville guarirent, la peste cessa entierement , & ceux qui estoient aux champs aduertis de ces bonnes nouuelles retournent aussi-tost chacun en sa maison . Les habitans du lieu pour ne demeurer ingrats apres vn si grand benefice, firent edifier vn Monastere de l'Ordre des Peres Minimes, lequel depuis force a esté le quitter à raison du mauuais air, qui est en ce lieu . Mais la memoire de ce miracle est conseruee par tradition de pere en fils, iusques auiourd huy , que les habitant tiennent aussi commun comme si c'estoit chose parfaite presentement.

*Ainsi la peste cessa par ses prieres.*

Le bon Pere demouroit en son Conuent du Plessis lez Tours, lors qu'vne femme de ceste ville, qui se nommoit Marie, se vint presenter luy faire entendre qu'elle ne viuoit pas: que sa vie estoit vne mort l'agoureuse, côme en effect elle estoit deuenuë hectique par la continue d'vn

*Guérison  
de flux de  
sang.*

d'un flux de sang, qu'elle en tiroit à compassion de tous ceux qui la regardoient. Le bon Pere luy ayant remontré le grand bien de la patience, luy promit neantmoins prier Dieu pour elle, la promesse fut bien tost suyvie de l'effect, car retournée qu'elle fut au logis son mal commença à cesser, iusques à ce que dans peu de temps apres elle se trouua guarie, & en si bon poinct, qu'à peine la pouuoit-on recognoistre.

*Femme sou-  
lagée au  
travail d'en-  
fant.*

Vne femme de la mesme ville de Tours auoit senty vn grandissime allegement en sa couche apres s'estre recommandee aux prieres du saint Homme. Cela fut recognu par les autres femmes qui l'auoient assistee à l'enfantement, & diuulgué par tout le pais, & qu'il seroit impossible dire combié de femmes luy enuoyent pareilles recommandations au mesme temps. Lesquelles toutes ont déposé que sensiblement elles recognoissoient vne particuliere assistance du secours diuin, par l'entremise des prieres du S. Homme.

*Malade de-  
sesperée  
guaric.*

En la mesme ville vne femme nommee Renée estant deuenüe fort malade, sans esperance de santé, nonobstant tous les remedes naturels, desquels on eust peu se seruir: Elle enuoye au Conuent du saint Homme y faire celebrer vne Messe à l'honneur de la tres-sainte Trinité, se recommandant avec grande affection aux prieres du bon Pere. Lequel pendât qu'on disoit la Messe fit dire trois fois le *Pater*, & le *Credo* a vn petit enfant de ceste femme malade, l'exhortant de continuer ses prieres avec les siennes, qui ne pouuoient à

dire



dire vray qu'estre toutes deux bien fort agreables deuant la Diuine Majesté, à raisó de leur innocence. Aussi dés le mesme iour la femme commença à se mieux porter : la santé luy venant plus grande de iour à autre.

Vne autre femme du mesme lieu ; apres vne *Paralytique*  
longue maladie pensoit tomber paralytique, *guaríe.*  
sa creance fondée sur le iugement des Medecins. Elle enuoye au Conuent des Minimes prier qu'on celebrast vne Messe de la tressainte *Trinité* à son intention, & d'estre recommandee aux oraisons du bon Pere, lequel entendant ces nouuelles, il assemble ses Religieux, & les exhorte prier avec luy pour la santé de ceste femme : ce fut vne priere qui eut vne grande vertu, & energie, car le mesme iour elle receut parfaite guarison.

En la ville d'Amboyse estoit vne femme, *Le bon sens*  
hors de son bon sens, son mary la meine deuát *rendu à vne*  
le S. Homme le suppliant d'en auoit pitié, & *femme*  
compassion. Le bon Pere les exhorta à prier *d'Ambrýse.*  
Dieu avec luy, & fit particulièrement reciter le *Pater noster* avec le *Credo*, à ceste femme, qui fut guarie le lendemain par la vertu des oraisons de l'homme de Dieu.

Chacú sçait trop mieux qu'être les vertueux effects de la priere, c'est de fortifier vne ame : & la presenter comme inuincible aux effects des ennemis visibles, & inuisibles. Ce fut pour cela à mon aduis, que nostre Pere & maistre commun IESVS-CHRIST se leuát de l'Oraison dans le iardin des Oliues, alla cõtre l'ordinaire, de uancer ses ennemis, avec autant de resolution que de force pour les ietter par terre, instruisant

Y

ainsi

ainsi son Eglise du bié qui luy estoit és mains, pour remedier au mal le plus important, & importun. A raison dequoy le Roy Charles huiétième se recommandoit souuent, & particulièrement aux prières du saint Homme desquelles à son dire recognoissoit sensiblement les effets. Comme au temps que fut donnée la iournée de saint Aubin: le S. Homme se tint reclus dans sa chambre par l'espace de vingt deux iours, ausquels il attacha les nuits par vne continuelle perseuerance en oraison meslee du ieusne, & autres austeritez, que Dieu seul cognoist: si que pendant tout ce temps il ne mangea rien autre chose, que deux pains de la valeur de quatre deniers, & beut seulement vn peu d'eau. Ce fut lors que le Roy aduoüa librement Dieu luy auoir essargi la victoire sur ses ennemis par la priere & merites de son saint Homme, car ainsi nommoit il ce bon Pere, & toute la Noblesse conformement asseuroit, que le bel exploit de guerre, ainsi passé heureusement, sembloit du tout impossible selon les voyes humaines.

Vne pareille recognoissance fut faicte par le Roy & tous ceux de sa compagnie, pour & en faueur du pouuoir des oraisons du S. Homme. Ce fut lors que le Roy Charles huiétième alloit avec ses troupes conquerer les Itales. Le saint Homme fut instruit par l'esprit de Dieu de l'estat des affaires du Roy, & comme il luy auoit mal succede à Fournoué, où il estoit assiegé d'une forte armée, composee de Venetiens, Lombards & plusieurs autres Italiens ses ennemys mortels, qui luy vouloient tout le mal du monde: Le bon Pé-

*La iournée  
de S. Aubin  
gaignee par  
Charles hui-  
étième aux  
prières de  
S. François.*

*Le bonheur  
de la iournée  
de Fournoué  
pour Charles  
huiétième  
obligé aux  
prières de S.  
François*

re donc cour aussi tost aux armes spirituelles pour prester secours à son Prince, aussi promptement que la necessité le vouloit: le voila enfermé dans sa cellule pendant tout ce temps les bras esleuez au Ciel, comme vn autre Moyse affermissant par ses prieres le bras de son Iosué, ie dis du Roy, iusques à tant qu'il l'eut fait libre de ce siege, & courir mesme sur les ennemis. Qui n'eust dit lors avec la Noblesse qui accompagnoit le Roy, ce que la raison leur forçoit confesser haut & clair, que ce n'auoient esté leurs armes qui les eussent protegez, en ceste si douteuse rencontre, ains la Bonté de Dieu, inuocquee par les prieres, & merites du saint Homme.

C'a esté vn sage conseil qu'a donné l'Apotre Sainct Iacques à tous les Chrestiens, se prendre à l'Oraison, lors spécialement qu'on se voit poursuiuy d'vn desplaisir, ou disgrâce par le Ciel, ou la terre. C'est vn bouclier qui pareaux coups de l'aduersité: vne espee qui l'enferme: & vn feu qui la consume: L'Euesque de Grenoble messire Laurens Lalemant en fit l'espreuue en sa propre personne, estant bien fort affairé par l'entremise ou astuce de ses enuieux, & ennemis. Il est accusé à tort cité pour respondre à Rome, & au danger de perdre son Euesché. Il prend la peine de donner iusques à Amboise ou pour lors sejournoit le Sainct Homme. Il entre au Conuent, demande parler au bon Pere, qui avec peine le vouloit escouter, pour des affaires temporelles,

*Vertu de :  
l'Oraison, de  
S. François en  
faveur d'vn  
Euesque.*

relles, iusques à ce que l'importunité dudit sieur Euesque avec la charité enuers le prochain, l'ayant comme tiré hors sa cellule. Il saluë en toute humilité ce Prelat, & luy ayant donné audience, & apprins le grief de ses affaires, le S. Hôme l'assura de prier Dieu pour luy, & que tout iroit bien à son aduantage: moyénât qu'il obseruast exactemēt cequ'il luy auoit recombādé, qui n'estoit rien plus que le deub de sa charge, qui l'obligeoit assez sâsa u-tre recommandation. Ce bon Prelat retourne en son Euesché chargé d'esperances qui n'estoient pas vaines: Car depuis ce iour, la fortune luy rioit de bien en mieux, à l'instance des prieres du Sainct Homme.

*Guarison  
d'un lunati-  
que.*

Vn citoyen de Chastelleraut qu'on nōmoit seulement George, & estoit ainsi reconnu à raison de la maladie que chacun cognoissoit tresbien: c'est que par l'espace d'un an, il auoit esté priué de son bon sens, sinon que par fois il se recognoissoit, mais cela duroit fort peu de temps: il couroit les rües, les champs, de iour, de nuict, de ça, de la, en perpetuel mouuement, & vagabond. Aduint que pendant vn bon interualle, il entend vne voix qui luy parle: *Recommande toy aux prieres de S. François qui est à Tours, & tu guariras.* A l'heure mesme il inuoque le S. duquel il n'auoit encores ouy parler, & depuis il ne sentit aucun mal: il vient à Tours saluer le sainct Homme, & luy dit comme le tout s'estoit passé, le remerciant de sa charité: le sainct Homme par humilité luy dit: *Qu'il en falloit remercier la bien-heureuse Vierge Marie, & qu'en actions de grace*

les

les Religieux chanteroient presentemēt, *Salve Regina*: cela fait, cest homme retourne à son pays bien ioyeux.

Vn nommé Daud, boucher du Roy, chargé d'affaires, & de tres-grande importance, avec vn voyage en lointain pays, craignoit, & avec raisō, l'issuē de tout cecy, trauersé de mil apprehensions, vient au Plessis, fait entendre au saint Hommes les peines où il se retrouuoit, qu'il luy pleust se souuenir de luy en ses prieres le long du voyage. Le saint Homme luy dit, ne se pas soucier autrement, & que Dieu trauailleroit pour luy: vrayement il en sentit les effects, car estant de retour, il aduoia librement que d'abord il trouua ses affaires comme desesperees: que neantmoins par des voyes qu'il ne pouuoit penser, Dieu renuersoit le tout en vn moment, & luy succeda aussi heureusement qu'il pouuoit esperer, attribuant le tout aux prieres de SAINCT FRANÇOIS de Paule.

*Vn homme  
secours en  
affaire d'im-  
portance.*

Vne femme par mesgarde auoit empoisonné vn enfant de dix ans, qui appartenoit à des personnes bien qualifiees selon le monde, les pere & mere en sōt comme au desespoir pour l'amour qu'ils portoient à cet enfant. Leuesque de Rossé Escossois, & oncle de l'enfant, se trouua là fortuitement, dit qu'il falloit le recommander aux prieres du S. Homme, & donnant le conseil luy mesme l'execute, & se met en chemin, vient au Plessis lez Tours, qui n'estoit esloigné qu'environ de deux lieues de la maison de ce Seigneur: entré qu'il est au Conuent, il parle au S. Homme, & luy fait en-

Y ;

tendre

*Enfant em-  
poisonné &  
privé de tout  
sentiment ou  
bien mort,  
revient en  
son adolescence.*

tendre le sujet de son voyage, qu'il luy pleust prier Dieu pour l'enfant, & qu'il ne restoit plus d'autre remede. Le bon Pere luy dit, d'esperer en Dieu, que sans doute il ayderoit l'enfant, & qu'il enuoyeroit deux de ses Religieux pour le visiter, & cōsoler les parens: & à l'heure mesme le saint Homme se met en oraison. Ces deux Religieux partent aussi tost avec le dit sieur Euesque, qui approchans de la maison, n'entendent que voix confuses de pleurs, de larmes, de souspirs: *Helas*, ce disoient ils tous, *il est mort*. Les Religieux entrent en la chambre, & s'approchans du liēt comme s'ils eussent rapporté certaines nouvelles que les prieres de leur bon Pere estoiet exaucées: l'enfant qui auoit demeuré vne longue espace de temps comme mort, sans voir, parler ou respirer, ouure incontinent les yeux, & regarde les Religieux, se leue luy mesme en son seioiant sur son liēt, & demande à manger, qu'il se porte fort bien, & qu'il ne veut plus demeurer couché. Miracle qui raut les yeux & l'esprit de la compagnie, qui couroit chercher le pere, vn autre vers la mere pour estre messager de si heureuses nouvelles: & tous ensemble à l'Eglise pour rendre grâces à Dieu d'un si grand benefice receu de sa bonté, & par les intercessions du Sainct Homme.

Vn autre enfant es enuirōs la ville de Tours auoit depuis cinq iours vne fieure chaude & continue, on n'en attendoit que la mort: la mere enuoya vers le S. Hōme, qu'il luy pleust auoir souuenance de ce pauvre enfant en ses prieres: à peine ce message est accomply, que  
ce petit

DE S. FRANÇOIS DE PAVLE. 343  
ce petit commence à reposer, & le lendemain  
matin il se trouua fort sain & gaillard, & sans  
nulle douleur.

*Effects merueilleux des Meditations & Contem-  
plations de S. François de Paule.*

## CHAPITRE XXII.

**L**Es saintes pensees desquelles le bon Pere *S. François*  
sainct FRANÇOIS DE PAVLE s'alloit en- *en sa cellule,*  
tretenant tout seul dans sa chambrette : non *assisté des*  
seul, i'ay tort de le dire ainsi, veu qu'il se *Anges.*  
trouuoit accompagné des Anges, lesquels fi-  
dels obseruateurs de ses actions, recueil-  
loient soigneusement les larmes qui luy de-  
couloient des yeux, & enregistroient le nom-  
bre de ses soupirs dans ce grand liure de vie,  
pour luy en faire assigner la recôpense là haut  
en l'immortalité, luy laissant pour gage le  
doux nectar, l'ambrosie des bien-heureux, que  
Dieu luy a enuoyé gouter par leur ministere:  
lesquels faisans de sa cellule vn Paradis, à rai-  
son (ie le croy) d'une presence & communi-  
cation particuliere de la Diuine Majesté, &  
Bonté, souuent ont esté entendus entôner vn  
motet melodieux, & tant, qu'il rauissoit l'ame  
au Ciel, emportoit le corps de terre, l'esleuoit  
en l'air, & gaignoit tous ceux qui par le dehors  
auoient ce bon-heur s'y trouuer, & ouyr v-  
ne musique non vstee & entendue au mon-  
de : pour dire se retirans avec vne douce ad-  
miration: *que l'œil n'a veu, que l'oreille n'a en-*  
*tendu, & le cœur mortel ne comprendra iamais.*  
Y 4 *assez.*

*assez ce que Dieu a préparé de récompense pour ceux qui l'ayment, & perséuerent fidèlement à son service. Vous en verrez, & entendrez choses merueilleuses.*

François Carbonello citoyen de Paule auoit vn moulin deffous le Conuent, extrêmement incommodé des bastiments du Monastere. Il auoit prié le saint Homme par plusieurs fois d'y donner ordre: qu'il ne vouloit porter ce dommage, autant de fois le bon Pere l'auoit appaisé, & satisfait: iusques à ce que le musnier, soubz pretexte de pertes notables qu'il disoit luy suruenir de ceste incommodité, quitta le moulin à son maistre, lequel aussi tost se transporta avec ses coleres iusques au Conuent, resolu d'attaquer le saint Homme avec paroles & reproches. Dieu voulut qu'il ne le trouua point parmy les maneuures où il le cherchoit: il le fait appeller par vn des Religieux: luy fait dire qu'il luy vouloit parler en l'Eglise. On luy respond qu'il descendroit bien tost, qu'il patientast vn fort peu. Mais ayant attendu enuiron l'espace d'une heure, & en vain, emporté d'impatience, & de despit, court le trouuer en sa cellule (laquelle estoit esleuee par-dessus les autres de trois degrez) ausquels cet homme arriué, est arresté tout court par vne douce violence. Il entend du dedans de la chambre sortir vn son si tres-melodieux, les Anges estre de compagnie au saint Homme: se resioüir au milieu des larmes de sa deuotiõ, & chanter d'une musique si fort douce, qu'elle renuersa les aigreurs de cet esprit pretendu offensé.

*Melodie des  
Anges en la  
chambre de  
S. François.*



offensé. C'estoit de pleurer de ioye escoutant attentiuement ce chant vſité aux Anges, inuſité aux hommes: pleurer de rechef, & regretter les regrets de ſes pertes: courir de ce pas en l'Eglise pour rendre graces à Dieu, iugeant aſſez bien ſon indignité pour s'approcher ſemblables benefices: puis le reſouuenir luy enflât vn ſon imaginaire, demeueroit quelque temps eſperdu en luy, retrouué en Dieu: & auſſi toſt rappellé à luy meſme, admiroit par parolles expreſſes ceſte Bonté infinie, avec ſes communications tant faciles à vne ame diſpoſée à l'amour de Dieu: ſi que comme vn cerueau foible pour porter tant ſoit peu de vin, ceſtuy-cy reſtoit enyuré de la ſeulement fumee du Nectar que Dieu verſe en abondance dans les eſprits forts en amour. Au milieu de ces meditations le ſainct Homme deſcend de ſa cellule, vient à l'Eglise pour contenter vn homme trop content. Il vouloit entrer en propos, & luy faire raiſon ſur ſes griefs: lors que François Carbonello concludant premier que propoſer ſon differend: *Mon Pere* (ce luy diſt-il) *ne parlons plus du moulin, moins des dommages receus, aduienne ce qu'il plaira au bon Dieu. Je ſuis trop plus que ſatisfait, quand bien le moulin deuroit renuerſer deſſus deſſous.* Cét homme remply de merueilles retourne à ſa maiſon, tenant à grand honneur la compagnie du ſainct Homme, lequel depuis ce temps il auoit touſiours en tres-grande reuerence.

Pendant que l'on baſtiſſoit le Conuent de  
Paule,

Paule, maistre Antoine de Donato vn des maçons qui auoit eu chambre au Conuent, pour se retirer plus commodement & se retrouver plustost à l'ouurage avec les autres, attédu que son manoir ordinaire estoit quelque peu trop esloigné du Monastere, s'estoit leué deuant le iour, & sorty pour aller ordonner de ce qui seroit requis à son atelier : il est rencontré par le bon Pere & ensemble arresté : *Par charité* (ce luy dist-il) *il est trop matin, retournez entrer en vostre chambre* : cét homme obeit à la premiere parole, & s'en va roulant dans son esprit vn aduis sur vn autre ; pour quelle fin il luy ordonnoit faire ceste retraitte ; y auoir peu de subiect croire que ce fut l'heure induë, que ce n'estoit la premiere fois qu'il auoit apporté ces diligences, si bien, d'auoir receu tels commandemens : le bon Pere mesnager quelque meilleur affaire : n'y auoir danger l'espier de pres, l'intention restant droicte : son action n'en debuoit estre desagreable à Dieu. Voyla le corps soudain emporté pour satisfaire à ceste loüable curiosité de l'esprit. Il sort doucement de sa chambre, vient au petit pas pour n'accuser sa desobeissance par le bruit : Mais n'auãça pas beaucoup de chemin qu'il eut decouuert le secret. Il voit la petite montee qui donnoit entree en la chambre du S. Homme pleine de feu, & de lumiere, qui luy esbloüissant l'esprit, ne pouuoit que iuger de l'estat de la cellule par le dedans, par ce qu'il en voyoit dehors. Il se donne peine, comme quoy le saint Homme pouuoit subsister au milieu de ce feu sans se consumer.

*L'escalier de la Cellule de S. François couuert de lumiere & de flammes.*

mer. Enueloppé ainsi d'estonnement, retourne dans sa chambre, ne cessant d'admirer les effets de la cause qu'il ignoroit: qui n'estoit autre que le feu d'amour, que le saint Homme allumoit en ses meditations. Car à vray dire apres l'auoir aussi curieusement, que longuement contemplé, il sembloit en sa personne estre vn buisson ardent, & espineux d'austeritez, allumé d'affections amoureuses enuers Dieu, & le prochain qui au reste ne se consommoit point, puis-que la charité n'a de fin non plus que Dieu mesme.

C'est vn differend, qui ne peut que bien difficilement estre vuidé, celui de la prudence humaine avec la Diuine sapience. Il y a tousiours pour le dire ainsi, maille à partir entre les deux: encores que ceste prudence du monde, sans doute y face eschec. Elle voit les œuvres de Dieu en ses creatures, & les admire, lors qu'elle ne les veut pas croire: elle les veut croire lors qu'elle les peut rapporter au niveau de son iugement naturel. Vous voyez icy le Roy de Naples qui s'empesche de soy-mesme, il veut croire le saint Homme estre saint, & si il ne le croira pas bien, qu'il n'en ait fait l'experience. Les miracles en rendent bon & fidel tesmoignage: la vie le crie aussi haut, & clair que la voix commune du peuple y concurre. Cest homme neantmoins veult faire passer son iugement par dessus toutes ces considerations: Le voicy que sous la faueur de la nuit il s'approche de la chambre où il auoit commandé

*Le Roy de  
Naples espie  
& voit S.  
François es-  
leué en l'air  
en sa chaire  
environné de  
lumiere.*

mandé retirer le saint Homme , car il l'auoit fait logger dans son Palais : & mesnageant quelque fente de la porte, ou bien le pertuis de la serrure, il contemple les exercices du saint Homme : il void les freres Religieux qui l'accompagnoient, estre couchez, & dormir d'un profond sommeil, comme personnes bien lassées du chemin , & le bon Pere comme à deux genoux , esleué neantmoins de la terre, le corps suspendu en l'air, & environné de lumiere , mais la face rayonnante de clarté, en guise d'un Soleil. Il ne se peine pas à sçauoir des effects si extraordinaires desquels il voyoit la cause manifeste, vne oraison pleine de ferueur, & extrases, où l'amour à force d'attention eleuoit le corps à soy, comme elle montoit à Dieu : moins à se laisser gagner dorenavant à l'opinion vulgaire en faueur de la sainteté du bon Pere : Sainteté qu'il ne receuoit plus en sa croyance par opinion, mais par la science de laquelle il auoit cogneu vne si euidente consequence, apres vne plus necessaire demonstration.

La nuit, le silence, la solitude apportoit beaucoup à la perfection d'une bonne priere , aussi ceux qui font estat pratiquer l'Oraison mentale, minurent tout premierement vne retraitte d'avec les creatures, sont trefues avec les sens extérieurs, & fuyent tant qu'ils peuuent le iour pour voir clair, & demeurer plus attentifs aux discours intérieurs qu'ils tiennent avec Dieu, seul à seul dans le cabinet de leur ame. Le S. Homme, duquel la  
vie

vie estoit vne oraison continuë, pendant qu'o  
 bastissoit son Couuent du Plessis lez Tours, le  
 Roy Louys onzième l'ayant faict retirer a-  
 uec ses freres pres la Chappelle de son Cha-  
 steau, trouuoit ce lieu fort peu commode pour  
 vacquer à l'oraison & à ses autres exercices  
 spirituels, le grand bruit qui suit ordinaire-  
 ment la Cour, avec l'importunité des compa-  
 gnies, le priuoient souuent de celles de Dieu,  
 & du profond silence, ou repos avec lequel on  
 entend Dieu parler au cœur: Il luy estoit donc  
 permis sortir le Chasteau, & entrer dās le parc  
 lors, & autant de fois & de temps que bon luy  
 sembloit. Le saint Homme alloit là faire  
 ses exercices, cherchāt la compagnie de Dieu,  
 & de ses Anges sous les arbres & les ombres  
 d'une solitude: Vne fois entre les autres il  
 se tint caché seulet entre les buissons & espi-  
 nes l'espace de cinq iours entiers: Dieu sçait &  
 les ames seulement qui l'ont experimenté, la  
 douceur de ceste manne de laquelle Dieu va  
 les repaissant parmy ce desert, pour leur fai-  
 re oublier tout soy mesme, qu'ils abandon-  
 nent aux iniures de la nuict, du iour, de l'air,  
 resolu d'y mourir, si le bien aymé qui les y a si  
 doucement asseruis ne les dispensoit, ou con-  
 gedioit pour preuue de ses esbats spirituels.  
 Dieu fit voir nostre saint Homme, esleué  
 de terre par dessus les buissons plus hault d'un  
 lance, suspendu en l'air, & vn fort long  
 temps: cela fut ainsi descouuert. Anne de  
 France dame de Bourbon, fille du Roy Louys  
 onzième alloit vers le soir pour mener au  
 parc, suiuite de dames, & damoiselles, avec  
 quelque

quelque nombre de Gentils-Hommes, pour prendre l'air, vn de la compagnie aduise le saint Homme ainsi rauy en extase & esleué si hault de terre: il s'escrie, le fait veoir aux autres. La Princeesse s'approche sans bruit, emportee d'une admiration non pareille, depeſche habilement vn de ses Gentils-hommes vers le Roy, & luy fait entendre vn prodige merueilleux, ou merueille si prodigieux que voicy le Roy venir, mais courir à contempler avec les autres vne chose si celeste & Diuine sur la terre, & entre les hommes: quasi comme si l'ame de ce saint, & bien-heureux eust ja deuancé la iouiſſance d'un des priuileges desquels les corps bearifiez seront dottez par l'agilité qui leur sera telle, que facilement ils suyront les mouuemens de l'esprit: que ou l'esprit cheminera le corps l'emportera. Car il ne semble pour le present qu'il faille rechercher d'autre raison, sinon que l'ame du saint Homme s'estant fort attachée à Dieu, elle éleuoit son corps dans le Ciel, faisant des-jà part de sa gloire à celuy qui la secondoit fidelement aux combats. Le Roy donc ayant rassasié sa veüe, & son ame sur vn ſuiect si venerable, commande à chacun se retirer, ordonne que les gardes ne permettent à personne d'entrer dans le parc que le saint Homme n'en soit sorty, Dieu le permettant ainsi, veillant pour le repos de son bien-aymé; & quasi conjurant toutes les creatures de ne le pas esueiller iusques à ce qu'il en eust prins à suffisance & contentement.

*Estrange ra-  
uissement de  
corps & d'a-  
me de saint  
François*

|| Lors

Lors qu'une ame se donne à la contemplation des choses surnaturelles, & celestes, & que les lumieres vont croissant d'heure à heure, qu'elles font voir aussi clairement que l'estat present permet que l'on pourchasse. Elle s'enamoure facilement, l'amour l'unit à son object aimable sur toutes choses, qui luy faict part en ceste uniõ des fruiets, & de leurs douceurs qui ne se recueillent es iardins de la terre: affriandee qu'est vne ame à ces morceaux si delicats, que peult-elle sauourer par apres que la mesme chose? toute autre luy estant à degoust, & desplaisir: elle n'admire rien, elle ne veut rien, elle n'ayme rien sinon Dieu. Que la necessité du prochain l'appelle, elle ne se remuerait d'un seul pas, si ce n'estoit pour l'amour de Dieu. Elle ne craint rien, elle ne s'estonne de rien, elle ne respecte rien sinon Dieu, ou quelque autre chose pour l'amour de Dieu: mesprisant le reste du monde comme vne pure folie, & vraye vanité. Elle est comme ceste Dame que saint Iean va peignant en son Apocalipse avec la lune sous ses pieds cheminant avec un mespris desdaigneux par dessus tout ce qui n'est point Dieu. Voicy de quoy estonner les plus parfaits à leurs contraires, en l'exemple que nous proposons: les amoureux de Dieu admireront le haut degré de perfection iusques où le saint Homme estoit arriué: les fols de ce siecle qui ne parlent qu'à demy mot, & d'un sourcil orgueilleux le condamneroient volontiers de peu de courtoisie, approchant d'ingratitude, ou oubliance à son deuoir, si sa sainteté receüe de

tous

*S. François  
empesché de  
la meditatio  
ne respōd au  
Roy de Frā-  
ce qui luy  
demande  
parler.*

tous & sans contredict ne leur tenoit la lan-  
gue. Le faict donc en va ainsi: Le Roy Charles  
huietiesme venant à Tours, c'est aussi-tost ve-  
nir faire sa Cour, & visiter le S. Homme: entré  
qu'il est au Couuent, le pere Correcteur qui  
se nommoit lors frere Pierre Gilbert ayant sa-  
lué bien humblement sa Majesté, on luy dit  
d'appeller le S. Homme, qu'il luy fasse entendre  
que le Roy luy vouloit parler. Sa chambre es-  
toit fort proche, le pere Correcteur y heurte  
vne, deux, trois fois, disant à chacune *Aue  
Maria.* (C'est la façon en cest Ordre que les  
Religieux s'entrecommencent à parler avec  
ces deux mots par maniere d'aduertissement;) mon Pere, disoit le Pere Correcteur, le Roy  
demande vous parler: point de responce, non  
pas d'un seul mot, ou de si petit bruit que ce  
fut. Le Roy vn peu estonné ce que ce pourroit  
estre. Les Religieux qui estoient là presens  
remarquerent à sa Majesté que depuis huit  
iours il n'estoit sorty de sa Cellule & personne  
ne l'auoit veu. Le Roy plus curieux encores de  
cōmuniquer avec luy, vient en personne heur-  
ter à la porte, & comme il auoit par plusieurs,  
& diuerfes fois deuisé familièrement avec luy,  
il s'asseuroit qu'il le recognoistroit bien à sa  
parole: Mō pere, ce luy disoit-il, ouurez moy  
l'huis de vostre chambre: non plus de nouuel-  
les que le passé. Sans difficulté, dit le Roy, ce  
bon pere est mort, qu'on apporte des outils  
pour forcer la serrure, & qu'on fasse ouuertu-  
re pour cognoistre ce qui en est: Le S. Hōme  
entendant qu'on commençoit se mettre en de-  
uoit pour tout rompre: il donne vn signal de  
sa vie,



DE S. FRANÇOIS DE PAVLE. 353  
sa vie, & santé, & lasche comme vne demy  
voix assez doute, & lamentable, sans autre-  
ment parler ou faire ouuerture. Le Roy plus  
curieux qu'auparauant, approchel'oreille, &  
se rend attentif à vn aultre son, bien plus me-  
lodieux que Musique quelconque: qui reten-  
tissoit doucement au dedans de ceste petite  
Cellule. C'estoient les restes des extases & ra-  
uissemens qui le tenoient si fort vny avec  
Dieu, duquel contemplant l'infinie grandeur,  
la Majesté des Roys de ce monde, toute la ter-  
re ne luy sembloit rié plus qu'un petit poinct.  
Que peuuent voir des yeux qui ont esté lon-  
guement employez à regarder fixement le So-  
leil? les choses les plus claires au sortir de là se  
presentent deuant eux en guise de tenebres.  
Quest-ce que de la gloire du mode, de sa gran-  
deur, de son pouuoir presentez à vn esprit qui  
regarde, & garde soigneusement la presence  
de Dieu en ses exercices: sinon de la pousiere?  
vn ombre? de la fumee? Telles estoient les re-  
ligieuses pensees que le saint Homme rou-  
loit dans son ame, de laquelle le Roy tressa-  
ge deffendit bien estroittement de ne plus  
troubler le repos.

*De la prouidence particuliere de laquelle Dieu  
a usé enuers Saint Francois, & d'autres per-  
sonnes par sa faueur.*

## CHAPITRE XXIII.

**C**Est vn beau liure que la Creature, où  
nous lisons & apprenons les grandeurs  
Z &

& perfections de Dieu, grand infiniment, infiniment parfait. Il demonstra sa gloire infinie en la creation du monde, les flambeaux lumineux du Ciel, les hautes montagnes de la terre, ceste vaste largeur de la mer, ceste quasi infinie estendue de l'air, avec le reste enelos dans le grand pourpris de ce monde: le presche pour tres-bon, tressage, trespuissant: il est ainsi, c'est la meditation de ce Docteur, vn des plus admirables esprits que l'Eglise ait porté. *On cognoist, ce dit-il, que Dieu est grand par la grandeur de ses creatures, & on le dit sage, bon, & prouide, pour le bel ordre que l'on remarque au gouvernement de l'univers.* Et le trois fois grand Mercure Trismegiste en son Pymandre disoit à propos: *que la nature estoit vn livre, plain de diuinité.* Ainsi le voyoit encores cest aueugle Paganisme en la personne du pere de l'eloquence. *Il y a, ce disoit-il, vn Dieu au monde, qui le regit, gouverne & conserue, & qui pouruoit aux affaires des hommes, non point en general seulement, mais aussi fort en particulier.*

Tout cela ne dit-il pas avec admiration, y auoir en Dieu vne puissance, vne sagesse, vne bonté? mais la prouidence particuliere que Dieu prend des siens est comme vn chef d'œuvre parangonné avec tout cela. Ceste consideration a fourny mil & mil beaux sujets au Roy Dauid, pour regler en tablature ce que par apres il chantoit si diuinement sur sa harpe: les profondes meditations conceues sur la particuliere prouidence de Dieu enuers ses esleus. Il faudroit couper le fil de l'histoire, qui voudroit permettre au discours chercher ou recueillir

cueillir ce qui ne luy seroit difficile trouuer ou amasser, si seulement on espluchoit par le menu les graces & faueurs que le Ciel a versé sur le peuple ingrat de la Iudee: lors qu'il sembloit que Dieu eust ietté derriere luy la memoire du reste des hōmes: il suffiroit pour esblouir le lecteur; & estourdir son auditeur. Je m'en deporte donc, pour n'entrer dās vn Dedalus, duquel ie craindrois ne pouuoir facilement trouuer l'issue: laissant cela aux ames mieux releuees, lors qu'elles se profondent dans leurs meditations. Elles me permettront seulement dire encores ceste parole: Vn Dieu, la grandeur duquel, le gouuernement d'un monde ne peut dignement employer, choisir pour condition honneste, la surintendance d'une particuliere maison, d'un homme particulier: O bonté! ô sagesse! ô puissance? mais ô prouidence! Cecy demande des rauissemens plus hardis. Passons aux effects miraculeux, & qui tiennent lieu de demonstration.

Au beau cōmencemēt que S. FRANÇOIS de Paule sortit de son hermitage, pour le rendre cōmun aux particuliers que Dieu y enuoyoit pour luy faire seruice sous la cōduite de ce S. personnage, il fut question de bastir vne Eglise pour celebrer le diuin seruice. Ce fut l'an 1436. en vne montagne qui est au dessus de la ville de Paule aupres d'un torrent. Estant le bruit de ceste nouuelle fabrique espādu es environs de Paule; on y accouroit pour prester ses peines: autres donnoient leurs moyens: luy premier trauailloit, conduisoit & portoit des pierres, chaux, sable, grauiers, & sem-

*Apparitiō oculaire de S. Francois d'Assise à S. Francois de Paule, par laquelle il est induit à dresser plus grand son premier Monastere.*

blables choses necessaires . A peine estoient iettez les fondemens de l'Eglise , & les murs esleuez à fleur de terre , que le S. Homme se trouuant totalement attentif à son œuvre, vit, au despourueu, paroistre deuant soy vn homme d'vn aspect & presence honorable , en habit des freres Mineurs, qui le reprit aigrement de ce que pretendait faire vne maison à Dieu, il luy donnoit vne forme si petite: luy persuadant desmolir ce qui estoit ja commencé, & en bastir vne plus grande: de laquelle il designoit la longueur & largeur . SAINT FRANÇOIS dist qu'il estoit trop pauvre . A cela repliqua le venerable Pere, que Dieu tout-puissant ne luy defaudroit au besoin . Sur ceste parole SAINT FRANÇOIS obeissant au commandement prophetique, desmolit ce qu'il auoit commencé: & designé qu'il eut vn lieu plus spacieux pour bastir de nouveau, la vision de ce venerable Religieux disparut . Cecy veu par les ouuriers, qui l'ont telmoigné, a fait croire que c'estoit le glorieux S. Francois d'Assise, qui luy auoit apparu : la vision & prophetie furent confirmées par l'effect qui suit. Le iour suiuant suruint vn Gentilhomme de la cité de Cusance, qui inspiré de Dieu donna au bienheureux S. FRANÇOIS vne grande somme de deniers, pour fournir, & satisfaire à la despense des bastimés: de maniere qu'en peu de réps l'œuvre fut conduit à telle perfection, qu'il fut capable receuoir, & contenir ceux, qui à son imitation se vouloient consacrer au seruice de Dieu: & iusques à present a seruy d'vn lieu d'assurance pour esperer quelque grace du Ciel:

Ciel: comme si c'estoit vn autre tabernacle, duquel les hommes attendissent les responses de la diuine volonté, d'autant que c'est le premier Monastere de l'Ordre, on y accourt en ce temps encores de tout le Rôyaume de Naples, & d'ailleurs, pour rendre graces à Dieu tout puissant des faueurs receues par les merites & prieres de son fidele seruiteur, & bon amy SAINCT FRANÇOIS de Paule.

En la poursuite des bastimens de ce Monastere Dieu faisoit naistre des occasions d'auoir recours à sa Prouidence, pour en attendre ce qu'on ne pouuoit esperer humainémēt. D'ailleurs, c'estoient autant d'arres pour asseurer l'Ordre par ce Conuent, commencement de l'Ordre, des douces œillades, qu'il a coustume ietter sur ses bien-aymez, preuenans mesmes, bien souuent, leurs necessitez: y pouruoyant fort largement quand elles sont arriuees. Aduint donc, lors qu'on trauailloit, vne cherté grande de viures en la ville de Paule. Le saint Homme desiroit haster la besongne. Il prend plusieurs ouuriers & en grand nombre: qui se sentans presseés de la faim, voyans qu'on leur bailloit fort peu de pain aux repas: le ventre, qui n'a ordinairement ne patience, ne respect, les pousse à murmurer contre le saint Homme: qui l'ayant recogneu, avec grande compassion les exhortoit à patience, avec promesse qu'en bref ils auroient assez de quoy se rassasier, & satisfaire. O prouidence: peu apres ces paroles, voila venir vn cheual chargé de deux sacs pleins de pain, sans conduite de personne quelconque: mais du pain qui estoit

*Viures en  
temps de fa-  
mine en-  
uoyez mira-  
culeusement  
à S. François  
pour ses ou-  
uriers.*

blanc, & tendre, comme si presentement on l'eust tiré du four. Le S. Homme receut le don de Dieu, & le distribue charitablement aux hommes: qui se trouuans rassasiez, benirent Dieu, & retournerent à l'attelier, bien esbahis sur ce faict miraculeux.

Vn notaire, nommé Thomas, auoit vn sien frere qui auoit la face defiguree à raison d'un chancre qui le mangeoit. Le Chirurgien qui entreprenoit ceste cure luy demanda vn pigeon, comme chose iugée bien necessaire à la guaison de ce mal. Voila le notaire fort empesché, pour la difficulté qu'il y auoit à recouurer ces animaux en la saison presente, & particulièrement en tous les lieux confins de la ville de Paule, où cet animal se voit assez rarement. Il s'aduise aller au Conuent, salue le bon Pere: luy fait entendre sa necessite d'autant plus grande qu'il la voyoit (ce disoit-il) comme reduite à l'impossible. Le bié-heureux SAINT FRANÇOIS, qui sans negliger le secours ordinaire des creatures, auoit son assurance ferme tousiours sur la prouidence de Dieu, l'exhorte ne pas perdre courage, Dieu estre tres-bon & tres-prouide, n'auoir iamais manqué aux necessitez de ses creatures, qu'il en verroit l'experience. Auec ces discours, le S. Homme conduisoit le notaire dans l'Eglise, où entrez qu'ils furent à l'improuiste parut vn chat portant vn pigeon en sa gueule, lequel estant vis à vis, le laissa tomber deuant les pieds du bon Pere: qui le releuant de terre, le donna au notaire, & le notaire au Chirurgien qui passoit son frere: auquel il appliqua le pigeon, par la vertu

*Cet trait de prouidence ne peut estre mesprisé de ceux qui pensent de combien ceste Maieité s'encline enuers les siens.*

la vertu duquel, ou, c'est mieux dict, par les merites du S. Homme, Dieu rendit la santé à ce malade. Les freres Religieux disoient que ce pigeon estoit sauvage, & de nouveau niché au Couuent, d'où il soit venu, il n'importe. On voit seulement reluyre la Prouidence Diuine, qui au temps de la necessité commande à cet animal se rendre en ce lieu: & à vn autre, c'est le chat courir à la chasse, pour représenter à temps, & lieux nommez, ce que demandoit le seruiteur de Dieu pour secourir son prochain.

Ce qui arriua au capitaine, ou maistre des Galeres avec ses soldats enuoyez de la part du Roy de Naples, pour enleuer le S. Homme, luy représenter & en faire à sa volonté, est trop plus admirable. Ce capitaine auoit déclaré sa commission: receu la response, & trouué bagage pour prédre chemin vers le Roy: lors que le saint Homme, instruit & puis docteur en l'eschole Chrestienne, voulut praticquer ceste docte leçon de la charité enuers ses ennemis mesmes rendant le bien pour le mal. *Par charité*, ce leur dit le bon Pere, *vous ne sortirez point de ceans sans prendre la collation.* Ce capitaine, non plus capitaine, mais vraiment Religieux en son ame, obeit & accepte l'offre de bon cœur, entre au reſectoir avec ses soldats, qui faisoient bien ensemble le nôbre de 40. ou 50. personnes. Le S. Hôme presente sur table deux petits pains, & enuiron vn pot de vin, qu'il couvre de sa benedictiō, & leur presenta à chacun vn morceau de pain, plus qu'ils n'en pouuoient mâger: & du vin à boire autāt que la necessité l'eut peut desirer. Ces hômes

*Deux petits pains & vn pot de vin multipliez miraculeusement pour rassasier 50. personnes.*

ignorans de l'aduenir, admiroient le present. si que mangeans de la bouche, ruminoint en leur esprit vne verité hors de controuerse, que les pains & le vin n'estoient pas naturellement en assez grande quantité, pour receuoir chacun en particulier ce & autant qu'il leur en estoit offert. Mais cela est passé: voicy merueille sur merueille. Le repas est fait avec contentement. Le Sainct Homme red graces à Dieu, & en presence de la compagnie fait recueillir le reste des pains & du vin: que dis-je reste, le surplus des deux. Car le pot fut veu aussi plein de vin, comme si on n'en eust versé & beu: & le pain en plus grande quantité que les deux pains presentez sur table. C'estoit lors se regarder avec silence, & parler en son interieur, Qui despitans l'heure en laquelle ils auoient pensé mal à ce saint Homme: qui la benissans, pour leur auoir causé, par accident, le bon-heur, voir ce que les autres tiendroient à grand plaisir seulement entendre.

Vn peu auparauant la sortie du S. Homme del'Italie pour venir en la France, sous la parole & commandement de sa Saincteté, le peuple circonuoisin, & specialement ceux qui auoient eu le bien traiter avec luy plus familièrement, arriuoient de toutes parts au Conuent, pour voir encore vne fois sur terre celuy qu'ils ne se promettoient plus contempler sinon au Ciel. Qui luy demandoit sa benediction: qui prenoit congé de luy: autres l'importunoient leur donner quelque gage de son amitié, pour en conseruer la memoire. En ceste compagnie

se



se trouue Paul de la Porte citoyen de Paterne, qui auoit autresfois trauaillé & aydé à bastir le grand Conuent, auquel le bon Pere souloit assez souuent se communiquer. Prenant de là sujet il aduance ceste parole: Et bien, mon Pere, nous auons entendu que vous nous allez quitter pour certain: nous n'esperons plus vous reuoir pendant ceste vie. Je vous prie me donner quelque chose, afin qu'à iamais il me souuienne de vous. Le Saint Homme prend vn petit pain, & si petit qu'il n'y auoit pas quasi assez pour la refection d'vn homme. Il benit ce pain, & le donne à celuy cy, qui retournant en sa maison le serre par deuotion, & le conserue dans vn coffre par l'espace de cinq ans. Ce temps expiré, voicy vne famine generale à tout le pays, particulièrement en la maison de ce pauvre homme: si qu'il y auoit ià trois iours passez qu'il n'auoit mangé du pain, lors qu'il se va souuenir du pain que luy auoit donné le S. Homme. Il ouure son coffre, des- uelope ce petit pain, il se trouue sans corrup- tion aussi beau & entier comme le iour mesme qu'on luy auoit donné. Il le prend, il en mange luy cinquiesme de compagnie, avec telle suffisance, que ce qui n'estoit pas assez pour vn seul, les effects firent scauoir qu'il y en auoit trop pour cinq: effects à la verité de la benediction que le S. Homme auoit ja imprimee sur ceste creature.

*Vn petit pain  
autresfois  
donné par S.  
Francois est  
trouué en s<sup>a</sup>  
entiere bonté  
apres cinq  
ans & suf-  
fisant pour  
nourrir cinq  
hommes en  
temps de fa-  
mine.*

C'est à la verité chose admirable deuant nos yeux, voir multiplier vne creature en sa substance, & accidents, ou en leurs effects: mais c'est toute autre chose, voir en vn instant, ce  
qui

qui ne se voyoit pas: Comme lors qu'une chose prend l'estre qui ne l'auoit pas, ou subitement se represente à vn lieu, où auparavant elle n'estoit pas: cela n'appartient qu'à Dieu seul, par vne puissâce absolue: qui peut neantmoins en commettre le ministère à qui bon luy semble de ses creatures. C'a esté vn des priuileges de nostre saint Homme, duquel il se seruoit és occurrèces propres pour honorer Dieu, & seruir charitablemēt le prochain, comme en celuy-cy. Iacques Courte cognoissoit assez familièrement le saint Homme: Il auoit vne sienne belle sœur malade iusques à l'extremité par vne detention d'yrine, qui ja l'oppressoit si fort, qu'à peine pouuoit-elle respirer. Les medecins sortans, courts en leur art, les amys entrent pour consoler la patiente. Entre iceux ce Iacques Courte luy remonstre que leur pays auoit esté honoré de Dieu, par la presence du saint Homme, qui comme tous les iours guerissoit des maladies desesperées, qu'elle ne deuoit auoir negligé ce remède: se recommander à ses graces & prières, & qu'il croyoit cela estre desia faict. Et bien, celuy dit-elle, puis que vous en auez la croiance, obligez moy de ceste faueur y aller pour moy: & faire ce que vous nous conseillez. Le voila party qui tire droit au Couuent. Il ne trouue point le S. Homme. Il apprend qu'il est en la forest, où il fait tailler le bois pour la charpenterie de son Cōuent. Il y va, & le trouue. D'aussi loing que le S. Homme l'eut apperceu, il cognoist qu'il luy veut parler: il le deuāce de pas & de paroles: *Iacques, ie scay pourquoy*

*vous*

vous estes venu me trouuer, vous demandez quel-  
 que remede pour la maladie de vostre belle sœur.  
 Ouy mon Pere, respond cest homme, ie vous en  
 prie bien humblement. Le S. Homme resserrant  
 & leuât vn peu les espaules, *Ie vous prie*, ce luy  
 dit-il, *de m'excuser: car ie n'ay rien icy de ce que*  
*ie cognois estre propre à son infirmité. Ie ne scay*  
*donc que luy faire.* Cest homme ne prend point  
 la response du S. Homme pour payement, &  
 demeure en ses premiers termes: & le S. Hom-  
 me en ses premieres excuses: iusques à tât qu'a-  
 pres auoir esté tant & tant de fois importuné,  
 gaigné par la perseuerance, deuotion & hu-  
 milité de celuy qui luy en auoit présenté la re-  
 queste, il s'incline & cueille au pied d'vn che-  
 ne vn bouquet de fraises bien meures, & les  
 donne à cest homme: *Allez*, ce luy dit-il, *fai-*  
*tes gouster de ce fruit à vostre sœur, & croyez*  
*qu'elle s'en portera bien:* comme il aduint, aussi  
 tost qu'elles les eut mangées, elle se leue par-  
 faitement bien guarie. On commençoit ja  
 d'admirer le miracle de la santé si soudaine-  
 ment receue, lors que l'esprit de la compagnie  
 fut enleué d'ailleurs, par vne pensée commu-  
 ne, où s'estoit peu trouuer ce fruit, veu qu'il e-  
 stoit hors de saison: & encores plus, oyant ce  
 beau frere qui auoit seruy de messager, affir-  
 mant tout haut, qu'il auoit regardé au pied de  
 l'arbre premier que le S. Homme y eust cueilly  
 le fruit, & qu'il n'y en auoit veu aucunemér:  
 outre qu'il ne souloit point y en auoir iamais  
 veu en ce lieu: le S. Homme mesme luy auoir  
 refusé par plusieurs fois ce qu'il luy demandoit,  
 s'excusant sur l'impossibilité de trouuer ce  
 fruit qu'il nommoit le seul remede necessaire.

*Fraises pro-  
 duites à vn  
 instant, &  
 par lesquelles  
 S. Francois  
 guarit vne  
 pauvre ma-  
 lade.*

Vne si belle confusion de saintes pensées roulées vne sur l'autre tiroit vne grande admiration de tous les cœurs, exprimée par mil gestes, & autant de paroles, pour dire que Dieu estoit plus que tresadmirable en ses Saints.

La Marquise de Pollissene estoit venue à Paterne vn iour de Vendredy exprés pour visiter le Saint Homme, il la recoit avec son train fort humainement, & la traite comme sa deuotion le desiroit de la pauvreté du Conuent: mais non à la mesure de l'appetit des gés qui la suiuyent, & qui souloyent caresser plus delicieusement leur ventre. La verité est que le bon Pere se mit en deuoir faire chercher du poisson, mais la mer s'estoit tellement mise en furie, qu'elle auoit empesché de pescher, & ne s'en trouuoit aucunement: à faute de cela il leur faict seruir des febues sur la table, pour le premier, & dernier mets: mais l'abstinence, extraordinaire aux courtisans, que ceux cy gardoyent fort fidelement, pour ne vouloir manger de ces legumes, avec vne parole laschée indiscrettement par vn d'eux, qui disoit quelque chose comme cela, fit entendre au bon Pere le muet discours de leurs esprits mescontents, auxquels respondit le S. Homme en termes fort clairs & exprés, parlant à vn de la compagnie pour tous: *Ayez un peu de patience & Dieu y pouruira*: à peine auoit-il finy la dernière parole, que voila la table chargée d'une grande quantité de poissons, & de diuerses especes, sans pouuoir remarquer qui les auoit mis là, ny comment ils auoyent commencé

*La table  
couuerte mi-  
raculeusement  
d'une gran-  
de foison de  
poissons.*

à pa-

DE S. FRANÇOIS DE PAVIE. 365  
à paroistre , sinon qu'ils voyoient la table  
chargée en vn instant.

Vn iour que le S. Homme auoit mené avec  
soy plusieurs ouuriers à la forest trauailler  
pour son Couuent , lassez tous du trauail;  
l'heure de disner venue , ils se trouuent fort  
bien fournis d'appetit, & rien plus , Le saint  
Homme n'auoit rien pour leur donner : ils di-  
sent ne pouuoir plus demeurer en la besong-  
ne, si on ne leur donne à viure . Pendant ces  
discours aduisans ce qu'il seroit de faire , ils  
voyent à l'improuiste vn homme tenant deux  
flamiches toutes chaudes, comme si presente-  
ment on les eust tirees hors du four, qui venât  
droict vers le S. Homme, luy faict present de  
ces deux pains, qui pouuoient estre suffisants  
pour rassasier enuiron deus hommes . Le bon  
Pere les ayant receu, & beniit, les rompt, &  
distribue à la compagnie, qui faisoit le nom-  
bre de vingt, ils prennent tous leur refection  
& mangent tout ce qu'ils veulent , & neant-  
moins il resta vne bonne partié de ces deux  
flamiches apres le repas acheué.

*Multiplica-  
tio de pain.*

Entre les deuotieuses coruées qui se faisoiet  
simplement pour l'amour de Dieu, & auance-  
ment des baltimens du S. Homme : il se pre-  
senta vne grande compagnie d'ouuriers pour  
trauailer en la forest. Le S. Homme les suit.  
Après auoir bien peiné & sué , ils se trouuent  
tous aussi forts altérez, que despourueus de  
boisson . A la reserue d'vn d'iceux nommé  
maistre Antoine, qui auoit porté avec soy vne  
petite bouteille pleine de vin pour boire vne  
fois seulement, ou deux au plus. Le S. Homme  
luy

*Multiplica-  
tion de vin.*

luy demandant sa bouteille, il luy bailla, & de bon cœur. Le bon Pere luy redonne. *Beuvez,* ce luy dit-il, *le premier, car cela vous appar-*  
*tient: & puis me la rendez.* Il fait ainsi comme on luy dit. Le bon Pere recoit la bouteille; & la distribue apres par ordre à chacun en particulier. Ils beurent tous suffisamment; & si il en resta la meilleure part d'as la bouteille, que le S. Hōme rendit audit maistre Antoine, qui se sentit trop plus ioyeux que tous les autres d'auoir donné sujet à vn si euident miracle.

Tout au commencement que le S. Homme commença à bastir son Conuent à Corilian, il voulut faire prouision d'eau, & mesnager vn petit canal pour descendre iusques dans son Conuent. Le lieu d'où il la tiroit estoit fort esloigné, & les places entre les deux fort incōmodes à son dessein. Raison pourquoy les ouuriers mesmes ayans paracheué doutoient s'ils y auoient trauaillé; ou bien si leur trauail eust peu si heureusement reüssir: comme le commun langage estoit, aduouer le faict estre miraculeux, sans que l'inuention ou la peine de l'homme y eust peu rien pretendre. Le S. Homme pour, ou plustost, ou plus facilement conduire l'ouurage à sa perfection, il conduit bien iusques au nombre de 300. hommes avec soy, qui apres auoir quelque temps trauaillé à bon escient, ils aduertissent le bon Pere qu'ils auoyent necessité de manger, s'il desiroit tirer d'eux plus de besongne. Le S. Homme qui ne desiroit rompre son atelier, craignant qu'ils ne le quittassent là, comme ils y estoiet venus sans attendre autres gages, que de Dieu, s'il  
ne

ne pouroyoit soudain à ceste occurrence, de provisions, au reste il n'e auoit point & moins peut estre moyen d'en auoir humainement, pour fournir iustissamment à vn si grand nombre. O le beau banquet : Le S. Homme se trouua lors tenir vne figue en sa main, il la benoit, la rompt, & en distribue à trois cens hommes, & si il luy en demeura de reste. Ce qui est plus à admirer, tous affirmoient qu'ils auoient mangé autant qu'il estoit requis pour rassasier leur faim. Ouy à la verité, c'est vn somptueux & riche banquet: voire plus que celuy d'Assuere, puis que de cestui-cy les hommes saouls & yures retournent affamez & alterez : & de celuy-là auec vne grande abstinence & frugalité ils demeurent fort rassasiez & contents.

*Vne seule figue suffisante pour rassasier 300. hommes.*

S'as sortir la place, ou quitter la compagnie que dessus: ce premier miracle fut suiuy d'un second au mesme iour. La refection prise, chacun demeurant satisfait de sa portion de la figue, on reprend les outils & la besongne. Le S. Homme se separe vn peu de la compagnie, & entre dans vne foret qui estoit proche de là, où pour pratiquer quelque peu de temps pour recueillir son esprit par vne oraison solitaire, ou qu'il cherchast le bois qu'il iugeroit propre pour son bastiment. En son absence voicy venir deux femmes, qui apportent deux petits pains, à des personnes honorables qui s'estoient ioints avec les autres, comme il y en auoit de toutes conditions, pauvres & riches, grands & petits, qui se presentoiēt à travailler pour l'amour de Dieu en vn œuvre si saint & pieux. Ceux à qui on auoit porté ces pains

pains en mangent vn, & eussent faict aussi belle feste à l'autre; si Dieu ne l'eust reserué pour plus grande solemnité. Lors qu'un long temps apres le S. Homme retournant du bois, où il s'estoit separé sans auoir receu d'aduerrissement s'adresse à ces personnes qui auoient mangé le premier pain: *Vous avez, ce leur dit-il, bien fait de vous consoler & recreer des biens que Dieu vous a enuoyé: mais vous deuez scauoir que la grace de Dieu est commune à tous indifferement : par charité donnez moy l'autre pain qui vous est demeuré.* Ces hoimmes luy baillent: Le S. Homme le prend entre ses mains, le benit, le rompt, & le distribue à toute la compagnie, c'est à dire à trois cens hommes, chacun en auoit avec suffisance. Tous se sentent bien nouris, & demeurent tous aussi contents qu'estonnez, qu'un pain (y en ayant en la compagnie qui en particulier ne se fussent espouuantez de le manger avec autre chose) tout seul eust peu seruir pour donner vn contentemēt si grād à trois cens hommes. Aussi les œuures de Dieu ne peuvent produire que des admiratiōs en l'ame de la creature qui ne peut en descouurir les causes qui sōt cachees deuāt nos yeux.

Au chemin que le S. Homme commenca à aller en Crotone, pour de la passer en Sicile, arriuant au pas de Borelle, plusieurs de la terre d'Arene se rencontrent avec le bon Pere, & loincts ensemble alloient de cōpagnie à Crotone. Par le chemin, il leur demāde par Charité vn peu de pain. En cet tēps la cherté estoit fort grāde: ils luy dirēt tous n'en auoir point: que eux mesmes en auoiēt si grande necessité, qu'à peine

Vn seul pain  
suffisant pour  
le repas de  
300. hōmes.



peine se pouuoïët ils soustenir, tant ils estoïët vsez de la famine. Le S. Homme leur demande de celuy qu'ils portoiët dans leur besace. Il n'y en a non plus dans le besace que dans nos mains, dirent ils. Le S. Homme : Dóñez moy vostre besace, car il y en a dedans. Ils luy dóñent la besace, qu'ils croyoient comme ils sçuoient avec verité l'auoir bien vuidee, ioint qu'il n'i entroit des morceaux si delicats que celuy que le saint Homme en retira. Il prend donc ceste besace fouille dedans, & apporte vn pain blanc, & fort tendre. Ces paisans descouurent bien tost que c'estoit vn miracle, demeurent tous estonnez pensans chacun à part soy si ce n'estoit point ce S. Homme qui faisoit retentir l'air par les discours qu'on tenoit de ses merueilles : ils ne sonnent plus mot : le respect leur ayant appris admirer en silence ce qu'il ne pouuoïët cognoistre encores appertement, iusques à ce que le S. Homme ayant beny ce pain, leur en distribuë. Ils mangent tous affamez qu'ils estoient, autant qu'ils veulent, iusques à estre parfaitement rassasiez : & cheminerët trois iours ensemble iusques à Crotone, pendant lesquels ils furent nourris du mesme pain, sans qu'il fut apperceu diminuer. Ce fut lors d'entēdre ces hommes qui parler aux vns, qui parler aux autres ce qui s'estoit passé, qui ne pouuoit estre autrement, sinon ce bon Pere, ne pouuant estre Dieu par nature, au moins par grace estre vn homme tout diuin : qu'au moins il en produisoit les effects, simulant par charité demāder aux autres l'aumosne qu'il leur vouloit dóñer.

*Pain miraculeusement donné & multiplié en telle façon, qu'il peut par trois iours une grande compagnie de voyageurs affamer.*

Le S. Homme auoit receu commandement exprés de nostre Dieu visiter la Sicile, la peupler de maifōs & religieux de sō Ordre, & luy departir quelque chose des graces que le Ciel luy auoit cōmises. Il y va, il y bastit plusieurs Monasteres, qui se voyent encores auioit-d'huy: les remplit de Religieux, & leur donne sa Regle, cōme vn fare ou lumiere qui les guideroit par le chemin des commandemēs, puis des conseils de nostre Dieu. Tout estant ainsi disposé, & en bel ordre, il fait estat de retourner en son païs de Calabre. Le bruit de son retour va par toute la Sicile, chacū vient qui luy veut persuader faire là sa demeure: qui luy demander sa benedictiō: ceux-cy attendēt quelque belle instructiō & ceux-là le veulēt accompagner. Personne ne l'eust voulu perdre. Entre tous les hommes de ceste compagnie, deux de la terre de Sorite estoiet venus par deuotion, & s'approchoient pour luy baiser les mains: mais l'humilité du S. Homme ne leur voulut permettre: seulement qui estoit beaucoup, il leur donna sa benedictiō: & recognoissant qu'ils estoient lassez du chemin, leur fit dōner du pain, du vin, & vne salade de laiētues. Ces hommes recueillēt la charitable aumosne du S. Hōme, mangent & boient, & n'apperçoient aucune diminution à la viande, ou à la boisson. Les merueilles redoublēt avec les admiratiōs. C'est que le repas est acheuē (où l'experience auoit assez fait voir qu'ils ne s'estoiet espargnez à boire & manger.) Voicy neantmoins tout ce qu'on leur a donné aussi entier comme lors qu'on leur auoit présenté.

*Refectiō  
prise sans  
diminutiō  
des viandes.*

La

La charité du S. Homme estoit cōme vne boutique d'apothicaire bien fournie de drogues pour toutes sortes de maladies, si qu'à mesure que l'ō se presentoit à luy l'on y trouvoit tousiours sō remede preparé, & n'en fust-il point il en faisoit estre. Vne fēme de Sciliane, elle se nommoit Liuia, depuis deux ans elle auoit esté cruellemēt tourmētée du haut mal: le vulgaire l'appelle *le mal de S. Jean*. Elle viēt à Paterne prendre aduis de ce celeste medecin lequel alla droit à vne petite fenestre qui estoit dans le mur de l'Eglise, ou premier qu'il arriuaست ceste femme auoit regardé dedans, & n'y auoit rien veu ou trouué. Le bon Pere met la main dedans, & rapporte plusieurs fruiçts, & de diuerses especes, des grenades, des noix, des petits raisins, des figues seiches, des pruneaux, & choses semblables, & les donne à ceste femme, luy ordonnant d'en manger. Elle les reçoit; en mange vne partie, & est guerie du tout. Le reste des fruiçts elle les regarde fort soigneusement, & à mesure qu'elle trouvoit quelques personnes trauaillées de la mesme maladie, elle leur faisoit part de la recepte du S. Homme, & les guarissoit. Ce qui aduint iusques à neuf diuers malades, autant que les fruiçts peurent durer, & y fournir. Telles drogues n'estoiēt pas esuētes puis qu'il les enfermoit si ferré, & les couuroit de son humilité.

*Fruiçts mi-  
raculeux.*

*Malcadu-  
que guarit.*

Pour fournir du bois de charpenterie autant qu'il estoit necessaire à l'edifice du Conuēt de Paterne, le bon Pere auoit mené à la forest vingt hōmes pour abbatre les arbres qu'ils iugeroient leur estre propres. L'heure du disner

*Pain &  
vin multi-  
pliés pour  
la refection  
de plusieurs  
ouuriers  
sans dimi-  
nution de  
son entier.*

venue le bon Pere leur presente du pain, & vn petit baril de vin, autant qu'il eust suffi pour deux de la compagnie seulement. Ces hommes croyans qu'on les voulust faire leuer de table avec l'appetit, pour suiure le regime de la santé, rongeoient leurs mescontentemens dans leur cœur, premier que mettre le pain à la bouche: lors que le S. Homme les prie commencer le repas, qu'il continuent iusques à manger & boire autant qu'ils eussent peu desirer. Pendant ce temps le S. Homme les preschoit, & prouuoit que Dieu estoit vn si bon Pere qu'il ne manquoit iamais à la necessité de ceux qui ont posé leur confiance sur luy, & respondoit fort à propos à leurs pensees, ce qu'ils apperceurent aussi tost que le miracle tref-euident. Car apres estre suffisamment rassasiez, ils resterent deux panniens pleins de pain, c'est à dire plus qu'on leur en auoit presenté, & le baril de vin duquel ils auoiét tous beu, de mesme demeura plein sans diminuer aucunement.

Dans le mesme Conuent le S. Homme y faisoit bastir vne cisterne, où il employoit grande quantité d'ouurriers. Vn iour entre les autres il descend de sa chambre pour visiter les ouurages, & apportoit vne figue dans sa manche, trouuant ces hommes lassez, qui reprenoient haleine pour mieux se remettre à la besongne, leur monstre ceste figue & leur dit: *Penseriez vous biẽ que ie peusse donner à tous vn morceau de ceste figue pour vous rafraischir la bouche?* Vn de la compagnie qui se nommoit Charles, luy respondit: *Mõ Pere, si vous en don-*  
à tous

à tous que vous en restera-il ? Le S. Hôme. *La grace de Dieu, mon amy, elle ne manque iamais à ceux qui en ont de besoin, & s'en rendent dignes.*

Pendant ceste responce, apres la demande, le bon Pere partageoit la figue par morceaux, & leur distribue à chacun le leur, luy en restant neantmoins autant en la main que toute la figue qu'il auoit departie à vingt hommes, qui resterent bien esmerueillez, & avec raison.

*Figues multipliees.*

Vne chose qui a fort estonné ceux qui se donnoient le plaisir de considerer les deporttemens du S. Homme: c'est que d'un monde de personnes qui le venoient visiter (qui pour voir un homme si rare, qui pour recevoir remede à leurs maladies: autres pour voir les grands miracles qu'il faisoit iournellemēt: qui d'une raison, qui poussez de l'autre) il les prioit presque tous prendre la collation. On admiroit, dis-je, où un homme qui ne viuoit que d'aumônes peust trouver les moyens pour satisfaire à une despenſe si grande qu'il faisoit par charité, pendant toutes ces visites, qui estoient aussi communes que tous les iours en son Couvent de Paterne. Un iour donc ayant recueilli ses hostes, & fait seoir à table: il les sert des biens que Dieu luy auoit enuoyé, c'estoient des febues cuites avec des chataignes, de pain & de vin il n'y en auoit point au Couvent. Ou que la compagnie fist mine de quelque mescontentement d'un si maigre banquet: ou que de son bon gré il voulust les repaistre d'esperance en attendant mieux: le S. Homme les prie d'auoir encores un peu de patience, & croire que Dieu pensoit pour eux: à peine, auoit il

*Pain & vin apportés inopinément.*

finy la dernière parole, que voicy arriuer vn nommé Antoine Matuan d'Atilia avec vne femme, ou charge de pain, & de vin que le bõ Pere presenta à la compaignie, de la part de Dieu, leur donnât tout le contentemēt qu'ils pouuoient eſperer.

*Ouuriers  
repeus par  
le ministe-  
re d'un  
Ange, avec  
multipli-  
cation de  
pain, & de  
vin.*

Le S. Homme auoit conduit cinquante que chartiers; que manœures à trois lieus loing de Paterne en vn bois sur vne môtagne, pour ayder à charger, & emmener les sômiers de la charpenterie de son Eglise, le traual avec le temps leur ayant aiguisé l'appetit, ils demandent au bon Pere s'il auoit donné ordre pour leur faire apporter la collation: il leur dist n'estre de besoin: & qu'ils pourroient biē patienter iusques à estre arriués au Conuent, s'estans refectionnés honnestement auant que partir.

Ces ouuriers affamez ne prennent point ses paroles pour viâdes, si que portez de leur mescontentemēt les voyla se ietter sur le murmure & à qui en diroit le plus, lors que voicy inopinemēt paroistre vn homme mal vestu & incognu de toute la compaignie, qui estédant sō mâteau sur la terre, & y posant dessus vn pain fort blâc avec vne petite bouteille de fort bõ vin, se tourne vers les ouuriers: *Venez icy tous*, ce leur dit il, *& faites collation pour l'honneur de Dieu.* D'abord ces hommes difficiles à contēter murmurēt en leur cœur, voyans ce qu'õ leur donnoit n'estre pas ce leur semble suffisant pour la refection de trois hommes, eux faisant iusques au nōbre de cinquāte: toutesfois croyans qu'il valloit mieulx ne se point courroucer contre son ventre, & prendre vn  
peu,

peu, que rien, ils'cōmencent chacū à prendre le pain par ordre, & en couper sō morceau, & puis faire mesme feste à la bouteille l'vn apres l'autre, & pource qu'ils n'apperçourent point de diminution au pain, ny au vin, ils font vne surcharge à tous les deux, ils mangent en fin; & boiuent autant qu'ils veulent, sur le tard ils se vont aduiser de l'action presente qui estoit trop miraculeuse, ils vouloient ia commencer d'en parler familiarement, & interroger cest homme, qui leur auoit preparé le bâquet: mais au mesme instāt il disparut, leur laissant vne crainte, & repentir au cœur d'auoir murmuré contre le S. Homme: la saincteté duquel estoit seruie, & secondee par le ministration des Anges, voire de Dieu mesme Seigneur des hommes, & des Anges, pour ne laisser son fidele seruiteur à la necessité.

La Marquise de Pollissene d'Arragō cōmanda à Dō Guillaume sō maistre d'hostel, aller à Paule avec vn autre domestique seruiteur de ladite Dame qui se nōmoit Paul de l'Abbé, visiter de sa part le S. Hōme, pour sçauoir de ses nouuelles. Ces hōmes dōc viennēt au Conuēt, entrent dans vne chābre, où ils trouuent le S. Hōme qui auoit allumé vn grād feu, le maistre d'hostel l'ayant salué, & présenté les recommandatiōs de sa Dame, & maistresse, luy reciproquement ayant esté recueilly fort humainement par le S. Hōme, il luy demande pourquoy il allumoit vn si grād feu: le sçauois biē vostre venuë, luy respōdit le bon Pere, & puis estāts comme nous sōmes de present au mois de Ianuier le feu est de saison. Apres plusieurs

discours le maistre d'hostel deliberé comme vn courtisan, ou que l'ignorance le licentiaſt, ou la goſſerie qui eſt aſſez commune à ceſte ſorte de perſonnes, il s'aduance dire au S. Hôme qu'il vouloit mäger d'une poule avec luy, le bon Pere luy reſpondit ſeulement qu'on ne mangeoit point de chair en ſes Monasteres, trop bien des legumes, du poiſſon, & autres viandes ſemblables deſquelles on vſe en Carſme: ſur l'heure il appelle vn ieune garçon, & l'enuoye en vn certain lieu de la mer, qu'il luy enſeigne, pour y prédre ce qu'il il trouuer roit: & bien que la mer fut en furie qu'il ne craignit nullement. Ce ieune garçon obeit au commandement du S. Homme, va, & reuiet enuiron vne heure apres, portant vn poiſſon qui peſoit bien trente liures. Le bon Pere ordonne de le faire cuire & preſenter à ce maistre d'hostel, & à la compagnie, qui apres en auoir mangé quantité, on ne trouua aucune diminution aux viandes, ſoit du poiſſon, du pain & du vin qui auoit eſté ſeruy ſur table. Que de miracles en vn, faiſts par le S. Hôme! il preuoit la venuë de ſes hoſtes: il aſſeure de peſcher ſans danger, pédant la tempeſte de la mer, que le poiſſon ſe trouuera là à point nommé pour ſecourir le S. Hôme au beſoin: les viades ſon mangées, & ne diminuent point, c'eſtoit remettre deſſus les miracles de IESVS-CHRIST qui aſſeure ſes Apoſtres ietter leur rets en vn coſté de la nauire d'ou infailliblement ils doiuent en leuer du poiſſon.

La cherté de viures eſtoit tournée en famine, & celle-cy en vne cruelle mort, qui faiſiſoit

*Poiſſon peſché miraculeuſement.*

*Au reſte miracle ſemblable au cy deſſus.*



foit la plus grande partie des pauvres de la ville de Spezane, lors qu'on aduertit le bon Pere, que trois ieunes hommes estoient couchés par les chemins abbatus de la faim, qui n'attendoient plus que la mort. Le bon Pere eschauffé de sa charité ordinaire leur enuoye habilement porter vn petit morceau de pain enuiron pour chacun vne bouchée, aussi-tost qu'ils eurent prins ce peu qui leur estoit enuoyé, non seulement ils receurent leurs premières forces, mais il leur sembla d'estre aussi pleins & rassasiez comme sortäts d'une table chargée de toutes sortes de viandes.

*Trois ieunes homes elägourez de la faim, & pleinemēt rai-gourez, par vn morceau de pain, enuoyé par S. François.*

La quätité, & excellence des miracles faicts iournellement par le bon Pere ietta vne sainte curiosité dans les ames de toute le voïsina-ge chacun desirant voir ce qu'il entendoit à toute heure. Dieu veut ainsi pour l'honneur de son bõ seruiteur qu'il vouloit reciproquement honorer, que toutes les villes, & villages de plus de dix lieuës à l'entour de Paterne desbordent, & abordent au Conuēt du S. Hõ-en vn mesme iour. Ce bon Pere vray disciple de IESVS-CHRIST & imitateur de sa charité enuers les hommes: comme lors que les troupes le suiuioint dans les deserts, ayant apperceu vne si gräde multitude apres soy ils araisonna avec saint André, & saint Philippe pour aduiser aux moyens de les nourrir: d où s'ensuiuit le grand miracle mentionné par par saint Iean. Ainsi nostre S. Homme appellant ses Religieux, leur monstra les peines, & fatigues de tout ce monde, qui l'estoit venu visiter: n'estre à propos les rauoyer à ieun, que

*D'une  
corbeille de  
pain pour  
dix pers-  
nes et d'un  
petit pot de  
vin s'ot re-  
peus innu-  
merables  
personnes  
sans dimi-  
nution de  
l'entier.*

que peut estre la plus part d'entre eux, n'auoit moyen de trouner vn seul morceau de pain, qu'ils apportassēt ce qu'ils auoiēt, au Cōuēt, pour en distribuer indifferēment à tous ceux qui se presenteroient, pour receuoir l'aumosne. Le Despēsier dōc apporte vne corbeille, ou il y pouuoit auoir du pain enuiron pour dix personnes, avec vn petit pot de vin, & les met entre les mains du bō Pere, c'estoit vrayemēt chercher l'occasion du miracle suiuant, cōme lors que le fils de Dieu print les pains entre ses mains, qu'il multiplia. Le bruit de ceste aumosne generale, se faiēt entendre par tout le Conuent, & es campagnes, ou terres attenantes les murailles de la maison, car tout cela estoit plein de personnes, pauures, & riches, petits, grāds, de toute qualite: qui tous accourēt pour auoir le bon heur de voir le S. Homme, & receuoir l'aumosne de sa main: mais pour estre telmoins d'vn miracle si euidēt, car tous reçoieēt vn morceau de pain & vn verre de vin, & tous virent le panier plein de pain, & le pot regorger de vin, autant à la fin qu'au commencement, si que le Despensier rapporte au Conuent, le fruit de son aumosne, c'est à dire, autant qu'il en auoit porté dehors, & ce apres vne aumosne distribuée à tant de personnes qu'on n'en pouuoit presque sçauoir le nombre, qui retournāt chés eux semoient cecy par toute la Calabre, si que ceux qui auoiēt veu la merueille comme ceux qui l'auoiēt entendu loüoyent tous ensemble l'infinie Bonté de Dieu, qui fauorisoit le S. Homme son bō seruiteur des mesmes priuileges qu'il auoit autres

autres fois gratifié son fils, au temps qu'il cōuerſoit viſiblemēt avec les hōmes ſur la terre.

Les grandes prouiſions que le S. Homme faiſoit pour ſon Conuent, eſtoient la pauvre-té extreme, qu'il faiſoit repoſer ſur la Prouidēce Diuine, qui ne peut iamais manquer aux neceſſitez des ſiens, lors qu'ils ne diminuent rien de la confiance qu'ils luy doiuent garder fidellement. Il aduint donc que les officiers du Conuent de Paterne, aduertirent le Sainct Homme, qu'il n'y auoit plus de bois en la maiſon, pour faire du feu, ſinon deux petits baſtons en tout, qu'il leur falloit cependant conſeruer touſiours le feu, ſoit pour les Religieux, comme pour les ouuriers, qui en auroiēt de beſoing: qu'il luy pleuſt y donner, ordre. Et biē reſpondit le bon Pere, mettez voz deux baſtons qui reſtent, pour maintenir le feu en eſtat, & Dieu y pouruoyra, ſ'il luy plaiſt, attendant qu'on nous en ait apporté de la foreſt. Les Religieux obeiſſent, portent les baſtons bruſler, qui entretiennent le feu l'eſpace de deux iours, & autant de nuiēts ſans ſe conſommer aucunement, iuſques à ce que la petite prouiſion de bois fut arriuee au Conuent. Pendant ce temps on ne parloit d'autre choſe parmy les Religieux, & ouuriers, que de ce feu miraculeux qui bruſloit le bois, & ne le conſommoit point. Chaſcun y venoit pour s'eſchauffer en l'amour de celuy qui prend tant de ſoing pour ſes amis que de ſuſpendre la vertu naturelle à quelques elements: la re-laſcher aux autres pour le ſeruice d'un homme qui le ſeruoit fidelement.

*Feu qui  
brule le  
bois ſans le  
cōſommer  
deux iours  
durant.*

La

La charité du bon Pere estoit si grâde qu'il ne pouuoit rien garder au Conuent, qu'il n'eust part aux ouuriers, qui s'employoient à la fabrique de son Monastere: ou aux passants, qui demandoient l'aumosne pour l'amour de Dieu. Alors il n'auoit au Conuent pour toute prouision qu'une botte de vin (ce seroit à la mesure de France vn muid & demy) le bon Pere commanda au Despensier d'en donner indifferemment à vn chascun, qui en demanderoit des passants & mancuures. Le Despensier luy remonstre qu'il auoit peu de vin, & qu'il le faudroit mesnager pour sa communauté. Le saint Homme luy repartir, de se confier en Dieu duquel la prouidence ne luy manqueroit, tant qu'il feroit bien aux autres: le Despensier obeït, & distribue le vin par mesure aux Religieux, aux hostes & à ceux qui trauailloient au Conuent, & se persuadoit-il bien que ce beau mesnage là, ne dureroit qu'environ vn mois, lors qu'il en voit escouler vn: le second passer, le troisieme, le quatrieme, iusques au sixiesme sans aucune diminution au tonneau, duquel il en tiroit & en distribuoit tout les iours si grande quantité de vin. C'estoit au commencement du mois d'Auril que le S. Homme auoit donné ce commandement au Despensier du Conuent: le vin demeura entier au tonneau iusques au mois de Septembre, qui est iustemēt le temps auquel Dieu leur deuoit enuoyer nouuelles prouisions par les vendanges.

Au mesme temps & au mesme lieu, les mesmes personnes, ie dis les ouuriers, & ceux qui  
specia-

*Vin multiplié &  
beu iusques au sixiesme  
mois sans diminutio.*

ſpecialement trauailloient à l'attelier de leur bonne volonté , ſans attendre autre recompence demanderent au ſainct Hôme leur donner quelque choſe pour manger avec leur pain: le bon Pere demanda au Deſpenſier ſ'il auoit quelque choſe de reſerué: il luy dict n'auoir qu'un peu de febues, qu'il alloit faire cuire pour dōner aux Religieux. *Faites les boüillir*, ce luy dit le bon Pere, *& en donnez auſſi à ces pauvres gens qui trauaillent pour Dieu, & pour nous*. Le Deſpenſier n'oſa pas repartir qu'il n'y en auoit pas ſuffiſamment pour les vns, & pour les autres: car tous les Religieux eſtoient ſi habituez à luy voir faire des miracles, que depuis qu'il commandoit quelque choſe, ſi la raiſon naturelle leur faiſoit croire impoſſible, l'honneur qu'ils rendoient à ſa ſaincteté leur perſuadoit eſtre fort facile. Les febues donc ſont cuittes, & l'heure du repas venuë, on ſert en communauté à chaſcun des Religieux ſa portion, & puis aux ouuriers la leur; ſans que l'on apperceuſt aucune diminution des febues qu'on diſtribuoit à vne ſi grande quantité de perſonnes. Le ſainct Homme faiſant voir à ſon Deſpenſier, & à tous les Religieux, qui en furēt aduertis que le bié qu'ils aumoſneroient charitablement aux neceſſiteux & autres amis ſeruiteurs de la maiſon, Dieu l'auroit auſſi agreable, qu'eux les aumoſnes qu'il leur feroit enuoyer pour récompence de leur charité.

*Febues  
multiplies*

*Effect*

*Effets miraculeux en la personne de S. François de Paule, tesmoins de sa sainteté & merites.*

#### CHAPITRE XXIV.

**I**L fault croire, qu'un des merueilles que le Prophete Royal a descouuert, chantât avec sa harpe, que *Dieu est admirable en ses saints*: estoit le special priuilege, dont nostre Dieu en a fauorisé plusieurs, lors que comme par aduance, il leur faisoit part en terre des biens de la gloire, qu'il leur reserue au Ciel: raisonnant en leurs Ames des lumieres surnaturelles, cōme si ja elles eussent leu dans le liure de Vie, pour scauoir & cognoistre en Dieu, ce que l'ignorance naturelle leur auoit iustemēt denié: Et quasi honorant leurs corps mortels, des qualitez de la gloire, dont la parfaicte iouissance, s'accomplira seulement apres la Resurrection. Vous allés veoir S. FRANÇOIS de Paule, sās lettres enseigner les plus doctes Theologiens, & en vn corps terrestre, paisible, & mortel, emprunter pour quelque temps les riches qualitez d'un corps glorieux.

En voicy dequoy. Celuy qui auoit esté enuoyé avec main forte par le Roy de Naples, pour enleuer & luy représenter S. FRANÇOIS de Paule, arriué qu'il fut à Paterne où alors le S. Homme estoit venu pour auancer le bastiment du Monastere, tourne visage & prend son chemin vers le Conuent, où il fut deuacé par quelques gens de bien, qui cognoissans la malice de son maistre, & vne aussi mauuaise volonté au seruiteur, dōnent aduis aux Religieux,

gieux, faire retirer le bon Pere, afin de n'estre trouué lors que cestuy-cy arriueroit : mais le S. Hóme ne faiét cõte de ces menaces, & diét seulemēt que cest hóme qu'ils apprehendoiet si fort, ne luy feroit nõ plus que Dieu luy permettroit; & de là entre dás l'Eglise, se prosterne deuant le S. Sacrement, se donne à sa protection. Voicy arriuer ce Capitaine avec quantité de soldats, qui cherchent le bon Pere, entre dás l'Eglise avec les siens, passe proche du S. Homme & ne le voit pas, les siens voyent le mesme lieu où il estoit, & leur semble vuide de personnes. Chose merueilleuse que quarante ou cinquante hommes qu'ils estoient en nombre, n'en peuent voir vn qui estoit present & proche d'eux : à la reserue d'un pauvre manouurier qui trauailloit en la maisõ, & se trauailloit d'auantage voir des hommes si auenglez chercher ce qu'il voit si proche d'eux. Qu'il n'eust creu que c'estoit vn autre Elisée, qui parloit avec les soldats du Roy de Syrie, qui le cherchoient pour le prendre, & eux ne le cognoissoient pas, iusques à tant qu'il leur en eut demandé à Dieu la cognoissance. Il en estoit ainsi, le saint Homme se rendit à eux inuisible tant qu'il eust acheué ses prieres, apres lesquelles le susdit manouurier parla au Capitaine: C'est chose estrange, Monsieur, que vous cherchiez tant vn homme, qui est & à tousiours demeuré deuant voz yeux : ceste parole toucha les yeux & le cœur du Capitaine, & son auenglement descouuert, luy fit voir clairement, & croire la sainteté du bon Pere, que Dieu tenoit si cher qu'il le couuroit

de

*S. François  
se rend in-  
uisible.*

de ses aïsses, pour le faire voir lors, & à qui bon luy sembloit pour estre honoré, & nō pas mal traicté des hommes.

Voylà donc vn exemple de personnes qui ne voient pas ce qui est, en voicy vn autre qui fait voir ce qui n'est pas en la nature, qu'autant que la dispense diuine en dispose pour l'honneur de son bien-aymé seruiteur, duquel il fit entendre clairement la gloire qui le couronneroit au Ciel. Cecy aduint au commencement qu'on bastissoit l'Eglise du Conuent de Paule, où le sainct Homme trauailloit à bon escient, & quasi sans repos. L'heure du repas venuë, il enuoye les Religieux & ouuriers prendre leur refection: & comme sa viande propre estoit de faire la volonté de celui qui l'auoit enuoyé, Dieu: il demeura seul à la besongne: Il creusoit lors les fondements du lieu où est le grand Autel, où ja comme il est vray sēblable, vn telesprit iamais oyseux se confacroit par son labeur, comme vn vif holocauste & agreable aux yeux de la diuine

*S. François  
est veu par  
quelques  
uns auoir  
vnē triple  
couronné  
sur sa tē-  
ste.*

Majesté. En preuue dequoy le repas des Religieux estant prins, le premier qui vient à la besongne se nōmoit frere Nicolas Noschel: approchant de l'attelier, il est arresté tout court par vne vision admirable: Il apperçoit le bon Pere qui trauailloit, mais portoit sur sa tēste vnē triple couronne, semblable au Tiare que porte le Pape, Couronnes au reste si couuertes & enrichies de pierres precieuses de diuerses couleurs, que son chef estoit enuironné comme d'vn cercle de rayons, & lumieres. Ce Religieux esbloüy de telles nou-

ueautz,



ueautez, se retire doucement pour en appeller d'autres : il est rencontré de frere Florentin, auquel faisant mieux entendre par mines que par paroles, l'estonnemēt de son esprit, le prenoit par la main, pour luy en faire voir le sujet. Venez voir, ce luy disoit-il, venez voir des merueilles . Ils viennent & accourent, mais approchans, adoucissent leurs pas, pour voir, & n'estre pas veuz. Les voilà tous deux les yeux ouuerts, & fixes sur cest obiect, puis retournez deuotieusement l'un sur l'autre, de là à voir de rechef ce qu'ils ne pouuoient cesser d'admirer, ils se persuadent qu'ils estoient encore obligez faire part de ces bōnes nouuelles à d'autres. Ils vont, ils viennent, n'ayans trouué en leur chemin qu'un Oblat, frere Ange de la Sarrazine, auquel mōstrants le bō Pere avec ce diademe de trois courōnes sur son chef loüerent Dieu infiniment qui ja auoit commencé courōner sur terre les merites du saint Homme des palmes, & lauriers reservez seulement pour le Ciel. Et le tesmoignage de cecy affirmé par la bouche de deux, ou trois persuaderoit facilement à leurs esperāces voir honorer là haut les membres du chef, preueni de couronnes dés icy bas.

Si comme il est, l'esprit est plus noble que le corps, il ne sera difficile comprēdre que ses facultez, & leurs effects emportēt la presēance sur les actions, & mouuemens des sens animaux. L'esprit est plus excellent que l'œil, ainsi l'entendre trop plus que le voir, comme le sçauoir passe le sentir seulement. Je dis que si nous admirons, avec iuste raison, lors que

*Theologie  
infuse en S.  
François.*

l'œil voyoit ce qui sembloit n'estre pas, & ne voyoit pas ce qui sembloit estre au corps du S. Hôme, concludans de là les graces, qui estoient vrayemēt, mais referuees dans son ame. La cōclusiō sera biē plus necessaire, lors qu'elle se tirera des propositions, qui fōr voir le bō Pere en effect esclorre les doctes discours d'une haute Theologie, de laquelle les habitudes n'auoyent iamais qualifié son esprit, si ce n'estoit par l'infusiō des graces que l'Eprit S. luy versoit dans l'ame, comme dans vn vaisseau d'election. Mais comme quoy cela se vueille entendre, le tout est tousiours tout miraculeux. Ainsi le iugea fort bien vn nōmé maistre François que le S. Homme auoit guarý miraculeusement de quelque maladie, depuis lequel tēps, cest homme auoit conceu vne si grande deuotion enuers le bon Pere qu'il ne se pouuoit satisfaire s'il ne le voyoit souuēt; vn iour entre les autres, il vint iusques à Paterne pour le visiter au mois de Decembre : arriué qu'il est au Conuēt, on luy dit le S. Homme estre allé à la forest, pour faire couper le bois necessaire au bastiment de son Eglise. Cest homme prent le chemin de la forest, esloignee enuiron d'une demie lieuë de la ville: s'approchant il voit le bon Pere, qui estoit escouté attentiuement de tous les ouuriers, qui faisoient le nombre de trois cēs, tant hōmes que femmes. Il accourt, se ioinct de compagnie, preste l'oreille pour recognoistre ce que ce pourroit bien estre : il entendit que le S. Homme preschoit, & interpretoit fort clairement le texte de l'Euangile, & ou le sujet l'eut requis il s'arrestoit sur vn point

point de doctrine, duquel il parloit aussi pertinemēt qu'un Docteur qui eut consommé toute sa vie sur les liures. C'est homme qui auoit quelque vsage des lettres, plus que la reste de l'audience composée de pauvres manueures, s'esmerueille grandement comme il estoit possible, qu'un simple homme, qui à peine sçauoit un peu lire & escrire, peut s'acquiescer aussi dignement de cest exercice comme le plus grand Docteur, sinon que sur un preiugé de ses vertus, & merites, il confessoit que Dieu parloit par la bouche du S. Homme, comme celle qui luy seruoit icy bas d'oracle.

Tous les esprits sans reuolte d'un seul, confessent fort librement que la nature ne peut, avec toutes ses forces, mettre à la fois un corps en plusieurs & diuers lieux: mais aussi les mieux timbrez l'entendent avec ceste condition, que l'aucteur de la nature le peut faire aussi facilement qu'un seul lieu contienne plusieurs, & diuers corps ensemble, comme il fit à l'entree de nostre Sauueur, dans la chambre où estoient les Apostres, passant par les portes fermées, où le corps de la porte avec son propre corps furent compris en un mesme lieu. Il n'est donc non plus difficile, qu'un corps soit en plusieurs lieux, qu'un seul lieu soit pour plusieurs corps tout ensemble. Mais ce qui esclairecist plus ceste verité, est que le lieu au corps n'est qu'accident, qui est à dire separable, puisque Dieu n'estant aucteur de confusion, aussi n'a-il point broüillé tellement

*Vn corps  
peut estre en  
mesme tēps  
en diuers  
lieux: cōme  
plusieurs  
corps en  
mesmes lieux.*

les natures diuerſes, que les joignant enſemble, il ne ſe reſeruaſt dans le pouuoir de ſa ſageſſe, & le ſçauoir de ſa puisſance le moyen de les mettre à part, lors qu'il luy plairoit en donner la diſpenſe. Cela eſt auſſi clair à voir qu'il eſt impoſſible, ſinon blaſphemant, nier que Dieu pouuoit du commencement au lieu de tout ce monde, créer vne ſeule pierre, ou vne ſeule plante, ou vn ſeul homme. Ceſte creature eut eſté vrayement, mais en lieu nullement : puis qu'il n'y auoit rien autre choſe au monde qu'elle ſeule. Bien vray eſt que ce priuilege eſt octroyé de noſtre Dieu fort rarement. Apres noſtre Sauueur, qui ſe lit auoir apparu à ſainct Paul ſur terre, avec le meſme corps qui eſtoit au Ciel, aſſis à la dextre de Dieu ſon Pere: les hiſtoires de nos Saints en loüant quelques vns d'en auoir eſté gratifiez, viuans meſme encore avec nous ſur la terre. Dans ce nôbre i'y trouue ſainct François de Paule, qui nous donne ſuiet au miracle ſuyuant, le contempler preſent enfermé dans la Cellule de ſon Conuent, & au meſme instant ſans partir de la place ſe rédre viſible en vn autre lieu dans la ville de Paterne, ou ſenſiblement il eſt veu & entendu parler : ou que ceſte preſence ailleurs rendue qu'en ſa Cellule ait eſté reellement de ſon corps, ce qui eſt poſſible à Dieu : ou que la viſion de ſa perſonne ne fuſt qu'eſtatique en l'imagination de celuy qui l'auroit veu & parlé, en la maniere que les Prophetes voyoient & parloient à Dieu, touſiours c'eſt vn miracle, qui paſſe par deſſus les loix de la nature, & le tout bien

*S. François  
veut en meſ-  
me instant  
en pluſieurs  
lieux.*

bien digne d'admiration. Le fait dont est questio dit ainsi, que Nicolas Frôte citoyé de Paterne tombe malade, & iusques à telle extremité qu'on n'en attendoit que la mort: il s'estoit ja muni de tous les Sacremés, mesme de l'extreme vnction, suyuant la loüable coustume des Chrestiens, neantmoins la nature, qui n'oublie rien en ce destroit des moyens, ou elle puisse se prédre pour se sauuer du naufrage si proche, aduise le malade d'éuoyer vn sien fils vers le saint Homme pour luy dire la necessité qu'il auoit de son ayde, s'il y restoit encores quelque respit, & soupir d'esperâce. Le bon Pere donna deux pommes à ce ieune enfant: *Portez ce luy dit-il, cela à vostre pere & luy dites qu'il ait ferme cōfiance en Dieu, & qu'il receura la grace qu'il desire.* C'est chose estrange recognoistre la perfidie de l'homme enuers Dieu, & ses paroles, ou de ses bons seruiteurs. Nous croyons, & si nous hesitons: nous esperons, & si nous craignons: nous operons: mais si laschement que bien souuent nostre infirmité ou malice recule bien loing le secours du Ciel. Retournons la veuë de nostre ame sur elle mesme, nous luy ferons voir cela aussi clairement, qu'au fait de nostre malade, auquel la medecine ayant conclud le desespoir, la religio luy persuadant mendier les faueurs du seruiteur de Dieu, il entend par la bouche de son fils, la responce de son message, qui estoit le vray & seul remede de sō mal: il le va toutesfois chercher encore dans les boëttes de la nature, & comme si l'aduis du saint Homme eust esté chose friuole & inutile? il

renuoye appeller le medecin qui luy rebat ses premieres conclusions, qu'il a faict ce qu'à luy estoit possible, estre son deuoir tenir sa conscience en bon estat, attédre au surplus la disposition de la volonté de Dieu. La response du medecin de la terre ne luy satisfaiet non plus que celle du medecin celeste, auquel neantmoins il renuoye, mais au lieu de response, le messager reçoit vn refus absolu de luy parler seulement, iusques, à ce qu'apres plusieurs importunitéz, il tiraist le bon Pere hors sa Cellule, qui le voyant approcher, & sçachant bien ce qui se passoit dans la maison du patient, comme s'il eust esté presët; *Et que venez-vous chercher icy*, ce luy dit le S. Homme, *puis que vous auez le medecin chez vous ? n'attendez rien de moy*. Apres ces charitables remonstrances de leur incredulité aux paroles d'esperance, qu'il auoit premierement enuoyé au pere malade, de la part de Dieu, il conclud avec compassion: *Allez mon fils, dictes à vostre pere de se tenir en grace avec Dieu, pendant qu'on adiufera aurreste pour faire sa volôté*. L'enfât retourne à la maison, & faict entendre à son pere la faute commise de n'auoir mis assez son esperance en Dieu, suiuant le bon conseil que le S. Homme luy en auoit donné, qui luy auoit confirmé, cela seulement auoit esté vn sujet suffisant d'empescher sa guarison, le S. Homme absent qu'il est, n'ignorer rien de ce qui se faict au logis, luy auoit asseuré cela, & chargé de vous dire, que cherchiez la grace de Dieu, & qu'il fera le surplus necessaire. Le pere croit son fils, & attend en patience les effects

fects de la miséricorde de Dieu, qu'il reçoit par ceste occasion. La nuit suiuant, comme il pense sommeiller, voicy se presenter à luy visiblement S. François de Paule, qu'il cognoissoit fort bien pour l'auoir souuentes fois veu & practiqué qui luy parle en deux mots: *Prenez courage, Dieu, vous a fait grace.* Cela dict il disparut, & ne se veit plus par le malade, qui recueillant son esprit avec les forces fait vne reueüe sur soy-mesme, & sur l'action passé legeremēt, & cōclud ce qu'il a depuis tousiours soustenu, qu'il veilloit vrayement durant ceste vision, comme vrayement & non en songe, il auoit veu, & parlé au saint Homme qui reellemēt, & de fait le guarist de sa maladie, si que la santé receüe miraculeusement seruit de tesmoignage à tout ce que dessus.

Le S. Homme passant par la Prouence pour venir trouuer le Roy de France qui l'auoit mandé, il se leue du grand matin suiuant son ordinaire, entre en l'Eglise du lieu où ils auoient logé, se met à deux genoux deuant le grand autel pour y faire ses prieres: le iour estoit ja grand, & l'heure de cheminer se passoit, à raison dequoy le sieur Ambassadeur qui estoit chargé de luy pour l'emmener pres sa Maiesté, luy enuoye vn Gentil-homme l'aduertir qu'il estoit bone heure pour partir, qu'il le supplioit ne point faire d'auantage attendre la compagnie. Le messager va à l'Eglise, & retourne aussi-tost à l'hostellerie aduertir le sieur Ambassadeur qu'il n'auoit peu trouuer le saint Homme. Le voila bien estonné. Il y vient luy mesme en personne suiuy de ses gés,

*S. François  
inuisible à  
l'aspect de  
l'Ambassa-  
deur Fran-  
çois & de  
ses gens.*

de tout son train. Qui alloit, qui venoit : De-  
çà, de-là, de tous costez : on cherche, on re-  
garde par tout : on ne voit rien, on ne trouue  
rien. Ce fut lors à crier & à croire que le saint  
Homme s'en estoit retourné furtiuement en  
son pais. Le sieur Ambassadeur avec les Gétils-  
hommes deputez de sa Maiesté ne tenoient au-  
tre langage sinõ que le Roy les feroit mourir  
s'ils retournoient à la Cour sans emmener  
avec eux celuy qu'il leur auoit enuoyé cher-  
cher : leur resolution estre ne pas aller vers le  
Roy, tourner plustost visage vers l'Italie pour  
se sauuer s'ils ne le retrouuoient chacun estoit  
merueilleusement troublé, sur tous le sieur  
Ambassadeur à qui les tempestes rouloient  
dans l'ame, & rendoient son corps comme  
immobile ; lors qu'un des Religieux qui ac-  
compagnoient le saint Homme (il se nom-  
moit frere Barthelemy) s'approchant du sieur  
Ambassadeur & le consolant, le supplie de  
ne se point affliger d'auantage, estre assez  
commun au saint Homme faire choses sem-  
blables : que d'autres-fois il s'estoit rendu in-  
uisible à ceux-là mesme qui estoient plus pro-  
ches de luy, pour empêcher qu'on n'appor-  
tast aucun trouble à son oraison : qu'icelle fi-  
nie Dieu leur feroit la grace veoir celuy qu'ils  
desiroient tant : à peine ce Religieux auoit par-  
lé qu'ils apperceurent tous ensemble le bon  
Pere à deux genoux deuant l'Autel, où ils l'a-  
uoient cherché, & y auoient regardé un si long  
temps. Le sieur Ambassadeur avec sa cõpagnie  
admirant d'autant plus les merites du saint  
Homme, l'attendit patiemment, & depuis ce  
temps



temps s'accommodoit plus que iamais aux occasions que le bon Pere prenoit par le chemin, pour vacquer à l'oraison.

Peu de temps apres l'arriuée du saint Homme en France, deux des premiers Docteurs en la faculté de Theologie à Paris, auoient esté deputez de leur compagnie pour venir trouuer le Roy, qui lors estoit au Chasteau d'Amboise, & traicter avec sa maiesté d'affaires d'importance, vn d'eux se nommoit Maistre Iean Quentin, & estoit grand penitencier à nostre Dame de Paris : le second Maistre Iean Standon, aussi principal du College de Mōtagu : tous deux hommes bien fort qualifiez en leur condition. S'estans donc acquiētez au mieux qu'ils pouuoient de leur commission, ils s'aduifent donner iusques au Plessis les Tours, pour auoir ce bien de voir celuy qui estoit admiré par toute la Chrestienté : qu'estās si proches, il seroit hors de propos se laisser eschapper vne si belle occasiō, qui ne s'offrirait peut estre iamais en leur vie. Les voilà donc en chemin, & arriuez à Tours : où ils descendēt en vne hostellerie qui portoit pour enseigne le Renard proche de là Tour fourgon. Le saint Homme à qui Dieu faisoit connoistrē les plus secretes volontez, ou intentions des hommes, est aussi aduertty de ce voyage, & de son issuē. Sortant donc de sa Cellule il appelle deux de ses freres Religieux : *Allez*, ce leur dit-il, *à la ville en vne hostellerie où pend pour enseigne le Renard, vous y trouuerez deux Docteurs, saluez les de nostre part, & leur presentez le Couuent pour logis si c'est chose qui leur soit*  
*aggrea.*

*aggreable.* C'est ainsi qu'ils faisoient les anciens, & premiers Prophetes, disposans des choses abîentes & incognuës naturellement, comme s'ils en eussent eu tous les aduertissemens, ou bié qu'elles fussent exposées à leurs yeux. Ces deux Religieux donc vont droict où le bon Pere les adresse, & s'acquient fidellement de leur message. Les Docteurs s'estonnent à part soy, qui auroit peu aduertir le saint Homme de leur venuë, de l'intention: du lieu où ils estoient logez, & du temps prefix. Et n'osants remettre la partie à autre heure, sans ou boire, ou manger, les voicy venir au Conuēt. Par le chemin ils prennent resolution tenter la simplicité de ce bon Pere & recognoistre s'il y auroit en luy quelque chose de diuin. ou surnaturel, ou extraordinaire, Si l'intention de ces Docteurs estoit droicte, ou sinistre, si c'estoit pour admirer les grandeurs de Dieu, ou faire veoir la leur, par ostētation de ie ne sçay qu'elle science qualifiée, qui bien souuent cōtrepoincte aussi vainement, que superbeinēt, elle brauache à sa confusion la science des Saints, de laquelle ils sceurent par apres que le saint Homme auoit bonne prouision: i en r'enuoye le iugement à Dieu qui seul est scrutateur des cœurs. Arriuez donc qu'ils sont au Conuent, & recueillis humainement par le bon Pere, apres s'estre entre salüez reciproquement, ils luy proposent plusieurs passages de la sainte Escriture, ceux-là specialement qui estoient le plus en controuersē parmy les Docteurs. Ce fut lors de voir ioüer les ressorts de ce diuin esprit qui sans estude quelconque de

*S. François  
bien versé  
en l'eclair-  
cissement  
de l'Escri-  
ture sainte.*

de Philosophie, ou scholastique acquise, discourroit de la Theologie avec tant de lumiere qu'il apportoit aux passages de l'Ecriture proposez, qu'il rauit ces hommes doctes en admiration de sa science qu'ils aduoüerent deslors, comme depuis soustenoient deuant tous n'estre du commun, n'appartenant à personne porter d'oresnauant le nom de docte, sinon à ceux là premierement qui sont vertueux, car c'est la verité que les vertus comme les sciéces sont lumiere de nostre esprit, mais aussi differentes d'ensemble que le Soleil avec vne moindre estoile; la vertu toute nuë estant trop plus claire que quelle science que ce soit reuestuë de ses subtilitez, ou vanitez. De maniere que ces deux Docteurs demeurerēt fors contens, & satisfaits, prenās congé du saint Homme pour retourner à Paris enseigner aux autres ce qu'ils auoient appris. Toutesfois auant que sortir du Conuent, le bon Pere par forme de gratification leur donna vne Prophetie de l'aduenir pour congé: à Dieu Messieurs, ce leur dit-il, *vous m'auex esté contraires par le passé, & auex empesché l'establissement de nostre Ordre pres la ville de Paris: Mais maintenant vous le cherirez d'autant plus, que vous en ferez mesme les procureurs.* C'estoit la verité que leur reprochoit & predisoit tous ensemble le saint Homme. Car retournez qu'ils furēt pour satisfaire à la faute commise par les empeschemens qu'ils y auoient apporté, c'estoient eux qui faisoient les pas, & les poursuittes pour mesnager les volōtez & les moyens, pour commencer à establir, & bastir

*Prophetie  
de S. François.*

bastir le Conuent de cest Ordre: C'est celuy qui se nomme iusques auiourd'huy le Conuēt de Nigeon. Si que lors que le bon Pere y enuoya par obediēce six de ses Religieux pour y demeurer, Maistre Ieā Quentin les y receut apres les auoir logé quelque temps en son logis, où il les nourrist à ses propres cousts & despens, par l'espace de quinze, à seize mois. Il demeura en fin si fort affectionné à cest Ordre qu'il voulut par son testament son cœur estre enterré proche la chappelle de sainte Anne en l'Eglise de Nigeon, dictē nostre Dame de toutes graces.

Aux miracles que dessus, doit suiure en ordre celuy que quelques vns des Messieurs de l'Eglise Collegiale de S. Martin les Tours, ont asseuré à nos Peres qui sont sur les lieux; auoir leu dās leurs anciens Registres de leurs Archiues, qu'a raison de certaine heresie, qui s'esleuoit en ce pays de Touraine, nostre bon Pere fut prié de monter en la Chaire de saint Martin, pour y refuter ceste heresie, ce qu'il fit, & parla avec tant d'efficace: que ceulx qui commençoient à mal sentir de la foy, furent deslors parfaictement desabusez & cōuertis.

Je ne puis assez m'estonner de la vanité des hommes en la curieuse recherche qu'ils font des vieilles armoiries enfumees de leurs ancestres, où sous diuers escartelages ils vont representant vne quantité de deuises différentes, pour assembler les alliances des maisons, de leur noblesse, & de leur antiquité: ancienne noblesse à la verité, la valeur & force de laquelle est aussi dignement représentée par les Tygres,

Tygres, Lyons, Leopards, par les Aigles, les Dragons, Licornes, & par les especs nuës avec choses semblables, qu'indignement vsurpée par ceux qui n'heritans leur proïesse, en portent la seule deuise, & non la signification. Mais ceste là est la vraye noblesse seulement qui peut donner vie aux armoiries qui de soy sont choses mortes si elles ne sont animées par le merite & la vertu: Aussi telles armes, à vrayement parler, doiuent suiure les œuvres vertueuses, & non les deuancer, comme iadis practiquoit l'antiquité, lors que la raison & le iugement estoient de saison. C'est ainsi que le Ciel s'est gouuerné avec le saint Homme, duquel ayant faict les espreuues par vne longue espace d'annees de ses verrus, de ses merites, mais de la charité, & amour de Dieu, cause de toutes les deux; Pour marquer cela à la posterité, il luy composa ses armes avec la deuise, & luy en fit present. Ce fut qu'un iour entre les autres le saint Homme estant en oraison, vn Ange le vint trouuer, ou pour mieux dire se fit veoir sensiblement, là où premierement il souloit l'accompagner inuisiblement en son oratoire, & luy offrit vn escusson, le blason duquel estoit (CHARITE'.) C'estoiēt ses armes à la verité, & dignes d'une telle ame, qui brusloit parfaitement de l'amour de Dieu, lesquelles il a laissées à ses enfans pour memoire & souuenance de leur deuoir. Je dis du tres-grand amour qu'ils doiuent auoir pour Dieu, s'ils ne veulent degenerer des merites, & perfections de celuy qu'ils adouent pour leur Pere.

*Armoiries  
ou blasō des  
Minimes  
enuoyez au  
Ciel.*

*De*

*Du don de Prophetie pour ce qui concerne  
les choses passees.*

CHAP. XXV.

*Origine, &  
nature de  
la Prophe-  
sie.*

**L**A cognoissance que l'homme reçoit par quelque lumiere peut estre d'aussi grande estenduë sur les choses qui luy sont offertes, & presentees, que ceste lumiere a de pouuoir les esclairer. Ainsi voy ons nous que la veuë corporelle se iette sur toutes les couleurs, & la cognoissance naturelle de l'ame, s'arreste facilement à tout ce que l'intellect agent peut demesler. Comme donc la cognoissance des Prophetes naist d'une lumiere celeste, & diuine qui enclost & comprend toutes choses diuines, humaines : spirituelles, corporelles : passees, presentes, & futures : la reuelation qui se faiet aux Prophetes (posez tousiours le tēps, les occurences, & les personnes, qu'il a pleu à la diuine Maieité y employer) se doit entendre de tout ce que dessus. Car la nature de la Prophetie ne consiste pas seulement à descouurir la verité des choses cachées, dans l'incōstance des occurrences futures : mais elle comprend, & tient vers elle la cognoissance de toutes choses conuertes, ou du temps separé du nostre : ou des causes qu'ignorent le sens & la raison. Lors que Elisee enfermé dans sa Cellule se rendit comme present par Esprit à la simonie que commettoit Giezi son seruiteur receuant l'argent, & diuers habits que son maistre auoit refusé tout à plat, apres la  
santé

santé miraculeusement renduë à Naaman Sirus : ce que le Prophete reprint si aigrement, apres le coup fait, où il n'auoit assisté: c'estoit Prophetie bien que la veuë ne se ietta pas sur vne chose aduenir. En voicy vn autre: Quand Moyse met en ordre la creation de l'vniuers, & d'vne chacue de ses parties, il aprenoit aux hommes ce qu'vn si long temps escoulé leur auoit rauy, la verité de ceste hïstoire, enseuelie dans les siecles passez : par la vertu de celuy seul qui peut rellusciter ce qui est mort, & faire le temps passé comme present. Comme en ces derniers siecles Dieu ayant fait choix de S. FRANÇOIS de Paule pour mettre en l'eschauguette de son Eglise, il s'en seruoit assez ordinairement pour aduïser le general, & le particulier des choses passées, mais occultes, & ignorées du commun à luy toutes-fois reuelees diuinemēt pour le bien, & repos de tous. Ce qui va suiure en laissera preuue trop suffisante.

Vn citoyen de la ville de Paule, soit par necessité, friandise ou malice, va, & entre furtiuelement en la vigne d'vn autre pour cucillir & desrober ensembles des prunes, & autres fruiçts qn'il trouueroit propres à ses intentions : monté qu'il estoit sur vn arbre, se hastant par trop, pour crainte d'estre surprins, par le maïstre du lieu, tombe par terre, tombant il s'offença grandement en la teste, où il se fait vne playe fort profonde, encores plus d'agereuse. Cela l'aduertit de penser à luy, & iugeant fort à propos, que le meilleur, & plus prôpt remede estoit rechercher Dieu,

& ses

& ses seruiteurs, il vient trouuer nostre saint Homme avec prieres tres-humbles, le secourir promptement. Le medecin miraculeux, qui procuroit premierement le salut des ames, que la santé du corps, comme remediât avec vn vn-guët doux, & lenitif, luy dit en riant: *Mon fils estoient elles bonnes? Astu trouué bon le fruit que tu voulois desrober? maintenant que tu sçais, par ton experience, ce qu'il peut arriuer à ceux qui commettent larcin contre l'expres commandement de Dieu qu'il te souuienne à l'aduenir de ne plus commettre cela ny chose semblable.* Le saint Homme ayant pensé de l'ame, il prepara aussi tost vn appareil pour la playe du corps, appo-sant dessus vn peu de sel, bande la teste à son patient, qui le lendemain se trouua parfaicte-ment guarý.

*S. François  
decouure  
d'une bon-  
ne grace le  
larcin ca-  
ché de celui  
qui luy de-  
mandoit se-  
cours.*

En la terre de Beaumont pres de Cusance estoit vn certain Jacques Rôco qui poussé du bruit, & rumeur des grands miracles, que de iour en autre faisoit nostre saint Homme, le vint trouuer, en intention d'emporter quel-que secours pour son fils, qui gisoit au liët bien fort malade, pour trouuer plus facile acces, ce luy semble, en suite de l'opinion du vulgaire, il propose porter avec soy quel-ques petits presents. Il entre donc en la vi-gne d'un sien oncle, cueille des raisins: em-plit son panier, & se met en chemin pour al-ler à Paterne trouuer le saint Homme. Le-quel ayant rencontré fortuitement par les chemins, qui n'ignoroit rien du faict furtiue-ment passé, Dieu luy reuelant la malice de l'homme: on luy offrit aussi tost le panier & les



les raisins. Mais le S. Homme les refusa tout à plat, luy disant avec paroles rigoureuses pour d'autant plus luy faire recognoistre son erreur; *Traict semblable à ce-luy cy dessus.*

*Retourne, & rends ces fruiçts au maistre de la vigne, d'où tu les as prins: c'est chose indigne d'un Chrestien, se nourrir & faire present du bien d'autrui au lieu de manger son pain en la sueur de son visage.* Et le congediant ainsi rudement, il luy donne neantmoins les remedes qu'il recherchoit: ce pauvre homme se retire fort honteusement, & encores plus estonné, considerant que le saint homme estoit esloigné du lieu où il auoit commis le larcin plus de dix mille: estant au reste bien asseuré qu'aucun luy eut veu cueillir ou desrober les fruiçts, sinon Dieu, qui faisoit part de ses secrets à ce saint Homme, son grand amy: le faisant *Prophete*, pour veoir presentement les choses passees: voire vn petit Dieu sur terre, pour du mal en tirer vn grandissime bien. Lors qu'il guarit charitablement le pere en l'ame, & suruint gratuitement le fils au corps.

Vn autre presque semblable. Le iuge de la ville de Cusance auoit esté miraculeusement guarý par les merites du saint Homme. Deux mois apres vn sien fils tombe fort malade. Le Pere se souuient de l'espreuue qu'il auoit faict heureusement en sa personne du pouuoir de ce bon Pere, enuoye vn messager vers luy, avec prieres tres-affectionnees le secourir en la necessité de son fils. Le saint Homme respondit au seruiteur: *Dites à vostre maistre qu'il viue en bon Chrestien, face bonne iustice, & que son fils sera bien tost guarý.* La medecine donnee au pere seruit beau-

*L'iniquité des Peres redonne quelquefois sur les enfans.*

coup à la santé du fils. Car, ou qu'il corrigeast sa vie passée, que tacitement le saint Homme accusoit estre cause de la maladie du petit innocent : ou qu'il proposast s'amender à l'aduenir: deux iours apres le messager arrivé, l'enfant fut sain, & dispos comme auparauant. Comme que ce soit la prophetie reprochoit au iuge le mal passé & commis, cogné de Dieu, & de son seruiteur.

La seigneurie, & gouuerneurs de Paule recognoissans que le saint Homme faisoit long seiour à Paterne, craignant que ceste ville rauist ce en quoy la nature, & le pays leur disoyent auoir donné le premier droit, & iustement leur appartenir: deputent Nicolas Carbonello, Iean Micelli, & autres Bourgeois notables: les chargent de commission aller à Paterne de leur part, supplier bien humblement le saint Homme les honorer de sa presence, & demeurer ordinairement à Paule. Pendant le voyage Iean Micelli se sent lassé, fasché de cheminer de pied, & tout despité murmuroit fermement contre le bon Pere, le faisant cause de ses fatigues, & labours. Ils arriuent tous à Paterne, s'acquiérent de leurs Ambassades, & retournoient emporter la responce, quand le saint Homme s'arrestant au Notaire, luy dit particulièrement : *Soyez repentuy de ce que vous auez dit sur le chemin.* Le Notaire demeure fort esbahy, que le saint Homme eust cognossance des propos tenus en son absence. La compagnie s'en va avec ceste croyance que Dieu luy a communiqué la grace cognoistre toutes choses les plus secretes, voire dans le cœur des hommes.

*Murmure  
decomert.*

Vn ieune garçon de la ville de Paule, il se nommoit Iordain de Carnicella, sentoit en vne iambe des douleurs si grandes, qu'elles luy leuoient tout moyen de dormir & reposer. Il auoit ouy parler des miracles ordinaires de ce saint Homme: il va comme les autres, & le prie assés hardiment luy donner quelque allegement. Mais le bon Pere qui vouloit premierement guarir l'ame que le corps: *Tues* (ce luy dit-il) *un mauvais garçon, de desrober, & fascher ta mere si souvent, tu sçais combien griefuement tu l'offensas hier, prens garde que cela ne t'arriue plus, d'autant que quiconque ne portera l'honneur de Dieu au Pere, & à Mere ne pourra viure long temps, & si Dieu le punira exemplairement. Aduise donc d'estre à l'aduenir plus sage, craignant que pis ne t'arriue. Au reste premier que retourner à ta maison porte par charité ceste poultre au Couuent. Le ieune garçon luy respondit, la chose luy estre impossible pour l'incommodité de sa iambe, Fais ce que ie t'ay dit* (repliqua le bon Pere) *ie ne le commanderai pas, si ie ne te trouuois bastant assez pour porter mon commandement avec le fardeau.* A ce dernier mandement le garçon obeyt promptement, charge la piece de bois sur ses espaulles, & la porte tres facilement iusques au Couuent. Soudain son obedience fut recompensee, car il retourna à la maison sain, & dispos, & sans plus sentir aucune douleur, sinon d'auoir offensé Dieu & sa mere: laquelle depuis ce temps, il honora beaucoup en suite de l'instruction que le bon Pere luy auoit donnee avec la santé, s'estonnant d'auantage qui auoit peu donner aduertissement au saint Homme des affaires.

res plus secrettes de leur maison, sinon Dieu, auquel rien n'est caché non plus qu'à ses bien-amez seruiteurs.

Au temps que le bon Pere faisoit diligence conduire à perfection le bastiment & l'Eglise de son Couuent de Paterne, vn payfan voulant le gratifier d'un petit present, c'estoit vn panier plein de figues, qu'il auoit cueillies, & desrobées tout ensemble au jardin d'un sien voisin. Il se persuadoit son faict autant licite, comme il le croyoit estre au desceu d'un chacun. Mais le saint Homme luy fit bien entendre que l'œil de la Diuinité descouuroit ce qui autrement sembloit le plus caché, laquelle parloit ainsi par sa bouche: *En charité (mon frere) vous vous estes bien fort oublié, voila un grand mal commis, desrober ces fruiets au figuier qui appartient à vostre prochain: toutesfois puisque s'en est faict, & auez prins la peine les apporter iusques icy, donnez-les à ces maneuures, & gardez-bien à l'aduenir tomber en choses semblables.* Heureuse faute, ie le dis avec permission, puis que suiue d'une si charitable remonstration, & elle d'une sainte penitence & loüable correction de ses mœurs: non seulement du larcin ja commis, mais aussi de toutes autres meschantes œuvres. Comme de là en auant la forme de viure, & vrayement Chrestienne, en rendit plus suffisante preuue. C'estoit bien payer le present receu, de part & d'autre.

François de Rogate bourgeois en la ville de Paule, experimenta en sa personne les Propheties du saint Homme, par trois diuerses fois, en choses aussi viles à luy, que notables aux autres.

Cc

*Remonstration  
sur un larcin  
caché.*

Ce François estoit vn peu libertin, & moins encores soigneux de sa conscience qu'il est requis à celuy qui se qualifie professeur du Christianisme: en ce que pendant vne sienne maladie desesperée aucunement de la medecine naturelle, il permit à vn iene sçay quel, soy disant Medecin, vser de superstitions & magies sur soy, attendant de la santé: où à la risque de nostre vie, voire de la ruine de tout l'vniuers, il n'est permis commettre vn seul peché mortel, encores si enorme, & detestable que celuy-cy, quis'oppose diametralement au premier commandement de Dieu. Aussi comme aux autres, la santé luy venoit à rebours: le mal s'augmente, la vie est au danger, lors qu'il s'aduisé venir trouuer remede chez le vray Medecin Dieu, qui operoit par les mains de nostre saint Homme vraiment diuin, puisque rien ne luy estoit caché, & ne respiroit rien plus que bien faire aux creatures, propres effects d'vne Diuinité. Ce pauvre malade croyoit encores qu'aucun autre que son medecin, ou magicien, sceut avec luy la magie commise, lors que le saint Homme l'aborda de ceste correction fraternelle. *Et quoy mon amy, pour penser vous bien faire, falloit-il faire mal à Dieu?* la mesme charité avec laquelle la parole estoit prononcee, porta coup aussi tost, & fit si bien, qu'elle eschauffa la volonté de cest homme, pour conclurre à la correction de ses fautes, oyant le saint Homme, comme Dieu mesme, qui seul cognoist les choses passees, & si secrettement.

Cestuy-cy sera le second faict, aduenu à la mesme personne: Ce François donc estoit ve-

*Magie ou  
sortilege  
inutile à la  
guarison  
du corps.*

*S. François  
cognoist le  
secret de la  
conscience.*

nu vers le saint Homme pour traicter d'affaires: les discours concluds: le saint Homme entame d'autres propos, desploye par le menu certains pechez enormes commis: que le susdict François affirmoit croire ne pouuoir estre cognus que de Dieu seul. Ce fut l'exhorter à bien viure: à profonder les iugements de Dieu, & que malheur luy arriueroit, s'il ne se peinoit, pour mieux faire à l'aduenir: la remonstrence du saint Homme, comme elle ne parloit que de la charité, aussi profita elle grandement.

*Discours  
inutiles cõ-  
ptables au  
iugement  
de Dieu.*

Voicy vn troisieme, mais comme semblable au deux autres, pour le faict des Propheties. Le susdict François de Rogate battoit le pané de la ville de Paterne, avec deux autres aussi bons compagnons que luy. Leurs discours estoient de mesme: qui desiroit cent escus: l'autre deux cens: cestuy-cy; moy i'en voudrois tenir deux fois autant: chacun respondoit à ses pensees, passent ainsi leur chemin, iusques à rencontrer le saint Homme, qui s'approche d'eux autant, & plus de l'amour de leur salut, que de presence corporelle, leur rapporte les propos iettez entr'eux, que le temps estoit inutilement perdu en choses semblables, qu'il leur pourroit valoir, passant leur chemin l'accompagner de choses serieuses, & bonnes: dire son *Pater noster*; ou autres oraisons, que prononcer tant de vanitez qui ne peuuent seruir qu'obliger vne ame à vn compte plus estroict au iugement de Dieu. Les voilà tous estonnez, qui se regardent confus de leur confusion descouuerre. Ils scauent

uent que le saint Homme estoit esloigné d'eux lors des propos tenus. Ils les aduoüent neantmoins tels qu'on leur reproche: à peine de desaduouier leur propre conscience, qui leur reprochoit le semblable que le saint Homme.

Si la cognoissance des saints cachez par la distance des lieux en vne mesme ville est, comme il ne peut estre autre qu'admirable, que restera il penser, si esloigné d'une ville à une autre? Celuy est tout vn, pour voir ce qui se passe, comme s'il estoit au mesme lieu. C'est le fait proposé: Le saint Homme residoit en son Conuent à Paterne. En ce temps vn berger nommé Barthelemy, entroit en l'Eglise du Conuente de Pavle; pour entendre plus deuotement la Messe, il commence fleschir le genouil droit en ceste action, il est entrepris d'une apoplexie, perd la parole, demeure comme mort. On a recours au S. Hôme à Paterne, vous oyrez maintenant en vne responce deux Propheties: *Mon amy,* ce dit-il au mellager, *Dieu luy fera grace, car il l'a trouué flechissant le genouil droict: pour ceste fois il ne mourra point.* Il dict la genuflexion passée, & predit la santé future: ou bien, & vrayement Dieu disoit, & predisoit par la bouche du saint Homme, comme par vn celeste oracle.

*Prediction  
de santé fu-  
ture.*

Voicy encores deux Propheties en vne seule responce, pendant l'honorable contention qui se passoit au cercueil, & entreueüe, entre le saint Homme, & vn Chambrier de sa Sainteté enuoyé expres, pour descouvrir & informer de la vie, & saints miraculeux de celuy qui pa-

roissoit de nouveau si admirable en l'Eglise. Le Chambrier celoît sa commission, & en qualité d'homme incognu, ou passant le chemin avec sa compagnie, se presentoit à baiser les mains du saint Homme, qui avec vne humble resistance, tirant le rideau d'une si louable simulation, fit voir la verité, prononçant clairement: *C'est à vous, monsieur, à qui ie dois baiser les mains consacrees depuis trente & trois ans, par l'ordre de Prestre: & à present representeZ sa Sainteté en vostre legation.* Qui auoit dit ces nouvelles au S. Homme, que celuy qui reposoit en son ame, à qui rien n'est nouveau? Il y a certainement bien du sujet le croire ainsi. Et encores plus par vne Prophetie muette, mais qui fit parler, & à bon escient: comme vous allez voir, & entendre.

Le saint Homme ne pensoit à rien plus que donner progrez à l'honneur de Dieu: au bien commun, & au salut des particuliers: ou que ce fut la veuë qu'il auoit en ce voyage, dont il est maintenant question, comme les indices en estoient forts: ou que les affaires du Conuent luy en eussent fourny le sujet, le voila party de son Conuent de Paterne, & va visiter vn amy de la maison, qui se nommoit Antoine d'Atilia, qui demouroit en vn certain lieu assez proche, où se trouua vn autre homme du pays: le bon Pere ayant traicté d'affaires, qui sembloient l'auoir amené, il prend congé, & sort, mais pour bien tost retourner. Car à peine est-il hors la maison que cest Antoine enfle, & si gros qu'il pense creuer, s'estouffe, & perd la parole: au mesme instant le voisin qui deuisoit  
avec



avec luy, se trouue encores plus empesché: il le couche, le desserre, luy demande ce qu'il a, ce qu'il desire: le mal retient le patient respondre: l'accident inopiné trouble les conseils de celuy qui l'assiste, horsmis celuy-cy: recourir apres le saint Homme & l'appeller au secours. Ce qu'il execute aussi promptement que la charité du bon Pere le rendit à la maison, qui seul sçauoit l'heureuse yssuë d'un si mauuais commencement. Il n'ordonna autre chose, sinon luy mettre un brin de paille, dans le nez bien à propos pour luy faire sentir sa pauureté, & misere, telle qu'il la recognut. Car aussi tost, il retourna en sa premiere santé, & confessa tout haut au saint Homme, qu'il aduoüoit librement un tel accident, luy estre aduenü pour auoir demeuré l'espace de trois ans entiers sans nettoyer sa conscience, par le Sacrement de penitence: & luy promit à l'heure mesme qu'il s'en acquitteroit au plustost qu'il seroit possible. Le saint Homme s'en retournant bien joyeux d'auoir gagné ceste ame à Dieu, qu'il estoit venu negocier par son voyage, representant encores au vis l'image de cest autre Prophete ancien, auquel la mere de l'enfant mort, en donnoit la cause à son entree de la maison. *Pourquoy, ce disoit-elle, ô homme de Dieu, estes vous icy entré, afin que Dieu se souuienne de mes offenses pour les punir?* Mais la fin du Prophete de la loy Mosayque, comme de celuy-cy de la loy Euangelique regardoit l'honneur de Dieu, & le salut du prochain, pour lesquels les entreprinsees ne peuuent estre que louables.

*Estrange punition sur celuy, qui auoit negligé le Sacrement de penitence.*

Il est tout certain que comme les presents sont chaisnes qui lient les cœurs, & volonte de ceux qui les acceptent : ainsi ils rendent l'entree facile en tous lieux, & enuers toutes personnes, à ceux qui les offrent bien à propos. Le peu du nostre, n'ayant rien plus, offert de bon cœur, est tousiours bien prins : mais le present ou aumosne faicts aux despens d'autruy ne peuvent estre agreables à Dieu, ny aux hommes diuins, & vertueux. Ce qui va passer, nous fera scauants. Vn payfan estranger, c'est à dire, beaucoup esloigné de la ville de Paterne, eust deuotion, ou curiosité, comme vous aymeriez mieux la nommer, voir & communiquer avec le saint Homme. Il veut croire que se representant à luy les mains pleines : l'accez en sera plus fauorable, suiuant les loix du monde, ou des hommes. Il luy apporte donc vn panier plein de prunes: le saint Homme les reçoit, & prenant le panier d'une main, avec l'autre il retiroit les prunes, les diuisant en deux parties, en presence du payfan, luy disant : *Ces prunes-cy ont esté cueillies en vostre iardin, celles-là ont esté prinsees ailleurs. Cest* homme bien estonné, qui auoit peu donner cest aduertissement au saint Homme, aduouë librement sa faute, qu'il les auoit emportees furtiueusement du iardin de son voisin, qu'il s'en repentait, & aduiferoit à l'aduenir n'offencer Dieu, ou son prochain: & sortant de là, asseuroit tous ceux qui luy parloient, que S. FRANÇOIS de Paule estoit vraiment homme de Dieu, & vn tres-grand Prophete.

Il est vray que Dieu se reserue la cognoissance  
de

*Present mi-  
party de lar-  
eine est dece-  
lé.*

de plusieurs causes des maladies : par lesquelles il semble comme retirer la bride, & pousser l'esperon à l'homme, pour l'arrester, ou l'advancer és fins qu'il sçait proprement iuger estre necessaires. Cela est aussi tout averé qu'il les enuoye bien souuent, & peut estre le plus souuent pour chastier les fautes esquelles trop facilement il s'emancipe, pour ne dire celles où effrontément il s'abandonne. C'est neantmoins vn signe tres-euident de la Bonté diuine, lors qu'elle chastie seulement celuy qu'elle ne veut damner. C'est à propos d'un citoyen de Paterne, nommé Alexandre Carusio, mais homme de bon temps, lors que la santé luy permettoit. Il fut trauaillé d'un grand mal de ventre, & sentoit és entrailles des douleurs si poignantes, qu'il ne pouuoit demeurer en vne place debout, ou assis en quelle façon que ce fust. Il estoit à ceste heure là sorty à la porte de son logis, avec bon nombre de ses amis, qui le consoloient au mieux qu'ils pouuoient, lors qu'on luy dit, le saint Homme venir & estre proche. Id aduance vn peu, & se presente avec son mal, qu'il disoit insupportable. Le bon Pere qui visoit tout premierement à sauuer les ames, luy dit en presence des autres, pour leur faire seruir à tous de leçon : *Souuenex vous à l'ad-* *Le peché*  
*uenir de ne plus commettre le peché que vous auez com-* *cause de*  
*mis, & Dieu vous rendra la santé.* Cela dit, il passe *maladie.*  
 outre, & guarit le patient, luy laissant vn si singulier preseruatif que nostre Seigneur donna au paralytique, qu'il guerit près la piscine probatique, & qui auoit semblablement esté malade pour punition de ses fautes, à raison dequoy il  
 luy

luy dit: *Va, & ne peche plus d'oresnauant, craignant que pis ne t'arriue.*

C'est quasi tousiours l'ordinaire du monde, chercher Dieu le dernier apres toutes autres choses: Aussi bien souuent la punition de telle negligence, pour ne dire mespris, suit de bien près sa faute, laissant au besoin celuy qui alors voudroit quand il ne peut, pour n'auoir empoigné la premiere occasion lors qu'il pouuoit, & n'a voulu. Ceste forme de iugement est assez souuent pratiquee par nostre Dieu: bien que fort peu recogneuë par les hommes, à leur grand mal-heur & defauantage. L'exemple qui va suivre nous doit estonner. Vn ieune homme, & qui sembloit fort sain & bien dispos, se presente au S. Homme: *Mon Pere*, ce luy dit-il, *ie me porte assez bien à cela pres, qu'il m'est suruenü une apostume au col merueilleusement grosse. Ie vous prie m'aduiser ce que i'y dois faire.* Le S. Homme luy respondit fort aigrement: *Vous souuienne que lors que le mal a commencé on vous a fait souuenir de venir chercher icy du secours. Vous auez protesté n'en rien faire, & vous vous estes fermé en ce mespris, iusques à tant que vous soyeZ senty pressé du mal à l'extremité. SçacheZ donc que vous n'estes pas digne recevoir la grace de Dieu: & vous recireZ d'icy, car vous y perdreZ vostre tēps & vos peines, si vous attendeZ d'auātage.* Ce miserable estant sorty, le S. Hōme se tourne vers la compagnie: le vous prie, mes amis, remarquer le iugement de Dieu, & cōme il faut peu de chose pour causer la mort à l'hōme, & le ietter par terre. Cestuy-cy que vous auez veu presentemēt sortir, ne peut plus longuement viure, Dieu s'estant irrité contre

*Histoire étrange & bien notable.*

contre luy, pour ne l'auoir voulu rechercher dès le commencement de sa maladie: ou qu'il ait esté retenu par negligence, ou poussé d'un mespris. Vous experimèterez en brief le iugemēt de Dieu tel que ie vous l'ay dict. Chose espouuantable! La nuit suiuaute, sans aller plus loing, l'apostume estouffa & fit mourir ce pauvre miserable. Bel exemple à la verité, pour descouurir premiere-ment les graces qui estoient en ceste sainte ame, qui voyoit si facilement le mespris passé, avec la mort future de cet homme: mais bien plus vtile, nous enseignāt de chercher Dieu tout premier en nos affaires: respecter aussi la faueur de ses Saints, de lesquels il daigne bien en honorer les merites.

Au temps que le S. Homme faisoit bastir son Conuent de Corilian, il estoit visité de plusieurs personnes de tout aage, de toute condition, tous poussez d'une sainte curiosité pour voir les commencemens de ce dont ils desiroient dauantage cognoistre vne plus heureuse issuë. Entre ces troupes diuerfes le bon Père aduisa vne femme qu'il n'auoit iamais cognue, & s'adressant à son compagnon, qui estoit alors F. François de sainte Agathe: *Sçachés mon frere, ce luy dit-il, que ceste femme a commis des pechés bien enormes, à raison dequoy elle est grandement coupable deuant Dieu.* Vn peu de temps s'escoule, que voicy ceste femme qui se hazarde parler au S. Homme, comme chacun desiroit auoir ce bon heur traiter avec luy: celle-cy comme les autres en cherche vn assez leger subiect: mais Dieu luy mesnageoit insensiblement le salut de son ame. Le S. Hōme la mena vn peu rudement: *Il ne te suffit pas,* luy dit le bon Pere, *des fautes passees, que tu as impudemment*  
commi-

*commises contre la Divine Majesté, si encores tu n'adiouste peché sur peché, pour combler la mesure de tes demerites: tu sçais bien que ce que ie dis est conforme à la mauuaise volonté en laquelle tu es resolu filer ta vie avec ta damnation.* La parole

*efficace de  
la parole de  
S. François  
à la conuer-  
sion des a-  
mes inue-  
ries au peché.*

du S. Homme prononcée avec le mesme zele, comme estant la parole de Dieu, touche si viuement au cœur de ceste pecheresse, que la voila changée en vn instant, l'esprit s'esclaircit, la volonté s'amolit, & l'ame deuenüe vrayement penitente, creut facilement qu'il falloit auoir moins de honte à confesser son peché qu'à offenser la Bonté de Dieu. Les larmes luy couloient des yeux, & les souspirs donnant air à son cœur accablé de douleur, forçant librement sa langue à confesser haut & clair, en présence du saint Homme, & des Religieux qui l'assistoient, qu'elle auoit ia fait mourir plusieurs enfans, qu'elle estoit en volonté d'en estouffer encores d'auantage: & qu'il y auoit ia dixhuit ans passez qu'elle ne s'estoit présentée au Sacrement de penitence: qu'au reste aydée de la grace de Dieu, & des prieres du saint Homme elle se promettoit satisfaire à Dieu selon son possible: racheter le temps mal employé, & mener vne vie digne d'une vraye penitente. *Allez*, ce luy dist le S. Homme, *donnez* *sujet à Dieu se contenter de vous, autrement que par le passé: ce qu'elle fit, seruant à l'aduenir d'un vray miroüer de vertu à tous ceux qui cognoissoient sa forme de viure.* Il ne faut point demander si le S. Homme prenoit soin prier instamment pour la conseruation de ceste ame, qu'il auoit gagnée à Dieu. Le feu de sa charité, qui luy auoit donné suffisamment vne lumiere pour cognoistre ses pechez luy communiqua de sa chaleur,

pour aymer Dieu autant comme par le passé elle l'auoit volontairement oublié, & irrité.

Le bruit de la prise d'Otrante par l'armée du Turc, volant par tout l'Italie, ceux qui auoient des amis, & des biés dans la ville, ou aux enuirōs, aduisoient aux moyens de les sauuer. Vn citoyen de Paterne vient à ces fins trouuer le S. Hōme, & luy faict entendre qu'un sien beau frere, nommé Nicolas Picard, estoit dans Otrante, lors qu'elle a esté surprise par l'ennemy : qu'il le supplioit avec toute affection, se souuenir de luy en ses prieres, à ce qu'il pleust à la Bonté Diuine le conseruer au milieu de ces Barbares: le bon Pere luy dut de ne se traualier d'auantage de son frere, qu'il estoit passé de ceste vie à l'autre, par le martyre, se mettant en deffence contre l'ennemy de Dieu & de l'Eglise: qu'à presēt il ioüissoit paisiblement de la gloire des bien-heureux. Son aduis au reste estre, auoir recours au Duc de Calabre, pour le prier le gratifier avec ses coheritiers des biens du deffunct, pour n'estre priuez de l'un & de l'autre tout ensemble, & diligenter cet affaire, craignāt qu'il ne fust preuenü par d'autres, qui luy eu presenteroient requeste pour en auoir le don. Cet homme va de ce pas trouuer ses autres freres avec sa respōse, qu'il leur donne, comme il l'auoit receuë du S. Homme, & tous ensemble se presentent au Duc de Calabre, luy en declarent ce qu'ils auoient appris de la mort de leur frere, & l'aduis qu'ils en auoient recen: le venir trouuer là dessus, pour estre preferez à tous autres en ce qui dependoit de son Altesse, pour quelques droits. Le Duc de Calabre recognoissant qu'ils venoient de la part du S. Hōme, pour son

*Mourir pour  
la defence  
de la Religio  
contre les in-  
fideles c'est  
vray Mar-  
tire.*

son respect il leur accorde tout ce qu'ils demanderent.

Plusieurs personnes de diuers pays furent tout ensemble enseuëlies dans les ruines, en la prise de la susdicte ville d'Otrante: Entre iceux mourut vn citoyen de Cantazare au moins fut tenu pour tel, depuis que la ville estoit renduë aux Chrestiens, & que neantmoins on n'en entendoit aucunes nouuelles. Les parens de la femme qui la voyoient encores ieune luy conseillent de se remarier. Elle dist n'oser seulement y penser, tant s'en faut que de le faire, craignant qu'elle ne fust la femme de deux hommes, si son premier mary estoit encores viuant: ou au moins qu'elle ne s'accorderoit à cela, s'ils ne luy permettoient prendre l'aduis du saint Homme sur ce fait. Ses parens y consentent, luy font compagnie & viennent ensemble pour trouuer le saint Homme. Par le chemin ils rencontrent vne riuiera qui estoit fort grosse, & troublee à raison des grandes pluyes qui estoient tombées depuis peu, car les riuieres de ce pays, pour la pluspart, sont torrens qui descendent des montagnes avec impetuosité, & lors que l'eau tombe du Ciel en abondance, elles sont fort dangereuses. Ils passent neantmoins, mais non sans grãde peine & crainte. Arrivez qu'ils sont iusques au lieu, le bon Pere auant qu'ils commençassent à parler: *Vous auez,* ce leur dit-il, *passé vn grand danger & avec bien de la peur, mais il ne falloit aucunement craindre puis que vostre chemin estoit commencé pour vne bonne œuvre. Ceste ieune femme prenant de là sujet luy proposer sa difficulté. Elle luy demande s'il n'auoit point quelque cognoissance de l'estat, ou du lieu où estoit*



estoit son mary. *Vostre mary est mort*, luy dit le S. Homme, *à vous permis de vous marier à un autre si vous le iugez à propos par le conseil de vos amis*. La compagnie fort satisfaicte pour le doute qui les troubloit, rēd graces au S. Homme, & s'en retourne. La ieune femme se remarie sur l'assurance que le S. Homme luy auoit donnee de la mort de son premier mary, comme depuis cela fut verifié par tesmoins dignes de foy.

Il n'y a au monde vn si iuste appretiateur de toutes choses que l'homme spirituel: il garde fidellement le droict aux affaires qui ont à passer par deuant le Tribunal de sa raison. Il veult bien faire à tous, mais il prefere, & iustement, l'esprit au corps: la santé spirituelle à celle qui est corporelle. C'estoit le but ou visoit nostre S. Homme lors qu'il rendoit la santé aux malades qui la recherchoient, & purger tout premierement leurs ames de vices & imperfections qui offensoient le Ciel, puis donner la santé à ce qui estoit trauaillēe sur terre. Telsin en fera le discours de ce payzan, qui se trouuant fort mal de sa personne, ne pouuoit plus gagner sa vie, de sa femme, de ses enfans, & fournir aux necessitez de sa petite famille; il vient au saint Homme, luy fait entendre sa necessitē particuliere, avec la pauureté de sa maison: que n'ayant plus les forces pour y pouruoir par son labeur, il luy pleust en ceste consideration auoir compassion de luy. *Ouy, mon amy*, luy respond le saint Hōme, *ie vous veux guarir avec l'ayde de Dieu, & le remede que ie vous donne est*

*Le principal but où visoit S. François à la guarison des malades.*

*Punition de larcin.*

D d

celuy

celuy que Dieu a ordonné. Ne faire tort à son prochain. Lors que vous semerez les terres de vostre maistre, ne retenez rien vers vous du grain qu'il vous a donné pour semer. Ne desrobez point les fruiçts d'autrui, & ne mangez point les herbes des autres. Contentez-vous de viure simplement de vostre labeur, & vous souuenez m'äger vostre pain à la sueur de vostre visage. Observat ce que ie vous remostre, ne doutez nullement de vostre santé, que Dieu la vous enuoyera aussitost. Ce pauvre pay-san touché au cœur, cōfesse librement, & tout haut, qu'il estoit coupable de toutes les fautes que le S. Homme luy auoit specifié: qu'il proposoit s'en corriger à l'aduenir, & y satisfaire par tous moyens à luy possibles. Le voila aussitost guarý de l'ame que du corps: on le voit trauailler bien guay & dispos, mais chäger de vie: faire les œuures d'un vray Chrestien, & estre tout un autre homme que par le passé. Effects de la prophetie & charité du S. Homme.

Dieu n'a pas seulement agreables les bonnes œuures commandees estroitement par sa Loy: ains aussi celles qui sont sagemēt recommandees par ses conseils. Il punit souuent la negligence commise en ceux-cy, comme l'oubliance interuenüe en ceux-là, & le mespris en tous les deux. Voicy vne femme à qui la deuotion auoit persuadé ieusner tous les Mercredis de l'annee. Ceste action avec ses semblables, semblent venir à propos pour faire passer le temps à ceux qui ne sçauent à quoy l'employer, sinon à rire & mocquer, s'ils ne peuuent faire pis, & empescher les bōs desseins de ceux qu'ils recognoissent mieux  
faire

faire qu'eux, seruans ainsi d'instrumens au diable pour s'opposer au bien, lors qu'il ne peut faire plus grand mal aux personnes de vertu. C'est donc le mary qui se gosse des ieufnes de sa femme: les gosses abboutissent en chole- res sans sujet, & si souuent, que ceste femme prend resolution quitter la partie, & ses deu- o- tions particulieres: rompre son ieufne, man- ger de la chair, & autres viandes presentees sur la table, en vn mot se conformer à son ma- ry, pour auoir paix en la maison. Il est vray que Dieu a laissé à l'homme le commandemēt sur la femme, mais pour en vser: pour en a- bufer, nullement: A raison dequoy il doit es- plucher soigneusement ses volonte- z, si elles contiennent en soy, ou vne permission du mal, ou empeschement de quelque bien possi- ble à faire hors l'offense de Dieu: ou quelque notable ruine de sa maison. A faute de quoy les chastimens qui suivent font preuue du mescontentement de nostre Dieu: comme il fit icy paroistre par les maladies estranges des- quelles il alloit affligeāt le corps de ceste pau- ure femme: mais sur tout sembloient intolera- bles les visions horribles que l'imagination luy forgeoit. Presque à toute heure il luy sembloit voir des loups, des lyons, des tygres, & autres bestes farouches faire mine la vou- loir deuorer: la voila en effect qui se met en deffense, & combat ses visions imaginai- res: qui d'ailleurs luy representoient des serpens venimeux se glissans, approcher pour la mordre, ou picquer. Elle crie, el- le se tourmente: se met toute en eau apres le

*Les causes  
qui peuvent  
induire un  
mary d'irri-  
ter le vœu de  
sa femme.*

*Punitio me-  
morable sur  
la fraction  
d'un ieufne  
volontaire-  
ment deter-  
miné & pas-  
sé en usage.*

travail de ces combats faicts en l'air. Le mary qui n'auoit iamais experimenté telles manies en sa femme, au temps qu'elle continuoit ses deuotions, se trouue vn peu esbahy, sentât si palpablement le iugement de Dieu contre son indiscretion: craignant avec raison, qu'à l'aduenir le mal n'augmente, & qu'il n'en eust sa part, il consent fort volontiers, que sa femme aille, ou soit portée deuant le saint Homme pour se recommander à ses prieres, & charitez. Arriuée qu'elle est & iettée par terre aux pieds du bon Pere, qui avec l'esprit de prophetie auoit bien recognu, ce qui s'estoit passé sans autre information, *Allez ma fille*, ce luy dist-il, *retournez cōmencer vostre premiere deuotion, que vous auez trop legerement delaissee, si vous desirēz que la maladie vous quitte, car autrement ceste affliction ne vous abandonnera point.* Ceste femme retourne chez elle, au premier Mercredy suiuant elle ieufne comme auparauant, & se sent entierement deliurée de son mal.

*Vne femme  
persecutee de  
maladie  
pour auoir  
batu la mere  
de son mary.*

Vne femme affligée par vne longue maladie vient au Conuent. Arriuée qu'elle est en presence du sainct Homme, elle se iette à ses pieds, & luy demande misericorde au nom de Dieu. Mais le bon Pere à qui Dieu reueloit les choses les plus secretes pour guarir les ames premier que les corps, luy parla ainsi rudement: *Que desirés vous de moy, qui auez batu vostre mere?* mon Pere, respondit ceste femme, ie n'ay point de mere. Le saint Homme: *Et la mere de vostre mary n'est elle pas aussi la vostre? c'est celle là que ie dis qu'auēz batue.* Or sus, allez vous reconcilier avec elle, luy demandant bien

bien humblement pardon pour le passé: & aduisez de la traiter avec plus d'honneur & de douceur à l'aduenir: puis ie vous promets que Dieu vous donnera la santé que vous desirez. Ceste pauvre femme s'en retourne à la maison: où aussi tost quelle se fust acquitee de ce que le saint Homme luy eust ioint, elle recut la santé.

Pendant le peu de iours que le saint Homme demeura à Naples, passant pour aller à Rome receuoir les commandemens de sa Sainte-  
té qui l'enuoyoit en Frâce, vne femme de Naples nommee Marguerite, auoit esté miraculeusement guarie par le S. Homme d'une courte haleine qui la trauailloit: ceste femme cy voyoit vne sienne voisine qui s'appelloit Marine, fort troublee pour sa fille, qui en l'âge de dix ans patissoit beaucoup du mal que le vulgaire dit de S. Lazare. Esmuë de charité, elle va prier le S. Homme pour autrui, leur desirant le mesme bien comme à soy. Le bon Pere luy dit de faire venir la mere avec la fille malade, lesquelles il ne cognoissoit nullemēt, non pas mesme par recit de personne: neantmoins arriuees qu'elles sont, regardāt la mere d'un œil vn peu austere: Vous auez, ce luy dist-il, reproché à vostre commere Antoinette en presence de plusieurs personnes d'auoir couché avec vostre mary: vous l'auex scandalisee à tort & sans cause, car ce que vous auez aduancé est faux. Recognaissez vostre faute, & rendez luy l'honneur que vous luy auez leué si indiscrettement: & Dieu vous exaucera alors pour la santé de vostre fille. Ceste femme bien estonnee cōme quoy l'hom-

*Bien dange-  
reux de scā-  
daliser son  
prochain.*

me de Dieu pouuoit ſçauoir, entrant de nouveau au pays, des choſes qui s'eſtoient paſſées il y auoit vn ſi long temps, luy promet toutes-fois faire tout ce qu'il luy auoit commandé. Puis le ſainct Homme luy donnant quelques herbes: *Faiêtes*, ce luy dit-il, *vn bain à voſtre fille avec ces herbes, mais que ce ſoit apres auoir reſtitué l'honneur à voſtre commere: autrement le bain ne ſeruira de rien.* Ceste femme curieuſe de la ſanté de ſa fille, obſerue par ordre ce que le ſainct Homme luy auoit enioint, & dès le lendemain elle trouua ſa fille deliuree de ce mal ſi dangereux, avec grande admiration de toute la ville ( apres que le bruit du miracle fut ſemé par tout ) meſme du Roy Ferdinand, qui en apprit les premieres nouuelles par le moyen de ſon Chappelain, qui eſtoit pour lors vn certain frere Ambroïſe Religieux en l'Ordre de S. Baſile.

*Deſobeiſſance  
chasties.*

Vne femme de la ville d'Amboiſe, nommee Martine, auoit vne fiſtule à la iambe qui l'incommodoit fort: les Medecins n'y pouuoient plus que faire: & comme elle ſe plaignoit de ſon infirmité en vne compagnie, où pour lors eſtoient quelques Religieux Minimes, vn d'eux luy dit, qu'elle feroit fort bien prendre aduis de leur bon Pere, & qu'elle en tireroit du ſecours infailliblement. Elle s'y reſould, & luy parle. *Dieu*, luy dit le S. Homme, *vous a enuoyé ceste maladie pour chaſtier la deſobeiſſance formelle que vous auez faiête à vos parens. Aduiſez d'y ſatisfaire, & vous confiez en Dieu qui vous deliurera par ſa bonté.* Le S. Hôme ayant medeciné l'ame, luy faiſant voir les fautes que l'auenglement

DE S. FRANÇOIS DE PAVLE. 423  
ueuglement de son peché passé luy cachoit, pē-  
se maintenant à remedier au corps. Il luy en-  
joint leuer tous les remedes que les Chirur-  
giens y appliquoient, & mettre dessus ce  
qu'il luy donnoit seulement: c'estoit vn mor-  
ceau de toile de lin trempé d'un peu d'huile  
rosat: & en peu de iours elle se sentit guarie  
entierement.

*De la Prophetie avec laquelle le S. Homme co-  
gnoissoit les choses presentes, mais cachees, spé-  
cialement és cœurs des hommes.*

## CHAPITRE XXVI.

**L'**Ay tousiours bien fort estimé la subtile in-  
uention de ce grand Capitaine, qui portoit  
pour blason de ses Armes le labyrinthe de De-  
dalus, pour signifier le cœur de l'homme estre  
aussi secret & inexplicable que ce labyrinthe:  
y ayant tant de ressors à iouer auant que le  
pouuoir ouurir, tant de voyes & chemins, des-  
quels on ne se peut tirer, & à l'entree, & à l'is-  
sue: que force est aduouër la verité qui en a e-  
sté prononcee par la bouche de l'Apostre: *Que  
personne ne cognoist ce qui est en l'homme, sinon  
l'esprit mesme de l'homme, qui est en l'homme.*  
Car pour dire resoluëment ce qui en est: l'es-  
prit créé ne pourra iamais, avec sa faculté na-  
turelle, desployer, ou l'entendement, ou la vo-  
lonté d'un autre, pour lire les pensees en l'un,  
& cognoistre les affections en l'autre. On  
peut bien tirer en consequence des signes  
exterieurs qui paroissent au visage, ou és autres

*La cognois-  
sance infalli-  
ble des pēsees  
du cœur pro-  
pre à Dieu.*

mouuemens du corps, ce qui se iouë en l'intérieur de l'esprit: en effect les Medecins touchans le pouls du corps, se veulent faire croire, & aux autres, les affections & mouuemens interieurs de l'ame. Mais d'un premier fault, à la premiere veüe, & immediatement cognoistre ce qui se passe dans vn esprit, le pouuoir en est reserué, & bien reconnu en l'Escripture appartenir à Dieu seul, priuatiuement à tout autre: sinon que par grace & priuilege Dieu en vueille honorer ses Saints: comme d'une infinité d'autres graces, desquelles il va ornant tousiours ces belles ames. Celle-cy, dont est question, se nomme *Prophetie*: qui est vn don de Dieu gratuit, & du nombre de ceux que Dieu eslargit à son Eglise, pour son bien & entretenement. Car la Prophetie ne s'entend pas seulement des choses passées & futures: si bien de toutes les choses qui nous sont cachees, & desquelles naturellement nous ne pouuons prendre cognoissance, sinon par vne lumiere surnaturelle, que Dieu seul enuoye à vne ame, pour descouurir tout ce qui est caché de nos yeux, soit passé, & aduenir, comme aussi le present: en faueur duquel l'Apostre parle en ces termes: *Si tous prophetisent, & que quelque infidele entre en la compagnie, les choses cachees en son cœur se manifestent.* C'est vne grace donc qui a esté aussi commune aux amis de Dieu, cōme elle est digne d'estre beaucoup estimee, veu encores le naturel de l'homme, qui est si difficile à recognoistre: voire autant & plus qu'un Prothee, qui se change en autant de formes que bon luy semble. Certainement  
le Gym-



le Gymnosophe Indien eut grace en la response qu'il rendit au grand Alexandre, qui luy demandoit quel estoit l'animal qu'on ne pouuoit encores cognoistre: *C'est*, ce luy dit-il, *l'Homme*. Response à la verité digne d'un homme docte, digne d'un Philosophe, plus digne d'un Chrestien. Lequel instruit en l'Eglise par la verité des Escritures saintes, sçait qu'en presence de Dieu seul les secrets de nos cœurs peuuent estre desployez. Sujet pourquoy les hommes s'estonnent grandement, voyàs d'autres hommes semblables à eux en la nature, les exceller en ceste grace receüe pour le bien de l'Eglise. Chose vrayement digne d'admiration, qu'une veüe si grossiere & terrestre que celle d'un homme, peu differente de l'aveuglement de la Taulpe, comme un autre Linx penetre les doubles murailles: ie dis les aduenües issuës, & tous les ressorts du cœur humain. Il est vray que les yeux d'Argus y seroient esblouys: mais non les yeux de Dieu, qui plus subtilement que les clairs rayons du Soleil, sçait le penetrer. C'est ceste lumiere, de laquelle il fait part à quelques-uns de ses amis: Au nombre desquels la perfectiõ de S. FRANÇOIS de Paule prend place: & le don de Prophetie esclattoit au milieu de ses autres infinies perfections. Ia vous auez entëdu la cognoissance des choses passees, qu'il rappelloit, & rendoit presentes à son esprit, comme diuin. A present vous le contemplerez desnoüer le nœud Gordien: entrer & sortir un Dedalus: entendre & comprendre les plus secretes pensees qui roulent däs le cœur humain: qui n'appartient qu'à

Dieu

*Quel animal  
reste incogneu.*

Dieu seul desveloper & apporter vne presence d'esprit, pour supplier à l'absence de son corps.

Iean Cituzzo citoyen en la ville de Paule auoit quelquesfois reconnu par experience, pendant vne siéne maladie, la vertu & les merites de S. FRANÇOIS de Paule. A raisõ dequoy s'estát retrouué vne autrefois malade iusques à l'extremité, condamné à la mort par le iugement humain: Il enuoya à Paterne vn sié cousin vers le S. Homme, luy fait entendre sa necessité. Lequel respondit au messager, que par charité il retournaist à Paule, & qu'il trouueroit sõ consin guarý par la grace de Dieu. Retourné qu'il fut, il trouua ledit Cicuzzo parfaitement guarý, & cognut que la santé luy auoit esté rendue à l'heure mesme que le S. Homme luy auoit parlé, & donné assurance de ce qu'il auoit demádé. C'estoit beaucoup, rendre la santé desesperee à vn malade, & plus encores le faire, & cognoistre absent. Voicy vn autre fait miraculeux, & presque semblable.

Le Baron de Beaumont, qui demeuroit assez près de Paule, auoit autrefois receu vne guarisõ admirable en sa personne, par les prieres du saint Homme. Vn sien fils rōba si grieuement malade, qu'il auoit perdu la parole l'espace de dix iours. Le Pere qui n'auoit rien espargné pour la santé de sõ fils, & n'auoit rié gaigné par ses peines & despenses, se souuient de son Medecin celeste, saint François de Paule, despesche vn sien seruiteur domestique nommé François de Marco, Cusantin, le charge de message, & luy fait langue pour di-

re au

*Predictio de  
la guarison  
presente de  
Cicuzzo.*

re au saint Homme, & le supplier de sa part prier Dieu pour son fils, puis que son esperance en ses prieres estoit telle, que non seulement il attendroit la santé desirée, mais aussi bien qu'il fut trespassé, il le pourroit ressusciter. C'estoit vn abbregé de la requeste que les deux bonnes sœurs Marthe & Marie presenterent à IESVS-CHRIST pour leur frere Lazare. Le bon Pere vraiment humble respondit au messager: *Depuis hier iusques à ce iourd'huy sont passées vingt-quatre heures de nostre vie. Dieu vueille que les souhaits de vostre maistre soient exaucez. Pour moy ie feray tout deuoir prier Dieu pour son fils, encores que mes oraisons soient de nulle valeur.* Le saint Homme enuoya reposer le seruiteur qu'il voyoit lassé: se retire à part (il est vray semblable que c'estoit pour vacquer plus librement à l'oraison) retourne au bout d'une heure, & dit au seruiteur messager: *Le saint Esprit a exaucé nos prieres: le fils de vostre maistre, qui estoit aux abbois de la mort, à reconuert la santé. Retournant vers luy, dites-luy qu'il rende graces au bon Dieu, & que de mieux en mieux il fasse deuoir d'un bon Chrestien. de plus vous donnerez au malade ce que ie vous baille: C'estoiēt deux biscuits, & deux racines.* Le messager retourne à Cusance, trouue que le malade auoit receu la parole à la mesme heure que le saint Homme l'auoit asseuré de sa santé. Ce qui leur donna nouveau sujet de louer Dieu, & recognoistre les nouvelles obligations qu'ils auoient vers son saint: auquel ils recognoissoient tant de diuinité pour pouoir ce qu'il vouloit, & par grace cognoistre absent ce que

*Grande confiance du Baron de Beaumont enuers S. François.*

*Le fils dudit Baro guary.*

ce que voit par nature celuy seul qui est present.

Louys Paladini de Leccie, iuge royal en la cité de Cufance, pendant les chaleurs vehementes de l'Esté, fut faisi d'une fièvre continue, qui augmétoit de iour en autre, & l'auoit trauaillé ia trente iours de suite, sans que les Medecins y peussent mettre ordre quelcōque. On les assemble de réchef pour inuenter vn dernier remede. La consultation faicte, ils cōclurent, laisser faire nature, puis que leurs ordonnances n'aduançoient rien. La femme du iuge bien fort affligee d'entendre ceste conclusion, luy estant bien aduis que c'estoit desesperer tout, elle s'aduise auoir entendu parler des guarisons miraculeuses du bon Pere saint François de Paule, & enuoyer luy recommander à ses graces & prieres la necessité presente de son mary. Elle luy despesche vn sien seruiteur nommé Ieá : luy commande aller habilement à Paterne vers le saint Homme, & s'acquitter fidelement de son message, demandât secours pour son maistre. Le bon Pere, qui n'estoit aucunement chiche des graces que Dieu luy auoit eslargies, tousiours prest soulager ceux qui auoient recours à luy, enioint au seruiteur prendre deux morceaux de pain trempéz au vinaigre, mettre dessus du poyure, de la canelle, des cloux de girofle, du gingembre: piler le tout ensemble, & de la paste faire deux cataplasmes: l'un desquels il appliqueroit sur l'estomach, & l'autre sur l'eschine: luy promettant apres ces choses accomplies la santé de son maistre. Le seruiteur re-

tourne,

tourne , & rapporte le tout par ordre à sa maistresse , qui iugeant ceste medecine assez grossiere , luy sembla à propos appeller les Medecins pour consulter s'il seroit expedient s'en seruir. Tât s'en faut qu'ils en fussent d'adu-  
 uis, qu'un d'eux le plus superbe, lascha ces paroles avec desdain: *Voyez ie vous prie, nous auons esté trois Medecins employez pour ce malade; chacun de nous assez capable rendre la ieu-  
 nesse à un homme chargé d'annees: Et cet ignorant presumera faire merueilles avec ses belles medeci-  
 nes?* Ainsi parle souuent la sagesse apparête des hommes, qui deuant Dieu en effect est vne pu-  
 re folie. C'estoit au despens du malade, qui au grand trot alloit mourât. Quoy voyât sa fem-  
 me, & que les Medecins n'ordonnoient , & ne sçauoiët plus qu'ordonner pour son mary: bië qu'auparauant elle n'eust assez respecté le cõ-  
 seil du S. Hõme: la chose desesperée la forçât, ou le peu qui luy restoit d'esperance l'inuitât, renuoye de rechef le mesme seruiteur au S. Homme . Qui soudain qu'il eut apperceu le messager, le deuance de ces paroles: *Ie sçay, mō amy, pourquoy vous estes venu: retournez de ce pas, sans attendre de moy autre chose que ce que i'ay premieremēt ordonné. Celuy qui ne peut croire, ne peut recenoir la grace qu'il desire. Dites à vostre maistresse, que si elle veut que sō mary guarisse, qu'elle fasse tout ce que ie luy ay mandé.*

Elle oyant cela quitte les Medecins, execute promptement , & de point en point l'ordon-  
 nance du S. Homme, applique les susdits cata-  
 plasmes és lieux qu'il luy estoit commandé le  
 long d'une nuit seulement . Le lendemain  
 matin

*Guarison a-  
uec sa predi-  
ctiō, du iuge  
de Cusance.*

Le matin le iuge se trouue sans fieure, demande à manger, & tost après se leue du liēt en bonne santé, & grande admiration de ce beau miracle, duquel ne voulant estre ingrat prendre iour pour aller remercier son bien-heureux medecin. Auant que partir de Cusance il fait sçauoir à vn sien amy Nicolas Bombino Notaire de son estat, que le Lūdy suiuant il se transféreroit à Paterne avec sa femme, qu'il luy preparast le disner, apres lequel il yroit saluer le S. Homme, le notaire s'acquittoit dignement de ses recommandations. Le disner estoit prest qui attendoit le iuge aux iours, & heures assignees, quand le saint Hōme, sans receuoir autre aduertissement que de la part de Dieu, sortant de son Conuent vint trouuer le notaire: luy dist, qu'il mangeast son disner: que le iuge retenu d'affaires, ne viendroit que le lendemain. La prophetie aussi tost prononcée, aussi tost recueillie, & rapportée au iuge: qui portoit d'autant plus impatiemment estre retardé, voir la merueille de son siecle. Le matin venu, s'achemine alaigrement avec sa femme: vont trouuer le saint Homme: le saluent bien humblement; & entrent en discours pour luy verser mille & mille actions de graces à ses pieds. La femme auoit commandé à vn sien seruiteur, pendant le deuis, couper vn morceau de drap des habits du S. Homme, qu'elle desiroit garder par deuotiō. Le seruiteur pour executer ce qui luy estoit cōmandé, voyāt le saint Homme engagé de discours avec son maistre, & sa maistresse: iugeant estre à propos, s'approche, aueind ses cyzeaux fort secrettement, & veut

& veut commettre ce pieux larcin. Mais le bõ Pere, qui n'ignoroit rien de leurs desseins, Patend iusques à ce point: & quittât son discours encömmencé se tourne: le retiét, & luy dist, *Mõ amy la deuotion ne consiste point à tenir, & porter les picces de drap des Sainctz: ains aux bonnes œures & charitables*. Cest aduertissement seruit de conclusion à ceux ausquels il parloit: si qu'à l'aduenir, s'addonnerent entierement à mener vne vie vrayement vertueuse. Lisez attentif- uement, lisans remarquez diligemment en ceste histoire seule, vous y verrez trois prophecies bien distinctes, & notables. Ce seroit peu de chose voir le S. Homme s'employer si charitablemēt aux œures de misericorde corporelles, si les spirituelles ne luy eussent esté en plus grãde recömandation. Faire biē au corps des hommes luy estoit comme vn accessoire: mais penser au salut des ames estoit biē le but principal où il visoit. Il fut vn iour visité à Paterne par vn honneste citoyen de Catanzare, qui se nommoit André Spame, & qui ne perdit pas ses peines, car le bon Pere entrant en discours avec luy: fait tomber incötinent le propos qui luy pesoit le plus en l'ame: *Vous auez*, ce luy dist-il, *vn pere qui est de mauuaise vie, & sur tout grãd blasphemateur du saint nō de Dieu, & vn tel (il luy noma) de vos freres qui fait le fol, & imite le mauuais exēple que sō bõ Pere luy a donné. Retournez dōc au plus tost que la commodité le vous permettra, leurs dites que ie leur mādē de la part de Dieu: que s'ils ne se corrigēt en bref, qu'un seuerie iugemēt leur est preparé*. Cet hōme vn peu espouuāté de si piteuses nouuelles s'e va de ce pas

*En quoy consiste la principale deuotion.*

*Efficace des  
paroles de S.  
François à la  
sualetatiô.*

pas au pays: entré qu'il est dans la maison, il assemble son pere & son frere, & avec le reste de l'estonnemēt que le S. Hōme luy auoit donné, leur refere les mesmes paroles qu'il auoit entenduës: mais paroles dignes de la bouche d'où elles estoiet sorties, ie dis du S. Hōme, qui n'halenoit qu'amour & charité desquelles il amollissoit les cœurs, voire des plus obstinez ou habitez au mal. Car ce fut chose admirable, voir ces deux persōnes, le pere & le fils si fort touchez à penitēce, que les actiōs suiuiātes dēmentoiet absolüemēt la vie passée: perseuerāt en si saintes œuures iusques à la fin de leur vie. Il sembloit que Dieut eut reuelé au S. Hōme tout ce que la nature cache plus secretemēt. On sçait que si les pēsees sont bien enfermées dās le cœur de l'hōme, le serpent ne l'est gueres moins dans son trou: le bon Pere toutesfois perçoit de veuē le cœur de l'homme, & de la terre; & découuroit ce qui estoit caché dedans. Pédant qu'on bastissoit son Conuēt à Paterne, il auoit mené avec soy quelques ouuriers trauailler au bois, couper, équarrir, amener ce qu'ils trouueroiet propre pour faire la charpenterie. Vn d'eux qui se nommoit Iean Calendin, pour quelque nécessité particuliere qu'il eut, s'éloigne quelque peu des autres; & va droit à vn gros arbre qui estoit deuant luy. Ce que voyant le S. Homme s'ecrie hautemēt; & l'aduertit se retirer bien tost, qu'il y auoit vn gros serpent & fort venimeux caché au pied de l'arbre. Ce maneure regardāt, & ne voyāt rien, neglige l'aduertissement donne, s'approche de l'arbre pour la reposer, si les effects n'eussent

*Il decouure  
vn serpent  
caché en son  
trou.*



n'eussent fuiuy la parole du S. Homme . Car voicy sortir vn long & gros serpent qui poursuit ce pauvre homme, & le chasse vers les siés. A luy est de courir plus habilement qu'il n'est venu, & crier misericorde & au secours. Le S. Homme assura les autres, assez estonnez de voir chose si horrible, hideuse & les fit aller apres avec les outils & bastons pour le tuer. Cela les fit sages à l'aduenir pour croire & suiure les aduis du S. Homme en toutes autres occurrences: remarquas qu'il prenoit certaine connoissance des choses mesmes les plus occultes & cachees . A raison dequoy bien souuent il preuenoit les messagers qui le venoient trouuer, pour affaires occurentes, & leur disoit premier ce qu'ils auoient de commission pour luy referer, comme au faict suiuant.

André Celeste, bourgeois en la ville de Paterne, voyoit sa femme en extremite de maladie, telle qu'il n'y attendoit que la mort, apres l'assurance qu'il en auoit receu des Medecins qui l'auoient du tout desesperee pouuoir prolonger d'auantage sa vie. Il conclud importuner le S. Homme, & tenter si ceste voye ne seroit point plus fauorable à son extreme necessite. Il vient donc au Conuent fort delibere, & fortifie de ses esperances: mais qui furent soudain arrestee: comme il semble à vn homme ignorat des ordonances du Ciel, que les malheurs de la terre ne cheminent iamais seuls: mais se trainent enqueue l'vn de l'autre . Cet homme affligé entroit au Conuent, demadoit le bon Pere, croit aussi tost voir sa requeste respondue que presentee . Mais on luy parle ce

E e

qu'il

qu'il n'attendoit ny entendoit pas : qu'il n'y a moyen de parler au saint Homme : y auoir trois iours & trois nuits ia passées qu'il n'est fortly de sa cellule: personne de la compagnie n'oser entreprendre le diuertir du repos de la contemplation: que besoin estoit s'armer de patience, & retourner chez luy, si mieux n'aymoit attendre la sortie du S. Homme : qu'ils ne luy permettoient pour l'heure s'approcher de sa cellule pour l'importuner. Ceste response iettoit desia ce pauvre Hōme au desespoir, lors que voicy venir le bon Pere , qui auant qu'on luy dist vn mot, il s'adresse à cēt homme: *André, pensez-vous que vostre femme doine mourir? Par charité ie vous promets que Dieu luy aydera, n'en doutez nullement.* Si Dieu l'entreprend, repartit ce pauvre homme, ie croy que rien ne luy est impossible: autrement ie ne me promet rien de sa vie. Le S. Hōme mit la main dans sa manche, retire vne petite racine , luy donne: *Tenez ce luy dit-il, prenez cela, & le portez à vostre femme : aussitost que luy aurez mis dans le nez, elle sera guarie.* Cest homme retourne en sa maison , trouue sa femme en aussi mauuais estat qu'il l'auoit laissée: il pratique l'ordonnance de son Medecin, applique la racine és narines de la malade: la voila soudain surprise d'un profond sommeil: elle repose fort doucement, & se resueille en aussi bonne santé qu'elle s'estoit iamais retrouvée. Qui auoit faict entendre au S. Homme enfermé dans sa cellule, la maladie de ceste femme, son extremité, le sujet de la venue de son mary au Conuent? Toutes choses presentes à la verité, mais aussi incognues, que la future sã-

*Predit & cause la santé d'une femme de Patenne.*

ré qu'il luy promit aſſeurément, comme elle arriva ? C'eſtoient vrayement des lumieres qu'il receuoit en l'oraïſon, baſtâtes d'eſblouir toute autre faculté, viſiue, hormis celle de ſa bien-heureuſe ame.

Voicy vn autre notable eſſect des internes lumieres de ſon ame, Antoine Merine citoyen de la ville de Paterne: ou que ſes affaires domeſtiques, ou le ſeruice du public luy euſſent emporté, il retournoit des champs en ſa maiſon. Approchant la ville à vn quart de lieuë près, en vn lieu qui ſe nomme *Tous les Saints*: il ſe retrouve en grande peine: il cheminoit, & ne ſcauoit ſ'il approchoit ou reculoit de la ville. C'eſtoit lors enuiron l'heure de minuit. Il retourne prédre vn chemin: il le laiſſe pour en commencer vn autre: il n'en tient en fin pas vn des deux. Le voila arreſté court, contrefaiſant l'eſchauguette, pour deſcouurir des yeux ou des aureilles: & à la faueur d'vne lumiere ou de quelque bruit, pouuoit redreſſer ſon chemin. Aller d'auantage, c'eſtoit peut-eſtre ſe condamner à la peine de reuenir: demeurer en ce lieu, la crainte & frayeur d'eſtre la proye de quelque beſte ſauuage l'en diuertit. Ceſt de ſe recommander à Dieu, & attendre ſon addreſſe, qui fut telle. Le ſainct Homme ſort de l'oraïſon au meſme temps, & quitte Dieu pour le retrouver en ſon prochain, il appelle deux Religieux: *Allez*, leur dit-il, *en vn lieu: vous y trouuerez Antoine Merine, qui a bien beſoin de vous.* Ces Religieux ſortēt le Cōuent, & vont droit au lieu aſſigné, retrou-

*Voit en eſ-  
prit vn hō-  
me eſgaré  
par le che-  
min & au-  
quel il en-  
uoye ſes Re-  
ligieux.*

penſees: ils luy font entendre leur commiſſiõ, l'amenent au Conuent: il entre en l'Egliſe, où il remercie Dieu d'un ſi grand benefice qu'il auoit receue en ſon particulier: donnant au S. Hõme vne veue aſſez forte, pour le recognoiſtre de ſi loing, & au trauers des plus eſpaiſſes tenebres de la nuit: & pour le generale d'auoir mis en ſon Eglife SAINCT FRANÇOIS de Paule comme vn phare & flambeau pour redreſſer les eſgarez ſpirituellement & corporellement.

Comme c'eſt noſtre Dieu qui iette les premiers fondemens, & donne commencement d'eſtre à toutes choſes: c'eſt luy meſme qui leur donne la puiffance de croiſtre, augmenter & ſe perfectionner. Il auoit ia fait eſclorre pluſieurs effets de ſa prouidence en la naiſſance de l'Ordre de S. FRANÇOIS de Paule. De iour à autre il luy faiſoit faire vn progrez admirable, & par des voyes auſſi admirables qu'elles eſtoient extraordinaires. Le S. Homme donc voulut commencer vn Conuent en la ville de Corilian: premier que de mettre la main à la truelle il falloir trouuer des materiaux: ſpeciallement des pierres propres à faire de la chaux. Il prend des ouuriers qui ſcauoient par leur art où elles ſe trouuoient plus facilement, afin de les luy enſeigner. Il les conduit avec ſoy en vn lieu aſſez proche de là, mais fort deſert. Qui diſoit y en pouuoit trouuer en vn certain lieu: qui en vn autre qu'il luy nommoit: mais tous aſſeuroient n'y en auoir aucunement en ce lieu cy: que iamais il n'auoit eſté iugé propre pour y en auoir. Le S. Homme neantmoins leur dit,

leur dit, de cauer en terre, & en chercher. Les maneuures contestent, & luy remonstrent de ne leur point commander le trauail en vain: c'estre de leur art recognoistre les terres qui couurent ceste pierre : qu'ils scauent fort bien qu'ils ne decouuriront rien que leurs peines. *Ne laissez pour cela defouiller la terre*, leur repartit le S. Homme, *Dieu y pouruoira*. Ces maneuures prennent leurs outils, & comme par maniere d'acquit picquent la terre, la iettent de costé & d'autre, iusques à ce que peu à peu ils commencent à remarquer des indices de ce qu'ils cherchoient. C'est lors de trauailler à bõ escient : où en fin ils trouuent ceste sorte de pierre, & en si grande quantité, qu'il y en eut trop plus qu'il n'estoit necessaire pour acheuer tous les bastimens. Qui ne se persuaderoit, & trop facilement, & plus librement n'aduoueroit que le S. Homme avec la veue de son esprit perçoit le ciel, pour decouurir ses thresors, puis qu'avec les yeux du corps il donnoit iusques à ceux qui estoient cachez dans terre.

*Contre l'ad-  
uis des car-  
riers, fait  
fouiller ter-  
re, & trou-  
uer ce qu'ils  
cherchoient.*

Lors que le S. Homme fut arriué à Coriliá, pour recognoistre & aduiser des moyens d'y pouuoir edifier vn Conuent. Comme les habitans du lieu le desiroient avec passion, & en prioient importunément le S. Homme. Vn des plus honorables citoyens de la ville, ils se nõmoit Louys Romee, luy fait present d'une terre, & le supplie l'auoir agreable pour y bastir son Conuent. Le S. Homme l'accepte, & aussi tost s'y achemine avec vn bon nombre d'ouuriers: ou arriué qu'il est, d'abord il leur commande fouiller en vne certaine place qu'il

leur marque. On ouure la terre, on la profode. Il se decouure vn cōmencemēt de muraille: on poursuit iusques à tant qu'ō eut trouué la muraille entiere avec vn sepulchre fort ancien, qui fournirēt autāt de pierres cōme il en estoit requis pour bastir tout le Conuent, sans chercher vne carriere ailleurs que la place mesme. Cela estonna biē fort celuy qui la luy auoit donnee: pour n'auoir iamais recogneu, ou par ses predecesseurs, qu'il y eut rien de si particulier en ce lieu descouuert nouuellemēt par sō nouveau possesseur: auquel rien n'estoit nouveau, puis que rien ne luy estoit caché.

*Deuotio ex-  
treme du  
peuple enuers  
S. Francois.*

Les faictz merueilleux du S. Homme croissoient de iour à autre, & avec eux la deuotion du peuple en son endroit. Qui desiroit le voir, & le tenoit à grand heur: qui auoit l'honneur de luy parler: cestuy-là venoit se recommander à ses prières, & cestui-cy desiroit garder quelque chose de ses Reliques, chacun comme sa deuotion le pouffoit. Faisant sa demeure au Conuent de Paterne, Nicolas Monacho le venant visiter, auant que se separer de luy, il demande vne aumosne spirituelle au S. Homme, ou son Cordon, ou vn morceau de sa tunique, pour sa femme, qui en desiroit avec vne grandissime affection. Le bon Pere le fit bien ioyeux, il luy donne son Cordon, & le renuoye aussi content que s'il eust emporté avec soy vn grand thresor. Sorty qu'il est, le bon Pere appelle vn Religieux nommé frere Sainctin, natif de Paterne mesme, & luy commande prendre vn pic, & fouir dans terre en vn lieu qu'il luy mōstroit. Le Religieux obeyt, il ouure la terre, & trouue vn Cordō tout neuf,

comme si presentemēt on l'eust enterré. Le S. Homme luy dit y faire les nœuds ordonnez en sa Regle: en les faisant il l'interroge: *Mais mon Pere, est-ce vous qui auez mis là ce Cordon? Non, mon fils,* respondit le S. Homme, *c'a esté nostre Dieu, qui peut toutes choses, & nō pas moy.* Dieu auoit caché secrettement le Cordō pour estre retiré publiquement par vn homme diuin, qui cognoissoit les choses cachees avec la mesme facilité que nous voyons celles qui sont exposees à nos yeux.

Vn citoyen de Paterne, Thomas Barbier, *Homme à l'agonie & ingé mort pour ensevelir, est garanti par la priuison de saint François.* estoit detenu d'une grande maladie, elle prend son cours si habilement, que dans peu de tēps il vient à l'agonie, ayant ia perdu le sens, le iugement, & en fin toute espece de mouuement: par lequel on eust peu tirer quelque argumēt de vie. Les parens concludoient à le faire enseuelir. Le Sainct Homme est enfermē dans son Conuent en sa cellule deuant son Oratoire: où absent qu'il est il voit ce triste mesnage, qui alloit enterrer vn homme, non du tout mort, bien que sa vie fust fort cachee. Il sort donc de sa chambrette, & appellant quelques-vns de ses Religieux, leur donne vn peu de fruiçts, *Allez,* ce leur dit, *à une telle maison de la ville: aduertissez de ma part ceux que vous y trouuerez que leur parent n'est point mort, & qu'ils se gardent bien de l'enseuelir: mais plustost qu'ils luy donnent ce que i'enuoye, & apres en auoir usé il se portera bien, car il ne doit point mourir à ce coup.* Les Religieux vōt, & entrēt en ceste maisō. Ils trouuent ce que le S. Homme leur auoit dict. On dispoisoit tout ce qui estoit necessaire pour

la sepulture . Mais faïssant entendre la cōmission de laquelle leur bon Pere les auoit chargez: on change aussi tost d'aduis & de maintien: les larmes se tournent en ioye, comme le desespoir en esperance . On donne sur le malade le present du saint Homme: le voila qui ouure les yeux, qui demande à manger, reprend ses premieres forces, avec vne parfaicte santé: que le sage a bien dict: *Que l'ame du Iuste voit plus claire que dix eschauguettes au haut d'une tour.* La presence du saint Hōme en son Conuent pouruoit aux neccessitez d'une maiso absente, & la remplit de louanges, & action de graces vers la bonté de nostre Dieu.

La charité du bon Pere qui auoit pourueu soigneusement pour sauuer la vie d'une homme s'exerce à present pour garder l'honneur d'une fille, & de ceux à qui elle auoit l'hōneur appartenir . C'est vne fēme deuotieuse de Parterne, nommee Brigide Frontere qui vient avec sa fille, qui n'estoit encore mariée, saluer le saint Homme , en intention d'en rapporter quelque sainte instruction : comme elle ne perdit pas les peines biē qu'elle ne les gaignast pas en la forme qu'elle se promettoit: car le S. Homme luy parle d'abord d'une facon qui luy fit entendre assez facilement le peché secret qu'auoit commis sa fille: & qui est pis au iugement du monde, l'effect ensuiuit: qui estoit de present la grossesse de sa fille, qu'elle ignoroit. Mais que le bon Pere cognoissoit si clairement, qu'il luy dit : *Allez, retournez chez vous tout presentement, & donnez ordre de marier ceste fille au plustost que vous pourrez à celuy qui demeure*

*re en*

*Peché secret  
desconuerti.*



re en vostre maison, car c'est son mary. La mere fort estonnée se tourne vers sa fille, comme estant saisie de douleur, & ne luy pouuant parler que par la mine d'un visage courroucé. La fille ne pouuant soustenir cōtre l'auertissement du saint Homme, aduoue la faute à sa mere, & luy declare qu'elle est enceinte. Soudain la mere retourne chez elle, où ayant fait assembler des plus proches parens, elle passe le contract de mariage entre le ieune homme & sa fille: qu'elle confirma en face d'Eglise peu de iours apres: & cacha ainsi la faute passée, par l'entremise de la charité du saint Homme: auquel le peché secret estoit reuelé. Vray effect de la Bonté Diuine, qui gratifioit ceste pauvre femme, par l'aduertissement qui couurit vn grand scandale, si le fait eust esté decelé, & honoroit tousiours son seruiteur luy faisant part d'une parcelle de Diuinité en la cognoissance des choses les plus occultes.

Ce fut quasi chose semblable ce qu'il respondit à Gabriel Gautier, qui estoit venu luy recommander vn sien fils fort malade. Le bon Pere pour guarir parfaitement la maladie, commence à la cause qui estoit presente, mais cachée. Car vn des plus grands effects du peché, est l'auement pour ne le pouoir voir soy-mesme: c'estoit le mespris que cet homme faisoit de son Pere, qui cauait le malheur à son fils, à raison dequoy le saint Homme luy ouurant le secret de sa conscience, *Va, ce luy dist-il, fais bien à ton pere, & ton fils s'en trouuera mieux.* Cest homme penitēt de sa faute passée, rend à l'aduenir tout l'honneur qu'il pouoit

*Enfant puni  
pour son pere,  
qui mespri-  
soit d'hono-  
rer le sien.*

uoit comme il deuoit à son pere, & dès l'heure mesme son fils retourna à santé.

*Promet la  
santé à une  
maladie de-  
sesperez.*

Antoine de Nicaistre auoit son fils malade iusques à l'extremité, si qu'on n'en attendoit que la mort. Il vient au Conuent, & parle au S. Homme avec vne parole triste, luy declarant la douleur qu'il portoit pour la perte de son fils. Le bon Pere le console, par l'esperance qu'il luy donne de sa santé, & luy donnant vn morceau de biscuit avec vne pomme: *Portez, ce luy dit-il, cela, & en faictes manger à vostre fils, & à vostre chemin passant sur le pont de Sauno, au bout d'en haut vous trouuerez vne pierre, renuersez-là, vous y trouuerez trois escreuiffes dessous, vous en poserez vne sur le fröt, & les deux autres sur les deux bras du malade, chacun à vn bras: cela faict il se portera bien.* Cest homme remercie le bon Pere, & passant son chemin trouue sous la pierre ce qui estoit caché, que le sainct Homme luy auoit reuelé, & faict à son fils ce qu'il luy auoit ordonné: lequel aussi tost receut parfaitement la santé. Laquelle si elle est donnée miraculeusement, les moyens desquels on se sert ne sont point moins miraculeux. Qui auoit asseuré le sainct Homme qu'il y auoit des escreuiffes sous vne pierre où il n'auoit esté voir: sinon celuy-la mesme qui les y auoit mises, pour executer sa volonté? Tant nostre Dieu est bon pour s'accommoder aux desirs des siens.

La prouidence de tous les hommes ensemble, est aussi diuerse en soy particulièrement, que l'estat de leurs ames se contrairie. Si que comme l'homme de bien n'ayant autre veue,  
que

que Dieu, ne veuille à rien plus qu'à se rendre agreable aux yeux de ceste diuine Majesté par vne Chrestienne reformatiō de son interieur. Ainsi l'homme voué aux delices du siecle corrompu, ne s'estudie qu'à luy complaire par vne affectée, & affectee cōposition de son corps. La preuue de ces exercices se lit presentement en la responce charitable du bon Pere à vn homme: mais vn homme qui viuoit en guise d'vne beste, & qui estoit chargé par le bruit commun du vice abominable, qui à raison de cela ne se nomme point. Il portoit ceste grosse poultre deuant les yeux de son ame, fillez du peché, qui l'empeschoit rien voir, sinon vne petite maille à l'œil de son corps, qui le rendoit vn peu difforme: pourquoy il s'affligoit extremement. Il cherche tous les moyens se faire quitte de ceste imaginaire incommodité: pour le dernier il a son recours au sainct Homme qui luy rendit vne responce digne de sa demande. *Va pauvre* homme, ce luy dit-il, *va miserable, corrige les vices & pechez qui laidissent tō ame, & qui la souillent bien autrement que ne fait ceste petite tache la beauté de ton corps: qui n'est autre chose que la figure des bestes. Ou tō ame porte l'image de Dieu, laquelle pourtāt tu dois tenir & conseruer belle & nette, si tu veux iouyr d'une parfaicte santé & beauté en ton corps. Pouruoy donc premieremēt au mal de ta conscience, & puis Dieu rēdra à tō œil la perfection que tu luy desires.* Ce pauvre malheureux fut touché au cœur par vne si charitable remōstrance du S. Homme, mais de Dieu: qui parloit par vn homme, auquel il ouuroit les

*Descouure à  
vn Pecheur  
l'estat de son  
Ame.*

secrets

secrets cachez dās les plus interieurs replis du cœur, pour les faire voir au plus obstinez pecheurs, apportant ensemble les remedes propres au salut des ames, & conuenables à la santé des corps.

Le fait suiuant n'est beaucoup dissemblable à celuy là , sinon qu'il ne contenoit qu'une seule Prophetie, où celuy cy en rapporte deux. Fabrice Monze bourgeois en la ville de Ta-uerne, auoit vne sienne sœur, qu'il garda malade par l'espace de demy an en sa maison . La maladie auoit si fort atteint ceste pauvre fille, qu'elle luy laissa en sa sortie vne perte entiere de son iugement, pour se porter par fois iusques à des folies, & manies insurportables. La charité Chrestienne , avec l'amour naturel, persuadent au frere continuer ses bonnes volontez enuers sa sœur, & ne se point lasser de bié faire, à qui le mal au lieu de diminuer, augmentoit. Il appelle donc vn sien frere plus ieune que luy en toutes facons . Il importoit peu pour l'age, si les mœurs, & la vie eussent esté plus reformez au niueau de la raison, & de la religion. Il luy commet ceste charge : aller à Paternelle saluer le saint Homme , & luy faire entendre l'affliction ou ils se retrouuoient à present: qu'ils ne se pouuoient plus promettre d'autre secours que de la part de Dieu : & par ses prieres charitables, s'il luy plaisoit leur en faire part. Le bon Pere plein d'ardante affectiō, pour bien faire à tous , donne à ce messager plus qu'il ne luy demandoit . Il l'assure tout premierement de la santé de sa sœur: que tout alloit assez bien pour elle quant à present: qu'il

veil-

veillast neantmoins avec son frere pour l'ad-  
 uenir, à empescher que pis ne luy arriue. Puis  
 d'un accent releué de zele, continue ses re-  
 monstrances à ce ieune homme: luy ouure le  
 cœur, & la conscience: luy fait voir l'un apres  
 l'autre, plusieurs pechez qu'il tenoit fort se-  
 crets. Que Dieu desployeroit vn iour aux  
 yeux de tout le monde, ce que nous croyons  
 follement estre bien caché. Son obstination  
 au peché auoir merité vn espouventable cha-  
 stiment de Dieu: sa seule Bonté l'auoir arresté  
 pour n'en venir iusques aux vengeances deues  
 à ses demerites: qu'au reste il aduifast, & bien  
 tost se faire quitte du mal, qui prouuoit la  
 iustice de Dieu s'exercer sur luy: le temps de  
 de sa vie n'estant permis se prolonger pour au-  
 tre fin, que pour s'employer à faire penitence.  
 Ce ieune homme retourne au pays, & apprend  
 par le tesmoignage de ses parens, qu'à l'heure  
 mesme que le saint Homme luy auoit pro-  
 mis, sa sœur auoit receu la santé, recognois-  
 sant tous ensemble que c'estoit par sa vertu,  
 & merites. Puis rappelant en souuenance  
 les discours qu'il luy auoit tenus pour son re-  
 gard particulier, il donne ordre à sa vie pour  
 la rendre conforme à la profession d'un vray  
 Chrestien. On pèseroit voir encores par ceste  
 histoire la femme de Hieroboam rechercher  
 le Prophete Achias pour la santé corporelle  
 de son fils: A laquelle le Prophete ayant ren-  
 du responce fauorable pour l'enfant, repro-  
 cha les crimes, & pechez trop enormes à celui  
 qui deputoit le message & à celle qui l'auoit  
 entrepris. Sinon que l'un comme l'autre de-  
 meurent,

*Dieu differe  
 la punition  
 du peché,  
 pour donner  
 temps de pe-  
 nitence.*



meurent, & meurent obstinement en leur pechez, où cest autre se donna à la penitence. Toutesfois le Prophete, comme nostre saint Homme, n'estoient poussez de zele, & charitez avec remonstrances, & corrections fraternelles.

Bernardin Aquin estant ennuyé d'une fort longue maladie, il commanda à un de ses domestiques s'acheminer à Paterne, pour consulter le saint Homme sur son mal, & luy recommander à ses prieres. Le messager vient au Conuent, & le bon Pere venoit au deuant pour luy parler premier qu'il luy eut fait rien cognoistre de sa commission: comme en effect il le deuanca de ces paroles: *Mon fils,* ce luy dit-il, *ie scay fort bien pourquoy vous estes venu. Le malade en faueur de qui vous auez pris ces peines pour me le recommander, est ia guarý, & quitte de son mal, retournez vous en au logis, & vous le trouuerez ainsi que ie vous dis.* Cest homme croit à la parole du saint Homme, & arriuant à la maison, il reconnut que les choses estoient arriuees à l'instant mesme que le bon Pere l'auoit assure de la meilleure disposition de son maistre: de laquelle absent qu'il fust, & sans en estre informé, il en scauoit l'estat aussi bien & mieux, que ceux qui luy en vouloient apprendre quelque chose.

Antoine Nielle de Catanzare, venant avec son pere, visiter le seruiteur de Dieu, estoient hommes qui auoient des lettres, & disoient des mieux suyuant les reigles du monde. Mais le bon Pere qui ne vouloit perdre

temps,

*Il assure  
d'une chose  
absente.*

temps, mesnage l'occasion si à propos par leurs paroles, de toucher quelques pechez par eux commis, mais qu'ils tenoient pour bien secrets. Il ne leur disoit si à descouuert les choses comme elles estoient: mais c'estoit avec telle industrie de sa charité, que chacun d'eux entendoit, & comprenoit ce qui les touchoit en particulier. Ils recognoissent aussi tost que le saint Homme estoit assisté de grandes lumieres; & que l'esprit de Dieu estoit avec le sien: qu'il voyoit clair dans leurs ames, & lisoit leurs vies dans leurs consciences. Le pere donc, & le fils sont touchés au cœur, & conuiennent ensemble de mesme volonté, pour demander au saint Homme avec toute instance, leur enseigner, ce qui seroit de faire pour sauuer leurs ames. Le bon Pere qui nauoit iamais étudié, ou appris autre langue que la sienn naturelle, sinon en l'eschole du saint Esprit, dont il parloit telles sciences, que bon luy sembloit, leur respond en bons termes Latins: *Diliges Dominum Deum tuum ex toto corde tuo, & ex tota animatua: Et proximum tuum sicut teipsum: & serua mandata legis diuine. Ex his enim mandatis tota lex pendet, & Propheta.*

*Il descouure  
des pechez  
secrets.*

*Regle in-  
faillible  
pour le salut.*

Vn ieune enfant auoit esté mordu cruellement en diuerfes parties de son corps, par vn chien enragé. Les parens de l'enfant estoient fort bons amis du saint Homme. A raison dequoy ils luy enuoyerēt à Paterne, vn messager, pour le supplier affectueusement les secourir en ceste grande affliction. Mais le bon

le bon Pere aduisant cest homme venu expres, & s'approcher pour luy faire entendre le subiect de son voyage, il luy respond aussi tost: *Mon amy vous estes venu trop tard, l'enfant est* *ja trespasé.* Ce messager retourne, & trouue que l'enfant venoit de mourir lors que le bon Pere luy en apprit les nouuelles.

*Il dit les choses absentes.*

*Cognoist ce qui est caché dans terre.*

Il arriua vn trouble entre les ouuriers, qui trauailloient au Conuent. Le bon Pere leur auoit chargé faire des thuilles, & à ces fins auoit faict disposer tout ce qui estoit necessaire à la reserue du principal: c'estoit la terre qui est propre à tel ouurage. Les voyla donc à rien faire, iusques à ce que le bon Pere arriuant, ils luy dirent, qu'il les auoit mandez en vain: à raison qu'ils n'auoient de terre, pour faire les thuilles: que celle du lieu n'estoit bonne pour cela. Le saint Homme leur monstra vne certaine place avec son baston, & leur dist d'y fouiller: ils luy remonstroient que ce seroit autant de temps perdu, avec leurs peines: estre de leur mestier recognoistre les terres conuenables à celle qu'ils cherchoient. Celle qu'il leur enseignoit, n'auoir nulle marque, ou apparence d'y resferrer ce qu'ils demandoient. En fin ils obeyssent au Saint Homme, & soubmettent leurs raisons à sa parole. A peine eurent ils commencé à cauer, ou mesme défleurer la terre qu'ils trouuent telle matiere, & autant qu'ils en pouuoient desirer pour accomplir la volonté du S. Homme, à qui Dieu reueloit les choses enfermees dans le sein de la terre, pour ne le laisser court en ses entreprises, & intentions.

La



La Prophetie qui fuit estoit vne chose bien plus secrette, que ce que dessus, & aussi admirable qu'aucune qui soit. Au peu de temps que le saint Homme seiourna à Naples, passant chemin pour venir en France, le Roy Ferdinand l'entretenoit fort particulieremēt, le commencement des discours estant aussi curieux que la fin deuotieuse. Apres plusieurs paroles, & diuers entretiens particulieremēt sur le fait du Conuent, que le Roy promet-  
toit bastir. Le saint Homme remply de zele, & charité pour le salut du prochain aggreant la bonne intention qu'il auoit pour luy bastir vn Monastere. *Ce n'est pas là, ô Sire, celui dit-il, le plus grand bien que vous pourriez faire. Il pourroit valloir pour le bien de vostre ame, rendre ce qui ne vous appartient pas, & ne pas faire si grandes aumosnes du bien d'autrui* Le Roy vn peu estonné d'vne si hardie remonstrence: *Et quoy mon pere, celui dit-il, croyez vous que ie possede quelque chose de mauuaise foy?* Le S. Homme luy repartir: *Sire, la surcharge des impôts, & tributs, que vous renouuellez tous les iours sur vostre pauvre peuple. C'est le bien de vos sujets, mais le sang des pauvres veufes & orphelins.* Ce disant, il supplie le Roy luy donner vne piece de sa monnoye. Le Roy luy donna vn ducat. Le saint Homme le prenant, & rompant par la moitié en sa presence, en fit couler plusieurs gouttes de sang: *Voyez Sire, ce luy dist le bon Pere, voicy que ie vous remonstre.* Le Roy demeurant bien estonné & tout pensif, ayant la conscience descouuerte par l'ouuerture de ce ducat, promit au saint Homme

*Digne pa-  
role de S.  
François.*

*En preuue  
de ce qu'il  
remōstroic  
au Roy de  
Naples, il  
fait sortir  
du sang  
d'un duc-  
cat, de ses  
actions.*

donner ordre à l'aduenir, que Dieu ne fust plus tellement offensé. La conclusion de ce chapitre sera vne Verité recognüe par le R<sup>me</sup>. Euesque de Grenoble, en la lettre qu'il escriuoit au Pape, peu apres le decés du S. Hôme : où pour porter plus aisement sa sainteté, à la Canonization de S. FRANÇOIS de Paule, il faict vn long narré des Miracles, dôt il estoit tesmoing oculaire: apres lesquels, il finit par celuy cy, l'admirant plus que les precedents. *Ce bon Pere*, dit il, *m'a reuelé plusieurs choses quand il viuoit, qui n'estoient cognues qu'à Dieu seullement, & a moy.* Remarque certes dignes d'un si digne Prelat, qui sçauoit trop mieux qu'il n'appartenoit qu'à Dieu seul, ou a vn homme tout diuin, ouurir & lire dans les liures des Consciences.

*Propheties des choses futures faictes par S.  
François de Paule.*

## CHAP. XXVII.

*La cognoissance des choses futures & contingentes propre à Dieu seul.* CE ne sont point les augures, les aruspices, les diuinations : ce ne sont point les sortileges, les magies, les forcelleries: ce n'est l'hydromantie, ny pyromantie, ny Geomanterie, moins la necromantie ou Gyromantie ou chiromantie : ce n'est ceste sorte d'astrologie iudiciaire nō plus, que toutes les autres sciēces noires: ce n'est en fin le diable, mais Dieu seul, & ceux desquels il luy plaist se seruir, aux yeux desquels avec verité se representēt à des-

couuert

couuert les choses plus fermées, & cachees. C'est la doctrine du Prophete Euāgelique: *Dites-nous* dist il, *les choses aduenir, & nous dirons que vous estes Dieux*. Aussi n'est-ce vne petite participatiō de la Diuinité, qu'un hōme d'un peu de temps puisse courir par tous les siecles passez, & futurs, compris dans l'instant de l'eternité, pour se les rendre presens. Je veux que ceste grace ait esté departie quelquefois à des hommes perdus, qui au iour effroyable du iugement seront payez du *Nescio vos*, Dieu n'ayant pour lors dedaigné leur ministere, pour le respect du rang qu'ils tenoient en son Eglise. Aussi que ceste grace estant gratuite, non gratifiante, peut (si Dieu veult) compatir avec le peché. Si est il vray que ceux que Dieu a honoré de ce don particulier, pour la plupart ont comme representé en eux vne petite image des perfections diuines. Araison de quoy l'Ecriture sainte les qualifie de ces tiltres: *Hommes de Dieu, Saints de Dieu, Messagers de Dieu, Anges de Dieu, Christs de Dieu* & le Coriphee d'entreux, nommé par la bouche de Dieu mesme, *Le Dieu de Pharaon*. Au nouveau Testament on les dict, *Saints Prophetes du Seigneur, Prophetes du Tres-haut*, & autres infinis epithetes, qui seuls entendus declamēt avec verité les hauts faicts de ces hōmes heroïques. Ce ne sōt pas nōs faux & tiltres empruntez en guise de ces seigneurs de toute la terre, & de nulle place. Mais il est vray qu'ils estoïent deuant Dieu, & ses Anges comme le S. Esprit, Esprit de verité infallible les nommoit, & en rendoit tesmoignage par l'Ecriture qui

*Le dō des miracles commune-ment n'est élargi qu'aux gens de bien.*

les dict hommes diuins & les nomme Dieux lors qui voyent clairement les choses futures passées, & les presentes mesme qui sont hors de nostre cognoissance, ce qui n'appartient qu'à Dieu seul. Neantmoins pour parler le commun langage, & n'estre particulier parmy vn vulgaire. Je dis que l'etymologie du nom de Prophetie faict entendre, & penser d'une cognoissance des choses futures reuelee diuinement aux hommes, pour le bien du general, ou particulier: quelquefois pour tous les deux. Vous en aurez le plaisir discourants par le menu sur les faicts, & paroles de SAINT FRANÇOIS de Paule, lors que particulièrement Dieu se seruoit de sa bouche comme d'un Oracle, pour annoncer aux hommes les euenemens futurs de sa volonté.

*Il predit la  
santé d'un  
en la mort  
de l'autre.*

Le saint Homme faisoit scieur au Conuent de Paterne: pendant lequel temps vn citoyen de la ville de Paule, qui se nommoit Bartole de Perri, le vient là trouuer se plaignant, comme demandant secours pour deux siens freres, qui estoient, ce disoit il, fort malades. Le S. Homme luy dit, que l'un d'iceux, à sçauoir Lucas guariroit: & l'autre nommé Nicolas mourroit de ceste maladie. Ce qui luy aduint cinq iours apres, qu'il passa de ce mode, comme à l'autre la santé fut parfaicte-ment rendüe.

Ce mesme Lucas Perri retourné en santé par les merites, & oraisõs du S. Hõme, voyant vn iour sa mere malade à l'extremité (elle estoit lors aux douleurs, & conuulsions de l'enfante-ment)

ment) la cruauté du mal luy ayant desrobé la parole l'espace de vingt quatre heures tenuë pour morte au iugement de deux sages femmes qui l'assistoient : son fils Lucas fait diligence pour aduertir le saint Homme, & le supplier, avec toutes les affections, prier Dieu pour l'estat desesperé de sa pauvre mere. Le saint Pere luy dict doucement, qu'il ne se tourmëntast pas, que l'heure qu'elle deuoit accoucher n'estoit encores venuë. Avec ces paroles le fils retourné en la maisõ de sa mere, luy en voulât faire part, & aux autres, qui auoient partage en son affliction, se promettant bien releuer leur courage, & en estayer leurs esperances, se trouue le premier abbatu du replis des mesmes, ou pires nouuelles, qu'il ne falloit plus rien attendre que la mort de sa mere. Ou que l'affliction extreme qui ne laissoit rien à tenter, voire avec hazard, sans autre esperance le chassa dehors : ou que quelque reste de deuotion qu'il auoit conçeuë vers ce saint Homme l'inuitast vser d'importunité en ses oraisons, il retourne soudain, luy certifie que sa mere s'en alloit mourant. Le saint Homme derechef le renuoye chez luy specifiant le temps, que dedans vne heure sa mere seroit deliurée, & qu'elle donneroit au monde vn bel enfant. Le message est rapporté fidelement, & sottement mesprisé : les domestiques, avec les sages femmes affermans que dans vne heure elle seroit plustost morte: que dans vne heure on parleroit de l'enseuelir, si ia ce n'estoit fait. Voila que pour la troisieme fois, diray-je le peu

*Trois propheties de l'aduenir.*

de foy, ou le trop d'amour emporte le fils pour la mere vers cet extraordinaire medecin, pour dire que les cris, & les pleurs en la maison tesmoignoient tout estre desesperé. Le S. Homme avec vne face ioyeuse luy respondit: *Mon fils, ne t'afflige plus, à ce mesme instant ta mere est accouchée d'une fille*: Ce Lucas croit fidellement, retourne tout ioyeux à la maison, & trouue par ordre estre veritable ce que le S. Homme luy auoit predit: qui ne fut sans laisser vne admiration grande à ceux qui prindrēt cognoissance comme le tout s'estoit passé. Car en vn fait se remarquent vne, deux voire trois propheties.

Le iuge de la cité de Cusance autrefois guarry par le saint Hôme, auoit vn fils qui apres vne grande maladie semblablement auoit esté miraculeusement pansé de ce celeste medecin deux mois apres son pere. Et comme Dieux a certaines personnes, ausquelles il tesmoigne par diuerfes, & frequentes correctiōs l'amour qu'il leur a voüé, & vne prouidence particuliere, de laquelle il les gouuerne pour les maintenir tousiours en humilité, nourrice des vertus: il le faisoit ainsi entendre à ce iuge lequel il visita derechef en son fils par vne rechutte de maladie plus d'agereuse, deux mois apres la susdite. Le pere ne peut oublier son bon medecin, il enuoye son seruiteur pour importuner derechef le S. Homme l'assister au besoin. Le seruiteur arriué veut s'acquiter de sō message, mais le bō Pere le preuint, *Vous n'auēz que faire* (dit-il) *m'exposer la cause de vostre venue, ie scay ce que vous desirez de moy. Allez mon*

*Predit la mort d'un enfant & la naissance d'un autre.*

le mō amy, diſtes à voſtre maiſtre qu'il loüe Dieu de tout, & s'arme de patience, Dieu a conclud appeller ſon fils de ceſte vie à vne autre meilleure, & dās peu de mois ſa femme luy en dōnera vn autre.

Quoy plus certain que les choſes predites par ce S. Homme? L'ēfant meurt deux iours apres: la mere ſe trouue enceinte & accoucha à terme d'un bel enfant

L'Achipreſtre de la ville de Paule tōba malade iuſques à la mort, tel au moins eſtoit le iugement non ſeulement de ſes amis, mais encores des medecins, qui deſeſperoient de ſa vie. Luy reſtant aſſez de cognoiſſance pour deſcouvrir qu'on l'abandonnoit, il ſe ſert en l'extremité du dernier remede. Il enuoye hōme expreſ, nōmé Nicolas de Iacquinta, pour ſe recommander tres affectueuſement aux prieres du S. Homme. Lequel eſcoute patiemment le meſſager, & reſpond auſſi toſt: *Diſtes, à l' Archipreſtre, qu'il purge ſa cōſciēce, que Dieu luy a enuoyé ceſte maladie pour l'aduertir de l'entretenir plus nettement, & viure plus ſainctement qu'il n'a fait par le paſſé: qu'au reſte pour ceſte fois Dieu luy fera grace, & qu'il ne mourra point de ceſte maladie.* De plus il luy bailla deux biſcuits, avec deux fueilles de certaines herbes: luy commande le porter au malade, luy dire de ſa part, qu'il les receuſt par deuotion. Le meſſager ſe charge de tout: retourne vers l'Archipreſtre, qui obeiſſant, & ſuiuant le conſeil du bon Pere recouure ſa ſanté. Deux ans apres le ſuſdit Archipreſtre eſt gagné, & abbattu de maladie: eſperant auſſi bonne yſſuē de ce voyage, que du premier:

*Il predit la ſanté & deux ans apres la mort à l'archipreſtre de Paule.*

il renuoye le mesme meſſager au bon Pere: lequel ne fit autre reſponce qu'on n'attendoit: *Diſtes à celuy qui vous a enuoyé, que ſon heure eſt venue pour partir de ce monde, qu'il penſe maintenant à ſa cōſcience mieux qu'il n'auoit fait dernièrement quand il celebroit la ſaincte meſſe: A faute de ne s'eſtre acquitté de la penitence requiſe. Qu'il diſpoſe du peu qu'il luy reſte de vie pour le bie mourir.* Ce Nicolas retourne habilement: & n'oublie rien du conſeil qu'il auoit receu du S. Homme: conſole le patient Archipreſtre, l'exhorte tref-bien des choſes qu'il iugeoit concerner ſon ſalut, perſeuerer en cet exercice par ſoy, & par d'autres, iuſques à ce que l'heure prediſte par le S. Homme arriuaſt, qui fut le lendemain que l'Archipreſtre rendit ſon ame à Dieu. Deux fois le ſainct Hōme cognoiſt les fautes paſſees, recognues de Dieu ſeul, auquel appartient ſçauoir le ſecret des cœurs: deux fois il predit ce qui doit arriuer à l'Archipreſtre: autant de fois Dieu faiſt veoir ſon ſainct Homme couuert de merueilles.

*Par ſa prediſtion il preſerue vn hōme de mort.*

Nicolas de Mercure natif de Paule eſtoit à ſa beſogne, & foſſoyoit en vn certain lieu. Le ſainct Homme l'ayant deſcouuert, par vne lumière interieure, accourt vers luy l'aduerter ſe retirer de là, & habilement, qu'autrement il y alloit du danger de ſa perſonne pour eſtre bleſſé, ou meſme tué. A peine ceſt homme eſtoit party, & s'oſté hors de ſa place, que voila vne fort groſſe pierre qui tomba impetueuſement du haut de la montagne, qui ſans doute quelconque l'euſt eſcrauanté, s'il



s'il n'eust bougé de la place. Il le reconnut, & aussi-tost rendit graces à Dieu & au saint Homme de son charitable & salutaire aduis.

Le don de Prophetie, estant vn des dons de la grace gratuite, & nō gratifiante, n'accompagne pas tousiours les Saints: pourtāt il ne se fault estonner, si quelquefois ils ont ignoré pour eux, ce qu'ils preuoioiēt pour le bien des aultres: Dieu les voulant conseruer en humilité, & leur dōner aussi subiect, de meriter par la patience. Voicy nostre S. Homme, qui auoit à la bonne heure, donné aduis au precedent miracle, se garder d'vn peril imminent: qui est luy meisme rudement frappé d'vn coup qu'il n'auoit preueu. Ce fut en bastissant le Conuent de Paule, que le S. Homme trauillant, en vn Vallon de la forest avec plusieurs ouuriers, lesquels estoient au hault de la Montagne, d'où iettant à bas vn arbre ou sommier avec trop de violence, & sans aduertir de se dōner garde: Ce sommier tombe sur le saint Homme, le iette par terre, luy desboitte la cuisse, & le rend comme mort. Ces pauures ouuriers grandement estonnés, accourent habilement, & portēs ce pauure corps fracassé au Conuent, le couchent sur son liēt: ou le bō Pere reueni vn peu à soy, & apperceuant les ouuriers, avec les Religieux, si fort affligés, & espleurés, pour la faulte commise en son endroit: sa charité estāt aussi saine, que son corps estoit blessé, commença à les consoler, & prendre ensemble le iour, auquel Dieu luy rendroit vne parfaicte santé. *Par charité* (dit-il) *il est*

*il est besoin que frere Corps demeure ainsi l'espace de trente iours.* En effect le temps expiré, bien que ses blesseures fussent quasi en vn si mauuais estat qu'au commencement: Neatmoins enuiron la minuiet, voicy arriuer vn tremblement si grad au tour de sa couche, qu'il iette le malade dehors; lequel se leue sur ses pieds, & ses iambes, aussi sain & dispos, comme s'il n'eut iamais senti aucun mal.

Vn riche marchand de Paule, nommé Nicolas Chirico, trafiquoit de costé & d'autre, comme c'est la coustume de telles gens pour chasser leur vie, de leur femme, enfans, & de toute leur famille, par mer, par terre, dedans & dehors le pais. Cestuy-cy auoit fait charger vne barque de vin pour amener à Naples. Ayant ja perdu terre, & singlé bien auant en pleine mer, voila venir vne bourasque, & tempeste si furieuse, qu'elle le chasse d'où il venoit, si que force luy fut retourner, & prendre terre à Paule: ou arriué qu'il fut, pensant aller droict en sa maison, il rencontre le S. Homme deuant son Monastere, qui luy demanda d'où il venoit: le marchand luy raconte au long ses fortunes: la perte qu'il faisoit: la saison de la vête se passer: les fraiz ia aduancez à ses navonniers reculer beaucoup son gain: & d'autres petites particularitez lesquelles il alloit racontant d'vne voix, & d'vn geste qui tesmoignoient assez le ressentiment, & les douleurs de son cœur. Le S. Homme le prend par la main, le conduit amiablement au Monastere: luy dōne entree, en sa Cellule: offre la collatiō: le prie se reposer, & prendre la resectiō:  
& le

& le conduisant il l'escoutoit patiemment: sçachant bien que les paroles d'un ame triste seruent de beaucoup pour esuenter la mine des passions, & que la ré peste en est tant plus douce, que le vaisseau de nostre cœur est plus déchargé. Les discours prennent fin, la collation cōmence. Le S. Homme le nourrit corporellement, & spirituellement de ses remōstrances, & le iugeāt capable d'entendre vne leçō plus difficile, cōmença ainsi: *Nicolas mō amy, il con-*

*vient vous armer de patience, Dieu voulant vous*

*tesmoigner l'amitié qu'il vous porte vous enuoye*

*des afflictions, & grādes à la verité, mais il vous*

*dōnera tout ensemble la force les porter coura-*

*gemēt, si vous vous en rēdez digne. Voicy vn autre*

*accident & tout nouueau, vostre fils est trespassé:*

ceste parole fut cōme vn tonnerre aux oreilles du marchand, le cœur saisi, la bouche ouuerte de souspirs interrōpus, & entrecoupez de paroles dolentes, c'estoit toute cōpassion de le voir, & entendre: principalemēt au S. Hōme, qui auoit le cœur fort tēdre à ressentir les afflictions de ses prochains. Aussi se mettāt soudain en deuoir de le consoler: *En charité*, luy dit le bō Pere, *ne vous tourmenteZ point si fort, Dieu a pourueu à vos regrets: dans vn an vous aurez ensemble deux enfans masles.* Ceste promesse prononcée à temps seruit beaucoup à releuer cet esprit abbatu de fāscherie, cōme de fait il demeura plus calme, & appaisé, prend congé du S. Homme apres mil actions de grace, des cōsolations & saincts aduertissemens qu'il luy auoit si charitablemēt donnés. Retourne à sa maison, entre, & voit son fils decedé. Au bout

de

*Dieu che-*  
*rit ceux*  
*qu'il affli-*  
*ge.*

de l'an le reste de la Prophetie du saint Homme accomplit. La femme du Marchand accoucha de deux enfans masles, & gemenx. Dieu par sa misericorde voulant rendre au double les pertes de ce Nicolas verifioit les promesses & paroles predictes par son saint & bien-aymé seruiteur.

En la ville de Rossance distante de Paule enuiron vne iournee & demie, vn chappelain nommé maistre Mathieu, qui auoit reputatiō de viure en homme de bien, vient au Conuent, enuoyé expres de la part de deux femmes malades: dont l'une estoit sourde, en intention les recōmander aux prieres du saint Homme. Comme il s'acquieft fidellement de son message, faisant instance sur la necessité de ces pauures personnes: Le bon Pere desirieux esperduement bien faire à tous, va en sa Cellule: retourne, apporte quelques medicamens: les donne au Prestre. *Portez, celui dit-il, cela à celle qui est sourde: & donnez cecy à l'autre. La sourde guarira, puis retombera malade, & tost apres retournera en sa premiere santé. Quand est de l'autre soyez certain qu'elle ne pourra guarir, à raison qu'elle n'a point de foy.* Le Prestre retourne au pays, void de ses yeux l'euement des quatre Propheties, ouyes de ses propres oreilles. Où se croyant luy mesme tesmoignoit aux autres les choses aduenir, & aduenües à ces deux femmes comme il les auoit apprinses par la bouche du saint Homme.

Comme l'Ordre prenoit son accroissemēt, & enfloit de diuers Monasteres de iour à autre:

*Faute de  
foy nous  
interclud  
de la fa-  
ueur du  
Ciel.*

tre : quelques enuieux voyants la grace de Dieu & l'honneur des hommes courir, & accompagner tous les desseins du bon Pere, se determinent ( recognoissant leur foiblesse) employer les forces estrangeres pour les contrepoincter sans repos. Car Dieu a plusieurs, & diuers outils par le monde pour exercer les siens, & empescher la rouille de leur vertu. La malice donc des petits abuse de la bonté des grands, s'ils ne sont bien sur leurs gardes, au rapport d'un monde de nouuelles, vrayes, menfongeres : desquelles on leur emplit les oreilles, pour tourner leurs conclusions en faueur de la passio, qui desploye ioliment la rhetorique de ces manieres d'orateurs, ou mieux, Sophistes, & bien souuent a l'entiere ruine du Prince, trop facile de croyance. Il en arriue ainsi au Roy de Naples. On luy suade, & persuade trop facilement, par raisons qu'ils disent d'estat, empescher l'establissement de l'Ordre du bon Pere s'aduancer d'auantage. On signifie l'Arrest du Conseil au saint Homme: la volonté du Roy estre telle: son deuoir l'obliger à l'obeyssance. Il repartit simplement, avec ce peu de paroles: qu'il obeyt à Dieu, & à son superieur, monsieur le R. Archeuesque de Cusance: qu'il supplie bien humblement sa Majesté vouloir le mesme que luy avec Dieu, & l'Eglise. La responce est recueillie fidellement, plus qu'elle n'est rapportee au Roy. Daniel a des competeurs en cour, qui espient toutes les occasions, pour l'accuser, de mespriser les ordonnances du Roy de Babylone, & le retirer de ses bonnes graces. C'est vn mes-

*La malice  
des petits  
abuse de la  
bonté des  
grands.*

*Quelques  
uns, par  
l'entremi-  
se, & au-  
torité du  
Roy de Na-  
ples, tran-  
uerse le  
beau pro-  
grez des  
Minimes.*

me

me subiect sur lequel se fondent ces hommes  
armez de malice contre le saint Homme,

*Le Roy de  
Naples*

*s'efforce en  
vain d'en-  
leuer mis-  
rieusement  
S. François.*

pour porter le Roy de Naples aux iniustes vé-  
geances contre luy & son Ordre : pour y par-  
uenir aussi sagement que le monde pense l'e-  
stre. Il enuoye à la sourdine vn maistre de Ga-  
lere, avec escorte, & quantité de soldats si-  
mulâts voyager sur mer, pour autres affaires :

en effect pour se saisir de la personne de saint  
FRANÇOIS de Paule, l'émener au Roy : & com-  
me il est vray semblable luy faire son procès,  
ou quelques autres indignitez, fondees sur le  
pretendu mespris des ordonnances de sa ma-  
jesté. Mais le S. Homme qui comme vn autre  
Elisee : mais comme tous les vrayz seruiteurs  
de Dieu, estoit enuironné de ses gardes ordi-  
naires, de tant & tant de legions d'Anges, n'a-  
uoit que craindte les armées des homes. Avec  
telle resolution se presente à ce maistre de Ga-  
lere, & luy dit de mesme de la part de Dieu,  
qu'il n'estoit à propos de present aller avec  
luy, trouuer le Roy : qu'il luy suffit porter ce

*Predit au  
Roy de  
Naples son  
malheur.*

message du Ciel, & signifier au Roy : *que si  
bien-tost il ne donnoit ordre à faire penitence, il  
verroit le desordre arriner tel en sa personne, &  
à son estat qu'il n'auroit l'honneur mourir Roy.*

Ceste responce estoit vn esclat & bruit de tô-  
nerre, qui tost apres tomba, & foudroya l'e-  
stat de ce Prince miserable. Dieu qui parle par  
la bouche des Prophetes, afin qu'ils soient  
trouuez fidelles, en leurs paroles, verifia par  
effect les menaces du saint Hôme. Car quel-  
que temps apres l'an 1497. Charles huitief-  
me Roy de France conquestant les Itales, &

trou-

trou uant resistance à Naples, poussa si courageusement sa pointe , qu'il force le Roy de Naples quitter la place : qui depuis percé de mille douleurs des pertes de son bien & de son honneur, mourut en exil . Son frere le Duc de Calabre luy succeda quasi aussi-tost à la mort, qu'à la couronne. A ces deux succeda Frederic fils du Duc de Calabre<sup>1</sup>, qui regna assez paisiblement pour vn temps : comme aussi il estoit estimé pour Prince bien sage, & fort aduisé . Neantmoins comme si Dieu vengeur de nos crimes, & forfaités iusques à la troisieme, & quatriesme generation n'estoit encores parfaitement appaisé, voulut se ressentir du tort à luy fait en la personne de son seruiteur saint FRANÇOIS de Paule , il osta de rechef le sceptre des mains de ce ieune Prince . Cecy arriua apres la mort de Charles huietieme qui fut vn iour des Rameaux. Auquel succeda Louys Duc d'Orleãs, qui estably Roy , meine vne forte armee en Italie, conqueste la Duché de Milan, avec vne bonne partie del'Italie , & particulièrement le Royaume de Naples : d'où il emmeine le Roy avec le Duc de Milan captifs en France en l'annee 1500. Et tous ces malheurs arriuerent en suite des menaces que Dieu auoit faites par la bouche du saint Homme: Qui d'autant plus persuadoient aux hommes de le recognoistre pour vray seruiteur de Dieu.

*Les grâds  
esclandres  
arriuez sur  
la maison  
de Ferdi-  
nand Roy  
de Naples.*

Vne chose estant autres-fois aduenue par ordre, comme le saint Homme l'auoit predict, donna sujet faire vne surcharge en la mesme maison,

maison, par mesmes personnes: pour mesme fin: horsmis que la responce du saint Homme fut dissemblable. Iean le Franc auoit vne sœur Vierge fort sage, & deuotieuse: elle tombe malade. Il enuoye le premier messager, leur beaufrere Nicolas, supplier le saint Homme pour la santé de ceste ieune fille. Mais aussitost que le bon Pere l'eut aduisé, il luy dit *Ni-*

*De combien  
les ames  
pures, sont  
desirées  
des bien-  
heureux.*

*colas mon amy, Iean vous a enuoyé demander  
quelques secours pour sa sœur. Mais allez luy di-  
re, qu'il n'y a moyen qu'elle puisse viure d'avan-  
tage: que la glorieuse Vierge Marie & madame  
sainte Catherine la veulent auoir proche au  
Ciel, qu'à ces fins elles l'ont demandée à nostre  
Seigneur, qui leur a oëtroyé, à raison de quoy elle  
vaut morte, & qu'il n'y pense plus.* Nicolas re-  
tourne rendre responce de son message & la  
ieune fille passa de ceste vie à l'autre le iour  
suyuant. C'estoit vn priuilege bié particulier  
au bon Pere prendre cognoissance de ce qui  
se passoit au Ciel, comme dire au vray ce qui  
doit aduenir sur terre.

*Il predict la  
mort d'un  
enfant.*

Il predict le mesme pour vn ieune garçon,  
qu'il auoit fait pour ceste fille. Le bon Pere  
alloit à la forest couper du bois, pour faire  
cuire de la chaux, son chemin donne à passer  
deuant la maison de Belin de Fleur, citoyen de  
Paterne, qui auoit vn sien fils malade à l'ex-  
tremité. Cet homme sortant de sa maison ad-  
uise le bon Pere: l'aborda, & le prie instam-  
ment, pour obtenir la santé de son fils. Mais  
le bon Pere luy dit qu'il apprint à conformer  
sa volonté à celle de Dieu; Que cet enfant  
estoit la disme de tout ce qu'il possedoit, &  
que



que nostre Seigneur le vouloit absolument auoir. A peu de tēps de là le ieune enfant passa de ceste vie à celle qui est bien-heureuse.

Pendant le long seiour que le bon Pere faisoit à Paterne, la Marquise de Pollissene luy enuoya par messager expres faire entēdre que son mary Henry d'Arragon estoit extrêmement malade d'un mal qui le pressoit aux flancs : se promettant quelque satisfaction au retour de son messager. *Il predict la mort au Marquis de Pollissene.* Je n'ay point, respondit le S. Homme, de remede pour luy, & qui luy peut profiter en façon du monde. Car Dieu a conclud le retirer de ce monde, & le tenir pres de soy. Neantmoins pour ne donner occasion d'augmenter l'affliction à vne si honeste Dame, ie m'en vay luy escrire vne lettre de consolation, & quelques petits remedes que ie vous donneray pour luy porter, mais qui seront inutiles. Le messager s'en va chargé de lettres, & de ce peu que le saint Homme auoit promis pour amuser, & faire passer plus legerement vne partie des douleurs de ceste femme si fort desolee, & trois iours apres estre retourné son maistre mourut comme le saint Homme auoit predict.

Au mesme lieu vne femme qui estoit venue pour receuoir la santé d'une certaine maladie, retournant en sa maison, le saint Homme l'appelle, & luy dit : de tenir sa conscience en bon estat, qu'elle n'estoit pas pour viure vn long temps, & que pour ceste raison elle deuoit veiller plus particulièrement d'estre bien tousiours avec Dieu. Ceste femme plus estonnée de sa mort, que touchée du ressentiment

*Prediction  
qui precede  
son effect de  
sept ans.*

*Excez de  
l'apprehen-  
sion de mort.*

ment du salut de son ame, entree qu'elle est en sa maison, elle s'afflige: qu'il ne falloit plus boire, ou manger puis qu'il ne falloit plus viure: qu'on ne luy parlast plus d'affaires: qu'elle se veut disposer à la mort. Son mary qui voit ce nouveau caprice, ainsi iugeoit il la crainte naturelle de la mort, qui auoit faisi l'esprit de sa femme: il luy demande ce que c'est: ce qu'il y a: s'il est arriué quelque chose de nouveau en la maison. Elle luy dict que le saint Homme luy auoit predict sa mort estre fort proche, qu'il estoit vn homme de Dieu. L'experience apprendre tous les iours les effects suiure ses paroles: que cela la mettoit quasi hors de soy: le mary bien estonné de ces nouuelles, quasi autant que sa femme: dés le lendemain du grand matin, il vient au Conuent. Le bon Pere luy vient parler. Cet homme luy demande s'il en estoit ainsi comme sa femme luy auoit donné à entendre, à raison qu'elle en auoit prins si fort l'espouuante. Le bon Pere luy dict qu'elle viuroit encores sept ans: que pendant ce temps elle s'exercast en toutes œuures pieuses, & Chrestiennes, sans craindre autrement ce qui est si commun à tous. Ceste femme entendant ces nouuelles, & que la mort n'estoit si proche qu'elle se persuadoit, rappaise son humeur effarouchée: suit le conseil du saint Homme, duquel la prophetie se verifia le temps expiré.

Vn certain maistre François estant venu à Paterne pour visiter le saint Homme, il apprend qu'il estoit allé à la forest pour faire

coupper du bois de la charpenterie de son Eglise. Il suit, & le trouue traueillant avec les autres, ausquels ayant donné leur tache, pour le reste du iour, il se retire pour faire compagnie à celuy qui l'estoit venu visiter. Apres plusieurs propos: ce maistre François luy parle de la guerre, qui estoit lors en la Toscane: luy demande ce qui luy en sembloit, & quelle en pourroit estre l'issüe: que la Prouince en estoit fort traueillée. *Pour les affaires de Toscane*, luy respondit le S. Homme, *il ne faut autremēt s'en donner peyne: car elles prendront bien tost fin.* Mais il y en a d'autres qui sont beaucoup plus à craindre, & de bien plus grande importance: ie preuoy, que le Turc ennemy iuré de la Chrestienté, entrera en bref dans le Royaume de Naples avec force. I en ay escript au Roy pour donner ordre à vn si grand malheur: & qu'il ne s'entremesse point tant des affaires d'autrui, qu'il ne puisse aduiser aux siennes. Tout cela aduint, & bien tost apres. Car les affaires de Toscane se pacifierent, & la guerre cessa. Mais le mois de Iuillet suiuant le Turc avec vne forte armee nauale descend en la plage d'Otrante, ville frontiere du Royaume de Naples: print en fin la ville de force, apres auoir tué iusques à huit cens hommes pour vn iour, qui s'estoient mis en defence. L'Archeuesque mesme du lieu qui se presenta sur le rampart, avec ses habits pōtificalx, pour animer les soldats, & fidelles à se defendre fut mis à mort avec les autres.

*Il predict la prise d'Otrante par le Turc.*

Ce que le S. Homme auoit predict de la descente du Turc au Royaume de Naples, il



Mesme pre-  
diction.

en auoit rendu le mesme tesmoignage à plusieurs autres. Vn certain Caluaneo habitât de Paterne, alloit avec le bõ Pere trauailler en la forest, & comme la bouche exprime bien souuent les mouuements du cœur, le S. Homme trauaillât fort sõ esprit, pour le malheur qu'il cognoissoit estre proche, le Turc arriuant, il se lascha de dire à c'est homme, qui l'accompagnoit: *Scachez mon amy qu'auant qu'il soit peu de temps (il luy nomma le mois) vous entendrez des nouuelles bien estranges.* Ce temps prefix par le saint Homme estant arriué, arriué tout ensemble vne rumeur que le Turc estoit entré dans Ottrante. Ce qui aduint l'an mil quatre cens octante.

C'est l'ordinaire des grâds amis de Dieu, que cõme ils sont honorez de luy pour recognoistre les choses futures, descouuertes à Dieu seul, de s'opposer & employer tous leurs efforts pour empescher les effects de l'ire de Dieu. Il semble mesme bien à voir que Dieu, qui est la Bonté mesme, élise ce moyen pour biẽ faire à ceux qui ne le meritẽt pas en faueur des merites de ceux qui accõpagnet de sa grace, luy demandent misericorde, pour contrepointer les pechez des meschants, qui importunẽt, & irritent sa iustice. Le grand discours qu'il tint à Abraham auant la conflagration des Sodomites, ne cõcluoit rien plus qu'à pardonner à cinq citez souillẽes d'ordures, & de vices, en faueur seulement de dix hommes: si possible eust esté les y trouuer. Je ne dois icy presenter les larmes, les souspirs & sanglots de tous les Prophetes, qui des afflictions pu-  
bliques

bliques en faisoient les leurs particulieres, moins les plainctes de nostre bon Dieu, que personne ne s'estoit interposé entre luy & son peuple, pour seruir de mur à soustenir la batterie de ses iustes vengeance: nostre histoire en donnera fort bonne preuue. Car au temps marqué par le saint Homme, que le Turc deuoit surprendre la ville d'Ottrante, le saint Homme se renferma dans sa chambre par l'espace de huit iours: pendant lequel temps, il ne fut veu de personne, & ne traita avec personne, sinon avec Dieu seul, qui seul peut sçauoir les diligences que le saint Homme apporta pour appaiser son ire, avec ses ieunes, disciplines & austeritez. Les prieres seruantes, & charitables qu'il enuoyoit au Ciel, pour arracher, si l'ose dire, les verges d'entre les mains de la diuine iustice. Puis ayant receu vne responce agreable à propos de ce que sa charité demandoit impotunément pour les autres: il sort de sa chambre pour faire respirer les esprits du pays à demy-morts, de l'espouuente prinse, avec ses mauuaises nouuelles, & s'adressant tout premierement à ses Religieux: *Scachez*, ce leur dit-il, *mes freres que nostre Seigneur ne laissera point l'ennemy du Christianisme se resiouyr encores long temps d'une si sanglante victoire. Il en aduint ainsi: car peu de temps apres les infidelles, qui tenoient la ville, furent inuestis, & se promettas du secours pour les rafraichir, ils apprennent que le grand Seigneur estoit passé de ceste vie à l'autre. Desesperez d'entendre plus parler de nouvelles forces, ils cōpo-*

*Dieu se  
plaist aux  
prieres des  
iustes, pour  
les calamités publi-  
ques.*

sent avec l'armée Chrestienne, & sortent de la ville d'Ottrante, l'an mil quatre cens oëtâte & vn. Ce qui fut aduoüé pour vn coup d'en-haut, & iustement : car les infidelles n'estoient pas encores bien fort eslognez de la ville qu'ils rencontrent vne armee de vingt-cinq mille Barbares qui la venoient ioindre, si Dieu n'eut renuersé leurs desseins avec leurs forces.

Au temps que la ville d'Ottrante estoit deuenue par les Turcs, le Conseil du Royaume de Naples, conclud enuoyer en diligence inuestir la ville, pour l'assieger, & retirer des mains de l'ennemy. A ces fins le Roy Ferdinád d'Arragon, donna charge de l'armee à Dom Iean de Cole, Comte d'Arene lequel attendant ses forces arriuer, il deuança avec quelque cauallerie pour faire des courses sur l'ennemy, au cas qu'il voulust sortir les portes pour rauager le pays circonuoisin : mais auant que partir il vient à Paterne visiter le bon Pere, & se recommander à ses prieres, avec son armee. Le saint Homme luy enfle le courage par ses remonstrances, & assurance de son bon heur : *Allez*, ce luy dit il, & combattez hardiment les forces du Turc : Dieu sera avec vous, qui vous garantira de tout danger, & vous ramenera chez vous sain & victorieux. En disant cela, il luy donne vne chandelle beniste, & à ses soldats à vn chascun la leur, disant derechef, *Allez au nom de Dieu*. Ce grand Capitaine avec ses soldats prennent les chandelles, & les portent sur eux avec grande deuotiõ : à la reserve d'un seul, en toute la troupe,

*Il predit au  
Cõre d'A-  
rene heu-  
reuse yssue  
contre les  
Turcs.*

pe, qui d'une parole desdaigneuse, refusât accepter ce que le S. Homme luy offroit: il faut, ce luy dit-il, donner une espee à un soldat, elle luy fera plus de service que toutes ces manieres de chandelles. Le S. Homme: *Vous voirés*, ce luy dit-il, *comme il vous en prendra*. Ils sortent, & vont se presenter deuant Ottrante; ou le Turc tenoit fort: on commence à cha-

*Mespris des  
benedictiōs  
des Saints  
rudement  
chastiez.*

mailler, & à se battre à bon escient, iusques à la fin de la guerre que l'ennemy fut chassé hors la ville: le Comte avec les siens se trouua aux plus furieuses récontres, entre les balles, jaelots, & autres armeures, qui voloient en l'air dru & menu; sans que iamais aucun de ceux, qui portoiēt les chandelles benistes du S. Homme, peust estre atteint & frappé, si nō ce fougueux qui auoit prisé son espee plus que toute autre chose: à la premiere meslee, il tombe par terre tout roide mort, comme le saint Homme luy auoit tacitement predit. Dieu par un si different succez honorant les Reliques de ses saints, verifiant leurs Propheties & vengeance ainsi la mocquerie faite à ses seruiteurs, mais à luy-mesme puisque il se declare leur second pour soustenir leur honneur.

Un habitant de Paternie nommé Calua-

*Il predit  
une fami-  
ne.*



*ausi les vignobles.* Cela dit, il passe son chemin: ce Galuaneau eut desiré luy demander raison de son dire, voyant le laboureur en la mesme peine: attendu que de long temps il n'y auoit eu si grande quantité de bleds que ceste année là: mais il n'osa l'entreprendre. Seulement en vne entreueüe qui se fit entre luy & le laboureur, ils s'aduiferent remarquer, s'il arriueroit quelque chose de particulier, pour pouuoir entendre la parole de celuy qu'ils croyoient ne parler point en vain. Ils gardent donc ce secret iusques à l'année suiuaute où la famine gaigna si fort dans le país que de long temps ils n'auoient autant endure: ce fut lors qu'ils publierent par tout la Prophetie prononcee par le saint Homme en vn temps, ou moins on eust peu croire voir ce qu'il experimenteroient.

*Il predict sa  
venue en  
France.*

Bien que Dieu n'a besoin prédre temps d'aduuis pour se preparer à l'execution de ses œuvres comme les hommes, qui fautifs, ce qui se peut en leurs desseins, après toutes les diligences soigneusement apportees, se condamnent neantmoins & fort souuent au repentir, si est ce que pour honorer ses amis, il traite avec eux d'affaires desquelles il remet la fin à vn autre temps & biē encor en floigné. La Diuine Prouidence auoit conclud d'honorer la Frâce par la presence du S. Homme, son seruiteur, il luy fait scauoir long temps auparauant: car plus de vingt ans premiers que d'y venir, parlant avec ses Religieux, il leur predict qu'ils deuoient vn iour aller en vn loingtain país, où ils n'entendroient point la langue, ny ceux de ce pays,



ce pays, la leur. Les Religieux luy respondirent: *Mais mon Pere puis que nous n'entendrons point la langue les uns des autres, que voulez vous aller faire là, & nous avec vous? Mes enfans,* repartit le bon Pere, *nous irons faire la volonté de Dieu.* Et tant & tant de fois le S. Homme tomboit sur ce discours que les Religieux n'é faisoient plus d'estat, iusques à ce qu'entendant le commandement d'obeyssance que le saint Pere luy enuoya à ceste fin; ils reconnurent la verité de la Prophetie du saint Homme.

Vne femme vefue estoit venue visiter par deuotion le S. Homme, il luy donna aduis de demeurer en l'estat de viduité: qu'aussi bien si elle se marioit pour la seconde fois, elle retourneroit estre vefue bien tost. Ceste femme ne voulut croire le saint Homme. Elle se remarie, & peu apres les nopces son mary fut tué.

*Il predict à une vefue la mort de son second mary futur*

Charles Anutio, bourgeois de Scilian estât malade, & en l'extremité, prie vn sien frere prendre la peine d'aller iusqu'à Paterne le recommander aux bonnes graces, & saintes prieres du bon Pere. Ce ieune homme s'en va accompagné d'un sien cousin, venus qu'ils sont au Conuent, & s'approchans pour parler au S. Homme, ils aduisent vn oyseau, qui donne son vol vers luy: qui le serrant dans sa manche pour donner audience à ceux qui luy demandoient parler. *Retournez,* ce leur dit-il, *au nom de Dieu & dites au malade qui vous a enuoyé que Dieu le veut mettre en repos près de luy.* Ces ieunes hommes arriuent au logis, &

*Prediction de mort. & du salut éternel.*

font

font entendre au patient la responce du bon Pere, puis l'assistant de consolation & prieres, enuiron demy heure apres il rendit son ame à Dieu.

Le S. Homme estant arriué à Naples en son voyage de France. Entre les autres gratifications que le Roy luy tesmoigna, il luy dit vouloir bastir vn Conuent de son Ordre: estre sa deuotion voir de ses freres pres de luy, puis qu'il alloit estre priné de sa presence. Qu'il le supplioit visiter sa ville, & y recognoitre le lieu qu'il iugeroit le plus propre à ces fins, & luy faire scauoir pour y faire trauailler avec diligēce. Le bō pere choisit vne place, qui estoit pour lors fort deserte, & pria sa Maiefté si la diuine Bonté luy continuoit sa deuotion, luy donner ce lieu là, qu'il specifioit: qui est celuy où est basty auiourd'huy le Conuēt de saint Louys, où sont bien ordinairement iusqu'au nombre de cent Religieux seruās à Dieu, sous la banniere & institution reguliere du S. Homme. Quelques personnes notables, & plus affectionnez luy remōstrerent qu'il s'estoit tropé au choix. Le lieu estre fort retiré pour estre hors la ville: que pourtant le peuple n'y aborderoit volontiers faire ses deuotions, loin & que c'estoit vne place du tout infame pour les meschancetez qui s'y commettoient comme tous les iours, & à toute heure: que puis que le Roy luy permettoit choisir, avec le conseil de ses amis, il aduist nommer au Roy ce qui seroit iugé par eux conuenable, à la cōmodité de ses Religieux, & à la deuotion du peuple. Mais le S. Homme remply de l'esprit de Dieu leur

*Prediction  
sur la future  
construc-  
tion de son  
Conuent de  
S. Louys à  
Naples.*

leur dit à l'heure, & predict ce lieu là, qu'ils voyent desert, & abominable deuoir biē tost estre enfermē dans la ville, le plus celebre en honneur, & le plus recherché, pour y faire sa demeure. *En sorte, ce dit-il, que mes pauvres Religieux auront peine à se cacher.* Et de fait, le lieu est tout enuironné de Palais si fort exaucez, que force est aux Religieux attacher par le dehors des fenestres des chassīs d'ozier, pour sauuer la liberté de leur solitude : que c'estoit là où Dieu auoit choisi estre seruy par les siēs. Le Roy donc y consent, & fait la volonté du S. Hōme duquel la prophetie se verifia en bref: Car en ce lieu là ont esté bastis trois celebres Monasteres eslongnez l'un de l'autre, l'espace d'un iect de pierre. Le plus fameux est celuy de S. Louys, receu par le S. Hōme: l'autre de S. François d'Assise: & le troisieme est celuy des Carmes. En face de ces trois Conuents, c'est le Palais Royal, où à present les Vice-Roys font leur demeure, & ez enuiron de tout cela ce ne sont que superbes edifices, où logent les Princes, & grands Seigneurs.

Comme les Saincts operēt tousiours avec Dieu, la passion ne precipite point leurs œures, le temps ne leur couste non plus que s'ils se seruiōt de la mesme Eternité: cōme Dieu: avec lequel ils operent puissammēt, disposent tout; neantmoins fort doucemēt sans violenter les causes secōdes, ou haster plus leurs pas qu'à leur ordinaire pour produire les effects, tant en la nature, qu'en la grace. Nostre saint Homme auoit vne particuliere commission du Ciel pour dresser vn Ordre en l'Eglise,

avec

auec l'ordre toutesfois que Dieu y a posé: qui dit toute chose nouuelle estre suspecte, si elle n'est approuuée de l'Eglise en icelle des Prelats, & entre iceux du chef des Prelats, qui est le Pape. Pour ceste consideration le S. Homme passant à Rome, pour venir en France, & ayant baisé les pieds de sa Sainteté, accompagnée pour lors d'une grâde partie des Cardinaux, & rendant conte de la reigle qu'il instituait: il supplia bien humblement le Pape la vouloir confirmer: c'estoit lors Sixte quatriesme. Le S. Pere auec bien de la prudence, ne le vouloit pas attrister, refusant vne chose sainte, loüable: inoins aussi acquiescer sur l'heure à ceste requeste qu'au prealable il n'eust aduisé maturement à vne affaire si importante. Il luy dist donc qu'il y penseroit plus d'une fois, & que la chose le meritoit biē. Alors le saint Homme se leue pour venir en France; où quelque temps apres fut suiu y d'un des Cardinaux, qui auoit assisté à ce refus, & estoit enuoyé Legat en France: il se nommoit Iulien de Ruere, & Cardinal du tiltre *S. Petri ad vincula*. Le saint Homme estant visité en son Couuent par ce Cardinal, il luy predict que dans peu de temps il seroit Pape, receuroit sa Reigle, & porteroit son Ordre à sa perfectiō. Cela aduint quelques annees apres; & fut nommé Iules second. Qui estant au S. siege affectionna si fort cēt Ordre, qui sembloit auoir esté esleu de Dieu seulement pour faire la volonté du S. Homme. Suiuant sa prophetie il cōfirma la Reigle, approuua les corrections, statuts & priuileges: lesquels il augmentoit

*Il predict à  
Iule 2. le  
Papat, &  
confirmatiō  
de sa  
Reigle.*

mentoit en la sorte & maniere qu'on luy demandoit.

Au temps que le saint Homme seiournoit au Conuent du Pleffis lez Tours, vne femme enceinte viint en son Eglise, & luy demanda parler, pour se recommander à ses prieres. Ce grand Prophete la touchant de sa main: *Madame*, celuy dit-il, & predict tout ensemble, *l'enfant que vous portez sera bien agreable à Dieu.* Quelque temps apres elle enfanta vn fils, qui estant venu en aâge competant fut receu en l'Ordre des Minimes: print l'habit des mains du S. Homme, avec lequel il a vescu vn fort long temps, & rendu vn grand seruice à Dieu, & à la Religion.

*Il predict l'integrité de vis d'un enfant encore au ventre de la mere.*

Vne femme en la mesme ville auoit vn sien enfant fort malade, & qui n'auoit encores qu'un an. Elle enuoya vers le bon Pere, que ce fust son bon plaisir demander à Dieu la santé pour cét enfant. Mais il chargea le messager dire à la mere que Dieu vouloit auoir son fils pres deluy, & dés le lendemain du iour qu'il parloit cela aduint ainsi.

*Il predict la mort d'un autre.*

Vne autre femme nommee Ieanne Roberte, malade iusques à l'extremité, se recommandant à ses prieres, il luy enuoya deux de ses Religieux pour la consoler, & resoudre à la mort; & l'ayant bien disposée, luy faire entendre que le Dimanche prochain Dieu l'appelleroit de ceste vie à l'autre. Ceste femme mourut iustement au temps que le S. Homme luy auoit marqué.

*Il predict la semblable à une femme.*

Vn des bōs heurs qui puissēt arriuer aux provinces ou Royaumes, c'est de posseder la presence

*Les Saints  
protection  
des Royau-  
mes.*

sence d'un S. Homme, & vray amy de Dieu. Lesquels il qualifie en la personne de son Prophete du tiltre d'echauguette & sentinelle pour sa maison, qui est l'Eglise. Ce sont eux vrayemēt qui preuoient les maux des peines que nos pechez font esclorre, ayās prouoqué obstinément le iuste courroux de Dieu. Ils fōt encores plus: car non seulement ils nous aduisent, ains aussi facilitent les moyens de s'approcher de Dieu par leurs sages conseils & tres-feruētes prieres. On voit à present nostre bon Pere affairé ce qui se peut en vn si charitable exercice, pour & en faueur de la Prouince de Bretagne. De laquelle ayāt preueu le futur & fort proche desastre: apres plusieurs larmes mētees parmy ses oraisōs, qu'il enuoioit sās cesse deuāt le throsne de sa diuine Maieſté, pour le repos de ce païs, il s'aduīsa de moyenner vn mariage entre Charles huitiesme & Anne fille vniue du Duc de Bretagne. A ces fins il despesche deux de ses Religieux avec lettres missiues vers son Altesse, pendant qu'il mesnageoit sagement l'esprit du Roy, pour porter sa volonté à la paix, par l'entremise de ce mariage, & avec la mesme facilité que sa Maieſté receuoit les aduis du S. Homme, cōme biē certains oracles du Ciel. Et à la verité c'estoit vn des plus doux expedients pour l'une & l'autre partie, que l'inuention humaine eut peu trouuer pour la reconciliatiō de ces deux Princes, & de leurs subiects. A raison de quoy l'ennemy de toute paix ne s'oublia pas de son costé de broüiller les cartes, & trauerſer les religieux desseins du S. Homme autant qu'à  
luy

luy fut permis de remuer & renuerfer le traité qui estoit desia comme à demy accordé entre les parties. Ce que quelque temps auparavant Dieu reuela au S. Homme. Car comme il se trouua en vne compagnie où il fut pressé de gens d'honneur dire ce qu'il pensoit, ou se permettoit en l'issuë de cesté affaire qu'il auoit tramee. Il respondit que les pechez des Brerôs auoient empesché nostre Dieu de passer outre, iusques à ce qu'il les eust punis. Que neantmoins tost apres le mariage se consommeroit. Cela sembloit du commencement d'un tout esloigné de la raison, d'autât plus que les esprits de ces deux Princes se voyoiēt alterez d'affection, & de bonnes volontez. Toutesfois le Ciel en disposa à la façõ qu'il en auoit faict la reuelation du saint Homme. Car le Roy ayât beaucoup ruiné le pays de Bretagne, la mort du Duc interuint, en suite de laquelle on renoua le mariage de sa Maiesté avec Anne Duchesse & seule heritiere de toute la Prouince. Arriuee donc que fut la Royne en Frâce, se souuenant des bons offices que le S. Homme luy auoit faicts. Elle vint avec le Roy, suiuy des Princes & de la noblesse, visiter ce bon Pere, avec bien de la deuotion, le remerciant en toute humilité de la charité avec laquelle il auoit embrassé ses affaires: qu'ou le sujet & occasiõ s'offriroiēt pour le recognoistre qu'elle n'e perdrait pas vne de le biẽ veuiller, & son Ordre. Le S. Homme luy dit seulement, que le Mariage auoit esté faict trop tard: qu'au reste Dieu luy donneroit trois fils, & vne fille, qui tous feroient grandes choses, si

*Predit quel  
ques incidẽs  
remarquables  
arruez sur le  
traité de ma-  
riage entre  
Charles-8.  
& Anne de  
Bretagne.*



les parés gardoiēt les cōmandemens de Dieu. A faute de ce , il coupperoit & extirperoit l'arbre, & les branches. Il en est ainsi aduenū: La Royne eut trois fils de Charles huiſtième, qui vescuient fort peu : & vne fille de Louys douxième, qui succeda au Roy Charles, comme Prince plus proche de la Couronne.

En ce mesme temps , le Cardinal Scaune, frere du Duc de Milan , allant à Bourges, fut arresté prisonnier à raison de quelques affaires d'estat, dont on le vouloit charger. L'indignité commise à sa personne, sans aucun respect de sa qualité & condition, le touche si viuement au cœur, qu'il s'en mouroit de desplaisir, & encores plus specialement pour la crainte qu'il auoit que les affaires ne luy roulassent sus de mal en pis. Le S. Homme aduertie de tout cecy sa charité luy dict de soulager celuy, qu'il recognoissoit en extreme affliction. Il luy escrit donc vne lettre plaine de prouision de patience, portee sur les ailles d'une certaine esperance de sa liberté, qui ne tarderoit que fort peu, encores que le bruit de la Cour, & l'opinion du sieur Cardinal en eussent iugé bien le contraire. Cela neantmoins arriua ainsi que le saint Homme l'auoit predit, & dict apres Dieu qu'il auoit fait ainsi parler cōtre le iugement, & dire commun des hommes, & de ceux là mesmes, qu'on tenoit pour les mieux entendus es affaires d'Estat.

*Predit la  
liberté à  
un Cardi-  
nal prison-  
nier.*

Frere Martin de Hayes, François de natiō, & profez en l'Ordre des freres Minimes, receut  
Obedien-



Obedience du saint Hôme, pour aller à Naples, & eut pour compagnon frere Roger. Lequel estant à Genes prend vn bas de chaufses, avec les chaufsons, & se couure les pieds, & iambes contre l'obseruance, & vsage, qui pour lors se gardoit en l'Ordre. Surquoy le S. Homme a dispensé depuis qu'il eut longuement demeuré en France, y ayant recognu la rigueur de l'air ne pouuoir symboliser aucunement avec l'austerité du reste de la vie, bien qu'en sa personne il n'ait admis aucune dispense. ) Les Religieux remonstrent charitablement audit frere Roger, de ne se dispenser si facilement: & cōme ils le voyoient ferme en son opiniō, on escrit au S. Hôme iusques à Tours, ce qui s'estoit passé à Genes. A quoy il respondit de bouche seulement; mais pleine d'un esprit prophétique: Que le feu de S. Antoine bruleroit les iambes à celuy là qui les auoit voulu couvrir de sa propre volonté cōtre l'usage de l'Ordre. Il en aduint ainsi: Car le iour de Noel ces deux Religieux estans à Genes apres le retour de leur voyage de Naples, le mal qu'on nomme communément le feu S. Antoine le saisit aux iambes, & le trauailla cruellement iusqu'au iour S. Antoine suiuit: auquel il rendit son esprit à Dieu. F. Martin voyāt son compagnon mort, en prend vn autre, & vient trouuer le S. Hôme, à qui il vouloit apprendre des nouuelles; luy racōtant le faict, & comme tout s'estoit passé. Mais le bon Pere pour ne perdre temps, luy dit qu'il scauoit bien ce qu'il vouloit dire: puis s'estāt retiré en sa cellule, les Religieux cōuentuels dirēt à F. Martin que le

*Il predict la  
punitiō d'un  
acte de propre  
volonté en  
un sien Re-  
ligieux.*

propte iour de S. Antoine le S. Homme les auoit tous appelez pour leur recommander l'ame de F. Roger qu'il sçauoit estre en tres-grand danger.

Au temps que le S. Homme honoroit la France de ses presenée & miracles, le bruit de sa saincteté volant par toutes les villes & provinces du Royaume, faisoit faire parties diuersifiées: qui de curiosité: qui de deuotion, pour le visiter en son Conuent du Plessis lez Tours. Parmy ces troupes s'y trouue vn ieune garçon nommé Isambert, Picart de nation, & de son mestier boulenger: qui se promenant par le Cloistre du Conuent, espioit l'occasion de la sortie du S. Homme hors sa cellule pour le voir: lors que voicy se presenter le bñ Pere, qui appellant à soy par signe ce ieune homme, & prenant vn grain de son Chappelet, il luy donne: *Par charité, ce luy dit-il, prenez cela, mon fils, & le gardez: car vous serez vn iour Religieux en la maison de ceans.* Ce ieune homme qui n'auoit iamais pensé à telle deuotion, cōme depuis il a souuent aduoué, se sent deslors si fort touché en l'ame, que retournant en son hostellerie à Tours, il ne fut iamais à luy possible se resoudre pour s'en aller au pays: si que le voila rentré au Conuent du saint Homme, luy demande bien humblement l'habit de Religion en la profession d'Oblat, qu'il a longuement gardee dans l'Ordre, le seruant aussi fidellement que religieusement il a vescu.

Le faict suiuant est arriué au mesme Conuent, mais bien diuersement: Car là ou au precedent, il se predict la Cōuersion d'vn pecheur, icy on

*Il predict à  
vn ieune ho-  
me sa voca-  
tio en l'Ordre  
des Minimes*

icy'on entendra la cheute espoutantable du iuste. Ce feut enuiron deux ans auant la mort du S. Homme: Le Pere Correcteur du Cōuent de Tours, estoit vn ieune hōme, & plus d'esprit que d'age: qui porté de zele; mais indiscret, commence à se plaindre de nostre bō Pere, cōmes'il eut manqué leur donner l'exemple en l'obseruance reguliere: remonstre aux Peres du Cōuēt, que ce n'estoit chose a propos, veoir l'Instituteur & General d'un Ordre, manquer le plus souuent a l'Office diuin: & n'assister le premier es communautéz du Chapitre, du refectoir, & des aultres assemblées regulieres, & choses semblables: qu'il luy falloit remōstrer, voire mesme si besoin estoit, le forcer de se cōformer à la communauté. Comme en effect il importuna souuēt le S. Hōme de ces fascheux discours. Ces Peres luy remonstroient charitablement qu'il auoit tort, se comporter ainsi à l'endroit du S. Homme, qu'il debuoit se souuenir sa vocation estre differēte des aultres, sa retraite & solitude estre par vn special priuilege approuuées du Ciel, & sa maniere de vie, verifiée & scellée par les œuures extraordinaires de ses Miracles: qu'il debuoit craindre en se plaignant des exercices du S. Homme, de le prendre contre Dieu qui les auoit ainsi reglez & ordonnez: & qui scauroit biē vanger sa cause, si bien tost il ne desistoit de ses poursuites si indiscrettes. Toutes ces raisons, avec les aultres qu'ils luy peurent alleguer, ne trouuerent lieu en vn homme sans raison. Pourquoy les Peres attaints d'une iuste douleur, pour la deffēce du iuste, & vray seruireur de Dieu, s'as-

semblent & concluent d'aller en corps remō-  
 strer au S. Homme, d'arrester les indiscretiōs  
 & violences de ce ieune homme : lequel abu-  
 sant du petit pouuoir que la Religion luy au-  
 uoit commis, pour l'edification, & non pour la  
 ruine de l'Ordre: oſoit si temerairement vio-  
 ler tout droit diuin, & humain; se prēdre sans  
 respect contre son Ancien, contre son Super-  
 rieur, contre le saint du Seigneur. Ce feut le  
 Pere Bernardin de Cropulatu, qui se chargea  
 & acquita de ceste commission; en presence  
 des aultres Peres qui l'accompagnoient, con-  
 cluant que le bon Pere ne debuoir d'auantage  
 supporter cela, ains en faire vne punition exē-  
 plaire à ses semblables. Le S. Homme les ayāt  
 escoutés fort patiemment, leur feit vne res-  
 ponce espouuantable. *Mes enfans (dit-il)*  
*vous scaurés qu'il y en a dont les Superieurs ne*  
*pouuants faire la correction requise à leurs faul-*  
*tes, Dieu s'en est reserué le Iugement, comme*  
*est celuy dont est question, vous le voirez en*  
*brief. Responce aussi espouuantable, que l'ef-*  
*fect qui est ensuiuy: Car peu de temps apres,*  
 ce ieune correcteur, par vn secret, mais iuste  
 iugement de Dieu; sans acheuer l'annee de sō  
 office de Correctoriāt, apostasia & sortit de  
 la Religio: laquelle ne voulut seruir de Mere  
 à celuy qui auoit trop superbement estriué  
 contre son Pere & Superieur.

Pour la conclusion de ces Propheties des  
 choses à aduenir, ie ne doibs ensepuelir dās le  
 silence, vne des plus remarquables: Ce feut en  
 l'ā 1562. que le R. P. Mathurin Aubert, député  
 pour Visiteur General des Prouinces de nostre

Ordre au Royaume de France: ayant pour Colleague de sa charge, le R. P. Ioseph le Tellier ( de la bouche duquel i'ay par plusieurs fois entendu ce que i'escrie ) arriuant donc en nostre Couuent du Plessis lez Tours, ils trouuerent encores viuant vn des Peres ( il se nommoit le P. Eustache, & qui estoit aagé de quatre vingt ans ) qui auoit receu l'habit de Religion, des mains de nostre bien-heureux Pere S. FRANÇOIS: auoit quelque temps vescu, & conuersé avec luy familièrement, & entendu choses fort notables. Entre aultres discours, les larmes voulants preuenir de declarer, ce qui luy restoit à dire. *Helas mes Peres* ( ce leur dit-il en soupirant ) *nous sommes arriuez en l'année predite par nostre bon Pere, en laquelle les malins* ( ainsi nommoit-il les heretiques ) *ruineront, & pilleront les Eglises de la ville de Tours*. Cela arriua six mois apres en la mesme année, suiuant la parole de l'homme de Dieu S. FRANÇOIS: lequel en guise d'vn aultre Abraham Pere de tant de nations, a en sorte gaigné les bonnes graces de nostre bon Dieu, que par effect il semble dire pour gage & assurance de son amitié, enuers le S. Homme: est-il possible que ie puisse celer à mon seruiteur Abraham ( S. FRANÇOIS ) ce que i'ay deliberé de faire.



*De la vertu & pouuoir miraculeux par l'attonchement du corps ou de ce qui auoit touché le corps de S. François de Paule. La sainteté de ses Reliques.*

## CHAPITRE XXVIII.

*Dieu honore  
en toutes  
choses ses  
Saints.*

**C**Eluy qui tout le premier a entonné au monde ceste chanson spirituelle : *Que les amys de Dieu sont tant, que trop honorez* : a, si ie ne me trompe, touché ensemble plusieurs cordes : qui respendans en l'air plusieurs & diuers tons ont assemblé & fait entendre vne melodieuse harmonie aux ames recueillies dans vne profonde meditation de la bonté & misericorde infinie d'un Dieu tout puissant : auquel seul il semble appartenir recognoistre, comme prodigalement, les bōs seruices, qu'il a receus de ses fideles seruiteurs lors que non seulement il leur rend vne recompēse telle qu'ils ne pouuoient pas comprendre : trop bien qu'il pouuoit promettre à ces ames cooperatrices de sa grace, pour l'exécution des entreprinſes vertueuses & difficiles : mais aussi honorant par luy meſme, par les siens, leurs corps viſs, morts, puluerisez : leurs os, vestemens & toute autre chose qui les auoit approché. C'estoit beaucoup à la verité, que Dieu vouluſt honorer l'attouchement des membres attachez aux corps viſs de nos Saints. Elie & Eliſee ſe proportionnoient aux petits enfans qu'ils vouloient reſſuſciter. IESVS-CHRIST meſme touche le cercueil de l'enfant de la

veſue:

vue : & saint Pierre le corps de Tabitha ;  
 lesquels avec la parole reuestue d'une vertu &  
 puissance diuine , pouuoient facilement leur  
 rendre la vie, si Dieu n'eust voulu faire entē-  
 dre que leurs corps aussi bien que les ames a-  
 uoient quelques vertus latentes, pour viuifier  
 & operer miraculeusement. C'estoit assez, iu-  
 gent ainsi les mieux entendus , quand Dieu  
 passant outre donnoit aux corps morts vne  
 vertu viuifiante. Car puis que les loix de na-  
 ture veulent qu'une chose puisse seulement  
 dōner ce qu'elle a, estoit-ce peu, que ces corps  
 morts, par priuilege, qui est nature à l'ame, dō-  
 nassent la vie à ce qui estoit mort? Cela neant-  
 moins alloit en ceste sorte. Le corps mort d'E-  
 lisee ressuscite celuy qu'o luy auoit approché,  
 sans que luy mesme ressuscitast: pour t'empes-  
 cher de dire la vertu viuifiante sortir de l'ame  
 seule : si bien confesser les corps des saints,  
 pour cause d'une si longue & estroite com-  
 pagnie avec leurs ames , bien que separees,  
 auoir tousiours retenu quelques siennes ver-  
 tus de saincteté : à l'acquisition de laquelle  
 ils auroient si gayement contribué. Mais  
 lors que le mesme Dieu a estendu la participa-  
 tion de son priuilege, iusques aux sepulchres,  
 aux croix, & potences, aux roües, aux espees,  
 & aux cendres, aux linges, & mouschoirs de-  
 putez à receuoir & cacher les excremens de  
 ceste nature infirme, & à tout generalemēt ce  
 qui auoit touché en quelque façon que ce fut  
 la saincteté de ses saints : il a fallu permet-  
 tre aux esprits extratiques s'emporter à leurs  
 mouuemens interieurs, pour, non pas accuser,

*Reliques des  
 SS. saintes  
 & venera-  
 bles.*

mais louer Dieu és excès de ses faueurs, pour luy porter parole de leur ressentiment commun, en ces termes où semblables : *Vos amis sont par trop caressez de vous, ô mon Dieu.*

Vn pour tous seruira de preuue à ce discours. Les graces, & vertus: le pouuoir, & merite: les faueurs, & priuileges, que le monde a cognu & experimenté au corps, & en ce qui auoit touché le corps de saint François de Paule pendant sa vie, & apres sa mort, feront vne consequence necessaire, à la gloire de laquelle il a pleu à ceste diuine Bonté honorer les corps & Reliques des autres Saints. Voicy comme Dieu commença.

*S. François  
par l'atou-  
chement de  
ses mains  
guarit les  
mains d'une  
femme plei-  
ne de por-  
ceaux.*

Vne femme en la ville de Paule auoit esté l'espace de trois ans cōme percluse des mains, à raison des vlceres ou porceaux qui excedoient de forte en quantité, & qualité, qu'ils couuroient presque entierement les mains: les cauoient, mangeoient & representoient hideusement. Ses parens luy persuadent venir vers le S. Homme, lequel prenant les mains de la femme malade avec les siennes, luy enioignāt ieusner vn Védredy au pain & à l'eau: *Va, diu-il, Dieu te fera grace.* Elle obeit, & le lendemain se trouue guarie, sans employer autre remede. Personne ne niera le merite du ieusne. Personne n'affirmera le ieusne produire naturellement tels effects: mais chacun croira facilement les mains saines & saintes du bon Pere auoir par leur attouchement produit cet effect miraculeux.

Le saint Homme s'acheminant pour aller de Paterne à Paule, accompagné de deux de ses



ses freres Religieux, voyant qu'il se falloit en-  
nuicter, il se garnit de deux torches de pin:  
l'une desquelles il portoit allumee (comme  
c'est la coustume en ces quartiers là, se servir  
de ces torches en guise de flambeaux, pour la  
quantité & commodité qu'ils en retirent) son  
chemin donnoit par Tassane, Casal de Cusan-  
ce: où estant arriué, vne femme veufue vint  
au deuant de luy, avec prieres tresferuëtes, de  
vouloir secourir vne femme de celieu qui es-  
toit en trauail d'enfant, y auoit ia trois iours  
passez. Le saint Homme emporté de cõpas-  
sion, luy donna vne chandelle de cire blâche,  
& l'instruit, l'ayât allumee, la poser sur le chef  
de la patiente, qu'aussi tost & facilement elle  
seroit deliurée sans douleur quelconque. On  
faict, ensemble on void ce que le S. Homme a-  
uoit dit, la presence de sa chädelle supplea à sõ  
absence, pour operer miraculeusement ceste  
deliurance. Les personnes de la maison admi-  
rent ce fait tant subit, & ceux qui accompa-  
gnoient le S. Hõme se trouuent encores plus  
estonnez où il auoit prins ceste chandelle de  
cire si subitement: ils sçauoient fort bié qu'il  
n'auoit que deux morceaux, ou torches de pin,  
qu'il en portoit vne allumée, & reseruoit l'aut-  
re en sõ sein, pour faire servir quãd la premie-  
re seroit vsée. Le iugement de tous fut qu'il a-  
uoit trãsformé ceste derniere piece de bois en  
vne chandelle de cire blâche. Ce n'est pas trop  
de merueille, qu'il soit veu changer du bois en  
cire, puis qu'il a plusieurs fois faict qu'une cho-  
se fust, qui auparauant n'estoit pas: où n'estoit  
veu estre. Comme il se lit au Chapitre qui

*Vne chan-  
delle beniste  
par S. Fran-  
çois deliure  
une femme.*

traite

traicte des effectz miraculeux de la prouidence diuine faiçts à sa faueur. Mais il suffit pour le present que ceste histoire tesmoigne vne assistance diuine, pour operer supernaturellemēt par les choses qui sortoient par la main du saint Homme, comme fit la chandelle de cire donnée à ceste femme, qui la deliura aussi tost, & guarentist des douleurs de l'enfantement.

Vn Prestre familier du Reuerend Archeuesque de Cusance, il se nommoit, Dō Charles de Pirro, estant nouuellement receu, & consacré en l'Ordre de Prestrise, se sent cruellement tourmenté du mal des dents. La fluxion estoit si grande qu'elle leur auoit causé le tremblement, & attendoit les perdre toutes ensemble. Vn iour apres auoir celebré le saint sacrifice de la Messe, va chercher son secours, & le demāder au S. Homme, qui le recognoissant venir, auant qu'il eust fait entendre le sujet de son voyage : ou soit que son visage fust marqué d'enfleure & inflammation, qui sont assez communes à semblables douleurs : ou bien que d'un aspect Prophetique il decouurist le mal caché. Le S. Homme le deuance de paroles, & compassion. *O mōseur que vous portez un grand mal aux dents : soyez certain auoir tres-bien fait, ne vous laisser tomber sous la tentation. Car vous auez auourd'huy celebré la sainte Messe.* Voila nouuelle ouuerture de son interieur. Puis de ses doigts touche les dents, chassela douleur dés-lors, & pour le reste de sa vie. Les mains, & doigts du S. Homme, il n'y a que douter, distilloiet la mirrhe premiere, ou Dieu par les

*Il touche les  
dents & les  
guarit.*

par les siennes pour le salut des ames, & santé des corps.

Les mesmes mains s'employèrent vne autre fois à faire vne cure, mais bien plus importante que celle que dessus: ce fut en la personne de maistre Antoine de Douatto vn des entrepreneurs de son Conuent de Paule. Ils alloient ensemble par les bois chercher materiaux, propres à leur dessein, & remuant tantost vne pierre, tantost l'autre, ils esbranlent vn monceau de pierres d'une petite montagne plus haut exaucée, que le lieu où ils estoient. Voila tomber vne de ces pierres, & des plus grosses sur la iambe de ce maistre Antoine, & luy rompt l'os en d'eux: les douleurs luy fournirent tant de plainctes, qu'elles émeuent le saint Homme (bien que d'ordinaire assez charitable) à vne particuliere compassion pour luy apporter promptement le secours, que le patient lors reconnut que trop grand, si on luy eust seulement vn peu addoucy la pointe de son mal, esperant mieux avec le temps. Mais le bon Pere, comme vray seruiteur de son maistre nostre Dieu, qui porte toutes ses œuures à la plus grande perfection: comme aussi voulant bien payer ceux qui s'employent à son seruice, & de la monoye que Dieu l'auoit enrichy, il s'approche de ce pauvre homme qui estoit couché par terre, & luy touchant la iambe avec ses mains, luy leue les douleurs, & guarit parfaictemēt, & dit: *Il guarit la iambe brisée, à vn de ses entrepreneurs.*  
*Par charité, maistre Antoine, trauiillons, car il me semble qu'il n'y a point de mal à vostre iambe.*  
 Cét homme se leue, se soustient, & frappant  
 contre

*Il guarit la  
iambe brisée,  
à vn de ses  
entreprene-  
urs.*

contre terre sondoit la solidité de sa iambe: va à la besongne, & retourne au Conuent, chantant par tout & à tous cét œuvre miraculeux de Dieu faict par le ministration de son loyal seruiteur.

Vn Notaire, bourgeois de la ville de Paule, qui se nommoit Thomas Piccon, est detenu de maladie: que l'on croyoit, apres le iugement des Medecins, deuoit estre suiui de la mort. Sa femme s'affligeant extremement de la perte prochaine qui la menaçoit, & ses enfans: elle veut croire que ceste consideration deuoit forcer le bon Pere respondre fauorablement à sa requeste, qui rendoit à ceste fin d'obtenir la santé de son mary. Elle vient donc au Conuent accompagnée de deux enfans, & de ses larmes: le bon Pere plein de compassion approche soudain, pour en cognoistre la cause: l'entendant il la console par vne certaine esperance du bien qu'elle recherchoit, & appellant à soy ses enfans: il dit à Paulin & à sa petite sœur: se ietter à genoux deuant le Crucifix & dire leur *Pater noster* à l'intentiō de leur pere malade. Ces petits enfans luy dirēt qu'ils ne sçauoient pas encores leur *Pater noster*: ains seulement l'*Aue Maria*, & bien respondit le bon Pere, vous direz vostre *Aue Maria* & demeurerez là à genoux, sans leuer, iusques à tant que ie retourne vous trouuer. Le S. Hōme mesnageant à propos la deuotion de ceste aage, ne tarde point à venir, & apporter trois pains de biscuit, & quelques pommes: Prenez cela, mes enfans, ce leur dit le S. Homme, & le portez à vostre pere, qu'il en mange & l'assurez de ma part.

Il guarit vne  
maladie à la  
mort.



part qu'il guerira bien tost. Qu'il aye vne grande foy, & la santé recene qu'il viue en bon Chrestien: Les enfans s'en retournent vers leur pere, luy rapportent aussi fidellement le present qu'ils auoient receu pour luy, qu'ils s'acquittent du reste de leur message: enuiron vne heure apres l'appetit du malade se tourne vers ce que le S. Homme luy auoit enuoyé. Il en demande, & prend, & mange à bon escient, & sans vset d'autre medecine au bout de quatre iours le voyla en aussi parfaite santé que iamais il s'estoit trouué. Du pain avec des fruiçts ne pouuoient pas produire tant de vertu, sinon apres l'attouchement, & benediction que le saint Homme leur en departissoit.

Voicy quelque chose de semblable arriué au mesme lieu, en la personne d'Antoine Dadduardo. Cest hōme fut saisi d'une maladie que les Italiens appellent *le froid*, & la tiennent pour fort dangereuse en ce pays là, comme en effect celuy-cy auoit employé les plus fameux que medecins, que Chirurgiens pour recouurer sa santé l'espace de trois mois, & y auoit perdu temps, peine, & argent. Il veut donc chercher le secours de Dieu, ayant perdu esperance de celuy des hommes, & veut employer les merites du S. Homme, qu'il va luy mesme trouuer trouaillant au canal du torrent ou riuieré qui coule proche sō Monastere. Il luy fait entendre sa necessité d'autāt pl<sup>g</sup> grande, comme il n'y trouuoit pas seulement vn petit remede. Que ce fust son bon plaisir employer sa charité, & prier la diuine Bonté pour luy redre, & bien tost ce qu'elle iugeroit faire

*De la maladie du froid.*

faire de plus pour son bien, *ie le feray*, dit ce bon Pere, *mais ie vous conseillerois prendre de l'exercice; avec un outil, & traualler icy avec nous*. Le malade luy dit que cela estoit hors de son possible; tant il sentoit de douleur. *Et faictes experience de ce que ie vous dis*, luy repartit le saint Homme; *& ne craignez nullement, que pour cela il en arriue pis*. Ce pauvre malade se souuenant que la premiere reigle qu'il deuoit tenir estoit celle de son Medecin, il obeist promptement: se hazarde au labour, où il continuë par l'espace de deux heures. Il n'estoit donc quasi plus question, sinon acheuer ce bien commencé, & rendre la santé entiere & parfaicte. Le S. Homme luy donne à ceste fin vn peu de poix chiches, avec quelques racines d'herbes, & luy enioinēt faire cuire tout cela ensemble, puis le manger, & sur tout croire que Dieu luy rendroit la santé: il en arriue ainsi: le patient obserue de point en point l'ordonnance de son medecin, & au mesme instant est guarý, sans en auoir depuis senty aucun mal, tant estoient grands les effects des choses qui sortoient de ses mains.

Le bon succez du recours & secours que cest Antoine experimenta en sa personne, par l'entremise du saint Homme, fut le principal subiect de ce qui va suiure. Pierre Barbe, Notaire en la ville de Paule, auoir achete vn certain lieu en la mer pour y auoir droit de pescherie, specialement pour pescher des Tons. Par plusieurs & diuerses fois il auoit traualle avec des  
hommes

hommes de l'estat, qu'il prenoit à tasche, où iournée, pensant faire son profit. Autant de fois il y perd ce qu'il y met, avec, ce sembloit, peu de gain à esperer desormais. Le susdict Antoine l'exhorte ne rien desesperer: Ce qui n'arrive en vn iour, & en l'autre, pouuoir apres aller autrement: qu'il feroit bien mander au saint Homme les despenses qui luy auoit conuenu faire: recommander son dessein à ses prieres, qu'il ne causast la ruine de sa maison, & la pauvreté extreme de ses enfans, qu'inafailliblement arriueroit de la, s'il n'y employoit ses faueurs & merites. Le conseil est iugé le meilleur du monde, & celuy qui le donne le plus propre pour l'effectuer, qui le supplioit à la pareille l'obliger de ce plaisir ou seruice. Il s'y en va, & s'acquite de sa commissiō avec l'ordre qu'il y auoit donné. Le S. Homme luy bailla vne chandelle: *Tenez, ce luy dist-il, baillez cela au Notaire qui vous a enuoyé, & luy dites de bien esperer de la bonté de Dieu, qui ne l'abandonnera point, ny ses enfans, & qu'il ne feigne point retourner pescher ses pertes passees.* Le Notaire reçoit la chandelle avec deuotion, à laquelle s'asseurant plus qu'à ses filers, ou à l'industrie des matelots, retourne sur mer, entre au bateau avec ses gens: le premier coup qu'ils iettent, les filets sont si pleins de poissons, qu'ils semblēt deuoir tout rompre. Qui auoit-il plus ou moins en ce faict qu'e celuy de saint Pierre, & sa compagnie peschans par le commandement de nostre Seigneur, lors que les filets se rompirent, sinon que ceux-cy estoient fauorisez

*Pesche miraculeuse.*

risez de la parole de leur maistre, celuy-là d'une chandelle, ou relique venerable du seruiteur: & ceux-cy obeissoient au maistre, & celuy-là au seruiteur: mais digne en ses actions représenter la vertu & auctorité de son maistre.

*Gnarit des  
fieures.*

Vn ieune homme François Scentaneo demeurant à Paule, eust de legitime mariage vn enfant, qui ayant esté trauaillé des fieures bié l'espace de quinze iours continuément: ce temps expiré le mal ne finit pas tant, qu'il chagea: si que tombant sur les iambes, le rend perclus, sans pouuoir plus cheminer. Le père employe tous les remedes naturels qui se pouuoient penser: & tout cela rien. Il se remet en memoire qu'auant estre marié il auoit eu recours au saint Homme pour la morsure d'un chien enragé, & le bié qui en estoit suiuy: qu'il pourroit peut-estre bien en receuoir autant pour son fils: qu'il falloit tenter ceste voye. Il apporte donc luy mesme son fils, & le presente au saint Homme, avec supplication luy aider. A l'heure mesme il luy donna vn petit habit comme celuy de son Ordre, & la santé aussi parfaite, que meritoient les vestemens du seruiteur de Dieu.

L'effect miraculeux qui va suivre estoit bien aussi grand, encores que la ceremonie obseruee n'aist esté si grande qu'au precedent. Vne defluxion tomba à coup sur le visage & la poitrine d'une petite fille, Perne de Signorelle, natifue de Paule. Elle estoit si fort enflée, qu'à peine pouuoit-elle respirer. Sa mere l'auoit quelqu'autre fois presentee au  
saint



sainct Homme pour vne autre maladie qui luy arriua en plus bas aage, & en auoit emporté ce qu'elle demandoit. Le premier benefice recen luy donne assurance du second: elle retourne à son Medecin, & amaine avec soy sa petite malade: requiert du sainct Homme nouveau remede contre vn nouveau mal. Il faict ce dont il est requis, & enseigne la mere prendre telles & telles herbes, composer vn cataplasme, le mettre sur le mal, la santé deuoir de là ensuiure. La bonne dame voyant que le sainct Homme luy ordonnoit ces remedes, à celle fin de cacher le miracle futur, qu'il pouuoit faire aussi facilement sans tout cela: elle luy dit hardiment: *Mon Pere, ie ne puis composer tant de medecines. Il ne faut qu'un mot qui serue, touchez s'il vous plaist ma fille avec vostre habit seulement, & sans doute elle sera guarie.* Le bon Pere se voyant descouuert, & <sup>il guarit du</sup> son humilité recognuë: se souftriant il approche <sup>seul atton-</sup> vn bout de son habit, la touche & guarit tout en- <sup>chement de</sup> semble. Et pouuoit luy dire à propos ce que son <sup>son habit un</sup> maistre & le nostre dit à la femme hemorouysse <sup>enfant ma-</sup> <sup>lade.</sup> qui desiroit toucher seulement les franges de sō vestement: *Assure toy, ma fille, ta foy t'a sauuee, va en paix.* Qu'admirerez-vous icy premier & d'auantage, ou la foy de ceste femme, ou la vertu des habits de S. FRANÇOIS? Certainement il y a vn tres-ample sujet d'admirer & adorer la Bonté & grandeur de nostre Dieu en tous les deux.

Il n'est si facile au potier donner telle forme que bon luy semble à l'argile qu'il manie avec les mains: qu'au sainct Homme changer les qualitez de la nature des choses, qui se retrouuoient

és siennes. Cela se verifie appertement en ce qui suit. Vn huissier, nommé Venchio Pignatario, vient exprés à Paule pour prendre prisonnier vn qui se nommoit Iean de Paule, à raison de ses debtes. Il le trouue au Conuent en la compagnie du saint Homme : en la presence duquel il luy faict commandement le suiure à Cusance. Il falloit obeyr à la Iustice, & partir de ce pas. Il prend congé du bon Pere, qui leur dit à tous deux: *Par charité vous ne partirez point d'icy que n'ayez prins la collation.* Ou que la necessité les inuitast, ou bien le respect que chacun rendoit au S. Homme, ils obeyssent aussi facilement, comme le commandement n'estoit pas grandement difficile. Il leur met dōc la seruiette, couure la table de pain, & de vin, & leur presente deux melons. Ces deux hommes se iettent sur les melons en bonne volonté d'y laisser les marques de leur appetit: mais au premier morceau, ils sentent vn si mauuais goust en la bouche, que chacun sans autre ceremonie porte le reste sur l'alsiete, sans y oser plus toucher. Le S. Homme recognoist au traitement qu'ils faisoient à ce fruit, autre qu'ils n'en auoient fait mine le prenāt du cōmencement pour manger, que quelque chose alloit mal. Il s'adresse à cet habitant de Paule, cōme à celuy qui luy estoit plus familier: *Iean, luy dit-il, les melons sont-ils bōs?* La ciuilité que doit celuy qui est à la table d'autrū luy apprend respondre avec modestie, qu'ils estoient aucunement passables. Ceste response à demy donna entiere cognoissance de la question au bon Pere. A raison dequoy il print entre ses mains les melons, en coupe chacun vn quartier, leur presente, & supplie en manger derechef. Ces hommes

hommes ignorans de ce qui estoit fait, par honneur en coupent vn petit morceau de celuy qui leur estoit présenté, & le portent à la bouche. Le coup d'essay se trouua si deliciaux, qu'ils retournent au reste qu'ils auoient mis sur l'assiete, & de là au plat pour en couper eux-mesmes, & goster naturellement vne action qu'ils croyoient avec verité fort miraculeuse. Cet habitant de Paule estoit assez familier au Reuerend Archeuesque de Cusance, qui pour lors seiournoit à S. Lucido; qui est scitué entre Paule & Cusance; Leur chemin donnoit par là, il minute en son esprit, porter en passant vn morceau de ces melons goster au susdit Prelat, & luy faire entendre ce & comme il estoit aduenu. A ceste fin il en coupe vn quartier, le serre dans vn linge blanc par forme de prouision pour luy manger par les chemins. En effet ayant remercié & prins congé du S. Homme, il suit l'huissier, passe par le bourg de S. Lucido, salüe le reuerend Archeuesque, & luy fait present du morceau de ce melon miraculeux: avec le discours veritable de toute l'histoire: pour laquelle l'huissier, & son prisonnier pleigeoient leur honneur, & serment, la chose estre ainsi qu'ils la recitoiēt eux deux. Le sieur Archeuesque apuyé sur leurs paroles, prend appetit, & deuotion d'en goster: & sentant ce fruit si salutoureux, apres vne si grande Metamorphose, & changement, se fit garder le reste, pour manger à son repas: & prononça deuant la compagnie, que de long temps la terre n'auoit porté vn si S. Homme que celuy duquel Dieu honnoroit son diocese, parlant de *S. François de Paule*. Que dès le lendemain il vouloit celebrer le saint sacrifice de la

*Melons de  
mauuais  
goustrédus  
tres deli-  
cieux de  
seul attou-  
chement de  
S. François.*

Messe en actions de graces à la Diuine Bonté, pour les miracles qui se faisoient tous les iours, par son bon seruiteur : & specialement pour ce dernier, qui aussi tost diuulgne par tout le pays, fit entendre qu'il y auoit vn Dieu au Ciel, & vn homme sur terre, ausquels toutes choses obeissoient.

*Guarit un  
œil gasté.*

Le S. Homme estant en son Conuent à Paterne, vne femme du pays luy amene vne siene fille, qui auoit l'œil fort gasté, quasi comme perdu. Tous les remedes qu'on y pouuoit appliquer estoient inutiles. Le S. Homme prend de l'eau beniste, lauel l'œil de la fille, puis l'essuye doucement avec ses doigts, & luy rend cet œil aussi beau & bon que l'autre. L'estime beaucoup la vertu de l'eau beniste : neantmoins l'œil en estoit laué & mouillé, mais non guarý insques à tant que les doigts benis du saint Homme y eussent laissé cet effet par l'attouchement, reconnu par la mere, qui en demeura toute estonnee, pour voir cela operer si subitement.

*Vne apostu-  
me.*

L'attouchement de la main du bon Pere causa subitement cet autre miracle. Fabian de la Mantee eut vne apostume froide en la iointure de la main, qui luy cauſoit des douleurs si picquantes, qu'il crioit sans cesse: demandoit seulement à son Chirurgien luy adoucir le mal, sinon le guarir si tost. Les remedes ne disent mot, & permettent au patient se plaindre à bon escient. Le voicy venir au Conuent, & descharger vne partie de son mal par ses doleances qu'il continuoit. Le saint Homme luy demande voir cet apostume si facheuse: prend la main, & luy touchant à l'endroit d'où il sentoit le plus de douleur, luy appaise entierement, & le guarit aussi tost.

Il en

Il en fit autant à vn citoyen de Paterne, qui se nommoit Salerne de Bunacce. Il auoit vn corps si cacochyme, & plein de mauuaises humeurs, qu'elles luy pourrissoient la chair en certaines parties de son corps, avec grandissime douleur pour luy, & plus de puanteur pour les autres. Il vient, comme vn chacun faisoit, trouuer ce celeste Medecin, esperant en estre soulagé cōme il fut. Le S. Homme luy print les mains, les luy serre, puis touche encor avec ses mains toutes les parties du corps vlcerées, & les guarissoit au mesme temps, sans y appliquer autre chose que la vertu mesme qui sortoit des membres de son corps.

*Guarison  
d'un corps  
putrescé de  
cacochymie.*

Pendant qu'on edifioit le Conuent de Pavle, le bon Pere auoit mené quantité d'ouuriers, & quelques siens Religieux, pour tailler du bois en la montagne proche de la ville & du Conuent. Chacun se met en besongne, les Religieux, & les seculiers. Vn des Religieux se met à couper vn arbre, au pied duquel reposoit vne grosse couleuvre: ne l'aduissant pas il marche dessus, ou autrement il l'irrite: le serpent se met en defense avec ses armes naturelles: avec sa langue venimeuse il pique le Religieux au pied, qui aussi tost qu'il le sent, aussi tost il s'escrie, le bon Pere vient soudain au secours, luy lie le lieu de la morsure avec vn brin de genest, & luy dit: *Mon fils, nous iouïssons paisiblement d'un priuilege que Dieu nous a donné: il n'y a serpent ou poison qui nous puisse nuire.* Il en estoit bien ainsi. Car le bon Pere pronōçoit encore ces mots, que voila le Religieux guarry: mais l'homme animal, aussi grosier que ses sés, & qui niuelle les œuures miraculeuses à la petite

*De la morsure d'un serpent.*

action de la nature, ne peut contribuer de foy, où il ne reçoit de raison. Ces pay sans presens au miracle, qui leur deuoit en faire naistre l'estime au cœur, pour leur indisposition n'en produirent qu'un mespris à la bouche, ce Religieux n'auoir esté mordu d'un serpent : la cure trop subite le monstrier bien : qu'il auoit senty la poincte d'une espine : la chose n'estre point incurable : que la nature y pouuoit remedier. Et retournent ainsi de leur ouurage, avec la creance de telles fadaïses, iusques à tant que Dieu eust corrigé leur infidelité, par ce qui suruint. La nuit suivante ce Religieux sent son pied avec grande douleur, l'enfleure monte peu à peu, & gaigne ia iusques à la iambe, & le presse si fort, que sans attēdre au lendemain, bien que ce fust en temps de silence, la necessité, & telle necessité n'auoit point de loy, au moins portoit iustement sa dispense avec soy, il va en diligence à la chambre du bon Pere, frappe à sa porte, & luy demande du secours. Le S. Homme luy mania seulement le pied, & fit retirer & cesser tout le mal, luy disant : *Mon fils cela n'est riē, sinon pour faire croire le contraire à ceux qui nioient le iour d'hier que ce fust là vne morsure de serpēt.* Telle fut l'humble raisō du Pere de l'humilite. Mais, il sēble que nostre deuotion en doit adiouter vne autre : que cōme il auoit voulu par son ordinaire humilite cacher ce miracle avec un brin de genest : Dieu qui s'estudie d'autant plus exalter les humbles, nous voulust instruire que la cure miraculeuse prenoit son origine seulement des mains du saint Homme pleines de merueilles.

Vn autre fait merueilleux aduint en vne mesme besongne, edifiant son Eglise. Mais cestuy cy fut

fut à Paterne, & en la personne d'un ſeculier, habitant de la ville, qui ſe nommoit Bernardin de Fleure. Il eſtoit allé avec le bon Pere, & les autres charpentiers couper du bois en la foreſt. Son compaignon plus proche de luy, veuant de roideur la coignée avec le bras, le fer laiſſe le manche, & l'offence grandement à la teſte juſques à luy caſſer l'oſ: le ſang couloit comme un petit ruiſſeau, il eſt ietté par terre, & le croit on à demy mort. Chacun quitte ſon outil, on accourt pour voir ce tragique accident. Le S. Homme vient apres les autres, & approchant, appelle le patient par ſon nom, luy demandant ce qu'il auoit: *helas*, ce dit-il, *mon Pere ie penſe que ie vay mourir*: Alors le S. Homme le conſole, l'exhortant à patience: & prend de ſes mains la partie offenſée: arreſte le ſang, & qui eſt beaucoup plus admirable, au meſme inſtant guarit ſa playe, ſi parfaitement, qu'il n'y reſta pas ſeulement la cicatrice, ou marque de la rupture, tant les mains du S. Homme eſtoient pleines de ſanté.

*Guarit on de ſes ouvriers d'une profonde playe en la teſte.*

Nicolas de Caſtelo marchand bourgeois de la ville de Paule retournant du Leuant par mer, ſur vne galere, approchant du pays, eut vne ſi grande deſfluxion de cerueau, que le col, & la face eſtoient eſtrangement enfléz: perdit l'ouye, & fut réduit en un eſtat ſi deplorable, qu'il ne ſçauoit ſ'il eſtoit viſ, ou mort. Cet accidēt le travaille environ l'eſpace de deux mois, ſans que les medecins, par medecines diuerſes, & reiterees, y puiſſent mettre remede quelconque. Sa belle mere voyāt cela que les peines, & induſtries des hommes ne promettoient rien plus: elle a recours à ſainct François de Paule, luy fait conduire ſon malade,

*Guarit d'un bien dange-reuſe en-flure au viſage.*

& le supplie affectueusement l'auoir en souuenance particuliere dans ses prieres, & oraisons. Le S. Homme reçoit charitablement le patient, print ses narines: les tint aussi long temps, qu'on demeueroit à dire deux fois le *Pater noster*: luy fait sortir par les aureilles abondance de pus, & ordu-  
 re purulente: si bien qu'auant que partir de là, il le rendit parfaictement guery.

*D'un bras  
rompu.*

En la mesme ville demeueroit Durable de Mie-  
 le qui par accident se rompit vn bras, & voulant  
 venir à Paule pour se mettre entre les mains des  
 chirurgiens, qui auoient reputation d'exceller en  
 leur art par dessus ceux de Paterne, son bon heur  
 voulut qu'il rencontrast en son chemin le S. Hō-  
 me: qui l'ayant salüé: *Par charité* ce luy dit-il, *où  
 allez vous?* L'autre luy respond qu'il alloit à Pau-  
 le, pour se faire penser d'un bras qu'il auoit rom-  
 pu, & luy caufoit de grandes douleurs: *Je ne veux  
 pas*, repartit le S. Homme, *que vous vous donniés  
 ceste peine là d'aller insque à Paule pour si peu,* &  
 disant cela il luy prēd le bras, & met sa main des-  
 sus: *Allés*, adiousta-il, *dans quinze iours vous se-  
 rēs guery*, vertu vrayement energique en l'attou-  
 chement de sa main. Car au mesme instant toute  
 la douleur cessa, & les quinze iours expirez, le  
 bras reprint ses premieres forces.

La foy, & creance que nous portons aux cho-  
 ses saintes a merueilleusement vne grande ver-  
 tu, voire si grande, que bien souuent comme le  
 fils de Dieu en a prononcé la mesme verité, à la  
 mesure de ceste foy Dieu opere ces ceures mi-  
 raculeuses. C'a esté le bon heur d'un concierge  
 du chasteau Messilaffon, qui est en la Calabre, où  
 nous auions ia vn Couuent basti. Cet homme

eur



eut vne defluxion fort grande sur la iambe: le feu s'y engendre, & gaigne si bien peu à peu, que craignât de perdre le reste du corps, les Medecins, & Chirurgiens conclurent à luy couper la iambe, s'il n'ayme mieux perdre la vie. Ce pauvre patiēt bien estonné de ceste resolution, enuoye au Cōuent: supplie bien humblement tous les Religieux se mettre en prieres: y perseuerer en son intention: qu'au surplus s'ils auoient quelque deuotion de leur bon Pere, luy enuoyer, & prester pour vn temps. Ils chargent le messager dire au concierge qu'ils feroient volontiers ce dont il les supplioit, & qu'ils n'auoient pour le present autre chose du bon Pere, sinon la chandelle beniste qu'ils luy enuoyoient. Le cōcierge la recut avec grande deuotion, & estant prest de se coucher, il enveloppe ceste chandelle sur sa iambe: esperant aux prieres & merites du S. Homme, & repose iusques à l'heure de minuiet, qu'il se sent esueillé, & dispos ce luy semble de sa iambe: il esueille sa garde, fait allumer la chandelle, il veut voir son mal: mais il ne paroist plus. Il se leue & avec deux ou trois coups qu'il frappe la terre, il recognoist qu'il est guery. Le lendemain au matin son premier voyage tend au Conuent, rapporte sa chandelle avec vne infinité d'actions de graces à la Bonté de Dieu, pour le bien-fait qu'il auoit receu par les merites du S. Homme.

Le bon Pere auoit mené en la carriere plusieurs maneures rompre de la pierre, pour le bastiment de son Conuent de Paule. Vn des carriers auoit dressé son coin, & ce luy semble bien asseuré pour le frapper: au premier coup le voila sortir de force, sauter & ataindre son visage:

*D'une iambe presté à couper.*

*Guarison  
des escromel-  
les.*

ge: où il l'offence grandement, iusques à luy faire tomber plusieurs dêts de la bouche, avec son sãg qui couloit comme du canal d'vne fontaine: la douleur le force s'escrier: le cry aduertit le S. Hõme, que voila aussi tost arriué au secours, qui cõmence par douces paroles & pleines de consolation: *N'ayeZ peur, ce luy dit-il, ie vous assure que ce ne sera rien, Dieu aydant.* Disant cela il met sa main dans la bouche de cet homme. Chose admirable que cet attouchement soit de si grãde vertu! en vn instant le sang s'arreste: les dêts remises en leur lieu se rafermissent: il reste nõ pas vn seul vestige de blessure, tant ses mains estoient remplies de biens-faits & charitez, pour en faire la distribution à toutes necessitez occurrentes.

*Le mesme.*

Vne femme de la ville de Paterne vint trouver le S. Homme, & le prie instamment la guarir de sa maladie, qui l'importunoit autant qu'elle la trauailloit. C'estoient les escroüelles. Le bon Pere plein de charité, s'aproche, & avec ses propres mains luy touche à la gorge au lieu de son mal, & aussi tost elle fut guerie. Comme au reste des choses qu'il touchoit à dessein il y laissoit tousiours quelque effet de sa benediction.

L'Aduocat Cõsistorial qui fut chargé referer en presence du Pape Leon X. & des Cardinaux, les faits miraculeux du saint Homme, auant que proceder à sa canonization, suiuant la louable coustume de l'Eglise, sceut fort bien remarquer vn miracle entre les autres vrayement digne de remarque: lequel, *sont ses paroles*, ne se trouue point du tout, ou fort rarement, entre les actes des autres Saints. C'est rendre l'esprit ou iugement à celuy qui en est priué Cecy arriua à Cusance

fance en la maison d'un honorable citoyen de la  
 ville. Son fils auoit perdu l'esprit, & en faisoit les  
 actions: mais si estrangement importunes, que  
 force fut se resoudre le mettre aux ceps, les fers  
 aux pieds & aux mains. Le pere extremement af-  
 fligé pour le fils, vient trouuer le saint Homme, <sup>Guarison</sup>  
 pour obtenir de luy quelque secours. Les affai- <sup>d'un insen-</sup>  
 res du S. Homme ne luy donnant pour l'heure <sup>sé.</sup>  
 facile accez, on le remet à vn autre iour plus cō-  
 mode. Le pere adiousté à son premier aduis, qu'il  
 feroit plus expediēt amener son fils, afin que par  
 le mesme voyage, il le representast au S. Homme,  
 pour iuger s'il y restoit quelque esperance d'y  
 pouuoir remedier. On amene donc ce pauvre  
 fol tout lié & garotté, suiuy d'une quantité fort  
 grande de monde, esprins d'une sainte curiosité  
 d'estre spectateur de l'issuë. On le presenta donc  
 au saint Homme en cet equipage, qui ordonna  
 aussi tost le deslier, & luy donner toute liberté.  
 A mesme qu'on le touchoit, il s'efforçoit cōme  
 vn enragé prendre les mains des hommes qui le  
 tenoient, avec les dents: il s'eslança encores con-  
 tre le S. Homme qui l'approchoit, pour le mor-  
 dre. Puis le bon Pere luy ayant touché de ses  
 mains la teste & l'estomach, le marque du signe  
 salutaire de la Croix. Aussi tost, avec vne admi-  
 ration grande de l'assistance, le voila accoisé, aussi  
 doux qu'un agneau: sa rage est vne modestie: &  
 sa folie quasi la mesme sagesse. Nous ne lisons  
 point és Euāgiles que nostre Sauueur ait iamais  
 fait vn semblable miracle. Ce n'est pas toutes-  
 fois pour conclure, qu'il ne l'aye fait, car saint  
 Iean nous aduertit qu'il y en a vn si grand nom-  
 bre, que si on les recueilloit par escrit, le monde

ne

*ne seroit pas bastant pour en contenir les liures. Que s'il ne l'a fait, parce qu'il ne l'aura voulu faire, il a bien daigné nous aduiser avec son Eglise, que ceux qui croyroient en luy, feroient des miracles semblables aux siens, avec d'autres qui seroient encores plus grands. Comme en ce qui va suivre.*

François Arbio citoyen de Paterne, retournât pourmener de sa vigne, fit rencontre d'un homme Cusantin, qui appartenoit à la famille si honorable des Roches: qui l'ayant salué, & fait quelque cognoissance, luy demande s'il cognoissoit particulièrement S. FRANÇOIS: & si par sa faueur il ne pourroit point auoir quelque accez pour luy parler: celui de Paterne dit auoir l'honneur d'estre cognu du saint Homme, & qu'il se promettoit avec l'aide de Dieu luy faire donner audience, lors, & tant qu'il voudroit. Les voyla donc ioincts de compagnie, pour venir au Monastere, où arriuez qu'ils sont, cestuy-cy fait scauoir au saint Homme qu'un habitant de Cusance eut fort desiré luy pouuoir dire un mot. Le bon Pere vient, se presente au Cusantin, luy demande le suiet pourquoy il l'auoit fait appeller: *Mon Pere*, ce luy dit-il, *c'est que ie vous veux faire voir vne creature, qui est née, & entree au monde sans yeux, & bouche:* disant cela il fait signe de s'approcher, à ceux qui le suiuoient, & l'apportoient. On la descouure, la compagnie vid vne chose merueilleusemēt hydeuse, qui sembloit un monstre, comme vrayemēt c'estoit vne masse de chair sans forme, & specialement au visage, où il n'y paroissoit aucune marque d'yeux, & de bouche, qui sont bien des principaux lineaments qui

*Beau miracle sur un enfāt sans bouche ny yeux.*

qui embellissent la face: le saint Homme prend de sa salive avec ses doigts & en touche le lieu au visage, où deuoient estre les yeux, aussi tost les voila formez. Il dit au Cusantin les luy ouurir avec ses doigts: les plus beaux yeux du monde! Il faißt le semblable, & marque avec sa salive la place de la bouche, l'enfant commence soudain l'ouurir. En fin d'un petit monstre, il represente vn des beaux petits enfans qui se pouuoit voir où le saint Homme observa faire deux miracles en vne seule personne, lesquels IESVS-CHRIST auoit faißt en deux diuers hommes, l'un desquels qui estoit muet, luy toucha la bouche avec ses doigts, & luy commanda s'ouurir, & parler. A l'autre c'est l'auengle nay, à qui avec sa salive meslee en la poussiere, il rendit la veüe. Aussi le bon Pere pouuoit bien dire avec saint Paul, que ce n'estoit plus luy, mais IESVS-CHRIST qui viuoit en luy, & renouuelloit tous les iours ces premiers miracles.

Voicy vn autre enfant qu'on presente au saint Homme pour luy aider. Il est nay avec vne tache dans l'œil, qui croissoit avec le corps de l'enfant: luy diminuoit beaucoup de la veüe, & rendoit son visage plus difforme: le bon Pere comme par forme de caresser ceste enfance, luy touche doucement la teste avec son baston, & luy rend tout à coup cét œil aussi beau, & net que l'autre.

Pierre Angelo citoyē de Nicastre, vint exprès à Paterne visiter le S. Homme, avec lequel ayant longuement traicté du fait de sa conscience, estât bien satisfait prend congé du bon Pere pour s'en retourner chez luy au pays: à la sortie du Couuent, le bon Pere prend quatre petites chandelles

*A l'œil taché d'un autre enfāt.*

*Guarison de  
gouttes.*

delles de cire, esquelles avec l'ongle il imprima la figure d'une petite Croix, en chacune, & les luy donnant: *Tenez*, ce dit-il, *portez cela avec vous & les gardez en vostre maison, par deuotion, & en l'honneur de nostre Seigneur IESVS-CHRIST.* Cét homme prend les chandelles, & les tient sur soy, aussi chèrement que les plus précieuses reliques. Arrivé qu'il est au logis il donne vne de ses chandelles à sa femme qui estoit grandement travaillée du mal, *Artetico*, de la goutte; ses douleurs estoient par fois si violentes, & la fluxion si grande, que bien souuent elle perdoit la parole, sinon du depuis qu'elle eut porté sur soy la chandelle de cire, que le saint Hōme auoit donnée à son mary: de laquelle ayāt senty les effects merueilleux, oncques depuis en toute sa vie elle ne fut iour ou nuict, sans porter ce riche reliquaire, avec vne indubitable foy & reuerence.

*Punitiō d'un  
proterue.*

Proche du Conuent y auoit vne piece de terre absolument necessaire pour la cōmodité des Religieux. Celuy à qui elle appartenoit, ne la vouloit donner, ny vēdre, ny permuter. Le S. Hōme interpose de ses amis, luy fit remontrer que ce n'est point le plaisir, ains la seule necessité qui fait desirer son heritage qu'il aduifast en demander ce qui seroit de raison, & qu'il ne dōnast empeschement au progres d'un si saint œuure. Cét hōme s'obstine aux remonstrances, escondit les prieres de ses amis, & se ferme malicieusement, que pour rien il ne donneroit son heritage: mais il ne voyoit pas que la malice deliberee, à Dieu pour partie, qui reste tousiours le plus fort, & le maistre en ses entreprinſes: il visite donc cét hōme d'un mal de teste, & si poignant, ce disoit-il, qu'il

qu'il luy sembloit que les chiens luy rongeoient: il appelle les Medecins, leur expose son mal, ils luy appliquent leurs remedes, sans remede. Aussi n'estoit-ce la nature seule qui causast ceste maladie, ains Dieu irrité contre luy, à qui pourtant, il falloit parler seulement. La necessité donc l'emportant sur l'amour: force luy est mendier les faueurs de ceux qu'il s'estoit desobligez. Il enuoye chercher le bon Pere, & luy demande du secours, pour l'amour de Dieu: le S. Homme luy mettât la main sur la teste: la vertu de ce saint attouchemēt fait sortir par l'aureille du malade, vn ver tout velu, & long enuiron de demy pied: & au mesme instant il receut du repos, & la santé autant en l'ame qu'en son corps: car ayant resenty en soy-mesme, les effects de la sainteté du saint Homme, & la necessité que le pays auoit de sa presence, & des siens: pour aussi ne rester ingrat à vn si grand benefice, qu'il en auoit receu: il donna de son plein gré aux Religieux l'heritage, qu'à quelque prix que ce fust, il ne leur auoit voulu vendre.

*Celuy qui ne luy auoit voulu vendre son heritage, luy donna apres la santé, receue.*

Vn ieune homme du pays de Terre-neufue, portoit avec toutes les impatiences du monde, vn mal qui luy estoit aduenü à la main: il vient veoir le S. Homme, & luy forme ses doleances: les douleurs estre extremement poignantes, qu'il ne faisoit rien, & ne pouuoit rien faire, cela ennuier vn ieune homme de son aage, & d'autres semblables raisons, que fournissoit l'impatience: desquelles toutesfois le bon Pere prenant compassion luy prend la main, avec la sienne, en guise de vouloir recognoistre le mal, en effect pour le guerir, par l'attouchement de la sienne,

comme

*Guarit une main.*

comme il arriua. Car luy laschant la main, il luy laissa tout ensemble la santé.

*Guariso d'escro-  
nelles &  
apostumes.*

Vn Clerc de l'Eglise de Cantazare, il se nommoit Messire Samson de Carassio, auoit la gorge fort endommagée de plusieurs apostumes, & avec cela des escroüelles qui le suffoquoient iusques là: que quelquefois à peine pouuoit-il respirer. Les medecines, ou emplatres n'aduangoient rié. On luy conseille de s'efforcer venir iusques à Paterne se presenter au saint Homme: ses amis s'offrent l'assister de leurs peines & de moyens, si besoin estoit. Il se laisse persuader à la raison, se met en chemin, & arriue au Conuent. Le saint Homme estant aduertty de sa necessité, vient recognoistre les playes, les touche de ses doigts, & y imprime sa vertu. Car au mesme instant le Clerc se sentit miraculeusement deliuré des chaleurs & ardentes fiebres, que les playes & vlceres luy auoient causé: puis retourna chez luy, chantant par les chemins les louanges de Dieu & de la charité du S. Homme.

Les Saints conuersants encores avec les hommes sur terre ont esté si fort honnorez de Dieu, que les choses mesmes qui ont seruy au plus vil vsage des necessitez de leur vie, en retenoient avec soy vne vertu miraculeuse, pour bien faire à ceux qui s'en rendoient dignes, par vn respect Chrestien iustement deu aux choses saintes. Comme au contraire Dieu en a prins & prend assez souuent vengeance contre ceux qui les traittent avec mespris. Il aduint, pour exemple, que le saint Homme sortant la ville de Rome pour s'embarquer en vne Galere, & venir en France, vne honorable Dame Romaine,



ne, ayant apprins par le recit d'autres femmes  
 ses bonnes amies , aussi deuotieuses qu'elle,  
 que le saint Homme donnoit des chapelers,  
 & chandelles benistes à plusieurs qui luy en  
 demandoient: & depuis les gardoient en grâ-  
 de deuotion. Elle court au lieu, où il auoit esté  
 logé en intention luy demander quelque cho-  
 se de semblable. Elle arriue trop tard: le bon  
 Pere estoit ja party. Ceste femme ne veut per-  
 dre ses peines : elle s'informe s'il n'y a rien  
 laissé de petits meubles de sa pauvreté: on luy  
 dit ne rester rien autre chose , que le foin sur  
 lequel il auoit couché , elle prend donc vne  
 poignée de ce foin, avec bien de la deuotion:  
 le porte en son logis, & entrant le met sur la  
 table. Son mary arriuant à l'heure mesme, luy  
 demande ce que c'estoit de ce foin & ce qu'elle  
 en vouloit faire: pourquoy elle le mettoit sur  
 la table: *Mon amy*, ce luy dit-elle, avec vne  
 grande simplicité, *c'est du foin ou le saint Ho-*  
*me a couché, sciournant en ceste ville: ie desire le*  
*garder par deuotion.* Cest homme croit auoir  
 trouué sujet de rire son saoul, & appellant sa  
 femme, vne folle, vne sotte , vne supersti-  
 tieuse, avec mots semblables assez communs  
 à ces personnes peu sages, & tres mal apprins,  
 il prend le foin comme par despit pour le jet-  
 ter sous ses pieds. Aussi tost la main vengeresse  
 de Dieu faisant iustice contre ceste main sa-  
 crilege, permet qu'elle demeure aussi bas qu'il  
 auoit estendu le bras, pour ietter le foin, & e-  
 stoit tellement attachee & roidie contre sa  
 cuisse, qu'il ne peut onc leuer ou mouvoir le  
 bras, & la main, iusques à ce que recognoissât

*Le foin sur  
 lequel auoit  
 couché S.*

*Fräçois dig-  
 ne de respect  
 & son mes-  
 pris griesue-  
 ment puny.*

vne faute si grande, & craignant vn plus grãd chastiment, il prend quelques personnes pour l'accompagner au chemin, & avec grande haste il court trouuer le saint Homme, qui alloit s'embarquer pour sortir du port qui estoit à six lieux distant de la ville, & se prosternant à ses pieds avec contrition de cœur, & les larmes aux yeux, confessoit sa faute, & demandoit bien humblement pardon. Le saint Homme qui n'estoit qu'amour, embrasse ce pauvre penitent, & luy donnant sa benediction, luy dit, releuer son bras & sa main, puis que Dieu luy auoit pardonné. Cet homme se leue, & retourne à Rome, portant avec soy les marques de la Bonté de Dieu, & de la sainteté de ce bon Pere.

En ce mesme voyage, il aduint vn autre chose peut estre plus admirable, que celle de dessus. L'Ambassadeur du Roy de France, qui emmenoit le saint Homme, auoit prins vne Galere à Naples, pour venir iusques au port de Marseille, où estant arriué, ayant prins terre avec le saint Homme, les mariniers ne pensoient plus, sinon à retourner au pays. Ils sortent donc hors du port & commencent à nager avec les rames. Estans en pleine mer, n'ayans toutesfois fait encores que fort peu de chemin, voicy arriuer vne estrange tempeste: voire telle qu'ils iugent ne la pouuoir soustenir sans y perdre la vie. La les mariniers iettez dans vn desespoir auoient abandonné le vaisseau à la mercy des vents, & de l'eau, lors qu'un des esclaves attaché à la cadene pour ramer, trouue pres de son banc, vne pai-  
re de

re de focques de bois ou galoches du saint Homme, qui estoient là restees par mesgarde: & les prenant disoit d'une parole desdaigneuse: voicy encores les focques de ce malheureux Moine, qui n'a voulu me retirer d'icy, comme il pouvoit, s'il m'eust voulu demander en faueur du Roy de France, acheuant de parler, il iette par despit ces focques dans la mer: laquelle sentant la vertu de ce petit meuble tout vil, & abiect qu'il fust, l'honorant comme vu precieux reliquaire, s'accoise & appaise tout à coup, & demeura paisible le long du voyage, iusques à ce qu'estans arriuez à Naples, ils firent scauoir l'entree du saint Homme en France, avec les merueilles, & celuy-cy particulièrement entre les autres qu'il auoient veu sur le chemin.

*Les galoches de S. François ietees par mespris en mer accoisent les tempestes.*

Le saint Homme faisant sa demeure au Conuent de Tours vne femme enceinte vient vers luy, en intention se recommander à ses prieres, sur le sujet qu'ayant porté desja plusieurs enfans, qu'elle souloit rédre tous morts, sans pouuoir donner Baptesine à pas vn: qu'il pleut à Dieu conseruer au moins son fruit, iusques apres auoir receu ce Sacrement. Le bon Pere luy promist en traiter avec Dieu, que de sa part elle disposast sa conscience pour n'empescher les effects d'enhaut. Le iour de sa couche estant venu, le saint Homme luy enuoye deux chandelles benistés; aussi tost qu'elle en eust faict allumer vne, les douleurs luy cesserent entierement, & sans aucune peine enfanta vn beau fils, qui a vescu fort long temps.

*Delivre une femme du travail.*

*Guarison  
d'une choli-  
que graue-  
luse.*

Iean Messénage marchant bourgeois en la ville de Tours voyant sa femme cruellement trauaillée d'une colique graueleuse, par l'espace de deux iours, & autant de nuicts : sans auoir eu vne seule minute de repos. Apres tous les remedes, que la medecine sceut inuenter, & appliquer sans aucun effect, le tout estant comme desespéré, ils enuoyét vers le saint Homme vn de leurs nepueux, le suppliât bien humblement auoir souuenance d'elle en ses oraisons. Le bon Pere donna au messager vn chapelet, avec vne chandelle beniste : *Allez mon enfant* ce luy dit-il, *portez cela à vostre tante, & luy dites de ma part, qu'elle face allumer ceste chandelle, & pendant qu'elle bruslera, elle recite son chapelet.* Cela se faict ainsi que le saint Homme l'auoit ordonné: pendant les prieres, ceste femme ietta vne pierre de la grosseur d'une noix, & fut si parfaitement deliuree, que de là en apres elle n'en sentist iamais aucune incommodité.

*Du travail  
d'enfant.*

Vne femme en la ville d'Amboyse estoit grosse de six mois. Il luy print vn flux de sang, que les medecins ne pouans arrester, elle deuint en telle foiblesse, qu'on la iugeoit deuoir rendre l'esprit. Vn autre femme de ses voisines, qui auoit autrefois receu vn enfant par les prieres du saint Homme, à laquelle mesme il auoit donné quelques benedictions: elle y print vne chandelle beniste, vint à la chambre de ceste pauvre femme malade, iusques à l'extremité: elle allume ceste chandelle, exhorte la patiente se recommander à Dieu, par les merites du Saint Homme, qui estoit encores

Vie

viuant, & se mettât à genoux apres auoir dict cinq *Pater noster*, & cinq *Aue Maria*, à moins de demie heure ceste femme rendist son fruit, en telle sorte neantmoins qu'il peust receuoir le saint baptesme, & peu de temps apres la mere retourna en sa premiere santé.

Vn Gentil homme de Bretagne, s'estant retiré en vne sienne maison des champs, voicy que la nuit il s'esleua vne si effroyable tēpeste sur sa maison, qu'il croyoit estre perdu & que tout deust aller dessus dessous : lors qu'il se souuint auoir receu autresfois quelques chandelles benistes du saint Homme. Il va donc en prendre vne, l'allume, & la tient en main comme vn reste de ses assurances, esperant en la Bonté de Dieu, par les merites du saint Homme. Chose certes admirable qu'à peine la chandelle estoit allumee, que la lumiere donna cognoissance à cēt element insensible, honora les merites de ce saint personnage, & luy arresta ses choleres, si qu'en vn instant, l'air demeura aussi calme, & tranquille comme si rien n'eust esté esmeu par le passé.

*Vne chandelle beniste de S. François allumee, faict cesser l'orage.*

Messire Laurens Lalemant, Euesque de Grenoble, ayant vn iour visité le saint Homme en son Conuent d'Amboise, il receut de luy auant son partemēt vn pain benist. Quelques iours apres les nepueux dudict sieur Euesque estans fort trauaillez d'une fieure: ce bon Prelat qui cherchoit tous les moyens de les guarir, s'aduise du pain benist, que le saint Homme luy auoit donné. Il en rompt, & en donne des morceaux à ses nepueux, qui en re-

*Fieures guaries par des pains de S. François.*

ceurent tous ensemble la santé, en mangeant chacun leur morceau. Depuis ce temps ce grand Prelat eut le bon Pere en si grand respect, & deuotion, qu'il le choisist pour son pere spirituel: si qu'à laduenir il se gouuernoit en tout par son conseil.

*Par le mesme vn serpent sort du corps d'une femme.* Au mesme pays de Dauphiné suruint vn grand accident à vne femme, qui s'estant endormie sur la fraischeur de l'herbe, dans vne prayrie, vn serpent se glisse par la bouche, & luy entre dans le corps. On vse de tous les remedes ordinaires, qui ne soulageoient en facon du monde ceste pauvre femme de laquelle on n'attendoit que la mort prochaine, lors que monsieur l'Euesque de Grenoble, porté de deuotion, & de foy aux vertus du saint Homme, se va souuenir qu'il auoit vn pain benist de luy; il en rompt vn morceau, & l'enuoie à la patiente: qui aussi tost qu'elle l'eut auallé, voila le serpent sortir habillement, honorant en son obeysance les merites du S. Homme, imprimee par sa vertu au pain qu'il auoit benist.

*Fieure phrenetique guerie à l'attouchement d'une chandelle beniste par le saint.* Vn des cent gentils-hommes du Roy, il se nommoit Charles de Vic, fut saisie d'une fieure chaude, & phrenesie si grande, qu'il prononcoit des choses aussi éloignez de la raison, qu'il n'appartient qu'à ceste maladie en donner la dispense: parmy ce trouble, Dieu le gratifiant d'un bon interualle, il appelle sa femme, & luy dit, d'apporter vne chandelle beniste, qu'il auoit receu de la main du S. Homme. Il prend ceste chandelle, la pose sur son front, priant Dieu en ceste sorte : *s'il est vray mon*

*Dieu,*

*Dieu, que le bon homme soit vostre fidel seruiteur, comme on bruit, ie vous prie par ses merites me rendre ma santé.* Effect merueilleux de la priere, ou de la faueur du saint Homme. C'est mieus dit de tous les deux ensemble, la douleur de teste cessa au mesme instant, sans que depuis ce gétil-homme en ressentist si peu que ce fust d'incommodité; lequel mesme iura que toute la maladie, & ses douleurs auoient cessé en moins de temps qu'on eust peu leuer son bonnet de dessus sa teste. Ce sont les mesmes termes desquel il vsoit.

Gregoire de Vic Gentil-homme Francois, suiuant le Duc d'Orleans: pédant que la Cour estoit à Amboise faict vn voyage iusques au Plessis lez Tours, pour visiter le saint Homme: dont il sortit bien satisfait, ayant receu de la consolation pour son ame, & vne chandelle beniste, qu'il porta tousiours depuis ce temps sur soy, avec vne grandissime foy, & deuotion aux merites du saint Homme: dont il en sentit les effects à la iournee de saint Aubin. Ce gentilhomme estoit avec vn gros de Cauallerie en l'armee du Roy, l'ennemy les decouure, & faict iouer le canon à bon escien: vn des boulets iette par terre ceux l'à premiere-ment qui deuancoient ce Gentil-homme, & vient en ordre le frapper à la teste, non plus vne teste de chair & d'os, mais vn rocher indomptable. Car à la veue des assistans le boulet au lieu de passer chemin, fut tellement arresté, mais rudement soustenu, que comme trouuant vne chose plus dure que soy, rejallit fort loing, rebrousse chemin,

*Vn coup de canon frappe vn homme à la teste sans l'offenser à cause qu'il portoit vne de ces chandelles benistes.*



& aduoue sa foiblesse: faisant esprouue contre les forces du seruiteur de Dieu. Qui n'eust admiré lors, & confessé librement la vertu, & le pouuoir du saint Homme. Mais qui n'eut prins la resolution de ce braue Gentil-Homme, & valeureux soldat, qui par forme d'actiōs de graces sentans par experience, la force des armes qui couurent les seruiteurs du grand Dieu des armées, abandonne aussi tost les drapeaux des Princes de la terre, pour s'enrooller sous les banderolles de la Croix, par la conduite de ce grand Capitaine S. FRANÇOIS de Paule: duquel ayant esté receu en sa compagnie religieuse, il luy presta le serment en sa profession, qu'il garda fidèlement de viure, & mourir, seruant Dieu, & obseruant sa Reigle avec les constitutions del' Ordre.

Le Sage dit fort sagement: *Dieu auoir fait toutes choses doubles, vn contre vn, deux contre deux, le bien en vn mot contre le mal.* Quelques forciers auoient receu mescontentemēt d'une certaine femme es enuiron de Tours, ils se vangent, & luy donnent vn morceau qu'elle auale avec la folie, & la rage mesme, qui la priuoit de sens, & entendement. Ses parens, & amis l'emportent iusques au Couuent du Plessis, & la presentent au saint Homme, avec vn bien-humble requeste, de les secourir.

*Guarit vne  
enforcee.*

Le bon Pere benist vn morceau de pain, le donne à ceste femme enforcelee, & luy fait aualler. Au mesme temps elle se sentit deliuree, en signe de quoy elle commenca à parler, & traicter avec la compagnie, aussi modestement qu'elle eut fait en toute sa vie.

LES



## LES MIRACLES FAICTS *depuis la mort.*

La nature qui d'une main liberale fournissant à chacune des creatures ce que dont la necessité la pouuoit requerir: semble aucunement auoir esté prodigue à quelques vnes, qu'elle a enrichies de vertus & qualitez, qui surpassoiēt l'estat de leur condition, & espece. La preuue de cecy, avec plusieurs choses semblables, sera vn arbre, qui croit en l'isle de Cimbubon avec ses fueilles, ses fleurs, & ses fruiçts, qui ont leur propriété naturelle, mais limitée dans celle des arbres & des plantes, sinon (voicy le bien-faict extraordinaire de la nature) lors que les fueilles tombent par terre, elles semblent y prendre vne vertu plus grande, qui est de la vie animale. Car elles se meuuent, & aduancent par vn certain rampement: Ces fueilles sont semblables à celles d'un meurier, & ont de chacun costé aux deux extremités, comme deux petits pieds. Estans comprimées, ou ferrees elles ne iettent aucun sang: estans touchées elles s'aduancent, ou reculent du chemin lentement comme la tortue, ou escreuiffe. Merueille certes prodigieux, ou prodige merueilleux, où la nature nous va peignant comme en vn riche tableau, les merueilles, & prodiges, que la grace opere par les saints ou saintes Reliques. Je compare le SAINT pendant sa vie, à cet arbre, qui est sur pied: qui iouit des priuileges des autres arbres de son espece: & le SAINT de ceux des autres SS. desquels

desquels les corps tombans en terre par la mort, ne doiuent estre iugez morts, non plus que les fueilles de cet arbre, qui au contraire tombées par terre recoiuent vne vie plus excellente. Ne diroit on pas que nos Saincts sōt plus vifs, apres leur mort, que deuant : puis qu'ils produisent des actions de vie couuertes qu'ils font de la terre plus qu'il n'ont faict (pour la pluspart) lors qu'ils cheminoient dessus; les petits pieds de ces fueilles écrasez ne rendent point de sang, & neantmoins sentent, & se meüēt pour cheminer. Les corps de nos Saincts decedez ne contiennent plus de sang (qui viuifie l'animalité) ou les actions vitales de l'esprit demeurent pour faire, & agir: non seulement en suite des loix de la nature, ains avec vn priuilege surnaturel, pour dispenser & restraindre la nature avec ses loix ordinaires. C'est vne grace concedee à tous les saincts ou à leurs sainctes reliques apres leur mort: mais specialement à S. FRANÇOIS de Paule, duquel le corps, les cendres, les habits, le sepulchre, l'image seule, ont faict le passé, & continuent iusques à ce iour produire des œuvres qui ne seruent que d'admiration à toute la nature.

Vne honneste Dame de la ville de Tours allant aux champs pour affaires, qui pressioient, montee qu'elle estoit sur vn cheual: ou qu'il fust ombrageux, ou bien qu'elle ne fust duitte assez pour se seruir de telle monture, elle tombe à terre, & la poiſtrine dessus vne pierre, qui luy rompit l'estomach, disloqué des os, & luy cause vne douleur telle, & si grande que l'on

l'on en attendoit la mort, ou vne vie à iamais  
 fuiue de langueur. Il n'y auoit comme rien  
 que le S. Homme estoit passé de ce monde: la  
 memoire de ses miracles estoit recente: elle  
 prie ceux qui l'assistoiēt la faire porter au Cō-  
 uent des Minimes au Plessis lez Tours. Arri- *Vne fem-*  
 uue qu'elle est en l'Eglise, elle desire qu'on la *me recoit*  
 repose proche le sepulchre du S. Homme, où *guarison au*  
 ayant demeuré vn peu de temps en prieres, a- *sepulchre de*  
 uue la foy grāde qu'elle auoit, elle se leue tou- *S. Francois*  
 te seule bien guarie: retourne en sa maison, *d'une contra-*  
 chantāt tout haut le miracle si euidēt qu'elle *sion d'esto-*  
 auoit receu, par le seul attouchement du se- *mach.*  
 pulchre de S. FRANÇOIS de Paule.

Vne autre femme en la mesme ville estoit si *Vne autre,*  
 fort abbatue d'une humeur melancholique *là mesme,*  
 qu'elle en perdoit le iugement. Elle vint au *reduite en sō*  
 Couuent du Plessis, pour y recevoir consolā- *bō iugemēt.*  
 tion d'un sien frere Religieux Minime: qui luy  
 conseilla aller au sepulchre du S. Homme, se  
 consoler avec luy. Chose admirable, ceste fē-  
 me s'approche du sepulchre: presente sa prie-  
 re, laquelle comme si c'eut esté quelque collo-  
 que familier avec le S. Homme, elle recog-  
 noissoit sensiblement son esprit retourner à  
 foy aussi calme, & paisible comme si iamais  
 elle n'eust esté troublee.

En voicy vne autre, qui par l'espace de trei- *La mesme*  
 ze mois sentoit vn mal comme intolerable à la *guariso d'un*  
 mammelle, que le chancre, & le feu rongeoiet: *chancre.*  
 tous les medecins ne scauoiet plus quel reme-  
 de inuenter en ceste extremite, elle propose  
 prendre son recours vers le medecin cæleste  
 & Tout-puissant y interposant les merites de  
 son

son fidel seruiteur S. FRANCOIS de Paule. Duelle elle visita le sepulchre l'espace de treize iours: au dernier elle se trouua parfaictement guarie, & sans qu'il restast si peu que ce fust de mal.

*D'une apostume.*

Celle-cy scauante par elle mesme du pouoir, & vertu du S. Homme deuant Dieu, cōme elle estoit extrememēt trauaillée d'une apostume, elle retourne au lieu de santé, au sepulchre du saint Homme, où s'acquitant de sa deuotion, l'apostume se creue, & les douleurs luy cesserent.

Vne ieune fille auoit vn grand accident au visage, c'estoit vne fluxiō qui luy tomboit sur le costé gauche de la face, qui la rendoit si difforme, qu'on la mescognoissoit, & le pis elle en perdoit l'œil, si que depuis les trois ans, que la defluxion auoit commencé, elle ne pouuoit rien voir. Sa mere n'auoit rien espargné pour la santé de sa fille, lors que quelque sienne voisine l'aduisa, la recommander aux prieres du S. Homme: qui tous les iours faisoit de si grands miracles. C'estoit pendant les onze iours que le corps du S. Homme n'auoit peu encores estre mis dans son sepulchre, pour l'affluence du peuple, qui abordoit de toutes parts, & iour, & nuict. La mere vient, & amene sa fille, qui prie le superieur du Conuent permettre qu'elle fist toucher l'œil de sa fille au visage du S. Homme, qui estoit tout decouuert. Il luy est permis. Ce fust lors veoir la deuotion de ceste femme, qui tenant cet enfant. pour luy faire toucher la face du saint Homme: s'escria: *ô amy de Dieu montrez nous presente-*

presentemēt le pouuoir que vous auez aujour d' huy en la presence de Dieu . Voyla vn chacun bien estonné. Car en presence de la cōpagnie l'œil, qui depuis trois ans, estoit fermé, s'ouure: la fille en void aysemēt, & trois iours apres l'enflure estoit entierement retiree.

*Guarist d'une fluxion qui occupoit l'œil.*

Frere Bernardin Geronde Religieux Minime, procurant les aumosnes de son Conuent, s'adressa au Comte d'Arene, qui pour lors estoit accompagné de plusieurs Gentils-hommes. Il luy demande l'aumosne, pour pouuoir faire peindre, en vn grand tableau l'Image de SAINCT FRANÇOIS de Paule. Ce Seigneur qui y estoit porté d'une singuliere deuotion, luy donne quantité d'argent, & à son exemple tous les Gentils-hommes là presents, distribuent chacun leur aumosne . Le Religieux pour recognoissance, leur veut donner vne aumosne spirituelle . Il tire de sa manche vn morceau de drap des habits qui auoient couuert le corps du S. Homme, & le presentant au Comte: *Monsieur, voyla ce que nous vous presentons, des Reliques de nostre bon Pere: vous en ferez telle part qu'il vous plaira à la compagnie:* Il y auoit bien lors à la place cent personnes, qu'en maistres qu'en seruiteurs: Chacun en demandoit. Ce bon Seigneur en coupe plusieurs morceaux pour en distribuer à chacun. Ausquels en ayāt donné, il trouue de reste encor sept morceaux, qui ensemble faisoient plus que ce qui luy auoit esté présenté par le Religieux Minime, Frere Bernardin: ce qui augmenta d'autant plus sa deuotion enuers le saint Homme.

*Echantillon de l'habit de S. Francis multiplié.*

De



*Guarison  
d'une fièvre  
continue.*

De ces petits morceaux de drap arriuerent depuis plusieurs miracles, par les merites, & intercessions du S. Homme. Entre iceux, celui de Iacques Laccone docteur és loix, est memorable. Car il s'estoit rencontré en la compagnie, lors que le Comte d'Arene faisoit la distribution des morceaux de drap des habits du S. Homme: & en auoit receu sa part. Cest homme donc estant atteint si viuement d'une fièvre chaude, qui le trauailla l'espace de 20. iours, qu'on n'en attendoit plus que la mort. Il se souuient du morceau de drap qu'il auoit, & dit à son seruiteur, de le luy apporter & attacher au col. Ayant ces Reliques, il faißt sa priere à S. FRANÇOIS de Paule, & puis il s'endort. Pendant son repos voicy luy venir vn songe: & non tant vn songe que la verité qui suiuißt. Il luy sembla se trouuer proche d'une fontaine, & enuironné de plusieurs Religieux Minimes: qui tous l'asseuroient qu'en brieſ il receuroit la santé, mais vn particulièrement, entre les autres, presenta ce luy sembloit, vn grand verre de chrystal, plein d'eau fraische pour boire, & croyoit l'auoir beue avec bien de la consolation: Le voyla esueillé, sur ce contentemēt suiuy d'un plus grand. Car il se trouua baigné en sueur, & la fièvre qui l'auoit du tout quitté. Ce que depuis cet homme par action de graces recitoit à tous ses amis, & leur faisant scauoir la saincteté du bon Pere par vn effet si miraculeux arriué en sa personne.

Ceux qui portez de deuotion enuers les seruiteurs de Dieu, les ont recueillis chrestienement, & charitablement en leurs maisons:

son: attendants l'assignatiō infallible au Ciel, ont souuēt par aduance, & comme pour gage des promesses diuines, recueilly en terre les premiers fruiçts de leur hospitalité, ou aumosne. C'est vn bō heur arriué & par plusieurs fois, en la maison du Comte d'Arene. Le premier sera celuy de sa femme, laquelle ayant eu vne apostume fort dāgereuse en la mammelle, pendant sa grossesse de huiët mois, à raison de quoy elle avec les Medecins auoient vne iuste crainte, qu'elle ne peut arriuer iusques à terme. Au mesme temps estoient arriuez de France deux Peres de cest Ordre, lesquels auoient logé chez eux: & qui leur auoiet fait present d'un cordō de SAINT FRANÇOIS de Paule. Ceste Dame voiant les medecins l'abandonner, avec vne foy grande elle prend ce Cordō, & le met sur sō mal, au moyē de quoy elle fut aussitost, non seulement deliuree du danger de la perte de son fruiçt, mais tāt qu'elle eut ceste ceinture, & saint Reliquaire sur foy, elle ne sentit ny douleur, ny fieure, ny apostume.

Voicy vn autre fruiçt d'hospitalité, & recueilly par les mesmes. Ceste Dame Comtesse d'Arene, estant vne autre fois visitée de nostre Dieu, par vne toux comme incroyable: qui luy cauſoit vn grand vomissement, en sorte que sa gorge & poitrine, estoient tant atteneues de douleur: qu'à peine pouuoit elle aualler sa salie, ou quelconque liqueur, pour douce qu'elle fut. Nostre bon Dieu qui desiroit la gratifier, par la mesme voie, dont ils faisoiet bien à ses seruiteurs: voulut qu'alors arriuaſt vn des Peres de cest Ordre, qui portoit

sur soy, & par grande deuotion, vn petit morceau de fer comme d'vn aiguillon, teint du sang de ce bienheureux Pere, avec quoy sa discipline estoit compoſee, dont il maceroit ſa chair. Ce Religieux eſmeu de compaſſion, baille ce ſainct Reliquaire à ceſte Dame, qui l'appliquant ſur ſa poitrine, & inuoquant de tout ſon cœur la faueur du S. Homme, en vn instant la toux, & le vomissement ceſſerent tout à fait.

La gloire reſerrée dans l'ame bien heureuſe de IESVS-CHRIST, rejallit vn iour ſur le hault mōt de Tabor iuſques au corps, voire iuſques à ſes habits. La grace cachée en l'ame de nos Saints, à quelquefois ietté ſes eſclats, & produit des effets merueilleux, par la ſeule ombre de leurs corps. Mais voicy le merueille des merueilles; qu'vne ame receu dās le pourpris du Ciel, faſſe part de ſes graces, & lumieres en terre, non ſeulement à ſon corps, ou ce qui le touche: mais aux ſeules peintures & images d'vn corps renfermé dans vn ſepulchre. Ce fut là deuotion du Comte d'Arene, qui auſſi toſt qu'il fut aduertty de la mort du S. Homme, faiſt tirer ſon pourtrait au mieux qu'il peut; & poſa ceſte image en ſon Oratoire, avec celles des autres ſaincts qu'il veneroit. Quelque peu de temps apres, faiſant ſa priere, & inuoquant les faueurs de S. FRANÇOIS de Paule, & ce en pleine nuit: voicy ſoudain vne lumiere, comme ſortant de ceſte image ſeule, qui eſclairoit toute la maiſon, tant elle eſtoit grande: & remplit l'ame du Comte d'Arene d'vne ſi grande douceur, qu'il croioit ia eſtre  
comme



comme viuant, en cest agreable sejour des bien heureux, d'où ceste ame glorieuse, enuoyoit ces lumieres si extraordinaires.

Pandolphe Broccon qui estoit du pais de Sorret, auoit resserré dans vn coffre vn morceau de l'habit du S. Homme. Vn an apres il veut visiter les Reliques. Il ouure le coffre, là estoit vn sien fils aagé seulement de cinq ans, qui suiuant la deliberation de la ieunesse, qui veut tout voir : & mettre les mains par tout, se prend à l'ouuerture du coffre, pour s'esleuer, & regarder dedans : le couuercle luy tombe sur la main, & l'offence grandement. Le Pere esmeu de compassion aux cris & larmes de son fils, prend les Reliques qu'il auoit du S. Homme, & inuoquant son ayde, & faueur, les applique sur ceste pauvre petite main, qui à l'instant mesme luy appaiserent la douleur, & la guarirent miraculeusement.

*La main  
offencée  
d'un enfant  
guarit par  
l'attouchement  
d'une  
particule de  
l'habit de  
S. François.*

Voyla le fils qui a receu la santé, voicy le Pere qui tombe malade d'une enflure au visage, dans la gorge, & sur la poictrine : qui l'importune si fort, qu'il ne peut plus quasi comme parler, ou boire, ou manger. Son langage estoit lors par signes, avec lesquels il demâda les Reliques, qu'il auoit du S. Homme, & se les fait lier au col, & en son esprit recita le *Pater noster* & l'*Aue Maria*. Au mesme temps il receut vne parfaite santé.

*Elle guarit  
aussi l'en-  
flure du  
Pere.*

George Fodere eut vne sienne Niepce, nommée Policene, qui tomba en phrenesie, & demeura ainsi l'espace de trois ans : lesquels expirez il se souuient qu'il auoit dans son buffet vn morceau de l'habit du S. Homme. Il le prend

*Guarissè de  
phrenesie  
par sem-  
blable at-  
touchement.*

LI

avec

auec foy, & deuotion, & l'attache au col de sa niepce: qui à la mesme heure eust l'esprit aussi sain, & entier, comme si iamais elle n'eust esté troublee.

*Les reliques  
des saincts  
se doivent  
porter avec  
vn grād res-  
pect.*

Depuis le tēps que ceste Policene, de laquelle nous auons maintenant parlé, eut obtenu vne guarison si miraculeuse, par la vertu des reliques du S. Hōme, son oncle luy auoit permis les porter tousiours pendues à son col: & comme elle rioit vn iour avec ses compagnes, il luy aduint de lascher vn blaspheme contre Dieu. Au mesme temps elle perd ses Reliques, qui pour mieux dire disparurent. Car au parauant elle les voyoit, & ses cōpagnes aussi (ceux qui portent quelque saincteté sur eux doiuent imiter la perfection des Saincts, qu'ils honorent en leurs Reliques) affligee qu'elle estoit, avec raison, & de l'offence, & de ceste perte, elle va en l'Eglise, ou se prosternant deuant l'image de la Vierge Marie: la suplie bien-humblement demander pardon à son Fils pour elle, & luy faire rendre ce precienx ioyau, qu'elle auoit si malheureusement perdu. Miracle & biē grād à la verité: elle voit ses Reliques aux pieds de l'image de la Vierge. Elle les reçoit, publie par tout le miracle, l'hōneur, & respect que l'on deuoit rendre au S. Homme, & à ses sainctes reliques.

*Guarison  
d'une dou-  
leur de costé*

Maistre Louys Comiaco, vn an apres auoir receu l'aumosne spirituelle d'un morceau de l'habit du S. Hōme, que le Comte d'Arene luy auoit distribué, fut griefuement tourmenté d'un mal de costé, avec des pointes si douloureuses, qu'on croyoit qu'il en deust mourir. Il com-

mande

mâde qu'on luy apporte les saintes Reliques: il les fait appliquer sur le lieu de son mal, qui par vn miracle tref-euidēt luy firent aussi-tost cesser, & appaiser toutes les douleurs.

Le Comte Iean François d'Arene gardoit en son logis, avec bien de la deuotion, vne peinture ou image de S.F. de Paule. Le fils du capitaine de son Chasteau estant en extremité de maladie, il fit prier le Comte d'Arene, luy enuoyer ledit tableau, qu'il honoroit particulièrement, & qu'il s'en promettoit du secours pendāt son mal. Chose merueilleuse de la foy de ce ieune homme: on luy met l'image entre les mains: il se deffule par honneur, & la baisant plusieurs fois demandāt l'ayde du S. il se leuē sain, & dispos: & rapporte à l'heure l'image au Comte d'Arene, luy monstrant tout ensemble sa santé si miraculeuse.

*Santé recu-  
perée à la  
presencede  
l'image de  
S.François*

En la surprinse de la ville de Rome par les Allemans, & Espagnols, souz la conduite de Charles de Bourbō, du tēps de Clement VII. qui fut en l'ā 1527. l'insolēce des soldats fut si grāde, qu'elle pillā les lieux plus saints & solitaires de ceste ville, ou ils croyoient les Romains auoir chaché leurs richesses. Ils viennent donc au Conuēt de la Tressaincte Trinité du mont: parlent au superieur, ils attaquent specialemēt le Procureur general de l'Ordre (c'estoit lors le Pere Didier de la Mothe) qu'ils menacent de traiter rudemēt, s'il ne decele les thresors, qu'ils disoient estre retirez en quelque lieu secret, que luy seul cognoissoit à leur dire. Ce bon Pere les addoucissoit tant qu'il pouuoit, & n'aduançoit rien, sinon les

aigrir de ses douces paroles,iusques à en venir à vne cruauté digne de telles furies. Ils le prennent & pendēt en l'air par les parties naturelles,iusques à ce que voyant ce bon Pere cōme mort,ils l'abandonnēt. Retirez qu'ils sont,les Religieux portent ce pauvre patient tout rôpu sur vn liēt. On appelle les Medecins , & Chirurgiens qui disent la chose estre incurable,& de faict tous les remedes ne peurēt empêcher , qu'il ne se fist vne descente de boyau plus grosse qu'il n'auoit la teste. Sa vie luy estoit vne mort lente,qu'il trainoit avec beaucoup de douleurs:ce fust lors procurer vn dernier remede, par vn vœu qu'il rendist à Dieu, & à nostre Pere S.FRANÇOIS,de venir iusques à Tours,honorer son sepulchre,esperant que la dignité de ses saintes Reliques,luy tesmoigneroiēt vne vertu particuliere qui defailloit aux medicaments naturels. Il obtient facilement le cōgé de ses superieurs,en vne si extreme necessité.On l'apporte donc depuis Rome iusques à Tours sur vn brancart. Car il n'eut sçeu porter le trauail du cheual,ou du carosse. Arriué qu'il est au Plessis,auec sō frere Oblat, qui se nommoit Frere Noël Poli, on luy faict ouuerture du sepulchre de saint FRANÇOIS de Paule. Où tous ceux qui estoient là presents eurent ce bien avec luy de voir ce S. aussi entier cōme le iour de sa mort, bien qu'il y eust ia plus de vingt ans qu'il estoit dans son tombeau. Ce Pere qui estoit si malade leue le linge,qui luy couuroit la face, & luy en dōne vn autre, puis le sepulchre couuert,le Patient portant sur soy le linge saintifié,par l'attouchement

*Autre miracle à la sepulture de S. François.*

chement du corps du S. Homme, commence ses prieres, & les cōtinüe avec tant de ferueur, & deuotion qu'auant que partir du lieu, les boyaux luy rentrent dans le corps, les playes se referment, & receut la santé aussi grande, comme si iamais cela n'eust esté: sans en sentir aucun mal à l'aduenir, comme les grâdes charges qu'il exerça depuis en l'Ordre en ont fait preuue.

*Des vœux en general faiçts à saint François de Paule & spécialement par les personnes mariées pour obtenir lignee.*

## CHAP. XXIX.

**C**E n'est point vne superstition, si bien la Religio Chrestienne qui dit au Catholiques d'adorer les saints, de les prier, de leur enuoyer, presenter, & rendre leur vœux. Et que fait autre chose le Chrestien du iourd'huy que celle la mesme, qui a esté pratiquée de tout tēps en l'Eglise par ceux du passé: lors que les vns comme les autres rendent fidellement à Dieu, & à ses Saints les vœux par eux, ou particulieremēt ou solennellemēt promis.

*Nous allons, disoit vn Pere ancien, visiter les sepulchres des amis de Dieu, ou nous leur consacrons nos vœux: cōme à des hōmes saints, desquels nous certifions que les prieres nous seruēt & aidēt beaucoup.* Et l'autre qui adioust que pour assurance des oraisons, qui estoient exaucees, les Chrestiens en appendoyent les marques dedans les temples, deuāt les autels: qui par la

figure d'une main, qui des yeux : autre d'un pied, & ainsi des autres parties du corps, desquelles les images faites d'or, & d'argent se presentoient deuant la Maiesté de Dieu, ou la memoire d'un S. pour ainsi eterniser l'action de graces, du benefice receu en sa faueur. Qui sçait si la deuotion de Dauid apres la defaite de Goliath attachant son espee, deuant le Tabernacle de nostre Dieu, pour vne humble recognoissance que la victoire luy appartenoit, n'auroit point esté vne deuotieuse satisfactiõ de quelque vœu, secrettement enuoyé de son ame, pour mendier les forces du Ciel, auant les approches de son ennemy. La nature n'a elle point apprins aux pl<sup>r</sup> doctes, & pl<sup>r</sup> sages entre les Philistins, que pour appaiser le Dieu d'Israël, & luy faire releuer sa main, si fort appesantie sur eux, il falloit luy preséter des figures d'or, des choses par lesquelles il les trauailloit, pour estre exaucez de luy. Et peut estre, que ce grand Docteur & saint Prelat de l'Eglise vivoit là, qui enseignant son peuple la maniere de prier Dieu, & leur exposant l'oraison Dominicale, pour sujet de ses discours, disoit : *Que la priere que nous offrons à Dieu deuoit estre deuñcée par vne promesse ou vœu de faire quelque chose pieuse & sacree, qu'ainsi l'on obtient plus facilement de celuy que, si i'ose dire, l'on s'est obligé s'obligeant premier à luy par vœux ou promesses, lesquelles, dit le mesme, sont cõme la semẽce que nous iettons au Ciel, pour la recueillir en nos oraisõs sur la terre.* Il est vray que le vœu fait & accompli par Iephté a grandemét desplu à Dieu : mais ç'a esté pour cause de son indiscretion.

discretiō. De sorte donc que le vœu de foy ne luy peut estre desagreable, si biē le vœu indiscret, & vne folle promesse. Autrement il faut conclure avec l'Escriture, qui ne peut errer, que Dieu a merueilleusement agréé l'offrande du petit Samuel faite par sa mere Anne, qui pour obtenir lignee auoit promis à Dieu que s'il la gratifioit d'un fils elle le cōsacreroit au seruice de sō Tabernacle, & s'y estoit obligee par vœu: duquel s'acquittāt par apres, nostre Dieu tesmoigna assez par vne miliace de faueurs desquelles il alloit carressant l'enfance, l'age viril, & l'honorable vieillesse de Samuel, cōbiē ce presēt luy plaisoit. Belle figure de la verité: que tout cest œuvre s'employe à esclaircir, ie dis les perfectiōs de S. F. de Paule: qui sēblēt auoir prins leur origine en la forme de sa venuë au mōde, qui a esté par vœu: cōme il est dit ailleurs, & luy vne autre image des autres enfāts, quasi sans nōbre, qu'il a obtenu de Dieu, par ses prieres: desquels la fin s'ils ne iettēt vn obstacle au deuāt de ceste premiere grace, symbolize bien souuent à vn si heureux cōmencement. C'est à dire que la mort, cōme la vie, est ordinaiemēt heureuse à ceux desquels a esté sainte la conceptiō. Et pour comprendre en general tout ce qui se peut dire des vœux. Si ce n'estoient actiōs vertueuses, Dieu mesme en chanteroit-il les louanges? si ce n'estoit chose bonne, inuiteroit il les hommes à voüer? Mais si ce n'estoit chose meschāte & vne detestable perfidie, qui l'irrite par trop, que de ne luy rēdre ce qu'on luy a promis, feroit il semblant d'en estre offensé? Fulminerait-il

les menaces contre tels perfides, & refractaires de leurs fermets, & promesses religieuses? En dresseroit-il les plaintes formelles contre eux: qui se trouuent escrites si souuent dans le registre sacré? luy qui deteste sur tout l'idolatrie, confirmeroit-il par miracles euidens le plus grand mal qui soit au monde: si rendre ses vœus aux Saincts est vne idolatrie! luy dy-je qui ne peut auctorizer le mal? Ce sera donc le flambeau qui esclairera ceste verité. Mais autant de miracles autant de lumieres, pour cognoistre que Dieu a bien à plaisir la deuotion que les Chrestiens expriment, par les vœus qu'il presentent à ses Saincts vifs, morts, pour estre mediateurs de la grace, qu'ils esperent de sa bonté. C'a esté la fin & le but des vœux, & prieres de ceux qui vont suiure.

Iean le Franc, du pais de S. Lucide, voyant sô pere malade iusqu'à perdre la parole, il luy reuiuent en memoire, ce qu'il auoit entendu des cures admirables que faisoit le S. Homme, qu'il s'employoit indifferemment pour toutes sortes de personnes, avec beaucoup de charité, l'ors qu'il en estoit requis. Il prie vn sien beau Frere, qui se nommoit Nicolas, se donner la peine d'aller iusques à Paule: qu'il priaist le S. Hôme obtenir de la Bonté de Dieu prolonger les iours à son pere, ques'il les obligeoit de ce benefice, il fourniroit la cire necessaire pour l'vsage de son Eglise, tant qu'il viuroit. Le messager sort de sa maison, arriue au Monastere, se presète au S. Hôme qui luy parla le premier: *Nicolas, ie sçay le suiet de vostre voyage. Iean*

*Prolongation de vie  
impetree.*



ge, Ieã vostre beaufrere, vous a enuoyé pour demander la santé de son pere. Allez & retournez assenrer que Dieu luy a fait grace, & qu'on n'ait peur qu'il meure pour ceste fois. Car il a trouué pres de Dieu un bon aduocat, bien que pour le reste de sa vie, il ne la fera pas longue. Allez donc en charité vous trouueriez vostre beau pere, tout en un autre estat que ne l'auiez laissé. Et Nicolas retourne chargé de promesses, mais accôplies, & sceut de celuy qui l'auoit enuoyé, qu'à l'heure que le malade demanda à manger, & qu'ensemble la maladie cessa: c'estoit lors que le bon Pere luy auoit vsé de ces termes. *Que Dieu luy auoit fait grace.* Et de fait depuis ce tēps, il vescu l'espace de quatre ans en bonne santé, pendāt lesquels il s'acquitta de son vœu, & fournit la cire du Conuent de Paule. Ce terme expiré, il mourut en suite des paroles du S. Homme, lesquelles espluchees de bien pres, contiennēt les Propheties de trois temps, passé, present, & futur: & specialemēt la force & merite des vœux faicts à Dieu & à ses Saints.

En la ville de Paterne fut contracté vn mariage entre deux ieunes personnes, suiuy des benedictions qui s'y pouuoient desirer horsmis de lignee. Ce seul mal les priuoit de la iouyissance des tous leurs autres biens. Vn de leurs bons amis Prestre, homme de vertu, & qui hantoit familièrement au logis, les voyāt prendre si fort à cœur ceste affliction, leur promit voir en leur nom le saint Homme, pour luy dire qu'il luy pleust prier Dieu pour eux, à ceste intention. L'experience luy auoit appris, ceux-là qui se voient à son seruice,

ou de

*Il obtient  
lignee pour  
vn maria-  
ge.*

ou de sa maison: estre gratifiez de ce qu'ils demandent à Dieu. Ces ieunes gens s'accordent à l'aduis de cet homme d'Eglise, & le suppliēt l'effectuer au plustost. Le Prestre vient au Cōuent, il parle au S. Hōme, luy faict eutēdre ce qu'il desire. *Allez monsieur*, ce respondit le bō Pere, *dittes à ces ieunes gēs qui vous ont chargé de ceste commission, auant toutes choses de soigneusement nettoyer leur conscience, puis ils iront en leur iardin, où entre les autres ils voiront vn figuier, qui aura vnetouffe de fueilles au coupeau, dans lequel ils trouueront deux figues meures, vne noire, & l'autre blanche.* Le mary mangera la blāche, & sa fēme prendra celle qui est noire. Cest homme d'Eglise vn peu estonné de ceste respōce, il luy repartit avec vn doux soufrire. *Mon Pere il est à presēt le mois de Ianuier, cōme quoy pēseZ vous croire qu'il y ait des fruiets meurs sur les arbres? Allez y voir, ie vous prie,* luy dit le bō Pere, & vous scaurez s'il n'est pas ainsi que ie le vous dis. Le Prestre persuadé par le respect qu'il rēdoit aux paroles du S. Hōme, retourne porter la responce de son message, mais il fut d'aduis que premier qu'ētrer au iardin, appeler quelques vns de leurs plus familiers, pour faire l'essāy des paroles du S. Hōme, & si cela estoit ainsi, pour seruir de tesmoings au miracle. Ils y vōt, ils trouuēt ce qu'on leur a predict. Le mary & la fēme mangent les figues, cōme il leur auoit esté ordonné, & fort peu de tēps apres ceste femme se trouua enceinte. Pendāt le temps de sa grossesse, elle fut priée assister aux nopces de quelques vns de ses amis, elle y va, elle dance, & balle, en sorte que pour vn effort

effort elle enfanta auant terme, vn enfant qui n'eut point de vie , & moins de Baptisme. Apres la faute , elle pense qu'il n'y auoit qu'à employer le S.Homme: elle renuoye derechef vers luy pour mesme sujet. Mais le S.Homme luy réuoya vne dure respôse: *Dites à ces ieunes gës qu'ayans jareceu la grace de Dieu, & en ayãs abusé, qu'ils se sôt rēdus indignes de la plus auoir.*

*Guarison  
d'un apo-  
stume.*

Non seulement les vœux faicts au sainct Homme receuoient de Dieu les effects salutaires qui estoient desirez & demandez: mais aussi ceux qu'il persuaçoit aux personnes faire à Dieu, à l'honneur de quelque autre Sainct, pour tousiours auctoriser la vertu grande & energique de cet acte religieux . Febo Mirabello habitant de Paliane, vint exprès à Paule prier le sainct Homme ayder vn sien fils qui auoit vne apostume sous la mammelle, qu'il portoit depuis vn an : pendant lequel temps les Chirurgiens y auoient mis la main, sans pouuoir y rié faire. Le sainct Homme luy dit: *Dieu a euyrié de vostre fils & luy enuoyera la santé: mais il faut que vous le voüyez à la vierge Marie.* Cest homme faict tout ainsi qu'on luy enseigne, & puis il s'en retourne chez luy, où arriuant, il trouue son fils deliuré de son mal, & que ce auoit esté à l'heure mesme que le S. Homme luy auoit parlé , & luy auoit obey voüant son fils au seruice de Dieu , & de la bien-heureuse *Vierge sa Mere.*

Vn honnesté Matrone en la ville de Montalde voyant son fils fort abbattu, à raison d'une grande maladie qu'il auoit porté vn long temps: ja les amis, & executeurs du testament met-

mettoient ordre à tout ce qui estoit necessaire, pour faire les obseques, & funerailles, aussi honorables que sa condition eust requis, estât venu iusques à l'extremité des abois de la mort, apres auoir perdu l'vsage des sens, & toute cognoissance, la pauvre mere si desolee qu'elle ne pouuoit plus, couchée par terre les mains ioinctes, & les yeux couuerts d'une pluye de larmes, soupirant, s'escrie tout haut d'une voix entrecoupee de tant & tant de sanglots que de paroles: *O bien-heureux François de Paule qui assistes miraculeusement ceux qui innoquent ton secours, obtiens pour moy ceste grace que mon fils retourne en vie, pour ne laisser une mere si affligée, & une femme miserable chargée de ces pauvres petits orphelins: & ie te promets à l'aduenir, renoncer aux vanitez de ce siecle corrompu, m'obliger à l'observance de ta Reigle, & en porter l'habit toute ma vie.* Ceste parole court habilement iusques à Paule aux oreilles du S. Homme, & de là au Ciel. Car à peine estoit elle acheuee de prononcer que le patient plus qu'à demy mort commence à ouurir les yeux, regardant de-çà, de-là, ceux qui entouroient son liêt, pour l'assister au dernier soupir de sa vie. Qui s'escrient tous; *Il est viuant, il est viuant, il se portera bien.* De-là en auant la santé luy venoit iusques à vingt iours apres qu'il fut parfaitement guery, & vescu enuiron trente ans depuis ce temps là. La bonne mere pèse au vœu auquel elle s'estoit obligée pour s'en acquiter: elle vient à Paule; où le saint Homme luy donna de ses propres mains l'habit, & le cordo de sa troisieme Reigle, qu'elle pro-

*Vœu des  
plus neces-  
saires.*

*Jeune hō-  
me reuocqué  
des abois de  
la mort par  
le vœu de  
sa mere.*

le promit, & voua obseruer le reste de ses iours, lesquels elle passa fort saintement. Ce miracle obtenu par les deuotions & prieres de la mere pour s<sup>on</sup> fils, toucha si fort au cœur d'un des assistans autour du li<sup>ct</sup> du malade, cest homme là se nommoit Dominique de Belcastre, qu'il fit vn mesme vœu que la mere du patient, pour s'obliger à l'obseruance du tiers Ordre institué par le saint Homme: & toutes & quantes-fois que ce Dominique rencôtroit celuy-cy qui auoit esté si fort malade, il le nommoit le mort resuscité: lequel nom luy demeura toute sa vie. Dieu faisant entendre bien clairement, que si au temps que le saint Homme viuoit avec nous autres, couuert de nostre mortalité, & autres infirmités, il auoit tant de pouuoir secourir promptement ceux qui par vœu s'obligeoient luy rendre du seruice, combié plus pourroit-il faire pour ceux-là mesme, & pour tous ceux qui pieusement inuoqueroient son ayde, lors de sa gloire consommée, qu'il seroit proche de Dieu, luy faisant cét honneur recognoistre les benefices receus de la Bonté de Dieu, par son entremise si puissante & fauorable.

Vne femme en la ville d'Amboyse desespérant apres auoir longuement demeuré en mariage, de pouuoir iamais auoir lignee: entendant les merueilles que le saint Homme faisoit de iour à autre, elle cōceut quelque esperance d'obtenir par ses prieres ce qu'elle desiroit. Et de faict elle print l'occasion venir au Conuent, où rencontrant vn Religieux qui alloit trouuer le saint Homme à Tours, le supplia



*Pour im-  
iter l'effect  
des prieres,  
besoin de  
reformer la  
vie.*

le supplia luy faire entendre sa deuotion . Le bon Pere luy fait responce qu'elle promist à Dieu observer ses commâdemens, & viure en bonne Chrestienne, mieux que par le passé, que luy de sa part en auroit souuenâce en ses prieres, & qu'elle esperast bien d'obtenir ce qu'elle desiroit . Ceste fême reforme vn peu sa vie, vacque plus souuent aux oraisons & vn mois apres se sentit enceinte : puis le terme venu elle accoucha d'vn beau fils, remerciât Dieu, & le saint Homme, par les prieres duquel elle l'auoit obtenu.

Le saint Homme venant en France fut suivi d'vn sien cousin, André d'Alessio, petit fils d'Anthoine d'Alessio, & de Brigide de Martorille, sœur propre de Iacques de Martorille, pere de saint FRANÇOIS de Paule . Ce ieune homme André d'Alessio se poussa si bien à la Cour, qu'eu égard à sa premiere condition, il possede de grands biens, & espouse vne riche Damoiselle au pays de Touraine . De laquelle Dieu luy donna plusieurs enfans : entre-iceux vn petit garçon, qui fut nommé au Baptisme François, mais qui estoit venu au monde si mal'heureux, & contrefait des pieds & des mains, qu'il les auoit tous retournez dessus dessous sans pouuoir s'en aider, si peu que ce fust . Le pis encore c'est qu'il estoit muet, & auoit ja sept ans passez : le pere, & la mere fôt vœu à Dieu qu'au cas qu'il luy pleut, en faueur & par les prieres du S. Homme rendre la parole avec vn libre vsage des pieds, & mains à cet enfant, que de bon cœur ils le donnoient à son seruice, pour porter l'habit & vi-  
ure

ure sous la Reigle du S. Hôme. Le vœu faict, la mere apporte son fils, & vient au Plessis lez Tours, demâde parler au S. Hôme. Il se presente. Et bien, ce luy dit le bon Pere, *que demâdeꝫ vous? Je vous prie, ce dit-elle, que ce que vous exerceꝫ si charitablement tous les iours enuers les estrangers, de partir quelqu'une de ces graces aux vostres. I'ay l'hōneur vous appartenir à raison de mō mary. Voicy vn de nos enfans, duquell la veuë seule tireroit la compassion des plus incogneus.*

*Ayeꝫ ie vous prie pitié de luy, de nous, de vostre sang.* Le S. Hôme cōme irrité, *Alleꝫ, ce luy dit*

*il, ie ne vous cognois point pour ma parente. Ceux à qui i' apparties, ou m'appartiennēt, ne sōt point si riches, pour porter tels vestememens que les vostres, & renuoya ainsi ceste pauvre Damoiselle vne, deux, trois fois, sans luy vouloir plus parler: en fin gaigné de prieres & d'importunité d'elle, & des Religieux, qui s'y employoiet en sa faueur, le S. Hôme vient la trouuer. Ce sont, ce luy dit-il, vos pecheꝫ, & de vostre mary qui ont causé le mal à ce petit innocent, de qui espereꝫ que Dieu aura compassion, & luy fera grace, mais non à vostre mary, & à vous, si vous ne vous corrigeꝫ, & appeaiseꝫ l'ire de Dieu par penitence. Autremēt vous sētirez la main pesāte de nostre Dieu sur vostre maisō, là damoiselle retourne pleine de meilleure volōté, & d'esperāce qui fut biē-tost satisfaite. Car sur le chemin l'ēfant cōmēça à parler, & les mēbres se redressent en sorte qu'il estoit vn des beaux enfans, & des plus adroits de son tēps, qui ayant atteint l'âge de 17. ans requis pour entrer en cēt Ordre cōformant sa volōté aux vœux de ses pere & mere,*

*Il n'y a point d'acception de personnes enuers les Saints.*

*il*

Il receut l'habit de Religion par les mains de son parent, & medecin. Où il a perseueré l'espace de cinquante ans, viuant fort religieusement.

Obtient lignee pour  
Anne de  
France.

Madame Anne de Frâce fille du Roy Louys onzième, Duchesse de Bourbõ, deuisant assez familierement avec le S. Homme, se plaignoit du long-temps qu'elle auoit esté mariee sans auoir lignee: sa sterilité luy estre vne affliction insupportable: que si par ses prieres elle pouuoit obrenir de Dieu d'auoir quelque enfant, elle fonderoit vn Conuent de son Ordre en quelque lieu de ses terres qu'il voudroit choisir. Le S. Homme plein de l'esprit de prophetie: *Madame*, ce luy dit-il, *espe'rez fermement en Dieu, & ie vous promets qu'il vous donnera lignee premier que ie sorte de la France.* Cecy estoit pendant le regne de Louys douzième, lors que le saint Homme minutoit son retour en Italie. Ceste vertueuse Princesse sortant de la Cour s'en alla en son Chasteau à Moulins toute consolee de ces promesses. Environ quatre mois apres le saint Homme enuoya deux de ses Religieux à ladite Dame, & luy manda de remercier le Roy des Rois, qui luy auoit accordé ce qu'elle auoit plus desiré: estre le temps propre pour commencer le Couët qu'elle auoit promis. Les deux Religieux à qui le saint Homme commettoit ce message, fournis d'un peu trop de sagesse mondaine: *Mon Pere*, ce luy dirent-ils, *ces choses ne se deueroient point mader si legerement. Si cela estoit, on en bruiroit d'auantage à la Cour. D'ailleurs cela n'estant point, ce sera vn scandale pour l'Ordre.*



dre. Le bon Pere respondit doucement : *Mes enfans, laissons faire à Dieu & ne pensez à rien plus qu'à faire l'Obedience.* Les Religieux donc partent, & arriuent à Moulins, saluënt ladite Dame, & luy exposent fidelement ce qu'on leur auoit commis. La Princeesse souffriant. *Ha le bon Pere se haste bien tost, ie ne suis pas encore enceinte.* Elle commande neantmoins de loger les Religieux en son chasteau, & reposer iusques au lendemain. La nuit suiuant elle sentit son enfant, & cogneut appertement qu'elle estoit grosse : que vrayement le S. Homme estoit prophete, qui auoit sçeu certainement cela plustost qu'elle. Le terme expiré elle accoucha d'une belle fille qui fut nommee Susanne, & depuis espousee à Charles de Bourbõ : & l'an mil quatre cens nonante, suiuant sa promesse elle edifia vn Conuent près la ville de Gien, qu'elle dota de fondatiõ suffisante pour y nourrir & entretenir vn certain nombre de Religieux.

Vn des Religieux du sainct Homme, il se nommoit frere Matthieu Michel, ayant vne sienne sœur, qui ne pouuant auoir d'enfans, s'attristoit, disant à son frere prier Dieu pour elle à ceste intention. Ce Religieux luy conseille promettre à Dieu, que si elle receuoit ceste grace, qu'elle feroit porter le nom du saint Homme à l'enfant, & qu'il ne manqueroit la recommander particulierement à ses prieres, lesquelles auoient de beaucoup seruy à plusieurs femmes, qui desiroient la mesme chose qu'elle. Tout cela passe ainsi. Le S. Homme promet à son Religieux prier Dieu pour sa

Le sem.  
blable.

M m

sœur;

sœur: & d'abondant il luy bailla quelques petites herbes seiches, pour donner à sa sœur à manger. Peu de temps apres ceste femme accoucha d'une fille qu'elle fit nommer François, en memoire du saint Homme, comme elle auoit promis à Dieu en presence de son frere.

*Mesme  
miracle.*

Vne femme nommee Beatrice, demeura bié l'espace de quinze ans avec son mary sans auoir lignee. Elle enuoye expres iusques au Plessis, saluer le saint Homme, & luy mander ce qui seroit de faire enuers Dieu pour receuoir ceste grace, quelle se promettoit assurement, au cas qu'il luy pleust faire oraison à ceste fin. Le saint Homme luy manda que si elle avec son mary vouloient quitter leur auarice, faire vne entiere confession du passé, & promettre vne vie meilleure pour l'aduenir, qu'il les assureoit d'obtenir la grace qu'ils desiroient. Le mary avec la femme sont resolus aussi tost d'observer exactemét tout ce que le S. Homme leur auoit mandé. De mesme aussi la femme fut tost apres grosse, & receut ce que tant elle auoit souhaitté suiuant les paroles du saint Homme.

*Mesme  
miracle.*

Vn autre femme qui estoit mariee il y auoit ia dix ans passez, sans auoir des enfans, vint elle mesme se recommander aux prieres du S. Homme pour ceste occasion. Il luy fit promettre à Dieu dire cinq *Pater noster* & cinq *Aue Maria*, en l'honneur des cinq playes de nostre Sauueur Iesus-Christ, tous les Vendredis de ceste annee là. Fort peu de temps apres elle se trouua enceinte & eut vn bel enfant.

Le

Le Prince de Salerne (ville contenüe en vne des Prouinces du Royaume de Naple) ne pouuant auoir lignee, enuoya vn Courier exprès en France se recommander aux prieres du seruiteur de Dieu. Chose remarquable : au mesme temps que le Courier auoit parlé au S. Hôme, & luy promis d'en importuner la diuine Maiefté, à ceste fin, la Princesse fut enceinte, & accoucha neuf mois apres d'un tres beau fils.

Matthieu Côte citoyen en la ville de Tours *Semblable* visitant le Conuent du Plessis, ayant par occasion salué le S. Homme, il luy dit auoir vne affliction tres grande en son mesnage, pour n'auoir des enfans. Le S. Homme luy dit d'esperer en Dieu, qui ne vouloit rien plus que bien faire aux hommes. Peu de iours apres sa femme est enceinte, & luy donna depuis de beaux enfans en ses termes d'annee, l'un apres l'autre.

De là vint en son temps, & iusques à ce iour *Lesẽbla- ble arriué à vne in- finité.* que toutes les nopces steriles qui ont leurs recours à ce seruiteur de Dieu, par ses prieres, & merites obtiennent du Ciel, ce que plus elles desirent en terre. Et non seulement les femmes steriles, ains aussi celles qui en l'ẽfancement penoient extremement, au peril tout euident des meres & des enfans, soudain qu'elles imploroient le secours de S. FRANÇOIS DE PAULE, present, absent, viuant, defunct, avec vne ferme foy faisant allumer vne des chandelles benistes: qu'il donnoit ordinairement, ou bien tenant sur foy quelque si petite chose que ce fust de celles qu'il auoit

M m 2

porté

porté sur foy, ou touché, miraculeusement elles estoient deliurées avec peu de trauail, & nul peril ou danger d'elles, & de leur fruit. Et cecy est aduenü en tant de lieux de l'Italie, France, & Espagne, que c'est chose impossible les pouuoir distinctement remarquer.

Entre tant de benedictions dont le saint Homme a particulierement bien-heuré la France, ie dois spécialement mettre en ligne de compte les fruits qu'il y a produicts en conséquence d'un vœu, qui luy estoit adressé ou à Dieu par son moyen. C'est que sans auoir apprins aucunes lettres (qu'il sçauoit toutes neantmoins, par vne science infuse, lors que besoing en estoit) Dieu s'est seruy de luy, pour les planter, & semer par toute le Chrestienté, chassant la crasse ignorance & vne barbarie plus que Gotthique, qui filloit spécialement les plus beaux esprits du Royaume de France, y espendant à pleine main, au long, & au large les semences de toutes les bonnes sciences, & langues, qui ont tellemēt bourgeonné que les fruits en ont esté communiqués aux nations estrangeres. Ce fut lors que le saint Homme venu qu'il fut en France, arriué à la Cour, & visité des Princes, & Princesses, Seigneurs & Dames : entre toutes celles là Louyse de Saouye Duchesse d'Angoulesme estât long-tēps auparauāt reputée sterile, supplia bien-humblemēt le S. Homme, se souuenir d'elle en ses prieres pour obtenir lignée; promettant au cas que Dieu luy communiquast ceste faueur, elle feroit porter le nom de François à son fils pour honorer la memoire, & le nom du ser-

*François  
1. Roy de  
France ob-  
tenu par  
les prieres  
de S. François.*

uiteur

uiteur de Dieu. Le S. Homme luy predict aussi-  
 rost, que pour tout certain elle auroit vn fils,  
 qui seroit vn tresgrand Prince, & en fin Roy  
 de France. Il est dict, comme il est faict. Il est  
 faict comme il est dit. L'enfant est né, & le  
 nom de *François* luy fut imposé pour satisfai-  
 re au vœu de la mere. Laquelle se portant  
 mieux de sa couche, fit apporter l'enfant, &  
 l'offrit de ses propres mains au S. Homme, Le  
 suppliant luy donner sa benediction. Ce saint  
 vieillard, comme vn autre Simeon benist l'en-  
 fant, & prophetisa lors à la mere le sort heu-  
 reux, & mal-heureux qui luy arriueront en  
 suite de ses deportemens: l'exhortant par plu-  
 sieurs fois, de bien veiller sur sa nourriture, &  
 sainte educatiō aux lettres, & bōnes mœurs.  
 C'est ce grand Roy François premier de ce  
 nom, par lequel la France a conioint si heu-  
 sement l'ornement & lustre des lettres, à la  
 gloire & profession des armes. Certainement  
 cēt honneur luy est bien deu, & plus iustemēt  
 acquis. Il a esté vrayement le Pere & restaura-  
 teur des lāgues, & des lettres, & de toutes no-  
 tables professions: Patron, & par maniere de  
 dire, tuteur des hommes doctes. Qui attira  
 d'Italie, Allemagne, Espagne, de la Grece  
 mesme, & autres nations estrangeres, les plus  
 renommez en toutes sciences. Si qu'à son ex-  
 emple les autres Princes & Potentats de l'Eu-  
 rope ont embrassé à l'enuy, & courageuse-  
 mēt, le progrez & aduancement des sciences  
 & des langues en leurs terres & prouinces.

## LES VOEUX ET MIRACLES faicts depuis la mort.

Vne'des belles ceremonies, voire des plus mystérieuses que l'Eglise obserue aux obseques & funerailles des trespassez, c'est la lumiere attachee aux torches, aux cierges, & flâ-beaux qui enuironnent les corps, ou bien leur representation : pour apprendre à ses enfans, pour prouuer aux Athees, pour dire clairemēt à tous, que la mort n'a pas vn pouuoir si absolu sur tout l'hōme, qu'elle puisse l'égloutir totalement, & qu'il ne reste quelque chose aussi viuante que ces lumieres, bien que pour lors elle soit couuerte des tenebres de la mort. Cōme quoy diroit-on mort (pour ne toucher riē plus des autres actiōs vitales) ce qui vous parle? ce qui vous respond? ou au moins satisfait à ce que luy demandez? Ouy je compare les saincts à vn bō Echo, qui nous rend avec vsure la voix, que nous luy auons enuoyee. Et les saincts ne respon dent-ils pas à propos aux vœux, aux prieres, aux desirs mēmes que nous leur notifiōs? Pourquoy donc ces deux grands Prelats compagnōs d'office, compagnons de martyre, le temps & le lieu exceptez, s'obligēt-ils de promesse par ensemble que le premier party & arriué proche de Dieu moyennera les affaires de l'autre en la Cour du Ciel pour en rendre certaines responses à celui qui cōbat encore sur terre? sinon en suite de la foy, & creance de l'Eglise primitive : en laquelle ils auoient l'heure, & honneur de vi-

ure.

ure: qui ne tenoit rien de plus certain que le libre & familier commerce des Citoyens des deux pays: bien que fort distâs l'un de l'autre. Le Prince des Apostres en a assuré ses cōfreres, mais toute l'Eglise, *d'auoir memoire d'elle apres sa mort.* Il sera donc viuant pour se souuenir! souuenir qui n'est point limité des memoires qu'il emporteroit avec luy mourant: mais souuenir general, & pour les necessitez cōtenuës en son present registre, & es requestes qui luy seroient offertes à l'aduenir: c'est donc vn des plus communs exercices de nos Saints qui sont au Ciel, prier la diuine Bonté pour ceux qui implorent leurs secours icy bas en terre.

En voicy la premiere preuue, faite en la personne de la Royne de France, peu de iours apres la mort du S. Homme, c'est à dire sur la fin du mois d'Apuril de l'annee 1507. la Royne Mere estant pour lors au Chasteau de Môr, pres la Cité de Grenoble, voicy arriuer vn Courier, pour luy faire entēdre que la Royne Claude, femme du Roy François premier son fils, estoit extremement malade d'une fiebure continue, ce qui l'affligea grandement. A raison de quoy le R<sup>me</sup>. Euesque de Grenoble, & quelques vns des premiers Seigneurs du Païs, se transporterēt là pour luy donner quelque sorte de consolatiō. Entre aultres discours, le R<sup>me</sup>. Euesque luy fit entendre les faueurs particulieres, & le pouuoir que saint FRANÇOIS de Paule auoit pres de Dieu: que sa Maiesté mesme en auoit faict experience, ayant obtenu le Roy son fils par ses prieres,

*La Royne de France guatie des fiebures apres un uœu.*

lors que le saint Homme viuoit encores cy bas: qu'il estoit plus que vray semblable, qu'estant au Ciel, & plus proche de Dieu que iamais; son pouuoir, & son vouloir de luy bien-faire, seroient augmentés. La Roine mere sans delay, inuoque le bien-heureux Pere S. FRANÇOIS, avec vœu & promesse, que si par ses merites, & prieres, la Roine recouuroit la santé: elles emploieroient ensemble tout leur pouuoir, à ce qu'il fut canonizé. Quelques iours apres le R. Euesque, retournât visiter la Roine Mere, en intention comme auparauant de la consoler: trouua la Cour toute changée, & en grande ioye, pour les aduis nouuellement receus, de la parfaicte santé de la Roine, arriuée au mesme temps, que le vœu susdict auoit esté fait. Pour recognoissance donc de ce benefice, & de plusieurs aultres, la Royne mere avec le Roy, & la Royne ne cesserent depuis ce temps d'apporter toutes sortes de diligences, necessaires pour aduancer la Canonization du saint Homme.

*D'un mal  
d'esto-  
mach.*

Vne femme en la ville de Tours portoit vn mal en l'estomach, que les Medecins auoient iugé incurable, apres y auoir employé, & en vain, tous les remedes de leur art. Se souuenât alors du pouuoir que le S. Homme auoit pres de Dieu elle luy fait vœu: qu'au cas qu'elle recut sa santé, en bref elle confesseroit par tout sa vertu, & ses merites. Sa deuotion fut aussi tost suiuite de la guarison qu'elle desiroit, qui fut recognuë des Medecins lesquels iugerent n'y auoir que Dieu & ses Saints qui puissent faire choses semblables.

Vne



Vne autre femme en la meſme ville, qui ſe nommoit Catherine d'Vſt, auoit eu vne deſfluxion qui luy tomboit ſur le viſage, & luy enſloit de ſorte qu'elle en demeuroid toute défigurée. On n'y auoit épargné aucuns remedes corporels, contre leſquels ce neantmoins le mal s'obſtinoit depuis ſix ans, lors que ſe ſouuant des malades que le S. Hôme auoit guaris, & de toute ſorte depuis ſa mort meſme, elle luy adreſſe ſa requeſte, & ſes vœux, de reconnoiſtre à iamais qu'elle tenoit la ſanté par ſes merites, s'il luy plaiſoit luy rendre en bref. A peine le vœu acheuoit fortir de ſa bouche, que l'enſture quitte le viſage, & le laiſſe en ſa premiere forme.

*D'une deſfluxion.*

Il arriua vn grand mal à vn ieune enfant de la ville de Tours. La gorge luy enſle par le dedans, & ſi fort qu'il ne pouuoit quaſi plus reſpirer qu'avec grandiffime peine. Sa grand'mere portee de compaſſion enuers l'enfant, & de deuotion enuers S. FRANÇOIS de Paule, luy faiſt vœu pour ce petit, que s'il luy plaiſoit luy renuoyer la ſanté, qu'elle le viendroit remercier en l'Egliſe de ſon Conuent. Incontinent le mal de l'enfant deſenſle, la bonne mere s'acquitta de ſes promeſſes.

*D'une enſture de gorge.*

Vne femme de Rupelle, ſujette au haut-mal, en fut trauaillée plus fort l'eſpace de trois ſemaines entieres, ſi qu'on n'en eſperoit plus de vie. Sa mere le voüe à Dieu, & au benoiſt S. FRANÇOIS de Paule: auquel elle promet venir iuſques au Pleſſis le remercier en ſon ſepulchre, s'il luy rendoit la ſanté dans peu de temps. Apres le vœu fait, elle fut parfaitement

*Du haut mal.*

ment

parfaictemēt guarie de ce mal, & vint à Tours rendre les vœux qu'elle auoit promis.

Pasquier Fontinier, c'estoit vn honneste citoyen de la ville de Tours, auoit vne si grande oppression d'estomach, qu'il pensoit estouffer: & voyāt que les Medecins ne le pouuoient ayder, pour auoir la respiration libre, se voüe à S. FRANÇOIS de Paule, & luy promet aller en son sepulchre luy rendre graces, si par ses merites il receuoit la santé. Deslors il se sētīt soulagé, & peu de iours apres entierement guarý. Ce qu'il vint declarer aux Religieux du Pleſſis lez Tours, apres s'estre acquitté de ses promesses au sepulchre du saint Homme.

*D'une  
fiebre  
mortelle.*

Le Barbier Chirurgien qui seruoit les Religieux du Cōuēt de Tours, auoit vn petit garçon aagé seulement de deux ans, qui auoit vne fiebre si vehemente, qu'on n'en attendoit que la mort. Cest homme qui aymoit vniquement son fils, s'en affligoit extremement. Pendant ses fascheries, il vient au Conuent pour faire les cheueux & couronnes aux Religieux: qui le voyans d'vn autre maintiē que l'ordinaire, ils luy demandent ce qu'il auoit particulièrement, qui luy causast vne si grande affliction. Il leur fait sçauoir qu'il n'attendoit d'autres nouuelles que la mort de son fils. Et quoy, luy dirent les Religieux, veu que hantant la maison de ceans, vous ne pouuez ignorer les miracles que nostre bon Pere fait encores tous les iours, cōme quoy ne vous estes vous point aduisé de luy voüer, & recommander à ses prieres? Cela est vray, respondit cet hōme, mais

mais ie vo<sup>z</sup> prie tous faire la priere pour moy. Aussi tost fait qu'il est dict. Les Religieux se transportent en l'Eglise deuât le sepulchre du S. Homme: Ils sont suiuis du pere de l'enfant. qui à la fin des prieres sortant du Conuent, & rentrant en sa maison, il trouue son petit fils qui se portoit bien, & en peu de iours fut parfaictemēt guary. Le pere pour ne rester ingrat à vn si euident miracle, il le fait peindre, & représenter en vn tableau, qu'il vint luy mesme offrir & attacher en la Chappelle où est le sepulchre de saint FRANÇOIS de Paule.

Bernardin Prouenien demeurant és enuirōs de Tours, fut atteint d'un mal fort estrāge. La face luy enfle bien fort: il perd la veuë, l'ouyë, & la parole. Il y auoit ia trente quatre iours que ce pauvre homme demouroit en cet estat, abandonné des Medecins. Sa femme se voyant reduicte à telle extremité, voüe son mary à S. FRANÇOIS de Paule: que s'il luy plaisoit obtenir sa santé, ils prendroient le Cordon de son tiers Ordre. Deux heures seulement apres le vœu fait, cet homme ouure les yeux, commence à parler, il entend fort bien: & dans peu de iours il se leue du liēt en bonne santé, & vont luy & sa femme au Conuēt du Plessis pour s'acquitter du vœu qu'ils auoient fait.

*D'une enflure mortelle.*

Iules Baruchio, aydē de plusieurs ieunes hommes, vouloit transporter vne piece d'artillerie depuis Cusance iusques à Paule, les chemins estans extremement difficiles & mōtagneux: Elle estoit si grosse & pesāte, qu'il y auoit iusques à vingt paires de bœufs pour la rirer. Comme il fut question la descēdre en la valee

vallee de Marchia : pour plus de facilité on la lie à vne corde & celle-cy à l'arbre en faueur duquel ces ieunes hommes se promettoient la couler doucement, & petit à petit. Mais la pesanteur estoit si grâde, qu'elle romp vn des costez de la corde : & l'autre qui suiuant le poids du canon se demesloit d'auec l'arbre, si iustement, que Iules Baruchio, s'y trouua les iâbes engagees, qui se voyant en danger de perdre la vie, ou au moins d'auoir les iâbes rompues, se prend à l'arbre, s'escriant pitoyablement : *O bien-heureux François de Paule, aydeZ moy.* Chose admirable, & par dessus là nature : le canon qui rouloit auec roideur s'arreste court au pâ de la colline, & fut veu cōme vn Religieux Minime, c'estoit sans doute S. FRANÇOIS de Paule, qui auec les mains tenoit le reste de la corde qu'emportoit le canon apres soy, & l'arrestoit. Aussi tost cet homme retire facilement ses iâbes, où il n'auoit receu aucune incōmodité, va à Cusance, & se fait pourtraire en vn tableau auec toutes les figures icy representees : & va à Paule en l'Eglise de S. FRANÇOIS porter ceste image, pour perpetuer la memoire d'un si grand miracle.

En la ville du Cusance vn pauvre lepreux entendant parler des miracles de S. François de Paule, luy fait vœu, que s'il luy plaisoit rendre la santé, il iroit à Paule recognoistre ce bien fait. Peu de iours apres sa chair deuint aussi nette que celle d'un enfant, & le miracle publié par tout le pays.

Claude Royne de France, femme de François premier, ayant apprins que sa belle mere l'auoit

*S. François  
inuoqué  
arreste vn  
Canon au  
pan d'une  
Montagne*

l'auoit obtenu de Dieu, par les prieres du S. homme, encores viuât sur terre. Afin d'obtenir lignée, elle fait vn mesme vœu à son imitation, & promet, en presence du General de l'Ordre & plusieurs notables personnes, que s'il plaist à Dieu luy donner vn fils qu'elle luy fera donner le nom de François. Cela luy fut octroyé, comme elle le desiroit, & elle s'acquitta de son vœu.

*La Roynne de France obtient lignee par vœu à S. François.*

En Italie (où la deuotiō enuers S. FRANÇOIS de Paule est trop plus grande qu'en ces païs) le bon pere les gratifie d'une infinité de miracles quasi aussi souuent que tous les iours. I'en diray quelques-vns, seulement, comme pour en faire monstre. A Naples au Conuent de S. Louys (ainsi se nomme le Conuent des Minimes) tous les Védredis de l'année, la deuotion y est si grande (à raison que le S. Homme est mort le iour du Védredy saint) que force est ouürir les portes de l'Eglise dès la minuiet. Le long du iour l'Eglise est si fort pleine qu'il n'y a quasi moyen se tourner, & ce pour faire leur deuotion deuant le vis pourtraict, & image de S. FRANÇOIS de Paule : où sont sept grandes lampes d'argent allumées. Pendant ces deuotions, il n'y a pas long-temps qu'on apporta vn petit enfant qui estoit mort. Les parens le reposent sur l'autre de S. FRANÇOIS, avec confiance tresgrande aux prieres dudit Saint. A peine auoient ils commencé leurs prieres, qu'on entendit l'enfant crier, qu'ils prennēt, & rapportent vis chez eux, en presence d'autant de peuple, que l'Eglise estoit bastante en receuoir.

*Petit enfant ressuscité.*

Enuiron

Enuiron l'an 1560. fut veu vn miracle aussi notable que le precedent : En la ville de Lefche, capitale dans la Prouince de la Pouille, où est basti vn Conuent de cest Ordre: le iour de la feste de S. FRANCOIS de Paule, le pays circō-uoisin , par deuotion y aborde tellement à foule: qu'il semble, comme l'assemblée d'une foire. En vn village là autour estoit née vne fille aucegle. La mere souloit la mener à l'Eglise des Minimes, avec esperance de quelque chose de meilleur pour sa fille, par les merites du saint. Mais comme elle ne voit point d'amendement, desesperant de la santé, l'annee suiuite elle se dispose pour venir de cōpagnie avec ceux de son village, & laisser sa fille en la maison. La fille qui auoit ja treize ans, supplie humblement sa mere de ne perdre courage, que Dieu luy donneroit en vn temps ce qu'il sembloit refuser en l'autre. Et comme ceste raison, avec d'autres ne pouuoit gagner la mere, les larmes de la fille supplerent , & l'emportent par importunité. Les voicy donc tous arriuer à la ville, qui vont droict à l'Eglise de S. FRANCOIS de Paule , au iour de sa feste. Aussi tost que la fille eut mis le pied dans l'Eglise, voicy les yeux s'ouuir, & voir ce que iamais n'auoient veu. Elle s'escrie: *O mō Dieu, ie commence à voir.* La mere, & les voisins qui la cognoissoient la regardent, aussi estonnez comme personnes transportées d'une telle nouueauté: qui ne pouuoient dire autre chose, sinon crier confusément, *Miracle, Miracle.* Chacun accourt, qui demande aux parens, qui aux voisins (comme iadis les Pharisiens pour le faict

*Vne fille  
aucegle est  
illuminee.*

le faict de l'aveugle nay) si ceste fille estoit nee aveugle, & comme quoy elle voyoit. On respôdoit ce que dessus: l'ordre du voyage & du miracle. Tous les discours de la ville n'estoiēt plus autres, sinon loüanges continuelles de la bôté & misericorde de Dieu, & de la vertu ou merites de S. FRANÇOIS de Paule.

En voicy vn autre biē fort admirable. Entre toutes les terres de l'Italie, c'est la Sicile qui rapporte le plus de grain. Aussi semble elle biē estre comme le grenier du païs: car lors que la secheresse donne, qui est là assez commune, & que l'on craint pour les bleds autāt que la gelle en France, pour le regard des vignes, l'Italie en patit & endure beaucoup. Ce fut donc enuiron l'an 1598. que Dieu permit ce fleau arriuer. La chaleur estoit si grande, qu'elle auoit brulé la pluspart des espics du bled qui estoit sur terre: & le reste qui couroit mesme risque. Car de pluye, il n'y en auoit apparence du monde, selō la disposition du temps, si la Bonté de Dieu n'y eust pourueu en brief de ceste sorte. Le R. P. Bernard de Catane Iesuite de professiō, ie dis vn des plus celebres Predicateurs de l'Italiē, autant pour sa doctrine que pour sa pieté & deuotion: laquelle apres Dieu & sa bien heureuse Mere, il semble l'auoir particulièrement voüee à S. FRANÇOIS de Paule. Ce bon Pere donc preschāt le Carefme en sa ville de Catane, au milieu de la Sicile, il vient, suiuant la coustume du lieu, prescher en l'Eglise du Conuent des Minimes le iour de la feste de saint FRANÇOIS, qui eschet le second iour d'Auril. Au beau milieu de son sermon, quelque

*Subite & grande inondation du Ciel, au rep, d'une secheresse.*

quelque lumiere du Ciel rayonnât, & eschauffant son ame, plus que les flammes du Soleil, qui brusloit les personnes, iusques dans les maisons, l'emporte dâs vn enthousiasme, qui tournât bride à son discours, le retourne aux mouuemens du S. Esprit, qui rouloit le sien, comme il pouuoit apres l'exprimer avec presque semblables paroles : *Et quoy, mes Auditeurs, ce leur dit-il, à quoy employons nous nos paroles maintenât, que pour vous aduiser des moyës de pouruoir à ceste afflictio si commune & generale : Vous auez prié Dieu, & demandé vn peu d'eau du Ciel, pour esteindre les feux qui brulent la terre. La pluspart du bien est perdu, le reste n'est gueres plus assésuré. Vous auez fait des processions generales, prieres publiques : on les a reiterées. Vous auez heurté à la porte du Ciel : on ne vous a point respondu. Quoy donc ? n'y a-il plus de misericorde en Dieu ? Nos esperances doiuent-elles s'abbatre ainsi : & l'oraison aura perdu son credit ? Si nos pechez nous y condamnent, & iustement au moins faisons parler pour nous celuy de qui le Ciel, la terre, & tous les elemens ont rendu tesmoignage de son innocence. Puis se tournant vers l'autel & image de saint FRANÇOIS de Paule, il leue les yeux au Ciel, comme pour regarder vers le Prototype & original, les mains ores ioinctes, ores ouuertes avec les bras qui exprimoient les affections diuerses, mais toutes deuotieuses, de son esprit : avec vne iolie Apostrophe. C'est de vous ô bõ Pere, ce disoit-il, c'est de vous, ô S. François de Paule, que i'entends parler. Il est vray que nos pechez nous ont fermé la porte*



la porte du Ciel: que nous ne puissions entrer en la  
 sale de ce grand Monarque, couuerts que sommes  
 encores des sacs de nos imperfections: Nous auons  
 crié, implorant sa misericorde: On ne nous respond  
 point: C'est par un commun aduis & consentement:  
 Nous mettrons nostre requeste entre vos mains, nous  
 vous supplions bien humblement la faire respon-  
 dre. Vos merites receuront ce que nos pechez re-  
 fusent. Vous ne pouuez oublier personne de ceux  
 qui s'adressent à vous. Vostre charité ne chassoit  
 personne sur terre. Que ne fait elle trop plus fauo-  
 rablement auourd'huy dans le Ciel? Mais qui ne  
 croira que vous ne cherissiez particulièrement ce  
 pays, que vous auez honoré vn si long temps; &  
 depuis peu, de vostre presence, d'une vie si exem-  
 plaire, suivie de tant de miracles, que nos yeux en  
 sont encores esblouis? Nous vous supplions donc  
 adionster cestuy-cy aux autres. Car ie vous decla-  
 re que nous ne sortirons point de ce lieu, que n'ayez  
 respondu à nos requestes. Vous scauez nostre ne-  
 cessité: vous pouuez y remedier, vostre charité le  
 veut, nous en attendrons icy les effects. Ce furent  
 là en sommaire les propos, & oraisons iacula-  
 toires qu'il reitera deux ou trois fois. Entre  
 lesquelles, cōme par forme de pause, il exhor-  
 toit son audience à perseuerer en ceste priere,  
 l'assurant d'obtenir ce qu'elle demandoit. O  
 que la foy a de pouuoir, ioincte aux merites &  
 prieres des Saints. Chose autant admirable  
 qu'aucune qui soit. Le Ciel estoit aussi serain  
 que iamais. L'astrologie naturelle ne pouuoit  
 promettre changement de temps. La pluspart  
 des auditeurs s'enuyoient, pour ne dire qu'ils  
 soufrioient de la priere de ce bō Pere, si pleine

Nā

d'espe-

d'esperance contre esperance: & ce de cōpafion (car ainfi parle la prudence, folie humaine) que voicy en vn instant le Ciel tout couuert, qui ne donna loisir à personne sortir l'Eglise, pour la quantité des pluyes qu'il verfoit, autant qu'il n'auoit veu de long temps. A raison dequoy les biens qui reſtoient ſur terre furent ſauuez: & le miracle publié par la ville, par le Royaume, par toute l'Italie; amenoit tout le monde és Eglises des Minimes les plus proches de leur demeure, pour rendre graces à Dieu, & à S. FRANÇOIS de Paule.

Il y a quelque temps qu'en France, la petite verolle, le pourpre, la rougeolle, & fièvre continue, faiſſoient les petis enfans: dont ils eſtoient ſi cruellement trauaillez, que la pluſpart moururent. Or entre iceux, il y eut le petit ſils de Iacques de la Rue, Notaire en la ville de Tours, qui fut atteint tout enſemble de ces quatre maladies, n'eſtant encore aagé que de quatorze mois: qui apres auoir porté vne fièvre continue, neuf iours durant, avec les ſuſdittes maladies, & ſi violentes, qu'il auoit perdu la veue depuis cinq iours: le medecin, & apothiquaire, l'ayans condamné à mourir infailliblement, & bien toſt: Le pere faiſy de douleur, pour ne plus veoir vn ſi triſte obiect, ſe retire en ſon eſtude: croyant par quelque affaire de ſon art, ſe diuertir d'y plus penſer, croyant par ce moyen charmer ſon affliction. Mais l'amour naturel le poſſedoit ſi fort, qu'en tout ce qu'il commençoit, il ne voyoit, ou liſoit autre choſe, que la perte qu'il croyoit de ſon ſils. L'amour donc,

& la

& la necessité extreme, l'assiégeant de part en autre : l'occupoient entierement , pour penser aux moyens ou remedes, qui pourroient apporter quelque secours à son fils: lors que Dieu luy fit souuenir de son bon seruiteur SAINT FRANÇOIS de Paule, combien de personnes en auoient esté fauorisez, es accidens les plus desesperez , & spécialement en la ville, & lieux circonuoisins de Tours. Cest homme recueillant les forces de son esprit, avec vne grande ferueur, & deuotion, commence à dire: le voüe à DIEU , & à Monsieur S. FRANÇOIS de Paule, si mon enfant retourne en conualescence : que ie le feray porter au Couuent du Plessis lez Tours: où ie feray celebrer vne haulte messe , en laquelle l'enfant mesme offrira vn cierge blanc, où sera attachée vne piece d'argent: en action de grace, & pour recognoistre que i'auray receu ce benefice, par les prieres, & merites du S. Homme. A peine le veu est faict, que voicy vn des autres enfãs, qui auoit esté enuoié pour appeller son pere, & luy faire entendre , que l'enfant cōmencoit à ouurir les yeux, & que la fièvre luy diminueoit: cōme en effect il fut veu dans peu de iours en parfaicte santé: & le vœu fut accompli, comme il auoit esté promis.

Il seroit bien difficile, pouuoir faire entendre à la posterité , les merites de ceste si noble maison de Lorraine: qui sans flatterie , a semblé tousiours deuancer les aultres de leur condition , par tout ce qui les peut rendre plus recommandable . Je laisse donc ceste tasche aux fidesles histoires , pour dire en

passant ce que chacun scait: qu'en faiët de pieté & Religion, ils n'ont iamais cedé à personne de leur qualité. Lesquels pour la pluspart, en toutes leurs affaires, n'ont ordinairement plusgrand appuy, que leur fortune avec leur iugement: ou ceux cy le portent comme tousiours, sur le puiot du christianisme: qui est l'esperance en Dieu, par l'entremise & priere des sainëts. Voicy la preuue de mon dire, en deux actions qui s'ensuiuent. Monseigneur François de Lorraine Comte de Vaudemont, auoit esté marié au mois d'April l'An 1597. & demeuré quelques annees sans auoir lignée, craignant fort d'en estre priué: son recours donc fut aux prieres des Religieux, specialement de nos Peres qui sont à Nancy: lesquels visitant, & comme se plaignant de ceste afflictio, les suppliant de demander ce benefice à Dieu, & à nostre bon Pere en sa faueur. Vn des Peres qui estoit en la compagnie, luy dit:ques'il vouloit faire quelque vœu à nostre Pere S. FRANÇOIS, qu'é brief il ressentiroit les effects de son pouuoir enuers Dieu. Ce Prince aussi tost, & en presence de tous les Peres fit vœu, prononçant tout haut, que s'il plaisoit à Dieu luy donner lignee, par les prieres de S. FRANÇOIS de Paule: Il feroit bastir le Chœur dudit Cōuent à ses despens. Ceste deuotion fut bien tost suivie des faueurs ordinaires qu'experimentent iournellemēt ceux qui ont recours à nostre bō Pere: car le vœu fut faiët en l'an 1601. & l'an 1602. au mois de Mars, Madame la Cōtesse de Vaudemōt accouchée d'unbeau fils:auquel en action de grace à Dieu, & à S. FRANÇOIS, Mōseigneur & Madame firent porter l'habit de

l'Ordre, l'espace d'un an: & s'acquiterent, non seulement de ce qu'ils auoient voué: mais donnant beaucoup plus qu'ils n'estoient obligez, en suite de leur naturelle bonté & magnificence.

L'heureuse yssue du vœu de Monseigneur le Comte de Vaudemont, fut un grand motif à son Altesse Henry second de Lorraine, faire chose semblable que Monsieur son frere: veu encores la deuotion particuliere qu'il a enuers S. FRANÇOIS de Paule: lequel il a déclaré publiquement, & par plusieurs fois, auoir prins & choisi pour son Aduocat, & Patron enuers Dieu. Ayant donc demeuré en mariage, iusques en l'année 1607. sans enfans: & desirant receuoir ce bien, par les prieres, & merites de nostre bon Pere: le iour de l'Assumptiō de nostre Dame, de l'an susdit, apres auoir communiqué en l'Eglise de nostre Conuent: son Altesse, & Madame la Duchesse sa femme, unanimement font vœu, & promettent de faire acheuer le bastiment du Conuent à leurs despens: s'il plaisoit à Dieu leur donner un enfant, par les prieres de S. FRANÇOIS de Paule. Et que l'espace d'un an (s'ils n'estoient legitimelement empesché) l'un deux, ou du moins quelqu'un de leur part, assisteroit tous les vendredis de laditte année, à une messe qu'ils feroient celebrer, en la chappelle de S. FRANÇOIS de Paule, en l'Eglise du Conuent. Condition & deuotion si exactement obseruee, que le plus souuent tous les deux, s'y trouuoient ensemble: voire en des saisons fort incommodes, & pendant les plus grandes neiges: & c'a

esté fort rarement , qu'ils y ayent enuoié de leur part: y ayans presque tousiours (au moins l'un des deux) assisté personnellement. A raison de quoy, nostre bon Pere leur fit bien tost enteriner leur requeste. Ce fut l'année suivante 1608. le troisiéme d'Octobre en un vendredy matin (qui estoit le iour , & enuiron le temps, qu'ils souloient faire la deuotion ordinaire de leur vœu) Madame la Duchesse accoucha d'une belle fille, laquelle par ses rares perfections faict, & fera cognoistre , qu'elle est un present digne du Ciel. Ce seroit chose hors de raison , demander ce que son Altesse a faict, pour recognoissance d'un si grand benefice: car mis à part la pieté, & deuotion de ce Prince, pour s'acquiter de son vœu : la liberalité & magnificence recogne sans contredit , annexée à la maison de Lorraine, dont il est la tige : oblige de croire , que la departissant aux autres , la plus grande part luy est demeurée. Comme en effect, ie ne scaurois assez exprimer les effects de la bienueillance de ce Prince enuers nostre Ordre. Ce sera nostre bon Dieu, qui le fera un iour en presence de tout le monde, luy en assignant la recompense au Ciel.

En l'an 1603. Monseigneur & Madame de Montpensier, poussez d'un desir naturel recevoir le fruct de leur mariage, qui fut en l'an mil cinq cens nonante & sept. ont recours à Dieu par l'entremise de SAINT FRANCOIS de Paule: auquel ayant tous deux une singuliere deuotion, luy adressent un vœu sous ces conditions. Premièrement s'il plaisoit à la divine

Bonté



Bonté les gratifier d'un fils, ou vne fille, les faire instruire en l'amour & crainte de Dieu: en la foy & croyance de la sainte Eglise Catholique, Apostolique & Romaine. Et si c'est un fils, luy faire porter le nom de Francois, en l'honneur de monsieur SAINT FRANÇOIS de Paule. Et outre ce, luy vestir l'espace de six mois l'habit de son Ordre, des freres Minimes: & ce dedans les premiers quatre ans de sa naissance. Et pour action de graces, faire dire & celebrer tous les ans le iour de leur naissance, soit fils, ou fille, vne Messe haute de SAINT FRANÇOIS de Paule, avec les oraisons du saint Esprit, & de la glorieuse Vierge Marie, par l'espace de dix ans. Pendant lesquels en l'une des Eglises dudit Ordre de SAINT FRANÇOIS de Paule, tous les Vendredis de l'an, seront aussi chantees les Litanies composees à l'honneur de Dieu, & dudit SAINT FRANÇOIS: ou bien quelques autres suffrages, à la deuotion & discretion des Religieux dudit Conuent. D'abondant lesdits Sieur & Dame promirent à Dieu, pour vne plus particuliere recognoissance de ce bien-faict, se confesser & communier le iour de la feste dudit S. FRANÇOIS de Paule: & tous les vendredis reciter cinq fois le *Pater noster*, & l'*Aue Maria*, à l'honneur des cinq playes de N. Seigneur, l'espace de six ans. Ceste si particuliere deuotiō fut biē tost exauce: car en l'ā 1605. le Ciel distillāt ses graces ordinaires, en fit specialement part à ceste honorable Maison, de laquelle il fit naistre l'unique heritiere, Mademoiselle de Monpensier, qui pour

ses rares perfections, & plus grands merites de ceux auxquels elle a l'honneur d'appartenir, est ja promise de mariage à Monseigneur le Duc d'Orleans, desquels nous desirons la ieu- nesse, avec le reste de leur aage, estre suiuis de mille & mille, voire infinies benedictions.

Monseigneur le Duc d'Vrbain ja fort vieil, sébloit deuoir laisser son estat sans successeur, lors que s'aduissant du pouuoir de S. FRANÇOIS de Paule enuers Dieu, faict vœu avec la communauté de sa ville de *Pesaro*, au cas qu'il pleust à la diuine bonté, & par les prières & merites de S. FRANÇOIS de Paule, le gratifier d'un fils, qu'il en enuoyeroit faire la recog- noissance iusques en France, au Plessis lez Tours, au Conuent où est le sepulchre de S. FRANÇOIS. C'a donc esté en l'an 1606. que les vœux & prières ont esté exaucees. Le Prince a receu vn fils, & son estat vn Seigneur. A rai- son dequoy ils ont deputé par ensemble deux honnestes Gentils-hommes, le seigneur Pier- re Golle, & le seigneur Valere Pompei: qui ar- riuèrent à Tours ce mois dernier de Septem- bre en l'annee 1600. avec lettres dudit Sei- gneur d'Vrbain, & de la Communauté de ladi- re ville de *Pesaro*, adressantes au Reuerend Pere Prouincial de Tours, & au Pere de ce Conuent, aux fins de receuoir par la presence desdits Gentils-hommes l'acquit des vœux de l'un, & des autres.

Vn des plus signalez miracles de nostre sie- cle, causé par le vœu, c'est la plus que desirée naissance de Monseigneur le Duc de Rhetel: que ie fais ainsi entendre par ordre. La Chre- stienté



stienté cognoit comme vne chose trop euidēte, la pieté & deuotion de ces deux grandes maisons de Neuers, & de Lorraine. Nostre Ordre en a ressentý spécialement de fort particuliers effects, qui l'obligent en general & en particulier demeurer à iamais, ce qu'il a tousiours esté, plus que tres-affectionné à leur desirer tout le bien possible tirer du Ciel, pour les bien-heurer sur terre. De ces deux principales maisons, Dieu en a composé vne, & belle alliance, de Monseigneur, & Madame de Neuers. Dont l'vñion donnoit nouuelles forces à l'affection d'vn chacun de cet Ordre: les bien-veuille de prieres, & oraisons, avec les autres exercices sortables à nostre condition, aux fins de leurs procurer pres de Dieu, ce que plus importunement ils recherchoient, l'entier contentement de leur mariage, par vne heureuse lignée. Ce fut lors que, pour, & au nom de nostre Couuent de Nigeon, duquel i'auois charge de Superieur en ceste annee là, m'acquittant d'vne partie de mes obligations par visites, pour leur tesmoigner la continue de nos bonnes volonte; ie m'aduançay parler aussi priuément à Monseigneur & à Madame, que leur bonté naturelle y conuie, & receoit les plus petits. Le sens, & sommaire de tout le discours fut, comme vne responce à leurs gracieux complimens, qui vouloient croire leur conseruation & grandeur, apres la Bonté de Dieu, despendre des prieres de nostre Pere SAINT FRANÇOIS, & de ses Religieux. Je leur repartis donc, qu'ils ne tromperoient iamais leur iugement, l'engager à telle

croyance,

croyance, fondée spécialement sur les fondemens des Conuents ià donnez à l'Ordre par leurs predecesseurs. Que neantmoins il estoit requis y contribuer quelque chose du leur, par forme de recognoissance, & pour marquer d'as la posterité la memoire du benefice qu'ils esperoient de Dieu par l'éternité de son saint. Ceste religieuse maniere de proceder luy estre extrêmement agreable, si les moyens le permettent: puis que rien n'a tant de pouuoir fermer les mains, ou retenir ses graces que l'ingratitude passée, ou à venir. Monseigneur, de qui les bonnes volontez se concoiuent & enfantent à la fois, me demanda aussi tost ce qui estoit de faire. Mon aduis fut de se cōfesser & communier, & à la fin de leur communion, promettre à Dieu, & à nostre Perc SAINT FRANÇOIS, le vœu conditionné de ce qu'ils auroient par ensemble aduisé maturément. Monseigneur, & Madame agreerent ce conseil de plusieurs remerciemens, & me donnerent parole se trouuer le iour & feste de Pentecoste suiuant, en nostre Conuent de Nigeõ, pour s'acquiter de leurs deuotions, & de cellecy en particulier. Ce fut donc en l'an 1605. le iour de Pentecoste, qu'apres la Confession & Communion, mesdits Sieur & Dame, qui en leur cœur seulement pouuoient promettre à Dieu ce qu'ils auroient conclud: neantmoins parvne particuliere faueur me voulurent faire tesmoin de leur rare deuotion, prononcans leur vœu au mesme lieu, où ils auoient communiqué, deuant le grand Autel, & en ces termes: *Nous promettons à Dieu, au cas qu'il nous*  
*donne*

donne lignee , par les merites, & prieres du bien-  
 heureux saint Francois de Paule , bastir & dor-  
 ter un Conuēt de son Ordre en quelqu'une de nos  
 terres. Et si c'est vn fils luy imposer le nō de Fran-  
 cois , & luy faire porter quelque temps l'habit de  
 cest Ordre. Cela prononcé avec ferueur , & le

*Singuliera  
 deuotion de  
 Monseig-  
 neur de Ne-  
 uers.*

iour passé avec la mesme deuotion , Monsei-  
 gneur & Madame me dirent en partant les re-  
 cō mander souuent aux prieres des Religieux,  
 & à mesme fin celebrer la sainte Messe tous  
 les Védredis de l'annee, en la Chappelle de S.  
 FRANÇOIS de Paule. On faiēt ce qui est si rai-  
 sonnablemēt recō mandé, ou commandé, iuf-  
 ques à ce que Dieu enterināt la requeste de S.

FRANÇOIS de Paule , & de ses enfans Reli-  
 gieux , Madame se cognoissant enceinte , ie  
 fus lors mandé par Monseigneur & Madame,  
 au commencement de l'annee 1607. pour me  
 transporter à Neuers , & en qualité de Pro-  
 uincial accepter & designer vn Conuēt , avec  
 sa fondation, telle qu'il est porté par les Char-  
 tres , avec les assurances ordinaires à ces in-  
 struments publics passez pardeuant Notaires,

*Par les meri-  
 tes de Saint  
 Francois de  
 Paule Mon-  
 seigneur de  
 Neuers re-  
 coit la peti-  
 tion de son  
 vœux*

& ratifiez en la Chambre des Comptes de  
 mondit Seigneur en sa ville de Neuers. Et  
 depuis ce temps, on n'a iamais desisté de l'ou-  
 urage encommencé pour la perfection dudit  
 Conuent. Lequel par toutes les façades qui  
 se puissent voir, faiēt recognoistre aussi pal-  
 pablemēt la pieté liberale, ou pieuse liberalité  
 de ce Prince: que les nouueaux edifices & cha-  
 steaux disēt la vanité & superfluë despēse des  
 autres. Ce fut en la mesme annee , & l'ôzième  
 iour de Iuin , que la premiere pierre fut posée  
 par

*Conuent des  
 Minimes à  
 Neuers.*



par mondit Seigneur aux fondemens de l'Eglise, apres la benediction faicte par Mōsieur l'Euesque de Neuers, accompagné de son Clergé, & de la pluspart de la ville, qui l'auoit fuiuy solempnellement en procession. Mais le Ciel ne voulant estre deuanté de la terre en ceste lice de courtoisie & fidelité: le Dimanche suiuant, sans plus attendre, il offrit son presēt aussi pretieux & agreable, qu'vtil & necessaire à la ville de Neuers, à la France, mais à toute la Chrestienté: C'est la naissance tāt remarquable de Monsieur le Duc de Rhetel, de qui Madame sa mere accoucha l'an susdit qui estoit le neufiesme depuis leurs nopces, le dix-septiesme iour de Iuin, enuiron les neuf heures du soir. Mais heure remarquee aussi à propos, qu'en ce temps les lumieres du Soleil, & les bruits menez le long de la iournee, sembloient se retirer pour faire place aux torches, aux flambeaux, aux feux de ioye: mais à la Musique de l'Eglise Cathedrale, suiuite des tonneres & bruits du canon de la ville. De qui les ioyes estoient aussi grandes, que le bien en estoit commun & general: & qui croist de iour à autre, avec les ans de ce ieune Prince: sur l'esperance le voir nourrir en tout ce qui peut rendre vn Prince recommandable, pour estre parfait disciple de ceux qui n'ont iamais eu pour obiet que la vertu, & pour guide que l'honneur. Pour faire, dis-ie, egaler à sa naissance les sainctes pretentions de ceux à qui il a l'honneur appartenir, & à l'aduenir succeder à ceste veritablement noble condition de ses predecesseurs, paternels & maternels:

Prin-

Princes de tref-auguste memoire, qui ont esté des plus genereux hommes au maniemment des armes, & sans contredit les plus Chrétiens, & Religieux: comme il partagera à leurs Principautez, & à plusieurs autres belles & grandes qualitez, tant du corps, que de l'esprit. C'est ce que nous pouuons raisonnablement avec le temps espérer, & nous promettre de ce petit Prince, sur les arres de son commencement à la pieté, & au courage que l'on a sensiblement cogneu passer, & deuâcer son aage, & encores plus de sa naissance miraculeuse: puisque le Ciel n'a coustume de rien laisser imparfaict. C'est aux mesmes fins que nous luy enuoyons nos prieres, & adressons nos vœux: pour d'une main liberalement ouuerte verser dans l'ame de ie ieune Prince toutes sortes de benedictions, fortables à sa qualité; & qui pour iamais consacrent sa vie aux lauriers, qui ombragent sa reputation d'une verueur immortelle.

En ce mesme temps, les Seigneurs, & Dames, toute la Noblesse du pays venoit à Neuers, pour bien-vueiller Monseigneur & Madame: sur la naissance de monsieur le Duc de Rethel. En ceste honorable compagnie s'y trouua Madame la Barone d'Anlesi, qui estoit aussi enceinte, son terme expirant dix ou douze iours apres la couche de Madame: Mais qui fut bien autre. Car où au premier enfantement ce n'auoit esté qu'un peu de douleur, suiuy aussi tost de grandes ioyes: ce n'estoient en ce second que conuulsions, qu'on croioit avec preuues apparentes, estre messagers de la mort  
à la

*Autre histoire  
de d'un vœu  
exaucé en  
semblables  
choses.*

à la mere, & à l'enfant. Je fus donc appelé en l'extremité, cōme pour assister vne personne en sa mort. Entrant ie voy tout le monde desesperé de la vie de la patiente, & fondu en l'armes. Le Medecin, avec les Chirurgiē prests pour faire ce qui est de leur art en semblables extremitez. La patiente qui auoit presque perdu toutes ses forces, avec les sens, & iugemēt: du peu qui luy en restoit, ie m'en seruis pour luy remontrer se souuenir des graces, que Madame auoit receu de la main de Dieu, par les faueurs de nostre bon Pere S. FRANÇOIS de Paule, & qui souloit assister toutes personnes qui l'inuocquoient, particulièrement celles qui se trouuoient en la necessité semblable à la sienne. Estre mō aduis, qu'elle luy fit vœu de l'enuoyer remercier iusques au Plessis lez Tours, au lieu de sa sepulture, si par ses merites & prieres il la deliuroit présentement. Ce disant ie luy donnay en main vn chappeller, où il y auoit quatre grains du chappellet de S. FRANÇOIS de Paule, pendant qu'il viuoit encores parmy les hommes. Ceste pauvre malade r'amaissant autant de force, qu'il luy en restoit, pour pouuoir parler, respondit tout bas, qui fut neantmoins entendu de deux ou trois les plus proches: qu'elle voüoit tout ce que i'auois dit. Chose admirable à la verité, & qui peut estre tesmoignée plus que d'une douzaine de personnes, & bien qualifiées. Au mesme temps que le vœu est prononcé, enuiron autant qu'on seroit à prononcer vn *Aue Maria*, ceste Dame fut deliurée, & accoucha d'un beau fils, qui tourna les larmes de la compagnie en ioye, & action de graces enuers

DE S. FRANÇOIS DE PAVLE. 575  
Dieu, & son biē aymé S. FRANÇOIS de Paule.

Il seroit tres-difficile, & comme impossi-  
ble, reduire par escrit vne chiliade de vœux, &  
miracles, ensuiuis en choses semblables: &  
de personnes de toutes sortes & qualitez, &  
par toute la chrestienté. Les marques, & re-  
cognoissances en actions de graces, de leurs  
vœux, & deuotions, qui paroissent es Eglises,  
& Conuents de l'Ordre, supplieront au def-  
fault de l'Escripture, pour seruir comme de le-  
cture à la posterité.

## CHAPITRE XXX.

*De la mort & sepulture de S. Francois de Paule.*

L'Escripture Saincte en diuers lieux, faict  
veoir plusieurs des anciens Patriarches,  
mourants, & ensemble predisans choses si  
merueilleuses à leurs enfans: qu'il n'y a quasi  
parole qui ne soit suiuite, & accompagnée de  
propheties. Et ceste petite histoire nous va re-  
presētāt vn autre Patriarche, & pere d'vn nō-  
bre cōme infiny d'enfans spirituels: qui meu-  
rēt en pays estrāger, & qui dit & predit ce qui  
n'appartient qu'à vn Prophete, & à vn hom-  
me diuin de prononcer. C'est le saint Hom-  
me S. FRANÇOIS de Paule: qui ayant vescu  
l'espace de quatre vingt & onze ans, dōt il en  
passa vingt-cinq & demy en France, & le reste,  
qui dit soixante, & cinq ans & demy en Italie,  
en son pays de la Calabre. Car il arriua en  
France sur la fin de l'an mil quatre cēs oētante  
sept, & mourut en l'an 1507. peu apres le com-  
men-

mmencement de l'année ; à scauoir le second iour du mois d'Auril ; seant lors au siege de saint Pierre, Iules second, à qui le saint Homme, comme dit est, auoit predict ceste future dignité Papale : pendant l'Empire de Maximilian d'Autriche premier de ce nom: sous le regne de Louys douzième Roy de France tres-Christien. Ce fut dis-je, en ce temps que le saint Homme asseuré de sa mort prochaine, en voulut aduertir ses freres, & ordonner ce qui restoit à policer en la petite Republique de sa Religion. A ces fins il assembla ses Religieux de Tours ; aüec quelques autres d'vn chacun des Conuents les plus proches: ausquels il commença ceste petite exhortation qui a esté recueillie des assistans, aux mieux qu'il fut possible en faire rendre compte à leur memoire, & de laquelle ils ont testifié estre le propre sens , sice ne sont les mesmes paroles.

*Discours de  
saint François  
de Paule  
à ses Reli-  
gieux, pro-  
che de sa  
mort.*

*Côme ainsi soit qu'en toutes nos œuvres, ce leur dit-il, nous deuions imiter nostre Sauueur & Redempteur Iesus-Christ, nostre chef & vray Capitaine, les merites duquel nous donnent la grace en terre, & nous promettent la gloire au Ciel. Il m'a semblé à propos en ceste mienne ; & derniere volonté vous laisser, à vous qui auez fidelement acompagné mes trauaux : que i'ay reueré comme mes peres, & ay aymé en charité, comme mes enfans, vous laisser, dis-je vne instructiõ, par le moyë de laquelle vous puissiez grauer en vostre memoire, vne perpetuelle souuenace du moyen de chasser & repousser vostre ennemy commun, & appeller à vostre secours la misericorde de vostre Pere, bñ & ayma-*



aymable sur toutes choses, & qui regne és Cieux.

Il appartient donc au soldat Chrestien, & à qui *Abbregé de la perfection Chrestienne.*

Croix, dresser ses œuvres à trois fins seulement: qui sont un chemin assésuré pour les conduire au iardin de delices, qui est le Royaume des Cieux: c'est premierement faire toutes choses, pour la gloire de Dieu: Secondement pour le desir de nostre propre salut: & puis pour la charité, & soulagement du prochain. La gloire de Dieu consiste à l'aimer en nostre interieur, l'honorer aussi, & reuerer exterieurement. Nostre salut despend de ces deux points: s'abstenir du mal, & faire le biē. La charité du prochain c'est l'aider par œuvres, & le consoler de paroles. Nous deuons donc auoir ces trois obiects pour but de nos œuvres & intentions, qui seruent comme de plumes aux aisles de nostre ame, pour pouuoir prendre leur vol vers le nid celeste, qui est de nostre demeure. En ceste maniere vous voyez le gage de mon amour reposer en nostre Sauueur & Redempteur Iesus-Christ, conserué en vous: & communiqué au prochain. Et sçachez pour tout certain que tant que nous mettrons nostre amour en Dieu, il ne nous pourra estre desrobé de l'ennemy, & tant que nous le conseruerons en nous, l'oisiuete ne nous pourra pas assaillir: laquelle est enuieuse, & ennemie des œuvres de charité. Tandis aussi que nous la communiquerons à nostre prochain, nous chasserons arriere de nous toute enuie, origine du peché, par lequel sathan persuada à nos premiers Parens commettre la premiere offence contre la Diuinité. Et par ce que tout fondateur de Reigle, en quelque Ordre que ce soit, doit viser à ces trois points: & qu'ayant esté chargé de nostre

*Dieu d'establiſſir ſur terre ceſte Religion, des Freres Minimes : afin que par le moyen d'icelle pluſieurs perſonnes excellent en ſaincteté de vie.*

*Pourtant nous drefſerons toute noſtre Zele à rechercher, & conſeruer la gloire de Dieu le Createur: apres cela noſtre propre ſalut, puis à ſecourir noſtre prochain. Que ſi le fils de Dieu a fait, & paty pour nous, deuons nous eſtre laſches, & pareſſeux à l'imiter pour l'aduancement de ſa gloire, & le ſoulagement de ſes ouailles? Je vous diſ que pour vous maintenir en Charité: il faut que vous vous vniffiez avec Dieu qui eſt la vraye Charité & puis, comme ſes imitateurs, vous communiquer en charité au prochain, luy ſuruenant à ſes neceſſitez, l'admonéſtant de ſes fautes & offences & priant pour luy. A raiſon de ces deux vous ſouuiène auſſi, que noſtre Sauueur & Redempteur Ieſus-Chriſt nous commande, non ſeulement d'aymer nos amys, mais auſſi nos ennemis, & faire bié à ceux qui nous hayſſent, & prier pour eux. Elle nous en a laiſſé l'exemple, lors qu'avec vne profonde humilité elle l'aua les pieds à Iudas, qui s'eſtoit ja déclaré ſon ennemy. Elle pria auſſi pour ceux qui le crucifioient: comme depuis l'ont imité le bien-heureux S. Eſtiéne, premier martyr, l'Apoſtre ſainct André & tous les ſainctſ, en ceſte belle vertu de charité ſpeoialement: bien qu'en toutes les autres, ils ſe ſoient déclaréſ vrayſ diſciples de noſtre Sauueur. C'eſt ceſte vertu, particulierement entre les autres, que ie vous recommande obſeruer. Car ce petit Ordre ſe maintiendra tant qu'il plaira à la ſouueraine Bonté Diuine de maintenir en paix, & concorde ceſte ſaincte congregation, & famille. L'eſpere à la bonté de Dieu vous ſignifier ce*

*que*

*que ie desire auant ma mort : qui sera dans peu de iours.* Cela dit, les Religieux se retirent chacun en sa Cellule, & tous attains d'une pointe de douleur pour la separation de la compagnie, qu'il leur auoit predit : bien que pour ceste premiere fois qu'il leur parlaſt il ſe portaſt auſſi bien, que de couſtume. Neantmoins ils ſçauoient que le ſainct Homme ne diſoit rien legerement : & puis ceste ceremonie extraordinaire obſeruee ſi particulierement, de les aſſembler à ces fins, veriſioit aſſez la verité de ſa prophetie, avec la grace, & priuileges des autres Sainctſ, qui neluy ont point eſté deniez : l'un deſquels, & plus communs a eſté, ſçauoir le iour de leur sortie de ce monde, par maniere de gratification, & compliment, pour leur bon-heur ſi proche.

Ce fut donc le Dimanche ſuiuant, que les Chreſtiens appellent le Dimanche des Rameaux, que le ſainct Homme fut aſſailly d'une petite fièvre, qui apres tant de fatigues, & auſteritez portees pour l'amour de Dieu, depuis ſa tendre ieuneſſe, facilement le debilita & attenua extremement. Ce nonobſtant le Ieudi ſainct, qui ſuiuoit, auquel iour ſe celebre la communion generale de Paſques, entre les Peres & Freres, par tout l'Ordre: ſi qu'en chacun Couuent, le Supérieur ſeulement celebre le ſainct ſacrifice de la Meſſe: en laquelle ſe preſentent pour communier tous les Religieux du Cōuent, vieux, ou ieunes, Preſtres ou non, ayans les pieds nuds, & le cordon, qui ſert à les ceindre, au col, ſuiuant la Religieuſe institution faiſte par le ſainct Hō-

me, en memoire de la communion generale que nostre Sauueur IESVS-CHRIST celebra avec ses Apostres. En ce iour là donc le S. Hōme voulut venir en l'Eglise, & assister encores à ceste deuotieuse ceremonie, aydé, & soustenu de son baston, duquel il se supportoit ordinairement, avec les mesmes ceremonies, le cordon au col, les pieds nuds, & deux fontaines de larmes, qu'il verroit des yeux, frappant rudement sa poitrine, autant que l'amour, & l'humilité, luy en fournissoient de force, & de volonté. Estant ainsi à deux genoux, il receut le tres-sainct sacrement de l'Eucharistie, puis demeura long du seruice diuin, qu'il vouloit continuer, demeurant particulierement en l'Eglise, lors que les Religieux luy remonstrent sa foiblesse si grande, le suppliant permettre qu'ils le reportassent à sa cellule. Le saint Homme qui n'espoit que les occasions pour s'humilier, faire la volonté d'autrui, & rompre la sienne, se leue, & retourne en sa chambre, aydé seulement de son baston: quasi comme s'il eut monsté qu'il estoit en possession du priuilege des Saints, pour commander à la vie, & à la mort, & en disposer comme il cognoissoit estre de la volonté de Dieu. Et qui ne se fust estonné, & n'eust iugé pour miracle, & bien grand, voir vn homme cassé de vieillesse, d'abstinences incroyables, & de maladie, qui le deuoit emporter au bout de vingt quatre heures, cheminer, & faire toutes ces autres actions penibles, sans secours d'autrui? Le iour suiuant, qui estoit le Vendredy saint, & sanctifié par la mort & passion de nostre S A V V E U R I E S V S-CHRIST, cognoissant la derniere heure de sa vie

*Iour de la  
mort de  
S. François.*

DE S. FRANÇOIS DE PAVLE. 581  
 vie approcher, il cōuoqua derechef tous ses Reli-  
 gieux, pour leur faire le dernier office d'un  
 bon Pere: leur declarant par testament, & der-  
 niere volōté ce qu'il desiroit d'eux apres sa mort.  
 C'estoit particulièrement pour ne laisser ce pe-  
 tit troupeau sans chef, & pasteur, & y pouruoir  
 avec le mesme soin, que iadis le bon Patriar-  
 che Iacob, qui nomma son fils Iuda, pour chef  
 & guide és affaires, qui s'offriroient entr'eux. En  
 guise d'un autre Moysé qui declara Iosué pour  
 son successeur, qu'il chargea conduire les enfans  
 d'Israel en la terre de promesse. Mais à l'imi-  
 tation & exemple de nostre SAVVEUR IESVS-  
 CHRIST, qui premier que quitter nostre monde,  
 ordonna d'un chef sur toute son Eglise, & y nom-  
 ma S. Pierre.

*Vous vous souvenez, mes tres-aymez freres, ce*  
 leur dit-il, *que ie vous ay exhorté, ce que ie vous*  
*recommande sur tout: La Charité enuers Dieu, à*  
*vous mesme & au prochain. Vous sçavez à pre-*  
*sent que toute congregation qui vit à l'imitation*  
*de son chef nostre SAVVEUR IESVS-CHRIST*  
*a besoin d'un qui luy soit maistre, & ministre: mal-*  
*stre pour reprendre le mal: & Ministre aydant*  
*au bien. Nostre SAVVEUR le dit ainsi à ses Apo-*  
*stres en un lieu: Vous m'appellez, ce leur dit,*  
*Maistre & Seigneur. En l'autre il dit que le fils*  
*de l'homme n'est venu pour estre seruy, mais pour*  
*servir. Pourquoi ie vous supplie tous, bien qu'apres*  
*ma mort ayez le droict, & le pouuoir faire election*  
*telle que bon vous semblera, permettre que ie vous*  
*en depute, & declare un, entre les autres qui me*  
*succede en la charge, & le reconnoistre pour Vi-*  
*caire general iusques à l'annee prochaine, que vous*  
*vous*

*Propos de S.  
 François à  
 ses Reli-  
 gieux le  
 iour de sa  
 mort.*

*vous assemblerez pour faire eslection d'un General de l'Ordre en l'assemblée, & Chapitre general qui se tien- dra à Rome. A peine le bon Pere auoit commen- cé sa supplique, que tous les Religieux luy prote- sterent recevoir celuy qu'il leur nômeroit: Mais qu'ils l'en supplioient tres-humblemēt, & qu'ils luy obeiroient comme à luy mesme, croyans fer- mement celuy là estre esleu de Dieu, qui seroit nommé par la bouche. Alors le bon Pere leur nomma le Pere Frere Bernardin de Cropolatu, qui auoit esté tousiours confesseur du S. Hom- me, depuis qu'il estoit venu en France. Le Pere Bernardin plein d'humilité, se jette à deux ge- noux suppliant bien humblemēt le saint Hom- me le dispenser de ce commandement: y en auoir en l'Ordre, & en la compagnie mesme, de trop plus capables en doctrine, en vertu, en expé- rience de Religion, en vn mot plus propres à gouverner, que luy. Le saint Homme luy dit, nonobstant les excuses d'accepter la charge, & qu'il se souuint que la sagesse de ce monde, estoit ignorance deuant Dieu, qui se plaist du tout en la pureté, & simplicité, qui luy sont plus agreables que toutes les doctrines des hommes mondains. Puis il luy assigna deux autres Peres pour l'assister de compagnie, & conseil en la charge: les exhortans avec toute l'assistance d'observer, & faire observer la quatriesme rei- gle ja approuuee par le saint Siege. Au reste, mes enfans, ceste pauvre Religion est fondee en Obe- dience, Pauvreté, Chasteté, & observance de la vie Quadragesimale, Pour la Pauvreté, le souue- rain Monarque du Ciel vous remplisse de sa diui- ne sapience. Pour la Chasteté, qu'il vous donne les*  
*delices*

*delices intellectuelles de la fruition diuine. Pour la vie Quadragesimale, qu'il vous rassasie des viandes celestes. Et en fin pour l'Obedience, qu'il vous mette le sceptre en la main: par lequel comme enfans d'election, il vous face seoir comme inges sur les tributs d'Israel.*

Et pour conclure ses dernieres paroles il leur donna la sainte benediction au nom du Pere, & du Fils, & du Saint Esprit. Ce fut lors que le S. Homme ayant receu tous les Sacremens, & ordonné de ses affaires avec les hommes, se tourne vers les Anges, qui arriuoient à foule dans ceste petite Cellule, pour luy faire escorte iusques au Ciel. On en voyoit les indices sur sa face qui se cououroit d'un doux plaisir, & contentement, cōme s'il n'eust senty aucun mal: & si proche, qu'à deux sospirs pres de la mort, qui parmy ses moindres douleurs effroye les plus courageux esprits, les glasse, & leur oste tout sentiment. Aussi est-ce la benediction du iuste, dès la mort mesme cōmencer à gouter les fruiets de la vertu, puis que la bonne mort est la recompense d'une bonne vie. Il faisoit lire, & repeter souuent la passion de nostre Sauueur, iusques à ce que voyant son ame prendre congé du corps, iusques au retour de la resurrection future & generale, se munissant du signe de la Croix, laquelle il tenoit entre ses mains, & que souuentefois il baisoit, prononçant ces belles parolles fort distinctement: *Mon Dieu ie me iette entre les bras de vostre misericorde, & vous supplie, en toute humilité, d'anoir mon Ordre, c'est le vostre, en telle recommandation que i'espere de vostre bonté, entre les mains de laquelle ie vous rends mon esprit.*

Cela dit au mesme iour à la mesme heure, que l'Eglise represente le fils de Dieu esleué en la Croix, avec vn petit soupir, son ame sort du corps, aussi nette que l'innocence, lauee du sang de nostre Sauueur, & de ses larmes: Et est aussi tost recueillie des troupes Angeliques, à qui elle ressembloit, qui la presentent deuant le throsne de Dieu, pour receuoir la recompense de tant de traux, & peines portees pour l'amour de Dieu, qui a promis ne pas laisser sans recompense, non pas mesme vn seul verre d'eau, qui aura esté donné aux pauues pour l'amour de luy. Mais ie laisse les Anges se réjouir au Ciel, & les pauues Religieux orphelins pleurer sur terre: pour n'abandonner de veüe le corps du S. Homme, que nous ne l'ayons humainement receu en son tombeau.

*Le corps de  
S. François  
demeura vn  
ze iours sans  
estre mis en  
terre odorif  
erant, &  
suau.*

Le corps donc fut porté à l'Eglise, où il demoura l'espace d'onze iours, sans qu'il fut possible l'enterrer, pour la quantité des personnes, qui y arriuoient de toutes les parts des lieux, & villes circonuoinnes. Pendant lequel temps se firent tant de miracles, & de toutes sortes, qu'il seroit impossible les représenter. Vn des plus admirables, fut que plus le corps demouroit là, contre l'ordinaire, au lieu d'une puanteur, & coruptiō, il en sortoit vne odeur si douce, & agreable, qui auoit parfumé toute l'Eglise, que ceux qui y entroient, sortoient avec la mesme admiration des effects de la vertu, qui laissoit apres soy vne si suauodeur en l'esprit & au corps. Iugement de Dieu, que les corps qui en ce monde ont suiuy l'esprit, apres leur deceds, soient aussi differens de ceux qui ont assuietty l'esprit au corps, que l'enfer est contraire au Ciel. Et que l'ame, qui se  
pour -



pourmene à present par les vergers, & fleurs celestes, en enuoye quelques petits ressentimens d'odeur au corps, fidel compagnon de ses merites: comme gage, & arre de sa future felicité. Ce fut vne autre action assez miraculeuse, de trouuer la commodité du sepulchre, pour mettre dignement le corps saint. Car vn certain homme donna de son plein gré vne pierre, qui seule estoit assez grande pour comprendre le corps du saint Homme, qui luy auoit autre fois demandé de son viuant, & luy auoit refusé mesme pour de l'argent. Où parut le miracle, c'est que la pierre estoit si grosse, & pesante qu'à peine dix paires de bœufs l'eussent peu esbranler, où deux beufs seulement la traînerent, avec facilité iusques au Conuent. Dieu tesmoignant bien, qu'il ne pouuoit oublier son fidel seruiteur, non pas mesme apres la mort, puis qu'il luy dispoit vne si honorable & miraculeuse sepulture: où les vertus seruoient de parfum, & leur memoire d'Epigrame: pour instruire la posterité, & aduertit ceux qui ont la valeur pour obiet, celuy là ne pouuoit mourir, à qui la mort mesme est le commencement de sa vie.

Mais bien que la mort eust affranchi la vie du saint Homme, des mauuais traitemens qu'il receuoit de ses ennemis du monde, de la chair, & du diable, & des rigueurs extremes dont leur malice est furieusement armée, contre ses semblables: & luy ayant reüssi si heureusement, sortant des combats immortels, ce semble de ceste vie mortelle: il n'auoit toutesfois encores emporté tous ses lauriers au  
pays

pays des bien-heureux, meritez par son amour, qui estoit comme l'ame de la sienne, luy donnant vie, & mouuant ses facultez de viser seulement à vn si glorieux obiect à Dieu : pour le seruice duquel, vne estenduë si longue de quatre vingts & onze ans, employez en tant de sortes d'austeritez, qui font mesme peine à penser, ne pouuoient assez satisfaire à vn si genereux courage, s'il ne passoit iusques au sang, s'il ne donnoit par le milieu, ou des roües, ou des espees : s'il ne triomphoit ou du feu, ou de quelque autre pareil instrument, qui a autrefois crayonné, avec le sang de nos Martyrs, mille tableaux d'une gloire immortelle à leur nom. Telle estoit la sainte ambition, qui poussoit sans cesse les desirs du bon Pere de sacrifier sa vie aux obligations du Ciel, & aux despens de son sang monstrier ce que pouuoit son courage zelé, ou zele courageux, pour le seruice de son Dieu : qui pour ne faire voir pour vaines, des pretentions si Chrestiennes d'un si fidel seruiteur, il luy a fait part, apres sa mort, autant que faire se peut, de ce qu'il luy auoit, non tant denié, que differé, le long de sa vie, pendant laquelle le martyre auoit failly à sa volonté, non pas la volonté au martyre. Si que apres que ceste sainte ame s'est veüe heureuse en la presence d'un si noble obiect, qui est vn feu d'amour : tant s'en faut que les flammes premieres fussent esteintes, que plustost reprenant nouvelle vigueur, si la condition de l'estat beatisié en pouuoit venir là, eut esperduëment désiré, luy estre permis retourner en la troupe des hommes, non pour y iouyr des douceurs preten-

duës

duës de la vie, ains à l'imitatiõ de IESVS-CHRIST crucifié, & comme brûlé, & consommé de son amour, pour y estre seul nud, & abandonné de toutes choses, sinon du loisir, & de l'enuie d'estre vn autre crucifié, ou autrement produire quelques exploits glorieux, effects plus fidels de son seruice, & de son amour, duquel il suiuoit les mouuemens comme la cause de sa vie. Dieu donc, la Bonté duquel sçait tirer le bien du milieu meisme du mal : a fait seruir la meschante volonté des hommes, comme d'instrument pour l'honneur, & gloire de son Sainct. Ce fut en l'an mil cinq cens soixante & deux, lors du grand trouble, causé à la France, par l'entremise des heretiques ennemis de la Religion, & de l'estat : qui violant la foy deuë à Dieu & à leur Prince, se soubs-leuent contre luy, prennent les armes, & surprennent presque toutes les villes qui sont sur la riuere de Loyre, & entre icelles la ville de Tours : où, comme ils firent ailleurs, ayans pillé, & prophané les choses plus sainctes, & sacrees, & despoüillé les hommes viuans, qui des biens, qui de la vie, autres de tous les deux, leur malice passe outre, pour troubler le repos, faire le procez & iusticier les Saincts, & Chrestiens trespassez.

*Temps auquel le corps de S. François fut brûlé par les heretiques.*

Ayans donc brûlé le corps du glorieux confesseur saint Martin, ils entendent parler de la deuotion que la France, & les pays estrangers tesmoignoient tous les iours au sepulchre du glorieux S. FRANÇOIS de Paule. Ils viennent en son Couuent du Plessis, aux fauxbourgs de la ville; où, pour taire les autres violences, insolences, & cruautéz, ils commirent celle-cy, qui

qui semble par son attention si fort tragique, faire oublier les autres. Ils ouurent, & rompent le sepulchre du saint Homme, & trouuent le corps en son entier, avec les habits qui estoient là dedans, depuis l'an mil cinq cens sept, qui disent cinquante cinq ans depuis le temps de sa sepulture. O cruauté cynique, mais diabolique, mais huguenotte.

*Le corps de  
S. François  
trouué en-  
tier en son  
sepulchre.*

Ils tirent ce pauvre corps, le deschirent par pieces, & morceaux: & le trainent avec toutes les indignitez, iusques à la cheminee de la chambre, où on a coustume receuoir les hostes au mesme Conuent, pour le brusler, & puis ietter les cendres au vent. Le bois duquel ils se seruient pour allumer le feu, où seroit bruslé ce S. holocauste, fut la Croix, & le Crucifix, qu'ils tirèrent par terre. Car IESVS-CHRIST, comme braue Capitaine, ne laisse iamais les siens seuls au combat. Ils bruslerent donc ensemble l'Image de nostre Sauueur crucifié, avec le vray corps de son valeureux Champion, fidel compagnon de ses labeurs, & Croix, pendant le cours de sa vie: dont il rendoit le mesme témoignage apres sa mort. Aussi l'Eglise assistee comme tousiours de l'esprit de Dieu, entonnant les louanges de ses Martyrs extraordinaires, depuis leurs trespas, de saint Martin, & ainsi de S. FRANÇOIS de Paule. *O heurieuse ame* (ce dit-elle) *qui bien que le glaive du tyran persecuteur, n'ayt separé du corps, n'a toutesfois perdu la palme du martyre.* La rage avec quoy ces satellites du diable exerçoient vne si inaudite cruauté, les auengla tellement, ou Dieu qui en dispoisoit ainsi, pour l'honneur de son Eglise, & la

& la consolation de cest Ordre, voulut que des-  
 chirans ce saint corps, ils ne se donnassent la pei-  
 ne d'emporter tous les ossemens, si qu'en laissant  
 quelques vns, enuiron deux ou trois au tombeau,  
 ils furent aussi tost enleuez par quelques bons  
 Chrestiens, qui se cachôient pour faire ces bons  
 offices. Car pour les Religieux, tous estoient  
 en fuitte. Qui seroit celuy qui ayant succé le  
 lait de la Religion en l'Eglise, sa mere nourri-  
 ce, voyant ces saintes Reliques si outrageuse-  
 ment traitées par les ennemis de leur repos, ne  
 sentit aussi tost vne ie ne sçay quelle esmotion  
 froide, & confuse: de laquelle blasmant ce qui  
 est de raison, il se recognoisse obligé d'hono-  
 rer toute sa vie les cendres du saint Homme de  
 ses larmes, & son tombeau de ses pleurs? C'est  
 vne particuliere obligation qu'a laissé à la France  
 S. FRANÇOIS de Paule, apres tant d'enormes  
 cruantez, & indignitez plus execrables commi-  
 ses à sa personne; se declarer neantmoins tou-  
 jours vray François, de nom, & d'affection: aussi  
 charitable, que l'estat consommé de sa gloire, luy  
 allume d'autant plus les flammes de son amour,  
 qui ne luy donnent autre repos qu'à la veille cō-  
 tinuelle de bien faire à la France: de laquelle  
 comme fidel protecteur, procure sans cesse luy  
 meriter, & conseruer les bonnes graces de celuy  
 dont les infinies perfections ne peuuent estre as-  
 sez meritees par le mesme merite.

*Tableau*

*Tableau où sont representees les images du corps & de l'ame de S. François de Paule, avec les vertus & perfectionst tant naturelles que surnaturelles donc le Ciel l'auoit gratifié & honoré, pour exhorter les Chrestiens à imiter ses vertus.*

## C H A P. XXXI.

**L**E Ciel n'auoit encores ouuert les thresors de sa gloire qu'il reseruoit à l'homme, quand Dieu entonna au monde ses diuines paroles: *Faisons l'homme à nostre image & semblance.* C'a esté, c'est, & sera eternellement la noblesse des hommes, lire en ses vieilles panchartes, qu'ils sont extraicts de l'estoc diuin: dire hardiment apres S. Paul, & S. Paul, apres le Poëte Aratus. *Nous sommes du genre & parenté de Dieu.* Et cōme ainsi soit que les enfans raportent beaucoup de semblance à ceux, desquels ils tirent leur origine, l'homme finy en sa nature, comme en tout ce qu'il possède, ne pouuant représenter parfaitement son prototype, infiny en ses perfections, il s'en est approché autant que sa capacité finie le luy permettoit. Qui en verité neantmoins est grande à ceux qui arrestent leur esprit, pour en contempler la face, & l'aspect. Contemplation qui les porte à vne belle varieté de conceptions, pour retracer en leur esprit les singularitez d'un sujet si relené. Car qui dit l'homme estre l'Image de Dieu, entant que l'ame est toute presente en toutes les parties du corps: comme Dieu est tout en tout l'vniuers, & tout en chascune des parcelles

parcelles. Qui rapporte la propriété de l'*Image*, à la foy, qui nous fait voir Dieu en la façon: comme luy se void à la sienne, & tire la *Similitude* sur la charité, qui transforme celuy qui ayme, en la chose aymee. Qui debat ceste prerogative d'*Image* pour la raison, moyenne entre les choses materielles, & diuines, & depart ceste *Semblance*, à la vertu. Qui en defere le droit à ceste Microcosmie del'homme, qui contient toutes choses: qui a la seigneurie, & commandement sur toutes les choses: comme Dieu est souuerain modérateur, & dominateur. Mais le commun des Theologiens veut recognoistre la naïfueté de ceste *Image* en l'ame, & ses trois puissances. La substance de l'ame respond à la Diuinité: la memoire, au Pere eternal: l'intellect au Fils, la volonté au S. Esprit. Ou le Pere à l'intellect: le Verbe diuin au concept: le S. Esprit à l'amour. Que si vostre faueur me licentie d'un mot en passant: ie vous supplie me permettre de dire: que qui est fils de Dieu, est semblable à luy: puisque le fils est ordinairement semblable au Pere. Or selon toute l'Escripture, les bons Chrestiens iouyssent paisiblement de ce priuilege, d'appeller Dieu leur Pere, & reciproquement estre nommez de luy ses enfans. La mesme atteste qu'estât en grace, nous sommes ses amis. Or vn vray amy est tousiours cõforme à l'autre: & nos ames espousãs Dieu, se liët de sorte en luy, qu'elles sõt cõme trãsformees en luy. Qui qualifie mesme du tiltre de Dieux, les hõmes Religieux & sages: Or si quelque similitude se trouue au monde: certainemēt c'est entre Dieu, & Dieu. Et ce qui est bien le p̃ciput de nostre ascendant, lors que Dieu aparoisra en

sa gloire, nous luy serons semblables. C'est donc le bien heureux proprement qui est fait à l'image de Dieu.

## §. 1.

Maistelle qu'elle soit, par vne des qualitez susdites, ou toutes ensemble, ou par vne millia-  
*Excellence de l'homme.* ce d'autres: il est difficile, peut-estre impossible, contempler l'homme sur terre, que tout ensemble on ne regarde Dieu au Ciel, pour en vn sien œuvre, & chef-d'œuvre admirer tous les autres, & quelque chose d'avantage: Et chanter avec la harpe du Roy David: *Seigneur, qu'est-ce que l'homme, à raison dequoy vous le vouliez tant caresser?* Certainement on ne se trompe pas, de penser, voire croire avec le trois fois grand Trismegiste, que l'homme est vn grand miracle: comme l'Orizon du Ciel, & de la terre: le lien de l'éternité, & du temps: l'építome de l'univers: l'amy & interprete de Dieu, son Lieutenant, & vice-Roy en terre, pour représenter son autorité, & Majesté. Car pour bié exprimer les diuerses intentions de ceux qui en ont parlé, ce sera dire, qu'elles n'estoient qu'une: assavoir que l'homme est vn magasin general de toutes les richesses du ciel, & de la terre: A propos de ce que Salomō en décrit: Dieu (dit-il) *a fait l'homme de la terre, & luy a donné la vertu de contenir en soy toutes choses.* Il est assez vraisemblable que ceste Escriture se fonde sur vne autre, que le Sage par occasiō nous fait descouvrir. C'est lors qu'il est parlé du corps humain, pris & formé du limon de la terre, Moyse adiouste que Dieu luy inspira vn spiracle de vie, ou à la rigueur du



du texte Hebreu, *un spiracle des vies*, pour dire que l'homme vit de toutes sortes de vies, qui se retrouuent és creatures en leur façon. Les pierres, & elements, ont pour vie l'estre; les plantes l'augmentation, & alteration: les metaux ont vn espece d'esprit bien caché, si vous voulez croire les Alchimistes: les plâtes vegetent, & pullulent: les animaux se meuuent: les esprits entendent: l'homme participe à toutes ces vies là: & en a vne autre encores plus noble, qui est celeste & diuine, s'il n'y donne luy mesme empeschement. *Je suis venu*, ce disoit nostre Sauueur parlant de ceste forme de vie, *afin qu'ils ayēt la vie, & plus encores que ceste premiere*. Telle doit estre l'intelligēce de la respōse enigmatique de Trismegiste à son fils, qui l'interrogeoit ce que c'estoit que de l'homme? C'est luy respondit-il, *vn Tout en tout*. L'hōme est vn tout, puis qu'il contient en soy quelque chose des perfections de Tout. Il est en Tout, s'il est en Dieu: qui est vne seule perfectiō, qui engloutit dedans soy toutes les autres, qui ne sont que cōme par celles originairés du Tout-parfaict, & diuin. C'est peut estre la raisō principale pourquoy Dieu l'a créé le dernier des autres creatures: comme c'est la coustume des Princes, & grands Seigneurs, dit Theodorer, ayant paracheué bastir vne ville belle, ou vn fort Chasteau; faire dresser leur statuë au beau milieu de la place; pour dire en silence aux passants: *Voicy l'Image du Seigneur, & Maître de la place*. Ainsi Dieu ayant créé, & accompli de ses perfections requises, ce grand edifice de l'vniuers: créa l'homme, & l'exposa

en veü pour image de sa diuine Majesté. Image qui pour ses rares beautez perd la veü des esprits plus clair-voyans des Prophetes illuminez de Dieu, esbloüis en la consideration fixe de ceste excellente creature. Ainsi le chan-toit le Prophete emporté d'un saint Enthousiasme: *Vostre science, ô mon Dieu, est faicte merueilleuse de moy, elle est plus grande que ie ne pourray la comprendre.* En moy seul ie trouue subject de meditation, plus qu'au reste de tout l'univers, puisqu'en moy, non au reste des creatures, avec un pinceau plus delicat, auez tracé si artistement vostre image, & semblance: qu'il n'y a main, ou puissance quelconque, non pas la malice du diable, qui la puisse biffer, & entierement effacer. Ce braue sculpteur Phidias, au recit de Valere, grava iadis l'image de la deesse Minerue, qui fut tant honorée par les Atheniens, qu'on l'exalta au lieu plus celebre de leurs assemblees publiques. Il fit tenir à la main de ceste Deesse un bouclier, au centre duquel, il s'estoit representé par les pieces rapportees, & ioinctes avec tant de subtilité, & artifice, qu'il estoit impossible luy raurir son pourtraict, que tout ensemble on ne ruinaist l'image de la Deesse, laquelle estant consacree pour memoire à la posterité, le nom, & l'honneur du maistre & aucteur par ce moyen se conseruoient en l'eternité de l'image. Si i'ose par vne similitude approcher les choses haultes aux petites, le Ciel à la terre: & le Createur aux creatures: Je diray que Dieu en la creation du monde à suiuy, ou a esté suiuy par Phidias, en la sculpture de sa Minerue.

nerue. Car il a entre toutes les creatures fait choix de l'homme, en l'ame duquel, il a si viuement graué, & emprinçt son image, que l'effacer du tout est chose impossible. Le peché peut bien la noircir, & diminuer le lustre que la grace y donne & apporte: mais nō l'esteindre, ou ruiner de fond en cōble, qu'autant qu'il a de pouuoir faire que l'homme ne soit plus homme: c'est à dire animal raisonnable, qui nō seulement demeure en la paisible jouissance de son estre, mais aussi entend & cognoist ce qu'il est: & puis il ayme & ce qu'il est, & ce qu'il entend: Comme Dieu se comprend parfaitement, & s'ayme de mesme. Qui est vne image que le plus grand pecheur mesme apporte en son ame, bien qu'elle soit couuerte, & obscurcie de la poussiere de ses vices: qui pourtant ne differe en rien avec celle du iuste, sinō que celle-cy soigneusement gardee, esclatte viuement par les couleurs de ses vertus & perfections. Le S. Esprit faisoit comprendre indifferemment les deux, par la bouche de son Prophete, qu'il inspiroit chanter ainsi: *La lumiere de vostre face est marquee sur nous, ô Seigneur*, vous auez, ô mon Dieu, vouloit-il dire, emprinçt quelque cachet sur toutes les creatures, pour les declarer & faire recognoistre vostres: mais l'homme sur tout, sans vn excepter, est marqué si particulièrement qu'il n'est recognu que par vous mesme, qui semblez estre en luy, cōme le propre signe de vostre appartenace & comme tel dardez vn rayon de vostre lumiere dans les yeux de ceux qui commencent à le contempler.

## S. II.

C'est pour conclure qu'entre les creatures l'image de Dieu estant és hommes : entre les hommes és Saints : & entre les Saints en S. FRANÇOIS de Paule : qui a donné subiect de commencer ce discours, ou il finira presentement. Il luy faut rendre l'honneur, que nous deuons au vif pourtrait de nostre Prince souverain, à l'image de Dieu. Car il est bien difficile s'arrester sur les perfections de son ame, & aux traits de son visage, qu'on n'y remarque particulièrement quelque chose de diuin, & plus que humain. C'est ainsi que l'ont aduoué les Annatistes de son siecle, le R. P. Paul Morise en son histoire de l'origine de toutes les Religions: Philippe de Cômynes, & François de Belleforest : desquels ie rapporteray seulement ces deux ou trois lignes. Entre les hommes renommés de deuotion Louys onzième enuoia querir vn homme en Calabre, appelé frere Robert le Roy ( Commynes seul s'est trompé en ce nom, ou son Imprimeur, car tous les autres le nomment & avec verité S. FRANÇOIS de Paule ) on l'appelloit le S. Hôme, pour sa sainte vie. Je ne pense iamais auoir veu homme, viuant de si sainte vie : ou il seblast mieux, que le S. Esprit parlât par sa bouche. Je l'ay maintesfois ouy parler deuant le Roy qui est de presët, où estoiet tous les grâds du Royaume, & encores depuis deux mois: mais il sembloit qu'il feut inspiré de Dieu, des choses qu'il disoit, & remonstroit: car autrement,

ment, il n'eut sceu parler des choses dont il parloit, sont les termes de ces Autheurs sus-allegués. En suite desquels ie dresserois presentement & volontiers, vne Oraison panegyrique, pour deschiffrer par le menu, les perfections de S. François de Paule, si n'estoit le rude pinceau de mon ignorance, qui aduouë librement pour temerité, bien que ce semble, Religieuse, desirer pourtraire en vn tableau les doux lineamens de ses vertus, presque infinies, & comme toutes diuines. Et vrayement iay subiect redouter ceste entreprise, craignât qu'il ne m'arriuast comme à ce peintre infortuné, en la ville de Venise: lequel pour satisfaire à la deuotion d'une vertueuse Dame, comme il eut commencé à peindre l'Image de ce S. Patriarche, il aduint qu'estant au milieu du corps, il tomba soudainement mort: laissant à demi faite, l'image encommencée. Et comme ceste Religieuse Dame s'affligeoit grandement, desesperant trouuer vn si bon Maistre, pour acheuer s<sup>on</sup> Tableau: voicy S. François de Paule qui parut visiblement descendre du Ciel, lequel prenant le pinceau & les couleurs, acheua le Tableau avec plus de perfection, qu'il n'auoit esté commencé. Cest accident m'a donné à penser & craindre, que peut estre le peintre mourut ainsi subitement, daultant qu'il ne peignoit pas avec la decence & deuotion, qu'il debuoit à ceste Image, en la presence de laquelle, il debuoit estre comme deuant vn tel saint: ou pour ce que par aduenture, Dieu voulut donner à entendre, que c'estoit temerité de presumer, qu'il y eut pinceau si subtil, ny couleurs si

*Mort soudaine  
ne qui ne pei-  
gnoit assez  
reueremment  
S. François.*

viues, ny artifice tant adextre & puissant, qui oſast se promettre d'acheuer, & de monſtrer au monde, la vie merueilleuſe de ce S. Patriarche: & ſi bien on la commence, comme outré-  
cuidé on demeure chaſtié d'une mort ſoudaine: frustré de ce qu'on a entrepris vainemēt, ſans pouuoir l'acheuer. Il ſera vrayemēt meilleur, laiſſer cet ouurage és mains des Anges, & eſprits bien-heureux, puis qu'on garde ordinairement les œuures plus difficiles, aux meilleurs & plus doctes Artisans. Je renuoie donc le Religieux lecteur à ſon bon Ange, qui luy referera certaines nouuelles de ſes concitoyens, pour luy dire ſeulement en gros, & aſſez confuſement, que ſi nous iugeons la beauté de Dieu és perfections de ſon eſtre: celle là ſera tenuē pour ſa vraye image, qui en retirera d'autant plus ſur le naturel. Et bien que la reſſemblance de l'homme à Dieu, ne reſide au corps, ſi eſt il vray, que toutes les beautez d'un corps, ſont autant de merueilles de Dieu, que threſors de la nature, dont les mortels en ſont cherement eſprins: pour eſtre, ce ſemble, les peintures de ce qui eſt aymable, & ſeul aymable, Dieu. La Bonté, & Beauté duquel eſtans inſeparables, des rayons qui en eſclatent és creatures, elles en ſont iugees belles, ſi elles ſont bonnes: & reciproquement eſtimees bonnes, ſi on les void belles. A cet object donc, l'amour s'y porte raiſonnablement, puis qu'il n'a autre object, que le beau, & le bon: que les Grecs pourtant veuſſent n'eſtre, que cōme une ſeule choſe. Et puis la nature, ſans of-  
fencer

encer si peu que ce soit la vertu, pretend ce droit luy estre iustement acquis, voir sa deuotion, ou amitié à son semblable, & à ce qui luy est semblable. Lors donc qu'elle void vn beau corps, elle iuge vne plus grande beauté de l'ame, qui luy donne en garde ce meuble pretieux, & luy en conserue l'vsufruct pendant le cours de sa vie. Et les deux luy font penser à la beauté de celuy qui les à formées: dont se seruant comme de degrez pour monter à la cognoissance de sa perfection, elle admire dans les œuvres, l'excellence de l'ouurier: les admirant elle s'en passionne. Ce sont effects qui suiuent tousiours leurs causes, si l'indisposition des subjects n'interiecte d'empeschement. Car ie n'entend aucunement parler des beautez mondaines, qui portent si peu que ce soit de l'air des fabuleux Narcisse, & Adonis, ou de leurs semblables. Dont les ames destrempées dans vne humeur visqueuse de la chair, n'y preste autre seruice, que ce que feroit le sel pour empescher la putrefaction. Ou les autres qui en guise du Tigre que les chasseurs ne peuuent attraper à la course, si bien par ceste finesse: laissant à dessein quelque glace bien polie, & claire en son chemin, où s'amusant à contempler sa brutalité qu'il prend pour beauté, se rend la proye de ceux qui luy pourchassent la mort. Ainsi les maux qui trainent apres soy telles pretendues beautez, sont quasi sans nombre. Ma profession seule, ioincte au present suiet, iustificeroit mon discours, qui veut seulement parler d'une beauté virile: qui a

*Beauté du  
corps souuēt  
est la mar-  
que d'une  
belle ame.*

donné passage à l'anciē prouerbe, *Qu'un beau, & noble visage, est digne d'empire*. Beauté laquelle represente aux yeux vne deuë, & conuenable disposition de tous les membres avec vne certaine bonne grace de la personne, au visage, & regard: couuerts d'une simple douceur, ou douce simplicité, accompagnez d'une venuste grauité, suiuite d'une Maiesté heroïque: qui fait sentir aussi tost son homme, & ioyeux, & venerable. Si que ces belles parties rendent de prime face, ceux qui les possèdent si fort aimables, que leur presence inuite aussi doucement, que quasi elle contraint leur tesmoigner de l'affection. Ce sont les couleurs desquelles le Poëte Grec va enrichissant les perfections d'Hector, & Achilles: hommes beaux à merueilles, desquels neantmoins les actions n'estoient effeminées, ains des plus braues, & valeureux heroës: comme surpassans en force tout le reste des Grecs. Le moral Socrates n'eut autre raison, pour satisfaire à ceux qui desiroient cognoistre pourquoy il inuitoit particulièrement les plus beaux hommes à l'estude de Philosophie: *Sont ceux là entre les autres*, ce dit-il, *où ie remarque une plus grande viracité, & force de l'esprit*. Et qui n'apperçoit l'Ecriture, recueillir fidelement les perfections d'un Dauid, qu'elle qualifie pour un des plus beaux hommes du monde, & aussi tost le fait voir les deux mains employées à combattre, & deschirer les Lyons, les Ours, les hommes ses ennemis: & comme perpetuellement les armes au poing? Belle figure d'un autre, qui en verité le surpassoit en force, & beauté:



DE S. FRANÇOIS DE PAVLE. 601  
 beauté : c'est Iesus-Christ, ie dis celuy que  
 la nature ou le Dieu de la nature , auoit for-  
 mé pour son suiet aaccomply de ses merueilles :  
 ou pluſtoſt le merueille des plus accomplis ſu-  
 iers. Et pour en parler avec les propres termes  
 de ſon Prophete, & ayeul: *Le plus beau entre  
 les enfans des hommes* . Beauté qui rauifſoit les  
 eſprits, charmoit les yeux , & ſe gaignoit les  
 cœurs de ſes ennemis meſme : tant elle eſtoit  
 humaine, forte, & raifonnable tout enſemble.  
 Auſſi la meſme Eſcriture enfile à la premiere  
 ce qui ſuit, pour honorer ſes promeſſes : *Cei-  
 gnez vous de voſtre coutelas ſur voſtre cuiſſe : ô  
 Tres-puiſſant* . Telle en fin a eſté le ſuperbe af-  
 ſemblage des perfections vertueuſes, & inter-  
 nes, qui ont ennobly la beauté exterieure de  
 nos Saints , & entre iceux de S. François de  
 Pavle. De qui l'ame, & le corps, par vn mutuel  
 office deſcouuroient alternatiuemēt les beau-  
 tez de l'vn & de l'autre, à qui s'arreſtoit les cō-  
 templer attentifvement : ſervant comme de  
 luſtre à l'eſclat de leurs diuines perfectiōs. Car  
 ſi l'ame eſtoit belle, comme vrayement elle e-  
 ſtoit, il ſembloit bien que ſon corps luy deuſt  
 & vouluſt ſeruir d'eſchantillon, par le dehors,  
 pour y faire voir ce qui eſtoit caché dans l'ar-  
 riere boutique.

### S. III.

En effect ceux qui ont trop heureuſement  
 ioüy de ſa preſence, pour en tracer ſeulement  
 vn crayon à la poſterité : le deſpeignent tel  
 qu'en ſa ieuneſſe il auoit les cheueux blōds , &  
 reluiſans

*D ſcriptiō de  
 ſon corps.*

reluisans comme l'or : où en sa vieillesse il les portoit aussi blâcs que l'argent. Il estoit d'une belle prestance , par vne stature vn peu plus haute, que la mediocre, & quasi se courbant souz les exercices de la mortification. Mais au reste fort, & robuste. Sa barbe estoit fourchüe, qui, avec les cheveux, n'auoient qu'une mediocre grandeur, bien que iamais il ne les ait fait couper. Son nez vn peu gros, en tirant en bas, demonstrent vn esprit temperé, prudent, iuste, & fort. Et encores que tousiours il allast nuds pieds, sur les espines, sur les roces, sur les pierres aigues, si les auoit-il tousiours delicats, comme s'ils eussent esté couuerts, & tenus en delicatelle: manifeste tres-euident d'un concours particulier, de la diuine Prouidence, pour & en faueur des espines, des Croix, des austerez, choisies, & acceptees , avec vne gayeré de cœur, pour le seruice de Dieu. Lesquelles, comme si Dieu eut voulu contrepointer pour plaiser, il rafraischissoit tous les iours l'air , & le teint du visage de ce saint Homme: ou, apres les longues, & quasi incroyables abstinences, les roses, & les lis, se maintenoient, pour marque de la beauté de son ame. Tant d'autres argumens se suiuiroient à mesme fin : tel qu'un port honneste; le maintien liberal : vn visage graue. Et puis ses paroles : qui estoient autant de charmes, que ses actions de merueilles. Le peintre employé pour rendre vn riche portrait des perfections de la Deesse Iuno, emprunta les beautés de cinq filles Agrigentine les plus estimées en ce temps, mendiât de chacune ce qu'il en iugeroit plus sortable à son dessein.

dessein. Mais ie veux croire sa tasche trop plus facile, que celle qui entreprend mettre au iour des perfections aussi cachees, comme celles d'un tableau, où Dieu y a voulu particulièrement destréper les couleurs d'un homme tout diuin. Duquel les perfections mortelles de cinq, de dix, de vingt, non pas de plusieurs autres à la fois, pourroient iustement contribuer à la moindre des celestes perfections de ceste image: aussi désiré de tous ceux de son temps comme ils estimoient en ce S. Homme vne certaine gayeté qui rendoit sa conuersation agreable. Admirent vne magnanimité, avec quoy il souloit faire teste à la fortune, & à ces incertains euenemens. Aymoient sa viuacité d'esprit: qui luy fournissoit autant de prudence en ses demandes, que d'aduis en ses responces: ils adoroient en fin tant de belles parties, qui donnoient cours à la reputatiō de ses merites. Et ce avec plus de iugement, que l'experience leur faisoit voir, ce qu'on ne peut remarquer qu'en ses semblables. Le temps dōner vie, & accroissement à ses vertus: où ailleurs il cōsomme tout, par des ruines trop deplorables. L'antiquité nous a présenté à croire, pour loüanger les beautez de son Alcibiades, qui contre l'ordinaire du reste des hōmes, elles alloiēt de iour à autre croissans, avec l'aa-ge. Si cela est, à eux le debat: Mais il est bien certain, que les perfections exterieures du S. Homme, comme plus il approchoit de l'autōne de sa vie, & couroit à l'hyuer de sa mort, espanouïssōient de mesme que la fleur qui attēd le midy d'un beau soleil, & lumineux.

## S. IV.

Je ne veux pas toutesfois que qui lira, ou entendra le narré d'une perfection voyager, ou de ses excellences qui parent la nature, se persuade que ie vueille arrester ses yeux pour faire voir une fleur, aussi tost esteinte que le matin qui l'a fait naistre: Ou pour luy monstrier vn Cigne, duquel bien que le plumage soit fort blanc, la chair neantmoins est toute noire, & de tres-mauuais suc: ou bien pour contempler seulement l'homme exterieur de saint François de Paule, en guise d'un Temple Egyptien: autant, & plus venerable par le dehors, qui est reuestu de marbre, & porphyre, & esclate d'or, & argent: que prophane au dedans: où les Serpens, Crocodilles, & autres semblables, & plus vilaines bestes, tenoient râg de Diuinité. Mais ie veux plustost à contre-poil dire, que si la nature auoit gratifié cet homme exterieur, de ces plus rares faueurs: les Cieux à l'enuy auoient fauorisé l'interieur du plus exquis de leurs thresors. Comme aussi estoit il au nombre de ces belles ames: pour qui le châtre Royal à leur faueur entonne si doucement ces mysterieuses paroles: *Toute la gloire de la fille du Roy estre au dedans*. Ouy certainement elle estoit vne des cheres espouses du grand Monarque de l'vniuers: dont l'epithalame, ou chant nuptial a esté si sagement composé, par ce Sage entre les Princes, & le Prince des Sages Salomon: chanté plus melodieusement, ie le croy, par la bouche des Anges, à l'honneur de ces

*Description  
des beautex  
de l'ame de  
S. François.*

DE S. FRANÇOIS DE PAVLE. 605  
de ces vertueuses ames, & Dames, sous deux  
mots seulement : *Que vous estes belle M'amie :*  
*que vous estes belle :* belle en l'ame, belle au  
corps: beautez aussi a propos accouplées, que  
iustement estimees, comme les deux insepara-  
blement vnies, maintiennent par ce seul moyé  
leur estre en sa perfection . Toutes deux se re-  
trouuoient parfaitement en saint François de  
Paule: bien qu'aussi diuersement que la Lune  
& le Soleil peuuent estre parangonez. Encores  
que tous deux soient cõtents au degré de leur  
creation. Ainsi l'ame de ce saint Hõme bril-  
loit de vertus, differentes à celle de son corps:  
comme le soleil avec ses rayons emporte le  
prix de la beauté, par dessus les aduantages de  
la Lune.

S. V.

La premiere des vertus qui se remarquoient *La Foy de S.*  
en ce saint Homme, comme en tout bõ Chre- *François.*  
stien, c'estoit la foy vn don du Ciel , par la-  
quelle l'Apostre dit qu'il faut cõmencer, pour  
s'approcher de Dieu: Et par laquelle il se pas-  
se comme vne mutuelle, & reciproque obli-  
gation entre Dieu, & les hommes, croiant vn  
Dieu remunerateur de nos œuures. Mais com-  
me chacune vertu a ses diuers degrés , & que  
nostre S. Homme a esté esleué en vn des plus  
haults : il ne fault pas rechercher plus curieu-  
sement celuy de sa foy, que de la contépler par  
icelle suspendre à sa volonté les montagnes,  
l'appeller les morts à la vie, & cõme cõmander  
à toute la nature: dont la preuue sont les Mi-  
racles, ou pour ne rien repeter, ie renuoie le  
Lecteur

Lecteur pour la preuue de ceste vertu, comme des aultres qui suivent.

## S. VI.

*Son esperance  
& confiance  
en Dieu.*

Que n'eut maintenant esperé de Dieu, vne si grande Foy enuers Dieu? que pouuoit craindre vne ame attachée si fort par l'ancre de son Esperance, au port de tout salut? quelle necessité spirituelle, ou temporelle, eut peu ietter au desespoir, vn Esprit qui par sa confiâce, reposoit doucement au sein de la Prouidence diuine? ouy certainement, les hommes vertueux croiēt fermemēt que Dieu leur parle au cœur; ce qu'il dit à Abrahā: *Leue les yeux & contēple de toutes parts, ce que tu descouuriras de la venue, ie le te donneray.* Iugés maintenant si ce n'est pas l'Esperance de nostre S. Homme, mais contre toute Esperāce ( au iugemēt humain ) lors que vous l'auiez veu soustenir les assaults des diables, & des hōmes meschants, leurs ministres: lors, dis-ie, que vous le voyés pourueoir aux necessités spirituelles d'vn chacū, & corporelles de ses freres, & des pauvres, en faueur desquels il a tant & tāt de fois multiplié le pain, le vin, & aultres viandes, par vne Prouidence toute diuine.

## S. VII.

Après ces deux vertus Theologales ( car pour la troisiēme, qui est la charité cōme Royne des aultres, elle se verra plus hault & en sō Ordre ) celle qui est le fondement de toute perfection

DE S. FRANÇOIS DE PAVLE. 607  
 perfection Chrestienne, & Religieuse, excel-  
 loit merueilleusement en ce S. Hôme. Cestoit  
 vne tresprofonde *humilité* : Outil avec quoy il  
 auoit industrieusement tiré apres soy toutes  
 les faueurs du Ciel, & les bonnes graces de la  
 terre. Ce seroit à present chose superflüë, re-  
 chercher curiculement si l'humilité est ne-  
 cessaire à vn Chrestien, quand le fils de  
 Dieu l'a faict base, & fondement de nostre fu-  
 ture felicité. Il seroit hors de propos inutile-  
 ment disputer, si vn edifice peut subsister,  
 sans fondemens, & plus encores d'un Chre-  
 stien, s'il peut entretenir le train, & exer-  
 cice de la vertu, s'il n'est estançonné de l'hu-  
 milité. IESVS-CHRIST l'a faict mesure de la  
 grandeur du Ciel, s'engageant de promes-  
 ses au Chrestien, le rendre heureux à la pro-  
 portion de ceste vertu. Cest argument est en  
 trop bonne forme, pour pouuoir seulement  
 douter de la consequence grandé, ou gran-  
 deur consequente de ce saint Homme: puis  
 que nous ne pouuons ignorer les degrez &  
 merites de son humilité. C'est ce qu'il por-  
 te, avec son Ordre, sur le front, & don-  
 ne d'abord en visiere, à ceux qui les regar-  
 dent & recognoissent pour *Minimes* : c'est  
 à dire *Tres-petits* : & luy General de tout  
 l'Ordre, qui est autant que *Minimes* des  
*Minimes*. Les noms ayans esté imposez pour  
 signifier les essences des choses, ou bien leurs  
 principales qualitez, ou proprietez qu'elles fa-  
 ce recognoistre. Lors que ce bon Pere a nom-  
 mé ses freres *Minimes*, ç'a esté, les aduertir ta-  
 citelement de leur obligation, à la conquete de  
 ceste

*A quelle fin  
 les noms sont  
 imposez &  
 nommément  
 celuy de Mi-  
 nime.*

ceste vertu si necessaire à la verifcation de leur nom , & au bon-heur de leur condition . Le nom , les habits, le viure , les plus humbles en leur espece, & le chât mesme, qu'il instituoit de nouveau en l'Eglise, c'estoient autant de moyens qu'il fournissoit pour faciliter le chemin à ceste vertu. Et pour ce qu'il auoit commandé aux superieurs d'establir des écoles, pour l'instruction de la ieunesse: craignant d'ailleurs le poison de ceste science, qui enfle & perd les ames: il prescrivit aux Lecteurs de *n'enseigner chose quelcônque; si non ce qui seroit necessaire, pour rendre les Escoliers capables des Predications, & Confessions: avec desfences tresexpresses & sur grandes peines aux vns & aux autres de prendre aucun degré de Doctorat ou Maistrise.* Il ordonhoit à mesme fin; que les Religieux, ayants à traicter avec leurs Superieurs, que ce fust avec bien de l'humilité. Et craignant d'ailleurs, que cet homme, qui est tousiours homme, & fautif, pour Superieur qu'il soit, n'oubliaist l'exercice de ceste belle vertu, que bien souuent vn petit vent, est fort assez le porter à la vanité, ou la vanité le ietter au vent. Il veut, par la mesme reigle, qu'un Superieur de l'Ordre, tel qu'il soit, *retourne subiect apres auoir esté en charge, & ce autant de temps, qu'il l'aura exercé, sans aucune dispence, de le pouuoir cōtinuer, en la mesme charge.* Ce saint Homme, sembloit n'auoir autres projects en l'esprit, que de procurer par tous moyens pour luy; & les siens vn grand progresz à ceste vertu. A raison dequoy l'Eglise chante au iour de la feste, qu'elle celebre à son



son honneur . Il a ordonné que tous les Freres fussent nommez Minimes. Affin qu'ils soient humbles, & qu'ils en paüssent estre admis en la compagnie des bien heureux. Quant à luy, c'estoit comme la mesme humilité. Je ne veux pas me servir du tesmoignage que les Diables en ont rendu souventesfois , par la bouche des miserables corps possédez: qui luy reprochoient, cōme avec de la rage, ceste trop grande humilité; qui seule faisoit la loy à ces esprits orgueilleux. Je diray donc que son humilité mesme parloit, & cachee qu'elle estoit en l'ame au dedans, elle se faisoit cognoistre, comme insensiblement , par les deportemens de dehors. Car estant premier en merite , & degré que tous les Freres, comme Patriarche , & Instituteur de l'Ordre: il se rangeoit neantmoins au dernier lieu. Si que General qu'il estoit de son Ordre, il nettoyoit l'Eglise, aydoit à parer les Autels: Il ne dedaignoit es moindres affaires mesme, prendre adivs de ses Religieux & subiects, luy dis-ie à qui le Ciel seruoit de Cōseil. Il dresseoit les tables du réfectoir : mettoit les nappes, & seruoit ses Freres Religieux pendant la refection. Il lauoit les vestemens des nouices mesmes; raccommodoit ceux qui estoient rompus, ou deschirez: il faisoit les offices les plus vils & abiects de la maison : iusques à lauer les pieds à ses Religieux , lors principalement, qu'il les voyoit arriuer lassés du chemin. On auroit peine exprimer les humbles artifices, dont il se seruoit pour cacher les graces, que Dieu auoit mis en luy : lors spécialement qu'il faisoit ses miracles, lesquels il

attribuoit bien souuent à la vertu des pouldres & herbes: aultres fois aux prieres, & merites de la vierge Marie: quelques fois à la foy de ceux qui estoient guaris: avec vne infinité d'aultres semblables inuentions d'humilité.

Degrez de  
l'humilité.

Et pour dresser vn abregé de ses particularitez, toute son ambition estoit se rendre le plus petit, & dernier de tous. Il disoit quelquefois: *Tel est le deuoir d'un General, ou Superieur, puis que le maistre de tous Iesus-Christ estoit venu pour seruir les autres: sans rechercher que le semblable luy fust rendu.* Ce fut sur quoy il assigna les raisons de ses preredues indignitez, pour empescher le Pape de passer outre lors que estant à Rome, il le vouloit sacrer Prestre.

Ceux qui professent la vertu assignent ordinairement trois degrez en l'humilité. Le premier est se rendre suiection à son Superieur, sans se vouloir esgaler à luy. Ils appellent ceste humilité, *Suffisante & necessaire.* Le second degre consiste à se submettre à son esgal, & ne se point preferer à vn moindre que soy. Celle-cy se nomme *Abondante.* Et le troisieme, à s'assuiectionner à vn moindre que soy, & celle-là est dite *Superabondante.* Je le veux: que le coustumier du monde soit, rechercher des artifices pour s'esleuer sur les esgaux, ou atteindre ceux qui passent sa condition. Celuy du saint Homme en estoit autant esloigné, que ses passions ne s'eschauffoient sinon pour l'acquisition de ce qui estoit le dernier & moins estimé au monde. Son histoire fait foy qu'il a descen-

DE S. FRANÇOIS DE PAVLE. 611  
descendu aussi bas, que ces trois degrez de la  
vraye, & parfaicte humilité. Et si bas, dis-ie,  
en terre, qu'il en est & fera à iamais d'autant  
plus haut exaucé dans le Ciel. C'est la musi-  
que entonnée par ceste iadis tres-humble & à  
present tres-haute Vierge: *Il a desmis & abba-  
tu les orgueilleux de leur siege, & esleué les hum-  
bles*: conformément à la sentence irreuocable  
portee par le filz de Dieu, Et le sien: *Quiconque  
s'esleuera sera humilié, & qui s'humiliera sera  
exalté*. C'est vn aultre effect de son humilité,  
il fuyoit sur route chose la vaine gloire, &  
l'hypocrisie: & tenoit ses bonnes œures,  
comme ieusnes, abstinences, oraisons, &  
aultres fort secretes, & cachees; qu'à peine  
s'en apperceuoient, sinon ceux qui y pre-  
noient garde de fort pres.

§. 8.

Ceste grande humilité faisoit eclorre vne Del'Obe-  
prompte Obedience: qu'il fit veoir au mon- dience de S.  
de, lors que commandé par sa Saincteté venir Francois.  
en France, il commença son chemin aussi  
tost, sans former aucunes excuses: comme il  
auoit faict le passé, estant requis des Princes  
temporels.

Or comme ceste obedience luy auoit fer-  
mé les yeux & faict suivre la volonté du  
Vicaire de I E S V S - C H R I S T pour venir en  
France, la mesme l'obligea d'obeyr à Dieu  
pour y demeurer & y finir ses iours: ce fut  
lors qu'il demanda son congé à Loys dou-  
zième pour retourner en son pays de Calabre

Qq 2

lequel

lequel il ne peut obtenir . Ce en quoy il s'est rendu plus admirable en ceste vertu a esté qu'il obeissoit plus facilement aux aduis des superieurs & Anciens de son Ordre luy estant Correcteur general de tous, que n'eut faict le moindre de ses Religieux & subiects . C'est la mesme Obedience que si particulierement il a recommandée à ses Freres, dès le premier Chapitre de sa Reigle : *Qu'apres Dieu ; ils obeyssent aux mandemens des Prelats de l'Eglise.*

## S. 9.

*Sa douceur  
& mansue-  
tude.*

Mais comme vne vertu ne va point seule, ceste si grande humilité, en guise d'une dame honorable accompagnée de ses filles , estoit aussi suivie apres ceste humble obeissance, d'une douceur & mansuetude , de simplicité colombine, de clemence, & charité envers son prochain, si grandes que sa conversation en estoit extrêmement bien recueillie: son parler estoit si tres-affable, que jamais personne s'adressa à luy pour recevoir quelque consolation spirituelle, qui en soit retourné frustré de son intention: en effect si debonnaire , que ceux qui venoient vers luy, pour le requerir de ses prieres, il les rendoit tous si fort satisfaits, receus de luy avec la mesme humanité , que nul print oncques occasion de se mesconter . La simplicité avec quoy il traittoit, rendoit encore ses paroles, & ses actions si recommandables , qu'elles ne pouvoient estre sinon les bien-venues. C'estoit la mesme vertu qu'il

DE S. FRANÇOIS DE PAVLE. 613  
ru qu'il recommandoit à ses Religieux , lors  
qu'il les exhortoit par sa Reigle *de ne point in-*  
*ger les autres, ains soy-mesme seulement*, inter-  
pretant tousiours les faits d'autrui à la meil-  
leure part.

§. 10.

Le zele meslé à ceste douceur faisoit mer- *Son zele,*  
ueilleusement bien: qui le portoit à confirmer *force, &*  
les debiles en l'exercice de la vertu : & quel- *magnani-*  
quesfois reprendre seuerement les vices d'aut- *mité.*  
rui s'il y iugeoit la necessité . Car pour l'or-  
dinaire, s'il arriuoit, que par fragilité humai-  
ne, ses Religieux commissent quelques fautes,  
il les iusticioit avec si grande douceur , qu'il  
eut esté bien difficile iuger sainement, qui des  
deux pourroit excéder , ou la correction, ou  
la pieté . Si bien que ses Religieux le craig-  
noient , & aymoient tout ensemble. C'est  
ce que plus il recommanda par sa Reigle aux  
Superieurs de son Ordre : *Qu'és corrections,*  
sont les propres termes , *ils meslent le vin avec*  
*l'huyle, la iustice, & la misericorde.* Faisant allu-  
sion au vray Samaritain & Medecin de nos  
ames, qui en a guary les playes, avec ces deux  
vertus principalement figurees par ces deux  
liqueurs. Bien vray est qu'en la transgression  
des choses essentielles de sa reigle, comme des  
vœux, ou de quelque chose qui tirast à gran-  
de consequence: il se monstroït tres-difficile  
à le pardonner sans quelque correction nota-  
ble & exemplaire . S'il en cognoissoit quel-  
ques vns defectueux en leur condition, il les

Q 93                      appel-

appelloit à foy, & avec des paroles prononcées comme avec la mesme charité, il les aduertissoit de leurs fautes. Souuenir il leur proposoit la rigueur de la Iustice diuine, & les amenoit à telle condition qu'ils se soubmettoient de bon cœur à toutes les penitences, qui luy eut semblé bon leur imposer : ques'il en rencontroit de plus obstinez & fermes en leur malice, il se donnoit lors à l'oraison, où ayât noyé les offences des hommes, dans les ruisseaux de ses pleurs, le plus souuent il en emportoit la conuersion, voire des pecheurs les plus obstinez.

Or comme la charité chasse dehors la crainte, & ce trop de respect humain: le zele étant vn excez de charité & amour pour Dieu, faisoit que ce saint Homme n'espargnoit non plus les grands, que les petits. Il ne faut rechercher ceste verité ailleurs, qu'es vies des Roys de Naples premicrement, & puis de France, & aultres grands de la terre, Ecclesiastiques, comme Seculiers: ausquels il ne pardonnoit non plus, que son zele pour leur conuersion: dont le tesmoignage certain estoient les larmes, desquelles ils se trouuoient baignés, sortans de la cellule du S. Homme.

## S. II.

*La charité  
enuers le  
prochain.*

Effect certainement comme les aultres, qui suivent de son excessiue charité: laquelle se diuisant en deux membres, en l'amour de Dieu, & du prochain: touchés seulement la premiere corde, le son en est si tres-hault, qu'il en-  
gloutit

DE S. FRANÇOIS DE PAVLE. 615  
 gloutit dedans soy celuy des aultres . Aussi est  
 il vray qu'un amour engendre vn aultre a-  
 mour, comme le feu vn aultre feu . L'amour  
 vers le prochain prouient de Dieu , comme  
 vn clair ruisseau qui coule d'une belle source.  
 Ainsi l'entendoit IESVS-CHRIST , lors que  
 recommandant le prochain à saint Pierre,  
 il luy demanda premierement s'il l'aymoit.  
 Posez maintenant , ce qui est , & se verra  
 peu apres, que SAINT FRANÇOIS de Pau-  
 le bruslast de l'amour de Dieu : combien  
 en aura il eschauffé le prochain ? Que ne fai-  
 soit-il , pour luy prestre secours ? Les ves-  
 ues, les pupilles, les prisonniers, toute per-  
 sonne necessiteuse en cetemps là deposeront  
 combien fidellement il dispensoit les graces  
 que le Ciel luy auoit mis en depoit : voire  
 mesme, ce qui plus merite d'admiration, sans  
 en estre le plus souuent requis: i'en laisse la ve-  
 rification aux precedents Chapitres : qui à  
 vray dire sont comme subalternes de celuy-  
 cy, seruans de referendaires, pour rapporter,  
 & représenter naïfvement entre tous ses  
 faicts miraculeux, le premier miracle, sa cha-  
 rité cause de la plupart des miracles.

Pour les forains, que Religieux, que secu-  
 liers qui se presentent ou par forme de visi-  
 te, ou bien pour heberger en passant . La cha-  
 rité auoit ordonné de cela , ouurir la porte à  
 tous venans, comme si son Couuent eust esté  
 des mieux rentez. Aussi estoit-ce vn des eston-  
 nemens des hommes de ce temps: cōme quoy,  
 vne si extreme pauureté , pouuoit fournir  
 à vne si grande despence. C'est vn des article

*Enuers les  
 hostes & e-  
 strangers.*

Enuers les  
malades.

Pour le salut  
des ames.

inferez en sa Reigle , que les *hostes* soient traittez benignement , receuz ioyeuſement , & qu'on leur face bon viſage. Mais quant aux malades, il veut abſolument qu'on leur ſuruienne , avec ſoing & diligence , chargeant iuſques là les Superieurs recognoiſtre parmy la communauté, s'il y a quelques valetudinaires, pour les ſupporter benignement, & les exercices plus laborieux de la Religion. Et lors qu'il ordonnoit des eſtudes qui ſe practiquoient en ſon Ordre, pour procurer le ſalut des ames : ie n'en puis mieux parler, ſinon de rapporter les meſmes termes dont il uſoit , eſcriuant à vn grand Prelat de ſon temps. *Quand, dit-il, à ce que vous vous raſionyſſez que ie prend plaisir aux hommes lettrés & aux eſtudes: ſachez que ie ne deſire autre choſe ſinon d'auoir de ceux qui ſoient tels , & que l'on eſtudie pour ayder au ſalut des ames: pouruen qu'avec la ſpeculation des eſtudes , ſoit conioincte l'ardeur de l'affection, & les bonnes œuvres. Et c'eſt ce qui plaiſt ſouuerainement à Dieu: d'où prouient que l'homme ayant ſoin premiere-ment de ſa propre perfection, par doctrine & par bonnes exemples peut eſtre vtil à pluſieurs. Ce ſera pluſtoſt faiât dire de luy, ce que ſainct Paul diſoit de ſoy-meſme: I'ay eſté faiât toutes choſes à tous, pour les gaigner tous en Dieu. Car il embraiſſoit toutes neceſſitez de ſon prochain, & les entreprennoit comme ſiennes pour l'amour de Dieu.*

S. 12.

Ce qui dōne luſtre aux exercices du S. Hō-  
me,



me, est ceste prudence ; avec quoy il reigloit ainsi ses actions, celles de ses freres Religieux, & de tout son Ordre. Car il faisoit ses exhortations de certaine maniere qu'elles estoient vtils à tous. Aux superbes il descouvroit les miseres de nostre vie, subiecte à tant & tant d'infortunes & miseres : mais avec raison si efficaces, qu'il les faisoit deuenir tout hùbles. Il consoloit les affligez par l'esperance des choses celestes, les induisant avec cela, de mespriser les infirmittez, douleurs, afflictions, & aultres choses comme cela ; qui ont de coustume trauerser nostre vie. Il ne permettoit à ses Religieux des deuotions, ou penitences extraordinaires, ou indiscrettes : ains celles la seulement, auxquelles ils estoient obligés, par la Reigle : à raison de quoy, il y deffend expressement *d'innouer quelque chose, oultre les statuts portés en la Reigle.* Ce fut pour ce subiet qu'il reprint aigrement vn Religieux, lequel voulant ieuner par deuotion, s'estoit absenté du reffectoir pendant que les aultres disnoient, & le réuoia prendre sa refection avec les autres. En general combien de circonspection a il apporté, & recommandé pour receuoir à son Ordre ceux qui s'y presenteroient : l'aage, avec les autres qualitez qu'ils deuoient auoir ? Puis la conformité qu'il a mise entre ses Freres, pour les habits, suiuant leur profession : pour le viure, pour toute la communauté : diuersifiât neantmoins les conditions des Profez, des Nouices, des Oblats. Il veut apres, qu'on aye esgard à la necessité diuerse des personnes ; s'ils sont valetudinaires, s'ils se portent bien, pour

dispen-

dispenser avec eux en la quantité, ou qualité des habits, des viandes, & autres necessitez. Il dispose outre ces des lieux, des temps & des personnes, pour l'élection des Superieurs & Officiers de l'Ordre, iusques à assigner lequel de la compagnie tiendra ce rang, & qualité lors que l'obedience les enuoye hors la maison: Si qu'on peut croire, sans erreur, qu'il n'y a Republique mieux pollicée que celle cy, où les loix sont humaines, aussi douces que celles qui expriment le conseil de porter le doux ioug de nostre Dieu.

## S. 13.

Le seul commencement du narré de ses vertus pour imparfait qu'il soit, sembleroit neantmoins vn peu difficile à persuader, si n'estoit qu'on le void sortir de l'eschole, où il en auoit tant apprins, ie dis de l'oraison, de la Cellule, du Ciel, de la compagnie des Anges, des deuis familiers avec Dieu. La pratique des hommes à tant de force sur nos ames, qu'elle tourne, retourne, & imprime la ressemblance és passions, affections, bonnes ou mauuaise habitudes. Quelles vertus, ou perfections ne se trouuent és ames qui s'approcher souuent de Dieu, par l'entremise d'un colloque familier des esprits: Mais quelle perte n'experimente le general, & le particulier de l'Eglise, par le deffault de cet exercice: Certainement il est fort dangereux au nautonnier cingler en pleine mer, sans emprunter l'ayde des aurons. C'est la mort au soldat se presenter à la teste d'une armee, s'il n'a ses armes

*Fruit &  
nécessité de  
l'oraison or-  
donnée &  
praticquée  
par le saint  
Homme.*

pour parer au coup de son ennemy. Le pelerin n'est pas bien aduisé, si pendant vne grande debilité, forcé entreprendre vn long voyage il ne mandie le secours, & soustien d'un baston. Et qu'aduancera le manouurier en sa besongne, s'il n'a les instrumens & engiens propres de son art : autant qu'un sollicitateur en Cour, s'il n'a à commandement les faueurs d'un mignon, qui ayt facile accez au Prince? Ainsi est l'oraison necessaire au Chrestien, duquel la vie est vne perilleuse nauigation: c'est vn perpetuel combat, vn long, & fascheux voyage, vn trauail, non d'un iour seulement, ains de toute la vie: vne procure ou sollicitation d'une des plus importantes affaires comme regardant l'eternité d'un Paradis, ou d'un enfer. Et à toutes ses necessitez, quelquefois extremitez, le secours plus prompt, est l'oraison. Elle se fait toute à tous: & à tous, comme à toutes sinistres occurrences, elle y pouruoit dextrement. C'a esté, vne des choses que le S. Homme ayt recômandé à ses Religieux, avec plus d'affection. Et que luy tout premier, a si soigneusement pratiqué. Car pour le faire mieux entendre sous vn mot, ses pensees esleuees par le transport d'un doux rauissement, le separoient de luy mesme, & l'unissoient inseparablement avec Dieu, conduisant son mesnage exterieur, & qui regardoit mesme fin: la continue de sa pieté, avec la ferueur de sa deuotion. A raison de quoy, il portoit vne singuliere affection au S. Sacrement de l'Autel. Souuent il asistoit à toutes les Messes qui se celebroident au Couuent: sur tout il ne faillloit

*Sa deuotion  
enuers le S.  
Sacrement  
del'Autel.*

failloit iamais à celle du poinct du iour : non plus qu'à tout l'Office diuin : sinon que lors des assignations du Ciel, qui apportotent à la fois vne dispence, pour ne sortir sa cellule, que Dieu premierement ne l'eut licentié. Il auoit les Prebstrs en grande reuerence, desquels souuent il baisoit les mains sacrees, à l'issue de la Messe. Il se rendoit tres-vigilant à l'entretènement de la lumiere de l'Eglise: cōme de toutes aultres choses qui concernoient l'ornement, & bien-seance du cult diuin. Et comme le feu brusle ce qui est mesme au tour de soy : au moins il l'eschauffe autant qu'il peut: ce S. Homme bruslant ainsi de l'amour de Dieu, il y eschauffoit ses freres, par tant, & si amoureux exercices de la deuotion, leur recommandant soigneusement le seruice diuin, qu'il veut avec raison estre la plus importante entre leurs affaires: assignant à chacun suivant les professions diuerses de sa Reigle, ce à quoy ils s'obligeoient de reciter, pour l'acquit de l'Office diuin. Il commande fort estroitement la confession sacramentale; au moins vne fois par sepmaine, pour se disposer à la sainte communiō. Or ie ne parle point seulement des oraisons vocales, & du diuin Office, qui se chante solennellement au cœur de l'Eglise, és heures diuerses du iour : Lequel il specifie, *vouloir estre celebré avec vne ioyeuse crainte, attention, reuerence; & les ceremonies exprimees*, sont les propres termes du chapitre quatriesme de sa Reigle.

## S. 14.

L'entend donc ce que luy mēſme a voulu eſtre entendu de l'oraïſon *particuliere, & mentale*, qu'il recommande à part. C'eſt au chapitre huitiefme de la Reigle : *Qu'on exhorte vn chacun*, ce dit-il, *de ne pas obmettre l'eſtude de la ſainte oraïſon, ſe ſouuenant que l'oraïſon pure & aſſidue des iuſtes, a vne grande vertu & pou- uoir; & que comme vn fidel meſſager, s'acquitte du commandement qui luy eſt enchargé, & pene- tre iuſques où la chair ne peut paruenir*. Oultre ces paroles de ſa Reigle: entre les lettres qu'il eſcriuoit à Maïſtre Iean Quentin, qu'il auoit faiſt Protecteur de ſon Conuent de Nigcon lez Paris, il luy mande entre aultres choſes: *Veillez ſur vos pauvres Religieux à ce qu'ils ſe venillent aſſiduer à faire oraïſon*. En ſuitte de

*De l'oraïſon  
mentale.*

d'un

d'un conseil (si necessaire soit il) toute vne communauté ensemble, qui est composée d'aussi différentes complexions, qu'il y a quantité de personnes: qui foibles: qui plus fortes en l'esprit, au corps. Si que vouloir obliger les mesmes à la mesme chose, au mesme temps, au mesme lieu: c'est estre priué du sens, & de la prudence, première entre les vertus requises, pour scauoir gouverner vne communauté, autant que les saints ont esté conduits de la Sapience don particulier du S. Esprit, pour donner reigle proportionnee aux forces & foiblesses des vns ou des autres. Ce qu'il a voulu donc estre inuiolablement obserué par ses Religieux, c'est l'exercice de l'oraison mentale, tant que faire se pourroit, avec la discretion, pour le bien qu'il s'en promettoit à son Ordre. Quant à son particulier, qui cognoissoit cela autant, & mieux, que la pratique de uance le discours: il preferoit cet exercice à tout autre, & faisoit scoir l'oraison, & contemplation au premier rang de ses ouurages. Mais que dis-je? là il commençoit: là il continuoit: là il bornoit la tasche de son esprit, & de son corps. Il souloit assez souuent dire, *que l'oraison, & contemplation des choses celestes estoit la vraye, & plus naturelle viande de nos. ames, ses seules delices, sa souveraine felicité*. Il est bien vray, que cōme on lasche par fois la corde de l'arc, pour luy conseruer ses plus grandes forces, à la necessité: L'esprit humain peut bien aussi relascher son exercice, & rompre pour vn temps la continue de l'oraison, pour ayant discrettement ramassé ses forces, la pouuoir tousiours continuer: mais l'esprit de nostre S.

*Oraison &  
contempla-  
tio de saint  
François.*

Homme, plus fort que soy-mesme, estoit infatigable en la priere, tousiours bandé, & vny avec Dieu. Si que comme des iours differens, & separez de sa vie, nous luy en faisons, & nommons vne seule vie : Ainsi en tous les exercices, bien que distincts ensemble, i'y recognois vne seule oraison, puis que toute sa vie a esté vne perpetuelle oraisō. Il employoit vne grande partie de la nuit à veiller ; & prier Dieu quelquefois en sa chambrette, autrefois dans l'Eglise : & de iour ayant ouy deuotement, & assisté au S. sacrifice de la Messe ; & à tout le seruice diuin, il se retiroit en sa cellule, qui luy sembloit vn Ciel sur terre . Car où dehors il traittoit d'affaires humaines, avec les hōmes, r'entré qu'il y estoit, il recōmençoit les louanges Diuines, avec les Anges : mais avec tant de ferueur d'esprit, & de faueur du corps : que par fois, l'un, & l'autre esleuez de terre s'emportoient vers le Ciel : d'autresfois le Ciel descendoit en bas, cōme enuiant le bō-heur de la terre, parée & enrichie d'un si precieux ioyau : Si que, comme les vrayz amis se doiuent vne mutuelle visité, sans faire distinction des degrez, ou merites des vns & des autres, puis que ceste obligation naist avec l'amitié : ainsi ce saint Homme ayant visité les Anges, & recrée de ses larmes, eux reciproquement le venoient trouver, & consoler de leurs chants celestes, & harmonieux . Tant & tant , que Religieux que seculiers , ont déposé sur leur conscience, & se sont chantez heureux d'auoir entendu maintefois par le dehors de sa cellule, comme des compagnies d'hommes,

ou Anges qui chantoient tres-melodieusement au dedans. C'estoit en ses accez, & excez qu'il refusa à plusieurs personnes l'entree de sa chambre, spécialement au Roy Charles 8. qui le supplyoit instamment, luy donner vn quart d'heure de son loisir. Ce grand homme, iuste appretiateur des choses (ainsi que l'Apostre qualifie l'homme spirituel) ne iugeoit à propos, pour escouter vn Roy des hommes, rompre le discours avec le Roy des hommes & des Anges: ou preferer les merites d'un Prince de la terre, aux obligations qui le fermoient avec le Seigneur & Monarque des lumieres. Et tant que le Ciel a roulé le cours de sa vie, il a tousiours preferé la contemplation des choses celestes à tout autre exercice: asseurant par plusieurs fois à ses Religieux, celle là seule estre la vraye felicité, si aucune y en a pendant le pelerinage de nostre vie.

## S. 15.

*Du silence  
& solitude  
de S. François.*

Les vertus qui plus particulièrement luy facilitoient l'usage de celle là: c'estoit en premier lieu le Silence: qu'il auoit en si grande recommandation que c'estoit chose fort rare, & bien necessaire lors qu'on l'entendoit parler. Car sa bouche ne fut oncques employee, pour prononcer que des paroles saintes: & qui au premier son faisoient entendre quelque chose qui regardoit, ou l'honneur de Dieu, ou l'edification du salut de son prochain, ou bien tous les deux ensemble: le reste qui faisoit la meilleure part de ses discours, & paroles,



paroles, estoient espargnees & reseruees aux entretiens interieurs. Aussi voulant Instruire ses Religieux de la forme de prier, à qui il en auoit laissé le commandement au Chap. 8. de sa Regle, il soubioinct: *Or afin qu'ils ayent l'occasion plus fauorable à l'oraison, qu'on les aduertisse garder soigneusement le silence de l'Euangile.* C'est s'abstenir de toutes paroles oyseuses. Puis ayât determiné certains lieux, & temps, ou il deffend absolument parler, sinon avec grande necessité: il permet hors cela pouuoir tenir propos par ensemble, avec ces conditions neantmoins, qu'il y apporte: qui seroit de parler bas, & religieusement: c'estoit à dire, avec toute modestie, & de choses saintes, qui pourroient edifier leurs compagnons, ou compagnies. Il conclud apres le tout, avec ceste clausule generale: *Que tous fuyent le beaucoup parler, qui ne peut estre (ce dit-il) sans peché.* Il est sans doute, que ces impetueux torrents de paroles, trainent apres soy les plus paisibles conceptions de l'esprit, sans mettre en ligne de comte les affections, & passions, bonnes, & mauuaises, qu'elles allument, & amortissent, contre les reigles de la raison. Le S. Homme auoit bien estudié, & mieux apprins ceste vertu escholes de la Solitude, ou il s'est tousiours, & grâdemēt pleu. De là est venuë la curieuse recherche qu'il faisoit des hermitages, des spelôcques, des lieux vn peu escartez de la conuersation des autres, voire mesme depuis qu'il eut dressé son hermitage en communauté. Car pendât qu'il demouroit en Italie, biē que la cellule fut au dortoir cōmun: si toutesfois

estoit-elle esleuée de trois ou quatre marches, par dessus les autres, pour tousiours pratiquer d'auantage ceste solitude, où Dieu se plaist particulièrement traicter avec les ames, aduerties par son Prophete *que c'est là où il leur parle au cœur*. Pendant qu'il fut en FRANCE, sa cellule n'estoit point au dortoir : ains seule, en vne des galleries du Cloistre où elle se void encores avec bien de la deuotion au Conuēt du Plessis lez Tours, où les Peres de ce lieu la cōseruent fort reueremment : l'ayant cōuertie en Chappelle. Mais & en Italie, & en Frâce, le sainct Homme mesnageoit encores sa solitude bien autrement. Car bien souuent il donnoit iusques dans quelques ou bois, ou carriere proche de son Conuent, & là se desfroboit de tout le mōde, pour se donner entiere-  
mēt à Dieu. Il cōmença cest exercice dès l'âge de quatorze ans ; où meslant l'austerité de sa penitence, aux plaisirs de la solitude : ses ordinaires occupations estoient descendre son esprit à la deplorable consideration de nostre bassesse, puis 'le releuer de là à vne heureuse contemplation des grandeurs de Dieu.

## S. 16.

*Sa chasteté.*

Exercice qui luy estoit aussi aisé que la pureté de son ame, & de son corps y contribuoit grandement. Car s'il y a vertu qui esleue honorablement la nature humaine, c'est la virginité & chasteté : avec quoy no<sup>9</sup> represētōs aucunemēt la pureté des Anges. Cela faisoit dire à ce sainct Docteur, que le mariage emplissoit  
la terre :

la terre: comme la virginité le Ciel. C'est sans doute que les Anges prennēt vn extreme plaisir conuerſer avec les perſonnes chaſtes, reueſtues de leurs liurées, comme le ſemblable deſire naturellement la compagnie de ſon ſemblable. C'eſt choſe qu'on ſe peut perſuader facilement, que les Anges tenoient bonne compagnie à ce S. Hôme, duquel l'ame, & le corps, eſtoient deux beaux lys blanc, excellents en beauté, & plus ſouëſues en odeur, en preſence de ceſte premiere Pureté & Beauté diuine. Iamais ceſte belle fleur ne fut fleſtrie par l'approche des ſens: ou autrement que ce ſoit. Le corps, le cœur, l'ame: leurs facultez & puiffances veilloient perpetuellemēt à la garde de ce tresor: qui luy eſt demeuré entier, eſtant reſté toute ſa vie vierge, pour ſeruir puremēt le fils de la vierge, que l'Egliſe nôme la courône des vierges. Si que le R<sup>ue</sup>. Eueſque de Grenoble, en la lettre qu'il eſcriuit au Pape Leon dixieme, en faueur de la Canonizatiō du S. Hôme, vſa de ces termes: *Nous auōs reconnu ſes mœurs pures & nettes, & ſa treſchaſte vie plus pure que l'or treſfin & eſpuré.* Les longues, que prieres, que veilles: les rudes abſtinences & auſteritez: vne ferme reſolution, mais ſur tout la grace de Dieu, auoient tellement eſtouffé ce riſon ardent en ſa chair, qu'à tous les plus forts motifs, & perilleux obiects il demeu- roit ferme, comme vn rocher, & froid comme le marbre. Il portoit ſur ſon front le portrait de la pudicité, & dās ſon ame la meſme chaſteté. Ses regards enflammoient les ames d'vne affection toute diuine, & portoient

dans les cœurs le desir d'un amour aussi pur que les Cieux. aussi fermoit il la porte à toutes les pensées peu chastes & aux autres occasions qui offensent ordinairement ceste vertu. Il fuyoit sur tous les compagnies des femmes: pour ne les voir, ou leur parler seulement, sinon avec grande necessité. Et commandoit à ses Religieux les fuir comme serpens: & encores plus les filles Religieuses, & toutes autres professans la deuotion. Il leur disoit souvent à ce propos, *que les femmes & l'argent tiroient à concupiscence, & brusloient les seruiteurs de Dieu plus que toute autre chose.* Et pour chasser arriere d'eux, ce que plus leur pouuoit nuire, il les aduertist tout premierement (c'est le chapitre cinq de sa Reigle) *d'arracher l'œil qui les pourroit scandaliser*: ce sont ces termes, qu'il a extraicts de l'Euangile. Auis aussi necessaire que la garde des sens, & de celuy-cy specialement contribué à la conseruation de ceste vertu. Car la chasteté ayant bridé les sens facilement elle domine ses affections, dompte ses passions & fait reietter, & mespriser toutes les lasciuies poursuittes de plus effrontez obiects. Puis il les aduertist eiter tout mauuais conseil, & les compagnies du monde: non seulement les plus meschantes; ains celles là encores qui sont en quelque maniere suspecte. Qu'ils ne permettent à aucunes femmes entrer en leur Cōuent, sinon aux Roynes, ou fondatrices, qui soyent bien accompagnées. Qu'eux reciproquement se gardent bien d'entrer és Conuents des filles, mesmes de leur Ordre: sinon en leur Eglise,

Eglise, ou aux grilles de dehors : aux fins ou de prescher , ou de quelques autres affaires d'importance : pour lesquelles traiter il leur recommande , que ce soit avec le moins de paroles que faire se peut. Que leurs Confesseurs , deputez par le General, ou Prouincial, apres les autres conditions requises , ayent ja atteint les cinquante ans , n'estoit que la necessité, ou suffisance de quelques Peres notables , permit ausdits Superieurs dispenser en ce cas , iusques à l'an quarantième. Et quant aux filles de son Ordre, il leur enioinct la closture perpetuelle: & de ne permettre à personne de l'un & l'autre sexe, de quelque condition, ou pour quelque respect que ce soit , entrer dans leurs Conuents, non pas mesmes aux confesseurs, ou aux Medecins & Chirurgiens: Qui n'ont pouuoir exercer leur ministeres, sinó par des grilles doubles (comme elles sont par tout) proche desquelles on traine le liét des malades , qui est porté sur des petites roues. Il ne permet à aucunes des Sœurs escrire, & enuoyer vne lettre dehors , que premierement la mere Correctrice ne l'ait leuë, & luy en dōne la permission: non plus que pour parler aux grilles: soit pour les affaires de la maison, comme pour recevoir les visites des parens , & amis: il ne veut pas qu'on les voye en façon du mode. Que s'il faut y venir , qu'elles ne le facēt sans licence de la mere Correctrice. Laquelle en deputera vne, ou plusieurs, cōme elle iugera plus expedient, pour assister celle, à qui on demande parler. On ne doit croire ceste garde trop grande, puis que la chasteté

est vn tresor du Ciel, que l'estime de la terre ne peut priser : ioint qu'ayans congedié le monde : il semble à vray dire ( pleust à Dieu que l'experiéce n'en eust rien mis au iour) que ses visites ne s'espargnent que pour sacrifier la chasteté de ses seruiteurs, & seruantes de Dieu aux feux de la concupiscence : & seruir de victime aux sales imaginations: Bourreaux de leur honneur, & aduersaires de leur salut. Telles ont esté les sentinelles que le S. Hôme a employees pour decouurir & remedier au mal contraire à ceste vertu : en faueur de ses enfans. Car pour luy, ie voudrois croire, que ceste grace comme les autres, luy a esté bien fort particuliere : par laquelle il est demeuré vierge toute sa vie, & est mort aussi entier comme l'enfant en sa naissance.

## S. 17.

Mais vn des moyés plus forts duquel il s'est serui pour luy & pour les siens à conseruer asseurémēt ceste vertu des Anges, c'estoit à mō aduis l'extrême pauureté, qu'il a obseruee si exactement avec le mespris de la terre, & de tout le monde, comme si sa vie eut esté exēpte du tribut ordinaire, que la necessité, ou son pretexte exige par fois trop cruellement de la nature. Ses conuoitises ou auarices, n'ont visé qu'a se rendre pauvre avec IESVS-CHRIST, perseuerant iusques à la mort, ainsi qu'il auoit parfaictement commencé en ce bien-heureux heritage : ou pour tous meubles & richesses, in n'auoit que son Cilice ; & sa pauvre tunique :

que : non pas meſme vne ſeule planche pour repoſer couchant ſur terre , il ne vouloit ſe nourrir, ſinó de ce qu'ó donnoit aux Cóuents par aumoſne:& allant par les champs, ſes delices eſtoient comme les pauvres mendier ſon pain de porte en porte. On l'a veu dés ſon enfance, ſe ſentir trauaillé de veoir ſeulement en paſſant le faſt, & ſuitt trop ſuperbe, de quelques grands de la terre. Ce recueil ſi favorable du Roy de Naples, du ſainct Pere, & des Cardinaux, lors qu'il paſſa par Rome, pour venir en Fráce:celuy du Roy Louys onzième, apres qu'il fut arriué: mais des Princes, des Seigneurs, & de tout la Cour: toutes ces faueurs & courtoiſies ſi extraordinaires, ne luy touchoient en rien au cœur, ſinon pour l'affliger d'avantage: comme choſe contraire au deſſein de ſa pauureté: & meſpris qu'il auoit formé de toutes choſes hors-mis de Dieu:& de ce qui le regardoit. Il refuſa tout à plat les richesses, que les Roys de France, & de Naples luy offrirent, ſous Religieux pretextes. Et ne veilloit à rié plus qu'à enrichir les threſors de ſa pauureté. De laquelle obſervant fort eſtroictement la reigle: pour mieux inventorier, ſous vn article, ce qu'elle luy auoit laiſſé, c'eſt qu'il n'auoit rien qui ſoit à luy. Ce ſont les grandes richesses, deſquelles il a déclaré ſes enfans heritiers legitimes: leur enioignant au Chapitre cinq de ſa Reigle, de combattre perpetuellement ſous la conduite de la pauureté Euangelique, ſans leur permettre ſeulement toucher l'argent ( à la reſeque de ceux que la communauté depute.

*Pauvreté  
honneste.*

pour son seruice) ou en guise de gens du monde fueillerer les moyens, pour accroistre en richesses: auxquelles ils distribuent la meilleure partie de leur affection. Il vouloit neantmoins que la pauvreté fust honeste: l'un appartenant au Chrestien: & l'autre bien seant à l'homme. Comme leurs contraires ressemblent mieux à l'athéisme, & à la brutalité. A raison dequoy il ordonne au Chapitre troisieme de sa Reigle, *que ses Religieux feront souvent couper le poil de la barbe, & les cheueux de la teste, pour imiter l'ancienne modestie de Ecclesiastiques Religieux: & que les habits des Prestres, & des autres Clercs descendent iusques aux talons: disposant aux autres Freres l'habit conuenable à leur condition.* Vn iour luy mesme estant aduerty qu'on luy demandoit parler, il sort de sa cellule en nettoyant son chapperon: & composant son habit, en la meilleure forme qu'il pouuoit. Ses Religieux là presens, qui luy voyoient faire des choses par le dehors, cōme s'il eut esté possédé de quelque curiosité: qu'ils sçauoient neantmoins qu'il detestoit dans son ame, comme la peste: se sourians: *Nōstre Pere*, luy dirent-ils, *comme quoy recherchez vous ceste honnesteté exterieure, qui semble ressentir sa curiosité, au milieu d'une extrême pauvreté, que vous professez, & nous enseignez tous les iours? Mes enfans,* repartit ce bon Pere, *i'entend que vous gardiez avec moy la pauvreté: mais ie desire qu'elle soit honneste, specialemēt lors que vous aurez à cōuerser avec les seculiers: craignāt que les immūdictes exterieures, effects ordinaires de la pauvreté, ne leur*



*leur face auoir d'auantage ceste belle vertu à contre-cœur, de laquelle ils sont déjà si fort desgoutez.*

## S. 18.

Il seroit maintenant autant hors de raison, qui rechercheroit des delices en la vie du S. Homme, au milieu d'une si grande pauvereté, *Ses Austerites.* que de n'y trouuer vne longue suite de peines, de trauaux, de fatigues, d'austeritez, de larmes, de penitences, de toutes choses cōme cela, en vn mot de martyres qui penetroient les Cieux, pour paruenir deuant le throsne de ce glorieux Autheur de Martyre. Je ne veux point repeter ce qui est dict des ieusnes, de la vie quadragesimale, qu'il a instituee, & recommandee, avec tant de fortes de loüanges aux six & sept Chapitres de sa Reigle, mais qu'il a si exactement practiquée: puis que ceste batterie ainsi dressée contre son corps, par vne austere penitence en sa maniere de viure, estoit assez furieuse, non toutesfois au iugement de l'inuincible courage de ce valeureux champion, & fidelle soldat de IESVS-CHRIST; qui voulāt rédre son esprit, mais Dieu par l'esprit, maistre de la place, & paisible gouverneur du corps, s'aduise luy liurer vn assault general, le mattant en tout l'exterieur du corps, cōme par le ieusne il l'auoit interieurement debilité. Il commence par les pieds, & les force cheminer nuds, hyuer & esté, par les neiges & glaces, par les sables bruslés du Soleil, dās les fanges & ordures, sur les cailloux pointus, parmy

parmy les ronces & espines: pédant que la miséricorde de Dieu, qui sembloit comme iouer avec la iustice de ce S. homme, commanda aux Anges prédre vn soin particulier de cét hōme angelique, & le preseruer s'offenser és occurrences plus perilleuses. Qui ne l'eust ainsi iugé, puis que pour cestè forme de cheminer on ne remarqua iamais ses pieds gelez de froid, ou bruslez de la chaleur, ny souilleez de la fange, ou offensez des espines, moins foulez pour cheminer sur des rudes pierres & raboteuses. Tout son corps estoit vestu premierement d'vne haire, qu'il a tousiours portée iusques à la mort: & par fois d'vne petite tunique grize, en l'honneur de S. François d'Assise: & par dessus d'vne seule robbe, qui n'auoit en sa puissance repousser le froid, non plus que garantir des excessiues chaleurs, elle seruoit seulement pour couvrir la nudité de son corps. C'estoit vn drap noir naturellement, & non par la teinture (ainsi a il ordonné deuoir estre celui de ses Freres) vil & abiect, & des plus, & ordinairement vsé. Il laissa vne robbe, ie diray mieux, les pieces & morceaux d'vne robbe au Couuent de Paule, laquelle se conserue avec beaucoup de respect, honoree deuotieusement par les peuples, pour les œures merueilleuses qu'elle cause par son attouchement. Et bien que comme il est dict, il ne se seruist que d'vne seule robbe, avec laquelle il trauailloit & suoit pendant les grandes chaleurs, on ne remarqua iamais qu'il sortist de luy vne odeur forte & puante, ou quelque immundicité. Comme si ceste sainte ame eust detracé en ce lieu

lieu de misere l'incorruptiō qu'elle conseruera au corps, en la souueraine felicité. Ce n'est encore tout. Cest hōme exterieur vsé de ieunes, & de veilles, estoit au par-dessus humilié sous le pesant fardeau de ses labeurs, esquels il se monstroit infatigable. Car mis à part le temps de son oraison & contemplation, il employoit le reste ou à porter de ses espaules les pierres, bois, chaux, & autres materiaux requis à la perfection des Conuents, & Eglises que lors on bastissoit, ou bien cultiuer vn sien petit iardin, auquel il cueilloit ordinairement les herbes qu'il faisoit seruir en guise d'instrumens de ses miracles. Le iour se passoit ainsi en ces combats, & en ces victoires, iusques à ce que la nature demandant son tribut, il luy donnoit vn peu de repos, mais repos qui lasse l'esprit de celuy qui le veut comprendre, & plus encore le corps de celuy qui le pratiquoit. L'entende qui pourra, le pratique qui voudra. Il estoit tel que maintenant il paroist quasi incroyable, sinon aux ames de son estoffe, vrayement amoureuses, qui ne iugent rien trop penible pour l'amour de Dieu. Lors qu'il estoit retiré dans la solitude il couchoit sur la terre nue : rangé qu'il fut en forme de communauté parmy ses freres, en Calabre il se seruoit d'vne planche, ou tablettes: arriué qu'il fut en Frâce, c'estoit du serment de vigne qu'il prenoit, au lieu d'vn liēt doüillet, ou matelas cottonné, & comme si ce corps eust eu trop ses aises, pour payer son giste, il le disciplinoit, & fustigeoit de cordes & de verges, quelques-fois au milieu, autrefois à la fin de la nuit, laquelle-

laquelle estant créée de Dieu pour par le repos rendre les forces au corps debilité de ses labours du iour, c'estoit à lors que le seruiteur de Dieu (ô diuin paradoxe) luy rendoit nouvelles forces par vn nouveau labour.

Tout cela dit vrayement, représenté naïfvement & escouté attentifvement arreste les corps, esmeut les esprits des auditeurs, leur façon & leur posture le tesmoignent assez, laquelle immobile & sans sentiment, monstre les terres-motes d'amour, de crainte & d'estonnement, qui les esbranlent. Ils ayment la vertu, craignent son exercice, & s'estonnent de la resolution determinée avec laquelle nos Saincts en ont faict les conquestes. Mais patience encor vn coup, & patience qui passe toute science naturelle, quand elle apprend, & entend vne chose si nouuelle que l'admiration en est forte assez pour estourdir le plus fort esprit & le laisser stupide. C'est que nostre saint Homme estant abbatu de maladies (car ainsi Dieu visite les siens, & s'en approche plus pres, lors que le monde va iugeant qu'il en soit esloigné) se releuoit par vn r'enfort de plus grandes austeritez, faisant preuue de sa vertu au milieu de ses infirmités. Mais cela ne passa pas ainsi legerement, car il luy conuint premierement soustenir l'effort & assaut de ces raisons. Il n'y a exercice Chrestien, ou Religieux tant austere soit-il qui n'admette quelque secours particulier, és occurrences diuerses des maladies, Dieu l'étend ainsi: l'écriture sainte le nous conseille, honorer le medecin en consideration de la nécessité

*Tentatiōs  
ordinaires  
de relas-  
cher les  
austerités  
de la peni-  
tence &  
les reme-*

cessité qu'en auons : la raison y contribue son  
 aduis , rendre les forces premieres au corps  
 pour plus commodement donner escorte à  
 l'esprit , au seruice de Dieu auteur des deux :  
 la maladie seule qui nous reduict à la necessi-  
 té du secours estranger, porte ses dispenses ius-  
 tes, & legitimes quant & soy de relascher, si-  
 non le tout , au moins vne partie de nos ri-  
 gueurs , & zeles , ou zeles rigoureux contre  
 nous mesmes. Parlemer de paix avec la na-  
 ture, c'est avec l'ennemy, ie le veux. Mais pour  
 vn temps que nous prenons à son desauanta-  
 ge , faire ce peu de trefue , pendant laquelle  
 nous puissions nous rafraischir, faire nouuel-  
 les prouisions, & munitions de guerre, enfler  
 de nouveau nostre courage , & nous roidir  
 plus que iamais à vne sainte resolution pour  
 sa ruine. Toutes ces oraisons discouroient  
 ainsi, & contrefaisoient le sage medecin en la  
 presence de nostre malade, quand l'amour de  
 Dieu , qui iusques à present auoit escouté pa-  
 tiemment les autres , bien eschaufé s'aproche  
 plus pres du cœur , & prenant la parole rem-  
 barre ce fin Demon par de contraires & plus  
 puissants argumens, disant & respondant en-  
 semble : Dieu permettre, l'escriture sainte  
 conseiller, mais non commander absolument  
 vne modification en nos exercices : la raison  
 donner aduis, & la necessité comme forcer à  
 la dispense de ces austeritez , mais souuent la  
 raison demeurer aueugle , & la necessité se  
 retrouver plus souuent vn pretexte , & pre-  
 tension, lors specialement qu'il y va de nostre  
 interest particulier. La nature est foible à la  
 verité,

verité, mais la grace estre tres forte: Personne ne pouuoir s'exempter des tributs ordinaires de nostre mortalité, que nous pouuons tout toutes-fois en celuy qui nous conforte : que les dispenses fussent pour ceux qui recherchent quelque contentement en la terre, qu'il visoit ailleurs: les soins de la chair diuiser vne ame, & la partager avec Dieu: en retirer mesme à soy la plus grande, & la meilleure partie: & l'amour diuin aussi bien que l'humain ne demander point de compagnons. La medecine au reste estre bien necessaire instrument de la santé, mais non seule : n'obliger pas tout le monde, ains ceux là seulement qui foibles s'ont plus capables de craindre que d'esperer: luy ne la mespriser point, mais suiure vn chemin plus parfait, & digne de plus grand merite, ouuert neantmoins à tous, & quiconque voudra faire de necessité vertu se iette donc ainsi confidemment sur les promesses de Dieu, la grace duquel faiçt ce qui semble impossible à la foiblesse de la nature, procure la santé par vne suite continuelle de ses exercices, adioustant pour ingrediens de la medecine au lieu d'vne forte Rhubarbe l'amertume de nouuelles austeritez. Vous le voiez ainsi, car il aduint que le saint Homme tant pour ses veilles continuelles, que pour ses indicibles abstinéces, & longues fatigues tomba extremement malade, où il fut retenu vn fort long temps. On le visitoit volontiers & charitablement : entre autres vn certain F. Dominique s'y rendoit assidu, & assez officieux, auquel le bon Pere demanda s'il luy apportoit quelque chose pour

se pour manger, ie n'ay, respondit il, qu'un peu de pain. Le saint Homme pren ce pain, mord, & en mange de grand appetit avec quelques herbes crues, qu'il auoit pres de luy. Ce bon frere luy remonstre doucement, l'estat present de son infirmité ne luy permettre manger ainsi les herbes toutes crües, ses excez luy pouuoir augmenter la maladie: de plus causer la mort. Le saint Homme luy satisfait, *En charité*, ce dit-il, *ne vous esbaissez pas si ie mange les herbes crues, vostre iugement estime qu'elles soient dommageables à ma santé, mais l'experience vous dira, & fera dire le contraire.* Cela luy succeda heureusement, car tost apres il resta parfaitement guarý, sans vser d'autre medecine que la continue du regime de ses austeritez adoucies seulement de l'amour de Dieu: en voicy d'autres preuues. Au temps que l'on edifioit son Couuent à Paterne, le saint Homme fut aduertý du maistre charpentier faire prouision de bois, & de bonne heure: qu'il en seroit meilleur mettre en œuvre, s'il estoit plustost abbatu. Il prend donc vne compagnie d'ouuriers, les aduertit de ce qu'il pretendoit faire, qu'ils se chargeassent de leurs outils propres, & qu'ils le suiussent à la forest. Chacun se fournit au mieux qu'il peut, celuy cy porte vne serpe, cestuy là vne coignée, qui vne scie, autre le maillet avec les coins, & le reste des instruments necessaires. Mais tous à raison que la forest estoit pleine de buissons, s'arment contre les espines, les mains, & les pieds de cuir, c'est à dire de gands & souliers: seul estoit le S. Homme  
qui

qui cheminoit pieds , iambes & mains nuës ; couuert seulement d'amour de Dieu , pour ne rien craindre ; au moins sentant les piqueures pour ne se plaindre. Car voyant ces ouuriers feindre d'approcher , & couuerts qu'ils estoient pieds , & mains perdre le temps à couper des ronces , pour se faire chemin , & auoir facile accez au pied de l'arbre , qu'ils vouloient ietter par terre , luy porté d'un courage inuincible passoit le premier ; fouloit les espines avec les pieds nuds , & des mains retiroit les buissons de costé , & d'autre ; & nō seulement pour vn arbre , mais à tous ceux qu'il conuenoit aborder , il cheminoit tousiours ainsi à la pointe de sa compagnie , pour leur apprendre , & à nous , de ne rien craindre & apprehender es entreprises commencees pour le seruice de Dieu , si tant est que les commencemens nous semblent espineux & inaccessibles : qu'il y a vn Dieu qui se rend spectateur des mouuemēts de nostre ame suiuis des actiōs du corps pour pousser l'un & soustenir l'autre , aussi facilement que l'execution en semble difficile , quelque fois impossible aux yeux de la chair. Et de faict le saint Homme rendant ce tesmoignage d'amour qui luy auoit de long tēps gagné le cœur , pour ne rien apprehender ; s'elancant si genereusement au milieu des buissons , ietta tout ensemble vne frayeur si grande en l'ame de ces ouuriers , que les voila arrestez court , le corps fremissant & tréblant ; couuert d'une froideur generale , les mains ioinctes , la veüe arrestee sur vn tel spectacle duquel ils se persuadoient sans erreur , ce leur sembloit ;



sembloit, la fin deuoir estre tragique & voir le S. Homme sortir de là, pieds & mains deschi-  
rées, ruisselās le sāg de toutes parts. Mais Dieu  
auoit donné ordre à cela. Il en sort vrayemēt  
mais le tout aussi entier, cōmes'il eust manié  
seulement les fleurs d'un iardin, ou bien foulé  
de ses pieds les petites herbes d'une verdoyā-  
te prairie. Ce fut lors changer le mouuement  
des yeux, & de la terre les esleuer au ciel, le per-  
cer mesme avec les yeux de la foy pour croire  
qu'il y auoit vrayement un Dieu iuste, appre-  
tiateur de nos œuures, & volōtez pour les re-  
compenser, voire mesme de ce mōde, & en la  
vie presente. Voila succintement les rudes de-  
lices & austeres plaisirs avec lesquels S. FRAN-  
çois de Paule a traicté son corps pendant le  
pelerinage tresdangereux de ceste vie mor-  
telle, cheminant sur les pas de tous les Saints  
qui l'auoient deuancé, & qui le suiuront avec  
un pareil traitemēt, que celui de leur maistre,  
& du nostre qui a dressé une croix au beau mi-  
lieu de sō Eglise, pour seruir d'eschelle, ou es-  
calier à l'ētree du Ciel, n'y ayant autres adue-  
nuēs que celle là pour le reste du Christianis-  
me. Je ne dois oublier pour la fin remarquer  
soigneusemēt ceste particularité, belle à la ve-  
rité. C'est que le S. Hōme prioit tousiours en  
trouuailāt, & trouuilloit en priāt, ou au moins  
portoit la forme d'un priāt. En luy paroissoit  
une telle allegresse desployee sur sa face au  
beau milieu de ses croix, qu'elle conuioit, & ri-  
roit, avec une douce violēce, le courage de ses  
cōfreres au trouuail, de façon qu'ils monstroiet  
en l'exterieur ne sentir aucune lassitude, bien

S f

que

que plusieurs d'entre-eux fussent fort maigres  
& attenuéz, & luy plus que tout autre.

S. 19.

*Sa patience.*

Et où ce saint Homme se rendoit plus admirable, c'estoit aux dons de force, & de patience, que le saint Esprit luy auoit élargis: pour d'un cœur genereux, soustenir les coups des parties aduerses & cōtraires à son dessein. Comme aux empeschemens qui luy suruindrent au commencement de l'institution de son Ordre, de la part des hommes: comme du Roy de Naples, & du Cardinal de Hongrie son frere, puis des Diables: mais si souuent comme presque tous les iours: quelquefois des deux ensemble. Avec quel courage faisoit il teste à tous ses malheurs? Son esprit ne fut iamais veu alteré, ou lassé, ou fâché, ny pour maladie, vieillesse, voyages, ny pour aucunes choses difficiles, ou le tēps diuers: ny pour quelque incōmodité qui luy aduint. Au contraire, avec un esprit fort & constant, supportoit toutes choses: Cōme aussi il estoit extrememēt patient à supporter les iniures. Car ils ne manquerent gens, ennemis de vertu, qui s'efforçoient l'opprimer par calomnie: comme le Pere Cordelier qui preschoit, & le blasmoit publiquemēt en Chaire, lors qu'il estoit encōres en Italie. Et le medecin de Louys onzième, qui le deschiroit par où il pouuoit, le nommant hypocrite, avec semblables iniures, bien qu'en fin tout retournaist à sa louange. Et qu'il fut en fin recogneu, & aduoué par

la bouche de ses ennemis mesme pour vray seruiteur de Dieu, à l'exemple duquel il rendoit à tous le bien pour le mal: ainsi qu'il pratiqua à l'endroit des soldats enuoyez par le Roy de Naples, pour le prendre prisonnier: & des Docteurs qui allerent expres iusques à son Couuent de Tours, pour tenter & rire de sa simplicité.

## §. 20.

Cela feroit peine de croire à l'esprit ignorant la noble cause qui ait peu produire de si excellents effects, si d'elle mesme ne disoit son nom au seul bruit de ses actions si merueilleuses. Le monde sçait-il pas les forces de l'amour? Cognoist-il pas ce qu'il sçait faire? Mais ignore-il ce que personne ne peut ignorer, toutes les puissances du monde, vnies ensemble, n'estre bastantes pour s'opposer aux moindres desseins de l'amour? L'adiouste de l'amour diuin? Vous auez eu raison en quelque chose, Poëtes, faisans comparaison de l'amour au feu. Mais aduoüez aussi que la similitude manque au rapport principal. Car ou le feu, tel qu'il soit peut estre estouffé par son contraire? il semble que de-là, l'amour diuin en reprenne vigueur. Et que ce qui cause la mort à l'un, apporte la vie à l'autre. Les eaux peuent bien amortir le feu: mais l'amour de Dieu ne reçoit point de diminution pour les peines & les facheries, qui interuiennent pour s'opposer à son dessein. Que si vous desirez que la similitude du feu à l'amour diuin prenne place parmy ce discours: dictes donc que comme le

*So amour  
ceste en-  
uers Dieu.*

feu est le plus actif entre les Eleméts: cōme tel qu'il ne pardonne à chose du monde, qui luy soit présentée, cōsumant tout d'un appetit insatiable: Qu'ainsi l'amour diuin qui possédoit l'ame de ce S. Hōme auoit tellemēt engloury, & deuoré les peines, les fatigues, les austerez: que vous iugez avec raisō cōme incroiable, qu'elles ne luy en sembloient plus, sinon porter l'ombre, ou l'image. Voyez les resolutions amoureuses de S. FRANÇOIS de Paule ioinctes à celle de S. Paul: c'est eela mesme. *Je suis certain, dist l'un, & l'autre, que nyl la mort, nyl la vie, ou les Anges tous ensemble, non pas creature aucune qui soit, aye la puissance de nous separer de l'amour de Dieu.* Comme i'entend parler ce sainct Homme: il se peind dans mon imagination, la ressemblance d'un que ie voy beuuant autant, & tant de fois, sans desalterer: qui diét tousiours, *i'ay soif.* Argument bien certain, qu'il y a vn feu caché là dedans, qui desseiche aussi tost l'humide, qui luy est opposé: à quoy vous prédrez vous raisonnablement, oyant ou voyant les rudes penitences, qui vont croissant avec l'aage de cet homme innocent? sinon à son innocence amoureuse, ou amour innocent: de qui les flammes consumans les rencontres plus contraires, dressoient incessamment leur fin pyramidale vers le Ciel. Car l'amour de Dieu, de qui les vifs flambeaux ayans vne fois allumé les endroiets plus glacez de nostre cœur, *nous fait perpetuellement soupirer*, a dit ce grand Apostre, *avec des regrets inenarrables*: donnoit les mesmes atteintes dans celuy de ce sainct Homme,

Homme,

Homme, pour desirer, non point ces entre-  
tiens du monde, qui repaissent les ames d'un  
ombre de contentement: non son amour: du-  
quel les douceurs dont il les delicate, se tour-  
nent en amertumes insupportables: Moins sa  
felicité imaginaire, qui se change infaillible-  
ment en un effect veritable de douleur. Si biẽ  
apres quelque autre chose de plus accomply,  
qui ne peut estre que Dieu seul. Si le loisir le  
vous permet, arrestez-vous, & contemplez ce  
S. Hõme en ses œuvres du iour; en son repos la  
nuict; au parler, au silẽce, en l'oraison, dehors  
en particulier: en public: sous quelque consi-  
deration que ce soit: vous ne remarquerez en  
luy qu'amour, & amour de Dieu, comme si  
son cœur eust esté perpetuellement fiché sur  
ceste sentence, digne d'un tel Apostre: *Quand  
bien i' auray toute la foy, de maniere qu'il soit en  
mon pouuoir transporter les montagnes de lieu à  
autre, & ie n'ay point la Charité, ie ne suis rien.*  
Il s'estoit persuadé son ame estre l'Autel si es-  
troictement recommandé en la loy, pour y  
entretenir dessus le feu sacré de l'amour: &  
pour iamais aussi. Comme ce que l'on iette dãs  
un feu, se conuertit en feu, de mesme ce S.  
Homme, pour les longues pratiques qu'il  
auoit avec Dieu, estoit si fort embrasé de l'a-  
mour diuin, que sa profonde humilité pen-  
sant en contenir les flammes secrettes, ceste  
ardeur violente du Ciel, qui le brusloit n'ay-  
ant d'air pour respirer que celuy de ses souf-  
pirs, faisoit qu'en toutes ses œuvres & paro-  
les il auoit ces mots fort communs à la bou-  
che: *Par charité, allons par charité: faisons par*

*charité.* Et les effects suiuiroient les paroles. Je n'aurois iamais acheué si ie continuois tirer ce discours à la longueur de semblables paroles, & actions. Lesquelles toutes ie contemple en guise de petites flammesches sortir, & s'esleuer de ce brazier. Que s'il a esté autrefois loisible à vn saint Hierosime admirer l'amour de S. Iean l'Euangeliste, & concludant à sa faueur luy adiuger la preface par-dessus celuy de ses compagnons, pour cause qu'à tout propos il disoit à ses disciples: *Mes enfans ayez vous les uns les autres* : Je laisse iuge qui voudra se seruir de la raison pour prononcer hardiment, ce qui luy semblera entre les autres Saints & amis de Dieu, de celuy duquel toutes les paroles, ne sont qu'amour, ou naissent de l'amour, puis qu'il faut aduoüer sans contredit, que la bouche parle de l'abondance du cœur. Si que comme és armées rangees en champ de bataille, les Capitaines & soldats, pour recognoistre ceux de leur parti, parmi les troupes ennemies, pendant la messee du combat, ils se disent vn certain mot qu'ils nomment (*mot du Guet.*) Ce bon Pere, ordonné chef d'un Religieux esquadron, en l'armée du Dieu des batailles, pour se faire recognoistre avec les siens, és rencontres, vsoit ordinairement de ce mot *par charité*. Recommandant par son exemple le semblable à ceux, qui combattent sous son drapeau, & enseigne, dresser leurs conceptions, discours, & œuvres, à l'amour de Dieu, & du prochain. Et si l'honneur que la fin recueille de toutes choses est si grand, qu'elle se faict rendre hommage par toutes  
les

les actions des creatures, particulièrement des raisonnables qui comme humbles seruantes courent, trottent, & trauaillent, pour la fin où elles tendent, comme bien dignement employées au seruice de leur maistresse. Je ne demanderois loüange plus grande pour apprecier iustement la charité du sainct Homme, à laquelle toutes ses actions vertueuses (il n'y en auoit point d'autres) visoient droit, comme à vn but ou blanc proposé. Cela leue l'estonnement de tant de miracles qu'il faisoit en l'element du feu. Dieu en auoit ainsi disposé à dessein, pour faire voir au monde le sacré Symbole de l'amour diuin: & puis des œuvres diuinement amoureuses, & amoureusement diuines de nostre S. Homme. Si en fin la perfection prend ses mesures sur ceste vertu, cōme sur son droit niueau. Car ainsi le dit cet Apostre: *Que la charité est la fin du precepte*. Je dis des conseils, & preceptes. Combien grande aura esté la perfection de celuy qui a esté formé & transformé d'un si parfait amour? Le iugement en est donné, mais à huis clos, où les Iuges, ie dis Dieu, & ses Saincts, avec les Anges, ont assisté: qui nous en reseruent l'entiere cognoissance au iour, qui nous bien-heurera, & honorera de leurs veuës, & presences.

## §. 21.

Ce que nous y admirons le plus à present pour & en faueur de ceste vertu, comme des autres ja declarees, & à declarer, est le dō singulier de sa perseuerance en si saincts & si au-

*Sa perseuerance.*

Sc 4.

steres

steres exercices , & vn si lōg temps. Ce deuotieux Pere, auoit bien raison d'admirer, & dire ensemble: *qu'il y a vne eſpece de martyr en la vie religieuſe, plus doux, à la verité, & moins horrible; que celui par lequel les membres ſont tranchés, & deſcouppés en piéces: mais plus difficile à porter neantmoins, pour la longueur & durée de la vie.* Car la vie du S. Homme (choſe admirable) fut touſiours d'vne meſme maniere: & ce qu'il eſleut dès ſa ieuneſſe, il l obſerua fort eſtroitement, iuſqu'à la derniere periode de ſa vie. Choſe ſur toutes, qui donne luſtre, mais qui couronne les exercices Chreſtiens & Religieux. A raiſon de quoy il conclud le premier Chapitre de ſa regle, par ces termes *Que tous les freres de cet Ordre des Minimes, promettent viure perſeuerãment, ſoubs les Vœux de Pauvreté, Chaſteté, Obedience, & de la vie quadrageſimale: & qu'ils ne ſe retirent iamais, de ceſte vie & Regle: ſe ſouuenants que c'eſt en vain qu'un bien eſt commencé, ſ'il eſt delaiſſé auant la fin de la vie: & que la couronne ſe donne ſeulement à ceux qui perſeuerent.*

## S. 22.

Mais où ſuis-ie? que fais-ie? que trace ma plume à la veüe de ſi grãde quantité d'eſprits, qui doüez de lectures: qui de l'onction: & les autres des deux enſemble: l'oſe expoſer des fragmens de la perfection du ſainct Homme admiree par les hommes & honoree des Anges, au danger d'obſcurcir pluſtoſt, qu'égayer les couleurs de ceſte belle image marquee, d'un



d'un pinceau si grossier, que le mien. Je me tais donc, & arreste le vol trop léger de ma plume, pour n'offencer au lieu de rendre le service, que son zele moins discret eut par trop requis. Elle se contentera dorénavant imiter l'Escrivain, qui encloist toute l'Iliade d'Homere, en un petit papier, enfermé dans une coquille de noix. Ou comme les superbes bastimés, peuvent bien naïvement estre representez dans une petite glace & miroir. Elle veut ainsi en une periode racourcie, dire ce qu'elle pense, & penser ce qui en est. Qu'on range par ordre les vertus de la foy, d'une esperance, de simplicité, de pauvreté, d'humilité, de patience, obéissance, hospitalité, mansuetude, du zele, d'austerité de vie, de charité: qu'on enfile une chaîne de toutes les vertus, qui peuvent perfectionner une ame. Que ces vertus là soient representees avec les plus viues couleurs, & qui plus releuent sa peinture aux yeux de l'entendement: sans doute vous voyez IESVS-CHRIST Dieu & homme: & puis sa vive image *un homme divin*: un saint FRANÇOIS de PAVLE; comme unique, & incomparable miroir, representant les perfections diuines, lesquelles comme elles sont reserrees dans son ame, comme dans un riche cabinet, seroient peut estre moins creües des uns, & peu estimees des autres: qui ensemble portent également un esprit animal, grossier, & moins spirituel, qui puisse penetrer si auant pour discourir des perfections si internes. Je me proportionneray d'oc à leur bassesse & infirmité, pour leur faire voir, ce qui ne peut qui ne soit

*Fin de la  
grace gra-  
tifiante &  
de la gra-  
tuite.*

*Les graces  
gratuites  
en S. François &  
cel-  
le de sa-  
pience &  
science.*

*Celle de  
la Foy.*

ne soit veu, sinon par ceux, qui ne voudroient le voir avec le reste du monde. Ce sont les effets de la grace gratuite, qui le font grandement admirer : Comme les Sciences, Operations des miracles, la Sapience, la Prophetie, l'interpretation des Escritures : & quelque chose comme cela . Ce que iusques icy a esté representé, estce que la Theologie fondee sur la parole de l'Apostre des Gentils, ou de Dieu, par sa bouche & sa plume, nomme *grace gratifiante*, qui a pour but, de rendre l'homme bõ, & de la parfaire en foy, l'éleuant d'un degré plus haut, que celuy qu'il possède par le droit de nature. Mais la grace gratuite ne vise principalement qu'au bien & vtilité des autres. C'estoit aussi l'vsage que le saint Homme luy donnoit : comme Dieu l'en auoit merueilleusement gratifié . Dites-vous pas la sapience estre vne vertu diuine, avec la science, qui la suit de pres, possedees toutes deux, sans estude ou artifice? S. FRANÇOIS de Paule n'a iamais étudié, & sçait tout . Son ignorance enseignoit les plus doctes, & les deuançoit par toutes conférences, voire des plus difficiles. Croit-on que la foy soit un don de Dieu pour donner à la foible nature la force du Tout puissant : transportant les montagnes de lieu à autre, & se faisant obeyr par les creatures insensibles & inanimées ? Comme quoy appelez vous saint FRANÇOIS de Paule, qui avec la parole remuë, arreste, aduance les pierres, les arbres, les rochers, les montagnes ? Veut-on dire qu'il n'appartient qu'à Dieu faire les œuvres par-dessus les loix prescrites à la nature, ce que

ce que nous appellons ordinairement *Miracles*? Dictes, dictes, & hardiment : guerir des fièvres, pestes, forcelleries, phrenesies, lethargies, escrouëlles, folies, rages, hydropisies, paralyties, mal caduc, & perclusion de membres: Dictes, di-je, encore vn coup : c'est la verité mesme que ce sont les exercices, & esbats ordinaires de S. FRANÇOIS de Pavle. On l'a veu souventesfois guerir les lunatiques, chasser les malins esprits des corps des personnes, faire marcher droit les boiteux, illuminer les aveugles, ressusciter les morts, cheminer sur les eaux, & d'une mer tempestueuse; toucher le feu sans lesion : comme il manioit indifferemment les serpens venimeux, en guise des autres creatures, qui ne sont point nuisibles. Il multiplioit les pains, les poissons, le vin & autres viandes. Il commandoit aux elemens. En vn mot, il se ioüoit de toutes les creatures, lors, & comme bõ luy sembloit. Car ses mains ne sembloient estre faictes que pour s'employer aux miracles: comme ses pieds à le porter seulement aux lieux choisis pour les assignations du ciel. L'harmonie des Anges, où plusieurs fois il s'est retrouvée, ratifioit ses merueilles: & sa vie merueilleuse a esté autétiquement tesmoignée par vn nombre infiny de personnes, de toutes qualitez & condition: qui en ont senty, à l'honneur de Dieu, & de son saint les effects & assistances memorables, en leur extrêmes necessitez, en toutes sortes de maladies incurables, & en leurs plus poignantes afflictions. Bref discourez à part vous, sur tous les autres effects de la grace

Celle des miracles.

gra-

gratuite; soit de la Prophetie : soit de la discretion des esprits ; soit des vertus à operer choses surnaturelles : soit des langues : vous iugerez sainement que ce sainct Homme est vn magazin où se retrouuent toutes ces perfections.

## S. 23.

Mais ie ne puis me satisfaire de ces graces, qui sont communes aux hommes, que Dieu choisit ordinairement pour le service particulier de son Eglise: puis que la diuine Bonté l'a honoré d'un ministere plus qu'humain ; Angelique. La Theologie fait distinction des Anges, nommant les vns *assistans*, & les autres *seruans*. Le ministere des *assistans* est contempler Dieu, de l'aimer, l'adorer, sans iamais partir de sa presence. Vous avez ia remarqué ceste grace en sainct FRANÇOIS de Paule par le moyen de sa charité, qui l'unifesoit comme par vn lieu indissoluble avec Dieu. L'office des Anges ministrans, ie dis des plus grands, est d'auoir le soing de l'administration des Prouinces, & Royaumes: comme les moindres entre eux son chargez du gouvernement des hommes : de chacun en particulier. Daniel nomme l'un deux, *Prince du Royaume des Perses*, l'autre *le Prince des Grecs*: & sainct Michel, *un grand Prince*. Ce ministere a encores esté commis à cét homme Angelique sainct FRANÇOIS de Paule, pour estre gouverneur General pour Dieu en l'Italie, & specialement, comme son vice Roy au Royaume

S. François  
Patron  
religieux de  
l'Italie &  
de la Frä-  
ce.

Royaume de France. Ne vous estonnez pas, si i'appelle vn simple Religieux Patron tuteur de la Frâce : Car Dieu de tout temps en a choisi quelques-vns entre les Ecclesiastiques, sur la pieté desquels il a fondé, basty & bien-heuré les plus fameuses Monarchies de l'vniuers. C'a esté la saincteté de Moyse qui a ietté les premiers fondemens de la republique Iuifue. L'innocence de Samuel l'a honorée de sceptre & couronnée par l'onction de Saül, & puis de Dauid. Les bons aduis de Nathan le Prophete l'ont enrichie de la Sapience de Salomon : persuadant au Roy le preferer à ses autres freres. C'est le grád Prestre Ioiadas qui conferue cét estat : sauuant la vie au petit Roy *Ios*, qu'il desroba d'entre les mains sanglâtes d'Athalia. Dieu en fin met cét estat entre les mains du Prophete Hieremie, pour en faire à sa volonté, aussi hardimét, que le potier manie son argile, pour luy dōner telle forme, qui luy agreéra. *Voicy dit nostre Dieu à ce Prophete, que ie t'ay mis sur les nations & les Royaumes : afin que tu arrache, ruyne, perde, dissipe, que tu edifie, & plante.* Voicy quelque chose de semblable en la France. Sa Monarchie n'a point de lustre, qu'apres la conuersion, & Baptesme du Roy Clouis. Le tout aduancé par les diligences : & pieté de S. Remy Archeuesque de Rheims : qui par ses prieres obtint au Roy vne si signalée victoire contre les Arriens heretiques, ennemis de la Religion, & de l'estat. C'a esté le Pape Leon III. qui a honoré la Frâce du tiltred Empire en la persōne de sō Roy Charlemagne. Les pas & prieres de ce vray Religieux

Religieux saint Bernard , ont guarenty ce Royaume affligé de guerres , de schismes , d'heresies, qui l'accabloient du téps de Louys le Gros, & de son fils. Les bons offices, pour le dire succinctement , des Ordres mendiants, & autres maisons Regulieres luy ont , apres la grace de Dieu, des plus contribué à la conseruation de la Religion Catholique . Et qui a conserué de nostre temps, qui a faict fleurir ce Royaume, que les bons aduis, les prieres plus saintes, & tresgrâds merites de saint FRANÇOIS de Paule? C'est à ces fins que Dieu, par l'étre mise de Louys onziésime, l'enuoye chercher au fond de la Calabre & l'emmeine au cœur de la France: afin que S. FRANÇOIS seruit aux François de Phare, & de flambeau pour les adresser au chemin de la vertu : Il seme la paix par son entree dans vn Royaume si fort troublé, par le peu d'intelligence du Prince, avec ses vassaux. Il obtiét repentance pour ce Prince & le porte à la penitence . Il conduit son fils successeur legitime à la couronne , par le milieu de l'Italie & de ses ennemis, iusques aux entrailles Neapolitaines. Mais si miraculeusement, que c'est le miracle mesme. Il a obtenu du Ciel les enfans, qui depuis ont commandé à ceste Monarchie. Il donne encores de mesme, les Princes & Princesses, desquels l'ame, & le corps disent en silence quelque perfection du Ciel. Il est vray donc , qu'en consideration de ces graces, & comme vne infinité de semblables, que la France reçoit & a receu , par les faueurs , & merites de ce saint Homme, on le peut raisonnablement nômer

*l'Ange,*

*l'Ange, ou Archange des François* : comme député de Dieu, pour les maintenir & conseruer en vne paisible possession de toutes les graces, & priuileges, desquels le Ciel a tousiours fauorisé la Monarchie Françoisse. Et non seulement la France : mais toute la Chrestienté à partagé au bon-heur, des merites, & prieres de ce saint Homme. Qui estoit à vray dire le refuge & asile de tout le monde, qui pouuoit bien dire avec autant de raison, que le saint Patriarche: *I'ay esté la consolation des affligez: la santé des malades: l'œil des auengles: la parole des muets: & la vie des morts*. Ouy les viuans, & les trespassez: grands, & petits: presens, & absens rendront tesmoignage en faueur de ceste verité: s'ils estoient icy euoquez pour en parler en conscience. Aussi ie le compare ordinairement à vn grand brazier allumé en plein hyuer, au milieu d'une grande place, d'as quelquel ville populeuse : où vous voyez les pauvres courir à foule, pour s'y eschauffer. Ou si mieux aymez: il estoit, & seruoit au monde en guise de cet arbre merueilleux, qui se retrouve en l'Isle de Fer, (vne des Canaries autrement dictes Isles fortunées) où il n'y a puits, fontaines, ou riuieres, ny eau quelconque, sinon celle qui degoutte, mais avec quantité, des fueilles de cet arbre, lequel seul fournit à la necessité des animaux, & des hommes: des riches, & des pauvres: des grands & des petits: & de tous les animaux en general, sans en excepter. Tel estoit vn S. FRANÇOIS de Paule en la grande place de ce monde: à qui tous les pauvres, les affligez, les miserables auoient leur

*S. François  
le refuge  
des humains.*

leur recours, & secours: aduoüans tous par vne action commune, qu'ils recognoissoient en cet homme, vne particuliere image de la Diuinité: le propre de laquelle est d'ouurer tousiours les mains, & verser sans cesse vne fontaine de benedictions, pour soulager les infirmitéz des pauvres mortels.

## S. 24.

Et bien qu'on iuge maintenant: si nous auons pas raison croire S. FRANÇOIS de Paule, vn tableau racourcy des infinies perfections d'une Diuinité. Vn iour Appelles le premier peintre du monde, entré qu'il fut en la boutique de Protogenes (c estoit vn autre peintre) en son absence il prend le pinceau, & tire vne ligne sus vn tableau préparé. Protogenes estant de retour, & aduisant ce trait de pinceau il l'admire: non toutesfois si fort, qu'il se persuadast estre fort d'une main si hardie: iusques à ce qu'une autresfois encores en son absence, Appelles prenant le pinceau, pourtrait vne ligne si deliée, que Protogenes retournant, sans s'informer autrement: *Pour le certain, ce dit-il, Appelles est venu icy. Car il n'y a que luy, qui puisse paruenir iusques à une si grande perfection de nostre art.* En la grande boutique de ce monde, autant d'hommes, ce sont autat de tableaux, où nous remarquons quelques beaux traits du saint Esprit, en leurs vertus particulieres. Mais celles qui se voyent en l'ame de saint FRANÇOIS de Paule font croire, pour le certain, qu'Appelles a mis la  
main



main au pinceau: & y a employé tant d'industrie, qu'à la première veüe du tableau, on remarque aussi-tost l'Aucteur: & la presence de S. FRANÇOIS de Paule d'one ensemble la connoissance de Dieu. Que S. Hierosme louage tât qu'il voudra ces premiers Hermites, qui ont peuplé les solitudes. Ce sera avec raison qu'il les dira des Anges, qui viuēt en la chair. Nous aurons autât de raison recognoistre S. FRANÇOIS de Paule, pour Ange: ou bien vn homme Angelique, ou mesme Diuin. Cet œuvre à *Epilogue.* prins là son origine: le progresz, & la fin s'y rapporteront: & qui ne seruiront à autre chose, que pour faire voir vne ame, sur laquelle Dieu s'est luy-mesme dépeint, si naïfvement bien, qu'il ne sembloit pas voir vn homme en sainct FRANÇOIS de Paule: mais vn hōme en Dieu, ou Dieu en vn homme. Si qu'il pouuoit dire avec la mesme verité que S. Paul: *Je vis, mais non pas moy, c'est IESVS-CHRIST qui vit en moy.* Qu'on lise, & remarque tout ensemble les dictz & faictz de IESVS-CHRIST: qu'ō face le semblable de ceux de S. FRANÇOIS de Paule: on le prendra sans faillir, pour vray Disciple de son Maistre: pour fils legitime de son pere celeste: pour vif pourtraict de son prototype, & exemplaire, de IESVS-CHRIST: pour la viuē image de Dieu. C'est pour epiloguer & fermer le discours. Il n'y a œuvre miraculeux entre ceux que l'humaine ignorance admire le plus, qu'il n'en soit party quelque vn des mains du biē-heureux S. FRANÇOIS de Paule, & de ceux là mesme que le fils de Dieu a aduertty son Eglise, deuoir estre faictz plus grands que les

siens, par ceux qui croyroient en luy. Si pour la grace gratifiante, son ame paroist reuestuë de ce riche accoustrement tout pourfilé d'or, & enrichy d'une diuersité de broderies: c'est la Charité, avec les autres vertus, que le Psalmiste veut estre entendues. Car pour la grace consommée, ou gloire des bien-heureux, ce luy a esté vn droit recognu par l'Eglise pour si iustement acquis: qu'auant mesme sa Canonization, faicte sollemnellement par le S. Pere Leon dixième, assisté du sacré College des Cardinaux, douze ans apres le trespas du S. Homme: c'est à dire pendant le temps, que l'Illustissime Cardinal *Sancti quatro Coronati* par toute l'Italie: & le Reuerendissime Euesque de Paris au Royaume de France, en vertu d'un Breuet Apostolique, suiuant la louable coustume de l'Eglise, en choses semblables: informoient de sa vie, & miracles: lesquels Dieu auoit operé par luy, soit deuant comme apres sa mort. Aussi-tost, dis-ie, que sa bië-heureuse ame fut separée du corps, pour asseürace que l'Eglise auoit ja de sa Beatitude: elle permit esleuer son effigie ou image, luy adresser publiquement ses vœux & suffrages, & faire cômémoration d'iceluy és Offices de Vespres & Matines, par toutes les Eglises de son Ordre. Quât au degré de ceste Beatitude, où il est monté dans le Ciel: i'en parle aussi sobremēt que moins i'en ay gousté. La mesure donc se prendra sur l'aune de son humilité, puis que nostre Sauueur & Redempteur IESVS CHRIST en a donné le iugement, que: *Quiconque s'humiliera sera exalté*. Le nom, l'habit, les pées, les paroles, & les œuures du bien-heureux saint

FRANÇOIS de Paule n'ont esté qu'humilité sur terre, est-il pas vray? Il suit nécessairement que tout S. FRANÇOIS de Paule n'est que gloire au Ciel. C'a esté lors qu'il a receu les dernières couleurs, qui luy font à iamais représenter vivement l'image de Dieu pour estre parfait comme son pere celeste est parfait. Et pouoir dire apres l'Apostre S. Paul, à vn chacun de nous autres: *Soyez imitateurs de mes vertus, comme moy de celles de Iesus-Christ.*

## S. 25.

C'est vne des raisons entre les autres pour quoy dieu a fait vn choix si particulier de ces hommes, qu'il a enrichie du plus beau, & plus riche qui se retrouuast dans le Ciel. C'est le sujet pourquoy l'Eglise les nous représente avec loisir de les contempler, par les iours entiers. & qu'elle leur consacre. C'est aussi la veüe du discours, aboutir par la mesme intentiõ, pour nous dresser vn modèle des vertus & perfections de nos semblables en la nature; afin de redresser nos pas esgarez, par la dissemblance de la vie: & que marchant à l'aduenir sur leur pas, nous adorions d'un zeile deuotieux, l'ombre mesme de leurs vertus. Lesquelles ont bien cét aduantage, que ie le puis parangõner avec la lumiere, qui esclatte d'un Soleil: avec l'odeur que le baume, & les fleurs espendent doucement parmy l'air: à la beauté qu'une glace, bien polie, renuoye par reflection à son auteur. Ouy la vertu a des clartez plus viues, que celles des yeux du soleil, qui se respendent sur les nostres: Passent dans l'ame, ou dissipans

Toutes autres lumieres, elles sont comme adorées. Elle porte avec soy la vraye pomme de senteur qui parfume les discours, les veuës, les rencôtres de sa cōuersation. Et pédant qu'un esprit s'égaye doucement à la cōtempler avec affection, ses rayons donnent si viuement dās la veuë de l'ame, que les marques bien souuēt y demeurent grauees pour iamais. C'a esté vne sētēce digne de la bouche d'un diuin Philosophe: que, *Si la beauté d'une ame vertueuse pouuoit estre vne des yeux corporels, elle pourroit enflammer de son amour les cœurs des homes: mais de flāmes si chaudes, & qui ensemble brusleroient si doucemēt, qu'on les souhaitteroit eternelles.* Que pouuōs nous penser maintenāt de l'ame de S. FRANÇOIS de Paule. Ou bien (car il semble que ce ne soit qu'un) que dirons nous de la vertu Chrestienne, non atifée de graces imparfaites, & payennes; ains enrichie & embellie des dōs īspirituels, & de la grace diuine? Sinon qu'une personne bien touchée & rauie d'une si esclatante maiesté, se representant ses perfections, & les voyāt au vif, par le miroir de sa foible imaginatiō, s'enlace tellement es rets d'une sainte affectiō, qu'il luy semble, ne luy estre plus possible respirer que la vertu. Si, qu'il sēble que ces belles parties vsurpent un pouuoir, cōme absolu, sur vne ame: desquelles elle se sert pour conseruer son Empire, sur les mouuemens de la volonté. Lors que le valeureux Achilles, avec les troupes Gregeoises descēdoiet avec leurs vaisseaux pour assieger la ville capitale d'Asie, Troye: le Roy Priam estoit sur vne des tours de la porte assisté des  
 Prin-

Princes, & de sa Noblesse. Mais qui faisoient mine d'un invincible courage, tous regardas aborder ceste flotte. Sur l'autre tour paroissoit ceste belle Helene au milieu de ses dames, & damoiselles. Achilles à la premiere veüe de ces forces & forteresses, fort estonné minutoit dans son esprit, & presque concludoit le retour avec les siens: lors qu'aduisant la beauté d'Helene se tournât, releue le courage des soldats à demy abbatu de crainte, & frayeur, avec ces paroles: *Courage enfans, c'est icy un combat trop heureux, qui est entrepris pour une si grande beauté.* Ce fut une pareille resolution que print l'armée de Holoernes, ayant auisagé la beauté d'une Iudith. *Qui ne voudroit, ce disoient ils, combattre maintenant contre les Israelites, qui ont de si belles femmes?* Ce sont encores les conclusions des esprits perdus dans la vanité du monde, de ceux qui suivent trop obstinément les banneroles de sa folie, de ceux là en fin, de qui le seul malheur triomphe, les trouvant enveloppez des rets d'une belle (disent-ils) servitude: mais indigne du tout de la liberté Chrestienne. Qui permettent bien à ceste manie naturelle de l'amour mondain, les conduire au tombeau, ensevelis de mille, & mille, & autât de vaines esperances, qu'il leur donnoit, de nager en fleuve de delices, lors qu'il les fait perir malheureusement en une mer de calamitez. Et que ne feroit donc une ame, si elle tournoit visage vers les beautez de la vertu, qui luy dit, d'un seul regard, respirer aussi delicieusement ses perfections, que peniblement le monde va souspirer pour des beautez imaginées? Les plaisirs de la con-

ditiō vertueuse estre si doux, & si dignes d'é-  
 uie, que la pitié n'est mieux éployée, que pour  
 ceux qui s'estiment les plus contens ailleurs.  
 Qu'elle a, c'est la verité, des sentiers vn peu  
 estroits, surfemez de cailloux, de croix, & d'es-  
 pines picquâtes mais au reste qui blessēt d'vne  
 playe si agreable, que l'ô en fuit le remede: puis  
 que l'amour de Dieu faict cueillir ses fleurs au  
 milieu des rôces, & espines. L'histoire prophane  
 nous veut persuader que le Philosophe  
 Cleombrotus, apres auoir seulemēt leu le Ti-  
 mée de Platon, où il dispute de l'immortalité  
 de l'ame & des miseres, fideles cōpagnes de la  
 vie presente: fut tellement persuadé, que sans  
 attendre l'heure de sa mort naturelle, se preci-  
 pita de haut en bas d'vn rocher dans la mer,  
 pour iouir de la vie future, qu'il s'estoit figu-  
 rée par vne seule opinion. Nous oyons icy, &  
 quasi voyôs, tât la memoire en est fraiche, la  
 beauté de la vertu, dépeinte de routes ses cou-  
 leurs en la vie, & conuersatiō de S. FRANÇOIS  
 de Paule. Nous en croyons le doux repos par  
 l'eternelle recōpense, & le gage bien-heureux  
 de sa fidelité, qu'il a receu pour iamais. L'escrit-  
 ture sainte, qui est la mesme parole de Dieu,  
 pleige la vertu pour les deux, qui nous enton-  
 ne doucement aux aureilles, & par sa bouche,  
 & par celuy des exemples de nos Saints, ces  
 diuines paroles, desquelles la desobeissance  
 semble estre le mesme sacrilege:

*Pendant, ce dit elle, que la diuine Bôté  
 vous souffre patiēmēt iouir des clartés du  
 Soleil: faites vn salutaire eschange des  
 iours,*

*iours employez à vos delices, autēps de  
 vostre cōuersiō. Reprenez entieremēt le  
 pouuoir que vous auez perdu sur vo<sup>r</sup> mes-  
 mes, arrachez le d'ētre les mains de vostre  
 sēsualité, & le rēdez à la raison. Tournez  
 visage vers les plaisirs du Ciel. Vous sou-  
 uienne combiē y a, que l'infinie misericor-  
 de de Dieu, au fort mesme de vos passions  
 dānables, heurte à la porte de vostre cœur,  
 & que sa grace, avec vn langage muet,  
 sollicite vostre ame de luy faire seruice.  
 Que doreśnauāt vos pēsees changēt d'ob-  
 iect, que vos yeux s'ouurēt, mais à la cog-  
 noissance de vostre erreur. Et puis que  
 Dieu n'a voulu vous surprendre à la  
 course de vostre folie, ou ieunesse, par la  
 grace d'un patient delay, pour fauoriser  
 vostre repentir : Protestés donc pour  
 vne humble recognoissance, que la vie  
 ne vous est plus chere, sinon pour la luy  
 cōseruer à tel vsage quē bon luy semblera.  
 Que si le souuenir du monde appelle de  
 vostre resolution, & par ses importuni-  
 tez y veuille interiecter quelque diuorce:  
 laissez*

laissez faire à l'amour Diuin, qui allumé dans vostre ame cōsumera les difficultez, aussi facilement & habilemēt que la paille, ou l'estoupe, au seul flairer du feu naturel. C'est le cōtētement qu'il promet, & s'en acquitte vers ceux qui fleschissent leur cœur, sous les saintes Loix de son pouuoir. C'est le Ciel vrayement qui faict en vous vne si belle conquēste. Ne laissez donc les Saints seuls entreprenans le chemin du Ciel. Voulez voulez estre d'un si glorieux voyage. Triomphez de vos actiōs prophanes, & en sacrifiez les cendres au diuin amour. Faiētes cet aduantageux eschange des myrtes flestries de ce siecle, à la verdure des palmes celestes, Afin que vos ames esclaircies, par le pinceau de la vertu, reprenās leur premiere beauté, suruiuans ses ruines corporelles, elles passent dans l'immortalité, entre les Anges, en la compagnie des Saints; à la visiō bienheureuse du grand Dieu: de qui elles portent l'image.


F I N.











1800  
1800  
1800

1800  
1800  
1800

1800  
1800  
1800

1800  
1800  
1800